

رواية مزرعة الدموع بقلم بنوتة أسمرة

رواية مزرعة الدموع روايتي الأولى

مقدمة

القلب دائم البحث عمن يسكن فيه ويعمره ويزرع به أزهار الحب والألفة والسرور, كالبيت الفارغ فهو بلا ساكن بلا حياة وبلا حراك, لا تضاء به أنوار ولا تجد به استقرار, إلا بوجود الساكن الأمين, الذي يعشق الألفة والحنين

فيتأثر البيت إن فقده فلا ترى ضوءاً يشق ظلماته, ولا عطراً يفوح بجنباته فتبكيه الجدر والأبواب بعد أن كان ساكنه جزءاً أصيلاً يملأ فضاءه الواسع, وهكذا القلب الساكن بلا حراك منعزل عن الجوارح والأعضاء, لا يشعر به جيرانه من هذه الأعضاء إلا بوجود ذلك الساكن الأمين فيضئ به النور فيبعث عليهم السرور, فيتزاورون ويلتقون ويباركون لجارهم الحبيب, هنيئاً لك الساكن القريب, فيتعاهدون جميعاً مع القلب على اسعاده حتى يأنس الساكن بوداده.

داعبت النسمات الناعمة شعر "ياسمين", كانت ملامحها الهادئة الساكنة تشير الى استغراقها فى النوم فلم تسمع والدتها "سمية" وهي تفتح نافذة حجرتها التي تسللت منها تلك النسمات اقتربت الأم من فراشها, فأخذت تداعب شعيراتها السوداء المتساقطة على جبينها في رقة ونادتها بنبرة حانية

یاسمین" .. "یاسمین" قومی یا بنتی أبوكی نزل" -وفتحت عینیها فی بطء وارتسمت ابتسامة صغیرة علی شفتیها تململت "یاسمین" فی فراشها

: ونظرت الى أمها قائلة

ماما ... صباح الخير يا ست الكل ـ

صباح الفل يا حبيبتى .. قومى أبوكى نزل يصلي الجمعة .. بلا عشان نشوف اللى ورانا - وطبعت قبلة على وجنتة أمها الغطاء الذى تدثرت به ونهضت فى تكاسل "ياسمين" أزاحت حاضر يا قمر .. هدخل الحمام وآجي أشوف هنعمل ايه -

أنا هدخل المطبخ أبدأ في تحضير الغدا وانتى يا حبيبتى عليكي التنضيف زى كل جمعة .. يلا ـ قبل ما أبوكى يرجع .. انتى عارفه ما بيحبش يرجع يلاقي البيت مكركب شهلى أوام

: بجوار فراشها والتفتت الى أمها قائلة نظرت ''ياسمين'' الى الفراش الفارغ الموجود أمال فين ''ريهام'' ؟ _

عارفة اتأخرت ليه نزلت تجيب شوية طلبات .. أنا ـ

دخلت "ياسمين" الحمام وتوضأت وصلت ركعتي الضحى وشرعت في مساعدة والدتها فيما . اعتادت أن تقوم به من أعمال

كانت "ياسمين" ابنة لأسرة متوسطة الحال أو أقل من المتوسطة بقليل, من تلك الأسر التي يملكون من حطام الدنيا إلا هذا لا عايشين مستورين), والدها موظف على المعاش) نقول عنها الأحياء البسيطة ب البيت الذي يأويهم والذي يقع في أحد

البيوت المصرية من هذه الطبقة, سيدة القاهرة, أمها من تلكم الأمهات اللاتي تراهن في معظم تراعي ربها في بيتها وزوجها وبناتها على أكمل وجه, طيبة لم تنل حظها من التعليم لكنها لدى "ياسمين" شقيقة واحدة تصغرها بـ 4 أعوام, سيدة حانية تجمع بين الطيبة والبساطة. تدرس في السنة الأخيرة بكلية تجارة جامعة عين شمس

منذ أن أما "ياسمين" فكانت في ال السادسة والعشرون من عمرها طبيبة بيطرية لا تعمل يطمح اليه والدهما الذى تخرجت, نجحت البنتان في نيل حظ وافر من التعليم, فكان هذا هو ما يجلس عليه عادة , كم يشعر بالفخر لأنه يفتخر بهما كلما اجتمع بأصدقائه على المقهى الذى لديه ابنتان كانتا سبب فخره دائماً ليس بتعليمهما فحسب بل بالرغم من مستواه المتواضع إلا أنه . أيضاً وتربيتهما وأخلاقهما بأدبهما

"ريهام" العين السحرية ثم فتحت الباب لأختها جرس الباب فنظرت "ياسمين" من رن

طبعا "ريهام" هانم هربانه على الصبح من شغل البيت ـ

يا باي على الظلم .. كنت بجيب حاجات ماما طلباها ـ

طيب , يلا يا حلوة شوفى ماما في المطبخ ساعديها -

من غير ما تقولي كنت داخللها ـ

ريهام" على وفاق دائماً ويحبان مشاكسة بعضهما البعض والمزاح" كانت"ياسمين" و والضحك وساعد على ذلك تقارب سنهما وفى وقت الغداء التف الجميع حول طاولة الطعام وشرعوا في تناول طعامهم واشتركوا في : "عبد الحميد" رب الأسرة الحديث والمزاح, ثم بعد فترة قال

"النهاردة جه عريس لـ "ياسمين ـ

المواضيع أمامها احمرت وجنتا "ياسمين" بشدة, فهذه هي المرة الأولى التي يتم فتح مثل هذه والدها الذى تقدره وتحترمه كثيراً, فقد كانت تتسم دائماً بالخجل والهدوء خاصة في الحديث مع الأم "سمية": بجد يا "عبد الحميد", طيب هو مين ؟ وقالك ايه ؟

بجد .. أخيراً حد عبرك ايه ده : بمزاح "ريهام"

لم تستطع " ياسمين" الجلوس أكثير فنهضت بسرعة

سمية": ايه يا بنتى مش هتكملى أكلك"

یاسمین": شبعت یا ماما"

دخلت مسرعة الى غرفتها ونظرت الى وجنتيها الحمراوان فى المرآة, وشعرت بدقات قلبها ترى شافني فين ؟ وعرفني منين ؟ يا ترى ليه اخترنى أنا تتسارع وتساءلت فى نفسها (يا (بالذات ؟

الى كانت " ياسمين" طوال سنين دراستها الجامعية ترفض تماماً الإختلاط بالشباب والإنضمام , مجموعات التى تضم الجنسين معاً فيما يسمى بالصداقة , فلم تكن تهتم إلا بدراستها وتفوقها تتمنى دائماً "وساعدها تربيتها وتدينها على المحافظة على نفسها ومشاعرها , كانت "ياسمين هو أول من يطرق باب قلبها فإحتفظت بكل مشاعرها وعواطفها له وحده , أن يكون زوجها .فكانت ترى أن الحب الحلال أبرك كثيراً من أى علاقة محرمة تغضب ربها

ومن جهه أخرى لم تكن ''ياسمين'' تحظى بإهتمام الشباب وخاصة أولئك الذين يبحثون عن حب فملامحها الهادئة ليس , الرجال سريع وعلاقات عابرة لأنها لم تكن تملك مقاومات جمال تبهر الكثيفة التي تشكل مع ابتسامتها الرقيقة بها شئ مميز بإستثناء عينيها السوداوين برموشها بريئاً جمالاً هدئاً ناعماً

فتحت "ريهام" الباب ونظرت الى "ياسمين" ضاحكة: قومتى ليه يا عروسة؟

ياسمين" وهي تشير الى الباب: بطلى بأه واقفلى الباب ده" دريهام" وأغلقت الباب خلفها قائلة بشقاوتها المعهودة" دخلت

تدفعى كام وأقولك المعلومات اللي بابا قالها عن العريس؟ -

رخمة ياسمين" بلهفة: قولى بأه ما تبقيش"

ايه هي سايبه .. مش هقول إلا لما آخد الحلاوة-

حلاوة ایه هو لسه حصل حاجة ـ

وبكرة تقولى "ريهام" قالت هيحصل ان شاء الله -

بابا قال ایه؟ , "قولی بأه یا "ریهام -

ريهام" باستسلام مصطنع: طيب صعبتى عليا, هرأف بحالك وأقولك من انتى زى أختى برده" أوف, مش هنخلص النهاردة -

العريس اللى .. جذبت "ريهام" "ياسمين" من ذراعها وأجليتها على السرير: بصى يا موزة يوووه قصدى اللى أمه دعياله عنده 35 سنة خريج هندسة بيشتغل مهندس .. أمه داعية عليه بترول .. جاهز من مجاميعة .. عنده شقة بتاعته في منطقة راقية مش ناقصها غيرك يا جميل اسمه ايه؟ _

عتريس" " ضاحكة : هههههه هيفرق ايه اسمه معاكى .. افرضى مثلاً اسمه "ريهام" هترفضي؟

ياسمين" غاضبة: عشان أما أجى أصلى استخارة يا أذكى اخواتك أقول اسمه فى الدعاء" "تيفه" ريهام" بهيام: اسمه"

ياسمين " بإستغراب : "تيفه " .. ايه "تيفه ا دي ا

"یعنی المصطفی .. التیفه الیا الیاسمین ا ـ

صمتت "ياسمين" قليلاً ثم قالت: طيب هو شافني فين يعني ؟

لا هو أنا ما قولتلكيش .. يقطعنى -

ياسمين" وهى تقرص "ريهام" في ذراعها: بطلي أم الاستظراف ده .. مش وقتك خالص" يا متوحشة و ربنا يكون فى عونك يا "تيفه" .. بصى يا .. آآآآآآآه : ريهام" وهى تفرك ذراعها" بابا وبيصيعوا مع بعض على القهوة وصحاب من موزة أبو "تيفة" الله يمسيه بالخير هو و زمان

احترمی نفسك ایه بیصیعوا دی ـ

وانتى واقفة مع باب الله .. ما تسبينى أكمل بأه .. المهم شكل كدة الواد "تيفه" شافك في مرة - وعرف من أبوه كل حاجة عنك و شكل الصنارة غمزت يا جميل

رغم محاولات "ياسمين" الاستغراق في النوم إلا أن النوم أبي أن يسيطر عليها وقضت معظم في شكل هذا الد" مصطفى", وأهم شئ أخلاقه وطباعه, ولم تنسى قبل أن التفكير ليلتها في هذا الأمر كان الى النوم أن تصلى صلاة الاستخارة لتسأل الله عز وجل أن ييسر لها إن تخلد استسلمت "ياسمين" الى سلطان خير لها وأن يصرفه عنها إن كان فيه شر لها .. وفي النهاية النوم

ارتدت" ياسمين "ملابسها التي اختارتها بعناية ولفت حجابها وتأملت نفسها في المرآة, كانت في غاية التوتر والقلق فهذه هي المرة الأولى التي يتقدم أحدهم بطلب يدها, شعرت أنها تريد أن تسأله عشرات الأسئلة لتتأكد من أنه الشخص المناسب لها, وفي نفس الوقت شعرت أنها لن تستطيع أن تتفوه ببنت شفه.

دخلت "ريهام" الغرفة لتُخرج "ياسمين" من شرودها

ايه أخبار عروستنا؟

-هموت یا "ریهام" حسه انی هیغمی علیا

-ههههههه معلش حبيبتي كلنا لها

حسه اني متوترة أوى ومكسوفة أوى

في هذه الأثناء دخلت "سمية": يلا يا" سوسو "أبوكى قالى أندهلك "ياسمين" بفزع: بسرعة كدة .. خليهم يعدوا مع بعض شوية "ريهام": يعني الراجل دابب المشوار ده كله عشان يعد مع أبوكى .. يلا يا بت بلاش دلع سارت" ياسمين" الى الصالون وهي تناجى ربها فى سرها وتدعوه أن يقدر لها الخير حيث كان كانت تشعر أن قدميها لا تستطيع حملها , جذبتها أمها قبل أن تدخل اليهم قائلة: استني هتدخلى كدة وايدك فاضية .. خدى قدمى صانية الحاجة الساقعة دى الماما أبوس ايدك شيليها انتى أنا شايلة نفسي بالعافية

دخلت "ياسمين" وألقت السلام وهي تنظر الى الأرض: السلام عليكم

وعليكم السلام ورحمة الله وبركاته

وعليكم السلام أهلا بالعروسة

وعليكم السلام ازيك يا بنتى

لم ترفع "ياسمين" عينيها لترى محدثيها ولكنها ميزت من أقدامهم أنهم امرأة ورجلين
" عبد الحميد" سلمي على طنط "كوثر" يا "ياسمين"
توجهت "ياسمين" الى القدم الأنثوية وسلمت فجذبتها "كوثر" وقبلتها قائلة:

-بسم الله الله أكبر .. ازيك يا عروسة
تمتمت" ياسمين" بصوت خافت: الحمد لله

جلست "ياسمين" في المقعد الفارغ بجوار السيدة "كوثر" والدة "مصطفى", تمنت "ياسمين "أن ترفع عينها لتراه لكنها لم تجرؤ على ذلك, تحدث الجميع في مواضيع متفرقة وتشاركوا الضحكات والمزاح الخفيف, وظلت "ياسمين" مستمعة اليهم دون أن تشاركهم الحديث

- " عبد الحميد": "ياسمين" يا بنتى شوفتى عريسك ؟
 - " ياسمين
- " عبد الحميد : "الازم تشوفيه يا بنتى ده جواز يعني لازم قبول من الطرفين
 - " -ياسمين : "
 - " كوثر": اظاهر عروستنا مكسوفة
 - " ـصادق" والد " مصطفى": والعريس كمان شكله محرج
- " عبد الحميد": طيب يا جماعة نسيبهم شوية لوحدهم عشان يعرفوا يتكلموا براحتهم

نهض الجميع وتوجههوا الى المجلس الذى لا يبعد كثيرا عن المكان الذى يجلس فيه المصطفى " و "ياسمين"

" _مصطفى": ازيك عامله ايه؟

" ـياسمين" بخجل: الحمد لله

انتى دكتورة بيطرية مش كدة ؟

_ايوة

طيب أنا عارف كل حاجة عنك من والدك انتى بأه عايزة تعرفي عني ايه؟

" -ياسمين -طيب بصيلي على الأقل

حضرتك اتكلم عن نفسك أنا مفيش عندى أسئلة معينه

طيب أنا اسمي "مصطفى" عندى 3 4سنة و 9 شهور, مهندس بترول في شركة كبيرة في البحر الأحمر بنزل القاهرة اسبوع كل شهر, يعنى عايز واحدة مستعدة تتحمل ظروف شغلى لأني هغيب عنها 3 أسابيع كل شهر, هواياتي هي لعب الملاكمة وكمان بحب سباق السيارات.

أثناء حديثه كانت "ياسمين" تختلس النظر اليه, رأته شابا هادئ الملامح عينيه بنيتين خمرى البشرة بنفس لون بشرتها لديه شعر قصير جدا أسود اللون, أكمل "مصطفى" قائلاً: -شقتى جاهزة على الفرش بس, ولو قبلتيني وكان لينا نصيب مع بعض ان شاء الله الفرح هيكون خلال شهرين بالكتير

ـشهرین ؟!

-أيوة ان شاء الله الأمر مش هيطول عن كدة أنا متكلم مع والدك في الموضوع ده, وأنا هاخد أجازة من شغلى الفترة الجاية عشان أقدر أخلص الشقة قبل معاد الفرح

انتهت الزيارة ورحلوا في انتظار رد العروس

,توجهت "ياسمين" الى الحمام وتوضأت وصلت استخارة مرة أخرى فهى لم تتوقف عن أدائها منذ أن بدأ هذا الموضوع, شعرت بأنها لم تستطع أن تكون فكرة واضحة عنه ولا تستطيع الحكم جيداً على مشاعرها فهي لا تشعر بشئ على الاطلاق, لا برغبة في القبول ولا برغبة في الرفض لذلك تركت الاختيار بيد الله عز وجل وحان أكثر ما يقلقها هو هذه الخطوبة القصيرة التي لن تتعدى الشهرين, تساءلت في نفسها هل تستطيع أن تتعرف عليه وتعتاد عليه في هذه الفترة القصيرة ؟إ

كان من الواضح أن "عبد الحميد" سعيداً جداً ب "مصطفى" فهو لم يكن ليتمنى شخص أفضل منه لابنته , وما زاد من تمسكه به هو أن "مصطفى" اتفق معه أن يتكفل بمعظم الجهاز والفرش حتى ينتهى سريعاً من اعداد شقة الزوجية فرفع بذلك عن كاهلة حمل ثقيل من النفقات. أخبرت "ياسمين" والدها عن مخاوفها من قصر فترة الخطوبة, لكنه لم يلتفت لذلك وأخبرها أنه سأل عليه جيداً وأنه شاب ممتاز لا غبار عليه.

جاء اليوم الموعود وارتدت فيه "ياسمين" فستانها الذي عثرت عليه بعد عناء وأجرته من أجل هذا اليوم, فكان اختيارها موفق اذ أنها لطالما كانت تتمنع بذوق راقٍ في اختيار ملابسها رغم بساطتها , كان فستانها ذو لون موف هادئ بسيط وارتدت طرحه من نفس اللون .. كان وجهها بلا زينة فبدت بمظهر هادئ برئ

كانت الزغاريد لا تنقطع منذ الصباح فهي البكرية والفرح بها له مذاق خاص, كانت حفلة الخطوبة صغيره في منزلها المتواضع تضم الأسرتان فقط, و" سماح" احدى صديقات " ياسمين" المقربات من أيام الثانوية

" -سماح": قمر يا اخواتى .. قمر اللهم بارك

" -ياسمين": بجديا "سماح" .. حلو الفستان والطرحة

" -سماح": بقولك قمر

" -ياسمين" : قمر بالستر يختى

" -ريهام": يلا يا عروسة الناس مستنيه بره

" -ياسمين": حاضر خارجه أهو

خرجت "ياسمين" من غرفتها وتعالت الزغاريد مرة أخرى في أرجاء المنزل.

قبل يومين خرجت الأسرتان وانتقت "ياسمين" دبلة الخطوبة والشبكة المكونة من خاتم رقيق و سلسلة بسيطة يتدلى منها قلب صغير , كانت سعيدة للغاية فهذه هى المرة الأولى التي ترتدى فيها ذلك المعدن الذهبي النفيس الذى يخطف عقول النساء , فلم تكن ظروف اسرتها تسمع بشراء مثل هذه الرفاهيات.

جلست "ياسمين" بجوار "مصطفى" وقدمت "كوثر" صنية ذهبية اللون مزينة بالورود عليها الشبكة الى ابنها ليلبسها لعروسته, قالت "ياسمين" بحرج:

-معلش يا طنط ممكن حضرتك اللي تلبسيني الشبكة

" -كوثر": ليه يا حبيبتى ده "مصطفى" خلاص بأه خطيبك وقريب أوى هيبقى جوزك

" -یاسمین" بحرج أكبر: معلش یا طنط مش هینفع

نظرت اليها أمها نظرة معناها (عديها مفيهاش حاجة(

لكن "ياسمين" أصرت ألا يلمس يدها قبل كتب الكتاب فمازال رجل غريب عنها, شعرت بضيق "مصطفى" من تصرفها لكنها حدثت نفسها قائلة (من أرضى الله بسخط الناس رضى الله عنه وأرضى عنه الناس), ألبستها "كوثر" الشبكة, شعرت" ياسمين" بأن قلبها يرقص فرحاً فها هى لحقت بركب صديقاتها وجاراتها المخطوبات.

فى هذه اللحظة وفى حديقة فيلا كبيرة فى المعادى كان هناك حفل خطوبة لأحد أكبر رجال الأعمال بالقاهرة .. "عمر نور الدين الألفي" .. كان "عمر "في الـ السابعة والثلاثون من عمره , أسمر طويل عريض المنكبين ذو شعر أسود حريري , تجمع ملامحه بين الوسامة

والرجولة .. رجل تتمناه الكثير من النساء ليس لشكله ووسامته فقط بل لمركزه الإجتماعى وثراءه الفاحش أيضاً, فبالرغم من صغر سنه إلا أنه يملك ويدير العديد من المصانع والأراضى والشركات التي كانت ملكاً لأجداده ولكنه بذكائه وحسن ادارته لأعماله نجح فى توسيع أعماله حتى ذاع صيته داخل مصر وخارجها.

أقبل رجل في العقد السادس من عمره على "عمر" قائلاً:

-ابني حبيبي , أخيراً عشت وشوفت اليوم ده

" -عمر" وهو يقبل يد والده: بابا, ربنا ما يحرمني منك

-مبروك يا "عمر" أخيراً هنفرح بيك, بقولك ايه ما تطولش في الخطوبة هاا عايز أشيل ولادك قبل ما أموت

" -عمر" ضاحكاً: ربنا يديلك طولة العمريا بابا, ما تقلقش هو ده أصلاً اللي أنا ناوى عليه

رأى "عمر" والدته "كريمة" مقبلة عليه فإستقبلها بإبتسامة قائلاً: أمى الغالية, هى فين العروسة مش هتنزل بأه

-الأم ضاحكة: هههههه اصبر على رزقك, خلاص خلصت لبس والكوافير كمان خلص شغله " -عمر" واجماً: كوافير ؟ يعني راجل اللي بيزوقها ؟

" -كريمة": بقولك ايه ما تضايقش البنت النهاردة, يوم سيبها تفرح بيه وبعدين انت ابقى طبعها بطبعك

أقبلت" نانسي" فى فستانها زهرى اللون الذى صُمم على يد أشهر مصممي الأزياء فى العالم, كانت فاتنة تخطف الأنظار بعينيها الخضراويين وشعرها الأشقر الذى رفعته الى الخلف, وبشرتها الملساء ناصعة البياض, كانت كالأميرة تنزل على سلالم الفيلا ليستقبلها أميرها الساحر.

-أمسك "عمر" يديها وقبلها وهمس لها: حبيبتي

" -نانسي" بإبتسامتها الساحرة: عجبتك ؟

-امتلأت عيناه بنظرات الحب والإعجاب قائلاً: عجبتيني بس, ده انتى هوستيني .. اعملى حسابك فترة الخطوبة هتكون قصيرة جدا

ضحكت "نانسي" بنعومة, وسارت يدها فى يده بينهما يهنئهما الجميع وباركون لهذين العروسين, كانت نظرات الجميع اليهم تجمع ما بين الحسد والإعجاب والانبهار, فالإثنان يمثلان ثنائي العام, " نانسي" ابنة رجل أعمال شهير ولا تقل ثراءا عن " عمر", فكان الجميع يراهما مثاليان لبعضهما البعض.

أقبلت "نيرمين" صديقة "نانسي "المقربة حاملة وسادة من الستان الوردى موضوع عليها دبل الخطوبة, كانت الدبلتان مربوطتان ببعضهما البعض بشريط ستان أحمر, ألبس "عمر" الدبلة لـ" نانسي" وفعلت "نانسي" معه بالمثل, وأقبل والد "عمر" ليقص الشريط .. ووسط تصفيق ومباركة الحضور قبلها "عمر" على وجنتيها قائلاً:

رقص الخطيبان على أنغام موسيقى حالمة .. كانت نظرات "عمر" اليها تحمل الكثير من معانى الحب والحنان ود لو تمر الأيام سريعاً ليجتمعا معاً في بيت واحد , نظر اليها قائلاً:

-فاكرة أول مرة شوفتك فيها ؟

" -نانسى" ضاحكة :

-طبعاً ودي حاجة تتنسي

-كنت راجع من الشغل وشوفتك راكنه عربيتك على جمب وكان شكلك مضايقك .. طلبت من السواق يوقف العربية ونزلت أعرض عليكي المساعدة.. قولتيلي ان عربيتك عطلت فجأة ومش راضية تدور, سبت السواق مع عربيتك وخدتك معايا في عربيتي

-أهاا وفضلت تعاكسني طول الطريق

حد يبقى جمبه القمر ده وميعاكسهوش

أسعدتها كلمات "عمر" فلطالما أحبت سماع كلمات الاعجاب التى يلقيها الرجال على مسامعها دائماً, كانت مدركة لمدى جمالها وجاذبيتها جيداً

وعلى احدى الطاولات جلست سيدتان تنظران اليهما وتتحدثان

" -جيهان": بنتك وقعت واقفة يا "نادين"

" -نادين" ضاحكة : طول عمرها شاطرة , جابت الراجل على ملا وشه , شايفة بيبصلها ازاى -لا ومش أى راجل , ده "عمر الألفى" يعني هتضمنى ان بنتك هتعيش ملكة طول عمرها وطبعا هينوبك من الحب جانب

" -نادين" بإستعلاء: ما هي كانت عايشة ملكة طول عمرها, انتي نسيتي هي بنت مين وانا مراة مين ولا ايه ؟

-لا منستش يا حبيبتى, بس أنا وانتى عارفين كويس ان جوزك غرقان فى الديون بسبب لعب القمار اللى أدمنه

" -جيهِان" بغضب: وطي صوتك انتى عايزة تفضحينا

-لا أبداً يا قلبي هو أنا قولت ايه يعنى

-اقفلى على الموضوع ده, مش عايزاه يتفتح تانى الحيطان ليها ودان, انتى عايزة الجوازة تبوظ ولا ايه

-مش قصدی , أنا...

-قالت "نادين" والشُرر يتطاير من عينيها: قولتلك مش عايزة أسمع كلمة تانية في الموضوع ده, انتى عارفاني كويس يا "جيهان" اتقى شرى أحسنلك

-بلعت "جيهان" ريقها بصعوبة قائلة: طيب يا "نادين" خلاص أنا آسفة .. مش هفتح الموضوع ده تانى

كانت تعلم جيداً أن "نادين" امرأة قاسية ولن تتردد في أذيتها فآثرت الصمت.

عينها ببطء وأول ما في صباح اليوم التالي للخطوبة, تململت "ياسمين" في فراشها وفتحت نظرت اليه هو تلك الدبلة الذهبية التي تزين يدها اليمنى .. ارتسمت ابتسامة صغيرة على شفتيها وهي تتذكر أحداث الليلة الماضية وكأنها حلم جميل .. ها هي أخيراً أصبحت فتاة مخطوبة وما أحلام اليقظة لها بيتها وحياتها الخاصة .. كانت مستغرقة في هي إلا أسابيع قليلة وتصبح زوجة عندما فتحت "ريهام" باب الغرفة

أهو هو ده اللي أنا كنت خايفة منه -

ياسمين" بإستغراب: هو ايه ده اللي خايفة منه ؟" -

بدأنا نُسرح ونروح في دنيا تانية ونبتسم وشوية شوية هلاقيكي بتكلمي نفسك -

بوسادتها وتعالت ضحكاتهما معاً "قذفتها "ياسمين عمن "ياسمين" وعانقتها قائلة "اقتربت "ريهام,

مبروك يا أحلى عروسة في الدنيا, ربنا يوفقك في حياتك ويجعلها كلها سعادة في سعادة - ''أنا فرحانة أوى يا ''ريهام -

ربنا يبعد عنك الحزن ويديم .. على وشك هههههه مش محتاجة تقولى , كل حاجة باينه - رفعت يديها الى السماء وأضافت مازحة : وأحصلك قريب ثم ... "عليكي الفرح يا "ياسمين ...ااااااااارب

كل حاجة فى أوانها, ربنا يرزقك انتى كمان, ضحكت الياسمين الوقالت لها: متستعجليش بالراجل اللى يصونك ويقدر قيمتك يا الريهام اليا أحلى أخت فى الدنيا

تعانقتا مرة أخرى ودخلت عليهم "سمية" لتراهما هكذا فرغماً عنها تترقرق الدموع في عينيها . ودعت الله أن يبارك في بنتيها ويصرف عنهما كل سوء

كان البناء ضخماً .. توقفت سيارة فارهة أمام مقر مجموعة شركات الألفى للاستيراد والتصدير السائق ليفتح الباب الخلفي لينزل نزل .. شامخاً ذو طابع معمارى حديث يتسم بالرقى والفخامة أنيق تحته بلوفر رمادى ذو رقبة عاليه وبنطلون منه "عمر" وهو يرتدى جاكت أسود اللون ونظارة شمس ماركة شهيرة , كان أنيقاً ساحراً يخطف الأنظار .. سار بسرعة , جينز رمادى : فهز الحارس رأسه محيياً وهو يقول .. ورشاقة وعبر أروقة المبنى الرخامية

الصباح الخيريا باشمهندس اعمر ـ

صباح النور ـ

أعضاء مجلس ادارة ومكاتب الى المصعد واختار الطابق الأخير الذى يحوي مكتبه ''دلف ''عمر السجادة الطويلة ذات الشركة, توقف المصعد في الطابق المطلوب, خرج ''عمر'' وسار على مر على و البيج والتى تمتد على طول الرواق من المصعد الى مكتبه .. بمجرد أن اللونين الزيتي : مكتب السكرتيرة هبت واقفة

"صباح الخير يا باشمهندس "عمر ـ" "صباح الخير يا مدام "حنان ـ

دخل "عمر"مكتبه وخلفه سكرتيرته الخاصة ومديرة مكتبه ذات المظهر الجاد والتي يبدو عليها أنها في العقد الرابع من عمرها, والتي يأتمنها على الكثير من أسرار الشركة لثقته الشديدة بها

الملف ده حالاً باشمهندس, محتاجين امضة حضرتك على -

ها .. جمعتوا الكمية المطلوبة : عمر " وهو يجلس على مكتبه ويلتقط منها الملف ويتصفحه" -

أيوة يا فندم وقبل المعاد المحدد كمان -

ممتاز .. الشّحنة هتدخل الجمارك امتى ؟ -

في الطريق وفي انتظار امضة حضرتك هي حالياً -

وأعطاه لمديرة مكتبه, وبمجرد خروجها من المكتب ذيل "عمر" الملف بتوقيعه الأنيق وأغلقه أغلقت الباب الفاصل بين مكتبها ومكتبه, تناول "عمر" هاتفه النقال من جيبه واتصل برقم يحفظه عن ظهر قلب .. صوت جرس .. ثم

ألو _

حبيبي صباح الخير ـ

"صباح النوريا "عمر ـ

وحشتيني أوى -

وانت كمان ـ

كنتى امبارح زى القمر , لا زى القمر ايه ده القمر كان مكسوف منك -

نانسي" بدلع: امبارح بس ؟" -

لا طبعاً انتى يوم انتى قمر .. قمري اللى بينور لياليا واللى قريب أوى هيبقى معايا ومش - هيفارقنى لحظة

خطوبتنا كانت امبارح مش بجدية: "عمر" يا ريت مانستعجلش, يعني احنا لسه "نانسي" - معقول هنتكلم في جوازنا النهاردة

عمر " في ضيق: يعني انتى مش حبه تكوني معايا في بيتي ؟" -

تداركت "نانسي" خطأها بسرعة: لا طبعا يا حبيبى عايزة أكون معاك النهاردة قبل بكرة, - ها هتوديني فين النهاردة ؟, بص خلينا دلوقتى نفرح بخطوبتنا

أنا تحت أمره , أى مكان حبيبي يختاره -

ممممم ایه رأیك نطلع یومین شرم ؟ ـ

يومين .. بس يا "نانسي" اليومين دول أنا مضغوط جامد في الشغل -

نانسي" في ضيق واضح : خلاص متبقاش تتكلم بقلب جامد وتقولى أختار وتحت أمرك " -

طالما شغلك أهم منى

خلاص یا عمری أنا میهونش علیا زعلك هفضی نفسی عشانك , ولا تزعلی نفسك , أنا مفیش عندی أهم منك

فى نانسي الضاحكة: تسلملى حبيبى وهجهز نفسي وانت خلص اللى وراك وعدى عليا الله والك وعدى عليا الفيلا واوعى تتأخر

عمر" باسماً: مقدرش أتأخر على حبيبتي, بحبك, هتوحشيني لحد ما أشوفك, سلام يا" - عمري

سلام ـ

: بعد انتهاء المكالمة قالت ''نادين'' لـ ''نانسي'' والتى كانت تستمع الى المكالمة انتي غبية يا بنت انتى .. بيتكلم عن الجواز تقوليله أما اتمتع بخطوبتنا .. انتى عايزة تنقطيني ـ دلوقتى يوم يا مامى أنا مش مستعدة للجواز ولتقييد الحرية ـ

هو بمزاجك .. انتى مش عارفه المصيبة اللي احنا واقعين فيها ـ

: نانسى" بتأفف"

عارفة عارفة مش كل شوية تفكريني -

وإن ما أنقذناش نفسنا .. لا لازم كل شوية تفتكرى ومتنسيش أبداً إن كل أملاكنا تقريباً مرهونة - هنلاقى نفسنا قريب أوى في الشارع

نانسى" بعصبية: كل ده بسبب جوزك ولعبه للزفت القمار" -

نادين" غاضبة: بنت احترمي نفسك ده أبوكي مايصحش تتكلمي عنه بالطريقة دى" ـ أ. في

فهمانى .. محدش غيره هيقدر .. اسمعيني كويس, "عمر" مش عايزاه يفلت من ايدينا ـ يخرجنا من الورطة اللي احنا فيها

فلوسه تخليني أتغاضى عن عارفة .. مع انه مش الشخصية اللي كنت أحلم اني أتجوزها بس ـ كل حاجه تانية

خلاص أهم حاجة ان الجوازة تتم في أقرب وقت ممكن .. عشان لو حصل أى حاجة يكون - وأكيد هيساعدنا اتجوزك وانتى ملزمة منه وبالتالى مش هيقدر يسيب أهلك فى ورطتهم دى بإبتسامة خبيثة : متقلقيش ده خلاص بأه بيتنفس حاجة اسمها " نانسي" انانسي" - امن غيري .. انتى عارفه كويس ان مفيش راجل يقدر يقاوم سحر "نانسي ومايقدرش يعيش عارفة يا بنت أمك -

تبادلتا نظرات ماكرة والابتسامة تعلو شفاههما

صغيرة على أثناء استغراق "عمر" وانهماكه في مراجعة الأوراق التي أمامه .. سمع دقات : يرتدى بدلة أنيقة ويهتف بمرح الباب ثم انفتح ليدخل شاباً طويل أبيض البشرة عسلي العينين مبروك يا عريس , عقبال ما نشوفك في الكوشة _

: اتسعت ابتسامة "عمر" وهو ينهض ليعانق صديقه

الله يسلمك يا "كرم" ,عقبالك ـ

بعد الشر تف من بقك ـ

عمر" ضاحكاً: ليه بس كده" ـ

محلاها عيشة الحرية, ايه اللي يخليني أجيب لنفسي القرف ووجع القلب يا ابنى, أنا كدة _

بكرة تيجي اللي تغيرلك رأيك ده وألاقيك بتقولي الحقنى يا "عمر" أنا طبيت ـ

ههههههه ما أظنش ان اليوم ده هييجي أبداً ـ

لا هييجي بكرة تشوف ـ

ماشي يا عم أنتم السابقون ونحن اللاحقون إن شاء الله -

عاود "عمر" الجلوس خلف مكتبه وجلس "كرم" على المقعد أمامه: ها أخبار حفلة امبارح اله؟

كانت ممتازة .. مكنش ناقصها غيرك -

أحضر خطوبتك مكنتش يا راجل قول كلام غير ده .. آل يعني افتقدتني أوى .. لو كان همك انى ـ حدفتنى الحدفة السودة دي وبعتنى السفرية دى يوم خطوبتك

فى تسليم شحنة عمر" معللا ذلك: أعمل ايه يا "كرم" .. انت عارف اللخبطة اللى حصلت" - اتأخرنا شوية كان زمان الشحنة العنب ومكنش فى حد غيرك هيقدر يقوم بالمهمة دى ولو كنا كلها فسدت وكانت الخسارة هتبقى كبيرة

عارف يا سيدي انى دراعك اليمين .. وانى أكتر حد انت بتثق فيه ـ

مش بس كدة .. انت صاحبى وأخويا اللى ما ولدتهوش أمى .. احنا صحاب من أيام ابتدائي يا ـ "كرم" ولحد دلوقتى ما افترقناش أبداً

زرقا دى اللى كانت آه أيام .. فاكر أما كنا فى ثانوي والبنت أخت "أيمن المنشاوى" أم عنين ـ كل ما تشوفك فى بيتهم تعاكسك .. حركاتها كانت مفقوسة أوى

: دوى ضحك الصديقان في مرح وهما يستعيدان ذكرياتهما معاً

آه طبعا فاكرها .. دى كان عليها تقل دم مفيش بعد كدة ـ

هتقولي ده أنا كنت لما بشوفها بحس اني مخنوق أكن روحي بتطلع ـ

: دوت الضحكات مرة أخرى , ثم نظر "عمر" الى ساعته ونهض فجأة قائلاً

"یاه ده أنا كدة هتأخر , سلام یا "كرم ـ

سلام يا "كرم" ؟! .. استنى يا ابني سلام ايه ملحقناش نقعد مع بعض ولا قولتلك تفاصيل ـ السفرية

معلش أصلى هعدى على "نانسي" طالعين يومين شرم ـ

ماشى يا عم الله يسهلووو . أنا مش بحسد أنا بقر بس ـ

عمر" في جدية: "كرم" مش هوصيك على الشغل ولو في أى حاجة كلمنى في أى وقت" - صبح أو ليل

يلا انت بس ومتقلقش كله هيمشى أكنك موجود بالظبط ـ

"ربت "عمر" على كتفه قائلاً: عارف يا "كرم ـ

.ثم حمل هاتفه النقال وانصرف

الفيلا.. كانت نظرت "نانسي" من نافذة غرفتها الى سيارة "عمر" الفارهه وهى تعبر بوابة علامات الاهمال وكأنه لم يراعيها الفيلا تتكون من طابقين ويحيط بها حديقة كبيرة يبدو عليا وجدت والدتها تجلس فى الطابق السفلي فقالت لها أحد منذ وقت طويل.. نزلت "نانسي" الدرج

مامي "عمر" جه .. يلا سلام ـ

نانسي الزي ما نبهت عليكي ركزي في كل كلمة وفي كل تصرف مش عايزة غلطات يا السال النانسي

متقلقيش قولنا.. سلام ـ

نزلت "نانسي" درجات الفيلا تتبعها خادمتها بحقيبه تحوى بعض ملابسها كانت ترتدى بنطلون جينز وبالطو أحمر شكل مع شعرها الأشقر المتطاير لوحة فنية مثيرة, : وجدت عمر قد خرج من سيارته بعدما فتح له السائق الباب.

حبيبي وحشتيني -

وانت كمان ـ

: قبلته نانسى على وجنتيه وابتسم لها عمر

جاهزة؟ _

جاهزة أوى يلا بينا ـ

مامتك موجودة ؟ ـ

ايوة جوه ـ

طيب حبيبي ما يصحش آجي هنا وتكون ومامتك موجودة وأنا ما أسلمش عليها ـ نانسي" وهي تحاول أن تخفي ضيقها: اهاا طيب يلا بسرعة سلم عليها" ـ

دخل الاثنان الفيلا واستقبلتهما "نادين" التي سلمت على "عمر": "عمر" ازيك يا حبيبي

"الحمد لله .. ازى حضرتك مدام "نادين -

بخير يا "عمر" .. رجعتوا تاني ليه .. "نانسي" نسيتي حاجة -

لا يا مامى "عمر" حب يسلم عليكي أما عرف انك موجودة ـ

ابتسمت "نادين" قائله: حقيقي يا عمر كلك ذوق -

نانسى": يلايا "عمر" بأه: _

نادين": مستعجلة ليه يا "نوسة" لسه مشبعناش من "عمر", ان شاء الله بعد ما ترجعوا " ـ من شرم كل العيلة يا "عمر" معزومة عندنا

تسلمی یا مدام "نادین" أكید طبعاً یشرفنا اننا نلبی دعوة حضرتك ـ

نادین ان صحیح یا اعمر ال هتجیب ایه له النانسی الله الخطوبة .. توعی تکون سفریة السلام هی هدینها کدة هقولك علیك بخیل علی طول

عمر": لا طبعاً مقامها عندى أكبر من كدة" -

: قال ذلك ثم أخرج من جيي معطفه علبه قطيفة والتفت الى "نانسي" قائلاً

مبروك عليكي يا حبيبتى ـ

"قالت "نانسي" وقد لمعت عيناها من الفرحة: ميرسي يا "عمر ـ

حماستها لرؤية فتحت العلبة لتجد سوار رائع من الماس, كادت "نادين" أن تشهق من فرط التفتت "نانسي" الى , السوار والتقت عينها بعين ابنتها وقد اتسعت عيناها هي الأخرى : "عمر" قائلة بدلع

لبسهولی انت یا "عمر" بلیز ـ

السوار في يدها "نظرت "نادين له "نانسي" نظرة رضى وقد أعجبها ما فعلت ' ألبسها "عمر منها مبلغاً لا يستهان به , ثم اليسرى فتحسسته بيدها اليمني وداعبت فصوصه التى تساوى كل : طبعت قبلة على وجنت "عمر" قائلة

حبيبي ميرسي بجد على الهدية الجميلة دى ـ

عمر" مبتسماً: المهم انها تكون عجبتك" -

نظرت اليه نظرات معبرة قائلة: عجبتني جدا كفاية انها منك انت _

تابعتهما "نادين" بعينيها وابتسامة كبيرة مرسومة على شفتيها حتى ركبا الاثنان السيارة وانطلقا الى المطار ومنه الى شرم

بعد صلاة المغرب رن جرس الباب ففتح "عبد الحميد" واستقبل القادم:

اهلاً بیك یا "مصطفی" یا ابني اتفضل اهلاً بیكي یا عمی ازی صحتك دخل "مصطفی "حاملاً علبة جاتوه كبیرة بخیر یا ابني اتفضل اعد .. لیه بس مكلف نفسك الا أبداً ده فضلة خیرك یا عمی

جلس "مصطفى" وتوجه "عبد الحميد" الى المطبخ ليجد "ياسمين" وأمها يعدان العصير, نظر اليها قائلاً:

ـيلا يا "ياسمين "يا بنتى خطيبك جه بره

ازدادت سرعة دقات قلبها عندما سمعت كلمة (خطيبك) فلكم تمنت سماعها وها هي أحلامها

حملت صنية العصير والكيك وتوجهت الى الصالون بعدما ألقت نظرة على نفسها في المرآة المعلقة على الحائط بجوار الحمام, دخلت اللي الصالون قائله:

-السلام عليكم

_وعليكم السلام

توجهت حيث يجلس "مصطفى" وقدمت اليه العصير قائله:

اتفضل

متشكر تسلم ايدك

وضعت "ياسمين" الصنية على المنضدة الصغيرة التى أمامه وجلست فى معقد بعيد عنه " ـ عبد الحميد": اتفضل يا "مصطفى "يا ابني .. دوق عمايل عروستك شوف هيعجبك ولا لأ ـ طالما هى اللى عملاه أكيد هيعجبنى

ضحك" عبد الحميد" .. ودخلت "سمية" مرحبة به:

ازيك يا "مصطفى" يا ابنى وازى الست الوالده والحاج ان شاله يكونوا بخير

نهض" مصطفى" ومد يده وسلم عليها قائلاً:

الحمدلله بخيريا طنط بيسلموا على حضرتك

" - عبد الحميد": شوية وراجعك يا "مصطفى" .. البيت بيتك - براحتك يا عمى اتفضل

خرج "عبد الحميد" جاذباً معه "سمية" وتركا "مصطفى "و "ياسمين" بمفردها لأول مرة

ازیك یا "یاسمین"

بعد الخطوية

ردت "ياسمين" بخجل وهي تنظر الى الأرض: الحمد لله

ایه .. کل مرة هتفضلی بصه للأرض کدة ؟

ابتسمت بخجل قائله: يعني لسه مخدتش على حضرتك

وكمان حضرتك .لأكدة كتير احنا خلاص بقينا مخطوبين

تناول ''مصطفى'' قطعة من الكيك الذى أمامه, ثم نظر اليها قائلاً:

-تسلم ايدك شكلك ممتازة في المطبخ

ابتسمت قائله: ماما عودتني أنا و "أريهام" على دخول المطبخ من صغرنا

ممتاز يعنى دكتورة وفى نفس الوقت ست بيت كمان

اتسعت ابتسامه" ياسمين" وسعدت كثيراً لهذا الإطراء

-احم احم .. "ياسمين" أنا هطلب من والدك اننا نخرج مع بعض بكرة .. يعني عشان نتعرف على بعض أكتر ونكون براحتنا أكتر

-مفيش مشكلة بس هسأل الأول "ريهام" اذا كانت فاضية بكرة ولا لأ

" _مصطفى" بإستغراب: "ريهام" مين؟

" _ريهام" أختى

حضحك" مصطفى" قائلاً: أنا عايز أخرج معاكى انتى مش مع أختك ما أنا فاهمة .. بس مينفعش نخرج من غير "ريهام" حقال لها بحده: ليه مينفعش يعني ؟ حقال لها بحرج: كده .. عشان مينفعش أنا وحضرتك نخرج لوحدنا

قال وقد ازدادت حدته: أنا خطيبك مش واحد من الشارع

-تضایقت" یاسمین" وازداد ارتباکها بسبب حدته: مش قصدی .. بس مینفعش نخرج لوحدنا قبل کتب الکتاب

ما تقلقیش .. لو علی باباکی أنا هعرف أقنعه

قال له بُحزَم: ما أعتقدش أن بابا ممكن يوافق وحتى لو وافق أنا مستحيل أخرج معاك لوحدى . لو مصر على الخروج لازم "ريهام" أختى تكون معانا

استسلم" مصطفى" مضطراً لانضمام "ريهام" اليهما .. لكنه شعر بالضيق من هذا الأمر فلكم كان يتمنى أن يخرجا بمفردهما مثلما يفعل أصدقائه مع الخطيبه .. كان يتوقع مثل هذه العلاقة وأن يباح له الخروج والتجاوز بما انه قد أصبح خطيبها .. لكنه لم يتوقع أن يخطب فتاة تفكر بهذه الطريقة.

تناولت " كريمة" هاتفها واتصلت با عمر " أتاها صوته عبر الهاتف:

-السلام عليكم حبيبة قلبي -وعليكم السلام .. وصلت بالسلامة يا "عمر" ؟ -أيوة يا أمى الحمد لله -طيب يا ابنى كنت بتطمن عليك .. "نانسي" جمبك ؟ -لأ "نانسي "في اوضتها أنا آعد تحت في المطعم منتظرها -طيب يا حبيبي سلملي عليها -طيب يا أمى .. مع السلامة -يوصل يا أمى .. مع السلامة -مع السلامة

انهى المكالمة ووضع هاتفه على طاولة الطعام أمامه, نظر الى ساعته وأخذ يتململ فى جلسته, كان يرتدى حلة داكنة اللون أضفت عليه وسامة وجاذبية كبيرة .. لم ينتبه لنظرات تلك الفتاة التى تجلس على الطاولة التى أمامه .. كانت تتفرس فيه بجرأه .. وتلك التى تجلس على يمينه تختلس اليه النظر رغم جلوسها مع رجل .. كان "عمر" يعلم تماماً بأنه محط أنظار النساء بل ومحط أطماعهن أيضاً .. ورغم ثقته الكبيرة فى نفسه إلا أنه لم يتلفت أبداً لتلك العلاقات العابرة ولا لتلك النساء اللاتى يحاولن ايقاعه فى شباكهن ونيل صداقته .. كان التفكير بالمرأة يمثل له معنى واحد فقط .. وهو الحب الذى يتوج بالزواج والاستقرار .. فلم يكن رجل هوائي أو عابث ..

بل كان جاداً نشيطاً طموحاً .. نظر مرة أخرى الى ساعته وأمسك هاتفه وأوشك على الاتصال بها عندما وجدها تتوجه نحو .. نهض" عمر" وعلامات العبوس واضحه على محياه .. أزاح لها الكرسى المواجه له لتجلس عليه

-أنا واقعة من الجوع .. ياريت تطلبلنا الأكل

عندما لم تتلقى رداً رفعت نظرها اليه فواجهتها نظراته الصارمة .. لم تفهم "نانسي" سبب تلك النظرات .. فقالت له:

ایه فی حاجة ؟ مالك ؟

ایه اللی انتی لابساه ده ؟

نظرت الى فستانها زهرى اللون الذى يصل الى ركبتها ويكشف عن ذراعيها وعنها وجزء من مقدمة صدرها, رفعت نظرها اليه قائلة:

-ایه ماله ؟ وحش؟ ده فستان من تصمم.... -قاطعها فی صرامة: ما یهمنیش مین صممه .. انتی مش شایفة انه مفتوح زیادة عن اللزوم

قالت بتأفف: مفتوح ایه یا "عمر" .. ما الناس کلها بتلبس کده

-أنا ماليش دعوة بالناس .. ليا دعوة بواحدة بس من الناس وهي انتي يا "نانسي"

محسسنی انی لابسه لبس فاضح .. ده فستان عادی جدا ومحترم

ده محترم ؟!

-والله ده لبسي وانت شايف لبسي من أول ما اتعرفنا .. احنا اتعرفنا لمدة 3 شهور قبل الخطوبة وشوفتنى بلبس أصعب من كدة كمان

-أيوة قبل كدة مكنش في رابط بيربطنا ببعض أما دلوقتى انتى خطيبتي يعني اللى يمسك يمسنى .. وأنا ما أحبش مراتى حد يشوف جسمها غيري أنا وبس

-صاحت بغضب: شوية شوية تقولى غطى شعرك

- لأ مش هقولك البسيه دلوقتى .. أنا عارف انك لسه مش مستعدة للخطوة دى

-انفعلت قائله: لا دلوقتى ولا بعدين .. بص يا "عمر" أنا كدة عشت واتربيت كدة ومش ممكن

أبداً ألبس البتاع ده على شعرى .. انت عايز تدفني بالحيا

قال بصرامة: ادفنك بالحيا عشان بغير عليكي ومش عايز راجل غيري يشوف أى حاجة منك

الكلام ده ما يقولوش راجل راقى ومثقف زيك .. وبعدين انت جايبنى هنا عشان تعكنن عليا وتتخانق معايا

حاول "عمر" احتواء الموقف قائلاً: لا مش جايبك عشان أعكنن عليكي يا" نانسي" .. بس راعي انى راجل وبغير على مراتى

قالت بدلال وهي تحاول تغيير الموضوع: مش لما أبقى مراتك

أمسك يدها وقبلها ووضعها على وجنته ونظر الى عينيها قائلاً: قريب أوى هتكونى مراتى .. مراة "عمر نور الدين الألفى"

وهنا حضر النادل ليسألهما ماذا يحبان لطعام العشاء.

ـيا مامي ده بجد متزمت جداً وتفكيره غريب .. تصورى كنت لابسه فستان على الركبة بيقولى انه مكشوف أمال لو شافنى بالبكيني كان قال ايه

قالت" نادین" عبر الهاتف: حاولی تمتصی غضبه وتکسبیه علی أد ما تقدری

-أنا مش متخيلة ازاى واحد فى مركزة وفى مستواه يفكر بالإسلوب المتخلف ده .. عايز يرجعنا لزمن سي السيد .. هو يأمر وأمينة تنفذ .. وأمشي فى الشارع بالملاية اللف .. ما بنت عمته بتلبس نفس ستايلي محدش بيوجهلها كلام ليه

" ـنانسي" حاولى تسيطرى على أعصابك شوية

مش قادرة ده بجد انسان مستفز وقال ایه عایزنی أغطی شعری ناقص یقولی اعدی فی البیت وماتخرجیش الا بإذني

-لا مش للدرجة دى " عمر " انسان متحضر وابن ناس ومتعلم

ما هو واضح التحضر!

-خلاص يا" نانسي" أفلى على السيرة دى .. وحاولى تكسبيه وتطاوعيه وتوافقيه على كلامه حتى لو مش هتنفذيه بعد كده .. المهم دلوقتى ان الدبلة اللى فى ايدك تتنقل لايدك الشمال بأسرع وقت

قالت بغنج: متقلقيش "عمر" بأه زى الخاتم في صباعي

-أيوة كدة ده الكلام اللي عايزة أسمعه .. يلا باي عشان خارجه

بای.

انتهت "ياسمين "من ارتداء ملابسها وخرجت حيث يجلس "مصطفى" ووالدها ووالدتها وأختها "ريهام", بمجرد أن رآها "مصطفى" نهض ومد يده ليسلم عليها:

ازیك یا "یاسمین"

" ـياسمين": الحمد لله

وقفت أمام يده الممدودة بالسلام اليها لا تدرى ماذا تفعل, فهى ليست معتادة على السلام على الرجال بيدها وفي نفس الوقت لا تريد احراجه, تمتمت بصوت خافت:

معلش أنا اسفة مش بسلم بالإيد

شعر" مصطفى" بمزيد من الضيق والحرج, سحب يده وجلس فى مكانه وعلامات التبرم ظاهرة على محياه قال فى نفسه (قال ما بتسلمش بالايد قال ده أنا شكلى هشوف معاكى أيام بمبي منقطة باسود, (جلست "ياسمين" على المقعد الفارغ بجوار والدها

" - عبد الحميد" : ما فيهاش حاجة يا بنتى أما تسلمي عليه ده برده خطيبك

لم ترد" ياسمين" لأنها لا ترغب في الجدال مع والدها أمام "مصطفى".. جلسوا قليلاً ثم انصرف "مصطفى" و "ياسمين" و "ريهام" معاً.

التف ثلاثتهم حول مائدة أحد المطاعم التي تطل على النيل, كان الوضع غريباً بالنسبة لـ اياسمين الفهذه هي المرة الأولى التي تخرج فيها مع رجل ولم تستطع حتى الآن أن تعتاد عليه كخطيب.

حاول "مصطفى" استدراجها للاشتراك فى الحديث معه و بالفعل تخلت "ياسمين" شيئاً فشيئاً عن جمودها وشاركته الحوار .. تحدث عن عمله وعن أسرته وعن أحلامه ونظرته للمستقبل .. أعجبت "ياسمين "بطموحه وتفائله .. تحدثت معه عن دراستها وعن رغبتها فى العمل والتى لم تضعها حيز التنفيذ .. كانت "ريهام" صامته معظم الوقت تفسح لهما المجال ليتحدثا معاً .. كانت

سعيدة برؤية أختها وهى تعتاد شيئاً فشيئاً على خطيبها .. كانت "ياسمين" أيضاً فى غاية السعادة لأنها وجدت موضوعات مشتركة كثيرة يتحدثان فيها .. كانت "ياسمين" شخصية قوية واثقة فى نفسها لكن حيائها كان يعطى انطباعاً خاطئ عنها بالضعف.

استمتع المصطفى البالحديث مع الياسمين الوشعر بالألفة معها, وبعد ساعتين أوصلهم الى المنزل وعاد هو الى بيته.

فى اليوم التالى وقف "عمر" على الشطينظر الى البحر تارة وتارة أخرى ينحني ليلتقط شيئاً ويعبث به .. رأته "نانسي" وهى مقبلة من بعيد, بمجرد أن رآها ابتسم وأقبل نحوها قائلاً:

وحشتيني

-ضحكت بنعومة: ده أنا كنت لسه معاك من ساعة

-أنا عايزك معايا كل ساعة

نظرت "نانسي" الى ما يحمله في يده وقائله:

ایه ده ؟

دي قطع صخور صغيرة متكسرة بتلاقيها على الشط دايماً, كل صخرة منهم ليها شكل وأبعاد وألوان وملمس مختلف

قالت وهى ترفع حاجبيها بإندهاش:

وانت بتعمل بيهم ايه ؟

-ابتسم قائلاً: بجمعهم

بتجمعهم ازاى يعني ؟

-مسمعتيش عن هواية جمع الطوابع وهواية جمع العملات أنا بأه أختلف عن الآخرين طول عمرى مميز عشان كدة أما فكرت أجمع حاجة جمعت ضحور

قال ذلك و أطلق ضحكة عالية ثم قال:

دى هواية كانت عندى وأنا طفل صغير .. كل مكان ماما وبابا ياخدوني فيه ويكون فيه بحر .. أجمع شوية من الصخور الصغيرة وأفضل فترة طويلة أنقيهم زى ما أنا عايز عشان تكون ذكرى حلوة لليوم ده .. عندى مجموعة كبيرة منها لسه محتفظ بيها لحد دلوقتى.

صمتت " نانسي" فهى لا تدرى ماذا تقول, حدثت نفسها قائلة (مجنون ده ولا ايه بأه ده رجل

أعمال ده ولا عيل في كي جي (

في هذه الأثناء أقبلت مجموعة تضم رجلين وثلاث نساء .. هتف أحد الرجلين:

" -نانسي "عاش مين شافك

التفتت "نانسى" الى محدثها وانفرجت أساريرها وهتفت:

" ـعماد" های هاو آر يو

أقبل المدعو "عماد" قائلاً: مبروك يا "نانسي" وآسف انى مقدرتش أحضر الخطوبة انحنى "عماد" ليقبل " نانسي" .. وقبل أن يفعل دفعه" عمر" فى صدره وصاح غاضباً: -ايه يا كابتن أنا مش مالى عينك ولا ايه

قال ذلك ثم سحب "نانسي" من ذراعها وانطلق عائداً وسط دهشة "عماد" الذى أخذ يراقبهما .. كانت "نانسي" تجرى للحاق بخطوات " عمر" وهو مازال مطبقاً على ذراعها ويسحبها منه .. توقفت فجأة وسحبت ذراعها من يده بقوة قائلة:

انت ایه اللی انت عملته ده

قال لها غاضباً:

ايه اللي أنا عملته ولا ايه اللي الحيوان ده كان عايز يعمله

ده كان هيسلم عليا ويباركلي على الخطوبة عادى يعني

صاح عمر وقد ازداد غضبه: عادى يعني ايه, يبوسك وأنا واقف .. ليه شيفانى قفص جوافه أدامك

ده "عماد" ابن صاحبة مامى الأنتيم يعني مش حد غريب ومتربيين مع بعض و "عماد" بجد حد كويس أوى

-كل اللى انتى قولتيه ده ما يسواش عندى حاجه

أخذ نفس عميق يحاول به السيطرة على غضبه: اسمعي يا "نانسي" أنا ليا طباعى ومبادئى اللي اتربيت عليها ومش هتنازل عنها أبداً في يوم من الأيام .. حاولى انك متعمليش الحاجات اللي بتضايقني منك .. والحاجه اللي هقولهالك مرة هتبقى خط أحمر متقربيش ليها تانى .. وأولهم اللي اسمه "عماد" ده

- يعني ايه ؟ انت عايز تلغى شخصيتي تماماً وتمشيني وراك . مين بأه اللى هتسمحلك بكده نظر اليها مهدداً: ده اللى عندى ومفيش كلام تانى أقوله ثم انصرف وتركها تغلى من الغضب

تعالت الأصوات داخل المدرج وهم ينهضون لمغادرته, سارت "ريهام" نحو بوابة الجامعة فقد كانت تلك هي المحاضرة الأخيرة لها اليوم .. سمعت صوتاً يناديها:

" -ریهام" .. "ریهام"

التفتت لتجد "معتز "الذى يسرع فى خطواته ليلحق بها .. التفتت "ريهام" يميناً ويساراً تخشي أن يراها أحد زملائها أو زميلاتها , أقبل "معتز "قائلاً:

" -ريهام" مالك بتعاملينى كدة ليه ؟

نظرت اليه قائله: نعم ؟ .. عايزني أعاملك ازاى ؟

" -ريهام" قولتلك مليون مرة أنا مش بلعب .. ولو هلعب بأى حد مش ممكن ألعب بيكي انتى الذات

-أستاذ ''معتز'' أنا معنديش إلا الكلام اللى قولتهولك قبل كدة .. اللى عايزنى هيدخل البيت من بابه مش يفضل مستنى تحت الشباك منتظرة الفرصة اللى يلاقى فيها الشباك مفتوح يمكن يعرف يدخل منه .. وأظن انت عارف باب بيتنا كويس لأنه أدام باب بيتكوا على طول .. عن اذنك

التفتت لتغادر المكان فجذبها" معتز" من ذراعها ليوقفها, نزعت ذراعها منه بقوة وصاحت غاضبة: انت ازاى تسمح لنفسك تمسكنى كدة

-أنا آسف بس عايزك بس تسمعيني

-مش محتاجه أسمع لأثى عارفه الكلام اللي هتقوله كويس

- لا مش عارفه .. اديني بس فرصة أتكلم .. ماشي ؟

نظرت اليه صامتة تاركه له المجال ليتحدث بما لديه

-قولتلك قبل كدة ان بابا مستحيل يوافق يخطبلى قبل ما أخلص السنة دى انتى عارفه اننا فى آخر سنة فى الكلية

قاطعته قائلة: خلاص اصبر لحد ما تخلص السنة دى زى ما باباك عايز

ما أنا صابر أهو أصلا مش في ايدي حاجة غير اني أصبر .. بس ليه تحرميني منك وتفضلي بعيده عنى كل ده .. لسبه السنة طويلة يا "ريهام"

انت عايز ايه بالظبط يا "معتز"

-يعني فيها ايه لو خرجنا مع بعض في مكان عام والناس كلها شيفانا .. مفيهاش حاجة وطالما انتى واثقة في نفسك خلاص يبأه مش هتخافي من حاجة , فيها ايه لو اتكلمنا في التليفون بكل احترام مجرد نطمن على بعض من وقت للتاني أحس انك معايا وتحسي انى معاكى انا مش عايز غير انى أطمن عليكي وتطمني عليا , أعتقد ده مش غلط ولا عيب

صمتت "ريهام" لبرهه ثم قالت له في حزم:

-عارف .. الكلام اللي انت قولته دلوقتي خلاك تنزل في نظرى من سابع سما لسابع أرض

قالت ذلك ثم تركته وانصرفت, تابعها "معتز" بعينيه والشرر يتطاير منهما قائلاً:

-ماشي يا" ريهام" .. مش "معتز" اللي يتعامل بالطريقة دى .. انتى لسه متعرفيش مين هو "معتز"

جلس" عمر" فى شرفة الفيلا واجماً, أقبلت" كريمة "وتطلعت الى ابنها الساكن, اقتربت منه ووضعت كفها على كتفه, فإنتبه "عمر" لوجودها وأمسك يدها وقبلها وابتسم لها, بادلته أمه الإبتسامه وجلست على المقعد المجاور له قائله:

-مالك يا "عمر" شكلك مش عاجبنى من ساعة ما رجعت انت و "نانسي" من شرم .. حصل حاجة يا ابنى ؟ .. قولى احكيلي .. أنا أمك ويمكن أقدر أساعدك

-لا أبداً يا أمى مفيش حاجة

" ـ عمر" انت طول عمرك صريح معايا, مش عايز تقولى مالك خلاص هحترم رغبتك لكن ما تكدبش عليا

شعر بالحرج من كلامها واعتذر اليها قائلاً:

-آسف یا أمی بس مضایق شویة

من" نانسى" ؟

-لا مش من "نانسي" .. من تصرفات" نانسي"

فزورة دى ولا ايه ؟

-لا مش فزورة .. "نانسي "اتربت تربية مختلفة عنى شوية .. وده لأن أصلاً أهلها مختلفين عنك وعن بابا .. ادوها حرية بدون حدود او قيود .. ويمكن كانت فاكرة عشان أنا راجل وغني يبقى مفيش عندى خطوط حمرا .. بس أنا بحاول أطبعها بطبعي بس شكلها هتتعبنى شوية

- فكرت كريمه في كلامه ثم قالت: "عمر" انت لسه على البر, يعني لو شايف ان "نانسي"

قاطعها "عمر" قائلاً:

-ماما أنا بحب "نانسي" ومش هسيبها .. وبعدين أنا واثق انها تقدر تتغير للأحسن وتقدر تتنازل عن الحاجات اللى بتضايقني .. لأنها بتحبني .. وطالما بتحبنى يبأه هتحاول على أد ما تقدر انها ترضيني زى ما أنا بحاول أرضيها .. هى بس مشكلتها مدلعه شويتين تلاته ومش واخدة على ان حد يقولها اعملى كذا وما تعمليش كذا .. بس بكرة تتعود وتفهم يعني ايه جواز ومسؤليه

-انت أدرى بمصلحتك يا ابنى .. وأنا من جهتى مش هبطل الدعوة اللى بدعيهالك ليل ونهار وفي صلاتى وفي كل وقت) ربنا يحميك وينورلك بصيرتك ويكفيك شر ولاد الحرام (

ده انسان لا يُطاق

هتفت "نانسي" بهذه العبارة في غضب بعدما قصت على "نادين" نا حدق بينها وبين "عمر"

في شرم.

-تمتمت "نادين" قائله: مضطرين نستحمله

نظرت "نانسى "اليها وقالت في عصبيه:

-لا أنا مش مضطرة أستحمل أى حاجة .. مستحيل أتجوز بني آدم متخلف وعديم الذوق بالشكل ده , نفسي أفهم ازاى ده واحد المفروض انه من أرقى عائلات مصر.. ده ابن رئيس الخدم بتاعنا متحضر عن اللى اسمه "عمر" ده

قالت "نادين" في برود:

-بس ابن رئيس الخدم بتاعنا مش هيقدر ينقذنا من ورطتنا .. مفيش حد غير "عمر" يقدر يلحقنا قبل ما نتفضح أدام الناس

استعادت النانسي الهدوءها بعدما تنبهت لمشكلتهم الأساسية و قالت بتأفف: -طيب أعمل ايه دلوقتي من ساعة ما رجعنا مكلمنيش وقبل ما نرجع يدوب قالي كلمتين بالعافية

ألتقطت "نادين "هاتف "نانسي" وناولتها اياه قائله:

-اتصلى بيه انتى .. متستنيش اتصاله .. اعتذريله .. وصلحى الموقف بكلمتين حلوين .. واياكى ثم اياكى تحصل مشكلة تانية .. خلى الموضوع يعدى على خير لأن شكل "عمر "مش سهل أبداً .. ثم أردفت بسخرية:

-فالحة بس تقوليلي ده زي الخاتم في صباعي يا مامي

أمسكت "نانسى" هاتفها متبرمة واتصلت به

تررررن تررررن تررررن

أخرج عمر خاتفه من جيبه وارتسمت ابتسامه صغيره على محياه عندما رأى أن المتصل اننانسي" .. ابتسمت الكريمة الابتسامة ابنها وعرفت المتصل دون أن تنظر الى الهاتف و بتت على كتفه و غادرت في صمت

" ـ عمر " و هو يتصنع الجديه : ألو

" -نانسي" بصوت ناعم: ألسو

ثم صمت كلاهما .. تكلمت "نانسى "أخيراً وقالت:

وحشتني أوى

اتسعت ابتسامة "عمر" ولكنه صمت ولم يتفوه ببنت شفه

-قالت له بنبره مستكينه: أتا عارفه انك زعلان منى .. أنا فعلاً غلطت .. ومهنش عليا تنام وانت زعلان منى .. أنا آسفة يا حبيبي

اتسعت ابتسامته أكثر ولمعت عيناه لكنه ظل محتفظاً بنبرته الجادة وقال لها:

-آسفة على ايه بالظبط؟

-انت كان معاك حق .. ما ينفعش بعد ما اتخطبتلك انى أستمر بنفس الطريقة اللى كنت بتعامل بيها قبل الخطوبة مع صحابي .. عشان دلوقتى أنا بتاعتك انت وبس

لم يستطع "عمر" الاستمرار في التظاهر وهمس قائلاً:

وانتى كمان وحشتيني أوى

ارتسمت ابتسامة خبيثة على شفتيها وأطلقت نفساً عميقاً فقد استطاعت احتواء المشكلة وعاد لها "عمر" كما كان

كانت "ريهام" تجلس ساهمة على فراشها ولم تشعر ب "ياسمين" وهى تفتح باب الغرفة وتدخل وتغلقه خلفها, لاحظت "ياسمين" شرود أختها فسألتها:

في حاجة يا "ريهام" ؟

لم تجبها "ريهام" بل لم تسمعها أصلاً, فنادتها "ياسمين "بصوت أعلى:

" -ریهام" .. "ریهام"

-هه .. بتنادی ؟

-بنادی ؟ .. ایه یا بنتی فین عقلك ؟

-مفيش أصلى بفكر في مشكلة واحدة صحبتي

مشكلة ايه ؟

توجهت "ياسمين" اليها وجليت بجوارها على السرير .. شعرت "ياسمين" بأن المشكلة خاصة باريهام" وليس بصديقتها كما ادعت ولكنها لم تُفصح عما يدور في عقلها لتتركها تتحدث بحرية

-ها .. ایه بأه یا ستی مشکلة صحبتك ؟

اعتدلت "ريهام" في جلستها ووضعت يديها في حجرها وفركتهما بتوتر وقالت:

-بصى هى حكتلى المشكلة دى وأنا معرفتش أرد عليها فقولت أحكيلك انتى .. لأنك أختى الكبيرة وأنا بثق في نصايحك يا" ياسمين"

مررت" ياسمين "كفها على شعر أختها في حنان وقال لها:

قولی یا حبیبتی سمعاکی

-فى واحد معانا فى الجامعة فى نفس الكلية بتاعتنا وفى نفس السنة .. يعني تقدرى تقولى انه .. يعني .. بيحب صحبتى دى

سكتت "ياسمين" قليلاً ثم قالت:

-یعنی ایه بیحبها ؟

-نظرت اليها "ريهام" بإستغراب قائلة: مالك يا "ياسمين" هي فيزيا .. بيحبها يعني بيحبها

ايوة يعني ايه بيحبها .. ايه اللي هو عمله وهي فسرته انه حب بصراحة هو قالهالها بطريقة مباشرة

شعرت "ياسمين" ببعض القلق لكنها سيطرت على ردود أفعالها: -وهي بتتكلم معاه فين ؟

-لا .. هى مش بتتكلم معاه خالص .. هو وقفها بس كذا مرة فى الجامعة وقالها الكلام ده .. بس هى لا بتخرج معاه ولا بتعد معاه لا فى الجامعة ولا بره الجامعة ولا مدياله ريق حلو أصلاً

شعرت "ياسمين" بالإرتياح, سألتها قائله: طيب فين المشكلة تحديداً ؟

-المشكلة انها بتصده جامد لأنه طبعا عايز نظام خروج وموبايلات وكدة يعني .. زى أى اتنين بيحبوا بعض

طيب طالما بيحبها زى ما بتقولى ليه ما يتقدملهاش وكل ده يبقى في النور

قالت "ريهام" بإحباط: أبوه السبب .. مش راضى يخطبله قبل ما يخلص دراسته وياخد شهادته عليب برده يا "ريهام" معرفتش فين المشكلة

-المشكلة انها مضايقة يا "ياسمين" وحسه انها بتظلمه, يعني هو بيحبها وأكيد بيحب يكلمها يعني غصب عنه عشان بتوحشه, وهي آخر مرة صدته جامد أوى وقالتله كلام صعب وهو أكيد زعل منها.

وقصت عليها "ريهام" تفاصيل آخر حوار لها مع "معتز .. "ثم قالت:

-يعني فيها ايه لو كانت استجابت لكلامه .. يعني هو مش عايز حاجة وحسة هو كل اللى طلبه انه يطمن عليها بالتليفون كل فترة بكل احترام مش أكتر من كدة , هو ممكن يفهم صدها له ان هي مش عايزاه فيصرف نظر عنها

-طیب هو وبتقولی بیحبها .. طیب هی مشاعرها ایه ناحیته ؟ -بصراحة هی حسه انها معجبه بیه جداً وشکلها کده بتحبه

صمتت" ياسمين" قليلاً لتفكر جيداً فيما ستقوله ,, فهى تعلم الآن أن الشيطان يلعب فى رأس أختها , قالت بعد تفكير:

-يعني هو بيحبها وهى بتحبه . طيب قوليلى يا "ريهام" مين الوحيد اللى فى ايده انه يجمع بينهم أو يفرق بينهم ؟

قالت" ريهام "فوراً: ربنا

جميل .. يعني هى عايزه الولد ده وبتحبه واللى فى ايده انه يجمع بينها وبينه هو ربنا .. طيب انتى لما بتعوزى حاجة من ماما أو من بابا بتعملى ايه ؟

مش فاهمة

-يعني أما بتعوزى تخرجى, أو تزورى صحبتك, أو لما بتعوزى فلوس, أو لبس جديد .. بتحاولى تراضى بابا وتكوني مطيعة ليه وتسترضيه وبعدين تطلب طلبك, ولا بتغضبيه وتضايقيه منك وبعدين تطلب اللي انتى عايزاه ؟

-أكيد بطيعه وأرضيه عشان يرضى يعملى اللى أنا عايزاه

-هى عايزه من ربنا اللى فى ايده قلبه وقلبها انه يجمع بينهم, ازاى بأه عايزه تعصيه وبأى وش هتقدر تطلب منه وتدعوه يحققلها طلبها وهى مخلياه غضبان منها

تسللت علامات الارتياح على وجه "ريهام" وابتسمت ابتسامة كبيرة وحضنت أختها ثم قالت: -معاكى حق يا "ياسمين" . الى هي عملته هو الصح , ربنا ما يحرمني منك يا أحلى "سمسمة" في الدنيا

استسلمت "ريهام" للتوم أخيراً, فلقد اطمئن قلبها أن ما فعلته هو الصواب, أغمضت عينيها وقبل أن تغوص في سبات عميق تمتمت قائله:

-يارب لو هو خير ليا قربنا من بعض في الحلال ولو هو شر ليا متعلقش قلبي بيه.

معقولة .. يعني عايزة تفهميني انك لحد دلوقتى محبتيهوش ؟!

خرج هذا السؤال من فم "سماح" صديقة" ياسمين "وهى تجلس معها على سريرها فى غرفتها .. فلقد اعتادت الصديقتان على التزاور من فترة لأخرى الأخرى الأخرى الأخت والصديقة المخلصة

-بصي بصراحة مشاعرى حيادية .. يعني أيوة مش بحبه بس برده مش بكرهه .. هو انسان كويس ومشتفش منه حاجة وحشة ومناسب ليا

-أمال بأه خايفة ليه ؟

-تنهدت "ياسمين" قائلة: عشان معدش فاضل على الفرح غير اسبوعين بس .. حسه ان فترة الخطوبة كانت قصيرة أوى , حسه انى لسه ما أعرفوش ولسه مش قادرة أفهمه أو أكون رأى واضح فى شخصيته .. مش متخيله ان بعد اسبوعين بالظبط هيتقفل عليا أنا وهو باب واحد

-بسيطة قولى لباباكى انك مش عايزة تتجوزي دلوقتى وانك محتاجه فترة خطوبة أطول تنهدت مرة أخرى في حسرة قائلة:

-للأسف بابا مصر ان الفرح يكون في معاده ومش شايف أى معنى لكلامي ولا مديه أى أهمية وبيقولى هتبقى تعرفيه بعد الجواز

قالت "سماح" بإستغراب: منطق عجيب

بالطبع يجب أن تتعجب "سماح" من تفكير والد "ياسمين" لأنها تربت في بيئة مختلفة عن تلك التي تربت فيها "ياسمين" .. "سماح" هي ابنة لتاجر كبير يعمل في مجال التصنيع يملك مصنعاً لإنتاج المربي والعصائر , ووالدتها دكتورة نسا ناحجة ومشهورة .. رغم اختلاف المستوى الإجتماعي للفتاتين لكن هذا لم يمنع خيوط الصداقة من أن تمتد بينهما وننحول تلك الخيوط مع الأيام والسنون الي روابط متينة لا تنقطع أبداً .. ولربما ساعد في ذلك أن أسرى "سماح" كانت أسرة طيبة ومحترمة , لم يكن كل اهتمام والداها منصب على المادة وتوفير المستوى اللائق لإبنتهما بل اهتما أيضاً بالجانب التربوي وبث الأخلاق والفضائل فيها ولم يتركا لها الحبل على الغارب ككثير ممن تراهم من هذه الطبقة.

قالت "ياسمن" لصديقتها في حزن: ياريت كان عندى أب يسمعني ويفهمني ويعبر اعتبار لرأيي ولكلامي خاصة في الحاجات اللي تخصني .. زى باباكي يا "سماح "ما شاء الله عليه ربنا يحفظهولك عرف ازاى يكسبك ويصاحبك عثبان كدة انتوا دايماً متفاهمين مع بعض وعثبان كدة انتى مستغربة من تفكير بابا

-قالت 'اسماح'' وهى تحاول التخفيف على صديقتها: بصي ارمي حمولك على ربنا وإن شاء الله ربنا يقدملك اللى فيه الخير. المهم ما تبطليش استخارة لحد معاد الفرح

" -ياسمين" في استسلام: حاضر.

عبرت "ريهام" بوابة الكلية عائدة الى منزلها بعد انتهاء يومها الدراسي في الجامعة .. لم تنتبه لتلك العينان اللتان تتابعانها من مكان قريب.

وقت "معتز" مع صديق له يتابعها بعينيه حتى اختفت عن الأنظار

-ضحك صديقة بسخرية قائلاً: آه من الحب وعذابه

-التفت اليه "معتز" قائلاً: حب ايه يله انت عبيط

-لا بس البت دى جامدة أوى يا برنس اديتك دوش بارد انما ايه اللى هو ورجعتك وانت أفاك يقمر عيش

-قال" معتز" محتداً: ما عاشت ولا كانت اللي تعمل كدة في "معتز". ده أنا أطلعه عليها وعلى اللي خلفوها كمان

-يا عم روح وانت بق على الفاضي

-قال "معتز" وقد ازدادت حدة انفعاله: بق! .. طيب هتشوف البق ده هيعمل ايه في بنت التييييييييت دي

- هتعمل ایه یعنی هتضربها علی ایدها وتقولها کده کخ متعملیش کدة تانی ؟

-هضربها آه .. بس مش على ايدها .. على نفوخها .. عشان تفوق وتعرف ان مش أنا اللي حتت بت تيييييييت تعاملنى المعاملة دى .. مش هى راسمة دور ست الخاضرة وقالتلى انى فى نظرها فى سابع أرض .. أهو أنا بأه وبجوز جنيهات هنزلها معايا لسابع أرض

-سأله صديقه وقد بانت على ملامحه علمات الاستمتاع: ازاى يعني هتعمل ايه ؟

-بكرة تشوف يا معلم

-أمتعز أحبيبي

كانت ليلة هادئة تلتمع فيها بعض النجمات على استحياء حينما توقفت سيارة "عمر" الجيب في احدى المناطق الهادئة على كورنيش المقطم .. نزل ورفيقته لينعما بجمال المنظر وبالسكون من حولهما , استندا بظهريهما الى السيارة ولف "عمر" ذراعه حول كتفيها يضمها الى صدره.. ثم نظر اليها وهو يبتسم في صمت .. تطلعت اليه "نانسي" قائله:

-مالك .. مبسوط ليه ؟

-يعنى مش عارفه ؟

ـلأ مش عارفه

مبسوط عشان من يوم ما رجعنا من شرم وانتى بقيتي "نانسي" تانية وبطلتى تعملى الحاجات اللى تضايقني .. خاصة لبسك

-يعني عجبك لبسي دلوقتى

قال "عمر" في تردد: أحسن كتير عن الأول .. بس .. يعنى .. برده لسه

شعرت "نانسي" بالغضب وهو يبدأ في الإشتعال بداخلها, فهي ومنذ خلافهما الأخير لم ترتدى شئ مكشوف رغم عشقها لفساتينها وتنوراتها القصيرة. فكانت تظهر أمامه دائماً ببناطيل جينز و اسكيني وعليها شيميز أو توب ذو أكمام طويلة. كانت تشعر بالضيق والإختناق من الإلتزام بهذه النوعية من الملابس فهي تحب التنويع ولا تحسب السير على وتيرة واحدة. لكنها في نفس الوقت كانت حريصة ألا يحدث بينهما خلاف آخر

قالت له فجأة: "عمر" انت ما بتحبنيش

-اندهش قائلاً: ليه بتقولى كدة ؟!

- -قالت في دلال معاتبه اياه: عشان اللي بيحب حد بيحب يشوفه كل يوم وكل ساعة وما يفترقش عنه أبداً
 - -أزاح بيده خصلات شعرها الذهبية التي تساقطت على جبهتها في حنان قائلاً:
 - ومین قال انی مش عایز کدة
 - -قالت بحزن مفتعل: عشان لحد دلوقتى محددتش معاد الفرح, رغم انك قولتلى ان خطوبتنا مش هتطول
- -قال لها فى جدية : أنا آسف يا حبيبتى بس فعلاً الفترة اللى فاتت كان عندى ضغط كبير فى الشغل .. بس خلاص هانت
 - طيب متيجى نحدد المعاد دلوقتى
 - -ضحك قائلاً: ده انتى واقعة أوى

تظاهرت" نانشي" بالغضب مما قال وأزاحت ذراعه التى تحيط بكتفيها وهمت بأن تتركه وتبتعد عنه, لكن "عمر" لم يفسح لها المجالى وجذبها من ذراعها الى حضنه مرةأخرى قائلاً:

- ـشهرین کویس ؟
- -حاولت رسم علامات الفرح على وجهها وقالت: بجد يا "عمر"
 - -نظر اليها في حب قائلاً: أيوة بجد .. شهرين وتكوني مراتي
- -عانقته وقالت: با حبيبي أهو أنا دلوقتي اتأكدت ان انت فعلاً بتحبني
 - -عاتبها قائلاً: هو انتى كنتى لحد دلوقتى متأكدتيش
- -نظرت اليه وقالت في دلع وهي تلف ذراعيها حول عنقه: كنت متأكده بس كنت عايزة أتأكد أكتر
 - طب تفتكرى عندك في البيت هيكون في أي اعتراض على المعاد ؟
 - قال لنفسها (يعترضوا ايه بس دول هيغمى عليهم من الفرحه (
 - لا يا حبيبتي ما اعتقدش يعارضوا وحتى لوحد اعترض أنا هقفلهم
 - -قال لها" عمر" بعتاب: لا يا حبيبتى ما ينفعش تتحدى أهلك كدة وتقفى أدامهم .. لو حصل واعترضوا أنا اللى هتفاهم معاهم.

دخلت "نانسي" الى غرفتها بعدما أخبرت" نادين" بتلك البشري التى استقبلتها بفرحة عارمة فالتفتت الى هاتفها الذى أعلن عند ورود مكالمة لها .. التقطته وردت قائله:

" عماد" ازيك

-أهلاً بالناس الوحشة

-ضحكت قائلة: أنا وحشة ؟ .. ده انت ما بتشوفش بأه

-هو أنا عارف أشوفك انتى فين غطسانه فين من يوم الموقف الزباله بتاع شرم مشفتكيش ولا اللي بتتخطب اليومين دول بيحبسوها في بيتها

-قالت "نانسي" في حزن: والله وحشنى أوى وكل الجروب وحشونى أوى ازي "أنور" و "مهاب" و "خالد" و "جيرمين .. "كلهم وحشونى

واضح أوى اننا وحشينك بدليل ان سيادتك بتسألى وبتعبرى

-أوف .. أعمل ايه يعني "عمر" مش حابب انى أروح الديسكو خالص وانتوا ما بتتقابلوش غير هناك

-تعالت ضحكاته قائلاً: أمال عايزانا نتقابل فين .. في الجامع .. وبعدين استنى هنا من امتى حد بيمشى كلامه على "نانسى "

-قالت بحده واستعلاء: محدش يقدر يمشي كلامه عليا يا "عماد" -ما هو واضح أهو .. قالك ما تروحيش الديسكو يا "نانسي" وانتى قولتيله حاضر يا سي" عمر" اللى تشوفه .. ده حتى لبسك سمعت انك بقيتي عاملة زى يتى الحاجة .. بس تعرفي مش لايق عليكي دور أمينة ده خالص

-غضبت "نانسي" قائله": عماد" ما تستفزنيش

اسكتى بأه ده انتى طلعتى فشنك وأنا اللى كنت فاكرك شخصية

-أنا شخصية غصب عنك وعن الكل

طيب اثبتيلي

قالت بإندفاع: انتوا هتروحوا امتى؟

شعر" عماد" بالسعادة لأنه استطاع تحقيق هدفه, قال لها:

شویه وهنکون هناك

-خلاص استنونى عشان أنا جايه النهاردة

-ضحك العماد البصوت عالٍ قائلاً: أحبك يا النانسي اليا جامد .. مستنيك ما تتأخرش عليا

أغلقت "نانسي" هاتفها وفتحت خزانة ملابسها لتختار فستان يتكون من قطع رقيقة من القماش التى فشلت بأن تبقى على اتصال ببعضها البعض!

أنهى "عبد الحميد" صلاة العشاء وظل يسبح ربه ويستغفره, أقبلت زوجته من خلفه قائله: -ربنا يتقبل منك يا سى "عبد الحميد"

نهض فأسرعت "سمية" بأخذ سجادة الصلاة من يده وطوتها ووضعتها على الكرسي الله يكرمك

اتجه "عبد الحميد" الى السرير, فأسرعت "سمية" بفرد الغطاء عليه, ووقفت بجوار الفراش ويبدو عليها علامات التردد, انتبه اليها قائلاً:

خير في حاجه ؟

قالت بتردد: بصراحة في موضوع كنت عايزه أكلمك فيه

حير إن شاء الله ؟

-لأخير .. خير إن شاء الله .. أصل .. يعني .. الموضوع بخصوص "ياسمين " اعتدل "عبد الحميد" في جلسته قائلاً:

-خير حصل حاجة بينها وبين خطيبها ؟

أسرعت "سمية" بإجابته:

الله الله الشر وده الجدع بصراحة ما يتعيبش

المال في ايه ما تقولى وقعتى قلبي

-أصل بصراحة كدة "ياسمين" مضايقة ان معاد الفرح اتحدد بسرعة

قال وقد ظهرت عليه ملامح الغضب: بسرعة ايه وزفت ايه .. هو لعب عيال .. المعاد متحدد من يوم ما الجدع جه اتقدم

-آه يا أخوياً ما قولناش حاجة .. بس هي يعني بتقول انها لسه معرفتهوش كويس وعايزة فترة الخطوبة تطول شوية عشان تفهم شخصيته

ازدادت حدته قائلاً: بلا داه بنات بلا مسخره .. قال تفهم شخصيته قال .. ما كلنا اتجوزنا وبعد الجواز فهمنا كل حاجة .. ده أنا خطبتك وأنا معرفش شكلك يا وليه

حاولت "سمية" امتصاص غضبه قائله: أيوة معاك حق يا أخويا .. هي بس عايزه

قاطعها فى غضب: لا عايزه ولا مش عايزه . البت المتربيه كويس بتسمع كلام أبوها . أنا مش هضرها الجدع ده مش هتلاقى زيه . متربي ومتعلم وكفاية انه شايل الليله لوحده ومطلبش مننا أكتر من طاقتنا . أما بقى تروح بيته تبقى تفهم شخصيته براحتها . دلع مرئ

-خلاص متزعلش نفسك يا أخويا . انت برده أبوها وأدرى بمصلحتها

اطفى النور خلينا ننام .. ومش عايز كلام في الموضوع ده تاني

تعالت أصوات الموسيقي وامتلأ البست برجال ونساء وقد أخذتهم حمى الرقص والميل مع

نغمات تلك الموسيقى الصاخبة

قال "عماد" لـ "نانسي" الجالسة بجواره:

ـيلا نقوم نرقص

قامت من فورها وهى تبتسم له, وشرعا اللإثنان فى الإنغماس والإندماج فى تلك الرقصة المحمومة, قال بصوت مرتفع لتستطيع سماعه:

كنت خايف متجيش

لیه بأه

يعني .. قولت هتخافي من خطيبك

-أنا مبخفش من حد أنا أعمل اللي أنا عايزاه

وربنا انت جامد

انتهت الرقصة فإقترب "عماد" منها ونظر الى عينيها قائلاً:

وحشتيني على فكرة

قالت له في دلال: وانت كمان

مين اللي وحشك .. "عماد" صحبك .. ولا "عماد" حبيبك ؟

ابتسمت وأخذت خصله من شعرها تتسلى بلفها حول صابعها وقالت:

-الاتنين

لو كنت فارق معاكى مكنتيش اتخطبتى

-قال یعنی لو مکنتش اتخطبت کنت انت هتخطبنی , أنا وانت عارفین کویس انك مش بتاع حواز - بس ده میمنعش انك تهمینی أوی , ومش قادر أعیش من غیرك

ـلا انت عايش وعايش أوى كمان

دى حلاوة روح, أنا بموت من غيرك

" ـ عماد" أنا دلوقتى مخطوبة وهتجوز قريب

بالسرعة دى ؟!

_أهاا

-انتى حكايتك ايه بالظبط .. خطوبة وبحاول أبلعها .. لكن جواز ومن واحد معقد زى ده .. أكيد في الموضوع

تنهدت "نانسي" بحسره فجذبها من ذراعها وسار بها نحو طاولتهم قائلاً:

-أنا برده قولت كده .. تعالى قوليلى بأه حكايتك ايه بالظبط

كانت "ريهام" تقف مع زميلاتها خارج المدرج, كانت الكلية مزدحمة فى ذلك اليوم لوجود امتحان لطلاب الفرقة الرابعة, كانت تتحدث مع صديقتيها وتراجع اجابات ما جاء فى الإمتحان من أسئلة حينما اقترب منها "معتز" فجأة ووقف أمامها, نظرت اليه وقلبها يدق بشدة وقال فى نفسها (اتجنن ده ولا ايه, (رمقته بنظرات دهشة ممزوجة بالتوتر. انتظرت أن يتحدث. كنها فوجئت به وقد أخرج سلسلة صغيرة ذهبية من جيبه وحركها أمام وجهها حيث كانت تحمل السلسلة فى نهايتها حرف

R

نقلت نظرتها من السلسلة الى "معتز" وهي مندهشة ولا تفهم ما يرمى اليه, قال بصوت مرتفع

وقد ارتسمت على وجهه ابتسامة ساخرة:

" -ریهام" نسیتی دی معایا امبارح

خفق قلبها بشدة وقالت بإندهاش

مش فاهمة

-قال لها وهو يرمقها بنظرات التشفى: وقعت منك لما كنتى معايا يا حبيبتى .. فجيت أرجعهالك -قالت بصوت خافت مبحوح: دى مش بتاعتى

شعرت بأن الأرض تنهار تحت أقدامها, ونظرت حولها لتجد بعض زملائها وزميلاتها يتابعون ما يحدث ويتهامسون, وفجأة أظلمت الدنيا أمام عينيها.

دخل "عمر" الى غرفة الطعام وقد ارتدى حلة أنيقة داكنة اللون, سار عبر الغرفة وتوجه الى والده الذى يجلس على رأى الطاولة ومندمجاً في قرءة جريدته قائلاً:

صباح الخير يا بابا

رفع والده رأسه ونظر اليه قائلاً:

صباح الخيريا "عمر"

التفت الى أمه التى تجلس على يسار الأب وأمسك يدها وطبعا عليها قبلة صغيره وقال:

صباح الخيريا أمي

-صباح الخير يا حبيبي .. يلا عشان نفطر سوا

جلس "عمر" في مكانه على يمين الأب الذي ترك الجريده من يده وشرع ثلاثتهم في تناول طعام الفطور, قالت "كريمة" موجهه حديقها الى "عمر: "

ازی خطیبتك ؟

الحمد لله يا ماما بتسلم عليكي كتير

مش المفروض يا "عمر" نعزمها عندنا هي وأهلها ؟

نقل نظرة بين أمه وأبيه وقال:

-اللى تشوفوه .. أساساً كانت مدام "نادين" قالتلى انها هتعزمنا ملنا على الغدا عندهم في الفيلا بس محددتش معاد

مفیش مشکلة احنا أو هما واحد مش هتفرق .. بس احنا خلاص هنکون عیلة واحدة فلازم يكون بینا زیارات وود عشان نقرب من بعض أكتر

معاكى حق يا ماما .. بابا ايه رأيك ؟

طبعاً يا ابنى وأنا بنفسي هكلم باباها النهاردة وأعزمهم

" كريمة": وأنا هكلم "نادين"

-ابتسم "عمر" قائلاً: يا سلام هي جت عليا.. أنا كمان هكلم "نانسي" أعزمها ضحك ثلاثتهم في مرح.. وبدأت "كريمة" في الاتفاق مع الخدم والأعداد لترتيبات تلك الزيارة.

وقفت "ياسمين" شارده فى شرفة حجرتها تتسلى بالنظر الى الناس فى الشارع .. كان عقلها يعمل بدون توقف .. لديها عشرات الأسئلة فى رأسها لا تجد لها اجابه .. ولديها الكثير من المخاوف .. كانت تفكر فى شكل حياتها الجديدة ومستقبلها مع "مصطفى" .. نـرى ماذا تُخبئ

```
لها الأيام ?...
                              أفاقت من شرودها على جرس هاتفها .. ابتسمت وهي ترد:
                                                    السلام عليكم .. "سماح" ازيك
                          أتاها صوت "سماح" عبر الهاتف وعلامات الحزن باديه عليه:
                                           وعليكم السلام .. ازيك انتى يا "ياسمين"
                                           ايه يا بنتي مال صوتك في حاجة حصلت ؟
                                                              عايزة أتكلم معاكى
                                  -خير قلقتيني .. انتى كويسة .. و طنط و عمو كويسين
                   -آه یا بنتی ماتقلقیش بس فی موضوع یخصنی عایزة أتكلم معاكی فیه
                                                            طیب اتکلمی سمعاکی
 -لا مش هينفع في التليفون .. يا تجيليي يا أجيلك .. بصراحة أفضل اني أجيلك عشان أعرف
                                                               أتكلم معاكى براحتى
                              -انتی بتستأذنی یا 'اسماح'' .. طبعا تعالی یا بنتی ده بیتك
                                -تسلمى يا حبيبتى .. طيب يناسبك بكرة الساعة 5 كده ؟
                                                  - لا خليها الضهر عشان نتغدا سوا
                                                 -غدا ایه بس مش وقت کدة خالص
                            قالت "ياسمين" بإصرار: هستناكي الضهر.. ما تأوحيش
                        قالت "سماح" في استسلام: حاضر.. أشوفك بكرة ان شاء الله
                                                 ان شاء الله يا حبيبتي .. منتظراكي
                                                                          _سلام
                                                                          _سلام
أغلقت 'اباسمين'' وهي تحاول أن تخمن ما هو هذا الموضوع الذي يخص 'اسماح'' وتريد أن
                                                                    تحدثها فيه ؟!
                                         *****
                                               نادت "نادين" خادمتها وسألتها قائلة:
                                                                فین "نانسی" ؟
                                         قالت الخادمة: فوق حضرتك لسه مصحتش
                                               ایه ده لسه نایمة .. طیب روحی انتی
                                      صعدت "نادين" لحجرة "نانسى" ونادتها قائلة:
                                    " ـنانسي" .. "نانسي" .. قومى عايزاكى بسرعة
                              لم تجد استجابة منها .. فاقتربت من فراشها وهزتها بيدها:
                                                     " _نانسى" قومى .. "نانسى"
  تململت "نانسى" في فراشها وهي لا تستطيع فتحت عينيها وانزاح الغطاء عنها قليلاً فرأت
                                          "نادين" فستان السهرة الذي مازالت ترتديه
                     ایه ده ایه اللی انتی لابساه وانتی نایمه ده .. انتی خرجتی امبارح؟
                                     قالت وهي تجد صعوبة في ابقاء عينيها مفتوحتين:
                                                                      -آه خرجت
```

-خرجتی روحتی فین .. خرجتی مع "عمر" ؟

ضحكت "نانسى" بشدة قائلة:

-وانتی متصور و ان العمر الممکن یسبنی أخرج بالفستان ده .. انتی مش عارفه خطیب بنتك ولا ایه

امال خرجتى فين

قالت وهي تجلس بصعوبة على السرير:

-خرجت روحت الديسكو .. قابلت "عماد" وباقى الشلة هناك

شعرت "نادين" بالغضب صرخت في وجهها قائله:

ديسكو ؟ .. ديسكو يا "نانسي" .. افرضى "عمر" شافك .. افرضى حد شافك وقاله .. انتى مش عارفه انه منعك تماماً انك تروحي المكان ده

أزاحت "نانسى" الغطاء عنها وهبت واقفة:

-أوف أوف . كل شوية "عمر" قال . "عمر" عاد . أنا اتخنقت أنا مش متعودة على كدة .. متعودة أعمل اللي أنا عايزاه وفي الوقت اللي أنا عايزاه

-انتى هتفضلى مدلعة لحد امتى .. لحد ما نضيع كلنا .. أنا مكنتش عايزة أقولك عشان ما أثرش على نفسيتك بس طالما انتى ما عندكيش احساس كدة هقولك .. البنك حجز على كل حاجة بنملكها .. مافضلش غير الفيلا دى وعربية أبوكى وعربيتي وعربيتك واللى قريب أوى هيضيعوا هما كمان

امتقع وجه "نانسي" بشدة .. كانت تعلم الظروف التي يمرون بها لكنها لم تتوقع أن تتدهور أمورهم الى هذه الدرجة وبهذه السرعة , ظلت واجمة لا تنطق بشئ .. اقتربت منها "نادين" قائله:

-فهمتى بأه ان الموضوع جد مش هزار .. وإن "عمر" هو آخر أمل لينا وان الوضع مش متحمل أبداً استهتارك ودلعك ده .. أنا كنت جايه أصحيكي عشان أقولك ان حماتك المستقبليه كلمتنى و عزمتنا كلنا بعد بكرة و هيكون موجود عمة "عمر "وولادها كمان .. مش عايزة غلطة يا "نانسي" خلى الموضوع يتم على خير .. انتى سامعه قالت ذلك و تركتها و خرجت ...

أثناء انهماك الياسمين افى مساعدة والدتها فى تحضير طعام الغذاء سمعت باب الشقة يُفتح ثم يُغلق . التفتت لوالدتها قائله:

دى أكيد "ريهام" .. بابا لسه نازل من شوية

نادتها قائلة:

" -ریهام" .. "ریهام"

سمعت باب حجرتما يُغلق بقوة .. فقالت لنفسه (مالها دى(

تركت ما بيدها وذهبت لترى أختها .. صدمت "ياسمين" عندما فتحت باب الغرفة ووجدت "ريهام" منهارة من البكاء .. أغلقت الباب بشرعة وتوجهت اليها قائله بلوعه:

" _ريهام" مالك في ايه .. ايه اللي حصل .. قوليلي

كانت "ريهام" ترتجف من شدة البكاء فجلست "ياسمين" بجوارها وأخذتها في حضنها قائله:

-بس يا حبيبتى .. بس متعيطيش .. في ايه مالك .. طمنيني وقعتى قلبي أزاحتها قليلاً لتنظر اليها ومسحت ما تساقط على وجهها من دمعات ثم قالت:

حبيبتي استعيذي بالله من الشيطان الرجيم واحكيلي اللي حصل

استعادت "ريهام" بالله وروت لأختها ما حدث بالتفصيل .. قم أردفت:

-اتفضحت يا "ياسمين" .. متخيلة الكلام اللى قالهولى يوحي بإيه .. والمصيبة ان صحابي كانوا واقفين .. ومش بس صحابي ده كمان زمايلي فى الدفعة .. هيقولوا عليا ايه دلوقتى قالت ذلك ثم انفجرت فى البكاء مرة أخرى .. فقالت لها "ياسمين: "

حسبي الله ونعم الوكيل .. بني آدم معندوش ريحة الضمير .. كويس انه ربنا كشفه بدرى عشان تعرفيه على حقيقته

انا خلاص معدتش راحه الكلية دي تانى .. معدش ينفع أورى وشى لحد

قالت لها "ياسمين" بصرامة:

-بتهرجی .. صح .. انتی ما غلطتیش عشان تستخبی من الناس .. هو اللی غلط و هو اللی المفروض یتکسف یوری و شه للناس .. او عی تخلی واحد زی ده یکسرك .. انتی لسه صغیره ویاما هتشوفی فی حیاتك .. مینفعش تسمحی لحد انه یدوس علیکی بالشکل ده .. او عی تدی لحد فرصة انه یجرحك أو یهینك .. انتی هتروحی الكلیة بكرة وانتی رافعة راسك لأنك مغلطتیش وربنا عارف انك مغلطتیش و أكید هیجبلك حقك منه .. لأنك مرضتیش تغضبی ربنا و عملتی الصح فأكید ربنا مش هیسیبك و هیكون جمبك

-اوعى تقولى حاجة لبابا يا "ياسمين" لو بابا واجهه معرفش الولد ده ممكن يتبلى عليا ويقول ايه وانتى عارفه بابا صعب أد ايه وممكن يصدقه

متخافیش بابا مش هیعرف .. بس الولد ده لازم یتربی .. لان لو محدش وقفله هیسوق ویتمادی فیها .. قالوا لفر عون ایه اللی فرعنك قال ملقتش حد یلمنی

ازای یعنی هتعملی ایه ؟

اسمها هنعمل .. بكرة هتشوفى

فى اليوم التالى وفى مكتب سكرتيرة عميد كلية التجارة بجامعة عين شمس وقفت" ياسمين" مع "ريهام" فى انتظار السماح لهما بالدخول, خرجت السكرتيرة من حجرة العميد ونظرت الى الفتاتان قائله:

اتفضلوا

شعرت "ريهام" بالتوتر وكادت أن تتراجع فجذبتها "ياسمين" من يدها ودخلوا الى داخل الغرفة , قالت "ياسمين: "

السلام عليكم يا دكتور

قال العميد: وعليكم السلام .. اتفضلوا

جلست كل منهما على مقعد مواجهه للمكتب .. نظر اليهما العميد قائلاً:

اتفضلوا .. ايه الموضوع المهم اللي عايزني فيه

روت له 'ایاسمین'' تفاصیل ما حدث من المعتزا واهانته له الریهام' أمام زملائها .. ثم أردفت قائله:

أنا بعد اللى حصل فكرت نيجي ونتكلم مع حضرتك لأنك المسؤل الأول عن الكلية هنا وأنا عارفه ان حضرتك بمركز يُملى عليك تحمل مسؤلية الكلية كلها وأكيد كل البنات والولاد اللي هنا هما أبنائك وبناتك اللى لازم حضرتك تحافظ ليهم عشان كدة احنا جينا لحضرتك النهاردة يا دكتور لأن أكيد مترضاش ان حد يهين بنت من بناتك اللى مسؤلين منك طول وجودهم في الكلية وتحت اشرافك

رد العميد قائلاً: طبعاً.. أكيد اهانة بنت من البنات وان ولد يتعرضلها ويضايقها ده ما أسمحش بيه أبداً في كليتي .. والولد اللي ذكرتي اسمه فعلاً مشاغب وبيجيلي اسمه كتير ــ ثم وجه حديثه الى "ريهام" قائلاً:

ما تقلقیش .. محدش یقدر یتعرضلك ولا یتعرض لأی بنت داخل الكلیة والولد ده لازم یتعاقب مشكرته "ریهام" قائله: أنا متشكره جدا یا دكتور .. بجد ربنا یكرمك

وفى اليوم التالى كانت سعادة "ريهام" غامرة عندما قرأت التنويه الموضوع فى بهو الكلية (قررنا فصل الطالب معتز محمود صبحى لمدة اسبوعين عقاباً له على اهانته لزميلاته ومشاغبته فى الكلية (

حمدت الله عز وجل وأيقنت أن من يصدق الله يصدقه

پعنی ایه الکلام ده ؟

نطق "اعمر" بهذه العبارة في غضب هادر وهو يتطلع الى الملف الموضوع أمامه على مكتبه بالشركة. قالت السكرتيرة:

ده الفاكس اللي جلنا يا فندم

هب "عمر" واقفاً وقال في غضب:

-أنا مشغل شوية ناس لا يعتمد عليهم .. يعني كدة الصفقة هتضيع علينا

حمل هاتفه وساعته والجاكت وتوجه الى البا قائلاً:

-الغى كل مواعيدي النهاردة وبكرة

قالت السكرتيرة بنبرة روتينيه:

حاضر یا فندم

أقبل "عمر" على والدته التى تجلس فى حديقة الفيلا وقبلها على رأسها وجلس على المقعد المجاور لها .. رأت أمه علامات القلق والضيق باديه على محياه فسألته:

حير يا حبيبي في حاجة ؟

تنهد في ضيق قائلاً:

للأسف هنضطر نأجل عزومة "نانسي" وأهلها اللي كانت المفروض تكون بكرة ليه ايه حصل ؟

فى مشكلة فى الشغل ولازم أسافر النهاردة ضرورى ومعرفش هغيب كام يوم

ـما ينفعش حد غيرك يقوم بالمهمة دى

ـلا مينفعش لازم أروح بنفسى

سكت قليلاً ثم أردت قائلاً:

- لازم أسافر النهاردة على المزرعة.

سمعت "ياسمين" جرس هاتف المنزل وهمت بترك الرواية التى تقرأها وتذهب لترى من المتصل لكن الصوت توقف فجأة فعلمت أن أحداً ممن فى البيت رد على الهاتف, ما هى الالحظات حتى فتح والدها باب غرفتها بعدما طرق الباب وقال لها:

-كلمى يا "ياسمين" تليفون عشانك

تعجبت "ياسمين" من الذى يتصل بها على هاتف المنزل فمنذ أن تخرجت لم يبقى على اتصال بها الا "سماح" فقط والتى تتصل دائماً على هاتفها المحمول, نهضت من فراشها وتركت روايتها وسألت والدها:

مین یا بابا

خطيبك

قالت بإندهاش: "مصطفى!"

ایوة هو انتی لیکی خطیب غیره

كانت هذه هى المرة الأولى التى يتصل بها "مصطفى", كانت العلاقة بينهما تقتصر على زيارته مرة كل اسبوع وأحياناً كل اسبوعين بسبب انشغاله بتجهيز عش الزوجية بالإضافة الى عمله الذى يلتهم معظم وقته, توجهت الى الهاتف وقالت:

-السلام عليكم

أتاها صوته عبر الهاتف:

وعليكم السلام .. ازيك يا "ياسمين" أخبارك ايه

-تمام الحمد لله ازيك انت عامل ايه في شغلك

-كويس الحمد لله مش ناقصنى غيرك .. وحشانى أوى

تضرجت وجنتاها بحمرة الخجل فلم تعتاد سماع مثل هذه الكلمات منه أو من غيره .. كانت تحاول قدر الإمكان الالتزام بوضع حدود للكلام بينهما .. فهى مازالت تعتبره رجلاً غريبا عنها لا يحق لها سماع تلك الكلمات منه إلا بعدما يُكتب الكتاب.. استطرد "مصطفى" قائلاً:

مش عايزة تقوليلي حاجه ؟ .. موحشتكيش زي ما وحشتيني ؟

التزمت 'اياسمين' الصمت ولم تدرى ماذا تقول له .. أتاها صوته وقد استطاعت تمييز نبرة الضيق في صوته:

خلاص براحتك ..

ثم قال في برود:

-طبعا عارفه ان الفرح بعد أقل من اسبوعين .. أنا بس حبيت أعرفك ان خلاص تقريباً الشقة جهزت فيما عدى بعض الأمور البسيطة .. أنا حاليا في البحر الأحمر وان شاء الله هنزل قبل الفرح ب 3 أيام أخلص الحاجات اللي فاضله .. في حاجه انتي عايزاها أو حاجه حابه تقوليها

تمنت لو تقول له (أيوة عايزة أقولك كلام كتير أوى واسمع منك كلام أكتر نفسي أعرفك وأفهمك نفسي أعد معاك فترة أطول مش تقولى انك نازل قبل الفرح ب 3 أيام, نفسي في خطوبة أطول نفسي أتجوز وأنا حاسه انى فرحانه ومبسوطه زى أى بنت بتتجوز نفسي حد يزيل القلق والخوف اللى جوايا نفسي أطمن على حياتى معاك) لكنها لم تستطع أن تنطق بحرف مما ودت أن تقوله .. وردت قائله:

-لا شكراً .. مش عايز انت حاجه

رد فی برود:

-لا شكراً .. سلام

مع السلامة

وضعت "ياسمين" السماعة ونظرت الى غرفة والدها وقالت لنفسها (كان نفسي تفهمنى يا بابا . . أنا مبحبش أعصيك ولا عايزة أكسرلك كلمة .. بس ياريت تفهمنى شوية .. وتحس بيا) قامت ودخلت غرفتها مرة أخرى وجلست على فراشها لتستكمل قراءة الرواية لعلها تستطيع أن توقف عقلها عن التفكير لترتاح قليلاً

دخل صديقه فوجده ممدداً على السرير يعبث بأزرار هاتفه .. فاقترب منه قليلاً وقال بمرح: -فينك يا عريس .. انت هتختفي من دلوقتي ولا ايه .. لا اسمع لو الجواز هيغيرك متتجوزش خليك كده أحسن

ليه مالى في ايه

ـشكلك زى اللى واخد ألم على وشه ده منظر واحد فرحه بعد اسبوعين .. المفروض اللى زيك يكون طاير من الفرحه يا ابنى

قال ''مصطفى'' لصديقه فى تبرم:

والله ما عارف وانا لا مبسوط ولا فرحان

ليه بأه .. انت مبتحبش خطيبتك ولا ايه ؟

-بصراحة هى انسانه كويسه وكل حاجة يعني زوجة مناسبه لكن مش حاسس نحيتها بأكتر من كدة

ليه بأه . طيب قولى هي حلوة ؟

-يعني .. عاديه .. مفيهاش أى حاجة مميزة

-مادمت شايفها عادية ومفيهاش حاجه مميزة كنت بتخطبها وهتتجوزها ليه ؟

-عشان بنت محترمة سألت عليها طوب الأرض محدش قالى عنها حاجة وحشة بالعكس الكل شكر فيها وفي أهلها جدا والبنت فعلا قطة مغمضة

_یعنی هتتجوزها عشان کدة بس

-بص يا "رأفت" انت عارف طبيعة شغلنا 3 أسابيع هنا و اسبوع أجازة .. لازم أتجوز واحدة أبقى واثق منها وأنا سايبها في البيت ومسافر .. والبنت دى هبقى سايبها في البيت وأنا مطمن لأنها زى ما قولتلك محترمة وقطة مغمضة

-بس يا "مصطفى" ده ميكفيش عشان الحياة الزوجية بينكوا تستمر لازم يكون فى مقاومات أكتر من كدة تخليها تستمر

-تقصد الحب والتفاهم و الكلام ده .. يا حييبى الحب والغرام ده بيكون قبل الجواز بس .. الراجل بيعمل اللى هو عايزه لحد ما يوصل لسن خلاص لازم يتجوز ويفتح بيت لكن مفيش حاجة اسمها اتنين متجوزين بيحبوا بعض بلاش جو أفلام الأبيض واسود ده

ـتفكيرك غريب

-لا تفكيري واقعى جدا

طیب و "نهله" مش انت برده کنت بتحبها

شعر ''مصطفى'' ببعض الضيق للتحدث في هذا الموضوع لكنه قال:

-بص يا "رأفت" من الآخر كدة مفيش راجل بيتجوز واحدة كان ماشي معاها

ويلا سيبنى بأه عشان أكلت ودانى وصدعتنى أكتر ما أنا مصدع

اقتربت سيارة "عمر" من المزرعة التي كانت تقع في احدى القرى بالقرب من محافظة المنصورة وبمجرد أن وصل الى البوابة ظل يطلق زمور السيارة وينادى وأخرج رأسه من الشباك منادياً الغفير:

ـعم "عويس" .. عم "عويس"

فتح البوابة رجل في العقد السادس من عمره وقال وهو يمد رأسه مستطلعاً القادم:

مین .. انت مین ؟

نظر اليه "عمر" وقال:

افتح يا عم "عويس" .. أنا "عمر"

أسرع الغفير بفتح البوابة على مسرعيها مرددأ:

" -عمر" بيه يا أهلا يا مرحباً .. المزرعة نورت .. اتفضل يا بيه

انطلق "عمر" بسيارته وتوقف أمام بين كبير مكون من طابقين . . على الرغم من أنه يبدوا قديماً إلا أن له هيبه لا تغفلها العين

لحق به الغفير الذى أغلق البوابه وأسرع يجرب خلف السيارة حاملاً طرف جلبابه في فمه .. قال الغفير في حبور:

-يا أهلا وسهلاً المزرعة كلها نورت .. ليه ما قولتلناش ان سعادتك جاى كنت خليت "صفية" تنضف البيت زمانه مترب

قال "عمر" في عجالة:

ـتسلم يا عم "عويس" أنا أصلا مش هطول احنا ولو خلصت احتمال ارجع النهاردة .. فين مدير المزرعة ؟

-الباشمهندس "محمد" تلاقيه دلوقتي في استراحة الغدا

ـشكرا يا عم "عويس"

قال ذلك وهو يربت على كتف الرجل وأسرع ليبحث عن مدير المزرعة

كانت المزرعة ميراث والد عمر من أبيه .. أي أن هذه المزرعة ملكاً لعمر أباً عن جد .. كانت مزرعة كبيرة تخطف الأبصار بذلك الون الأخضر الساحر الذي يريح العين والأعصاب .. تم تقسيم المزعة وتخصيص أكبر مساحة بها لزراعة العنب الذي تميزت بزراعته مزرعة "عمر" على مر الأعوام السابقة فكان يتهافت على محصوله التجار وأصحاب المصانع بسبب عناية "عمر "الشديدة بجودة المحصول وتوفير أجود أنواع الأسمده والمبيدات فلم يبخل عليها بشى

فأعطته كل شئ .. وتحتوى المزرعة أيضاً قسما لزراعة العديد من الموالح الأخرى .. لم يكن انتاج المزرعة نباتياً فقط فلقد توسع فيها "عمر" وخصص قسماً للإنتاج الحيواني أيضاً

عبر "عمر" بوابة المبنى الإدارى الذى خصصه لإدارى المزرعة وللعاملين فيها .. توجه الى قسم الطعام وألقى نظرة على الموجودين ثم توجه الى طاولة يجلس عليها رجل فى العقد الخامس من عمره كان يتناول طعامه فى نهم حينما قال له" عمر: "

ازیك یا باشمهندس "محمد"

هب الرجل واقفاً بمجرد أن رآى "عمر" وابتلع ما بفمه من طعام بسرعة ومد يده ليسلم عليه قائلاً:

-اهلا وسهلا ازیك یا باشمهندس "عمر"

صافحه "عمر" ثم جلس على المقعد المواجه له قائلاً:

ايه الفاكس اللي بعتهولى النهاردة ده .. عايز أعرف المشكلة بالتفصيل

ابتلع الرجل ريقه وجلس في مقعده مرة أخرى وقال:

ـزى ما قولت لحضرتك في الفاكس تشخيص المرض "البياض الدقيقي"

حاول "عمر" السيطرة على غضبه قائلا:

-الاصابة وصلت لفين بالظبط؟

توتر الرجل قائلاً:

للأسف يا باشمهندس الاصابة وصلت للأوراق والأغصان والأزهار والثمار

ضرب "عُمر" بيده على الطاولة فإنتفض الرجل فزعاً والتّفت جميع من في القاعة اليهما .. هدر صوت "عمر" قائلاً:

-وكنت فين حضرتك يا باشهندس لما المرض انتشر في الزرع بالشكل ده ؟ .. ومخدتش احتياطاتك ليه عشان تمنع الإصابة من قبل ما تحصل ؟

والله يا باشمهندس "عمر" أنا عملت اللي عليا و....

قاطعه "عمر" قائلاً:

-هنشوف .. هنشوف اذا كنت عملت اللي عليك ولا لأ .. يلا قوم هنلف على المحصول كله توريني الإصابات

نهض الرجل معه في استسلام

انهى الرجل جولته مع "عمر" الذى ازدادت حدة غضبه قائلاً:

ده اسمه اهمال يا باشمهندس انت عارف كويس ان عدم ازالة الأوراق اللي على جذر الشجيرات ده له دور كبير في انتشار المرض

وقف الرجل وقد أخذت حبات العرق تنبت فوق جبيه ولم يستطع النطق

أكمل "عمر" في غضب:

والحشائش دى ما بتتشلش أول بأول ليه انت عارف انها بتسبب الإصابة بأمراض زى الزفت للزرع .. ده تسبب أمال بتقبض مرتبك على ايه بالظبط

بهت الرجل ولم ينطق ببنت شفه

فى المساء أغلق الغفير بوابة المزرعة بالحديد والسلاسل وتوجه الى غرفته ونادى زوجته: " صفية "! صفية "!

لم ترد فبحث عنها فلم يجدها .. هم بالتوجه الى باب الغرفة ليبحث عنها بالخارج عندما وجدها تدخل وتغلق الباب خلفها:

کنتی فین یا 'اصفیة'ا

-هكون فين يعني .. كنت بجهز الأكل للباشمهندس "عمر" وبنضفله الأوضة اللي هينام فيها -طيب يلا عشان ننام

نام عم "عويس" وتدثر بغطائه ودخلت زوجته الفراش بجواره وأخذت تتطلع الي زوجها الذى أولاها ظهره لتتأكد من أنه أغمض عينيه ويغط في النوم فأولته ظهرها وأخرجت من صدرها حفنه من المال أخذت تنظر اليها في فرح ثم أعادتها الى صدرها مرة أخرى

قامت "كريمة" من نومها فزعة وهي تردد:

-أعوذ بالله من الشيطان الرجيم.. أعوذ بالله من الشيطان الرجيم

انتفض زوجها واستيقظ على صوتها وقام وأضاء نور الغرفة وقال لها:

-خير في ايه مالك يا "كريمة. "

كان حلقها جاف فلم تستطع التحدث وأشارت الى ابريق الماء الموضوع على الكمودينو .. فهم زوجها اشارتها وصب لها كوبا من الماء وأعطاه لها قائلا:

اتفضلی یا حبیبتی .. اشربی واهدی

شربت "كريمة" كوب الماء بسرعة ونهم وكأنها كانت تسير في صحرا.. أعطت له الكوب الفارغ فوضعه على الكمودينو مرة أخرى و قال لها:

-هنياً .. مالك في ايه ؟ انتى تعبانه

قالت بعدما هدأت قليلاً وبدأت ضربات قلبها في الانتظام:

-لا .. بس شوفت حلم وحش أوى

-خير اللهم اجعله خير

حلمت با عمرال. كان قلبي هيقف من الخوف

يارب سترك .. خير شوفتي ايه ؟

بلعت ريقها في صعوبة وكأن تذكر الحلم يعيد اليها خوفها مرة أخرى .. قالت:

ُـشوفْتُ عمر وهو واقف في مكان فاضى مفيش أى حد شايفه وفى حيه كبيرة فاتحه بقها و وماشيه ناحيته أول ما شافها فضل يرجع لوره وهى برده عماله تتقدم ناحيته وكان منظرها مرعب جدا وكانت مصره تأذيه

"عمر" كان وراه بير عميق وكان ضلمه مكنش شايف البير ده فضل يرجع لوره عشان يبعد عن الحيه فضلت أصرخ وأقوله "عمر" حاسب البير اللي وراك لكنه مكنش سامعني حاولت أجرى عليه لكن كنت في الحلم حاسه ان رجلي زي ما تكون مشلوله مش عارفه أتحرك لحد ما "عمر" وقع في البير والحية أول ما لقته وقع بعدت عنه بسرعة وجريت بعيد عنه. جريت عليه وقلبي هيقف من الخوف وفضلت أنادي من فوق البير عليه لحد ما شوفته رغم ان البير كان ضلمه بس نور القمر كان منوره وكان شكله بيتألم أوى ومش قادر يتحرك فضلت

أعيط وأنادى عليه .لحد ما رفع راسه وقالى ما تقلقيش يا ماما أنا هقدر أقوم أقف تانى" أنهت "كريمة" كلامها ونظرت الى زوجها قائله:

تفتكر ايه الحيه وايه البير ده ؟ أنّا خايفة على "عمر" أوى

قال لها زوجها يطمئنها:

-ما تخفيش ربنا هيحميه ان شاء الله .. لعلها تكون أطغاث أحلام ..انتى بس ادعيله انتى عارفه ان دعوة الوالدين مستجابة ان شاء الله

-والله بدعيله دايما وعمرى ما بطلت دعا ليه .. ربنا يحميه وينورله بصيرته ويكفيه شر ولاد الحرام

جلست "ياسمين" مع "سماح" في غرفتها بعدما انتهيا من تناول طعام الغداع .. قالت "ياسمين" لها:

-ها يا ستى ايه بأه الموضوع اللي كنتى عايزاني عشانه

-بصى يا "ياسمين" من الآخر كده في واحد تعرفت عليه في المطار أما كنت رايحه أجيب بنت خالى من السفر

سألتها "ياسمين: "

اتعرفتی علیه ازای یعنی ؟

-بصراحة حاول يكلمنى وصديته جامد .. والطيارة كانت اتأخرت عن معادها ففضلت وقت كبير في المطار منتظرة بنت خالى .. والراجل ده فضل يحوم حوليا كتير وبعد ما اتأكد انى مستحيل أكلمه أو أعبره .. تقريبا كدة عجبه رد فعلى ده وأول ما بنت خالى وصلت وسلمت عليها .. جينا نمشي لقيته بيوقفنى

-ها .. كملى

طبعا لسه هفتح بقى عشان أديله اللي فيه النصيب . لقيته فجأني وقالى انه عايز يتقدملي

قالت "ياسمين" وهي مندهشة:

نعم .. خبط لزق كده

-آه والله ده اللى قاله .. وفضل يتكلم ويعرفنى بنفسه .. طبعا بنت خالى كانت واقفه وهو كان محترم مطلبش اننا نعد في مكان ولا طلب رقمى ولا أى حاجة .. وبعد ما خلص كلامه طلب منى رقم بابا

قالت "ياسمين" وقد اتسعت ابتسامتها:

ـها وبعدين كملي

بنت خالى اديته الرقم .. وبعدها محطتش الموضوع فى دماغى .. لكن بعد يومين لقيته بيتصل ببابا وطلب يقابله وفعلاً اتقابلوا بره البيت وشرحله ظروفه كلها

صاحت الياسمين الفي فرح طفولي:

الله وو حب من أول نظرة يعني وو ها كملى وبعدين

بصى يا "ياسمين" أنا مش هكدب عليكي بصراحه أنا ارتحتله أوى .. مش بس ارتحتله تقدرى تقولى انا فعلا معجبه بيه أوى .. بس فى مشكلة

ایه هی ؟

-هو من ساعة ما اتخرج وهو عايش بره .. بيكون مستقبله .. وللأسف من سنة خسر كل فلوسه اللى حوشها لأن دخل شركة مع ناس فى البلد اللى كان مسافر فيها ونصبوا عليه وخسر كل اللى حوشه طول السنين اللى فاتت

قالت "ياسمين" في حزن:

-لا حول ولا قوة إلا بالله

-بصراحة يا "ياسمين" أنا مش فارق معايا الموضوع ده .. هو بيقول انه لسه بيبدأ يكون نفسه من أول وجديد .. وانه مش مرتاح في شغله وبيفكر يشتغل مع واحد صحبه .. هو لا يملك غير عربيته بس .. حتى الشقة اللي اشتراها هنا اضطر يبعها عشان يسدد ديونه .. يعني هعيش معاه على مرتبه بس

طیب و آنتی رأیك ایه فی كل ده

ـزى ما قولتلك كل ده مش فارق معايا .. بصراحة عجبنى وحساه راجل بجد .. وكمان بابا انتى عرفاه بيفهم الناس بسرعة .. هو كمان أعجب بيه أوى

ـتمام أوى

لا مش تمام .. لسه ماما معرفتش واللى خايفه منه انها ترفض .. انتى عارفه ماما راسمه فى خيالها شخص مثالى لبنتها الوحيدة .. خايفة أوى ترفضه عشان ظروفه

طیب وباباکی رأیه ایه

-بابا ده حبيبي .. قالى انتى اللى هتعيشي معاه يبأه انتى اللى تختارى .. والحاجه الوحيدة اللى

هيتدخل فيها هي انه يطمن انه انسان محترم ومؤدب ويسأل عنه كويس هنا في مصر وفي البلد اللي كان شغل فيها

..أنا خايفة أوى يا "ياسمين" ادعيلى الموضوع يتم على خير

حضنتها "ياسمين" قائلة:

ان شاء الله يا حبيبتى ربنا يقدرنك الخير ويسعدك ويفرح قلبك يارب

قالت الفتاة بعتاب وبصوت خافت:

ایوة انهلة الله ازیك یا بشمهندس

توتر "مصطفى" وقل لها:

ايه اللي جابك هنا

تقدمت الفتاة بخطوة وأمسكت كفة اليمنى التى احتوت دبلته, ورفعتها أمام عينيه قائله فى مرارة:

-جِيت أباركلك على خطوبتك . وأباركلك على فرحك اللى هيكون كمان اسبوعين

جذب "مصطفى" يده وتنهد وقال اليها:

" - نهلة" لو سمحتى مفيش داعى للكلام ده ومفيش داعى أصلاً انك تيجي لحد هنا ده مكان شعلى

-بس انت يا باشمهندس مكنتش بتعترض لما كنت بجيلك قبل كدة هنا في مكان شعلك .. وكنت بتفرح وتنسي الدنيا واللي حواليك

قال لها بنبرة محذره:

" -نهلة" مش عايز مشاكل

قالت في مرارة:

متخفش أنا مش جاية أسببلك مشاكل .. أنا خلاص فهمت .. صحيح فهمت متأخر بس فهمت قال وقد بدأ يشعر بالضيق:

فهمتی ایه ؟

قالت والدموع تتساقط من عينينها:

-فهمت ان مفيش راجل بيفكر يتجوز واحدة غلط معاها .. حتى لو هو اللى دفعها لكده وحتى لو هو السبب في كده

قال بحدة:

-أنا مضربتكيش على ايدك .. كل حاجة كانت برضاكي وبرغبتك

انفجرت في البكاء قائلة:

-كنت بحبك .. وكنت فاكراك بتحبنى .. كنت بعمل زى ما قولتلى .. بحاول اسعدك عشان متبصش لغيري .. ورغم انى عملت كل اللى طلبته منى وفرط فى كل حاجة عندى برده سبتنى

وهتتجوز غيري .. سبتنى لانى فى نظرك بنت رخيصة سلمت نفسها لراجل مش جوزها .. ولما فكرت تتجوز اخترت واحدة نضيفة مش كدة ؟

قال بغضب:

-الكلام اللى قولتيه دلوقتى لو اتكرر تانى مش هيحصل كويس يا "نهلة .. "ويكون فى علمك لو فكرتى تقلى عقلك وتقولى الكلام ده لأى حد أو توصليه لأهل خطيبتى بأى طريقة أنا هنكر انى أعرفك أصلاً ومش هيحصلك كويس

قالت وهي تمسح الدموع التي تساقطت على وجهها:

دى مش غلطتك لوحدك أنا غلطت أكتر منك ودلوقتى بدفع التمن .. أنا زى ما قولت أنا مش جاية أسببلك مشاكل أنا جايه بس أقولك ان أى حاجة عملتها كانت عشان بحبك .. بحبك أوى قالت ذلك ثم تركته وانصرفت.

فى الصباح عبرت سيارة "عمر" بوابة الفيلا, خرج من سيارته وصعد الدرج استقبلته سيدة في العقد السادس من العمر, بش وجهها لرؤيته قائله:

حمدالله على السلامه يا باشمهندس "عمر"

ابتسم لها وقال:

الله يسلمك يا دادة "أمينة" أخبار صحتك ايه النهاردة

ردت وقد أسعدها سؤاله عن صحتها:

بخير الحمد لله اتفضل والدتك مع والدك في الجنينه منتظرينك

توجه "عمر" الى الحديقة الخلفية للفيلا, وبمجرد أن رأته والدته هبت واقف وأقبلت عليه قائله

" عمر" حبيبي حمدالله على سلامتك يا ابنى

-عانقها "عمر" وقبل رأسها قائلاً:

الله يسلمك يا أمى

ثم وجه كلامه الي أبيه قائلاً:

-صباح الخير يا بابا

-صباح الخير يا ابنى حمدالله على سلامتك

الله يسلمك

نظرت اليها والدته وهي تُملي عينيها برؤيته, استغرب "عمر" نظراتها وقال:

مالك يا أمى في حاجه

قالت بشئ من التأثر:

-لا یا حبیبی بس وحشتنی أوی

ضحك "عمر" قائلاً:

-انتى ايه حكايتك بالظبط مستقبلانى أكنى بقالى سنة غايب مش يوم .. وكمان مبطلتيش اتصالات بيا من امبارح .. هى دى أول مرة أسافر فيها يا ماما..

كادت أن تخبره عن حلمها الذى أفزعها ليلة أمس لكنها أحجمت عن ذلك فهى لا تريد أن تثير قلقه .. شعر زوجها بما يعتمل داخل صدرها فقال:

-عادى يا ابنى هى أمك كده لما حد فينا بيسافر بتعامله أكنه طفل صغير نظرت "كريمة" الى زوجها بعتاب قائلة:

- يعني مش من حقى أقلق على جوزى وابنى لما يسافروا

قال زوجها وهو يحاول اغاظتها:

-لا من حقك طبعاً بس انتى بتتصلى بيا كتير وأنا مسافر وبتقلقى أما ما أردش .. افرضى كنت مشغول ولا كانت معايا عميلة زى القمر يعني أسيبها وأرد عليكي ازاى ؟

ضحك "عمر" قائلاً:

-أوبااااااااااا .. لا يا بابا انت كدة دخلت في الغميق

نظرت "كريمة" الى زوجها وقد نسيت ما كان يدور في داخلها من قلق وقالت في مرح:

-سيبه يا "عمر" يقول اللي هو عايزه .. أنا عارفه ان مفيش ست في الدنيا دى تملى عين باباك غيري أنا بس

ضحك كليهما .. وقال "عمر: "

-أحبك وانت واثق من نفسك يا "كريمة" يا قمر انت

نهض والده وأحاط كتفى زوجته بذراعه ونظر اليها قائلاً: _طبعا مفيش واحده ست تملى عيني وحياتى وقلبي غيرك

قال "عمر" في مرح:

- احم. من الواضح كدة انكوا عملتونى شجرة, ناقص اتنين لمون وأطلع منها انا بقه

ضحك ثلاثتهم.. وقد سعد "نور الدين" لرؤية زوجته مبتسمه في مرح بعدما قضت ليلتها في قلق وتوتر بسببها حلمها

التف ثلاثتهم حول الطاوله وأحضرت لهم الخادمة عصير فريش .. وجه "نور الدين" حديثه الى ابنه قائلاً:

-ها يا "عمر" ما قولتليش ايه أخبار المزرعة والمشكلة اتحلت ولا لسه

شعر "عمر" بالضيق فجأة بعدما كاد أن ينسي الهم الذي يعتمل في صدره ورد قائلاً:

للأسف المحصول حالته صعب جداً .. اهمال فظيع .. محتاج مجهود جبار عشان نقدر ننقذ أي

للدرجة دى ؟

-أيوة للأسف .. غلطتى انى فى الفترة الأخيرة أهملت المتابعة الدورية اللى كنت بعملها للمزرعة .. وللأسف وثقت فى الشخص الغلط .. مدير المزرعة طلع شخص لا يعتمد عليه أبداً

شاركتهم "كريمة في الحديث قائله:

-وناوى على أيه .. لازم المدير يتغير فوراً .. وكمان متزعلش نفسك ان شاء الله حتى لو جزء من المحصول ضاع .. ان شاء الله السنة الجايه تعوض الخسارة دى ؟

تنهد "عمر" في حسره قائلاً:

للأسف يا ماما المحصول متباع أصلاً .. متباع لشركة عصائر ومربي والفلوس قبضناها من زمان لأننا بنمضى تعاقد كل سنتين ودى السنة التانية

ـیعنی ایه ؟

-يعني لو الكمية اللى اتفقنا عليها متسلمتش في معادها أولا لازم نرد العربون كاملاً .. ثانيا هندفع شرط جزائي كبير .. ده غير ان مش متوفر حاليا السيوله اللى مطلوبه دى كلها .. يعني الخسارة كبيرة فعلاً

نظر اليه والده قائلاً:

وناوی علی ایه دلوقتی یا "عمر" ؟

زى ما ماما قالت أول حاجه هعملها هغير مدير المزرعة وأجيب مهندس زراعى بيفهم وأقدر أعتمد عليه

وانت ليه ما تتابعش الموضوع ده لحد ما الأزمه تعدى

-أكيد هتابع يا بابا بس حضرتك عارف ان جوازى كمان أقل من شهرين يعني مش هبقى متفرغ كلياً للمزرعة فمحتاج حد أثق فيه وأعتمد عليه

" _كرم" ؟

فعلاً كلمت "كرم" في الموضوع ده .. بس "كرم" بعيد عن الشغل العملي في الزراعة من زمان ودلوقتي ملوش الا في الإدارة وبس .. وأنا عايز حد خبره في الشغل العملي

رد هاتف "عمر" وأخرجه من جيبه واتسعت ابتسامته عندما راى اسم المتصل, هب واقفا وقال:

عن اذنكوا

سار مبتعداً وهو يتحدث قائلاً:

-ألو .. تصدق انك واطى

ضحك المتصل بشده ورد قائلاً:

-عارف

عارف ایه

-ان أنا واطى وكل اللى انت عايز تقوله قوله

ـسنتين ما اعرفش عنك حاجة يا "أيمن" انت بتستهبل بجد

معلش یا "عمر" لو عرفت اللی حصلی هتعذرنی بجد

-لا مفیش أى اعذار .. مكنتش عشرة عمر دى يا ابنى..

صدقنی والله لما تعرف ظروفی هتقول الواد ده جبل انه اتحمل کل ده

قال "عمر" في قلق:

خير يا "أيمن" قلقتنى ؟

-خير ان شاء الله .. عايز أقابلك مينفعش نتكلم كده في التليفون

طبعا يا ابنى قولى انت فين ومسافة السكه وأكون عندك

-لا خلينا بعد العصر لانى فى الشغل دلوقتى ايه رأيك نتغدى سوا

-تمام یا باشا و هجیب الواد "کرم" معایا

" کرم" یخرب بیته ازیه

ضحك "عمر" قائلاً:

ـزى ما هو ـلسه غتت ولسانه طویل ؟

ـلا عقبال عندك طول أكتر ضحك الصديقان .. وقد كان يبدو عليهما الاستمتاع بتلك المحادثة التي اشتاقا اليها

والله وحشتني جدا الواد ده وانت كمان يا "عمر"

-والله وانت يا ابنى ده أنا سألت عليك طوب الأرض ومعرفتش أوصلك حتى شقتك قالولى انك بعتها و رقمك ده على طول مقفول

أما أقابلك هحكيلك على كل حاجة

_خلاص اتفقنا وأنا مش هسيبك

_خلاص معادنا العصر ان شاء الله يلا سلام

ان شاء الله سلام

وقفت "ريهام" تنظر الى الجدول المعلق فى ردهة الكلية وهى تضم كتبها الى صدرها, عندما شعرت بشخص يقف خلفها مباشرة. التفتت لتجد شاب متوسط القامة نحيف يرتدى عوينات أخذ فى تعديلها وقد بدا عليه شئ من الإرتباك. ظنت" ريهام" أنها تحجم الرؤية عنه وأنه يريد بدوره الإطلاع على مواعيد المحاضرات. فنظرت الى الأرض ومرت بجواره وأفسحت له المجال. وبعدما خطت بضع خطوات مبتعده وجدته ينادى من خلفها:

ايوة في حاجه ؟

ازداد توتره وأعادت ضبط عويناته مرة أخرى وقال وقد بدا عليه الارتباك:

-أيوه لو سمحتى .. يعني .. احم احم .. أنا كنت عايز أعرف اسمك

نظرت اليه "ريهام" في غضب وتركته وانصرفت .. قالت في نفسها (مجنون ده ولا بيستهبل)

ظل الشاب واقفا في مكانه وعيناه تتابعانها في صمت.

دخل "عمر" مطبخ الفيلا والذى كانت تقف فيه والدته تعد شيئاً ما .. وتأمر الخادمة بأن تأتى لها ببعض الأغراض من المبرد .. أقبل ناحيتها قائلاً:

بتعملی ایه یا ست الکل

نظرت اليه قائله في غضب:

ـبره یا "عمر"

ضحك "عمر" الذى يعرف مدى كره والدته لرؤية أى رجل فى المطبخ حتى ولو كان والده .. كانت "كريمة" تهتم بأن تتعلم بعض الوصفات التى تجذبها وتحاول تطبيقها لزوجها وابنها وكانت تسعد عندما تجد أن ما صنعته لاقى اعجابهما ولم تكن لتسمح لأى منهما بمشاهدتها وهى تعمل .. قال" عمر" مبتسما:

طيب هقولك بس حاجة وهطلع فوراً

تركت ما بيدها والتفتت قائله"

ـها أفندم بسرعة مشغوله

-هنعزم نانسي وأهلها امتى .. احنا أجلنا المعاد لأجل غير مسمى .. يعني محددناش معاد جديد

فكرت "كريمة" قليلاً ثم قالت له:

ـشوفهم مناسب ليهم بكرة ولا لأ

طیب تمام هشوف نانسی وأرد علیکی

_خلاص اتفقنا

قالت ذلك ثم التفتت مرة أخرى لتكمل عملها الذي يبدو وأنه يأخذ كل تركيزها

هم "عمر" بالانصراف ولكنه تراجع وقال وعينه تلمع في مرح:

-ماما انتى بتعملى ايه .. ممكن أعرف على الأقل الاسم العجيب اللي هتصدم لما أعرفه التفتت اليه قائله:

_ولد

ما هو يا ماما بصراحه انتى بتختارى أكلات ليها أسماء عجيبه .. لما بتعجبنى حاجة مبعرفش أطلبها منك تاني .. دى أسماء محتاجه خريطه

التقطت أحد الأوانى الموضوعه على الطاولة وهمت بأن تضربه بها .. لكنه اسرع بالخروج من المطبخ وهو يضحك

انهمكت "ريهام" في مطالعة أحد كتبها وهي جالسة في كافتيريا الجامعة .. قالت لها صديقتها التي تجلس بجوارها:

" _ريهام"

_همممم

```
فى واحد بيراقبك
```

رفعت عينيها من الكتاب ونظرت الى صديقتها قائله:

بیراقبنی ازای یعنی ؟

معرفش منزلش عينه من عليكي

ـهو فين ؟

فى الترابيزة اللي على يمينك

نظرت "ريهام" فوجدته نفس الشخص الذي سألها عن اسمها في الصباح .. كان يجلس وينظر اليها .. فأشاحت بوجهها عنه قائله:

سیبك منه ده عبیط

عبيط. عبيط ازاى يعني؟

-تصوری جه فجأة بيقولي ممكن أعرف اسمك

ضحكت صديقتها بصوت خافت قائله:

-آه .. جو ممكن نتعرف ده عارفاه .. بس دى كانت موضه وبطلت .. ده شكله قديم أوى ـقديم ولا جديد ملناش فيه ويلا نقوم من هنا أحسن

نهضت الصديقتان وغادرتا الكافتيريا وعيون الشاب تتابعهما في صمت

كان "عمر" يجلس في الصالون منتظراً "نانسي" التي ذهبت والدتها لإيقاظها من النوم .. تململ في جلسته وبعد وقت طويل وجدها تنزل الدرج في سرعه قائله:

حبيبي وحشتني أوى أوى

أحاطت عنقة بذراعيها وعانقته, لف "عمر" يديها حولها قائلاً:

وانتى كمان يا حبيبتى وحشتيني أوى

أرجعت رأسها قليلا الى الوراء ونظرت في عينيه قائله:

ـلو كنت وحشتك مكنتش لغيت العزومه وسبتنى وسافرت

حبيبتي أنا شرحتلك سفرى كان مفاجئ وكان مهم

-يعنى عايز تفهمنى ان كل الناس اللى شغالين عندك دول مفيش حد فيهم كان ينفع يسافر بدالك مرر أصابعه في خصلات شعرها الذهبية قائلاً:

الو كان ينفع حد غيري يسافر مكنتش أجلت العزومة وسافرت.

أرجع رأسه قليلا الى الوراء وقال وقد ضاقت عيناه:

وبعدين أنا سافرت يوم واحد بس .. عايزة تفهميني انى لحقت أوحشك يعني

قالت وهي تنظر له بعينين ناعستين:

-كل ثانية بتكون فيها بعيد عنى بتكون صعبة أوى عليا وبحس انك واحشنى أوى اتسعت ابتسامة "عمر" قائلاً:

ـلا أنا مش أد كلامك ده

قالت له في دلال:

-اعمل حسابك بعد كدة رجلى على رجلك أى مكان هتسافر فيه هتاخدنى معاك .. فاهم يا باشمهندس

-عيون الباشمهندس .. خلاص السفريه الجاية هتكونى معايا ان شاء الله .. أنا اصلا هسافر تانى المزرعة .. وهاخدك معايا لانى نفسي تشوفيها أوى المزرعة دى كبرت على ايدي وليها مكان خاص فى قلبي عشان كدة عايز أخدك هناك أنا واثق انها هتعجبك أوى قالت بسرعة:

طالما عجباك يبقى هتعجبنى يا حبيبى

ابتسم عمر .. قم قال:

قوليلى بأه مناسب بكرة للعزومة اللي اتأجلت دى .. نفسي انتى وماما تكونوا صحاب وتقربوا من بعض أكتر وكمان عايز أعرفك على عمتى وولادها انتى اتعرفتى عليهم بس يهمنى انكوا تكونوا قريبين من بعض

قالت وقد شعرت ببعض الضيق والضجر لكنها أخفت ذلك سريعاً:

-اه طبعا یا حبیبی .. أهلك هما أهلی دلوقتی .. ومامتك زی مامی بالنسبه لی اتسعت ابتسامة "عمر" وقد سعده ما قالت:

-خلاص اتفقى مع بابا وماما عشان منتظرينكوا بكرة ان شاء الله

-اوك حبيبي

نظر "عمر" في ساعته ثم قال:

حبيبتى معلش أنا مضطر امشي دلوقتي

تظاهرت بالضيق وقطبت جبينها قائله:

ـزهقت منى بالسرعة دى

رد بسرعة:

-طبعا لا .. ازاى تقولى كدة .. أنا مبشبعش منك ومن وجودك معايا .. بس عندى معاد مهم ومش عايز أتأخر

قالت بحدة مصطنعه:

معاد .. ها وشكلها ايه بأه ؟

قال "عمر" باستغراب:

هي مين اللي شكلها ايه ؟

-البنت اللي هتقابلها واللي مهتم انك متتأخرش عليها

قال "عمر" بجدية:

" ـنانسي" حاجة زى دى مفيهاش هزار .. انتى عارفانى كويس .. مش "عمر" اللى يعمل كدة

قالت وهي تحاول اصلاح الموقف:

-عارفه طبعا يا حبيبى وواثقه فيك .. انا بس بغير عليك

لانت ملامحه وقال:

-ماشي وأنا مقدر ده لانى عارف ان اللي بيحب حد لازم يغير عليه .. وعشان أطمنك أنا هقابل واحد صحبى كان زميلى من أيام الجامعة وبعد ما اتخرجنا فضلنا مع بعض .. اختفى فترة بس رجع ظهر تاني وهنتقابل على الغدا أنا وهو و" كرم"

نظر اليها قائلاً:

-ها حبيبي اطمن ان مفيش في قلبي ولا في عيوني غيره ؟

قالت بدلال:

ثم طبعت قبله على ثغره وقالت في خبث:

ـخد دى .. عشان تفكر فيا لحد بكرة

انتهت "ياسمين" من توضيب بعض الأغراض التي اشترتها لجهازها مؤخراً في حقيبة سفر .. رتبتهم بدقة وعناية وهي تنظر الى كل قطعة في فرح

, دخلت "ريهام" الغرفة وابتسمت عندما رأت وجه أختها الفرح قائله:

-خيانه .. انتى ناويه تعينى حاجتك من غير ما أشوفها

قالت لها "ياسمين" ضاحكة:

ـیا مفتریة ده انتی هریتیهم من کتر الفرجه علیهم ده انتی حفظتی شکلهم أکتر منی أقبلت عليها أختها وحضنتها قائله:

ربنا يسعدك يا "ياسمين" انتى طيبة أوى وتستهلى كل خير

عانقتها أختها وقد تأثرت بكلامها .. وشعرت "ياسمين" بعينها وقد اغرورقت بالدمع قائله: انتى كمان يا "ريهام" هتوحشيني اوى .. مش قادرة اتخيل انى هنام فى مكان انتى مش موجودة فيه

" -ياسمين" بالله عليكي متعيطيش هتخليني أعيط أنا كمان .. انا اللي مش عارفه هعمل ايه من غيرك

نظرت كل منهما الى الأخرى والدموع في عينينهما عندما افتح الباب ودخلت أمهما عندما رأتهما هكذا أقبلت عليهما وضمنتهما الى صدرها قائله:

حبايب قلبي انتوا الاتنين .. يارب أفرح بيكوا وبعيالكوا ويهنيكوا ويسعدكوا في حياتكوا يارب .. ويرزقك يا الريهام اليا بنت السمية البابن الحلال اللي يصونك ويتم فرحك يا الياسمين العلى

قال ذلك ثم قبلت كل منهما على رأسها

التف الأصدقاء "عمر" و "كرم" و "أيمن" حاولة احدى الطاولات في أحد المطاعم الفخمة .. قال "عمر" في حزن:

یاه یا "أیمن" کل ده حصلك واحنا منعرفش

شوفت بأه مش قولتك لما تعرف هتعذرني

طیب ولیه یا "أیمن" متقلولیش حاجة زی كده .. مش احنا اخوات یا ابنی ولا ایه

-طبعا اخوات يا "عمر" وأكتر من الإخوات كمان .. وأنا الحمد لله الديون كلها اتسددت وبشتغل حاليا في شركة للأسمدة الزراعية

قال الكرم: ال

انت أهبل يا ابنى فى حد يعمل عملتك السودة دى

قال "أيمن: "

-اللهم طولك يا روح يا ابنى مش هتبطل طولة لسانك دى

-طولة لسان ايه وبتاع ايه خلينا في مصيبتك انت مش عيب واحد شحط طويل عريض زيك وعنده 37 سنة يضحك عليه ويتنصب عليه ويخسر كل اللي وراه واللي أدامه

_یعنی خسرتهم بمزاجی یا "کرم"

-يا ابنى انت اللى طيب زيادة عن اللزوم ازاى تشارك ناس متعرفهمش وتثق فيهم كدة وتحط فلوسك بين ايديهم

قال "أيمن" في حزن:

-أهو اللي حصل بأه قدر الله وما شاء فعل

قال "كرم:"

-ونعم بالله .. بس برده حاول تغير من طبعك ده واتنحرر كده .. يا ابنى الطيب فى الزمن ده بيفتكروه أهبل

ما تحترم نفسك يا "كرم" ايه أهبل دى

ضحك "عمر" وهو ينظر اليهما قاشلاً:

-انتوا مش هتبطلوا نقار أبداً .. من أيام الجامعة وانتوا كده .. اكبروا بأه

ابتسلم "أيمن" و "كرم" .. وقال "أيمن: "

-تعرفوا انكوا وحشتونى أوى ووحشنى أيام ما كنا ما بنفترقش الاعلى النوم ووجه حديثه الى " كرم" قائلا:

وبصرف النظر عن غتاتك وطولة لسانك الاان النقار معاك واحشنى

قال "كرم:"

وبترجعوا تزعلوا

ضحك ثلاثتهم .. ثم سأله "عمر" بإهتمام:

وانت مرتاح في شغلك يا "أيمن:"

-بصراحة يا "عمر" هو ده الموضوع اللي كنت عايز أكلمك فيه

_خير يا "أيمن"

تنهد "أيمن" قائلاً:

اً الله على مرتاح في الشغل مع الناس دول خالص يعني بحس ان في غش ورشاوى ولعب من تحت الطرابيزة وأنا مليش في الجو ده

قال له "عمر" بسرعة:

-طيب ما تيجي تشتغل معانا

نظر له "أيمن" بإمتنان لأنه حافظ على عدم ماء وجهه ولم يتركه ليطلب ذلك بنفسه .. قال "أيمن"

-بجد ؟ يعنى انتوا فعلاً محتاجنى ولا قولت كدة عشان قولت انى مش مرتاح فى شغلى قال "عمر" على الفور:

-لا محتاجينك ومحتاجينك جدا كمان .. لاننا واقعين في مصيبة

مصيبة ايه يا "عمر"

تحدث "كرم" قائلاً:

-المهندس الزراعى اللى كان مسؤل على المزرعة عك الدنيا اخر عك والزرع حالته منيلة بنيلة وكدة جزء كبير من المحصول هيضيع ان مكنش كله ده لو ملحقناش نفسنا ورشينا واهتمينا

بالموضوع ومحدش فينا فاضى لمتابعتها المتابعة الكاملة أكمل "عمر" حديث "كرم" قائلاً:

احنا في موقف صعب يا ''أيمن'' لأن المحصول اصلا متباع وفي شرط جزائي لو متسلمش في معاده أو لو اتسلم أقل جودة من اللي اتفقنا عليها

ـخلاص طالما محتاجيني فعلا فأنا معاكوا يا شباب

قال "عمر" في فرح:

ـتمام أوى .. حضر نفسك باه يا باشا عشان السفر وطبعا اقامتك هتكون فى بيت المزرعة ـتمام هبدأ أحضر نفسي للسفر بس هروح وأرجع فى نفس اليوم .. يعني مش هبدأ اقامه فى المزرعة الا بعد اسبوع ولا اتنين كده

سأله "عمر" قائلاً:

واشمعنى يعني

قال "أيمن" وهو يبتسم:

الصل أخوكوا هيخطب قريب

سعد كل من "عمر" و "كرم" لهذا الخبر .. وقال له "كرم:"

-ياااه .. اخيراً في واحدة رضيت تعبرك

قال له "أيمن: "

" _كرم" اتلم

" - عمر ": سيبك منه وقولنا بالتفصيل الممل عرفتها ازى وفين وامتى

ضحك أيمن قائلاً:

حيلك حيلك ايه هو تحقيق ده أبويا وأمى الله يرحمهم لو كانوا عايشين مكنوش هجموا عليا بالأسئلة كده

قال له "عمر" في مرح:

-خلص .. مش هسيبك الالما آخد منك اعتراف كامل

-طیب یا سیدی وأنا هعترف .. كنت فی المطار بوصل واحد صحبی .. لفت نظری بنت كانت واضح انها مستنیه حد

ابتسم "عمر" قائلاً:

حب من أول نظرة يعني ؟

ابتسلم "أيمن" وقال:

ـیعني حاجة زی كدة

سأله "عمر: "

ايه اللي لفت نظرك فيها؟

الما شوفتها حسيتها غير كل الناس اللي حواليها .. أكنها في دنيا تانيه لوحدها .. يعني المطار كان زحمه وناس داخله وناس خارجه .. ودى كانت أعده على الكرسي و ماسكه مصحف صغير وبتقرأ فيه كانت محجبه ولبسها محترم .. لفت نظرى انها كانت بريئة وعلى طييعتها يعني مش زى ما بنشوف الأيام دى الواحدة بتبقى خارجه وناقعه وشها في شوال دقيق قبل ما تخرج ضحك "كرم" قائلاً:

ايوة عارفهم بتوع الدقيق دول حته "عمر" على الحديث قائلاً:

_كمل .. وبعدين

-بصراحة فضلت أحوم حواليها عايز أعرف هي لابسه دبله ولا لأ .. وبعد ما اتأكدت ان ايديها الاتنين مفيهمش دبله حاولت أقرب منها واتكلم معاها .. لكنها صدتني جامد ومدتنيش فرصة أبداً وقامت وسابت المكان اللي كانت أعده فيه ..بعدها جت البنت اللي كانت مستنياها في المطار ولقيتهم خلاص ماشيين وأنا فعلا كنت حاسس ان هي دي الانسانه اللي بدور عليها قال له "كرم" بلوعه:

اوعى تكون سيبتها تمشى .. عارفك يا "أيمن" هبل وطلعله راس ورجلين

- لا يا غتت مسبتهاش تمشي وقفتها وبدون ما اديها فرصة قولتلها السي في بتاعى وطلبت رقم باباها والبنت اللي كانت معاها واللي عرفت انها قريبتها ادتهولي

ابتسم "عمر" قانلاً:

قصة غريبة .. خبط لزق كدة خدت رقم باباها

-بصراحة يا "عمر" انا فضلت أكتر من ساعة ونص براقبها في المطار وبجد معرفش حسيت حاجه جوايا بتقولي هي دي

وكلمت باباها

ايوة كلمته وشرحتله ظروفي كلها مخبتش حاجة .. وأديني منتظر رد منهم ربت "عمر" على كتف صديقه قائلاً:

-ان شاء الله خير .. انت مفيش زيك يا "أيمن" ويا بختها اللي هتكون من نصيبها انتبه "أيمن" لأول مرة للدبلة التي تحيط باصبع صديقه قائلاً:

ایه ده انت خطبت ؟

قال "كرم" بسخريه:

-لا لابس الدبلة يتصور بيها

لكمه "أيمن" في كتفه قائلاً:

يا اخى بطل أم الغتاته بتاعتك دى

رد له "كرم" اللكمة قائلاً:

-اااه .. ایدك تقیله یا بنی آدم

نظر اليهما "عمر:

-والله أنا حاسس اني آعد مع اتنين في الكي جي

قال "أيمن" موجهاً حديثه لـ" كرم: "

ـطیب ادی "عمر" خطب وأنا أهو شویة وهخطب أنا كمان .. سیادتك بأه مش ناوی تتأهل انت كمان

"عمر" ضاحكاً:

-بصراحة انا معنديش استعداد اتدخله فى جوازه يعني مقدرش أعمل كده فى بنات الناس الله الله الله عندية عنوا أدام بعض انتوا الاتنين .. بكرة تشوفوا عروستى دى هتكونى عاملة ازاى .. هتكون ست البنات ان شاء الله

قال "أيمن" بجدية:

-اعملوا حسابكوا لو فى خطوبة ان شاء الله وقبلوا بيا .. انتوا الاتنين معزومين مفيهاش كلام انتوا عارفين انى مقطوع من شجرة وانتوا اكتر من الاخوات بالنسبة لى

طبعاً يا "أيمن" من غير ما تقول .. وان شاء الله تكون الخطوبة تكون قريب أوى

خيم الحِزن على الجميع وانبعث مِن المسجِل صوت الشيخ المنشاوى وهو يتلو "يَا أَيَّتُهَا النَّفْسُ الْمُطْمَئِنَّةُ ارْجِعِي إِلَىٰ رَبِّكِ رَاضِيَةُ مَرْضِيَّةٌ فَادْخُلِي فِي عِبَادِي وَادْخُلِي جَنَّتِي " جلست الفتاتان وقد ارتديتا السواد وأحاطت بهما العديد من النساء اللاتى أتين لتقديم العزاء .. وفي تلك اللحظة دخلت "سماح" من الباب قائله:

-السلام عليكم

هبت "ياسمين" واقفة وجرت عليها وعبراتها تتساقط على خدها .. حضنتها "سماح "وهي لا تستطيع كبح جماح عبراتها هي الأخرى .. هتفت "ياسمين" وهي تبكي في حضن صديقتها: ـماما ماتت یا "سماح" .. ماما ماتت

التفت العائلة حول احدى الطاولات الكبيرة في حديقة الفيلا, استقبل "عمر" ووالده ووالدته عمة عمر وأبنائها "علاء" و "ايناس"

كانت عمة "عمر" السيدة "ثريا" في العقد الخامس من العمر يبدو عليها علامات القوة والصرامة, سيدة نحيفة قصيرة القامة ترتدى السواد وحجاب أسود اللون .. يظن الناظر اليها أنها امرأة لم تعرف الإبتسامة طريقا الى ثغرها .. توفى زوجها منذ زمن بعيد.. أما "علاء" فكان الابن الصغير لها في الثلاثينات من عمره طبيباً بيطرياً يعمل في احدى شركات الأدوية الكبرى في مصر .. وسيم رياضي البنية كانت نظراته للحاضرين تتسم بالبرود ولا المبالاة , أما "ايناس" فهي الابنة الكبرى هيفاء ممشوقة القوام صارخة الجمال في التاسعة والعشرون من عمرها تعمل في شركة "عمر" مديرة للعلاقات العامة .. لم تكن محجبه كوالدتها بل كانت تقل عنها التزاما باللباس المحتشم .. تحدثت الى "عمر" السيدة "ثريا: " امال فين خطيبتك يا "عمر" ؟

رد "عمر" على عمته وهو يخرج هاتفه من جيبه:

-ثوانی ان شاء الله یا عمتو ویکونوا هنا

هم بأن يتصل ب "نانسي" عندما وجد والدته ووالده يقفان ليرحبان ب "نانسي "ووالدها ووالدتها .. شعر "عمر" بالغضب يتصاعد داخله عندما نظر الى ما كانت ترتديه خطيبته .. وقف وحاول السيطرة على غضبه أمامهم وسلم عليهم ومد يده ليسلم على خطيبته ببرود دون أن ينظر الى وجهها

..رحب الجميع ببعضهم البعض وتبادلوا عبارات المجاملة ثم جلس الجميع ينعمون بتجاذب أطراف الحديث وبالنظر الى روعة ما يحيط بهم من خضره .. شخص واحد في الحاضرين كان يجلس متبرماً ألا وهو "عمر" كان يكتفى بالرد عليهم بابتسامه صغيرة يرسمها بصعوبة .. كانت تراقبه منذ البداية عينان عسليتان .. كانت تصوب اتجاهه نظرات حب ممزوجة بالحسرة والألم .. عينا "ايناس .. "ما لم تبح به "ايناس" لأحد إلا "عمر" .. هو حبها الشديد له منذ الصغر فلقد تربوا معاً, من صغرهم كانت مشاعر "عمر" تجاهها لا تتعدى مشاعر الأخ الكبير اتجاه أخته الصغيره أما هي فلقد تجاوزت مشاعرها كل الحدود وكل القيود .. حملت سرها في صدرها ولم تكشف النقاب عنه إلا لـ" عمر" ليلة خطبته صارحته بمشاعرها التي طالما عذبتها وأحرقت قلبها .. لكن رد "عمر" كان (انتى مش أكتر من أختى يا ايناس) حاولت استجدائه بكل الطرق لكنه لا يرى فيها إلا الأخت الصغيره .. حانت التفاته من "نادين" الى "عمر "ولاحظت ما يبدو عليه من عبوس فالتفتت الى "نانسي" قائله:

" ـعمر" ماله يا "نانسى"؟

-ماله یا مامی ؟

-من ساعة ما جينا وهو مركب الوش الخشب

وأنا أعرف منين!

طيب ما تتحركي وتشوفيه ماله!

قامت "نانسى" وقالت لـ "عمر: "

مش هتفرجني على الجنينة يا "عمر"

قام "عمر" معها وسارا معاً بعيدا عن الجميع غير منتبهين لعينا "ايناس" التي كانت ترمقهما في حقد

بعدما ابتعدا عن أنظار الجميع أوقفته "نانسي" قائله:

مالك يا "عمر" في ايه؟

التفتت اليها ينظر الى وجهها وهو يشير بإصبعه على ملابسها من فوق لتحت قائلاً:

مش عارفه في ايه ؟ .. ايه الزفت اللي انتي لابساه ده

بدأت "نانسي" بالشعور بالغضب والعصبيه هي الأخرى فتحكماته كانت أكثر مما تستطيع تحمله فتاة مدلله مثلها لم تعتاد على تحكمات الآخرين في تصرفاتها .. قالت له في عصبيه:

ايه ماله لبسي .. فستان برقبة طويله وتلت تربع كم ..

أكمل "عمر" قائلاً في غضب:

وقصير فوق الركبة

-قولتلك 100 مرة انت عرفتنى كدة وحبتنى كدة وخطبتنى وأنا كده ليه بأه عاوز تتحكم فيا بالشكل ده و عايزنى اغير من نفسى ؟

ندمت لتسرعها فيما قالت وتذكرت تحذيرات أمها جيداً .. فحاولت امتصاص غضبه قائله:

حبیبی أنا بس كنت حابه ان شكلی یكون حلو أدام أرایبك .. وبعدین ما فیش هنا حد غریب و "علاء" ابن عمتك یعنی مش غریب

كان ينظر اليها في صمت لم تستطع استنتاج ما يفكر فيه اقتربت منه محاوله عناقه قائله:

وبعدين انت مسلمتش عليا كويس ولا قولتلى كلمة حلوة من ساعة ما وصلت

أزاح عمر ذراعيها اللاتان التفتا حول عنقه .. وقال بهدوء:

-يلا عشان منتأخرش عليهم

عاد بها الى حيق يُجلس الجميع, عندها تقدمت والدة "عمر" داعيه الجميع الى الدخول لتناول طعام الغذاء

" -سماح" دى بنتى الوحيده يا "أيمن" وأنا وباباها مكناش هنوافق نديهالك لو مكناش متأكدين من أخلاقك وحسن سلوكك

قال "أيمن" في خجل:

متشكر جدا يا دكتورة

" -سماح" دى بنتنا الوحيدة يا "أيمن" أتمنى انك تحافظ عليها وتصون الأمانة -حضرتك متقلقيش ولا عمى كمان يقلق "سماح" هتكون دايماً فى عنيا وان شاء الله مش هتكون هى بنتكوا الوحيدة أنا كمان هكون ابنكوا .. أنا يتيم زى ما شرحت ظروفى لعمى وأنا شايف فيكوا العيلة والجو الأسري اللي اتحرمت منه

قال والد "سماح: "

طبعاً يا ابنى انت خلاص غلاوتك من غلاوة "سماح" بنتى

قالت والدة "سماح" له:

-مفيش أى طريقة يا "أيمن" تنقل شغلك هنا القاهرة

-للأسف يا دكتورة المزرعة اللي هشتغل فيها ان شاء الله في قرية جمب المنصورة وهناك هتكون اقامتي ان شاء الله .. وكمان المزرعة دى بتاعة واحد صحبى وأنا حابب الشغل معاه خاصة انه اتفق معايا ان شغلى مش هيكون بأجر .. هيكون بنسبه يعني أكنى بشتغل في مكان بتاعي مش بشتغل عند حد

ربنا يوفقك يا ابنى ويقدم اللى فيه الخير .. وزى ما اتفقنا ان شاء الله الخطوبة بعد اسبوع قال وقد اتسعت ابتسامته:

ان شاء الله

-بس وقعت واقف يا "عمر" .. "نانسي" زى القمر

قال "علاء" هذه الجملة وهو ينقل بصره من "نانسي" التى يرمقها بظزرات اعجاء جريئة وبين "عمر" الذى يجلس أمامه مباشرة على طاولة الطعام .. وجه "عمر" حديثه الى "علاء" بنبره محذرة:

יי בעצפיי

قال "علاء" على الفور:

ايه أنا مش بعاكسها أنا بقول الحقيقة بس

اتسعت ابتسامة "نانسي" لهذا الإطراء فهى لطالما أحبت سماع تلك الكلمات من أفواه الرجال .. التى تشعرها بالزهو .. تضايق "عمر" كثيرا من تلك الابتسامة التى ارتسمت على شفتى "نانسى". ألقت عليها "ايناس" نظرة حاقدة قائله:

-بس "عمر" عرف بنات حلوة كتير .. يعنى مفيكيش حاجة مميزة عنهم

التقت أعين الفتاتان في تحد صارخ .. كان "عمر" مدرك لدوافع "ايناس" ولمشاعرها لذلك آثر الصمت وغير مجرى الحديث قائلاً:

ـها يا "علاء" أخبار شغلك ايه؟

قالت عمته:

-شغله كويس أما حياته الخاصة هي اللي مش كويسه أبداً

ضحك "علاء" قائلاً:

- لیه بس مش کویسه یا ماما
- -عشان مش عايز تتجوز , رجاله في سنك ومعاهم أطفال دلوقتي
 - قال "علاء" بخبث موجها نظراته الى "نانسي: "
- -أنا مبحبش حد يقيد حريتي .. ايه اللّى يخليني أقطف وردة واحدة في حين ان أدامي جنينه بحالها أستمتع بيها

تلاقيت عين "علاء" بعين "عمر" في تحد .. فما لا يعرفه البعض هو أن "علاء" و "عمر" بينهما الكثير من المشاحنات التي سببها الأكبر هو شعور "علاء" منذ صغره بتفوق "عمر" عليه وبالغيرة منه فقد كان "عمر" مميزاً في العائله وهذا ما دفع "علاء" لأن يكن لابن خاله حقد دفين

انتهى الجميع من تناول الطعام وتفرق الجميع حيث جلس والد "نانسي" ووالدتها مع عمة "عمر" ووالده .. أما والدة "عمر" فذهبت الى المطبخ لإعطاء الخدم بعض الأوامر .. وذهب "عمر" الى مكتبه داخل الفيلا ليجري اتصالا هاماً .. أما ايناس فكانت تتمشي بلا هدف في الحديقه

عندما خرجت "كريمة" والدة "عمر" للبحث عن "علاء" وجدته واقفا فى الحديقة مع "نانسي" يتضحكان معا وتضرب بكفها على كفه ويبدو عليهما الاستمتاع .. اقتربت منهما فانتبها لوجودها رسمت ابتسامه صغيرة على شفتيها وقالت لـ "علاء: "

-خالك بيدور عليك يا "علاء"

اعتذر "علاء" من "نانسي" ودلف لداخل الفيلا. وهمت "نانسي" بأن تدخل هي الأخرى عندما استوقفتها "كريمة" قائله:

" -نانسى" عايزاكى شويه

-ايوة

-بصى يا "نانسي" انتى خلاص شويه وهتكونى مراة "عمر" ابني وعشان حياتكم يا بنتى تمشي كويس مع بعض لازم تفهمى طبع "عمر" كويس

عقدت "نانسي" ذراعيها أمام صدرها وقد ارتسمت عليها علامات التبرم .. فأكملت "كريمة" قائله:

" - عمر" طبعه حامى من صغره .. بيغير على أى حاجة يحبها أو أى حد يحبه .. كان بيغير عليا أنا من باباه .. كان بيغير عليا أنا من باباه .. كان بيغير على أنا من باباه .. كان بيغير على لعبه .. ممكن يخلى الأطفال يلعبوا معاه بلعبه لكن دايما كانت له لعبه مميزه جدا وبيحبها جدا وميحبش حد يلعب بيها غيره و دايما مهتم بيها وبيحافظ عليها .. "عمر" كده مع الناس اللي يخصوه وانتى تخصيه يا "نانسي"

وبعدين..

تجاهلت "كريمة" ضيق "نانسى" قائله:

-عشان متحصلش مشاكل بينك وبين "عمر" يا "نانسي" افهمى طبعه ده انه بيغير عليكي لأنه بيحبك فمتحاوليش تضايقيه يا بنتى بتصرفاتك

استشاطت "نانسى" غضباً قائله:

-مالها تصرفاتی .. كل ده عشان كنت واقفه بتكلم مع "علاء" .. انتوا بجد ناس غريبة أوى .. أكنكوا عايشين في كوكب تاني

قالت "كريمة" بهدوء لكن بحزم:

-مفیش داعی للکلام ده یا بنتی انا بنبهك بس عشان مش عایزه مشکله تحصل بینك وبین العمر ال

-لا اطمنى مفيش مشاكل هتحصل بيني وبينه ريحي نفسك ولو سمحتى متدخليش تانى فى حاجة خاصه بيا خليكي بس في اللى يخصك أنا مش صغيره ومش محتاجه نصايح من حد وفجأة سمعا صوتاً يهتف من خلفها فى غضب:

" -نانسى"

أقبل "عمر" وهو يشتعل غضباً .. كانت أمه تفهمه جيداً ولم ترد حدوث مشكله بينهما فقالت له

-خلاص یا "عمر" مفیش حاجه حصلت

قال لها:

-لو سمحتى يا ماما ادخلى دلوقتى وسبيني مع "نانسي" شويه حاولت "كريمة" التحدث لكنه قاطعها قائلاً بحزم:

ماما لو سمحتى

دخلت "كريمة" الفيلا ووقف "عمر" ينظر الى "نانسي" التى تحاول التفكير فى طريقه لامتصاص غضبه

قال "عمر" بحزم شدید:

-ماما فى حياتي خط أحمر لو اتعديتي حدودك معاها فأنا من سكه وانتى من سكه قفز قلب "نانسى" من مكانه وحاولت التحديث:

" ـ عمر " أنا مكنش قصدى .. أنا بس...

أوقفها وهو يرفع أصبعه محذراً قائلاً:

-شششش .. اسمعینی کویس

نظر لها قائلاً بهدوء ممزوج بالغضب وهو يضغط على الحروف جيداً:

-ماما .. ما أسمحش لا ليكي ولا لأى واحدة غيرك مهما كانت هى مين بالنسبه لى انها تتكلم معاها بالشكل ده نهائي ..لو اتكرر الموضوع ده يا "نانسي" يبقى انتى بتنهى علاقتنا بإيدك حاولت "نانسي" السيطرة على الموقف واحتوائه قائله:

-انا بجد مكنش قصدى دى مامتك زى مامى بالظبط .. أنا هروح دلوقتى واعتذرلها يا حبيبى ..

حاولت تقبيل وجنته لكنه أبعد وجهه عنها فأسرعت الى الداخل تبحث عن "كريمة" لتعتذر عما بدر منها

تدثرت "ياسمين" بغطائها وأولت ظهرها الى أختها تاركه العبرات تنساب على وجنتيها فى صمت .. أخذت تحدث نفسها قائله (آآآآآآآآآآآآآآ يا ماما .. وحشائى أوى .. وحشنى حضنك وحشتنى ريحتك .. مش عارفه ازاى هعيش من غيرك انتى كنتى الحضن الحنين اللى بيحميني من الدنيا .. فى حضنك مكنتش بخاف وكنت بحس بأمان .. سبتيني فى اكتر وقت انا محتجاكى فيه .. وحشتيني اوى .. نفسي ارمى نفسى فى حضنك .. انا جوايا كتير يا ماما كتير اوى وتعبانه اوى سمعت "ياسمن "شهقات صغيرة فالتفتت الى حيث تنام "ريهام" فوجدت جسدها ينتفض

في خفوت فمسحت دموعها وحاولت التماسك وتوجهت الى أختها قائله:

" -ریهام" حببیتی انتی کویسه ؟

جلست بجوار "ريهام" التي أولتها ظهرها .. فأدارتها "ياسمين" من كتفها لترى العبرات وقد تساقطت على وجنتيها فأخذت رأس أختها في حضنها وقالت لها:

-حبيبتى متعيطيش .. وادعيلها بالرحمه والمغفره

قالت "ريهام" من بين شهقاتها:

-انا مش متخیله ان ماما ماتت یا "یاسمین" .. مش قادرة أصدق انی خلاص مش هشوفها تانی .. هنعمل ایه من غیرها ؟ .. دی کانت کل حاجه لینا یا "یاسمین"

ثم ازدادت حدة بكائها قائله:

وشوية وانتى كمان هتسبينى وهبقى لوحدى

رفعت "ياسمين" وجه "ريهام" بيدها ونظرت اليها قائله:

-انتى عبيطه يا "ريهام" مين قال انى هسيبك .. انتى عارفه ان "مصطفى "بيسافر 3 اسابيع وبيرجع اسبوع واحد .. ان شاء الله بعد ما نتجوز هستأذنه ان ال 3 أسابيع هقفل فيهم الشقة واجى اعد معاكى هنا انتى وبابا

نظرت اليها "ريهام" وقالت بلهفه:

بجد يا "ياسمين" .. يعني وهو "مصطفى" تفتكرى يوافق ؟

طمأنتها أختها قائله:

وایه هیخلیه یرفض .. ان شاء الله هیوافق

اعتدلت "ريهام" جالسه وحضنت أختها قائله:

-يا حبيبتى يا "ياسمين" ربنا ما يحرمنتيش منك .. انتى الحاجه الوحيدة اللى مهونه عليا فراق ماما الله يرحمها .. انا بحس انك أمى يا "ياسمين" مش بس أختى الكبيره

مسحت "ياسيمن" على شعر أختها قائله:

-وأنا بحبك اوى يا "ريهام" وفعلا بحس انى أمك وانك بنتى .. بحبك أوى وبخاف عليكي اوى أكتر ما بخاف على نفسى .. ربنا ما يحرمنا من بعض أبداً

فى احد المطاعم الفاخرة جلس "عمر" مع "كرم" يتحدثان عن أمور العمل .. عندما قال "كرم: "

وانت ناوی علی امتی ان شاء الله ؟

قال "عمر" بعدم فهم:

مش فاهم ناوی علی ایه ؟

-الجوازيا ابنى .. ناوى تتجوز امتى .. قولت شهرين بس مش شايفك يعني بتاخد خطوات فى الموضوع ده .. عشان كدة بسألك انت غيرت المعاد ولا ايه

شرد "عمر" قليلا ثم قال لصديقه:

-لا المعاد زى ما هو متغيرش

-مالك يا "عمر" في حاجه حصلت .. شكلك في عاجبني .. انت متخانق مع "نانسي"

ـلا مش متخانق ولا حاجه

-امال ایه .. علی بابا یا "عمر" .. أنا عارفك كویس فی حاجه مضایقاك أو شغلاك تنهد "عمر" تنهیده صغیره ثم قال:

-لا متحطش في بالك .. كله تمام

-خلاص برحتك مش هضغط عليك .. بس لما تحب تتكلم .. انت عارف انى موجود ابتسام المعيره قائلا:

عارف یا "کرم"

أنهت "ياسمين" اعداد طعام الغداء وذهبت كى توقظ زالدها من نومه .. عندما اقتربت من الغرفه سمعته يبكى فى الداخل .. اغرورقت عيناها بالدموع ووقفت قليلاً ثم تركته وذهبت .. فى الداخل كان والدها يمسك صورة صغيره بالأبيض والأسود تجمعه مع والده "ياسمين" والعبرات تتساقط على وجنته .. ضم الصورة الى صدره .. ورفع رأسه الى السماء وقال:

-يارب ارحمها برحمتك .. أنا قلبي راضى عنها .. أنا قلبي راضى عنها يارب رن جرس الهاتف فأسرع "عبد الحميد" بمسح عبراته جيداً وفتح الباب وخرج لكى يرد على الهاتف:

السلام عليكم

وعليكم السلام ورحمة الله وبركاته ازيك يا عمى أنا" مصطفى"

-أهلا بيك يا" مصطفى" يا ابنى

-البقاء لله يا عمى

-البقاء لله يا يا باني

تنحنح المصطفى القائلاً:

-أنا اسف يا عمى انى اتأخرت فى الاتصال والتعذيه بس الشغل كان لخمنى جداً .. وكنت فى مأموريه تبع الشغل .. معلش أنا آسف

ولا يهمك يا ابنى ربنا يعينك ويوسع رزقك

-احم احم .. عمى أنا كنت حابب أتكلم معاك يعني فى معاد الفرح .. حضرتك عارف اننا حجزين القاعه من شهرين ودخنا على ما لقينا المعاد ده .. يعني أنا بس أقصد أقول ان لو المعاد اتلغى صعب نلاقى معاد تانى دلوقتى .. وكمان كل حاجه جاهزة خلاص مفضلش حاجه ناقصة فى الشقة .. انا حبيت أتكلم مع حضرتك قبل ما أعمل أى حاجه وأشوف رأي حضرتك ايه صمت "عبد الحميد" قليلاً ثم قال:

الفرح ان شاء الله في معاده يا ابني

شهقت "ياسمين" رغماً عنها والتى سمعت ما قاله والدها دون قصد .. كيف يفكر والدها هكذا كيف يمن والدها هكذا كيف يصر على موتها الا اسبوع كيف يصر على موتها الا اسبوع واحد .. أخذت العبرات تنساب على وجنتها في صمت

بعدما أنهى "عبدالحميد" المكالمة .. خرجت من المطبخ وواجته قائله:

-بابا ازاى تقول ان الفرح فى معاده .. بابا ازاى ده ماما الله يرحمها مافتش على وفاتها الا اسبوع واحد .. ازاى انا اتجوز يا بابا فى الظروف دى

اتسمت على ملامحه الجديه وقال بتماسك:

ـزى ما سمعتى الفرح في معاده بعد اسبوع مفيش داعي يتأجل والحي أبقى من الميت

بكت "ياسمين" بقوة:

-ازاى يا بابا ازاى ؟ .. ليه ما نأجلش الفرح .. لسه لازم أتجوز دلوقتى ؟؟ أنا مش مستعجله قال لها في غضب:

-انتى سمعتى اللى أنا قولته هى كلمة واحدة الفرح فى معاده مفيش داعى للتأجيل وفجأه انهار تماسكه أمام حدة بكائها وجذبها الى حضنه قائلاً:

-یا بنتی أمك ماتت فجأه .. كانت نایمه جمبي علی السریر وهی كویسه مفیهاش حاجه أبدا وصحیت لقیتها میته .. أنا مش ضامن عمری. خایف أموت من غیر ما اسیب معاكوا راجل .. انتوا بنتین .. انتی شایفه الزمن اللی احنا فیه یا بنتی .. أنا نفسی أطمن علیكوا قبل ما أموت .. أنا لو أطول أجوز "ریهام" كمان كنت جوزتها .. عشان خاطری یا بنتی متحرقیش قلبی أكتر ما هو محروق .. عایز أسیبك فی الدنیا دی وأنا عارف ان معاكوا راجل یحافظ علیكوا .. انتی واختك ملكوش حد بعد ربنا .. أنا خایف علیكوا یا بنتی

حاولت "ياسمين" تفهم مشاعر والدها .. التى دفعته فى البدايه للموافقه على الزواج السريع من "مصطفى" وعدم الانصات الى رغبتها فى اطالة فترة الخطوبة والآن يريد اتمام هذه الزيجة خوفاً عليها .. رغم تفهمها لمشاعره ونيته الحسنه الا أنها لم تستطع تقبل الأمر .. لكنها رضخت لما أراده والدها فهذه هى المرة الأولى التى ترى والدها يبكى أمامها .. فشعرت أن الأمر جلل خطير .. أرادت اراحته وازاحه هذا الحمل الثقبل عن صدره:

-خاص اللى تشوفه يا بابا

قبلها "عبد الحميد" في جبينها وقال لها:

-ربنا يكملك بعقلك يا بنتى

تراجعت "ياسمين" قليلا لتنظر الى والدها جيداً وقالت في جديه:

-بس بشرط یا بابا .. أنا مش عایزة فرح ..مش ممكن أعمل فرح وأمى لسه میته .. وكمان مش عایزة ألبس فستان فرح.. هلبس فستان عادى .. لكن مش فستان فرح قال لها بتأثر:

ليه يا بنتى عايزه تحرميني انى أشوفك عروسه

قالت وقد شعرت أن هذا الحديث أرهقها كثيراً:

-أرجوك يا بابا أنا هنفذ رغبتك وأتجوز في المعاد ..بس أنا لا عايزه فرح ولا عايزه فستان فرح .. أرجوك يا بابا متضغطش عليا أكتر من كدة .. لاني بجد مش هقدر أتحمل أكتر قالت ذلك وأسرعت الى غرفتها وألقت نفسها على سريرها وتركت لدموعها العنان

السماح العبر الهاتف: بكرة خطوبتي أنا عارفه ظروفك بس منتظراكي

"یاسمین": انتی أختی و ده یوم مش ممکن أفوته

" -ياسمين" لو بضغط عليكي خلاص متجيش يا حبيبتى وأنا هعذرك

" -سماح" انتى ملكيش صحاب ولا اخوات بنات .. وأنا مش بس صحبتك أنا كمان أختك ازاى مش عيازانى آجى وأقف معاكى في اليوم ده

-يا حيبتى يا "ياسمين" أنا عارفه انك بتيجي على نفسك أوى عشان ترضى اللى حواليكي .. بجد أنا كنت خايفه أوى متجيش .. زى ما قولتى مليش غيرك وأنا حسه اني قلقانه ومتلخبطه على الآخر .. كان نفسي أأجل الخطوبة عشان ظروفك بس لولا ان "أيمن" مضطر يسافر عشان شغله وعايز نلبس الدبل والشبكة قبل ما يسافر لانه هينشغل أوى الفترة الجايه قالت لها "ياسمين" في حنان:

-متقلقیش یا حبیبتی هاجی من الصبح وهکون جمبك انتی وطنط -بجد انتی ونعم الأخت ربنا یفرح قلبك دایماً زی ما بتفرحی اللی حوالیكی

''أيمن'' وهو يجلس مع صديقه في مكتبه بالشركة -بكرة الخطوبة ومستنيك عشان نروح سوا '' -عمر'': طبعا يا أيمن ومبروك يا عريس -والواد ''كرم'' أنا كلمته وعزمته هو كمان -متقلقش يا عريس أنا و''كرم'' هنكون هنا في الشركة وهنخرج سوا نعدى عليك ونطلع على بيت العروسة ان شاء الله

قالت "ريهام" وهي تنظر لأختها التي ترتدي ملابسها:

- هتروحي الخطوبة

-أها .. متيجي انتى كمان على الأقل تغيري جو انتى حتى مبتروحيش الكليه يا "ريهام" -لا مليش نفس

ليه .. انتى عارفه ان "سماح" ملهاش حد وهتفرح أوى لما تلاقينا احنا الاتنين معاها - بجد يا "ياسمين" مش حسه انى عايزه أخرج ولا أعمل أى حاجه

-براحتك يا حبيبتى بس لو غيرتى رأيك عرفيني وأنا أستناكى في المترو

ـخلاص ماشي

-بس انتی لیه رایحه بدری کدة

-عشان أساعد طنط وكمان "سماح" حساها قلقانه أوى فحابه انى أكون معاها ونظبط كل حاجه مع بعض

-ماشىي

مع السلامه .. ولو غيرتي رأيك كلميني ماشى .. مع السلامة

نظرت 'اسماح'' اللى نفسها في المرأة والتفتت الى صديقتها قائله:

```
-زى القمريا "سماح" ما شاء الله لا قوة الا بالله
                                                           -ولفة الحجاب حلوة
                                                   اليوة حبيبتي منورة وشك أوى
                                                            -أنا حسه اني قلقانه
                   -القلق والتوتر ده عادى انتى فاكره أنا كنت في خطوبتي عامله ازاى
                                                           ده انتی کنتی فظیعه
                              ضحكت الاثنتان معا ورن هاتف "ياسمين" فردت قائله:
                                                       -السلام عليكم يا "ريهام"
                                                               وعليكم السلام
                                                        -خير يا حبيبتي في حاجه
-آه يا "ياسمين" أنا حسه انى مخنوقه أوى ومش طايقه البيت .. لو أعدت فيه ثانيه واحده
                                                                    كمان هموت
                                                     قالت لها "ياسمين" في حنو:
                                                   عشان كده قولتلك تيجى معايا
                                                            -ينفع اجى دلوقتى ؟
                            أخذت 'اسماح' الهاتف من الياسمين' وقالت لـ الريهام'
                                                   -ايوة يا "ريهام" أنا "سماح"
                                                  -ازيك يا "سماح" وألف مبروك
                      -الله يبارك فيكي يا قمر عقبالك .. أنا منتظراكي يلا تعالى بسرعه
                                                          مش هسببلكوا ازعاج
                            ده على أساس اننا هنشيلك ونقف بيكى في وسط الصاله
                                                          ضحكت "ريهام" قائله:
                                                     -خلاص ماشى أنا هنزل حالا
                                                                   متتأخريش
                                أخذت الياسمين الهاتف من صديقتها وقالت لأختها:
                                    -أول ما تنزلي من المترو كلميني وأنا أنزل أخدك
                                                            ـخلاص اتفقنا سلام
                                                                        ـسلام
                                     **********
```

جلس "عمر" و"كرم" في السيارة منتظرين صديقهم الذي أتى يرتدى حلة رمادية اللون وعلامات السرور والفرح ترتسم على محياه فتح باب السيارة الخلفية ودلف قائلاً:

-السلام عليكم يا شباب

وعليكم السلام

وعليكم السلام يا عريس

انطلق "عمر" بسيارته الى بيت "سماح" ..مروا أولا على محل زهور وابتاع" أيمن" باقى كبيرة حمراء وأحضر سلة من التشوكليت الفاخرة .. وصلوا الى حيث تقطن "سماح" وأهلها ..

```
-آلو
                                       -أيوة يا باشمهندش أنا "حنان" مديرة مكتبك
                                                                اليوة يا "حنان"
                           -الملف يا فندم بتاع انتاج اللحوم اللي هندخل بيها المناقصه
                                                                     -آه ماله ؟
                                   -مش موجود ومندوب اللجنة عندى ومنتظر الملف
                                                             قال "عمر" بغضب:
                                                         -ازای یعنی مش موجود
حضرتك يا فندم خدته منى امبارح عشان تراجعه لأخر مرة ولأن الملف سري أكيد حضرتك
                                                    حطيته في الخزنه بتاعة المكتب
                                                  ضرب عمر بيده على جبيته قائلاً:
                                                     -آخ .. فعلا الملف في الخزنة
                                                        -طيب أقول ايه للمندوب ؟
                        -ما تقوليلوش حاجه .. قدميله حاجه لحد ما آجي أنا في الطريق
                                       أغلق "عمر" هاتفه والتفت الى صديقيه قائلاً:
- لازم أرجع المكتب دلوقتى .. بس مش هتأخر عليكوا هدي المندوب الملف واجى على طول
                                              قال له "كرم" وهويخرج من السيارة:
                                                             طول عمرك فالح
                                                              نبهه "أيمن" قائلاً:
                                                         اوعى تتأخريا "عمر"
                                        -لا متقلقش يا "أيمن" هروح وآجي بسرعة
                                                                         ـتمام
                                             أدار "عمر" سيارته وانطلق في طريقه
                                              ********
              رن جرس الباب فقفز قلب "سماح" من مكانه .. فابتسمت "ياسمين" قائله:
                                                      ایه من أولها كده .. اجمدی
                                       -أجمد ایه أنا حسه ان ركبی بتخبط فی بعضها
```

وركن "عمر" سيارته واستعدوا للنزول عندما رن هاتف" عمر" فرد قائلاً:

والتفتت الى "ياسمين" قائله: -وانتى يا "سمسم" ربنا يباركلك يا حبيبتى مسبتيش "سماح" فى اليوم ده لوحدها هى كانت متوتره جدا وانتى عارفه انها بتحبك جدا وملهاش صاحبه غيرك تثق فيها وتعتبرها زى اختها -طبعا يا طنط وربنا عالم أنا بحب "سماح" أد ايه ومبفرقهاش عن "ريهام" أختى

سمعت صوت "أيمن" وصوت آخر لم تتعرف عليه كان والدها ووالدتها يرحبان بهما, وبعد

-بسم الله ما شاء الله زى القمر يا حبيبتى .. ربنا يتم عليكي بخير

قليل دخلت والدتها قائله:

-ربنا يخليكوا لبعض ويوفقك انتى وأختك أمال هي فين "ريهام" مجتش ليه

-هتيجى يا طنط .. شويه وهنزل أجيبها من المترو

في هذه الأثناء دخل والد "سماح" قائلاً:

-يلا العريس بره

أقبل على ابنته وقبلها من جبينها قائلاً:

-مبروك يا حبيبة قلب بابا .. ربنا يسعدك يارب

قالت السماح: "

-خلاص یا جماعة بأه هتخلونی أعیط

في هذه الأثناء رن هاتف "ياسمين" وكانت المتصله "ريهام" فالتفتت لـ "سماح" قائله:

-أنا هنزل أجيب "ريهام"

-خلاص ماشی بس متتأخریش

نزلت "ياسمين" وأسرعت الخطى .. كانت سعيده لسعادة" سماح" وتمنت لها الخير والتوفيق .. وفكرت في حالها وفي نفسها .. تمنت أن تستطيع إدارة حياتها ومستقبلها كيفما تريد .. قالت في نفسها:

)يا ربي انت عالم بحالى .. قدرلى الخير .. أنا مش عارفه فين الخير وفين الشر .. أنا قلبي مش مرتاح .. ومش فى ايدي حاجه أعملها .. يارب أنا عارفه انك كريم أوى وعند حسن ظن اللى يحسن الظن بيك وعارفه ان أى حاجه هتختار هالى هيكون فيها الخير ليا حتى لو انا مش شايفاه .. يارب فوضت أمرى اليك. (

انطلق" عمر" بسيارته عائداً الى بيت" سماح" بعدما أنهى مهمته فى مكتبه .. رن هاتفه فأخرجه من جيب ونظر اليه فوجد "كرم" المتصل:

ایوة یا "کرم"

ایه یا "عمر" انت فین ؟

ـخلاص أنا في الطريق أهو

طيب يلا بسرعة شهل شويه

-خلاص أنا أهو دقيقتين وأبقى أدام البيت سلام

_سلام

أغلق "عمر" هاتفه" وزاد من سرعة سيارته وفجأه.....

انطلق فى الشارع صوت فرامل السيارة وهى تكبح جماحها بشدة .. بعدما صدم شخصاً ما ظهر أمامه من العدم فلم يستطيع تفادى الإصطدام به .. سقط الشخص أمامه على الأرض بعدما دفعته السيارة عنها بضعه خطوات أوقف سيارته ونزل بسرعة ليجد فتاتنا وقد ارتسم على ملامحها الألم الشديد .. لم تستطع "ياسمين" تحمل الألم الذي كانت تشعر به فى ساقها فسقطت مغشياً عليها .. اقترب منها "عمر" وجثا على ركبتيه قائلاً:

-یا آنسه .. یا آنسه

لكن "ياسمين" كانت في عالم آخر

تجمع بعض الماره من الناس مرددين:

- لا حول ولا قوة الا بالله

```
مش تفتح يا أخينا
```

حد يسوق العربيه بالسرعه دى

وجه اليهم "عمر" حديثه وهو ينظر الى "ياسمين" قائلاً:

-هى اللي ظهرت أدامي فجأه

فقال له أحد الماره:

-يعني ايه ظهرت فجأه طلعت من تحت الأرض يعني .. أنا شايفك بعيني وانت سايق بسرعه والبنت ملهاش ذنب انت الغلطان .. اتقى الله يا أخى هو عشان ما انتوا أغنيه هتيجوا على الفقرا اللي زينا .. اه ما احنا أرواحنا في البلد دي رخيصه ملهاش تمن

انفعل عليه "عمر" قائلاً:

لزمته ایه الکلام ده دلوقتی .. المهم دلوقتی أوصل البنت دی المستشفی

- اه توصلها المستشفى .. !! رجلى على رجلك يا بيه .. معلش بس ولاد الحرام كتير ..

ومنضمنش نسيبك توصل البنت دى لوحدك خاصة وانت خابطها والموضوع ده لازم يتبلغ عنه ويكون في محضر عشان حق المسكينة دى ميضعش

قال "عمر" في غضب:

اعمل اللي تعمله أنا مش هذاف منك ..

حمل "عمر" جسد "ياسمين" بخفه ووضعها في المقعد الخلفي لسيارته .. ووجد الرجل الذي تشاجر معه يركب في المقعد الأمامي وهو يخرج هاتفه ليتصل بالشرطة .. أدار "عمر" السيارة وتوجه الى المستشفى.

تعالت الزغاريد في بيت "سماح" بعدما ألبستها والدتها الشبكة .. كانت تعلو شفتيها ابتسامة سعاده ممزوجه بالخجل .. قبل والدها رأسها قائلاً:

مبروك يا حبيبة قلبي

وسلم على "أيمن" قَائلاً:

-مبروك يا ابنى عقبال الفرح ان شاء الله

وقف "أيمن" وحضنه قائلاً:

-الله يبارك فيك يا بابا .. واسمحلى انى أقولك بابا

ابتسم الأب قائلاً:

طبعاً يا ابنى انت خلاص بقيت ابنى .. ده انت واخد حته من قلبى

وجهت "سماح" حديثها الى والدتها الجالسه بجوارها قائله:

ماما فین "یاسمین"؟

-والله يا "سماح" ما أعرف .. هي قالت هتروح تجيب أختها من المترو بس اتاخرت أوى طيب معلش يا ماما اتصلى بيها

اتصلت الأم ب "ياسمين" ثم قالت:

ـما بتردش

شعرت "سماح" بالقلق قائله:

ربنا يستر

```
طمئنتها أمها قائله:
```

متخفيش زمانها جايه ان شاء الله

وفى هذه الأثناء قال "أيمن" لـ "كرم: "

فين سى "عمر" باشا؟

-والله يا ابنى ما أعرف قالى دقيقتين وهكون أدم البيت الكلام ده من ساعة الا ربع .. مش عارف بيت مين اللي يقصده بالظبط!! .. شكله بيتكلم عن بيت النانسي!! "

طیب اتصل بیه

اتصل "كرم" بساعمر" قائلاً:

-ايه يا ابنى انت فين .. كل ده الدقيقتين مخلصوش .. ولا انت بتمشى جوه الجزمة الأول تنهت "عمر" قائلاً:

-أنا في المستشفى يا "كرم" عملت حادثه بالعربيه

قام ليبتعد عن "أيمن "ثم قال:

-لا حول ولا قوة الا بالله .. انت كويس ؟ طمنى عليك

-اه كويس بس خبطت بنت بالعربيه وكانت مغمى عليها معرفش جرالها ايه .. الممرضة بتقولى انهم عملولها اشاعه وبيجبسولها رجلها

-لا حول ولا قوة الا بالله

ودلوقتي في ظابط عندها بياخد أقوالها

-ظابط ؟؟ وايه اللى وصل الموضوع لكده

قال "عمر" في ضيق:

-واحد من اللى كانوا ماشيين اتدخل فجأة وقعد يبرطم بالكلام ومرتحش الا أما بلغ البوليس وجم وبياخدوا أقوالها دلوقتى .. استنى أهو الظابط خارج من عندها

قال "كرم" بسرعة:

" - عمر" او عى تتكلم مع الظابط أو تقول أى حاجه اتصل بسرعة بأستاذ شوقي المحامى بتاع الشركة وما تتكلمش مع حد قبل ما يوصل

- هو ده اللي أنا عملته وآديني اعد مستنيه .. "كرم" اقفل دلوقتى المحامى جه .. سلام الله عملته في الله عملته في مستشفى ايه ؟

مستشفى...

-طيب أنا جايلك سلام

أغلق" عمر" هاتفه وقال للمحامى الذى أقبل عليه:

-استاذ شوقى كويس انك جيت بسرعه

-خيريا "عمر" ان شاء الله اطمن .. البنت حالتها ايه دلوقتي ؟

-سألت الممرضة قالتلى ان رجلها اتجبست وفي كدمات في جسمها

مين اللي بلغ .. أهلها ؟

- لا أهلها لسه مظهروش .. اللي بلغ واحد شاف الحادثه وشهد اني كنت سايق بسرعه - و انت فعلا كنت سايق بسرعه ؟

ارتبك "عمر" قائلاً:

-ايوة كنت سايق بسرعه

```
ثم أردف بسرعه:
```

- بس هي اللي ظهرت أدامي فجأه
- طيب اتكملت مع حد .. حد خد أقوالك
- -لأ حاولت أتجنب الظابط عشان ميشوفنيش وانتظرتك تيجي عشان نشوف هنعمل ايه .. ايه الحل دلوقتى أنا مش عايز قضية عايزها تخلص ودى
 - -ان شاء الله تخلص ودى .. هنديها مبلغ مقابل انها تتنازل عن القضية الموضوع بسيط متقلقش
 - -أخرج "عمر" دفتر شيكاته وقلمه الأنيق وقال:
 - مفيش عندى أى مشكلة .. عشر تلاف كويس
 - -زودهم شویه یا "عمر" عشان تملی عینیها ومتدیهاش فرصه للرفض
 - -تمام آدى شيك بعشرين ألف .. وكل مصاريف العلاج والمستشفى أنا هدفعهم .. بس عايز الموضوع يخلص دلوقتى
 - أعطى الشيك للمحامى الذي أخذه منه قائلاً:
 - -متخفش .. هي في انهي اوضه
 - أشار له "عمر" على الغرفة المجاوره قائلاً:
 - دخلوها هنا
 - طرق المحامى الباب وفتحت له الممرضه ثم دخل وأغلق الباب جلس "عمر" قلقاً متوتراً
 - *******
 - أتصلت "ريهام" بأبيها فرد قائلاً:
 - ایوة یا "ریهام" وصلتی ؟
 - لا يا "بابا" أنا لسه في الطريق
 - محدش كلمك تانى ؟
 - لا يا بابا الممرضة متصلتش تانى .. أنا خلاص عشر دقايق وأكون في المستشفى
 - -أنا كمان تقريبا أدامى عشر دقايق ربع ساعه .. جيب العواقب سليمه يارب
 - متقلقش يا بابا الممرضة طمنتنى ان شاء الله خير
 - أغلقت الهاتف في المترو وهي تبكي في صمت و تستغفر ربها وتدعوه أن يحفظ أختها

خرج المحامى من غرفة 'اياسمين' فهب 'اعمر' واقفاً فوقف الرجل أمامه ومد يده له بالشيك .. نظر 'اعمر 'ا الى الشيك في يد المحامي فغضب وأخرج دفتر شيكاته مرة أخرى وقال بحده: -مفيش مشكلة هزودلها المبلغ .. هي طالبه كام؟

-مش طالبه حاجة مفيش قضية أصلاً

قال "عمر" بدهشة:

-ازای یعنی مفیش قضیة

ابتسم المحامي قائلاً:

-زى ما بقولك كده .. قالت في أقوالها للظابط انها هي اللي غلطانه وانها كانت ماشيه مش

مركزه وانها مش عايزة تقدم بلاغ ولا تشتكيك

صمت "عمر" وهو مندهش .. فقال له المحامى:

طیب بما ان مهمتی انتهت أستأذن أنا

معلش تعبتك معاياً يا أستاذ "شوقى"

-مفيش مشكلة يا "عمر" أشوفك في الشركة .. مع السلامة

مع السلامة

ظل "عمر" واقفاً وهو يفكر فيما فعلته الفتاه .. في تلك اللحظة خرجت الممرضة من غرفتها فقال لها "عمر: "

-هي عامله ايه دلوقتي ؟

-كويسه .. عندها كسر في رجلها والدكتور حطهالها في الجبس وان شاء الله الجبس هيتفك بعد اسبوعين .. وفي شوية كدمات بسيطه هتاخد وقتها

-طیب متشکر أوی

انصرفت الممرضة فتوجه "عمر" الى الغرفة التى ترقد فيها "ياسمين" وطرق الباب بخفه ثم فتحه ودخل

رفعت "ياسمين" نظرها لتجد رجلاً غريباً أمامها كان يرتدى بدلة سوداء عليها معطف أسود اللون .. رفعت يدها لتتأكد من ضبط حجابها .. قال لها بصوت رخيم:

-ازيك دلوقتى ؟

قالت وقد شعرت بالخجل من نظراته المتفحصه فأطرقت بوجهها:

-الحمد لله

-أنا اطمنت عليكي انك ان شاء الله هتشيلي الجبس بعد اسبوعين

أومأت برأسها وهي مازالت لا تدرى من هو وماذا يفعل في عرفتها .. فسألته قائله:

حضرتك ظابط ولا محامى ؟

ابتسم "عمر" ابتسامه زادته وسامه وقال:

-لا أنا لا ظابط ولا محامى أنا مهندس

شعرت "ياسمين" بجاذبيه عينيه السوداويين وكأنهما مغناطيس .. فأبعدت عينيها بسرعه واحمرت وجنتاها لهذا الوضع الذى تبدو فيه أمام هذا الزائر الغريب فلم تعتد أن يراها رجلاً غريبا وهى ممده هكذا في فراشها فشعرت بالارتباك وحاولت جذب الغطاء عليها أكثر ودت لو طلبت منه الانصراف .. شعر "عمر" بتوترها فلم يزيده هذا الا تفحصاً فيها .. ثم استطرد بجديه قائلاً،

-أنا آسف على اللي حصل .. بس بجد مشفتكيش انتى ظهرتى أدامي فجأه

نظرت اليه "ياسمين" بدهشة قائله:

حضرتك اللي خبطنى ؟

تنحنح قائلاً:

-ایوة . بس بجد مشفتکیش

أطرقت ''ياسمين'' برأسها وقالت:

-أصلا أنا اللي كنت ماشيه ومش مركزة لو مكنتش سرحانه مكنش ده حصل

-وأنا كمان كنت سايق بسرعة لو كنت بطئت شوية مكنتش خبطتك

قدر الله وما شاء فعل .. نصيبي كده

```
-أنا متشكر أوى انك ما اشتكيتيش عليا
                               -زى ما قولت لحضرتك وللظابط وللمحامى دى غلطتنى أنا
                              أخرج الشيك من جيبه واقترب من فراشها ومد يده به قائلاً:
                                              طيب لو سمحتى اقبلي المبلغ الصغير ده
                                                   رفعت 'اياسمين'' نظرها اليه قائله:
                                    قولت لحضرتك أنا اللي غلطانه وخلاص حصل خير
                   -بس أنا حاسس بالذنب لاني فعلا كنت سايق بسرعه فلو سمحتى اقبليه
                                                            احتدت "باسمين" قائله:
                                                                -لا طبعا مش هقبله
                                                                              ليه_
                 - لأنه مش من حقى .. وحتى لو كنت انت اللي غلطان أنا مش بقبل عوض
                                              طيب أنا آسف أنا مكنش قصدى أضايقك
                                                  حاولت السيطرة على غضبها وقالت:
    -حصل خير .. ولو سمحت ممكن بعد اذنك تتفضل لأن مفيش ممرضة معانا وميصحش كده
                                                      اندهش "عمر" مما قالته فقال:
                   -انا اسف مرة تانية أنا بس كنت عايز أطمن عليكي وأشكرك يا انسه....
                                                      سكتت ولم تجيبه .. فحثها قائلاً:
                                                        لحد دلوقتي معرفتش اسمك
                                                                 قالت بصوت خافت:
                                                              -أنا اسمى "ياسمين"
                    وأنا اسمى "عمر .. "وبشكرك مرة تانية .. ولو احتجتى حاجه أنا....
                                                      قاطعته قائله دون أن تنظر اليه:
                                                                           ـشكر اً
هز "عمر" رأسه وتوجه الى الباب وفتحه وخرج .. وجد أمامه رجلا يرثى لحاله وبجواره فتاة
                                                   باكيه, جرى ناحيته وقال له بلوعه:
                                             بنتى كويسه ؟.. "ياسمين" جرالها ايه ؟
                                                        ربت "عمر" على كفته قائلاً:
                                                       متقلقش حضرتك هي كويسه
                                                          ـهي جوه في الاوضة دي ؟
                                                                  ايوة جوه اتفضل
```

دخل والدها وأغلق الباب .. وقف "عمر" قليلا ثم انصرف

خرج "عمر" من المستشفى ليجد "كرم" أمامه, توجه ناحيته قائلاً: -خير يا "عمر" طمنى ايه اللي حصل ؟ -لا خير الحمد لله تعالى نعد في أي مكان ونتكلم طيب هات عربيتك وتعالى نروح الكافيه بتاعنا

```
طيب تمام
```

توجه كل منهما الى سيارته وغادرا المستشفى

-کده یا 'اسمسم' تخضینا علیکی

-معلش يا "ريهام" مكنش قصدي .. أنا أول ما فوقت قولت للمرضه تكلمك عثبان عارفه انك واقفه مستنياني في المترو

-ده أنا كنت هموت لما اتصلت بيا وقالتلى ان عربيه خبطتك

قال لها والدها وهو يجلس بجوارها على الفراش:

-الحمد لله يا بنتي جت سليمه قدر ولطف

الحمد لله يا بابا

والجبس محدش قالك هيتفك امتى

-اه الدكتور قالى هيتفك كمان اسبوعين ان شاء الله

ان شاء الله

سكت الأب قليلا ثم قال:

مين الجدع اللي كان خارج من اوضتك ده

ارتبكت "ياسمين" قليلا ثم قالت:

ده الراجل اللي خبطني بالعربيه

انفعل الأب قائلاً:

وله عين كمان .. أنا لو أعرف كنت مسكت في زمارة رقبته

أسرعت "ياسمين" قائله:

-هو ملوش ذنب يا بابا أنا اللي مكنتش مركزه وكنت ماشيه سرحانه

ولیه یا بنتی کده مش ترکزی یعنی کنت هعمل ایه أنا دلوقتی لو کان حصلك حاجة

تدخلت "ريهام" قائله:

۔خلاص یا بابا حصل خیر

-أنا قايم أشوف حساب المستشفى .. شكلها مستشفى غالية أوى ربنا يستر

شعرت "ياسمين" بالذنب لما كبدته لوالدها من مصاريف .. خرج الأب فجلست "ريهام" بجوارها وأخرجت قلما وبدأت في الكتابه على ساقها المتجبره .. ضحكت "ياسمين" قائله:

بتعملی ایه یا بت انتی

-بكتبلك ذكرى على الجبس بتاعك

على أساس انى هفضل متجبسه طول عمرى يعنى

-بس ایه الواد المزده یا "یاسمین" یا خراشی ده یحل من علی حبل المشنقة .. ده نضیف نضافه .. بیاکل ایه ده

ضحكت "باسمين" قالئه:

يخربيت عقلك هو انتى كنتى في ايه ولا في ايه

اه أنا صحيح كنت قلقانه عليكي ومفطوره من العياط بس ده ميمنعش انى أخدت بالى من لهطة القشطة اللي كان عندك

ازدادت ضحكات "ياسمين" من اسلوب أختها قائله:

اه لو ابوكي سمعك

-أبويا مين ده أنا مستعده أخسر أهلى كلهم .. ده ريحة البرفيوم بتاعه لسه معبأه الأوضة .. ايه الناس دى

سمعا طرقا على الباب فقالت "ياسمين: "

-طیب اخرسی بأه أبوكی جه

دخل "عبد الحميد" وقد ارتسمت ابتسامه على محياه .. لاحظتها "ياسمين" فقالت له: حير يا بابا ؟

-والله جدع ابن حلال دفع مصاريف المستشفى واقامتك فيها اسبوع قالت الياسمين البدهشة:

-اسبوع ؟! .. بس الدكتور قالى انى ممكن أروح كمان يومين أخذت 'اياسمين'' تفكر في كرم هذا الرجل الغريب

أحضر النادل الطعام ووضعه أمام الصديقان, ثم انصرف .. قال "كرم: "

-هاا وبعدين ؟

مفیش شکرتها ولما جیت أخرج قابلت باباها على الباب ومعاه بنت بتعیط و کان واضح انهم قلقانین علیها أوی

سكت قليلا ثم قال:

-الراجل كان شكله بسيط أوى .. اللى أنا مستغربله انها رفضت تماما انها تاخد الفلوس رغم ان واضح جدا انهم ناس على أد حالهم

ما هي قالتلك انها هي اللي غلطانه

حتى لو هى اللي غلطانه فى حد فى الزمن ده يجيله فلوس كده لحد عنده ويرفضها .. ومش بس كده ده أنا لما أصريت عليها حسيت انها هتقوم تضربنى

ضحك "كرم" قائلاً:

-ياريتها كانت عملتها

قال "عمر" بجديه:

-بصراحه لما المحامى قالى انها مشتكتش ضدى استغربت لأن أى حد مكانها كان اشتكى عشان يساومنى على تعويض .. وكمان هى غريبه أوى تصور لقيتها بتطلب منى أخرج من الأوضة عشان الممرضة مش موجوده ومفيش حد فى الاوضة الا أنا وهى

نظر اليه "كرم" وهو يبتسم

أكمل" عمر" قائلاً:

ولا لما ببصلها كل ما عيني تيجي في عينها ألاقي وشها يحمر وتبعد عينيها

ـشكلها خجوله أوى

ابتسم "عمر" قائلاً:

-هو لسه في بنات كده

```
********
```

-ألف سلامة عليكي

قال "مصطفى" هذه العبارة عبر الهاتف , فقالت "ياسمين: "

-الله بسلمك

-أنا زعلت عشانك أوى وزعلت أكتر ان فرحنا هيتأجل اسبوع كمان يعني بدل ما كان أدامنا اسبوع بأوا اسبوعين

أطرقت "ياسمين" في خجل ولم تجب

-أنا نفسى الوقت يمر بسرعة عشان أخدك في حضن...

قاطعته الياسمين البسرعة قائله:

الو سمحت .. مينفعش حضرتك تكلمني كده

احمرت وجنتاها بشده من الخجل ومن الغضب

أتاها صوته وهو يتحدث ببرود قائلاً:

ليه مينفعش خلاص كلها اسبوعين وتكونى مراتى

-أما ابقى مراتك

طيب براحتك سلام

مع السلامه

أغلقت الياسمين الوهي تشعر بغضب شديد من جرأته في الكلام معها .. ومن قلة ذوقه عندما أسرع بإنهاء المكالمة ..

أثناء جلوس "عبد الحميد" على المقهى وهو شارد يفكر فى حاله وحاله بناته أقبل عليه شاب وقف أمامه ويبدو عليه علامات التردد .. نظر اليه "عبد الحميد" مستفهما فلم يتحدث الشاب .. فقال له "عبد الحميد:"

-خیر یا ابنی فی حاجه ؟

عدل الشاب من وضع عويناته التي يرتديها وقال في ارتباك:

حضرتك أستاذ " عبد الحميد منصور"

-أيوة يا ابني أنا

-أنا .. يعني .. حضرتك .. أنا "وائل"

انتظره "عبد الحميد" ليكمل كلامه لكن الشاب صمت .. فقال له:

-أهلا بيك يا ابنى .. اتفضل اعد

فجلس الشاب وقد ازداد ارتباكه قائلاً:

-أنا .. كنت عايز أتكلم مع حضرتك في موضوع .. يعني .. أنا .. يعني .. بنتك .. "ريهام" قال "عبد الحميد" بسرعة:

-مالها "ريهام" بنتى جرلها حاجة في الكليه ؟

أسرع الشاب قائلاً:

-لأ لا هي كويسه أنا لسه شايفها من شويه

تصاعد غضب "عبد الحميد " قائلاً:

-یا ابنی اتکلم مش فاهم منك حاجه

-احم احم .. يعني .. أنا كنت عايز .. أقول لحضرتك .. انى عايز "ريهام" قال الأب في غضب:

-اللهم طولك يا روح يعنى ايه عايز "ريهام" ؟

قصدى يعنى أنا عايز .. يعنى أنا وهي نتجوز

هدأ "عبد الحميد" قليلاً وهو يرمق الشباب بنظرات غيظ .. فقال الشاب:

-بصراحة يا أستاذ "عبد الحميد" ماما قالتلى انى أجى لحضرتك عشان أقول لحضرتك اننا عايزين نزوركوا في البيت

-طيب يا ابنى .. يشرفنى ده طبعا .. بس فرح بنتى الكبيره كمان أربع أيام فلما يخلص الفرح الأول وأطمن عليها نبقى نشوف موضوع "ريهام"

-طيب يا أستاذ "عبد الحميد" ياريت تحدد معاد عشان أقول لماما عليه

نظر اليه "عبد الحميد" شزراً وقال له:

قولها اسبوع كده وان شاء الله تشرفونا في البيت

قام الشاب ومد يده وسلم عليه وقال بفرح:

متشكر جدا لحضرتك .. ومبروك لبنتك الكبيرة .. السلام عليكم وعليكم السلام

" -عمر" انت ليه متغير معايا

قالت "نانسي" هذه العبارة أثناء جلوسها مع "عمر" في أحد المطاعم .. رد "عمر" قائلاً: مش متغير ولا حاجه يا "نانسي" بس الفترة اللي فاتت كنت مشغول جدا وكمان كنت بسافر المزرعة كتير عشان انتي عارفه ان أمورنا مش مظبطه هناك

مش انت خلاص شغلت واحد صحبك فيها

-أيوه بس مش هطمن الا أما نخلص الرش ونشوف النتيجه ونعرف هننقذ أد ايه بالظبط من المحصول

-أنا يا "عمر" مغلطاك بصراحه .. يعني ازاى تسيب ادارة مزرعه كبيرة كده لواحد أول مرة يشتغل عندك

احتد "عمر" قائلاً:

-أولا "أيمن" ده صاحبي وأخويا مش واحد من الشارع .. ثانياً "أيمن" مش بيشتغل عندى "أيمن" بيشتغل بنسبه يعني أكنه بيشتغل في ملكه

احتدت "نانسى" هي الأخرى:

وانت شایف ان ده صح .. "عمر" انت کده بتطمع الناس فیك

" -نانسي" لو سمحتى أقفلى على الموضوع أنا أدرى بشغلى .. أنا مش عيل صغير .. لا اسألى عنى في السوق كويس وانتى تعرفي مين هو "عمر الألفى"

-طبعا يا حبيبي عارفه وواثقه في قدرتك على ادارة شغلك

غير "عمر" الموضوع قائلاً:

-أنا خلاص يعتبر خلصت تعديلات الديكور في الجناح بتاعنا في الفيلا .. مفضلش غير اننا ننزل نختار الأثاث سوا

```
قالت "نانسي" بتبرم:
```

- -انت لسه مصر اننا نعيش عند أهلك في الفيلا .. ليه يا "عمر" ميكنش لينا مكان خاص بينا قال "عمر" وقد ضاق ذرعاً:
- " -نانسي" احنا فتحنا الحوار ده مليون مره .. وكل مرة بعيد نفس الكلام .. ماما وبابا ملهمش غيري .. وبابا معظم الوقت في الشغل أو مسافر .. وأمى لوحدها طول اليوم .. ايه اللي يخليني أعيش في مكان تاني وفيلتهم طويله عريضه هيكون لينا فيها مكان خاص بينا يعني اكنك عايشه في شقه مستقله خاصه بيكي بس الفرق ان الشقة دى هتكون جوه فيلتنا

رسمت ابتسامه صغيره على شفتيها قائله:

-خلاص يا حبيبي اللي تشوفه

صمت "عمر" قليلا ثم نظر اليها قائلاً:

" -نانسى" انتى حسه اننا مناسبين لبعض

قالت بدهشة:

-مش فاهمه قصدك ايه

قال في حيره:

- -مش عارف ساعات بحس اننا مفیش حاجه متفقین علیها
 - " -عمر" انت معدتش بتحبنى ؟
- لا بحبك وعيني مش شايفه غيرك .. بس حاسس ان عقلى مش بيبطل تفكير

حاولت "نانسى" معرفة ما يدور في عقله قائله:

- -بتفكر في ايه بالظبط
- -لا متحطيش في بالك ويلا عشان نطلب الأكل
- -طيب قولى الأول انت مسافر المزرعة تانى امتى ؟
 - -مسافر بكرة ان شاء الله
 - -طیب انت مش و عدتنی انك هتاخدنی معاك
- -خلاص مفيش مشكلة لو عايزة تيجي تعالى بس شوفى ظروف مامتك وباباكى الأول قالت النانسى البدهشة:
 - -مامى وبابى ليه ؟ هما هييجوا معانا ؟

نظر اليها "عمر" نظره طويله ثم قال:

- -أمال هنعد أنا وانتى فى بيت المزرعة لوحدنا ؟! هناك بلد أرياف مش زى هنا .. يعني أكيد الناس هتتكلم عنى وعنك .. وكمان فرصه عشان أهلك يغيروا جو
 - -خلاص يا حبيبي اللي تشوفه

رن جرس الباب فأسرعت "ريهام" بفتح الباب وقالت مبتسمه:

-ازیك یا "سماح" منوره

دخلت "سماح وقبلتها ثم قالت:

-ازيك انتى يا "ري ري " .. أمال فين "ياسمين" ؟

ضحكت "ريهام" قائله:

-اهى جوه على السرير هتروح فين يعني برجليها المسلوخه دى

سمعتها "ياسمين" فصاحت:

-أنا رجلى ملسوخه .. ماشي يا أم لسان طويل

قلبتها "سماح" وقالت:

-أخبارك ايه النهارده .. ها هتفكى البتاع ده امتى

-خلاص هانت بكرة ان شاء الله هفكه

-طيب الحمد لله أحسن كان شكلك هيبقى وحش أوى في الفرح

تجهم وجه "ياسمين" عندما تذكر أن فرحها بعد 3 أيام .. لاحظت "سماح" ذلك فقالت لـ "ريهام: "

ایه معندکوش حاجه تتشرب ؟

-لا طبعا في .. حالا هعملك كوباية الشاى أبو لبن بتاعتك

ـتسلمیلی یا "ریهام"

خرجت "ريهام" من الغرفة, وافتربت "سماح" وجلست بجوار "ياسمين" على السرير قائله

_مالك يا ''ياسمين'' شكلك مش عاجبنى خالص .. ده شكل عروسه فرحها كمان 3 أيام ؟ قالت ''ياسمين'' في حزن:

-عروسه ؟! .. لما بتقولوا الكلمه دى بحس انكوا بتقولوها لحد تانى .. أنا مش حسه أبدا انى عروسه

ليه يا حبيبتى بتقولى كده ؟ عشان والدتك الله يرحمها ؟ هى أكيد حاجه صعبه عليكي بس انتى لازم تفكرى فى حياتك ومستقبلك يا "ياسمين" مش بقولك انسىي والدتك بالعكس افتكريها وادعيلها واعمليلها صدقة جاريه كمان بس متوقفيش حياتك انتى

تنهدت "ياسمين" قائله:

مش بس موت ماما الله يرحمها هو اللي مضيع فرحتى يا "سماح"

-أمال في ايه ؟

-أنا مش حسه انى عايزه أتجوز .. يعني حسه انى معرفش الانسان ده .. أنا معرفش أى حاجه عنه يا "سماح" لا أخلاقه ولا طباعه .. بالعكس فى حاجات كتير بتضايقني منه .. مش عارفه ازاى المفروض يتقفل عليا باب واحد أنا وهو مش قادرة أتخيل ده أبداً .. حسه انى بموت يا "سماح" حسه انى مخنوقه أوى وجوايا ضيق رهيب .. حسه انى عايزة أصرخ وأصرخ لحد ما اتعب

طیب متکلمی باباکی عشان.....

قاطعتها "ياسمين" قائله:

-بابا مصر على اللى فى دماغه .. أنا عذراه انه خايف عليا وعايز يسيبنى فى ضهر راجل هو ماشي بمبدأ ضل راجل ولا صل حيطه .. بس أنا تفكيري مش كده ... أنا عندى الحيطة أحسن مليون مرة من راجل مش عايزاه

انتی مش عایزه "مصطفی"

احتدت "ياسمين" قائله:

-هو أنا أصلا أعرفه عشان أحس انى عايزاه ولا مش عايزاه. تعرفى يا "سماح "لو "مصطفى" جه دلوقتى وفسخ الخطوبه أنا مش هزعل . لاني مش حسه بأى حاجه نحيته ولا شايفه ان فيه حاجه واحده تشجعنى على الارتباط بيه

صمتت قليلا ثم قالت:

-أنا رمیت حمولی علی ربنایا "سماح" وواثقة انه مش هیضیعنی .. أنا عارفه ان ربنا هیختارلی الخیر .. وأنا راضیه بقصاءه أی ان كان .. حتی ولو كان ضدر غبتی - ربنا یریح قلبك یا "یاسمین"

عارفه يا "اسماح" قصه السفينه اللي في سورة الكهف؟

-آه عرفاها

-سيدنا الخضر عليه السلام خرق السفين بتاعة ناس مساكين بيتشغلوا بيها وهي مصدر رزقهم ولما شافه سيدنا موسي عليه السلام بيعمل كده حزن ولامه عشان عمل كدة في سفينه ناس غلابه .. بس ربنا كان له حكمه من كده ان كان في ملك بياخد السفن غصب من الناس وبيصاردها ولما مرت السفينة على خدام الملك مرضوش ياخدوها لأنها كانت معيوبة بعد ما سيدنا الخضر خرقها .. لو مكنش سيدنا الخضر عليه السلام عمل كده كان زمان الناس المساكين دول خسروا سفينتهم والملك صادرها .. أنا كل ما بفتكر القصة دى برتاح أوى .. وبطمن ان ربنا أكيد رايدلى الخير "وعسى أن تكرهوا شيئا وهو خير لكم" -ونعم بالله .. وعشان انتى أحستنى الظن بالله أنا واثقه ان ربنا هيكتبلك الخير يا "ياسمين"

ومش ممكن حد يضرك أبداً -ان شاء الله

السه مصره انك متلبسيش فستان فرح

ایوة یا "سماح" مش حبه ألبس فستان فرح هلبس فستان حلو أنا اشتریته وجبت علیه طرحه حلوة اوی هیعجبك

-ماشي يا حبيبتى المهم تكونى انتى مبسوطة

عانقت "سماح" صديقتها وهي تدعو الله في سرها أن يبدل حزنها فرحاً

جلست "نانسي" مع والدتها في التراس قائله:

حسه ان "عمر" كل مدى بيبعد عنى

قالت "نادين" بإهتمام:

-ازای ؟

مش عارفه بس حسه بكده .. معدش ملهوف عليا زى الأول

صاحت أمها بغضب:

فالحه يا "نانسي" فالحه

-أوووف يا مامى أنا مش بقولك كده عشان تقطميني

امال بتقولیلی لیه عشان تحرقی دمی

-لأ عشان أقولتك اننا رايحين بكره مع "عمر" على المزرعة بتاعته اللي في المنصورة دي

-لا أنا مليش في الجو ده

قالت النانسي البتبرم:

```
ولا أنا عايزاكي معايا بس الباشمهندس "عمر" أصر انك وبابا تيجوا معايا
                              طيب خلاص مش مشكله الغي السفريه ومتسافريش
                                                       قالت "نانسى" بإصرار:
                                                           -لأ لازم أسافر معاه
                                                                     ليه بأه
                         -عشان هناك هعرف ازاى أرجعه "عمر" اللي هيموت عليا
                                                    والله انتى بتاعة كلام وبس
                                                   قالت "نانسى" بزهو وتفاخر:
                                                                ـبكرة تشوفي
                                                ******
                                     دخل "كرم" الى مكتب "عمر" بالشركة قائلاً:
                                          -ها يا "عمر" ناوى على السفر امتى ؟
                                                         النهاردة ان شاء الله
                                                      طيب تمام أنا جاى معاك
                                                      -لا مفیش داعی خلیك انت
                      -لا جاي معاك أهو أساعد في أي حاجه انت شايل الحمل لوحدك
                                         مش لوحدى ولا حاجه "أيمن" موجود
                            -أهااا "أيمن" موجود .. يبقى "كرم" شكرا .. مش كده
                                                           ضحك "عمر" قائلاً:
                                       -تصدق أنا اللي غلطان .. عايز تيجي تعالى
                                                              ثم استطرد قائلاً:
                             على فكرة "نانسى" ومامتها وباباها جايين هما كمان
                                   -أهااا .. تمام .. طيب يعنى أجى بعربيتى ولا ايه
          -لا مفيش داعي هاخدك انت و "نانسي "في عربيتي وأهما هيجوا بعربيتهم.
-متأكد .؟ .. مش عايز أبقي عزول وداخل بين البصلة وقشرتها وتدعى عليا طول الطريق
                                                           ضحك "عمر" قائلاً:
                          - لا يا "كرم" متقلقش أنا أصلا بدعى عليك من غير حاجه
                                                            ـتُشكر يا دُووووع
```

فى الطريق الى المنصورة انطلقت سيارة "عمر" وبجواره "نانسي" وفى المقعد الخلفى يجلس "كرم" وخلفهم سيارة والد "نانسي" ووالدتها .. التفتت "نانسي" قائله لـ "كرم: " -كده برده متحضرش الخطوبة يا "كرم" .. ده انت أقرب صديق لـ"عمر" قال "كرم" معتذراً:

معلش یا "نانسی" یومها کان نفسی أحضر بجد .. بس کان فی سفریه مهمة یومها ومینفعش

```
يقوم بيها غير أنا أو "عمر .. "
                                                                     ثم ضحك قائلاً:
- يعني لو كنت حضرت مكنش العريس هيعرف يحضر عشان كده ضحوا بالجنين عشان الدكتور
                                                                             يعيش
                                                  أطلقت "نانسى" ضحكة عاليه قائله:
                                                                   انت مصییه بجد
                                توقف "عمر" بجوار احدى الكافيتريات على الطرق قائلاً:
                                               - هجيب مايه .. عايزين حاجه أجيبهالكوا
                                                             " -نانسى": لا ميرسى
                                " - كرم": آه يا "عمر" الله يكرمك عايز شيتوس ولمبادا
                                                              التفت له "عمر" قائلاً:
                                                      ـنعم يا أخويا .. شيتوس ولمبادا
                                 -آه يا "عمر" بس لمبادا بالشكولاته مليش في الفراولة
                                                  أطلقت "نانسي" ضحكة عاليه أخرى
                                محسسنى انى خلفتك ونسيتك يا ابنى .. انزل هات لنفسك
                                      ما انت نازل يا "عمر" هاتلي في ايدك وانت جاي
                                                          قال و هو يخرج من سارته:
                                                          حاضر اللهم طولك يا روح
                                       التفتت "نانسى" الى "كرم" الجالس خلفها قائله:
                                                معرفش ان دمك خفيف كده يا "كرم"
                                                               دی أقل حاجه عندی
                                                             ضحكت مرة أخرى قائله:
                                                      كان نفسى صحبك يطلع زيك كده
                                                                         " _عمر "؟
                                            -آه .. بحس انه جد أوى ومتنشن على طول
    -بالعكس "عمر" دمه خفيف وتحبي تتكلمي معاه .. هو بس يمكن اليومين دول اللي شادد
                                                            شوية عشان ضغط الشغل
                                  طيب ما انت معاه في الشغل ومع ذلك مش متنشن كده
                                                               صمتت قليلا صم قالت:
                                     -الا قولى يا "كرم" انت بتشتغل ايه عند "عمر" ؟
                                                                ابتسم بسخريه قائله:
```

قالت مستفهمه: _أمال ايه ؟

-أنا شغال مع "عمر" مش عند "عمر" .. أنا شريك في مجموعة شركات الألفي بنسبة 30% رفعت "مانسي" حاجبها في دهشة ..ولمعت عيناها ببريق خبيث وقالت:

_تصور مكنتش أعرف .. يعني انت و"عمر" شركا

مين ضحك عليكي أصلا وقالك اني شغال عند "عمر"

ايوة شركا

فى تلك الأثناء عاد "عمر" وشعر بالضيق عندما وجد "نانسي" ملتفه تماما للخلف بهذه الطريقة .. صعد الى سيارته فاعتدلت "نانسى" فى مقعدها وانطلق يكمل طريقه الى المزرعة

```
****
```

طرق "رأفت" باب حجرة صديقه, فقال "مصطفى: "

ادخل یا "رأفت"

دخل 'ارأفت' ونظر الى المصطفى الذي يرتب ملابسه في حقيبته قائلاً:

ـها يا درش خلاص ناوي

-اه يا ابنى معدش الا يومين على الفرح يدوبك أظبط البدله واتفق مع الحلاق

طيب والشقة مش ناقصها حاجه ؟

- لا كله زى الفل .. أبويا قام بالشغل كله

اخدت أجازة أد ايه

انفعل المصطفى القائلاً:

-ولاد الـ تييييييييت مرضوش يدولى إلا اسبوع واحد طبعا منهم اليومين دول وخمس أيام بعد الفرح .. بالله عليك في عريس يخسفوا الأرض بشهر العسل بتاعه من شهر لخمس أيام .. حاجه تييييييييت

ضحك "رأفت" قائلاً:

معلش يا درش .. أصلك الفترة الى فاتت كنت واخد أجازات كتيره فطبيعي ميرضوش يدوك أكتر من أجازتك اللى بتاخدها كل شهر

ـيلا خير

-هتمشی امتی ؟

-حالا ان شاء الله .. آه بالحق مستنيك في الفرح اوعى متجيش تبقى ندل وابن تيييييييت ضحك "رأفت" قائلاً:

ـلا متقلقش قاعد على قلبك .. ومبروك يا عريس

الله يبارك فيك يا "رأفت" أشوفك على خير .. يلا سلام

_سلام

ثم حمل حقيبته وانصرف.

قال "عمر" لـ "نانسي" وهما يسيران معاً داخل المزرعة:

ایه رأیك فیها ؟

في ايه ؟

المزرعة

-آه .. آه حلوة

-عارفه یا "نانسي" ده أكتر مكان برتاح فیه لما باجی هنا بنسی كل حاجه فی الدنیا مبفتكرش

```
غير الخضرا والسما والنيل
                                           قالت "نانسى" ويبدو عليها علامات الضجر:
                                                بس يا "عمر" المكان هنا ممل شوية
                                                              قال "عمر" بإستغراب:
                                                                            _ممل ؟
      -أيوة .. متفهمنيش غلط ..بس دى قريه ومفيش فيها أى حاجه الواحد يسلى بيها نفسه
-أولا بينا وبين المنصورة نفسها ربع ساعه بس وفيها أماكن حلوة كتير .. وثانيا لما باجي هنا
     مببقاش عايز لا دوشة ولا زحمه .. بحب أستمتع بالهدوء والسكينه اللي هنا في المزرعة
رأى شجرة فأسرع الخطى ومسح على جزعها بكفه وارتسمت على شفتيه ابتسامه كبيره قائلاً:
   -شايفه الشجرة دى زرعتها بنفسى من زماان .. كنت في اعدادي وجدى ساعدني وعرفني
                                                                       ازاى أزرعها
 أقبل "رأفت" عليهما فانفرجت أسارير "نانسى" لقدومه فلقد وجدت فيه فرصه للهروب من
                          حديث "عمر" الذي أشعرها بالضجر ..التفتت الى "عمر" قائله:
                                                        ـهسيبكوا بأه تشوفوا شغلكوا
                                                   ثم وجهت حديثها الى "أيمن" قائله:
                                                                   ازيك يا "أيمن"
                                                                    هز رأسه مردداً:
                                                                     اهلا بحضرتك
                     انصرفت "نانسى" وتركت الصديقان بمفردهما .. قال "أيمن" معتذراً:
  -معلش يا "عمر" جيت في وقت مش مناسب ولا ايه .. أصل في ورق محتاج امضتك عليه
                                      ومخدتش بالى ان خطيبتك معاك الالما قربت منكوا
                                                         ابتسم "عمر" لصديقه قائلا:
                                           -لا يا "أيمن" محصلش حاجه .. هات الورق
                      قرأ "عمر" الورق ثم أخرج قلمه وذيله بتوقيعه .. وقال لـ "أيمن: "
                             -اعتقد كده ماشيين بمعدل كويس مفضلش الا الجهه الغربيه
                             بالظبط كده .. وكلها يومين ونخلص الرش هناك ان شاء الله
                               -ربنا يستر ونلاقي نتيجة ومتكنش مصاريف على الفاضي
                                                      -لا ان شاء الله أنا مستبشر خير
                                                  سار الصديقان معاً .. فسأله "عمر: "
                                                          ـها ایه أخبارك مع خطیبتك
                                                                 ابتسم "أيمن" قائلاً:
                                                                  كله تمام الحمد لله
                                             -الحمد لله .. ناوبين على امتى ان شاء الله
-بصراحة محددناش معاد محدد .. سايبنها بظروفها .. يعنى لما نحس احنا الاتنين اننا مقتنعين
                                                     ببعض واننا مستعدين للخطوة دي
                                                  ربت "عمر" على كتف صديقه قائلاً:
                                            انت ابن حلال وتستاهل كل خير يا "أيمن"
                                     -تسلم يا "عمر" .. وانت ايه أخبارك مع خطيبتك ؟
```

أزاح "عمر" يده من على كتف صديقه ونظر أمامه ولم ينطق بشئ .. فحثه "أيمن" قائلاً: -ايه في مشاكل بينكوا ؟ لما شوفتكوا من شوية كنتوا كويسين

قال "عمر" وهو شارد:

مش عارف یا "أیمن "ساعات بحس انی بحب "نانسی" أوی .. وساعات... وساعات ایه ؟

-ساعات بحس ان دماغنا مش راكبه على بعض

-ازای یعنی ؟

تنهد "عمر" قائلاً:

مش عارف حقيقي مش عارف .. حاسس انى متلخبط .. وعقلى مبيبطلش تفكير وجدا جدولاً من الماء فجلسا على صخرة أمامه , سكت "أيمن" قليلا ثم نظر الى صديقه وسأله قائلا:

-انت ايه اللي عجبك في "نانسي" و خلاك تقول هي دى الانسانه اللي عايزها تبقى مراتى ؟ أخذ "عمر" يفكر وهو يلقى ببعض الحصى في الماء . ثم قال:

-جميله , جذابه , مرحه , ذكية , من عيلة كبيرة

قال "أيمن" مستنكراً:

ـپس کده ؟

سكت "عمر" وهو يشعر بالحيره .. ثم وجهه نفس السؤال الى صديقه قائلاً:

-طيب انت ايه اللى عجبك فى خطيبتك وخلاك تقول هى دى .. غير حكاية المصحف والمطار -عجبنى حاجات كتير ولما عرفتها وعرفت أهلها حبيتها أكتر واقتنعت بيها أكتر .. عجبنى أخلاقها وأدبها وحيائها .. لما ببصلها بشوف فيها أم لولادى

صمت قليلا ثم أكمل قائلاً:

انا مش بدور على واحدة تكون زوجة وبس يا "عمر" أو واحدة عشان أشبع رغباتى معاها وشكرا .. لا أنا بدور على أم لولادى .. نربهيم سوا ونكبرهم سوا ونعلمهم سوا يكونوا رجاله بجد .. بدور على واحدة تكون سند ليا لما أتعب أو لما أكبر في السن وأعجز ألاقيها جمبى ومعايا .. بدور على واحدة تكون سكن ليا وأكون سكن ليها واحده تفهمنى وأفهمها وأحس بيها وتحس بيا وأحس معاها اننا بنكمل بعض وان أنا وهي شخص واحد مش شخصين

أعقب حديث أيمن صمت طويل لا يتخلله الا تغريد العصافير على الشجر .. وبعد فترة نظر الأيمن الى العمر القائلاً:

انت حاسس بكده مع خطيبتك ؟

صمت "عمر" وعاود القاء الحصى فى الماء .. ثم التفت الى "أيمن" وابتسم قائلاً: -لو انت حاسس بكده مع خطيبتك يبقى يا بختك بيها ابتسم "أيمن" ولم يعقب بشئ

صحى النوم يا عروسه

هتفت "سماح" بهذه العبارة وهى توقظ "ياسمين" من نومها .. لكنها لم تدرى أن" ياسمين" لم تذق غمضاً منذ يومين كانت تنام على سريرها مغمضة العين لكنها متيقظه ومنتبهه تفكر وتفكر وتفكر .. تململت "ياسمين" في فراشها ونظرت الى صديقتها قائله:

```
-صباح الخير ايه اللي جايبك بدري كده
```

بدرى ايه يا بنتى الساعه 10 والنهارده فرحك قومى ورانا حاجات كتير

قامت "ياسمين متكاسله وقالت:

المأذون هييجي العشا هعمل ايه أنا من دلوقتي للعشا

هتفت "سماح" قائله:

يا ربي وبتقولي هتعمل ايه .. قومي يا بنتي مفيش وقت يلا

نهضت "ياسمين" وتوجهت الى الحمام وأخذت دش ساخن لتريح أعصابها المشدودة

قام والد "عمر" من نومه ليجد زوجته جالسه على السرير وعلامات القلق بادي على محياها .. فاعتدل جالسا وقال:

-صباح الخير يا "كريمة" صاحيه من بدرى ؟

تنهدت قائله:

اننا منمتش أصلا من بعد الفجر

لیه یا حبیبتی ایه اللی مصحیکی

قالت بصوت باكى:

شوفته تانی یا النوراا

-هو ایه اللی شوفتیه

-الحلم اللي حلمته لـ "عمر" من فتره .. شوفته تانى النهارده بنفس الشكل ونفس التفاصيل .. الحية بتجرى عليه وهو بيقع في البير وبعدها الحية بتهرب منه .. أنا خايفه أوى أمسك يدها في يده قائلاً:

متخفیش ان شاء الله ربنا یحفظه

-يارب .. يارب احميه يارب واصرف عنه السوء

مبروك يا عروسه طالعه زى القمر في فستانك

قال 'اسماح' هذه العباره وهى تحتضن صديقتها .. كانت 'اباسمين' ترتدى فستانا بسيطاً لونه سيمون وبوليرو وطرحه نفس اللون .. كانت رقيقه وبسيطه للغايه .. اقتربت منها 'اريهام'' قائله:

مش كنتى لبستى فستان فرح يا "ياسمين" فى عروسه ما بتلبسش فستان فرح؟ ابتسمت لها "ياسمين" قائله:

انا مرتاحه كده يا "ريهام"

عانقتها "ريهام" عناقاً طُوليلا لم تتحدث فيه وكأن الكلام يعجز عن وصف شعورها في هذه اللحظة , قالت "ياسمين" والدموع تتجمع في عينينها:

كان نفسى أوى ماما تكون معايا النهاردة

أسرعت والدة السماح القائله:

وأنا روحت فين يا بنتى .. مش أنا زى ماما برده

التفتت اليها ''ياسمين'' والدموع في عينينها تهدد بالسقوط وابتسمت قائله:

طبعا يا طنط ربنا عالم أنا بحب حضرتك أد ايه

عانقتها والدة "سماح" وربتت على ظهرها قائله:

-وربنا يعلم انك عندى من غلاوة 'اسماح'' بنتى .. انتى و 'اريهام'' ربنا يحميكوا بنتين زى الفل ومتتخيروش عن بعض

قالت "سماح: "

ايه يا جماعة هنقلبها نكد ولا ايه .. لا بقولكوا ايه النهارده فرح وضحك وزغارط وبس .. مش عايزة أشوف دمعه واحدة في عين حد فيكوا النهارده .. فاهمين

ابتسم ثلاثتهم .. وبدأوا في الغناء والرقص واطلاق النكات والضحك محاوليين اسعاد "ياسمين" ورسم البسمة على شفتيها

سألت النانسي الصفية الزوجة العويس الغفير والتي كانت تقوم بتغيير شراشف الأسرة في حجرات بيت المزرعة قائله بصوت منخفض:

۔هو فین "عمر" ؟

قالت "صفية" على الفور:

فى أوضته يا هانم تؤمرى بحاجه ؟

قالت "نانسى" وهى توليها ظهرها وتنصرف:

-لا ميرسي

تابعتها "صفية" بعينيها ولوت شفتيها قائلاً:

-لا میرسی

ثم عادت لاكمال عملها ..

أخذت ساندوتش من الصنية التي وضعتها على الكمودينو ووضعت ساقاً فوق ساق ثم نظرت اليه قائله:

ایه مش هتیجی تاکل ؟

تقدم "عمر" حتى أصبح فى مواجهتها لا يدرى لما وفى هذه اللحظة بالذات تذكر تلك الفتاة التى صدمها بسيارته والتى كانت ترقض على السرير فى المستشفى لا يظهر منها الا وجهها وكفيها ومع ذلك كانت تخجل من نظراته وتتورد و جنتاها بحمره الخجل وتبعد عيناها عن عينيه .. لم يشعر بنفسه الا وهو يقارن بينها وبين تلك الفتاه الجالسه أمامه بجرأة بلا أدنى شعور بالخجل ..

شعر بشئ من التقزز وقال لها بصرامة شديدة:

فى واحده محترمة تعمل كده ؟ .. تدخلى اوضة شاب أعذب وانتى لابسه لبس زى ده ؟

قالت وعلامات الدهشة مرسومه على محياها:

ايه المشكلة احنا بنحب بعض و خلاص هنتجوز

ثم أضافت بدلع:

ولا انت معدتش بتحبنى ؟

نظر اليها نظرات غاضبة وأطبق أصابع كفيه بشده وكأنه يريد أن يلكم أحداً وقال لها بصوت هادر٠

-نانسى اطلعى بره أنا مش طايق أشوف وشك

قالت في عدم تصديق:

نعم ؟ بتقول ايه

صاح غاضباً:

-بقولك اطلعي بره يا "نانسي" .. حالاً يا إما بجد هتندمي

نهضت "نانسى" وهي تشعر بالمهانه وقبل ان تغادر الغرفة قال لها:

جهزوا نفسكوا عشان هنرجع مصر حالا

خرجت من الغرفة وأغلقت الباب بقوة .. ذهبت الى والدتها وقالت بعصبيه:

-یلا.. "عمر" طردنا من هنا .. لازم نمشی

صاحت والدتها في فزع:

ـمش فاهمة يعنى ايه طردنا

صرخت "نانسى" فى وجهها قائله:

بقولك طردنا يلا قومى

وما هى الالحظات حتى جاء "عمر" حيث تتحدث المرأتان ووجه حديثه الى "نادين" قائلاً: -معلش يا طنط جالى تليفون شغل مهم ولازم أنزل مصر حالا .. لو حضرتك عايزة تستنى انتى وعمى و"نانسي" مفيش مشكلة بس أنا راجع مصر حالا

تصنعت نادين" الابتسامه ثم قالت:

- لا يا حبيبى واحنا ايه اللى يقعدنا هنا .. احنا قضينا 3 أيام وحقيقي لازم نرجع مصر عشان أشغالنا

-طيب تمام أنا منتظركوا تحت في العربية عشان تمشوا ورايا بالعربية بتاعتكوا زي ما جينا عشان متتوهوش في الطريق

ماشي يا حبيبي

خرج "عمر" فوجهت الى "نانسي" نظرات صارمة قائله:

-هنتكلم في البيت

ركب "عمر" سيارته وانتظرهم ..كان يشعر وكأن بداخله بركان بغلى من الغضب .. كان هذا الغضب موجه أكثر الى نفسه كيف كان أعمى الى هذه الدرجة كيف لم يستطع تمييز الغث من السمين .. كيف لم يرى أن خطيبته لا تتناسب أبدا مع قيمه وأخلاقه .. كيف اهتم بالقشور ونسي اللب .. كان يسأل نفسه هذه الأسئلة وهو لا يدرى أيغضب من "نانسي" أم من نفسه .. رآي ثلاثتهم وهم ينزلون الدرج ويركبون سيارتهم .. شغل محرك سيارته ولكنه انتبه الي صوت محرك سيارتهم حيث أصدر صوتا عاليا ثم توقف تماما

فأخرج رأسه من الشباك ونظر الى الخلف قائلاً:

ـمش عايزة تدور ؟

أخرج والد "نانسى" رأسه هو الآخر وقال:

ايوة النور كان والع وشكل البطاريه فضيت

-طيب سيبوها وأنا أخلى حد من العمال يجيب ميكانيكي يوصلحها وحد من المزرعة يوصلهالنا على القاهرة .. وتعالوا اركبوا معايا

نزل ثلاثتهم فى صمت .. همت النانسي اأن تركب فى الخلف لكن المادين ادفعتها الى الباب الأمامى .. فجلست متبرمة بجوار العمرال .. وانطلق بسيارته قاصدا القاهرة وفى رأسه ألف سؤال وسؤال

تعالت الزغاريد في بيت "ياسمين" والتف الجميع حولها من أصدقاء وجيران مهنئين ومباركين لهذا الزواج .. دخل "عبد الحميد" حجرة ابنته و العبرات تملأ عينيه وقبلها في جبينها وأمسك يدها وقبلها فأسرعت "ياسمين" بسحب يدها والعبرات تختنق في عينيها, نظر اليها والدها وأمسك رأسها بين كفيه قائلاً:

-الحمد لله ان ربنا أحياني وشوفت اليوم ده .. بنتي أنا عروسه

تركت "ريهام" لعبراتها العنان كانت سعيده لزواج أختها لكن في حلقها غصه كيف ستحيا بعيداً عنها .. كيف وهي الأم والأخت والصديقة وكل شئ بالنسبه لها ..وما هي الالحظات حتى تعالت الأصوات لتنبئ بوصول المأذون فتعالت الزغاريد مرة أخرى

كان "مصطفى" يقف سعيداً وسط الحضور عندما وقع نظره على آخر شخص أراد رؤيته في تلك اللحظة .. نعم انها "نهلة" كانت تقف أمام الباب ترمقه بنظرات غاضبة ناريه أسرع الخطى اتجاهها وجذبها من ذراعها وخرج من الشقة وقال لها بغضب:

بتعملي ايه هنا ؟ ايه اللي جابك

قالت له ونظرات الاحتقار تملأ عينيها:

متخفش أوى كده يا عريس أنا لو كنت عايزة أبوظلك الجوازه كنت جيت البيت ده من زمان قال بحده وهي ينظر حوله خوفاً من أن تنتبه "ياسمين" أو والدها:

اللي جابك ؟

قالت بسخريه:

جايه أشوفك وانت عريس

وفى تلك اللحظة خرجت "ياسمين" من حجرتها وجلست على الطاولة التى ضمت المأذون ووالدها فألقت عليها "نهلة" نظرة حاقدة وقالت:

-هى دى بأه ربت الصون والعفاف؟

قال "مصطفى" محذراً اياها:

" ـنهلة" .. أنتى عايزة ايه بالظبط؟

نظرت اليه قائله:

مش عايزة حاجه .. قولتلك جايه أشوفك وانت عريس ..يلا عروستك مستنياك

تركها "مصطفى" وهو يشك في أمرها .. دخل وقلبه يكاد يقفز من مكانه من الخوف وقدميه تصطك ببعضهما البعض جلس بجوار المأذون

نظرت اليهم "نهلة "محدثه نفسها يصوت منخفض) بكرة أحرقك زي ما حرقتني يا مصطفى (

.. كانت "ياسمين" في تلك اللحظة تشعر بأن ما يجرى حولها هو مجرد حلم .. حلم ستستيقظ منه بعد لحظات .. أغمضت عينيها قليلا ثم فتحتهما .. لكن نفس المشهد ونفس الوجوه الضاحكة .. كانت تشعر وكأن روحها تسحب منها .. شعرت وكأن الأصوات اختفت من حولها فلم يبقى الا صوت دقات قلبها الذى يكان يخرج من صدرها من قوة ضرباته لم تسمع الا كلمة واحدة: قبلت زواجها

دخلت بيتها وهي تقدم رجلاً وتؤخر الأخرى .. كانت تراه لأول مرة بعدما انتهت والدة "مصطفى" وأختها و "سماح" من تنظيمه وترتيبه

دخلت ووقفت وسط الصالة وكأنها عابرة سبيل ضلت طريقها ولا تهتدى الى وجهتها .. أفاقت من شرودها على صوت باب الشقة الذي أغلقه "مصطفى" عليهما .. التفتت لتنظر اليه وقلبها يكاد يصم أذنيها من علو صوت دقاته .. ثم .. ابتسم" مصطفى" واقترب منها بخطوات بطيئه ...

كان "عمر" يسير بسيارته مسرعاً وهو لا يشعر بأولئك الجالسون معه في السيارة .. كان عقله يدور ويدور بدون توقف .. كانت "نانسي" تنظر اليه ولا تصدق أن كل شيئ سينتهي في لحظة أرادت التحدث اليه في محاولة لمعرفة ما يدور داخل رأسه لعلها تنقذ شيئاً .. نادته قائله: " באת" .. "שאת "

لم ينتبه "عمر" لصوتها فمدت يدها لتلمس كفه الموضوع على مقود السيارة .. انتفض " عمر" وكأن حية لدغته ونظر اليها بعينين كادتا أن تخترقاها .. وعندئذ هتفت "نادين" التي كانت تجلس في المقعد الخلفي:

نظر "عمر" أمامه فأعمته أضوار التريلا القادمة أمامه وما هي الالحظات تعالت فيها أصوات الصراخ .. ثم سكن كل شئ .. توقف سائق التريلا لينظر الى تلك السيارة التى أخذت تلف وتدور حتى انقلبت على أحد جانبيها .. ثم أعقب ذلك صمت رهيب.

لو كان بإمكاننا الاستماع الى دقات الأربعه قلوب الموجوده داخل السيارة .. لوجدنا قلباً واحداً

دخلت "ياسمين" بيتها وهي تقدم رجلاً وتؤخر الأخرى .. كانت تراه لأول مرة بعدما انتهت والدة "مصطفى" وأختها و "سماح" من تنظيمه وترتيبه

دخلت ووقفت وسط الصاله وكأنها عابرة سبيل ضلت طريقها ولا تهتدى الى وجهتها .. أفاقت

من شرودها على صوت باب الشقة الذى أغلقه "مصطفى" عليهما .. التفتت لتنظر اليه وقلبها يكاد يصم أذنيها من علو صوت دقاته .. ثم .. ابتسم" مصطفى" واقترب منها بخطوات بطيئه ...

عندما مد يده وأمسك ذراعها وأراد ضمها اليه أوقفته بإشاره من يدها .. فقال متبرماً:

-ايه تاني مش خلاص .. اديكي بقيتي مراتي أهو ..

أطرقت "ياسمين" برأسها وقالت بخجل:

۔مش هینفع

احتد المصطّفى القائلاً:

-هو ایه ده اللی مش هینفع ؟

"قالت "ياسمين" وهي مازالت مطرقه برأيها:

-الحادثة هي السبب

حادثة ايه ؟

-العربية اللي خبطتني من اسبوعين .. هي السبب

ازدادت حدة "مصطفى" قائلاً بدهشة:

ايه اللي جاب القالعه جمب البحر

ازداد احمرار وجنتاها وجاهدت لتخرج صوتها قائله:

- يعني أقصد أقول معاد الفرح اتأجل اسبوع عشان رجلى كانت في الجبس

وایه علاقة ده بینا دلوقتی

ازداد ارتباكها قائله:

- يعني المعاد الجديد .. مكنش مناسب بالنسبه ليا .. يعني .. مش هينفع

قال ''مصطفى'' وقد ثارت ثائرته:

-وأما هو المعاد الجديد مكنش مناسب لجنابك ما قولتيش كده ليه من الأول كنا غيرنا الزفت المعاد

قالت وقد تساقطت عبراتها على وجنتيها:

اتكسفت أقول لبابا

وموضوع مش هینفع ده .. هیستمر أد ایه ؟

6 -أيام

-الله أكبر يعنى الأجازة اضربت

تركها "مصطفّى" وسط الصاله ودخل يبدل ملابسه وهو يغلى من الغضب ..

-يارب .. يارب .. احميه يارب .. يارب احميه يارب تفوهت "كريمة" بتلك العبارة هي جالسه بجوار زوجها أمام غرفة العمليات بالمستشفى .. ثم

أكملت قائله:

-لیه ابنی یحصله کده .. لیه یارب

قال زوجها الجالس بجوارها:

-انتى مؤمنة يا كريمة حرام اللي بتقوليه ده

قالت باكيه:

-عارفه بس غصب عنى قلبى محروق على ابنى أوى

طيب استغفرى ربنا وادعيله زى ما بدعيله بدل الكلام اللى يغضب ربنا ده

-استغفر الله .. استغفر الله .. يارب ده ابنى الوحيد اللي مليش غيره .. يارب احميه يارب ثم التفتت الى زوجها قائله:

" -نانسى" و "نادين" كويسين ؟

تنهد بحسره قائلاً:

ايوة انا لسه كنت عندهم من شويه كلها خدوش بسيطه .. لكن اللي تاعبني موت والدها الله يرحمه

-الله يرحمه ويغفرله ويتجاوز عن سيئاته .. طيب هما عاملين ايه دلوقتي ؟

سكت قليلاً ثم قال:

ولا أي حاجه

-يعنى ايه ولا أي حاجه

مش عارف هما كده من الصدمة ولا ايه بالظبط .. بس مش باين عليهم أى تأثر

-غریبة ازای یعنی دی جوزها .. ودی أبوها

مش عارفه .. أكيد لسه مفاقوش من الصدمة

عاود "كريمة" قلقها على ابنها الذي يرقد داخل حجرة العمليات وأخذت تستغفر ربها وتناجيه

قام "مصطفى" بتغيير ملابسه وتوجه الى حجرة المعيشة يشاهد ويقلب فى قنوات التلفاز .. دخلت "ياسمين" حجرة النوم بعدما خرج منها "مصطفى" جلست على طرف الفراش والدموع تتساقط من عينيها .. تشعر وكأنها غريبه في مكان غريب معزوله عن العالم ... شعرت بالإشتياق لـ "ريهام" وللحديث معها .. وشعرت بالحنين الى والدها الذى رغم قسوته عليها الا أنها تحبه بشده وتشعر بالأمان وهي في بيته .. كم تمنت ترك هذا البيت والعودة الى بيتها مرة أخرى .. تذكرت أمها وتمنت أن تلقى بنفسها في حضنها ولو لمرة أخيره .. مسحت عبراتها وقامت لتغير ملابسها .. ارتدت عباءة طويلة ذات أكمام طويله واحتارت هل تترك شعرها أم ترتدى حجابها .. فمازالت تشعر بأنها في بيت غريب ومع رجل غريب .. جاهدت نفسها لتترك حجابها ولا ترتديه مذكره نفسها بأن هذا الرجال الجالس في الخارج حتى ولو شعرت بأنه غريب إلا أنه الآن زوجها ويجب عليها حسن التبعل له والطاعه .. ولو رآها بالحجاب لإزداد غضباً على غضب .. خرجت من غرفة النوم وتوجهت حيث يجلس 'امصطفى'' وقفت على استحياء أمام الباب , ألقى عليها "مصطفى" نظرة ساخره على ما كانت ترتديه ثم أعاد نظره الى التلفاز مرة أخرى .. وقفت قليلا ثم قالت:

-تحب تتعشى

قال بحده:

ـلا مش عايز زفت

تركته ودخلت غرفة النوم مرة أخرى وهي تشعر بأن هناك أيام بائسه تنتظرها في بيت المصطفى!! خرج الطبيب من غرفة العمليات فنهضت "كريمة" وزوجها بسرعه وتوجها اليه , قالت "كريمة" بلهفه:

-خیر یا دکتور الله یبارکلك طمنی علی ابنی

طمأنها الطبيب قائلاً:

-لا اطمنى هو كويس الحمد لله

قال والده:

-یعتی مفیش فیه أی مشکلة

-الحمد لله حاله أحسن من غيره كل المشكله ان أعصاب دراعه الشمال اتضررت بشكل جزئي بالإضافة للكسور اللى في دراعه .. يعني هيحتاج فترة من العلاج الطبيعي والحجامه عشان الأعصاب تنشط تانى .. بس اطمنوا ان شاء الله خير

قالت "كريمة" في قلق:

- يعني يا دكتور و اثق انه هيكون كويس بالله عليك ما تخبى عليا

-أنا هنا طبيب يا حجه وبصارح أهالى المرضى بحالتهم بالتفصيل مينفعش أخبى عليهم حاجه .. وزى ما قولت لحضرتك هو بس بعد الجبس ما يتفك هيحتاج فترة من العلاج الطبيعي عشان ايده ترجع زى ما كانت

اد ایه هیاخد الموضوع ده

- حسب حالته وحسب استجابته .. منقدرش نحدد دلوقتى الالما يفك الجبس ان شاء الله

وايده متفضل في الجبس أد ايه يا دكتور

مش أقل من شهرين .. عن اذنكوا

غادر الطبيب. فالفتت "كريمة" لزوجها قائله:

-تفتكر الدكتور مخبي حاجه

انتى عايزه تقلقي نفسك وخلاص قالك انه لازم يكون صريح معانا وشرحلنا حالته بالظبط

الحمد لله اللهم لك الحمد

ثم استطردت قائله بقلق:

-بس أنا خايفه دراعه ميرجعش تانى زى الأول

احنا فين وبقينا فين يا "كريمة" قدر ولطف الحمد لله انها جت على أد كده

فى هذه الأثناء خرج من غرفة العمليات ترولى محمولاً عليه العمرا فتوجهت اليه الكريمة المسرعه وربتت بكفها على رأسه قائله:

" ـ عمر " انت كويس .. رد عليا يا ابنى

قالت لها الممرضة:

- هو دلوقتى في البينج .. ان شاء الله شويه ويفوق

..أدخلوه الغرفة المخصصه له وجلست "كريمة" بجواره تمسك مصحفها وتتلو آيات من كتاب

نظرت "نانسي" الى الكدمات الى تعلو وجهها في مرآة صغيره بيدها في غرفتها بالمستشفى ..

```
وقالت بعصبيه:
```

-اتشوهت .. وشی اتشوه

نظرت لها "نادين" النائمة على الفراش ققائله:

انتی معندکیش دم ؟ ابوکی مات یا "نانسی"

نظرت لها "نانسى" قائله:

ـيعني عايزه تفهميني ان انتى زعلانه عليه ؟ ..بصراحه أنا مش حسه بأى حاجه .. عارفه ليه .. لأنه عمره ما حسسنى ان ليا أب .. يخاف عليا وياخدنى فى حضنه ويقولى كده صح وكده غلط .. عمرى ما حسيت بوجوه فى حياتي .. كان طول الوقت اما مسافر واما فى الشغل .. ايه اللي يخليني أزعل انى فقدت حاجه أصلا مكنتش موجوده فى حياتي

حتى لو كده .. برده خلى عندك دم شويه أهل خطيبك يقولوا أيه علينا

قالت "نانسى" بسخرية:

-خطيبي ؟ .. هو بعد اللي أنا حكيتهولك و اللي حصل في بيت المزرعة متوقعة ان "عمر" هيفضل خطيبي

قالت لها "نادين" بعصبيه:

-ما انتى واحده غبيه .. لسه مفهمتيش "عمر" وعشان كده عماله تحطى نفسك في مواقف غبيه زيك

اوووووف .. خلاص مفیش داعی للکلام ده .. خلاص الموضوع انتهی

نظرت لها "نادين" بغل قائله:

-مش بقولك غبيه .. موضوع ايه اللي انتهى .. الأمور هترجع بينك وبين "عمر" زى الأول وأحسن

قال "نانسى" بسخرية:

-ازای ان شیاء الله

ابتسمت ابتسامه خبيثة وقالت:

-هقولك ازاى

دخل ''مصطفى'' الى غرفة النوم فأسرعت ''ياسمين'' الجالسه على طرف الفراش بالنهوض والتفتت وأولته ظهرها وأخذت تمسح عبراتها التى تساقطت على وجنتيها .. دخل ''مصطفى'' الفراش وتدثر بالغطاء وأغمض عينيه دون التفوه بكلمه

أخذت "ياسمين" وسادة صغيره وغطاء من الدولاب وتوجهت الى غرفة المعيشة .. نامت على الاريكة وتدثرت بغطائها وأقد أخذت العبرات تتساقط على وجنتيها مرة أخرى

استيقظت في اليوم التالى عندما شعرت بيد تهزها بقوة وبصوت المصطفى الوهو يقول:

-انتى يا هانم .. قومى عايز أفطر

هبت "ياسمين" جالسه على الأريكة .. وأعادت خصلات شعرها الثائرة الى الخلف وأغمضت علينيها للحظات تحاول تذكر أين هي وماذا تفعل هنا

ـيلا أنا جعان

عادت "ياسمين" الى الواقع مرة أخرى .. فنهضت من على الأريكة وقال:

-صباح الخير .. حاضر هحضره دلوقتي

لم يرد "مصطفى" فأخذت غطائها ووسادتها ودخلت غرفة النوم وأعادت ترتيب السرير ثم توجهت الى الحمام وأخذت دش ساخن لعلها تشعر بالإرتياح .. أنهت حمامها ودخلت المطبخ تحضر الفطور لأول مرة فى هذا البيت الغريب .. نظرت الى مقتنياتها وأدواتها المطبخية وتذكرت كل قطعة فيه .. كان لكل قطعة بهجه خاصة .. تذكرت كيف كانت أمها ومنذ كانت "ياسمين" صغيره تشترى لها ولأختها أشياء لجهازهما .. كانت تفرح كلما اشترت لها أمها شيئاً جديدا وتسعد وهى تضيفه الى ذلك الصندوق الكبير الذى احتوى جهازها والذي كانت تضعه تحت فراشها .. تذكرت كم حلمت بإستخدام تلك الأشياء عندما تتزوج ويصبح لها بيت خاص بها وزوج محب .. وهنا اختف الإبتسامه من شفتيها .. نعم حصلت على البيت .. لكن أين هو الزوج المحب! .. لم ترد لليأس أن يسيطر عليها وينغص عليها عيشها .. كانت تكره الفشل والاستسلام له .. عاهدت نفسها أن تبذل قصارى جهدها فى انجاح زواجها وبث الألفة والود داخل جدران هذا البيت .. شرعت تحضر طعام الفطور فى مرح والابتسامه تعلو شفتيها داخل جدران هذا البيت .. شرعت تحضر طعام الفطور فى مرح والابتسامه تعلو شفتيها

تململ "عمر" فى فراشه فى غرفته بالمستشفى وفتح عينيه وأخذ يدور بهما فيما حوله ويحاول تذكر ما حدث له .. نظر بجواره ليجد "كرم" وهو يغط فى النوم على كرسي مجاور لفراشه .. انتبه "عمر" ليده اليسرى والتى كانت موضوعه من الكف لبداية عظمة الكتف فى الجبيره .. نادى صديقه قائلا:

" בעמ" .. "צעמ"

استيقظ "كرم" ونهض ليتفحص صديقه بعينيه قائلاً:

" - عمر " حمدالله على السلامه .. انت كويس

قال "عمر" وهو حائراً:

-أنا فين وايه اللي حصل ؟

انت مش فاكرة حادثة امبارح

قال "عمر" بإندهاش:

حادثة ايه ؟

صمت قليلا ثم قال:

-اه .. أنا آخر حاجة فاكرها ان كان في عربية جايه مخالف ومش فاكر أي حاجه بعد كده تنهد صديقه قائلاً:

ايوة كان في تريلا جت مخالف وللاسف العربيتين خبطوا في بعض

قال "عمر" بسرعة:

و "نانسي" وأبوها و مدام "نادين"

قال "كرم" في شئ من الأسي:

" -نانسي" و مدام "نادين" بخير .. حصلهم كدمات بس لأن العربيه اتقلب على الجهه اللي كنت انت وأبو "نانسي" أعدين فيها

طيب ووالد "نانسى" حصله حاجه

-البقاء لله يا "عمر" .. توفى

هتف "عمر" قائلاً:

- لا حول ولا قوة الا بالله .. لا حول ولا قوة الا بالله

وفجأة انفتح الباب لتدخل "كريمة" التي انفرجت أساريها لرؤية "عمر" مستيقظاً وأقبلت نحوه في سرعة وعانقته قائله:

" - عمر " حبيبتى حمدالله على سلامتك يا ابنى .. حمدالله على سلامتك وأخذت تبكى بشده .. طوقها "عمر" بديه اليمينى وهدءها قائلاً:

-انا الحمد لله يا أمى . بخير زى ما انتى شايفه . الحمد لله

وضعت رأسه بين كفيها تملى عينيها برؤيته قائله:

-الحمد لله .. الحمد لله كنت هموت لو كان جرالك حاجه

جذب "عمر" رأسها يقبله قائلاً:

بعد الشر عليكي يا حبيبتى .. أنا بخير أهو والحمد لله

أقبل والده يحتضنه وبقبل رأسه مرددا:

-الحمد لله انك رجعتلنا بالسلامه يا ابنى

قال "عمر" لوالده بقلق:

ازی "نانسی" ومدام "نادین" دلوقتی

-كنا من شوية في الدفنه و سبنا "كرم" معاك هنا عشان لو فوقت

شعر "عمر" بالأسى الشديد لفقدان "نانسى" والدها فقال:

- لا حول ولا قوة الا بالله أكيد اللي حصل صعب أوى عليهم

هتفت الكريمة القائله بعصبيه:

" ـ عمر" دى آحر مرة تسوق فيها العربية بنفسك .. عندك سواق مبتخليهوش يسوقها ليه -يا ماما الحادثة مكنتش غلطتى التريلا هي اللي جايه مخالف

ولو ..مفیش سواقه عربیة تانی

فلم يرد "عمر " مجادلة والدته التي يعلم جيداً ما تشعر به في هذه اللحظة فردد قائلاً:

حاضر یا ماما

فى تلك اللحظة سمعوا طرقات على الباب ثم انفتح الباب ليدخل الطبيب .. كشف على "عمر" وأخبره بنفس ما أخبر به والده ووالدته يوم أمس .. شعر "عمر "بالقلق وقال:

- يعني يا دكتور ان شاء الله ايدي هتبقى كويسة مش كده

-ايوة أن شاء الله بس الموضوع محتاج شوية وقت وزى ما قولت لوالدك امبارح منقدرش نحدد الوقت ده الالما نفك الجبس ونشوف مدى استجابتك للعلاج الطبيعي .. بس متقلقش الضرر مكنش كبير أوى وان شاء الله في وقت قصير ايدك ترجع تتحرك طبيعي تانى قال له "عمر" بإمتنان:

۔شکرا یا دکتور

فتح الطبيب باب الحجرة ليغادر فوجد النانسي" التى وقفت على باب الغرفة لمحتها الكريمة" فنادتها قائله:

ـتعالى يا بنتى

دخلت "نانسي" الغرفة بعينيها المتورمتين وبعض الكدمات التى تظهر على وجهها .. رآها "عمر" في هذه الحاله فشعر بالأسي عليها .. نظر والد "عمر" الى زوجته و "كرم "نظره ذات معنى .. فغادر ثلاثتهم الغرفة .. اقتربت "نانسي" من فراشه وانسابت العبرات على وجنتيها قائله:

```
قال بأسى:
                                 -الحمد لله ..المهم انتى عامله ايه .. البقاء لله يا "نانسى"
                  انفجرت "نانسى" باكية وجلست بجواره وألقت بنفسها على صدره وقالت:
    -بابى مات يا "عمر" .. مش عارفه هعمل ايه من غيره .. كان كل حاجه في حياتي .. مش
                                              قادره أتحمل ده .. أنا تعبانه أوى يا "عمر"
                                                   ربت "عمر" على ظهرها قائلا بأسى:
                                            قدر الله وما شاء فعل .. ربنا يرحمه ويغفرله
                                 أبعدها عن صدره ليرى وجهها ومسح بكفه عبراتها وقال:
                  -اهدى يا "نانسى" وبطلى عياط وادعيله .اللى هيفيده دلوقتى هو الدعاء
                                                                 نظرت له بعتاب قائله:
            -بابي سابني .. وانت كمان هتسبني يا "عمر" خلاص معدش ليا حد في الدنيا دي
                                                                 -انتی لیه بتقولی کده
                                                    انفجرت في البكاء مرة أخرى وقالت:
                                             -لأن دى الحقيقة انت هتتخلى عنى وتسيبنى
                                               ألقت نفسها على صدره مرة أخرى وقالت:
-أرجوك يا "عمر" ما تسبنيش أنا محتجالك أوى .. أنا مليش غيرك دلوقتى .. لو سبتنى هموت
                                                                               نفسي
                                                    شعر "عمر" بمزيد من الأسى قائلا:
                                        " -نانسى" استغفرى ربنا .. ايه اللي بتقوليه ده..
                                                                نظرت اليه قائله بحزم:
                      -بقول اللي هعمله لو انت سبتني يا "عمر" .. لو سبتني هموت نفسي
                                                                    قال "عمر" بقلق:
                                       طیب ممکن تهدی و تبطلی الکلام اللی بتقولیه ده ..
                                                                    صمت قليلا ثم قال:
                                 وبعدين مين قالك انى هسيبك . أنا مش هسيبك متخفيش
                                          نظرت اليه بلهفه وابتسمت وسط دموعها قائله:
                                                         بجدیا "عمر" مش هتسبنی
                                                         نظر لها وابتسم في حنان قائلا:
                                     -أيوة مش هسيبك .. بس يا خوفى انتى اللى تسيبينى
                                                                        قالت بسرعة:
                                              مستحيل اسيبك أبدا .. أنا أموت من غيرك
نظر "عمر" اليها بشئ من الشك ثم شرح له وضعه ذراعه الصحى كما وصفه الطبيب .. فقالت
                                                    طيب يعنى الدكتور قالك انك هتخف
  الله أعلم .. ده لسه ميقدرش يحدده دلوقتى .. ده على حسب استجابتي للعلاج الطبيعي وعلى
                                                     حسب الضرر اللي حصل في دراعي
                                                                       أسرعت قائله:
```

"-عمر" انت عامل ایه دلوقتی

حتى لو مرجعتش ايدك طبيعيه تانى انا مش ممكن اسيبك ابدا

نظر لها "عمر" نظره طويله يحاول الغوص داخلها ليتبين صدقها ثم قال:

واثقه ؟

قالت بحزم:

ايوة واثقه

ابتسم لها "عمر" ثم طوقها بذراعه مرة أخرى

خرجت النانسي المن حجرة العمر التجد الكرم الفي الردهة يتحدث مع الطبيب .. انتظرت أن أنهى حديث ثم توجهت نحوه قائله:

" -كرم" خلى بالك من "عمر" أنا هروح أستريح في البيت شويه

متقلقیش علیه یا "نانسی" کلنا هنا معاه

قالت له في براءه مصطنعة:

-أنا مش عارفه هروح البيت ازاى .. ومش هقدر استنى الشفير لحد ما يجيليى بالعربيه .. حسه انى تعبانه أوى

أسرع الكرما قائلاً:

طيب مفيش مشكلة أوصلك أنا

-بجد .. میرسی یا "کرم"

-ثواني بس هدخل أطمن على "عمر" وأقوله اني ماشي

انتظرته "انانسي" حتى جاء وانطلقا معا الى بيتها .. أوصلها ثم تركها وعاد الى المستشفى مرة أخرى

مش كنتى تعملى حسابك بدل ما تعككنى على الواد يوم فرحه

ألقت أم ''مصطفى'' بهذه العباره عندما دخلت على ''ياسمين'' المطبخ وهى تعد العصير .. ارتبكت ''ياسمين'' وشعرت بالخجل الشديد ولم تتفوه ببنت شفه .. شعرت بالضيق والغضب فما بينها وبين زوجها لا يحق لأحد غيرهما معرفته بل والسؤال عنه أيضاً.

قالت لها والدته بحده:

-أهلك علموكى لما حد كبير يكلمك مترديش عليه ؟

ارتبكت "ياسمين" وتمتمت:

-آسفه یا طنط

-طنط مین یا روح طنط .. أنا مش طنط

ازداد ارتباك ''ياسمين'' وشعرت بغصه في حلقها وهي تقول: :

-آسفه قصدی یا ماما

تركتها أم'' مصطفى" لتغادر المطبخ وهى تنظر اليا شذراً

..بعدما أنصرف المهنئين من أهله دخلت عرفة المعيشة لتجد "مصطفى" جالساً على اللاب توب منهمكاً .. فقالت له بنبره خافته:

انت قولت لطنط ایه

رفع رأسه وكأنه تفاجئ بوجودها ثم نظر الى اللاب توب مرة أخرى قائلاً:

طنط مین ؟

قصدى مامتك

ترك اللاب توب وهب "مصطفى" واقفاً وقال بحده:

-ااااااه بدأنا.. أمك قالت وأمك عادت .. بصى يا بنت الناس شغل الحموات الفاتنات ده ومشاكل الحريم اللى مبتخلصش أنا مليش فيه .. أنا راجل مش فاضى .. أمى دى تحطي جزمتها فوق راسك .. ومسمعكيش تشتكى منها أبداً ..أهو رسيتك على الدور من أولها يا بنت الناس مش عايز بأه أسمع كلمه تانية في الموضوع ده

تجمعت الدموع في عينيها لكنها تماسكت أمامه وقالت:

-أنا ما قولتش حاجه أنا بس كان قصدى أقول...

-لا تقولى ولا تعيدي .. أنا راجل البيت وأنا اللي أقول .. خلاص

عاود الجلوس مرة أخرى على الأريكة والتفت لللاب توب .. وقفت قليلاً ثم انصرفت ودخلت غرفة النوم تجلس على الفراش وتفكر ..قالت لنفسها (ايه يا ياسمين .. هى مش هتتظبط بأه .. هو من جهه ومامته من جهه .. أعمل ايه بس ياربى .. أنا لا بحب المشاكل ولا بطيقها .. يارب أنا مليش غيرك .. أصلح ما بيني وبين زوجى وأمه (

فى اليوم التالى أعدت "ياسمين" طعام الغداء وحاولت التنويع فى الأصناف وزينت الأطباق بطرق جميله وجذابه .. كانت"ياسمين" تحاول التأقلم على حياتها الجديدة ومحاولة كسب زوجها الذى أصبح جنتها ونارها .. وضعت الطعام على طاولة الطعام مع لمساتها الرقيقه فى التزيين .. دخلت لتنادى "مصطفى "القابع خلف شاشه حاسوبه .. قالت بإبتسامه رقيقه: " مصطفى" الغدا جاهز

نهض "مصطفى" والفت الإثنان حول طاولة الطعام .. نظر "مصطفى" الى الأطباق المرصوصه أمامه وقال بشئ من السخريه:

- هو ده بأه اللي أخرك في عمايل الغدا

ابتسمت الياسمين القائله بسعادة:

-كنت دايما بدخل على النت وبتعلم ازاى أزين الأطباق بالشكل ده وكنت بتمنى انى أطبق اللى اتعلمته في بيتي أما أتجوز .. عجبك ؟

بدأ في الأكل وقال بلا مبالاة والطعام في فمه:

-بصرحه مليش في الجو ده .. يعني حاسس انه ملوش لازمه تعبتي نفسك على الفاضي .. كده كده الأكل هيتاكل سواء ذوقتيه كده أو مذوقتيهوش

صدمت "ياسمين" بكلامه وشعرت بالإحباط .. لكنها تذكرت عهدها مع نفسها بألا تدع اليأس يتغلب عليها ويتمكن منها .. تذكرت عزمها على انجاح زواجها وكسب زوجها لتنال رضى ربها .. أمسكت ملعقتها وأخذت بتناول الطعم ..حانت منه التفاته اليها فتلاقت نظراتهما فشعرت بالخجل وأطرقت برأسها تنظرالي طبقها .. فقال" مصطفى: "

-انتى على طول أكلك أكل عصافير كده .. لا أنا مبحبش النظام ده .. أنا مبحبش الست الرفيعه وشغل الرجيم والتنتفه في الأكل .. أنا عايزك تملى شويه

قالت دون أن تنظر اليه:

-أنا مش بعمل رجيم ولا حاجه .. أنا أكلى كده .. مش بعرف أكل كتير

- لا تتعودى ... الست لازم تسمع كلام جوزها .. أما أقولك عايزك تتخنى يبقى لازام تتخنى يا اما

هبص بره

وقعت كلماته كالصاعقة على رأسها .. ألا يكفيها ما تلاقيه منه منذ أول يوم .. لم تتخيل أبدا أنها ستسمع زوجها بعد ثلاثه أيام من زواجها يهددها بالنظر الى غيرها .. قد شعرت بشي من المهانه لكنها تماسكت قائله:

-أصلا اللي انت بتقوله ده يغضب ربنا قبل ما يزعلني

-وحياة أبوكي بلاش فزلكه

قول لا اله الا الله

لیه بأه ؟

-عشان حلفت بغير ربنا

قال المصطفى السخرية:

-شكلى اتجوزت شيخه و أنا معرفش

قالت بهدوع:

-لا شيخه ولا حاجه بس دى حاجه معروفة

قال" مصطفى" بغضب:

- يعني أنا جاهل و مبفهمش

ارتبكت قائله:

-أنا ما قولتش كده

هب واقفاً وصاح قائلاً:

-ولا تقدرى أصلا تفكرى تقولى كده .. شكلها هتبقى جوازه هم من أولها ..مش واكل اطفحى لوحدك

تركها وانصرف .. لم تشعر "ياسمين" الا والعبرات تتساقط على وجنتيها في صمت

فى المساء أعدت كوب من الشاي .. رصت فى طبق صغير كيك وبسكويت أعدته بيدها .. وأقبلت على على غرفة المعيشة تحتسب فى سرها أجر ارضاء زوجها وحسن التبعل له .. وضعت على المنضده بجوار الصنيه الصغيره .. فالتفت اليها قائلاً:

-تسلم ايدك

ابتسمت الياسمين الواعتبرتها بداية مبشرة ..عاود النظر الى اللاب توب أمامه .. حاولت الياسمين الفتح حوار معه قائله:

بتعمل ایه ؟

قال دون أن ينظر اليها:

عادی .. بکلم واحد صحبی

مش هتدوق الكيك أنا اللي عملاه

التفت وأخذ قطعه قطم منها ثم قال:

حلوة أوى تسلم ايدك

ابتسمت قائله:

بالهنا والشفا

ران الصمت عليها .. نظرت اليه وسألته فجأة:

" ـ مصطفى " انت ليه اتجوزتنى ؟

التفت اليها وقال في دهشة:

-يعنى ايه ليه اتجوزتك

-يعني ليه اتجوزتنى .. الجواز بالنسبه لك بيمثل ايه ؟

أخذت رشقه من كوب الشاى الموضوع بجواره ثم قال:

-الجواز يعني يبقى عندى بيت وزوجة وولاد

نظرت اليه قائله:

ـېس كده ؟

ضحك قائلاً:

وهو في ايه غير كده

تسلل الحزن الى قلب "ياسمين" تمنت لو سمعت منه كلاماً آخر يعطيها دفعه أمل وحماسه لبذل نفسها من أجل انجاح زواجها ..الزواج بالنسبه له "ياسمين "لا يمثل مجرد بيت وزوج وأولاد فقط .. بل يمثل كيان يضيف للمجتمع ويخدمه .. أرادت زوجاً يأخذ بيدها ويعينها على التقرب من ربها .. أرادت زوجاً يعرف واجباته قبل حقوقه .. أرادت زوجاً يعرف واجباته قبل حقوقه .. أرادت زوجاً يعمل بوصية النبي صلى الله عليه وسلم "رفقاً بالقوارير" .. أرادت زوجا يحثها على ألا تترك وردها .. أرادت زوجا تشاركه اهتماماته ويشاركها اهتماماتها .. أردت زوجاً يكن الحضن الدافئ لها في ليالي الشتاء البارده .. أرادت زوجا تترك عبراتها تنساب أمامه ليمسحها بكفه بحب وحنان .. أرادت زوجا تبثه مشاعرها وعواطفها التي أغلقت عليها ولم تتركها مهانه ومتاحه لأي رجل غيره .. أرادت زوجا ليس جافا في اسلوبه او حديثه وانما الفاظ الحب والمودة تعرف طريق لسانه .. أرادت زوجا تشاركه بناء مستقبل أبنائهما واعداد رجال الحب والمودة تعرف طريق لسانه .. أرادت زوجا تشعر معه بالسكينه والموده والرحمه وان تكون قرة عينه ويكون قرة عينها .. أفاقت من شرودها على صوت هاتفها المحمول فنهضت لترد عليه انسابت عبراتها في صمت وهي تتحدث الى أختها التي اشتاقت اليها بشده

كانت "نانسي" جالسه برفقه "عمر" بالمستشفى فلم تتركه طيلة الأيام الماضية .. تهتم به وتعمل على اراحته .. كان "عمر" مسرورا بهذا التغيير الذى طرأ عليها .. لكنه كان محتاراً هل موت والدها هو السبب فى هذا التغيير ؟ هل تهتم لأمره فعلاً ؟ هل تغيرت وتخلت عن استهتار ها وعدم تحملها للمسؤليه .. هو يرى تصرفاتها وكلامها وكأنه يتحدث الى "نانسي" أخرى وكان سعيداً بهذا التغيير الا أنه كان يشعر بالريبة وعدم الطمأنينة .. فى اليوم الخامس بدأ" عمر" يشعر بالضجر من بقاءه حبيساً داخل هذه الجدران الأربعه فلم يعتاد المكوث هكذا بلا حراك وبلا شئ يفعله .. تحدث مع الطبيب الذى سمح له بالإنصراف مع اعطاءه تعليمات مشدده بالراحة والالتزام بالدواء فى موعده .. وصل الى الفيلا بصحبة والده ووالدته و "كرم" ونانسي" و "أيمن" الذى حضر للإطمئنان على صحة صديقه .. تركهم "عمر" يتحدثون معا وطلب من "أيمن" اللحاق به فى مكتبه بالفيلا .. دخلت"نانسي" وهى تشعر بالقلق .. أغلق الباب ووقف أمامها ينظر اليها فى صمت .. قالت "نانسى:"

-خير يا "عمر" في حاجه حصلت

```
فی ایه طمنی
```

صمت قليلا وهو يراقب تعبيرات وجهها ثم قال بصوت هادئ:

-الدكتور قالى ان مستحيل دراعى يرجع طبيعي تانى وانى هعانى من شلل دائم السعت عينا النانسى الصاولت التماسك قائله:

بس انت قولتلى ان الدكتور قال غير كده

-ايوة قالى انه اضطر يقول كده لاني كنت لسه خارج من العمليات ومحبش يصدمنى وخاف ده يأثر عليا فستنى لحد ما أفوق من صدمة الحادثه

ابتلعت ريقها قائله:

وبعدين هتعمل ايه ؟

-مش هعمل حاجه .. ده قضاء ربنا وأنا راضى بيه واساسا مفيش فى ايدى حاجه اعملها ثم أطرق برأسه وتنهد قائلاً:

-بس مش دى الحاجه الوحيدة اللي تعباني

المال في ايه اكتر من كده ؟

-المزرعة . انتى عارفه المشاكل اللي كانت فيها للأسف يا "نانسي" الشركة اللى كنا متعاقدين معاها عرفت بمشكلة المحصول وطالبونا بفلوسهم وبالشرط الجزائي وخسرت خسارة كبيرة

قالت بتوتر:

-خسرت أد ايه يعنى ؟

-نسبة كبيرة من الأسهم بتاعتى في الشركة اضطريت أبيعها لـ "كرم" عشان ألاقي سيوله أدفعها للناس

طيب و"كرم" مش المفروض انه معاك في الخسارة دي

-لأ .. المزرعة بتاعتى مش بتاعة الشركة يعني ادارتها وأرباحها خاصيين بيا أنا .. "كرم" ملوش علاقه بيها وعشان كدة الخسارة عليا لوحدى

شعرت "نانسي" بالضيق الشديد لكنها انتبهت لنظرات "عمر" التى تتفرس فيها فرسمت ابتسامه بصعوبة على شفتيها قائله:

-ولا يهمك يا حبيبى بكرة كل حاجه تتعوص .. وأهم حاجه اننا مع بعض نظر لها بشك قائلا:

- يعنى مش هتسبينى رغم كل اللي قولتهولك .. خسارتى و اصابة ايدي

-لأطبعا يا "عمر" مش هسيبك

اتسعت ابتسامة "عمر" قائلاً:

-طمنتیتی کنت خایف أوی

-انا تقولت لوالدك ووالدتك على اللي حصل

-لألسه ما قولتلهمش .. اللي يعرف بس "أيمن" و "كرم"

طیب یا حبیبی یلا نخرج عشان زمانهم منتظرینا بره

خرجا الاثنان وفى داخل "نانسي" غضب هادر .. التف الجميع حول طاولة الطعام .. كانت انانسي" شارده واجمة لكنها حاولت التظاهر بالإندماج معهم فى الحديث .. بعد العشاء وجدت أيمن "يقف خارج الفيلا يتحدث فى هاتفه وبعدما انهى حديثه التفت ليعود الى الداخل لكنه وجد "نانسى" خلفه تبتسم اليه قائله:

```
-ازی خطیبتك أخبارها ایه
```

ـكويسة الحمد لله

مش ناوى تعرفنا بيها ولا ايه

-اكيد طبعا في اقرب وقت ان شاء الله

صمتت قليلا ثم قالت:

-زمانك أكيد مضايق دلوقتى من اللي حصل

فسألها "أيمن" مستفهماً:

ايه اللي حصل ؟

نظرت اليه "نانسى" تراقب ردود أفعاله قائله:

-المزرعة .. بتاعة "عمر"

كان لديها شك بأن "عمر" يكذب عليها وأرادت التأكد ...سادت لحظة صمت .. تنهد أيمن " بحسره ثم أطرق برأسه قائله:

-قدر الله وما شاء فعل .. "عمر" ميستهاش الخسارة ... بس أكيد ربنا بيحبه وهيعوضه باللى أحسن منها

قالت باندهاش:

-بیحبه لیه عشان خسر خساره کبیره

نظر اليها "أيمن" في صمت .. ثم قطعه قائلا:

-بكرة تعرفى ربنا بيحبه ليه

ثم تركها مندهشه تفكر فيها قال ودلف داخل الفيلا

أعدت "ياسمين" حقيبة "مصطفى" بعناية فائقه .. أرادت أن يشعر بالإختلاف بعدما دخلت حياته .. أغلقت الحقيبة ووضعتها بجوار الباب .. أنتهى من ارتداء ملابسه وصفف شعره .. ابتسمت له قائله:

ـتروح وترجع بالسلامة

-ان شاء الله .. انا هغير معاد اجازتى الجاى يعني بدل ما هغيب 3 اسابيع هغيب شهر .. تمام كده المعاد مناسب ؟

شعرت "ياسمين" بالخجل وأطرقت رأسها .. توجه الي الباب وحمل حقيبته وقال:

-متفتحیش لحد متعرفیهوش .. وخلی بالك من الغاز اقفلیه كویس قبل ما تنامی - حاضر .. بس كنت عایزه أطلب منك طلب یا" مصطفی"

ـخير

-بما انك يعني هتغيب شهر وأنا هنا اعده لوحدى فلو سمحت ممكن أروح أعد عند بابا التفت اليها قائله بحده:

لیه تعدی عند أبوكی ملكیش بیت ؟

-لأليا .. بس انت هتغيب شهر

ولو .. حتى لو هغيب سنه تفضلي اعده في البيت..

-بس انا هستفاد ایه لما اعد فی البیت لوحدی..

- تستفادی انی عایز کده انا مسمحش مراتی تتنطط فی کل بیت شویه .. ارکزی فی بیتك .. یا اما تروحی تعدی عند امی

قالت "ياسمين" وهي تشعر بالضيق:

-انا مش هرتاح عند طنط .. مش هبقى واخده ارحتى هناك عشان باباك

-خلاص يبقى تعدى في بيتك واختك وابوكى عايزين ييجى يزوروكى اهل وسهلا لكن انتى تروحى هناك وانا مسافر لأ

نظر اليها ثم قال:

-سمعتی

شعرت بالغضب لكنها كبحت جماح نفسها وقالت:

سمعت

-يلا سلام

مع السلامة

أغلقت الباب وأغمضت عينيها وتنهدت بحسرة...

مر الشهر عليها ببطء شديد كانت "ريهام" تأتيها يوميا بعدما تنهى كليتها تجلس معها ساعة أو اثنتين ثم تنصرف لتتركها وحيده حزينة حبيسه تلك الجدران التي مازالت تراها غريبه عنها ولا تستطيع أن تألفها وتعتادها .. لا يسليها الا زيارات "سماح" و "ريهام" والتحدث معهما على الهاتف .. في يوم وصول" مصطفى "من السفر اتصل ليخبرها بأنه سيصل في المساء .. فرحت كثيراً لعودته فعلى الأقل ستجد من يونس وحدتها .. أرادت أن تبدأ حياتها كزوجة وأن تستمر في محاولة كسب قلب زوجها كانت تشعر بالكثير من الحماس والتفائل فهي تعلم جيداً أن الزوجة الذكية تستطيع تحويل بيتها الى جنه وتستطيع أن تحصل على كل ما تريد اذا استخدمت ذكائها ووجته بطريقة صحيحه .. كانت والدتها تنصحها دائماً بكيفية العناية بنفسها وبيتها و كيف تكون زوجة ناجحة مطيعة لزوجها وفائزة برضا ربها .. في هذا اليوم استيقظت مبكراً وأعدت ما يحبه "مصطفى" من طعام ررتبت البيت ونظمته .. فتحت دولابها لتختار فسان أحمر من الستان لرقيق وضعته على الفراش وهي تنظر اليه في سرور .. كانت قد انهت الكثير من الأعمال عندما رن جرس هاتفها في منتصف النهار وجدت رقماً غريباً فردت قائله:

-السلام عليكم

أتاها صوت أنثوى قائلا:

وعليكم السلام

-أيوة .. مين حضرتك

-انا واحدة متعرفيهاش

شعرت "ياسمين" بالدهشة و قالت:

طيب اسمك ايه ياللي معرفكيش

اتاها الصوت الأنثوى بعد لحظة صمت:

اسمى النهلةا

```
كان "كرم" يشاهد احدى المباريات في منزله عندما رد جرس هاتفه فرد قائلا:
                                                                               -ألق
                                                           -ألو .. أيوة يا "كرم" ازيك
                                                                        مين معايا ؟
                                                              ایه مش عارف صوتی
                                                                   -لا مش واخد بالى
                                                                      -أنا "نانسى"
                                                         اعتدل "كرم" في جلسته قالاً:
                                                                  -آه "نانسی" ازیك
                                                                     -تمام ازیك انت
                                                 بخير الحمد لله .. خير "عمر" كويس
                                           معرفش .. أنا مش بكلمك بخصوص "عمر"
                                                                   -أمال خير في ايه
  -بصراحة يا أنكرم الأنا عايزة أتكمل معاك شوية بس ... مينفعش في التليفون .. لازم أشوفك
                                                            صمت "كرم" قليلاً ثم قال:
                       -أنا في البيت دلوقتي ومش هعرف أنزل. تحبي تيجي نتكلم براحتنا
                                                                -اوك .. اديني العنوان
                                                        أعطاها "كرم" العنوان ثم قال:
                                                                     ادامك أد ايه ؟
                                                            مش هتأخر ساعة بالكتير
                                                                  ـخلاص مستنیکی
                                                                             ـسلام
                                                                             ـسلام
           بعد مرور ساعة ونصف طرقت "نانسى" الباب .. ففتح "كرم" ابتسمت له وقالت:
                                                      -اوعى أكون اضايقت من زيارتي
                                                         بادلها "كرم" الابتسامه قالئ:
                                                    -لا طبعا ده انت نورتینی .. اتفضلی
                                             دخلت "نانسى" وهي تنظر لما حولها قائله:
                                                                بیتك یجنن یا "كرم"
                                                  من ذوقك يا "نانسى" .. تشربى ايه
                                                       نظرت الى عينيه وابتسمت قائله:
                                                                       اختارلی انت
أحضر "كرم" كوبا من العصير وعاد ليجدها واقفة في منتصف الردهة تنظر الى احدى اللوحات
                                                                 قدم لها العصير قائلا:
                                                                           -اتفضلي
                                     -أخذت الكوب ووضعته على منضده صغير ثم قالت:
```

" - كرم" أنا في حاجه عايزة أقولهالك ومش عارفه أبدأ منين

-خیر یا "نانسی" قلقتینی

-لا مش حاجه مقلقة

-أمال ايه

اقتربت منه وارتسمت ملامح الحزن على وجهها قائله:

خايفة تفهمني غلط

-لا قولى وأنا مش هفهمك غلط

" - كرم" أنا حسه انى مشاعرى اتغيرت ناحيه "عمر" .. حسه انى أصلا عمرى ما حبيته .. وعمرى ما عرفت أحبه .. لأنه مش الإنسان اللى اتمنيته طول عمرى .. أنا اتمنيت واحد تانى خالص .. من يوم ما شوفته وأنا عرفت ان هو ده الانسان اللى بتمنى ارتبط بيه

صمتت قليلا ثم اقترابت منه قائله:

انا بحبك انت يا "كرم"

ظهرت علامات الدهضة على وجه "كرم" ثم قال:

" -نانسى" انتى مدركه للى بتقوليه

-ايوة يا "كرم" أنا مقدرتش أخبي مشاعرى أكتر من كده .. أنا مبحبش "عمر" .. وبحبك انت .. وحسه ان انت كمان معجب بيا نظراتك بتقول كده

صمتت قليلا ثم قال:

-منكرش اللي قولتيه بس "عمر" هنعمل معاه ايه

قالت بسرعه:

مش لازم يعرف بعلاقتنا دلوقتى .. أنا هخترع اى حجه وافسخ خطوبتى .. وبكره "عمر" ينساني .. وساعتها نرتبط احنا الاتنين

نظرت له قاله بنعومه:

قولت ایه یا "کرم .. "عایزنی ولا لأ ؟

كانت قد انهت الكثير من الأعمال عندما رن جرس هاتفها في منتصف النهار وجدت رقماً غريباً فردت قائله:

-السلام عليكم

أتاها صوت أنثوى قائلا:

_وعليكم السلام

ايوة . مين حضرتك

انا واحدة متعرفيهاش

شعرت "ياسمين" بالدهشة و قالت:

طيب اسمك ايه ياللي معرفكيش

اتاها الصوت الأنثوى بعد لحظة صمت:

۔اسمی "نهلة"

ثم ساد الصمت مرة أخرى .. فقطعته الياسمين القائله:

حضرتك تعرفينى ؟ وجبتى رقمى منين ؟

-لأ معرفكيش معرفة شخصية .. أما جبت رقمك منين فأنا جبته من موبايل جوزك قالت "ياسمين" بدهشة:

" ـمصطفى" ؟

ايوة المصطفىاا

قالت "ياسمين" بنفاذ صبر:

لو حضرتك ما قولتيش عايزة ايه أنا هقفل

-اللى عايزاه هو انك تعرفى جوزك على حقيقته .. لو قولتلك ان جوزك خانك وبيخونك تصدقيني

قالت "ياسمين" ببرود وقد شعرت بالخوف يدب في أوصالها:

- لا طبعاً مش هصدقك .. مع السلام ومتتصليش بيا تاني

انهت "ياسمين" المكالمة وهى تفكر من هذه الفتاه. وما مصلحتها فى الإيقاع بينها وبين زوجها .. وما هى إلا لحظات حتى رن الهاتف مرة أخرى لكن هذه المرة صوت نغمة الرسائل .. وجدت رسالة من نفس الرقم فتحتها وهى تشعر بالتوتر وقرأتها:

)كنت متوقعة انك مش هتصدقيني ده ايميل وباسوورد بتاع أكاونت جوزك على الفيس بوك ادخلى واقرأى رسايل بينه وبين (nona star

ازدادت خفقات قلبها وحاولت تجاهل الرسالة وطرد هذه المحادثة من رأسها .. أكملت عملها بنصف عقل ..ماذا لو كانت الفتاة صادقة ؟ .. لماذا لا تلقى نظرة لتتأكد مما قالت ؟ بالتأكيد هذه دعابة سخيفة أو شخص حقود أراد الوقيعه بينها وبين زوجها ... لا يمكن أن يكون "مصطفى" بهذه الصورة البشعة ؟ لا يمكن أن تكون هذه هى أخلاق زوجها .. لن تسمح للشك بأن يدخل قلبها .. حاولت اقناع نفسها بكل ذلك لكن الفضول كان قد تملك منها فتركت المطبخ مسرعة وتوجهت الى الحاسوب القابع في أحد أركان غرفة المعيشة .. فتحت المتصفح وأدخلت الايميل والباسوورد وأغمضت عينيها وهي تقول لنفسها) دى أكيد واحدة كدابة .. أكيد كدابة) .. فتحت عينيها لتصطدم بصورة زوجها مصغرة .. ضغطت على اسمه لتجدها فعلا صورته .. ارتجف عينيها لتصطدم بصورة في الرسائل والبحث عن الإسم الموجود في الرسائل بأصابع مرتجفة .. جحظت عيناها من هول ما رأت .. وضعت عن الإسم الموجود في الرسائة بأصابع مرتجفة .. جحظت عيناها من هول ما رأت .. وضعت كفها على فمها وكأنها تكتم صرخة كادت أن تخرج من أعماق قلبها المطعون .. جالت بعينيها في الحوار الذي أقل ما يوصف به هو البذاءه .. كانت تنظر الى الحوار ثم تلقى بنظرها الى في الحوار الذي أقل ما يوصف به هو البذاءه .. كانت تنظر الى الحوار ثم تلقى بنظرها الى في الحوار الذي أقل ما يوصف به هو البذاءه .. كانت تنظر الى الحوار ثم تلقى بنظرها الى في الحوار أن هذه الفتاة ليست مجرد ماضى في حياة زوجها بل موجودة في حاضره أيضاً فتاريخ آخر محادثة بينهما قبل يومين فقط .. يتواعدان باللقاء في مكانهما المعتاد

..!!لم تشعر إلا بالدموع وهى تنساب ساخنة على وجنتيها فى صمت .. شعرت بالغثيان فأغلقت الشاشة بسرعة فلم تعتاد مثل هذه البذاءات .. دخلت الحمام مسرعة لتريح معدتها التى تقلبت عليها بشدة .. نظرت الى وجهها فى مرآة الحمام فترة طويلة مصدومة مطعونة مجروحة .. غسلت وجهها وأسرعت الى غرفة النوم ارتدت ملابسها وأخذت حقيبتها وهاتفها وأسرعت بمغادرة البيت.

^{********}

⁾⁾فلاش باك قبل ساعتين من الآن((

" -نانسى" انتى مدركة للى بتقوليه

-ايوة يا "اكرم" أنا مقدرتش أخبي مشاعرى أكتر من كده .. أنا مبحبش "عمر" .. وبحبك انت .. وحسله ان انت كمان معجب بيا نظراتك بتقول كده

صمتت قليلا ثم قال:

-منكرش اللي قولتيه بس "عمر" هنعمل معاه ايه

قالت بسرعه:

مش لازم يعرف بعلاقتنا دلوقتى .. أنا هخترع اى حجه وافسخ خطوبتى .. وبكره "عمر" ينساني .. وساعتها نرتبط احنا الاتنين

نظرت له قاله بنعومه:

قولت ايه يا "كرم".. عايزنى ولا لأ ؟

صمت "كرم" وصمتت "نانسي" منتظره جوابه ... عندها جحظت عيناها بشدة وهى تنظر الى نقطة ما خلف "كرم" التفت "كرم" ليلقى نظره على صديقه ثم ينظر الى" نانسي" مرة أخرى قائلا بصرامة:

-متخلقتش البنت اللى تخليني أخون أخويا وصاحبي عشانها .. ده ردى يا "نانسي"

قال ذلك ثم حمل معطفه وفتح باب البيت وخرج ... ران الصمت طويلا .. كانت اناسي افى موقف لا تحسد عليه حاولت تشغيل عقلها لتبحث عن مخرج لهذا المأذق .. تقدم اعمرا منها ووقف أمامها وترك مسافة بينهما ونظر اليها قائلاً:

-على فكرة أنا ايدي ان شاء الله هترجع طبيعيه تانى .. مش هتشل زى ما قولتلك نظرت اليه بدهشة فأكمل قائلاً:

-والمزرعة الحمد لله بفضل الله ثم'' أيمن'' قدرنا ننقذ جزء كبير جدا من المحصول والطلبيه هتتسلم في معادها وبالجودة اللي اتفقنا عليها كمان

ازدادتُ دهشتها فعقد لسانها ولم تستطيع التفوه ببنت شفه .. فأكمل "عمر" بشراسه هو يرمقها بنظرات نارية:

ده كله كان اختبار ليكي .. ومش بس فشلتى فى الاختبار .. انتى فشلتى وبجداره انك تكونى انسانه محترمة .. أقصى حاجه توقعتها هو انك تسبيني و تفسخى الخطوبة أو تماطلى فى الجواز أو تقبلى وانتى غاصبه على نفسك ومضطره .. لكن مكنتش متخيل أبداً انك بالقذاره دى .. بس دى مش غلطتك دى غلطتى أنا لأنى كنت أعمى البصر والبصيرة لما اخترت واحدة زيك .. انتى كبيرك أوى يا" نانسي" تتصاحبي أو يتخرج معاكى أو تتحبيلك يومين لكن جواز لأ ملكيش فيه .. لو أطول أرجع الفترة اللى فاتت وأشيل صورتك واسمك من حياتى كنت عملت كدة .. بس للأسف مش هقدر ومضطر انى أتحمل انك تكونى ذكريات سيئة فى حياتى .. انا عرفت بيون والدك وعرفت واتأكدت ان كل اللي جذبك ليا هو انى غني وهنقذك انتى وعيلتك المحترمة من اللى انتوا فيه .. يعني كنتي مستعدة تتجوزى واحد لا بتحبيه ولا عايزاه .. بس عشان فلوسه .. عارفه بنات الليل اللى بيبعوا نفسهم عشان الفلوس انتى فى نظرى زيهم بالظبط متفرقيش حاجه عنهم .. اوعى تكونى فاكرة انى حبيتك .. لأ .. أنا حبيت صورة نضيفه فى خيالى فضلت معايا طول عمرى للبنت اللى أحب أرتبط بيها وحاولت انى أخليكى زيها بس كان لازم أفهم من معايا طول عمرى للبنت اللى أحب أرتبط بيها وحاولت انى أخليكى زيها بس كان لازم أفهم من معايا طول عمرى للبنت اللى أحب أرتبط بيها وحاولت انى أخليكى زيها بس كان لازم أفهم من

الأول انى هفشل .. لأن مستحيل الوردة اللي مرميه على الأرض واللى بيدوس عليها الناس برجليهم أقدر أنضفها وأخليها ترجع تانى وردة جميلة الناس تحب تشتريها ..

خلع دبلته وألقى بها على الأرض أمام قدميه ثم قال:

ده مقامك .. يلا اتفضلى ومش عايز أشوف وشك تانى فى أى مكان .. ولو حاولتى تتصلى بيا أو تتكلمى معايا هخليكي بجد تندمى على اليوم اللى عرفتيني فيه.

كانت "نانسي" تشعر بذل ومهانه لم تعتدهما من قبل .. أطرقت برأسها وتوجهت الى الباب فتحه ثم خرجت ..مرت على "كرم" الذى كان ينتظر فى الردهة أمام باب الشقة فنظر اليها نظرة احتقار ثم تركها ودخل الى بيته .. أقبل على صديقه وربت على كتفه قائلا:

انت كويس يا "عمر"

نظر اليه "عمر" وقال بهدوء:

ايوة كويس ما تقلقش

دى واحدة بنت تييييييييت اوعى تزعل عليها

- لأ أنا مش زعلان عليها أنا زعلان انى كنت غبى للدرجة دى

- هون على نفسك محدش بيتعلم ببلاش .. المهم انك خلصت منها قبل ما تتجوزوا والفاس تقع في الراس

-حتى لو كنت اتجوزتها واكتشفت حقيقتها كنت هطلقها فورا .. أنا مستحيل أعيش مع واحدة زى دى

-خلاص انسى ومش عايزين نتكلم عنها تانى .. متستهاش أصلا اننا نجيب فى سيرتها .. ويلا عشان عازمك على أحلى أكلة سمك وجمبرى ولو قولتلى ملكش نفس هاخدك معايا غصب عنك ابتسم له "عمر" قائلا:

-بتهرج .. سمك وجمبرى وأقولك مليش نفس .. ليه هوأنا عبيط

ابتسم "كرم" وجذب صديقه من ذراعه وتوجه الى الباب قائلا:

-قولتُك من الأول بلا جواز بلا قرف مصدقتنيش . أهو هما الستات كدة مبيجيش من وراهم غير وجع الدماغ

فتحت "ياسمين" باب بيت والدها بمفتاحها ودلفت الى الداخل هب والدها و"ريهام" واقفان وينظران اليها في لوعه .. قال والدها:

-خیر یا بنتی مالك فی ایه

جلست الياسمين العلى أول مقعد وجدته وانخرطت في بكاء هستيري .. أسرعت الريهام الباحضار كوب من الماء لها وقالت لها:

حبیبتی اهدی اشربی ده واهدی

أمسكت 'اياسمين' الكوب بأصابع مرتجفة ورشفت منه رشفه واحدة وأبعدته عنها.. وقف والدها أمامها ووضع يده على رأسها يقرأ آيات من كتاب الله ..بعدما هدأت حدة بكائها قال بقلق

-خير يا بنتى ايه اللي حصل احكيلي

```
قصت عليه "ياسمين" كل ما حدث .. ران صمت طويل ثم قال:
                                                            - لا حول ولا قوة الا بالله
                              رفعت" ياسمين" نظرها الى والدها وقالت بصوت مرتجف:
                                                               بابا أنا عايزة أطلق
                                                نظر اليها "عبد الحميد" ثم هتف قائلا:
                                     معندناش حاجة اسمها طلاق انتى عايزه تفضحينا
                                          وقفت "ياسمين" في مواجهته وهتفت باكية:
-أنا مستحيل أقدر أعيش مع واحد زانى زى ده .. دى مش بس علاقة قديمة لأ ده خنى يا بابا
                                                                  وأنالسه عروسة
   -مينفعش اللي بتقوليه ده الناس تقول ايه لما يلاقوكي اطلقتي وانتي مكملتيش شهر جواز
                                                                   هتفت في غضب:
-يقولوا اللي يقولوه أنا مش هسامح حد يتكلم عنى ربع كلمة وهقتص منهم يوم القيامة . لكن
                     أنا مستحيل أعيش مع راجل حقير زى ده بس عشان خايفة من الناس
                                                      هتف "عبد الحميد" في غضب:
                       قولتلك مفيش حاجة اسمها طلاق .. الموضوع هيتحل ان شاء الله
  -هیتحل ازای یا بابا بقولك جوز بنتك زانی وخاین ومبیراعیش حرمات ربنا ازای أأمن علی
                                                                        نفسى معاه
                     - هتصل بيه واجيبه هنا وأخليه يوعدني ان اللي حصل ميتكررش تاني
                                                           استجدته قائله وهي تبكي:
-بابا ارجوك أنا مش عايزة أرجعله تانى .. أرجوك يا بابا متعملش فيا كدة .. مش هقدر أعيش
                                                                          معاه أبدا
                                                                   صاح في غضب:
                                                      قولتلك انسى موضوع الطلاق
                               ذهب الى غرفته وأحضر هاتفه واتصل على المصطفى: "
                                                                 -ألو ازيك يا عمى
                                            اليوة يا مصطفى منتظرك في البيت تعالالي
                                          -خير يا عمى في حاجه" .. ياسمين" كويسة
                                                     -أما تيجي هتعرف ..أدامك أد ايه
                                                        -نص ساعة وأوصل القاهرة
                                                                   -خلاص مستنيك
                                                                            ـسلام
```

جلست "ريهام" بجوار أختها وأخذتها في حضنها .. دخل والدها الى غرفته وتركها .. هبت واقفة فجأة وأحضرت هاتفها واتصلت .. سألتها أختها:

-هتکلمی مین .. "مصطفی " ؟

دخلت "ياسمين" الى حجرتها القديمة وأغلقت الباب ..رد الطرف الآخر:

-ألو

-السلام عليكم ازيك يا ماما

وعليكم السلام

قصت "ياسمين" على والدة "مصطفى" ما حدث بالتفصيل ثم قالت:

-يرضيكي يا ماما اللي حصل من "مصطفى" ده

قالت أمه في غضب:

-ایه اللی انتی بتقولیه ده .. أنا ابنی "مصطفی" متربی أحسن تربیه

-بقول لحضرتك شوقت كلامهم مع بعض بعيني كل حاجة كانت واضحة انهم اتقابلوا من يومين وكلامهم مع بعض كان بطريقة بشعه جدا مش طريقة واحد محترم أبدا

صاحت أمه قائله:

-لا بقولك ايه .. احترمى نفسك والزمى حدودك ابنى متربي ومحترم غصب عنك وعن أهلك .. وحتى لو كان عمل كدة فيها ايه راجل و غلط ومحدش معصوم من الغلط .. وبعدين ما انتى السبب .. لو كنتى بنت عدله زى بقيت البنات مكنتيش خليتى جوزك يبص لبره .. انتى اللى معرفتيش تملى عين ابنى ..امشي ارجعى بيتك قبل ما جوزك يوصل .. وحسك عينك تخرجى من البيت بعد كدة الا بإذنه انتى فاهمة ولا لأ

كظمت "ياسمين" غيظها لأنها مهما كانت فهي سيدة كبيرة في السن وقالت:

مع السلامة يا ماما مضطرة أقفل دلوقتي

أنهت المكالمة وبكت في أسى

جلس الصديقان في انتظار احضار الطعام عندما رن هاتف "عمر" فرد قائلاً:

-ألو .. حماتك بتحبك

ضحك "أيمن" قائلا:

-عارف .. بس ليه

-عشان احنا دلوقتى أعدين منتظرين أكلة سمك وجمبرى انما ايه في الجووون

من غيري يا أندال

-أما تيجي القاهرة نبقى نطلع تاني سوا

-أنا في القاهرة .. قولى انتوا فين .. ولو حد مد ايده على الأكل قبل ما أجى هحط السيخ المحمى في صرصور ودنه

ضحك"عمر" قائلا:

طيب هنستناك

بعد ساعة ونصف حضر "مصطفى" الى بيت والدها تركتهم" ياسمين" يتحدثون معا ودخلت هى و "ريهام" غرفتهما .. وقفت "ياسمين" خلف الباب تستمع الى الحوار .. دار الحوار فى اتجاه لم ترضاه أبداً .. عاهد "مصطفى" والدها بأنها غلطة ولن تتكرر أبداً وطلب منه أن يسامحه على ما بدر من فى حق ابنته .. أغلظ عليه والدها فى القول ثم لان بعد ذلك لكى يتم حل

الموضوع واحتواء المشكلة .. قام "عبد الحميد" ودخل الحجرة وطلب من "ياسمين" أن تعود مع زوجها الى بيته .. قبلت "ياسمين" يده وقالت له باكيه:

-أرجوك يا بابا مش عايزاه مش عايزه أرجع معاه البيت

-انتى تسمعى اللى أقولك عليه .. خلاص هو اعتذر ومش هيحصل منه حاجة تضايقك تانى هو وعدني

-بس أنا مش ممكن أسامحه ..أنا بحتقره أوى .. أوى

-هى كلمة واحدة اخرجى يلا عشان تروحى مع جوزك

امتثلت الياسمين المرغمة لكلام والدها .. وقال لها أمام المصطفى: ال

بعد كدة أى مشكلة تتحل بهدوء بينك وبين جوزك ومينفعش تخرجى من بيته من غير اذنه .. سمعاني يا "ياسمين"

أطرقت "ياسمين" برأسها وقالت بصوت خافت:

حاضر

ثم التفت الى "مصطفى" قائلا:

-وانت یا ''مصطفی'' انت و عدتنی انها غلطة ومش هتتکرر تانی متخربش علی نفسك و علی ببتك

ان شاء الله يا عمى

عانقت "ياسمين" أختها وسارت خلف زوجها .. تمنت شئ واحد فى هذه اللحظة .. تمنت أن يقبض الله روحها قبل أن تصل الى بيت زوجها .. قكرت فى ذلك ثم استغفرت ربها وظلت تستغفر طول الطريق .. صعدا الى البيت فدخلت الى الحمام وأغلقت الباب وجلست على طرف البانيو تحيط جسدها بذراعيها علها توقف ارتجافة جسدها

سمعت جرس تليفون المصطفى المدخل المصطفى اللي غرفة النوم وأغلق الباب ورد قائلا: الي غرفة النوم وأغلق الباب ورد قائلا:

اليوة يا المصطفى الطمنى عملت ايه

-خلاص لميت الموضوع وجبتها وجيت البيت

دى عايزة كسر رقابتها على صدرها .. بص يا "مصطفى" او عى تسكتلها .. لو سكلها هتركبك بعد كده .. هو فى بنت متربية تعمل اللى هى عملته ده وتفضح جوزها كده .. لو خليت الموضوع يعدى بالساهل كده لا انت ابنى ولا أعرفك .. الراجل اللى ميعرفش يسيطر على مراته يبقى تيبيبيبيبيت

قال "مصطفى" بانفعال:

ایه لازمة أم الكلام ده دلوقتی

-أنا بقولك عشان مصلحتك .. لازم تعرفها حدودها من أولها وانها زى الجزمة اللى فى رجلك .. هى هتتنطط على ايه تحمد ربنا وتبوس ايديها وش وضهر انك عبرتها واتجوزتها غيرها مش لاقيه ضفر عريس

طیب اقفلی دلوقتی

أنهى "مصطفى" محادثته مع أمه .. وعندها خرجت "باسمين" وتوجهت الى غرفة النوم لتجد "مصطفى" أمامها .. أخجرت عباءة للبيت و همت بالخروج مرة أخرج لتغير ملابسها فى الحمام .. مرت بجواره فأمسك ذراعها قائلا:

-استنی هنا

```
حاولت أن تفلت ذراعها قائله:
```

لو سمحت أنا مش عايزة أتكلم دلوقتي

اشتدت قبضته على ذراعها ولطمها على وجهها بقوة وصرخ فيها قائلا:

ما هو مش بمزاج أهلك .. أما أقولك استنى تستنى

شبهقت الياسمين المن هول الصدمة وبكت بشده .. فأكمل قائلا:

-أنا مش نبهت عليكي متخرجيش من البيت وتروحي لأهلك .. حصل ولا محصلش

كانت "ياسمين" ترتجف من شدة البكاء ومن شدة الخوف فلم تنطق بكلمة

وعندها خلع "كصطفى" حزامه ولف طرفه على يده وأخذ يضربها وبصرخ فيها قائلا:

-راحة تفضحيني عند أهلك .. فاكراني هسكلتك .. أهم رجعوكي ليا تاني زي الكلبة

ارتمت الياسمين "ا على السرير تصرخ وتبكى من شدة الألم .. زاد من قوة ضرباته ولكماته قائلا

-اخرسى خالص مش عايز أسمع صريخك .. يا اما هموتك في ايدى النهاردة .. أنا هربيكي وأعلمك يعنى ايه تكسري كلمتى

قالت "ياسمين" وسط بكائها:

-حسبي الله ونعم الوكيل فيك .. ربنا ينتقم منك .. انت فاهم الرجولة غلط .. ربنا ينتقم منك توقف عن ضربها وجذبها اليه قائلا:

-طيب تعالى بأه أفهمك الرجولة صح

نظرت اليه "ياسمين" برعب وكادت أن تسقط مغشياً عليها .. اغمضت عينيها بشدة وناجت ربها بدعاء سيدنا يونس عليه السلام وهو في بطن الحوت والذي ما دعا به مكروب قط إلا فرج الله كربته) .. لا إله إلا أنت سبحانك إنى كنت من الظالمين (

أخذت ترددها بلسانها وقلبها وعقلها وبكل جوارها ... وفجأة رن جرس الباب وسمعا طرقات عالية علي الباب حتى كاد أن يتهشم .. سب "مصطفى" ثم توجه الى الباب ففتحه ليجد رجل فى وجهه فقال ليه بحده:

-ايوة أفندم

-أنا جارك اللي ساكن أدامك سمعنا صوت صريخ جاى من عندكوا

انفعل "مصطفى" قائلا:

وانت مالك انت .. مفيش حاجه اتفضل

عندها هبت "ياسمين" واقفة متحملة الألم الذى ينغز فى كل أنحاء جسدها الرقيق ارتدت عباءه تستر بها نفسها وارتدت حجابها بسرعة وخرجت الى الصالة وبمجرد أن وقعت عينا الرجل على وجهها الدامى وعيونها الباكية حتى هتف قائلا:

-لا حول ولا قوة الا بالله انت عملت فيها ايه

هتف المصطفى الفي غضب:

-وانت مال أهلك انت .. مراتى وأنا حر فيها .. يلا امشى من هنا

قالت" ياسمين" للرجل باكيه:

-أرجوك مشيني من هنا. أنا عايزة أورح لأهلى .. لو فضلت هنا هيموتنى

صرخ "مصطفى" فيها قائلا:

امشي ادخلي جوه

نظرت الى الرجل مستجديه اياه ودموعها تختلط بالدماء على وجهها:

-أرجوك امسكه لحد ما أمشي .. أنا عايزه أروح لأهلى اشتعل غضب الرجل وأمسك" مصطفى" وطوقه بذراعيه قائلا لـ "ياسمين: " استعل غضب الرجل وأمسك" مصطفى" وطوقه بذراعيه قائلا لـ "ياسمين: " امشي بسرعة .. وروحى على أى مستشفى اعملي تقرير طبي باللى حصلك التفت اليه "مصطفى" ليتعارك معه لكن الرجل كان قوى البنية فلم يستطع تخليص نفسه من قبضة ذراعيه .. أسرعت "ياسمين "بهبوط الدرج متحملة ما بها من آلام .. سمعت الرجلين يتعاركان معا فأسرعت الخطى ووجدت سيارة أجرة أمام البيت .. يهم بالانصراف فنادته وركبت بسرعة وهى ترتجف .. نظر الرجل اليها في لوعه قائلا:

-لا حول ولا قوة الا بالله ايه اللي عمل فيكي كدة يا بنتي

قالت بصوت مبحوح من شدة الصراخ و البكاء:

الو سمحت وديني علي أي مستشفى

انطلق الرجل فى طريقة وهو يرمقها فى المرأة بنظرات التعاطف والأسى ..وصلت "ياسمين" الى المستشفى ونزلت من السيارة بصعوبة شديدة .. بعد الفحص أخذت تقريرا مفصلاً بالإصابات التى لحقت بها .. وأسرعت بإيقاف سيارة أجرة وتوجهت من فورها الى قسم الشرطة لكى تثبت واقعة الأعتداء بالضرب .. نظر الضابط الى وجهها والإصابات التى لحقت به وطلب منها الجلوس .. جلست وعلامات الالم مرسومة على وجهها وقالت بصوت مبحوح:

لو سمحت عايزة أقدم شكوى

-ف*ی* مین ؟

-جوزی

-هو اللي ضربك كده

بكت في صمت وأطرقت برأسها قائله:

-أيوة

وأخرجت التقرير الطبي وأعطته له .. استمع الضابط لشكواها وكتب محضراً بالواقعة وأعطاها رقم المحضر ونصحها بالبحث عن محامى جيد فى حال ما اذا أرادت رفع قضية بالخلع .. وكان هذا هو ما تنويه "ياسمين "بالفعل .. لن تعود الى هذا الكائن المنعدم الرجوله مرة أخرى .. خرجت من قسم الشرطة لا تدرى أين تذهب .. أتذهب الى والدها ؟ .. فكرت كثيرا وخافت أن يجبرها والدها على العودة الى زوجها مرة أخرى .. فتجهت الى أقرب صديقه اليها .. "سماح"

شعرت ''سماح'' بالصدمة عندما فتحت الباب ورأت صديقتها بهذا الشكل وهتفت قائله: '' -ياسمين'' مالك في ايه .. مين عمل فيكي كده ؟

كانت "ياسمين" لا تجد فى نفسها القدرة على الحديث ولا على الوقوف .. ساعدتها "سماح" وأخذتها الى غرفتها .. أقبلت والدة سماح وتفحصت جروحها وندوبها وكدماتها وجلستا تستمعان لما ترويه عليهما وملامح الأسى والألم تعلو وجهيهما .. ذهت والدة "سماح" لتعد شئ ساخن ليهدئ أعصابها وأعطته لها بعدما دخلت فى الفراش ودثرتها "سماح" بالغطاء وجلست بجوارها ترمقها بنظرات التعاطف والشفقة وعينيها تمتلآن بالدموع ..تركت "ياسمين"

الكوب من يدها على الكودينوا وقالت ل "سماح: "

-أنا عايزة أتوضا يا "سماح" عايزة أصلى

العثيا؟

-لأ صليت العشا .. بس حسه انى عايزة أصلى

-طیب یا حبیبتی ارتاحی دلوقتی

قالت وهي على وشك البكاء:

-لأعايزة أصلى .. حسه انى مخنوقة ومش قادرة آخد نفسي .. الصلاة هتريحنى ساعدتها لتنهض وتتوضأ ثم عادت وجلست على الفراش فلن تتمكن أبداً من الصلاة واقفة تركتها السماح! وخرجت وأغلقت الباب .. كانت تأتى بوضع السجود الصحيح فتضع جبهتها على الأرض وتتضرع الى الله باكية أن يفرج كربها ويخرجها مما هى فيه .. دخلت عليها السماح!! بعد فترة لتجدها جالسه فى وسط الفراش ومتدثره بالغطاء اقتربت منها وجلست بجوارها وقالت:

-مش هتطمنی باباکی علیکی یا "یاسمین" .. زمانه قلقان دلوقتی .. و "ریهام" کمان - کلمیهم انتی یا "سماح" أنا مش قادرة أتكلم مع حد

مسحت "سماح" بكفها على كف "ياسمين" وقالت:

ماشي يا حبيبتي هكلمهم أنا وأطمنهم عليكي

قالت "ياسمين" في أسف:

-أنا اسفه یا" سماح" بس ملقتش مكان تانی أروحه .. وخفت أرجع البیت بابا یصر انه يرجعنی له تانی

-انتي بتقولي آيه .. بطلي كلام عبيط .. انتي عارفه اننا اكتر من الاخوات

ربناً يخليكي يا "سماح" .. وعشان كدة هطلب منك طلب .. أنا عايزاكى تشوفيلى رقم محامى كويس

-انتى ناويه ترفعى قضيه ؟

-أيوة مش ممكن أعيش معاه لحظة واحدة بعد كدة .. وأنا واثقه انه مش هيرضى يطلقنى -طيب يا حبيبتى حاضر .. لو كان بابا هنا كنت سألته بس هو مسافر بره وزمانه نايم دلوقتى عشان فرق التوقيت هكلمه بكرة ان شاء الله وكمان هخلى ماما تكلم "أيمن" وتسأله على محامى كويس

نظرت اليها "ياسمين" برجاء:

" -سماح" أرجوكي خليها تكلمه دلوقتي أنا عايزة رقم المحامي دلوقتي .. أنا خايفه أوى .. أنا عايزة أبتدى القضية في اقرب وقت

امتثلت "سماح" لطلب صديقتها التي كانت في حاله يرثى لها .. قالت لها:

طیب یا حبیبتی متقلقیش هخلی ماما تکلمه دلوقتی

ـتسلمي يا "سماح"

رن جرس هاتف "أيمن" فنهض واستأذن من صديقيه قائلاً:

-ثوانی وراجع

وقف خارج المطعم يتحدث مع والدة " سماح " .. وبعد فترة رجع الى صديقيه وسألهما قائلا:

```
رد "عمر" قائلا:
                                                                   -أستاذ شوقى ؟
                                       -آه أستاذ شوقی .. ياريت تديني رقمه يا "عمر"
                                   -خير يا "أيمن" لو في مشكله قولى وأنا أحاول أحلها
                                         الأدى مش مشكلتى أنا دى مشكلة الياسمينا
                                                             قال "عمر" باستغراب:
                                                                 " -ياسمين" مين ؟
                                                                 تنهد "أيمن" قائلا:
ـدى أقرب صديقه لـ "سماح" .. تصور جوزها الحيوان خانها بعد شهر واحد جواز ومش بس
                                                                 كده ضربها وبهدلها
                                                                      قال "كرم: "
                                   -لا حول ولا قوة الا بالله .. ده ايه البنى آدم الزباله ده
                                                           قطب "عمر" جبينه قائلاً:
                                                         وهي عايزه المحامي ليه ؟
                                                                 -هترفع قضيه خلع
                                                            -هو مش عايز يطلقها ؟
                               -معرفش بس أكيد مش راضى وعشان كده هترفع القضية
                          أسرع "عمر" بإخراج هاتفه وأعطى صديقه رقم المحامى قائلا:
-خليها تطمن أستاذ "شوقى" محامى ممتاز لو مكنتش كدة مكناش عيناه في الشركة عندنا هو
                                            اللى ماسك كل المسائل القانونية في الشركة
                                                         أطرق قليلا ثم استطرد قائلا:
                                                     ان شاء الله تخلص منه بسرعة
                                                 قال "أيمن" وهو يرسل رسالة بالرقم:
                                                     *******
       اتصلت "سماح" باريهام" وقصت عليها ما حدث لأختها فأسرعت بالذهاب الى بيت
"سماح" مع أبيها ويمجرد أن خرجت لوالدها بهذا الشكل انفجر باكيها وضمها الى صدره قائلا
                                   -سامحيني يا بنتى .. سا محيني أنا اللي جنيت عليكي
                                               قالت "ياسمين" والدموع تغرق وجهها:
                         مش عایزه ارجعله تانی یا بابا .. ارجوك .. مترجعنیش لیه تانی
                                                    نظر اليها والدها قائلا بحزم شديد:
                                                متخافیش مش هیطول ضفرك بعد كده
                  ثم عانقها مرة أخرى وأخذ يقبل رأسها وهو يشعر بمزيج من الألم والندم.
```

اجتمعت "ياسمين" ووالدها مع المحامى الأستاذ "شوقى" في مكتبه لبحث تفاصيل القضية ..

-متعرفوش محامي كويس ؟ .. كان في محامي كويس في الشركة عندكوا اسمه ايه ؟

فقال المحامي مطمئناً اياها:

-متقلقيش يا مدام "ياسمين" .. أحسن حاجة عملتيها هو التقرير الطبي والمحضر اللى اتعمل في نفس اليوم اللي حصلت فيه واقعة الضرب

قالَّت 'اياسمينُ'' والأمل يدب في أوصالها:

يعنى يا أستاذ 'اشوقى' القاضى هيحكملى بالخلع؟

اليوة ان شاء الله أنا متفائل ده طلاق للضرر ولإستحالة العشرة بينهم

قال والد "ياسمين" يشكره:

-ربنا يباركك ويجزيك عنا خير

ثم أردف المحامي قالاً:

-لازم تعرفى يا مدام "ياسمين" انك هتتنازلى عن جميع حقوقك المالية والشرعية وهي مؤخر الصداق ونفقة العدة ونفقة المتعة إضافة إلى ردك مقدم الصداق اللى أخذتيه من الزوج أسرعت "ياسمين" قائله:

مفيش أى مشكلة هتنازله على كل حاجة المهم أطلق منه

-تمام كده يبقى على بركه الله هنبتدى في اجراءات القضية من النهاردة ان شاء الله

-ان شاء الله .. بس ممكن أعرف هو الموضوع ده هياخد وقت أد ايه ؟

-على حسب القاضى اللى هيحكم وعلى حسب القضية نفسها بس متخفيش ان شاء الله تخلص من أول جلسه

يارب ان شاء الله

خرجت "باسمين" بعدما طمأنها المحامى بأن القانون والشرع في صفها ان شاء الله

-ماما , بابا .. أنا عايز أعرفكوا ان الفترة الجايه أنا حابب أكون فى المزرعة نطق العبارة ووجها لوالديه وهم يجلسون معاً فى حديقة الفيلا يحتسون أقداحاً من الشاي .. قالت والدته:

-خير حصل حاجه تاني يا "عمر" .. مش خلاص مشكلة المحصول انتهت

-أيوة انتهت الحمد لله .. بس بصراحه حابب أغير جو حاسس انى مخنوق شوية .. ومحتاج فترة نقاهه

نظرت "كريمة" الى ابنها بأسي قائله:

موضوع "نانسي" برده

-لا يا ماما أنا خلاص شلتها من تفكيري تماما .. بس محتاج فعلا أعد فترة في المزرعة .. انتى عارفه انى برتاح جدا هناك .. ده أكتر مكان بحس فيه انى مرتاح ومفصول عن الدنيا ومشاكلها سأله والده قائلا:

وشغلك اللي هنا

-البركة في حضرتك وفي "كرم" وباقى أعضاء مجلس الادارة وكمان أنا هتابع الشركة من هناك بإستمرار

```
-خلاص اللي تشوفه يا ابنى قالت "كريمة" بقلق:
طيب ودراعك
رفع "عمر" ذراعه الموضوع في الجبيره قائلا:
ماله دراعي لسه معاد فك الجبس مجاش وعامة في دكاترة هناك كويسين جدا
-خلاص ماشي بس ابقى طمنا عليك بإستمرار
ابتسم قائلا:
-أكيد طبعا .. وانتوا لو حبيتوا تغيروا جو أنا مستنيكوا
قالت "كريمة" بمرح:
-أكيد طبعا يا باشمهندس هو انت فاكرني هقدر أبعد عنك وأسيبك هناك لوحدك ولا ايه .. شوية
كدة و هتلاقيني طابه عليك
-خلاص وأنا في انتظارك
```

اللي فاتت رن جرس هاتف "عمر" فرد قائلاً:

-ألو .. ازيك يا "أيمن"

-تمام الحمد لله ازيك انت يا "عمر"

بخير الحمد لله

-بص بأه أنا بتصل بيك عشان أعزمك على فرحى لاننا خلاص حددنا المعاد

ضحك "عمر" قائلاً:

بتهرج .. أخيراً

محسسنى انى كنت قاعد على قلبك

- لا مش قصدى .. أنا أقصد ان واحد من شلتنا المنحوسه دى اتفك نحسه وخلاص هيتجوز

-آه يا سيدى عقابلك انت و المنحوس التانى "كرم" ان شاء الله

-يدينا ويديك طولة العمريا "أيمن"

ليه ناوى تتجوز في الخمسين ولا ايه

- لا أبوس ايدك متكلمنيش دلوقتي في الجواز أنا مقفول منه أفله طين

-بكرة أفرح فيك وانت واقع لشوشتك انت و "كرم"

ابتسم "عمر" قائلا:

- لا أنا مش متفائل زيك .. بس سيبك منى قولى امتى الفرح

حجزنا خلاص القاعة وان شاء الله الفرح بعد عشر أيام

-بجد ألف ألف مبروك فرحتيني جدا .. وأنا اللى كنت ناوى أجيلك على المزرعة من بكرة .. خلاص هأجلها ان شاء الله

-آه أبوس ايدك أنا لوحدى وملبوخ آخر لبخة.

ـشقتك في المنصورة مش كدة

ايوة وخلاص ظبطت الدنيا هناك باقى بس وضوع الفرح اللي مش عارف فيه راسي من رجلي

- لا تقلقش أنا و "كرم" معاك ان شاء الله

-تسلم يا "عمر" وده برده العشم .. آه على فكرة كتب الكتاب هيكون كمان 3 أيام ان شاء الله

```
مش هتكتبوه يوم الفرح
```

-لا هنكتبه بعد 3 أيام يعنى قبل الفرح بإسبوع

-طيب تمام على خيرة الله .. شوف هتيجي القاهرة امتى عشان ننزل نظبطلك البادله وموضوع المأذون

-ان شاء الله بكرة هكون في القاهرة

-خلاص في انتظارك ان شاء الله

ـسلام

ـسلام

ابتسمت والدة "عمر" قائله:

" ـأيمن" خلاص هيتجوز

-أيوة كتب كتابه بعد 3 أيام وفرحه كمان 10 أيام ان شاء الله

-ربنا يتممله على خير الواد ده ابن حلال ويستاهل كل خير

ثم نظرت لـ "عمر" نظره ذات معنى قائله:

عقبال اللي في بالي

تجاهل "عمر" ما قالت واشاح بوجهه وشرد قليلا. أخذ يفكر هل من الممكن أن يثق فى فتاة مرة أخرى ؟ هل من الممكن أن يسمح لنفسه بأن يقع فريسة لعواطفه مرة أخرى ؟ هل من الممكن أن يسمح لنفسه ؟ .. لكن ظلت هذه الأسئله فى رأسه بلا اجابه

كانت "ياسمين" جالسه في مكتب المحامي مع والدها عندما هتفت قائله:

-ازای یعنی ؟

قال المحامى:

زى ما بقول لحضرتك .. "مصطفى" طلبك فى بيت الطاعة وطلب من المحكمة انذار للطاعة والتهمك بالنشوز

وقع قلب "ياسمين" في قدمها .. وابتلعت ريقها بصعوبة قائله:

طيب ودلوقتي ايه اللي هيحصل .. هيرجعوني له غصب عني

ابتسم المحامي قائلاً:

-لا متقلقيش .. الحمد لله انك كنتى أسرع منه بخطوة

-یعنی ایه

-يعني طلب الخلع والطلاق للضرر اللى قدمتيه .. أوقف طلبه ليكي فى بيت الطاعة لأنك بتدعى استحالة العشرة بينكوا فالقاضى وقف القضية التانيه واللى رفعها زوجك لحين البت فى قضيتك انتى .. فهمتيني يا مدام الياسمين "

تنهدت الياسمين الفي ارتياح قائله:

-أيوة فهمت حضرتك .. يعني ميقدرش يقدم الطلب ده الا بعد ما القضية اللى أنا رفعاها يتحكم فيها

ابتسم قائلاً:

- -بالظبط كده
- -الحمد لله .. طيب وهنعمل ايه دلوقتي
- -عايزك تكونى مستعدة للمثول أمام القاضى وتقديم شكواكى .. وخلى بالك ان ممكن المصطفى الله عليكي فعايزك تكونى المصطفى المتبلى عليكي فعايزك تكونى مستعدة لأى كلام هتسمعيه وتكونى قوية فى الرد على كل اتهاماته
 - اتهامات زی ایه مثلا ؟
 - -للأسف كتير من الأزواج معدومى الضمير بيلجأوا للكذب عشان القاضى ميحكمش بالخلع ممكن مثلا يتهمك في عرضك مثلا. أو انك تعرفى حد تانى وده سبب طلبك للطلاق .. أو.. قاطعته "ياسمين" بسرعه:
 - -لا ميقدرش
 - سألها مستفهما:
 - لیه میقدرش
 - أطرقت "ياسمين" برأسها في خجل قائله:
 - -عشان أنا في حكم المكتوب كتابها
 - صمت لحظات ثم استوعب ما قالت واتسعت ابتسامته قائلا:
 - -أيوة أنا عايزك كدة مطمنة وواثقه من نفسك خاصة وانتى بتتكلمى أدام القاضى .. وكمان عشان أطمنك زيادة جاركوا اللى شاف اللى حصل واللى أنقذك من زوجك قالت بلهفه:
 - -ماله ؟
 - -ان شاء الله وعدنى انه هيشهد معانا فى القضية يعني مفيش فرصة أبدا أدام' مصطفى' للكذب أو انه يقول انك وقعتى على السلم مثلا وده اللي سبب اصابتك .. لأن معانا شاهد فى القضة
 - تنفست "ياسمين" الصعداء مردده:
 - -الحمد لله .. اللهم لك الحمد
- خرجت هذه المرة من مكتب المحامى وقلبها يقفز فرحاً .. أخيراً ستتخلص من ذلك المدعو زوجها .. نظرت الى يدها والتى احتوت دبلة زواجها وأخرجتها وظلت تنظر الى يدها الفارغة والابتسامه تعلو شفتيها ثم وضعت الدبلة فى جيبها وانطلقت عائدة الى بيت والدها .. بيتها..
 - ********
- جلست "ياسمين" مع "سماح" في غرفة هذه الأخيره .. وقالت "ياسمين: " -شوفتي يا "سماح" كان عايز يطلبني في بيت الطاعة .. يعني مش مكفيه اللي عمله فيا .. لأ وكمان عايزني أعيش معاه غصب عنه
 - قالت "سماح" بقرف:
 - -أعوذ بالله .. هو في رجاله كده .. عايزك ازاى تعيشي معاه غصب عنك ازاى هيكون بينكوا حياة طبيعية وانتى مش طيقاه
- -هو مش همه ان يكون في حياة طبيعية بينا .. هو همه بس انه يذلني ويجيب مناخيري الأرض

ثم قالت بأسى:

-أنا مش عارفه أنا عملت فيه ايه عشان يعمل فيا كده .. مشفش منى حاجه وحشه عانقتها صديقتها قائله:

-بكرة تخلصى منه خالص وتنسى انه دخل حياتك أصلا

ثم نظرت اليها قائله وهي تبتسم:

-بس أهم حاجه انك لسه زى ما انتى شكل ده اللي مجننه

ضحكت "باسمين" قائله:

-وده اللى مصبرنى ومخليني لسه محتفظه بشوية عقل فى راسى والاكان زمانى اتجننت صمتت قليلا ثم قالت:

-فعلا وعسى أن تكرهوا شيئا وهو خير لكم .. تعرفي ان حادثة العربية هي السبب

قالت "سماح" بإستغراب:

الحادثة اللَّى حصلتك قبل فرحك

-أيوة .. لولا الحادثة كان الفرح تم فى معاده .. عارفه أنا دلوقتى مستشعره قول النبي صلى الله عليه وسلم (عجبا لأمر المؤمن إن أمره كله خير وليس ذاك لأحد إلا للمؤمن ، إن أصابته سراء شكر فكان خيرا له وإن أصابته ضراء صبر فكان خيرا له (

فعلا سيحان الله

ـوعشان كده أنا حسه انى مطمنه ومش قلقانه وعارفه ان آخرة المشاكل دى كلها أكيد ربنا هيعوضنى .. مش ربنا بيقول "وَبَشِّرِ الصَّابِرِينَ" أنا مستبشره خير

ابتسمت لها "سماح" قائله:

وأنا كمان مستبشره خير ان شاء الله ..

قالت "سماح" بجدیه:

-اسمعی بأه مش عایزین نجیب سیرة اللی اسمه "مصطفی" ده تانی أنا لما بسمع اسمه بیرکبنی ملیون عفریت

قال لها "ياسمين" بخبث:

طيب واسم "أيمن"

ابتسمت قائله:

" -أيمن" .. هو في زى "أيمن" وطيبة "أيمن" وحنية "أيمن" وخفة دم "أيمن

ضحكت "ياسمين" قائله:

حيلك حيلك نحن هنا

-بجد يا "ياسمين" أنا حسه ان هو ده الإنسان اللي فعلا أتمنى ان يكون زوج ليا حسه اننا شبه بعض في حاجات كتير

انتی بنت حلال یا ''سماح'' وتستاهلی کل خیر

ثم أضافت في حزن:

-بس أكتر حاجة تعبانى انك هتبعدى عنى مش متخيله انى مش هعرف أشوفك وقت ما أنا عايزه -ودى فعلا الحاجة الوحيده اللي مضايقانى فى سفرى انى هبعد عنك انتى وماما وبابا مش عارفه ازاى هعيش فى بلد غريبة لوحدى

هونت عليها "ياسمين" قائله:

- -مش لوحدك يا بنتى "أيمن" معاكى وانتوا الحمد لله متفاهميش وكمان أكيد هتيجى زيارات أكيد طبعا ان شاء الله
 - -ها قولیلی جهزتی لبسك وكل حاجتك
 - -أيوة كله تمام بابا جابلي فستان جميل أوى معاه وهو جاى استنى أوريهولك

قفزت "سماح" تخرج الفستان من خزانتها لتريه لصديقتها في مرح .. كانت" ياسمين" سعيدة للغاية لرؤية "سماح" سعيدة وفرحه بهذا الشكل ودعت ربها أن يديم عليها فرحها وهناءها

جاء موعد الزيارة التى تأجلت كثيراً .. نعم زيارة 'اوائل'' ووالده ووالدته لبيت 'اريهام'' وطلب يدها .. صدمت 'اريهام'' عندما رأت 'اوائل'' وتذكرت ملاحقته لها فى الكلية .. كانت جالسه فى صمت تستمع لما يدور حولها من أحاديث وتركز أكثر كلما تحدث 'اوائل'' تحاول استكشاف شخصيته .. ثم تركوها معه بمفردها وجلسوا فى مكان آخر لا يبعد كثيرا عنهما مثلما فعلوا مع 'اياسمين 'او'' مصطفى'' .. ران صمت طويل لم تقطعه هى وانتظرت أن يبدأ بالكلام لكن يبدو أن انتظارها سيطول حانت منها اتفاته اليه لتجده يتصبب عرقا ومرتبك ربما أكثر منها قالت فى نفسها (يا حلاوة ده مكسوف أكتر منى) ..قطعت هذا الصمت قائله:

ممكن أسأل حضرتك سؤال

ازداد ارتباكه قائلا:

-اتفضلی

ليه حضرتك اخترتنى أنا بالذات

ابتسم والتفت اليها قائلا:

-بصراحة لما مرضتيش تكلميني في الكلية أنا روحت حكيت لماما وقالتي ان انتى بنت مؤدبة وعشان كدة أنا اخترتك

قالت في نفسها (آآآه ماما .. قسم واشجيني (

-طيب ايه مواصفاتك في البنت اللي عايز ترتبط بيها

ارتبك وتنحنح كثيرا قم قال:

-يعني تكون مؤدبة وكويسة

ـبس كدة ؟ مؤدبة وكويسة ؟

-لا وتكون كمان بتعرف تطبخ

لكنه أسرع قائلا:

-بس عادى لو مبتعرفيش تطبخى ماما تعلمك .. ماما بتعرف تطبخ حلو أوى .. أنا بموت فى أكلها

) عليك وعلى أمك في يوم واحد يا بعيد (..

طيب حضرتك ممكن تقولى ايه هي عيوبك اللي شايفها في نفسك

استغرب قائلا:

-عيوبي ؟

-أيوة عيوبك

- يعنى .. أنا ممكن أكون طيب زيادة عن اللزوم

- يعنى ايه طيب زيادة على اللزوم
- مش عارف بس ماما دایما بتقولی کده
-) -امشی اطلع بره یا ابن ال تیییییییییت(
- ُطيب حضرتك موافق انى أشتغل لما اتخرج ولا بترفض الشغل
 - احتار قليلا ثم قال:
- -لأ مش رافض الشغل طبعا لأن ماما بتشتغل ومع ذلك هي ست عظيمة جدا
-) كفاااااااية كفاااااااااية هو أنا هتجوزك انت ولا هتجوز أمك .. مين شال الشبشب من هنا (استأذنت قائله:
 - طيب بعد اذنك
- ذهبت حيث يجلس والدها وأهل "وائل" فعلموا ان حديثهما انتهى .. تبادلوا عبارات المجاملة وأعطوها مهلة لتفكر وأخبروها أنهم منتظرون ردها .. قبل أن يغادر "وائل" التفت اليها قائلا وهو مرتبك:
 - -ممكن بعد اذنك يا انسه "ريهام" آخد رقمك .. يعني أقصد عشان نتعرف ببعض أكتر
 -) حد یشیل الواد ده من أدامی یا اما هرتکب جنایه (
 - قالت ببرود:
 - -لا مش ممكن .. شرفتنا يا أستاذ "وائل"
 - بمجرد أن رحلوا التفت والدها الهيا قائلا:
 - -ها ایه رأیك یا "ریهام" أظن الراجل میتعیبش
 - قالت بدهشة:
- -راجل .. هو فین الراجل ده .. أنا شوفت راجل كبیر وست كبیرة ومعاهم كائن هلامی مقدرتش أحدد كینونته بصراحة
 - قال والدها بعدم فهم:
 - مش فاهم تقصدی ایه ؟
 - بابا أنا مش موافقة تماما على الكائن اللي اسمه "وائل" ده
 - -ليه يا بنتى ده الجدع طيب وابن حلال وظروفه كويسه وكمان شغله مضمون فى شركة أبوه وشقته موجودة
 - قاطعته قائله:
- مش ده كل حاجه يا بابا فى حاجات كتير أهم من ان العريس يكون جاهز وعنده شقة ويبقبض مرتب كويس .. والحاجات دى أنا ملقتهاش فيه اطلاقا
 - قال والدها بشئ من الحزم:
 - بس الولد شریکی یا بنتی وکمان...
 - قاطعته قائله:
 - -بابا انت عايز تعمل معايا زى ما عملت مع "ياسمين" ؟
 - بهت الأب وصمت فأكملت قائله:
- -غصبتها انها تتجوز واحد هي مش مرتحاله بس لمجرد انه جاهز وعريس مناسب من وجهة نظر حضرتك
 - أطرق الأب وقد دمعت عيناه وظهر على ملامحه الأسى:
 - معاكى حق يا بنتى .. أنا اللي جنيت على بنتي

اقتربت منه "ريهام" وقد ندمت على ما تفوهت به:

-أنا اسفه يا بابا مكنش قصدى والله .. حقك عليا

نظر اليها والدها قائلا:

-اسمعی یا "ریهام" أنا مش ممكن أغلط نفس الغلطة مرتین لو مش مرتحاله یا بنتی خلاص یغور فی داهیة

ايوة يا بابا مش مرتحاله

-خلاص یا حبیبتی متشلیش هم

عانقته "ريهام" قائله:

ربنا يخليك ليا يا بابا .. ومتقلقش ان شاء الله "ياسمين" هتخلص من اللى اسمه "مصطفى" في اقرب وقت

-على الله يا بنتى .. على الله

تحدد ميعاد استماع القاضى لشكوى "ياسمين" وبالطبع سيتواجد "مصطفى" للرد على ما تقدمت "ياسمين" فى حقه .. حزنت عندما علمت أنه فى نفس يوم كتب كتاب" سماح" لكن المحامى طمئنها بأنه اجراء روتيني ولن يأخذ وقتاً .. كانت تثق فى المحامى الى حد كبير وكان يبث فيها دائما روح التفائل والأمل .. وفى الموعد المحدد شعرت بالكثير من الارتباك والتوتر وهى تعبر أروقة المحكمة مع المحامى .. فهذه هى المرة الأولى التي سترى فيها "مصطفى" من بعد تلك الليلة التى اعتدى عليها فيها بوحشية .. ظلت تستغفر ربها وترجوه أن يهون عليها ما هى فيه .. ثم رأته أمامها قادم فى اتجاهها مع محاميه خفق قلبها بشدة وودت الهرب من أمامه .. كان يوجه اليها نظرات شرسه والحقد يملء عينيه .. أشاحت بوجهها عنه فهى لا تريده أن ينجح فى توتر أعصابها .. حان الموعد ودخلت مع محاميها ومع "مصطفى" ومحاميه ووقفوا جميعاً أمام القاضي .. طلب منها القاضى شرح ما تقدمت به فى شكواها قصت عليه كل ما حدث منذ أن علمت بخيانته وحتى ضربه لها .. تعمدت ألا تنظر الى "مصطفى" ولذلك كانت ما حدث منذ أن علمت بخيانته وحتى ضربه لها .. تعمدت ألا تنظر الى "مصطفى" ولذلك كانت تحدث بقوه وثقه .. بعدما أنهت حديثها شعرت بصدرها يعلو ويهبط بسرعة وكأنها انتهت من سباق للعدو .. وجه القاضى سؤاله الى "مصطفى" قائلا:

-سمعت یا " مصطفی" شکوی زوجتك ضدك .. ایه ردك علی كلامها ؟

حانت من "مصطفى" التفاته الى "ياسمين" قبل أن يتحدث فالتقت نظراتها الواثقه بنظراته المتحدية ونظر الى القاضى قائلا:

-أنا بنفى كل اللي هي قالته يا حضرة القاضي

شعرت "ياسمين" بالتوتر لكنها تذكرت كلام المحامى بأنه من المتوقع أن يلجأ زوجها للكذب قاله له القاضي:

- يعني انت مضربتهاش ؟

قال "مصطفى: "

الأضربتها بس مش للسبب اللي ذكرته

-أمال ضربتها ليه ؟

-عشان لما كنت مسافر عرفت انها كانت على علاقة بواحد تانى طول فترة سفرى

شعرت "ياسمين" وكأن صاعقة ضربت برأسها .. التفتت الى "مصطفى" فى حده قائله:

نظر اليها بسخرية ثم وجه حديثه الى القاضى قائلا:

ده اللى وصلنى عنها وأنا مسافر كانت بتستغل سفرى عشان تقابل حبيبها فى بيتي .. ولما عرفت اتجننت طبعا وضربتها بدون ما أحس بنفسى

تساقطت العبرات على وجنتيها وهي تشعر بالقهر والظلم ووجهت كلامها اليه قائله:

اتقى ربنا .. ده قذف محصنات .. مش خايف من عقاب ربنا ؟

-بلاش دموع وتمثيل انتى عارفه كويس انى مش كداب والقاضى هيجبلى حقى منك لم يكن هدف المصطفى الله من هذا الادعاء هو الاطاله والمماطله فى هذه القضية .. وهنا تدخل محامى الياسمين القائلاً:

حضرة القاصى احنا بنرفض الادعاء اللى وجهه زوج موكلتى وبطالب بإجراء كشف عذريه وكمان هنرفع دعوة سب وقذف وتشهير بسبب الكلام اللى وجهه ليها دلوقتي وجه القاضى حديثه الى المصطفى "قائلا:

عندك شهود بكلامك ده؟

اليوة عندى طبعا .. أمى ربنا يخليهالى

ابتسمت "ياسمين" بسخرية وهي تقول في نفسها (حسبي الله ونعم الوكيل فيكوا انتوا الاتنين(انتهت المقابلة بعد تحديد معاد أول جلسه والسماع الى الشهود من الطرفين

خرجت "ياسمين" من المحكمة وأسرعت بإيقاف سيارة أجرة وذهبت الى منزل "سماح "التى وعدتها بأن تساعدها فى هذا اليوم .. كانت تتحرك بآليه وهى غير مدركة لكل ما يدور حولها .. كانت تشعر بالقهر والظلم .. لم تكن تدرى كيف يستطيع شخص مثل "مصطفى" أن يدعى ما ادعاه دون أن يخاف الله .. كيف يأمن مكر الله .. يكف ينام ملء جفونه وهو ظالم لعبد من عباد الله .. كيف لا يخشى ما أعده الله من العذاب لقاذف المحصنات .. أى رجل هذا الذى تزوجته .. بل أى ذكر وليس كل ذكر رجل .. حاولت نفض كل ذلك من رأسها وحاولت الإندماج مع ما يحيط بها من جو مبهج

كانت 'اسماح'' تبدو كأميرة صغيره ووجهها يشع نوراً وأضافت ضحكاتها الصافية على وجهها المزيد من التألق .. حان موعد كتب الكتاب .. كانت 'اياسمين'' في المطبخ تعد صواني التقديم وترص ما بها من أطباق .. صممت طوال اليوم أن تهتم هي بأمور المطبخ وبإنجاز ما يحتاجونه من أعمال لتصرف ذهنها عن التفكير في'' مصطفى'' وقضيتها .. سمعت في الخارج الزغاريد بعدما حضر المأذون .. ابتسمت لا شعورياً وهي تتخيل فرحة صديقتها الآن .. دخلت 'اريهام'' الى المطبخ وسحبتها من ذراعها قائله:

-سيبك من اللي بتعمليه ده دلوقتي وتعالى هيكتبوا الكتاب

خرجت "ريهام" مسرعة وهى تسحب "ياسمين" خلفها .. أزاحتا طرف الستارة التى كانت تفصل بين الردهة وبين الصالون .. ابتسمت الفتاتان ونظرتا الى بعضهما البعض .. كانت "سماح" ترسم على وجهها ابتسامة صغيره تشى بما يعتمل داخل قلبها من فرحة .. حانت التفاته من "سماح" فتلاقت نظراتها مع نظرات "ياسمين" واتسعت ابتسامتها حركت "ياسمين" شفتيها بدون صوت قائله:

```
مبروك
```

فهمت "سماح" ما قالت فحركت شفتيها هي الأخرى قائله:

عقبالك

بدأ المأذون فى بدء مراسم العقد .. كان الحاضرون نفر معدودون على الأصابع .. والد "سماح" ووالدتها وعمها واثنان من خالاتها وبالطبع "ريهام" و" ياسمين" أما من طرف العريس صديق والد "أيمن" منذ الصغر و "كرم" و بالطبع "عمر"

..كانت نظرات "ياسمين" مصوبه على "سماح" .. الابتسامه تعلو شفتيها بدأت المراسم وانتهت بجملة (قبلت زواجها (

تذكرت "ياسمين" تلك الجملة وهى تسمعها من فم "مصطفى" يوم عرسها فأعادت تلك الذكرى المزيد من الشجون اليها فالتفتت لتهرب الى المطبخ لتخفى دمعه كادت أن تسقط من عينيها ... كان شهود العقد هما "عمر" و عم "سماح" .. تعالت الزغاريد مرة أخرى..

دخلت والدة السماح االمطبخ وقالت ل الياسمين: ال

" ـ سمسم" كفاية انتى تعبتى أوى النهاردة أنا و"ريهام" هنقدم الحاجة اعدى انتى ارتاحى ابتسمت "ياسمين" اليها قائله:

-متقولیش کدة یا طنط والله أنا فرحانه جدا ل "سماح" ومن فرحتی مش عارفه اعمل ایه ولا یه

ربتت والدة "سماح" على ظهرها قالئه:

-يا حبيبتى .. ربنا يخليكوا لبعض ويرزقك بإبن الحلال اللي يعوضك

اختفت ابتسامة "ياسمين" وحاولت تغيير الموضوع قائله:

حضرتك خدى الصنية بتاعة الرجالة قدميها وأنا هقدم الصنية التانية للستات

طیب یا حبیبتی هاتیها تسلم ایدك

تناولت أم "سماح" الصنية من "ياسمين" وخرجت لتقديمها الى الضيوف .. رآى" عمر" والدة "سماح" وهي تهم بتقديمها فأسرع يأخذها منها وابتسم قائلا:

-عنك يا طنط

ابتسمت له والدة "سماح" قائلا:

-تسلم .. انت صاحب "أيمن" مش كدة

-أيوة تقدري تقولي احنا اكتر من الاخوات

-ربنا يخليكوا لبعض نخدمك يوم فرحك ان شاء الله

۔متشکر

قام "عمر" بتقديم الجاتوه والمشروب الى الرجال

.خرجت "ياسمين" ورائها واتجهت حيث تجلس النساء وقدمت اليهن ما تحمله .. وعندما اقتربت من "سماح" ابتسمت كلتاهما للأخرى .. أشارت لها "سماح "بالاقتراب فاقتربت منها "ياسمين" فقالت لها:

-باركيلى بقيت مودام

ضحكت "ياسمين" قائله:

-مبروك يا مودام .. عقبال ما أشوفك في الفستان الأبيض ان شاء الله

انتهى "عمر" من مهمة التقديم فالتفت ليضع الصنية في مكان ما أو يعطيها لشخص ما .. رأى فتاة تحمل صنية التقديم الفارغة وتتوجه الى المطبخ فأوقفها ومد يده بالصنيه التي يحملها قائلا

الو سمحتی خدی دی معاکی مش عارف أحطها فین

التفتت "ياسمين" تجاهه دون أن تنظر اليه .. عقد "عمر" ما بين حاجبيه وهو ينظر اليها متذكراً اياها .. نعم انها هي .. الفتاة التي صدمها بسيارته منذ فترة .. تفرس فيها ليتأكد من أنها هي نفسها .. أيقن أنه لم يخطئ هي نفسها تلك الفتاة التي صدمها وتسبب في كسر ساقها .. أخذت "ياسمين" منه الصنية دون أن تنظر اليه

أعادت كلتاهما الى المطبخ ثم خرجت مرة أخرى لتجلس على أحد المقاعد في هدوء .. استعادت ذكريات المحكمة مرة أخرى .. كانت تهرب من تلك الذكرى طوال اليوم لكنها عادت اليها لتعكر صفو مزاجها .. كانت ترى الجميع من حولها مبتسما سعيدا ضاحكا .. لكنها كانت في عالم أخر ودنيا أخرى .. ترى هل ستستطيع الحصول على الطلاق ؟ .. ترى ماذا سيكون رد فعل مصطفى ؟ .. هل سيتركها لتنعم بحياتها ؟ .. أم يبقى شبحا يطاردها ويعكر صفو حياتها .. ماذا ان خسرت القضية هل سيجبرها على العيش معه ؟ .. كيف ستتحمل ذلك ؟ .. هي لا تطيق مجرد ذكر اسمه .. اسمه بين شفاهها كالسباب بالنسبة لها .. تنهدت في حسرة ولفت ذراعها حول جسدها وأسندت خدها بقبضة يدها .. كانت تنظر الى الأرض أمامها غير واعية لما يدور حولها من أحاديث .. حانت من "عمر" التفاته اليها .. ربط على الفور بين اسمها والاسم الذي ذكره "أيمن" وقال انها أقرب صديقات خطيبته وتذكر مشكلتها مع زوجها الذي خانها بعد شهر من الزواج .. دقق في ملامحها وتبين تلك الكدمات التي تقع على جبينها والجرح بجانب شفتها العليا .. تنهد في أسى كيف يستطيع رجل ضرب زوجته وترك تلك الكدمات على جسدها .. بل كيف يكون وضيعا لدرجة أن يخونها وفي بداية زواجهما .. وجدها حزينه هادئة كزهرة الحائط التي تزينه في صمت .. تسائل في نفسه .. الى أي مدى وصلت في قضيتها .. هل تحدثت الى الأستاذ "شوقى" .. هل طلبت الخلع بالفعل أم عادت الى زوجها مرة أخرى .. حانت منه اتفاته الى يدها فوجدها خاليه من أى دبله تطوق أصابعها .. أعاد النظر الى وجهها ليجد عينيها تلمع بعبره تهدد بالسقوط. شعر بالأسى لحالها .. عندها تقدمت نحوها الفتاة التي رآها في المستشفى والتي كانت تبحث عنها باكية .. قالت" ريهام ل "ياسمين: "

" -ياسمين" انتى كويسة

رفعت "ياسمين" نظرها الى أختها وقالت بصوت مختنق:

-أنا عايزة أمشى يا "ريهام" حسه انى مخنوقة أوى

طیب یا حبیبتی و "سماح"

التفتت الى صديقتها لتجدها تتحدث مع زوجها والابتسامة تعلو شفتيها فالتفتت الى أختها قائله: -ان شاء الله مش هتلاحظ غيابي استنى بس هقول لطنط انى ماشية

وجدها "عمر" تنهض وتتحدث قليلا مع والدة "سماح" .. ثم عانقتها والدة "سماح "و غادرت مع الفتاة التي خمن أنها أختها .. تابعها "عمر" حتى فتحت باب البيت و غادرت في صمت

^{*******}

- ـ هو في عشا فوق
- مش عارفه أعتقد لأ
- طيب اطلعي انتى اسبقيني هروح أجيب حاجه من السوبر ماركت
 - ۔أجي معاكي ؟
 - -لا مفيش داعي مش هتأخر

ذهبت 'اياسمين'' الى السوبر ماركت أمام البيت وابتاعت منه طعام للعشاء وأثناء عودتها وبمجرد أن خطت أول خطوة لصعود الدرج وجدت يد تلتف بقوة على ذراعها التفتت وكادت أن تشهق بقوة وهى ترى ''مصطفى'' أمامها فأسرع ''مصطفى'' ليغطى فمها بيده وألصق ظهرها على الحائط ونظر اليها بشراسه قائلا:

-بتتحديني يا 'اياسمين'' .. أنا هعرفك.. حتى لو القاضى طلقك منى مش هسيبك فى حالك يا

حاولت الصراخ لكنه زاد من ضغط يده على فمها واقترب منها بشدة وتفرس فى وجهها قائلا: راحه تفضحيني وترفعى عليا قضية خلع ومكملناش شهر جواز .. فضحتيني وسط الناس مبقتش عارف ارفع عيني فيهم .. وكمان راحة تقولى انك لسه بنت صرخ فيها بغضب هادر قائلا:

-اتنازلى عن القضية وارجعى البيت والايا "ياسمين" وعزة جلال الله لتشوفى منى اللى عمرك ما شوفتيه في حياتك

تساقطت العبرات على وجنتيها وتصاعدت شهقات بكائها كادت أن تموت من الرعب. وفجاة سمعا صوتا لشخص ينزل من الأعلى فأسرع "مصطفى" وغادر البناية .. وقفت وجسدها يرتعش بشدة ودموعها تنزل كالشلال .. وجدت احدى جاراتها تنزل فقالت لها بلوعه: -ايه ده مالك يا "ياسمين" في ايه يا بنتي ؟

لم تجيبها "ياسمين" بل أسرعت تجرى على الدرج وفتحت باب الشقة وأغلقته بسرعة ووقفت خلفه تبكى وهى ترتجف بشدة

مر الأسبوع سريعا .. وحان موعد زفاف "سماح" .. اعتذرت "ياسمين" عن حضور الفرح فمنذ تلك الليلة التى هاجمها فيها "مصطفى" لم ترى الشارع ولو لمرة بل أنها كانت تخشى أن تفتح شباك حجرتها لئلا تراه واقفاً فى الشارع أمامها .. بالطبع تفهمت "سماح" موقف صديقتها حزنت كثيرا من أجلها ودعت لها أن يخلصها الله منه فى أقرب وقت .. مر اليوم على خير وزفت "سماح" الى عريسها وانطلقت معه الى عش الزوجية فى المنصورة

بعد مرور اسبوع على الفرح وفى ذات يوم كان "عمر" جالسا على اريكة فى بيت المزرعة واضعا أمامه منضدة عليها اوراق وملفات يراجعها عندما سمع صوت طرقات الباب فقال:

اتفضل

دخلت "صفية" حاملة صنية صغيرة موضوع عليها شاى وطبق من الكعك المحلى .. وقفت أمامه قائله بغنج:

عملتك شاى يا سى "عمر"

قال دون أن يرفع عينيه عن الأوراق التي في يده:

متشكر يا "صفية" بس أنا مطلبتش شاى

ابتسمت له قائله بدلع:

-عارفه .. بس لقيتك مكلتش كويس في الغدا قولت أجيبلك شاى وشوية كحك على ما أحضرلك العشا

قال وهو مازال ينظر الى الأوراق:

طیب متشکر حطیه عندك

أثنت قامتها لتضع الشاى أمامه وعيناها تراقبان عينيه. تعمدت أن تبطئ من حركتها .. فرفع العمران نظره ليصطدم بفتحه جلبابها والتى كانت أكبر من اللازم .. أكمل صعودا بعينيه ونظر الى عينيها بحده ثم أعاد النظر الى الورق أمامه .. ابتسمت الصفية البعدما حققت هدفها وأخذت تهادى فى مشيتها وهى تغادر الغرفة وتغلق الباب خلفها..

لمحها "عُويس" وهي تخرج من بيت المزرعة فهب واقفاً يعترض طريقها قبل أن تدخل غرفتها قائلا:

كنتى فين السعادي

ـيوه .. كنت في بيت المزرعه ما انت شايفني وانا نازلة من هناك

فى الوقت ده بتهببى ايه هناك

قالت بنفاذ صبر:

-هكون بعمل ايه يعني بحضر العشا لسي "عمر" وبوضبله فرشته طيب .. بس ابقى خلصى شغلك بدرى مفيش داعى تتأخرى لحد السعادى

ازاحته بيدها ودخلت الى غرفتهما .. ظل "عويس" يتقلب فى فراشه وكأنه نائم على جمر ..كان يشك كثيرا فى تصرفات زوجته .. لكنه لم يستطع أن يمسك عليها شيئا .. لكن الشك كاد أن يدمر عقله .. فعزم على مراقبتها .. وبعد ليلتين شعر بها وهى تغادر الفراش فتظاهر بالنوم .. وجدها تفتح باب الغرفة بهدوء وتغلقه خلفها قام مسرعا ولبس جلبابه .. وفتح الباب قليلا وجدها البوابة وتخرج منها وتضع حجرا صغيرا حتى لا تغلق البوابة باحكام ..أسرع بمغادرة غرفته ولحق بها .. ترك بينها وبينه مسافة حتى لا تشعر به .. كان الشك قد تملك منه وأصبح يقيناً .. شعر بالدماء تتصاعد بسرعة الى رأسه حتى كاد أن ينفجر .. وجدها تدلف الى بيت قديم مكون من طابق واحد لا يبعد كثيرا عن المزرعة .. دخلت واغلقت الباب الخشب ورائها .. أخذ يلف ويدور حول البيت عله يجد فتحه ما .. وأخيرا وجدها فتحه صغيره فى الجدار .. صوب عينيه وهى تبتسم لذك الذى تقفأمامهه ويتحدثان معا .. سمع صوت ضحكاتها العالية فازداد افراز وهى تبتسم لذك الذى تقفأمامهه ويتحدثان معا .. سمع صوت ضحكاتها العالية فازداد افراز غضبا وظل يدور حول نفسه كالطير المذبوح .. النفت حوله فوجد أمامه جيركن كبير فأسرع غضبا وظل يدور حول نفسه كالطير المذبوح .. النفت حوله فوجد أمامه جيركن كبير فأسرع نحوه وفتح غطائه وشم الرائحة النفاذة المتصاعده منه فلمعت عيناه وهب واقفا وأخذ يدو حول

البيت ويفرغ محتويات الجيركن على جدرانه من الخارج وبعدما انتهى أخرج علبة ثقاب من جيبه وأشعل عودا ونظر اليه ثم نظر الى البيت وبصق عليه ثم فى لحظة اشتعلت النيران فى البيت ووقف رافعا رأسه منتشياً بفعلته فها هى زوجته الخائنة تكتوى بنيران الخطيئة .. أسرع يعدو مبتعدا غير عابئاً بأصوات الصراخ التى تصاعدت من خلفه

بعد مرور "شهر" على زفاف "أيمن" و "سماح" .. عاد "أيمن" الى عمله فى المزرعة بعد انقطاع ..أقبل على "عمر" الذى كان يقف أمام احدى الأشجار يتفحص جودة ثمارها:..

ايه الهمة والنشاط دول كلهم يا باشمهندس

انفرجت أسارير "عمر" عندما رآى صديقه "أيمن" فترك ما بيده وأقبل عليه معانقاً اياه قائلاً:

-اهلا بالعريس اللي مصدق يتجوز عشان يهرب مننا

ضحك "أيمن" قائلا:

-أهو العريس رجعلكوا تانى وهيرجع يتفرم تانى فى شغل المزرعة

طيب يلا عشان في شغل كتير مستنيك

ـطيب سبني آخد نفسي الأول

سار الصديقان معاً يتحدثان في أمور المزرعة .. وفجأة سأله "عمر: "

-صحیح یا "أیمن" بقالی فترة عایز أسألك علی حاجه بس اتلبخنا بموضوع فرحك

-خير يا "عمر"

-صاحبة مراتك عملت ايه في مشكلتها

قال "أمين" بإستغراب:

-صاحبة مراتى مين

" -ياسمين" اللي خدت منى رقم الأستاذ "شوقى" عشانها

-1110

-عملت ايه كلمته ؟ رفعت القضية فعلا ولا رجعت لجوزها ؟

-ترجع ایه هو ده راجل أصل ده انسان مریض یارب تخلص منه علی خیر

سأله "عمر" مستفهماً:

-رفعت القضة يعني

-أيوة رفعتها ومستنيه الحكم في القضية

أطرق "عمر" برأسه ثم صمت .. حنت من "أيمن" التفاته الى الجبيرة التى تحيط بذراع "عمر" اليسرى فأشار اليها قائلا:

-هتفك الجبس امتى ؟

-المفروض خلاص كام يوم وأفكه وأبدأ العلاج الطبيعي ان شاء الله

-متقلقش ان شاء الله هتبقى زى الفل

انتبه "أيمن" لكف "عمر" الأيمن فأشار اليه وهتف قائلا بدهشه:

-ايه الحرق اللي في ايدك ده يا "عمر" ؟

توتر "عمر" وتغيرت تعبيرات وجهه صمت قليلا ثم قال:

-موضوع مش حابب أفتكره .. هبقى أحكيلك بعدين

سأله "أيمن" بشك:

-موضوع ایه ده یا "عمر" .. خیر ایه اللی حصل

قال "عمر" بنفاذ صبر:

" -أيمن" قفل على الموضوع ده دلوقتي

استسلم "أيمن" قائلاً:

-خلاص برحتك

دخلت والدة "مصطفى" غرفته لتجده مستلقيا على السرير وهو شارد .. فقالت له:

-اه خلیك قاعد كده ومراتك دایره على حل شعرها

هب جالسا على السرير وصاح قائلا:

-مش هنخلص في يومنا ده

-الناس كلت وشنا .. أنا مش عارفه أقولهم ايه .. مراتك فضحتنا وجرستنا وسط الناس صاح "مصطفى" غاضبا:

-یعنی عایزانی اعمل ایه دلوقتی

-أنا لو منك كنت جبتها من شعرها وحبستها في البيت ومخلتهاش تشوف الشارع طول عمرها .. وتبقى عاملة زي البيت الوقف و مذلوله كده لا هي طايله جواز ولا طلاق

-حاولت كتير ارجعها ومش راضيه

صاحت أمه في غل:

- لازم ترجعها ..حتى لو غصب عنها .. عايز الناس تقول ايه معرفش يمشى كلمته على مراته .. مش كفايه القضية اللى رفعتها عليك وكلامها انها لسه بنت .. فضيحتك بأت على كل لسان غادر الغرفة وهو يصيح في غضب:

-سبینی فی حالی بأه أنا مش ناقصك انتی كمان

كانت "ياسمين" جالسه على فراشها تقرأ وردها عندما دق جرس الباب .. كانت فى ذلك اليوم بمفردها فى لمنزل .. "ريهام" فى الجامعة .. ووالدها كالعادة يجلس مع أصدقائه على المقهى الذى لا يبعد كثيراً عن البيت .. تركت مصحفها ونهضت لتنظر من القادم .. بمجرد أن وصلت الى الباب وجدت ورقة مطوية موضوعه أسفله يظهر نصفها ..اقتربت من الباب بخفه ونظرت فى العين السحرية لكنها لم تجد أحد .. انحنت لتلتقط الورقة وفتحتها بقلق وقرأت ما بداخلها اذا كنتى فكرة انى هسيبك فى حالك تبقى غلطانه .. أنا ممكن أعمل حاجات متخطرش ببالك .. اسمعى الكلام بالذوق أحسن .. مستنيكي (

قفز قلبها داخل صدرها .. أى رجل هذا .. ألن يتركها وشأنها أبداً .. أسرعت الى غرفتها وأحضرتك هاتفها واتصلت بالمحامى .. بعد فترة من الرنين رد المحامى قائلا:

-ألو

- -السلام عليكم يا أستاذ "شوقى"
- و عليكم السلام أهلا يا مدام "ياسمين"

قالت بصوت متهدج:

- -أهلا بحضرتك .. أنا دلوقتى لقيت ورقة من "مصطفى" سابها تحت الباب
 - -الورقة معاكى
 - -ايوة معايا
- -طيب تمام احتفظى بيها وعديها عليا في المكتب عثبان نطلب ضمها لملف القضية
 - قالت بصوت أوشك على البكاء:
- -حاضر بابا ييجي وأنزل أنا وهو ونعديها على حضرتك .. بس هو أنا مش هخلص منه بأه .. أنا تعبت أوى وعلى طول خايفه ومرعوبة
- -متقلقيش ان شاء الله القضية هتخلص قريب وساعتها هترتاحي منه ان شاء الله .. هو اللي مخليه بيتصرف بجرأه كده انك لسه على ذمته
 - -يارب أخلص منه وأرتاح بأه
 - -ان شاء الله .. بس الصبر
 - -متشكرة أوى يا أستاذ "شوقى" وآسفه بتعبك معايا..
 - -لا أبداً مفيش حاجة .. مع السلامة
 - -مع السلامة

أغلقت "ياسمين" هاتفها وأخذت تستغفر ربها .. كانت تعلم فضل الإستغفار لذلك عودت لسانها في الفترة الأخيرة ألا يفتر لسانها عنه ... كانت تذكر نفسها بفضل الاستغفار دائما وبحديث النبي صلى الله عليه وسلم: من لزم الاستغفار جعل الله له من كل هم فرجا، و من كل ضيق مخرجا، ورزقه من حيث لا يحتسب

فظلت تستغفر ربها حتى عاد والدها من الخارج فوجدته مستنداً الى أحد أصدقائه لا يقوى على السير وحده .. شعرت "ياسمين" بالهلع فطمأنها الرجل الذى معه قائلاً:

-متقلقيش يا بنتى الضغط بس على عليه شوية

قالت "ياسمين" بلوعه:

- -ليه ايه اللي حصل ؟
- -مفيش اتخانق مع حماكي على القهوة
- نظرت بحسرة الى والدها الذى تمدد على فراشه في اعياء:
- -ليه بس كدة يا بابا .. صحتك بالدنيا وانت عارف ان الانفعال بيعليلك الضغط
 - أعطاها الرجل شنطه بها بعض الأدوية وقال لها:
 - -خلیه یاخد الدوا ده فی معاده
 - ثم وجه حديثه الى والدها قائلا:
- -ربنا يطمنا عليك يا "عبد الحميد" ريح نفسك ومتعملش مجهود خالص .. وأنا هبقى اتصل اطمن عليك
 - -شكرا يا "شكرى" متحرمش منك
 - خرج الرجل .. أغلقت "ياسمين" الباب وجلست على الفراش بجوار والدها تبكى بصمت:
 - -کل ده بسببي

ضمه والدها الى صدره قائلا:

-لأكل ده بسببي أنا

رفعت "ياسمين" رأسها لتنظر الى والدها متسائله:

-ايه اللي خلاك تتخانق معاه

ظهرت علامات الغضب على ودهه ورد قائلا:

-ابن التيييييييت ده جه أعد على الترابيزة اللى جمبي وفضل يلقح بالكلام وقال عليكي كلام ميتقلش .. مقدرتش أمسك نفسي قمت هبيت فيه ومسكته من زمارة رقبته أطرق رأسها بأسى قائله:

-حسبي الله ونعم الوكيل فيهم .. ربنا هيجبلي حقى منهم

نظرت الى والدها لتجد علامات الارهاق باديه على وجهه فطلبت منه النوم ثم دثرته بغطائه وتركته يغط في نوم عميق . خشيت أن تخبر والدها بالورقة التي وجدتها من "مصطفى" لئلا يرتفع ضغطه أكثر . فاتصلت بصديقتها التي تهون عليها وتشد من أزرها:

-السلام عليكم ازيك يا عروسه

-وعليكم السلام ازيك يا "ياسمين" وحشتيني اوى اوى اوى

قالت الياسمين البتأثر:

-انتى أكتر يا "سماح" لو تعرفى أنا محتجالك أد ايه .. ياريتك كنتى هنا كنت جيتلك ورميت نفسي في حضنك

قالت السماح البقلق:

-خیر فی حاجه حصلت ؟ .. الزفت "مصطفی" ده هعمل حاجه تانی

أغلقت 'اياسمين' باب حجرتها حتى لا يسمع والدها وهتفت لصديقتها باكية:

-لقيته النهاردة سايبلى ورقة تحت باب الشقة بيهددنى فيها عشان أرجعله

-حسبي الله ونعم الوكيل فيه .. راجل معندوش دم

-مش هيرتاح الألما يكسرني أنا عارفه

-قولى للمحامى يا "ياسمين"

-قولتله ومنتظر منى الورقة النهاردة عشان هيحطها مع ملف القضية .. كنت ناوية أنزل مع بابا لكنه رجع من بره ضغطه عالى ومش قادر يقف على رجله .. اتخانق مع أبو "مصطفى" على القهوة .. بابا بيقول انه قال كلام وحش أوى عنه

قالت السماح!! بحنق:

-هى العيلة دى مفيهاش حد بيخاف ربنا .. أمه تشهد زور .. وأبوه يتبلى عليكي .. ربنا يخلصك من العيلة دى على خير

قالت بصوت متعب:

-يارب يا "سماح" ادعيلى بالله عليكي .. محتاجه دعائك أوى

قالت "سماح" في حنو:

-حاضر يا حبيبتى .. ولله بدعيلك دايماً .. خلى بالك من نفسك

-وانتى كمان .. ومعلش بعكنن عليكي بمشاكلى وانتى لسه عروسة بس حسيت انى هتخنق لو متكلمتش مع حد

-عيب عليكي اللى بتقوليه ده احنا اخوات .. وربنا عالم انك شاغله بالى على طول .. معلش يا

- "ياسمين" هانت بكره تخلصى منه وتنسي كل اللي فات
 - قالت "ياسمين" بمراره:
- -أنسى .. مظنش انى ممكن أبداً أنسى .. بس الحمد لله على كل حال .. يلا اسيبك تشوفى اللى وراكى
 - -ماشي حبيبتي وأنا هتصل بالليل أطمن عليكي
 - -ماشي يا "سماح" .. مع السلامة
 - -مع السلامة

أغلقت "سماح" الهاتف وتنهدت في حسرة .. قال لها "أيمن" الجالس بجوارها على الأريكة:

نظرت الى زوجها قائله:

" -مصطفّی" مش راضی یسیب "یاسمین" فی حالها

-ليه ايه اللي حصل تاني ؟

قصت عليه "سماح" ما حدث .. ثم قالت بقلق:

-أنا خايفه على "ياسمين" أوى .. من الواضح انهم ناس ميعرفوش ربنا .. يعني تتوقع منهم أي حاجه

طمئنها "أيمن" قائلا:

-متقلقيش يا حبيبتى .. هشوفلها حل

انتظرت "ياسمين" عودة أختها من الجامعة وأخبرتها بما حدث من "مصطفى" وما حدث لوالدهما .. طلبت منها "ياسمين" أن تبقى مع والده لحين أن تذهب الى المحامى فى مكتبه لتعطيه الورقة التى وجدتها .. قالت لها "ريهام" بقلق:

- -طیب خدی بابا معاکی
- -ازاى يعني يا "ريهام" انتى مشوفتيش كان عامل ازى .. مكنتش قادر يقف على رجله .. لو عرف بموضوع الورقة هيتعب أكتر
 - -طیب آجی أنا معاکی
 - -ونسيب بآبا لوحده ؟ .. افرضى تعب ولا احتاج حاجه .. خليكي انتى جمبه وأنا مش هتأخر -طيب يا حبيبتى خلى بالك من نفسك
 - -ماشي وانتى خلى بالك من نفسك ومن بابا ومتفتحيش لأى حد وأنا أما اجى هفتح بالفتاح
 - خرجت "ياسمين" توجهت الى مكتب المحامى والذى كان يقع فى منطقة هادئة بالمعادى .. أعطته الورقة وقرأها وطمئنها قائلا:
 - -التهديد ده هيعزز موقفك في القضية ان شاء الله .. وأنا متفائل جدا ان الحكم يكون من أول جلسه

قالت تفائل:

-لا متقلقيش ان شاء الله خير

انصرفت "ياسمين" وهى تشعر بالأمل الذى بثه اياها المحامى .. كانت الشمس قد قربت على المغيب .. وأوشك الليل أن يسدل أستاره على تلك البقعة الهادئة .. عندما شعرت "ياسمين" بخطوات خلفها .. شعرت بالخوف .. أسرعت الخطي .. فإزدادت سرعة الخطوات خلفها .. التفتت فجأة لتصطدم بوجه "مصطفى" أطلقت صرخه عاليه وحاولت الجرى .. لكنه لحق بها وكمم فهمها وقال بعنف:

-تعالى معايا من سكات يا مدام. متفضحيناش أكتر ما انتى فضحانا

حاولت أن تفلت منه لكنها كانت أرق من أن تستطيع مجابهة "مصطفى" جرها جراً وهو مازال مطبق على فمها .. حاولت الصراخ فلم يخرج صوتها .. حاولت الافلات فلم تستطيع .. فتح "مصطفى" باب سيارته وحاول ادخالها بالقوة .. عضت كفه التى تطبق على فمها فأبعد كفه متئلماً أخذت تصرخ وتصرخ .. لكنه أطبق على فمها مرة أخرى ..وصاح بها:

-ادخلى العربية من سكات لهموتك وانتى واقفة مكانك

من حسن حظها .. أن سخر الله لها شابين كانا يسيران فى هذا الشارع فى ذلك الوقت رأتهم الياسمين المولت الافتلات من المصطفى الله وهو مازال يحاول اجبارها على الدخول الى السيارة أفلتت فمها مرة أخرى ونادت الرجلين قائله:

-أرجوكوا الحقونى عايز يخطفني

أسرع الشابين باتجاههما وقال أحدهم لـ "مصطفى: "

-انت یا أخینا بتعمل ایه

صاح المصطفى البغضب:

وانت مالك انت .. دى مراتى

نظرا اليه الرجلين بشك فصاحت "ياسمين" بإعتبار ما سيكون: -

-لأ أنا مش مراته .. ده عايز يخطفي أرجوكوا خلوه يسيبني

نظر الشابين الى بعضهما البعض وقال الآخر لـ "مصطفى" بشك:

-بتقول انها مش مراتك

صاح "مصطفى" بغضب:

-لأ مراتى .. بس فى مشكلة بينا وهتتحل

صاحت "ياسمين" باكية:

-لو سيبتوه ياخدني ذنبي في رقبتكوا انتوا

التفت اليها "مصطفى" ليصفعها على وجهها قائلا:

-اخرسي بأه فضحتينا

صاح الشَّابين في "مصطفى" وأقبلوا عليه ليخلصوا "ياسمين: "

-مراتك ولا مش مراتك اللى يتعامل كدة مع واحده ست يبقى حيوان. ومش هنسيبك تاخدها غصب عنها

سألها أحدهم قائلا:

-عایزه تروحی معاه یا آنسه

قالت باكيه:

-لأ .. والله ده عايز يخطفني

أمسك أحدهما بـ "مصطفى" وتعاركا معاً .. أما الشاب الآخر فتوجه بـ "ياسمين "مسرعا وأوقف سيارة أجرة وانتظر حتى رحلت السيارة ثم عاد الى صديقه وقال لـ" مصطفى: "

-بتتشطر على واحدة ست

ثم أمسك الاثنان ب "مصطفى" وأخذوا يكيلون له اللكمات والضربات حتى لقنوه درساً لن ينساه

عادت "ياسمين" الى بيتها وهى فى حالة يُرثى لها .. أخذتها "ريهام" الى غرفتهما وأغلقت الباب قائله:

-مالك يا "ياسمين" ايه اللي حصل .. في ايه ؟

هتفت "ياسمين" باكية:

-الحيوان "مصطفى" كان عيز يخطفني

-يخطفك .. ازاى يعني

قالت من بين شهقاتها:

-كنت واثقه انه مش هيسبنى فى حالى .. هو فاكر انه لما يرجعنى البيت غصب عنى كده يبقى راجل وعرف يسيطر عليا .. بجد أنا بحتقره أوى أوى أوى .. وعندى الموت أهون مليون مرة من انى أعيش معاه

أخذتها "ريهام" في حضنها قائله:

-ربنا ينتقم منه .. معلش يا "ياسمين" ربنا يخلصك منه

-اوعى تقولى لبابا يا "ريهام" مش عايزاه يتعب أكتر

-متقلقیش مش هجیبله سیره

باتت "ياسمين" ليلتها ولم يغمض لها جفن من الخوف والقلق .. أخذت تفكر في حالها .. وتشعر بالقلق مما سيحدث غداً .. تمنت أن تنتهى القضية في أقرب وقت لتعود حره مرة أخرى.

-صاحبة "سماح" اللي سألتني عنها امبارح

تفوه "أيمن" هذه العبارة وهو جالس مع "عمر" في مكتبه بالمزرعة .. فقال "عمر: "

-أيوة "ياسمين" مالها؟

-الحيوان جوزها مش سايبها في حالها وكل شوية قارفها رسايل تهديد وحاجه قرف عقد "عمر" ما بين حاجبيه قائلاً:

-بيهددها بإيه

-عايزها ترجعله وتتنازل عن القضية

قال "عمر"بدهشة:

-ازاى يعني عايزها تعيش معاه غصب عنها ؟

-واحد مخة تعبان تقول ايه بأه

التفت اليه "أيمن" قائلاً بإهتمام:

-بص يا "عمر" البنت دى زى ما قولتك هى زميلة "سماح" من أيام الجامعة وأقرب صاحبه ليها والاتنين زى الاخوات بالظبط.. و"سماح" فعلا مضايقه عشانها أوى .. وبصراحة هى كمان صعبانه عليا .. هى بنت بسيطة ومن أسرة على أد حالها .. وملهاش غير أبوها وأختها .. يعني مقطوعين من شجره وملهاش حد يحميها أو يدافع عنها أو مالها فى المستشفى .. فأكمل "أيمن" أوما "عمر" برأسه وهو يتذكر الرجل والفتاة اللاذان رآهما فى المستشفى .. فأكمل "أيمن"

أوماً "عمر" برأسه وهو يتذكر الرجل والفتاة اللاذان راهما في المستشفى .. فاكمل "أبا قائلاً:

-أنا بصراحة فكرت في حل .. وقولت أعرضه عليك وأشوف رأيك

قال "عمر" بإهتمام:

-قول

-ايه رأيك لو البنت دى تيجي تشتغل هنا فى المزرعة .. ان شاله لحد ما قضيتها تخلص وتطلق من جوزها .. بس على الأقل هتبقى بعيد عنه الفترة دى ومش هيقدر يعرف طريقها قال "عمر" بسرعة:

-مفيش مشكلة بالنسبة لى .. تعد الفترة اللي هي عايزاها .. قولي هي خريجة ايه

-ايه يا "عمر" متركز بقولك زميلة "سماح" .. يعني دكتورة بيطرية

رفع "عمر" حاجبيه قائلا:

- كويس أوى .. كدة هتلاقى أكتر من شغلانه في المزرعة .. تشوف ايه اللي يناسبها وأنا معنديش أي مشكلة

ابتسم له "أيمن" قائلا:

-وأنا كنت متوقع ردك ده .. بس في نقطة تانية

-خير يا "أيمن"

-بالنسبة للسكن بتاع البنت مش معقول هتروح المنصورة كل يوم وترجع وانت عارف ان بين المنصورة والمزرعة ربع ساعة وكمان هي غريبة في البلد دي ومتعرفهاش كويس أسرع "عمر" قائلا:

-ودى كمان محلوله انت عارف ان عندنا مبنى كامل لسكن العمال اللى بييجوا من المحافظات والقرى التانية وقت الحصاد .. تقدر تقعد في اوضة منهم مفيش مشكلة

اتسعت ابتسامة صديقة قائلا:

-تمام كده الحمد لله

ثم وقف وتوجه الى الباب قائلا:

- هكلم بأه "سماح" أقولها البشرى دى

رن جرس هاتف 'ایاسمین'' قامت من فراشها متثاقله لتحضره وردت بصوت مبحوح قائله: -السلام علیکم

-وعليكم السلام .. اوعى أكون صحيتك

قالت "ياسمين وهي تجاهد لتتماسك:

-لأ .. كنت صاحيه

قالت "سماح" بقلق:

-مال صوتك حصل حاجه ؟

تساقطت العبرات من عينيها قائله:

-لأ مفيش . مش عايزة أشعلك بهمومي اللي ما بتخلصش . انتى أخبارك ايه

قالت السماح البحده:

-سيبك منى دلوقتى وقوليلى اللي حصل يا إما لا أنا صحبتك ولا أعرفك

تنهدت الياسمين البحسرة وقصت على صديقتها محاولة اختطاف "مصطفى الها. صاحت السماح القائله:

-معقوله توصل للدرجة دى

قالت "ياسمين" بأسى:

-وأكتر من كده كمان .. ده واحد انتهك حرمات ربنا وارتكب جريمة بشعة زى الزنا بدون ذرة ندم وبدون ما ضميره يوجعه .. يبقى توقعى منه أى حاجه

-طُيْبُ بُصِّي .. عندى لَيْكِي حل هَيخُلصُك من الأرفُ اللي انتى فيه ده لحد ما تطلقي منه

-حل ایه ؟

-بصى انتى عارفه ان "أيمن" شغال فى مزرعة واحد صحبه .. هو كلمه عن ظروفك وصاحبه ده وافق انك تيجي تشتغلى فى المزرعه .. أهو تبعدى عن القاهرة وتسبيها لـ "مصطفى" مخضرة .. وميقدرش يعرف طريقك

قالت "ياسمين" بشك:

-أسيب القاهرة ازاى يعنى

-ركزى يا "ياسمين" .. المزرعة اللى بيشتغل فيها "أيمن" فى بلد جمب المنصورة .. شغلك واقامتك هتكون فى المزرعة

قالت الياسمين البدهشة:

-انتى عايزانى أسافر بلد معرفهاش وأشتغل عند ناس معرفهمش وكمان أقيم فى البلد دى .. انتى بتهرجى يا "سماح"

قالت "سماح" محاولة اقناع صديقتها:

-لأ مش بهرج .. ده حل عملى .. وبعدين بالنسبة ان البلد متعرفيهاش انا هيكون بيني وبينك ربع ساعة يعني هجيلك وتجيلى مش هسيبك لوحدك .. وبالنسبة للناس اللى هشتتغلى معاهم .. ده "أيمن" جوزى وصاحبه و هو وصاحبه ده زى أنا وانتى كده

-ولو يا "اسماح" . اذا كنت وأنا أعده فى بيتي مش بسلم من كلام الناس وانتى عارفه المصطفى الله والله عليا . ما بالك بأه لو روحت عشت لوحدى فى بلد غريبة هيقولوا عليا ايه

-يا بنتى محدش هيعرف مكانك .. ما احنا عاملين كل ده عشان محدش يعرف مكانك ولا يعرف

انتى فين ولا مع مين

قالت "ياسمين" بحزم:

-مينفعش يا "سماح" مش هدى فرصة لحد انه يتكلم عليا أو يسئ الظن بيا .. مستحيل أسافر قالت "سماح" بحزن:

-وأنا اللى أول ما "أيمن" كلمنى كنت طايرة من الفرحه وقولت أتصل بكي أفرحك

قالت "ياسمين" بأسف:

-معلش یا سماح أنا اسفه .. بس مش هقدر أسافر

-طیب یا حبیبتی ربنا یحلها من عنده

-يارب

-لو احتجتى حاجه كلمينى .. ومتخرجيش من البيت الفترة دى

قالت بمراره:

- هخرج أروح فين .. اديني محبوسه أهو .. خايفة حتى أبص من الشباك ألاقيه أدامى

-ربنا يخلصك منه على خير .. يلا سلام هكلمك تانى اطمن عليكي

-متحرمش منك بجد يا "سماح .. "مع السلامة

اتصل "أيمن" بصديقه ليخبره برفض "ياسمين" العمل في مزرعته .. صمت "عمر" قليلا ثم قال:

-طیب هی رفضت لیه ؟

-قالت لـ "سماح" انها مش عايزه مشاكل تجلها بسبب شغلها فى المزرعة .. لأن جوزها وأهله مطلعين عليها كلام مش كويس عشان يخسروها القضية فمش عايزة تديهم فرصة انهم يمسكوا عليها غلطه

سكت "أيمن" قليلا ثم قال:

-تصور الحيوان حاول يخطفها امبارح وهي نازله من مكتب المحامي

صاح "عمر" بدهشه:

-یخطفها !! ازای یعنی

-اه والله كان عايز يركبها العربية غصب عنها لولا كان في شباب ماشيين في الشارع ضربوه وأنقذوها

قال "عمر" في أسى:

-لا حول ولا قوة الا بالله .. ايه الاصرار العجيب ده على انه يرجعها

-قولتلك واحد مخه تعبان .. أنا بس حبيت اقولك على ردها .. وعلى العموم تسلم يا "عمر" .. يلا أشوفك بكرة

صمت "عمر" يفكر ولم يجب .. فقال "أيمن: "

" -عمر" معايا ؟

" -أيمن" قولها تيجى هي وأهلها

صمت "أيمن" قليلا ثم قال في دهشة:

- -ازای یعنی هی وأهلها؟
- -أبوها وأختها .. مش هي كل مشكلتها انها مش عايزة تيجي لوحدها عشان محدش يتكلم عليها
 - .. خلاص تيجي معاهم وبكده محدش يقدر يفتح بقه
 - -اه یا "عمر" بس أهلها هیجوا یعملوا ایه یعنی
 - -هي اختها خريجة ايه
 - -مش عارف بصراحة
- -طيب بالنسبة لأختها لو حبه تشتغل في المزرعة مفيش مشكلة انت عارف ان المزرعة كبيرة جدا وبنحتاج فيها تخصصات كتير اوى يعني اكيد هنلاقي حاجه مناسبة ليها .. وكمان والدها لو عايز يشتغل مفيش مشكله نشوفله حاجه مناسبه ..
 - قال "أيمن" بشك:
 - -أنا مش فاهم .. انت ليه مهتم بالموضوع أوى كده .. يعني مستغرب بصراحة من كلامك .. هتجيبها هي وأهلها يشتغلوا في المزرعة!
- -انا كمان مستفيد من الموضوع ده مش خسران حاجه .. هيشتغلوا ويكون ليهم مرتبهم وانا ليا الانتاج والفايده اللي هاخده من ورا شغلهم .. يعنى تقدر تقول منفعه متبادله
 - -بس کده ؟
 - تنهد "عمر" قائلا:
 - -لأمش بس كده .. بصراحة صعبانه عليا وحابب أساعدها ..و طالما في امكاني اني أساعدها فعلاً ليه لأ
 - ابتسم "أيمن" قائلا:
 - -انت حد طیب أوی یا "عمر"
 - -سيبك بس من الكلام ده .. وخلى مراتك تعرض عليها الموضوع وابقى عرفنى ردها
 - -خلاص تمام هخليها تكلمها وارد عليك
 - -خلاص اتفقنا وأنا منتظر ردها
 - أغلق "عمر" الهاتف وأخذ يفكر في "ياسمين" وما يحدث لها

لم تستطع 'اسماح'' الانتظار الى الصباح وقامت من فورها لتتحدث الى صديقتها .. قالت الياسمين'' بشك:

- وهو صاحب جوزك ايه مصلحته في كده
- -ایه اللی ایه مصلحته .. مصلحته انك هتشتغلی بمقابل ولو عایزة عمو و "ریهام" كمان یشتغلوا مفیش مشكلة
 - -طیب یعنی هو لیه یعمل کده .. هو میعرفناش عشان یساعدنا کده
 - -أقول طور تقول احلبوه .. بقولك صاحب "أيمن" جدا و "أيمن" قاله انك صحبتى جدا
 - -یعنی بیعمل کده عشان یجامل صاحبه
- -لأهو قاله انه فعلا عايز يساعدك .. هتعدى هناك انتى وأهلك في المزرعة لحد ما تخلصي من

الزفت ''مصطفى'' ده خالص ويتحكملك بالطلاق صمتت الياسمين'' ولم تجب فحثتها السماح'' قالئله:

-ساكته ليه انطقى

-بصراحة مش عارفه يا 'إسماح'' خايفة يكون اتحرج من صاحبه فاضطر يعمل كده عشان ميز علوش

-يا بنتى ده رجل أعمال يعني ميعرفش المجاملات يعرف الشغل وبس .. وهو أصلا مش خسران حاجه .. بالعكس كسبان ناس تشتغل في المزرعة .. يلا بأه متعقديهاش

-القرار مش ليا لوحدى يا "سماح" ده قرار "ريهام "وبابا كمان .. وبعدين انتى ناسية كلية "ريهام "

-لأمشُ ناسية وبسيطة الترم ده اخر ترم ليها وممكن تروح ع الامتحان على طول و"ريهام" انتى عارفه كليتها مبيهتموش بالحضور أوى زى كليتنا

-مش عارفه .. هعرض الموضوع عليهم وأشوف هيقولوا ايه

-خلاص وأنا هستني ردك

أغلقت "ياسمين" مع صديقتها وظلت تفكر .. في كرم ذلك الرجل .. لماذا يفتح لها مزرعته هي وأهلها .. أمجامله لصديقه ؟ أم بالفعل شعر بالأسى لحالها وأراد مساعدتها ؟ .. استخارت ربها أولا .. ثم عرضت الامر على والدها و" ريهام" .. كان رد فعل "ريهام" هو الموافقة على الفور فهي تعلم المشاكل والخطر المحيط بأختها .. أما "عبد الحميد" فقد تردد قليلا .. ثم ما لبث ان وافق من أجل حماية ابنته حتى موعد النطق بالحكم ... تحدد ميعاد السفر بعد اسبوع .. رحل ثلاثتهم بعد الفجر لئلا يراهم أحد .. وركبوا منطلقين الى تلك المزرعة

انطلقت السيارة بالمسافرين في طريقهم الى المنصورة .. جلست 'اياسمين'' بجوار النافذة في المقعد الخلفي وبجوارها 'اريهام'' ووالدهما .. كانت 'اياسمين'اشارده طوال الطريق .. أسندت رأسها بقبضة يدها وأخذت تسترجع ذكرياتها ..أول يوم لها في الجامعة والفرحه التي كانت تشعر بها .. يوم تخرجها وفخر والدها ووالدتها بها ... والدتها لكم اشتاقت اليها تجمعت في عينيها عبره حائره .. لماذا تسقط ؟ .. أتسقط لأنها فقدت حضن والدتها الحاني ؟ أم تسقط على حالها وما يحدث لها ؟ .. تذكرت يوم جاء ''مصطفى'' الى بيتهم لطلب يدها .. آه لو كانت تعلم لكانت طردته يومها شر طرده .. لكنها لم تكن تعلم الغيب .. ومازالت لا تعلم الغيب .. فلعل طريق الأشواك الذي تسير فيه ينتهى نهايه جميله .. لعل الله يخبئ لها خيراً لا تعلمه.

ظلت تفكر فى الضربات التى تعرضت لها .. كانت "ياسمين" تملك قدراً كبيراً من العزيمة والإصرار .. ليست ممن يستسلمون لآلامهم وأحزانهم وينكبون عليها .. صممت ألا تدع شيئاً أو أحداً يحطمها .. الضربة التى تأخذها ستقويها ولن تكسرها .. ستظل عزيزة النفس أبيه .. لن تسمح لأحد بإهانتها أو اذلالها .. وقريباً ستتخلص من "مصطفى" وتصبح حرة نفسها .. لن تسمح لأحد أن يجبرها مرة أخرى على شئ ترفضة خاصة لو الأمر متعلق بحياتها هى .. ستتعلم من كل ما مر بها .. ولن تقع فى الخطأ مرتين .. عزمت على بدء حياة جديدة لا وجود فيها لليأس .. هى تثق بالله عز وجل .. وتثق بأنه لن يضيعها مادامت قريبه منه .. حانت من "ريهام" التفاته الى أختها .. شعرت بغصه عندما رأت الدمعه التى تلمع فى عينيها .. أرادت أن

تخفف عنها فمالت عليها قائله بصوت منخفض:

- هو احنا ليه حظنا فقر مع الرجالة ؟

ابتسمت "ياسمين" رغماً عنها والتفتت تنظر الى "ريهام" التي أكملت قائله:

" -معتز" و "مصطفى" وآخرهم ابن أمه "وائل" .. رجاله عرر

لم تتمالك 'اياسمين'' نفسها ووجدت نفسها تضحك بشدة .. حاولت كتم ضحكاتها حتى لا يسمعها أحد الركاب .. نظرت لها 'اريهام'' قائله:

-أنا قلبي حاسس ان القاهرة دى كانت نحس و ان شاء الله بدون مقاطعة المنصورة دى هيكون وشها حلو علينا ..

ابتسمت لها "ياسمين" قائله:

-هو انتى ناوية على ايه بالظبط؟

-يختى مش ناوية على حاجة غير الدعاء .. ايه مدعيش .. ربنا كبير وان شاء الله نطلع من البلد دى بفردتين لوز واحد ليا وواحد ليكي

-فردتین ؟! .. لا شکرا کفایة فرده واحده لیکی

-لا .. وان شاء الله فردتين متقاطعيش انتى بس .. ده أنا متفائله من ساعة مطلعنا على الطريق وأنا حسه ان النحس ابتدى يتفك .. بكرة تشوفى

ابتسمت لها "ياسمين" وعادت لتنظر من النافذة تراقب الأشجار على الطريق

فى المزرعة كان "عمر" فى مكتبة يدقق فى الملفات أمامه عندما طرق "أيمن" الباب ودخل .. ابتسم له قائلا:

-صباح الخيريا "عمر"

بادله "عمر" الابتسامه قائلا:

-صباح الخير يا "أيمن "

ثم استطردت قائلا:

-الجماعه اتحركوا

-مش عارف بصراحه بس أكيد أيوة

قال بجدیه:

-مش تكلمهم يا ابنى عشان تعرف ركبوا ولا لسه وعشان تتابعهم وهما على الطريق دى أول مرة ييجوا هنا

طیب حاضر ..هجیب رقم "یاسمین" من "سماح"

اتصل "أيمن" باسماح" وطلب منها رقم "ياسمين" ليتابعهم على الطريق .. أخبرته أنهم ركبوا بالفعل وأعطته الرقم فدونه "أيمن" ثم انهى المكالمة معها واتصل بالياسمين"

نظرت "ياسمين" الى هاتفها وهي تشعر بالتردد فسألتها "ريهام: "

-مين اللي بيتصل

-مش عارفه رقم غریب

-طیب ردی

قالت "ياسمين" بخوف:

- -لأ خايفه يكون "مصطفى"
- صمتت قليلا ثم أكملت قائله:
- -ممكن يحس من الصوت انى فى المواصلات ويشك اننا مش فى البيت .. بلاش أرد أحسن -طيب ممكن يكون حد من المزرعة .. افتحى ولو سمعتى صوت "مصطفى" اقفلى على طول
 - -خلاص فصل
 - عاود الهاتف الرنين مرة أخرى .. فحثتها "ريهام" قائله:
 - -ردی
 - فتحت "ياسمين" الخط وانتظرت أن يتحدث المتصل. فأتاها صوت لا تعرفه:
 - -ألو السلام عليكم
 - ردت بحذر:
 - وعليكم السلام .. مين حضرتك
 - -أنا "أيمن" جوز "سماح" .. كنت عايز أعرف انتوا فين بالظبط وأدامكوا أد ايه
 - -طيب لحظة واحدة لو سمحت
 - نظرت الى والدها وقالت له:
 - -بابا جوز "سماح" .. كلمه انت عايز يعرف أدامنا أد ايه
 - تكلم مع والدها وعرف أن أمامهم ما يقرب من ساعة .. أنهى المكالمة وقال لـ "عمر: "
 - -أدامهم ساعة تقريباً ويوصلوا
 - -طیب تمام
 - صمت "عمر" قليلا ثم قال:
 - -هى مكنتش راضية تكلمك ؟
- -أعتقد كانت خايفه ترد حسيت بصوتها في البدايه بتتكلم بحذر أوى .. شكل جوزها ده مربيلها الرعب
 - -لأ مش قصدى .. قصدى لما قولتلها ان انت جوز "سماح "
 - -قالتلى لحظة واحدة وبعدين لقيت باباها بيكلمني
 - أومأ "عمر" برأسه ولم يعقب
 - -طيب هقوم أشوف شغلى ..أشوفك بعدين .. أما يوصلوا هعرفك
 - رد "عمر" قائلا:
 - -تمام
 - خرج "أيمن" وترك "عمر" يفكر في تصرفات تلك الفتاة الغريبة

اقتربت السيارة من المزرعة فأعطت "سماح" الهاتف لوالدها ليتصل بـ "أيمن .. "وصلوا أخيرا الى المزرعة بعد عناء ثلاث ساعات على الطريق .. كانت الشمس فى كبد السماء .. استقبلهم "أيمن" على بوابة المزرعة ورحب بهم .. أدخلهم الى الداخل .. وقعت "ياسمين" فى حب المزرعة من أول وهله .. كانت بطبيعتها تحب الهدوء والخضرة والطبيعة الساحرة ..

وكانت المزرعة فعلا ساحرة .. خطفت لُبها من أول نظرة .. بمجرد أن عبرت البوابة شعرت بمزيج من الهدوء والسلام والطمأنينة .. تغريد العصافير على الشجر كان يبعث في نفسها التفائل والأمل .. وجدت نفسها تبتسم وهي تتأمل الطبيعة الساحرة حولها ... كان يبدو أن مالك المزرعة ذو ذوق خاص .. لم يبخل على مزرعته بشئ .. فكانت من أجمل ما يكون ..كان المين المقدمة والاسمين والد الياسمين المقدمة والمسمين والد المقدمة والد المقدمة والدالم الفتاتان قائلاً :

-عجبتكوا المزرعة

قالت "ياسمين" بحماسه:

-جداً ..شكل صاحبها مهتم بيها أوى

-فعلاً "عمر" على طول مهتم بيها

إذن فإسم صاحب المزرعة "عمر" .. تساءلت في نفسها .. ترى هل هو شخص طيب ومحترم مثل "أيمن" .. أم أنها ستجد مشاكل في العمل معه .. كانت "ريهام "تسير بجوار أختها تتأمل المزرعة بدورها عندما حانت التفاته منها لترى رجلين يتحدثان معاً أمام احدى الشجيرات .. دققت النظر وفجأه فتحت فهمها دهشة عندما تعرفت على أحد هذين الرجلين .. أدخلهم "أيمن" الى مكتب "عمر" والذي كان فارغاً .. ثم طلب لهم مشروب واستأذنهم في الذهاب للبحث عن "عمر"

بعدما رحل "أيمن" .. انحنت "ريهام" على أذن "ياسمين" هامسه:

" -ياسمين" عارفه شوفت مين بره ؟ .. الراجل الجامد اللي كان عندك في المستشفى قالت "ياسمين" باستغراب:

-راجل مین ؟

-ايه يا "ياسمين" دماغك ساحت من الشمس ولا ايه .. الراجل اللي خبطك بالعربية - ماله ؟

-لسه شايفاه واقف بره

قالت "ياسمين" لأختها بعدم تصديق:

-وده ایه اللی هیجیبه هنا یا "ریهام" .. شکل دماغك انتی اللی ساحت من الشمس أصرت "ریهام" قائله:

-والله هو أنا واثقه مش هتوه عنه .. أبو برفيوم يجيب لآخر الشارع ده

ضحكت "ياسمين" ضحكه خافته .. والتفتت الى حقيبتها تفتحها لتخرج منها الهاتف ..سألتها "ريهام: "

-هتکلمی "سماح"

-أيوة هطمنها اننا وصلنا

في هذه الأثناء ذهب "أيمن" للبحث عن "عمر" فوجده قادما نحوه ..فقال "أيمن: "

-الجماعة وصلوا وفي مكتبك

-طیب کویس

سارا الاثنان معاً فى اتجاه المبنى الذى يحوى مكتبه ومكاتب الموظفين العاملين فى المزرعة .. خطر لـ "عمر" سوال .. تُرى ماذا سيكون رد فعلها عندما تراه .. فهى حتى الآن لا تعلم أنه هو

نفسه من صدمها بسيارته منذ فترة .. بالتأكيد ستُصدم لرؤيته .. ابتسم لنفسه وهو يتوقع الصدمة التى ستشعر بها .. طرق "أيمن "الباب ودخل أولا ثم لحقه "عمر" وأغلق الباب كانت "ياسمين" جالسه بجوار أختها .. و"عبد الحميد" يجلس على أريكة أمامهما .. تقدم الرجلان تجاه "عبد الحميد" .. فرفعت "ياسمين" رأسها لترتطم نظراتها بنظرات "عمر" .. خفق قلبها بشدة .. نظرت الى "ريهام" لتنظر لها تلك الأخيرة بنظره معناها (مش قولتلك .. (حاولت "ياسمين" ربط الخيوط ببعضها .. ما علاقة ذلك الرجل بـ "أيمن" هل هو صديقه صاحب المزرعة .. وهو نفسه من صدمها .. هل يعلم بأنها هي هي .. أم أنه صدم مثلها .. تابعته بعينيها وهو يسلم على والدها .. كلا لا يبدو عليه أنه صدم أو دُهش .. اذن فقد كان يعلم بأنها هي صديقة " سماح" .. لماذا اذن عرض عليها العمل في المزرعة .. أمجامله لصديقه ؟ .. أم محاوله منه لتخفيف شعوره بالذنب بسبب تلك الحادثه ؟ ..

قدم "أيمن" الرجلين لبعضهما البعض قائلا:

-أستاذ "عبد الحميد" والد مدام "ياسمين ... الباشمهندس "عمر" صاحب المزرعة مد "عمر" يده لوالد "ياسمين" فسلم عليه والدها ونظر اليه قليلا وقال:

-أهلا بيك يا باشمهندس .. بس أنا حاسس انى شوفتك قبل كده

حانت من "عمر" التفاته الى "ياسمين" فتلاقت نظراتهما .. فأسرعت بخفض بصرها بعدما تضرجت وجنتاها خجلاً .. قال في نفسه اذن فقد تذكرته كما تذكرها .. التفت "عمر" الى والدها مرة أخرى قائلا:

-اتقابلنا في المستشفى بعد الحادثة بتاعة مدام "ياسمين"

قال والدها وقد تذكر:

-أيوة أيوة انت اللي خبطها بعربيتك

كان "أيمن" يتابع ما يحدث في دهشه فسألهم:

حادثة ايه مش فاهم

قال له "عمر: "

-هبقى أشرحك بعدين

بعدما سلم الرجلين على بعضهما البعض التفت "أيمن" حيث تقف "ياسمين" و "ريهام" وقال لـ "عمر: "

-مدام "ياسمين" و أختها الأنسه " ريهام.. "

اقترب "عمر" منهما ولدهشتها مد يده ليسلم عليها .. عقد لسانها .. نقلت بصرها من يده الى وجهه في توتر .. ثم استجمعت شجاعتها وقالت بصوت خافت دون أن تنظر اليه:

-أنا أسفه مبسلمش بالإيد

عقد ما بين حاجبيه في دهشة .. ثم أعاد يده الى جواره قائلا:

-أهلا بيكي في المزرعة

ردت قائله:

-أهلا بحضرتك

التفت الى "ريهام" مبتسماً قائلا:

-أهلا بيكي يا آنسه "ريهام"

-أهلا بحضرتك

جلس الجميع .. كانت 'اياسمين'' تحاول استيعاب الأمر .. سمعت صوت ''عمر'' الرخيم يقول: احنا عندنا هنا في المزرعة أقسام كتير .. منها قسم خاص بالانتاج الحيواني .. تربيه وتسمين .. أنواع كتير بنربيها هنا في المزرعة .. وكمان في معمل عشان نفحص نتايج التحليلات اللي بنعملها أول بأول..

ثم التفت الى "ياسمين" قائلا:

-شوفى المكان اللي تحبي تشتغلي فيه وأنا معنديش أي مشكلة

انتظر "عمر" ردها ..فكرت فترة وساد الصمت في الغرفة .. ثم قالت وهي تحاول قدر الإمكان تلافي النظر اليه:

-بصراحة دى أول مرة أشتغل فيها .. وأنا بعيد عن الدراسة بقالى 5 سنين .. يعني أى مكان هشتغل فيه محتاجه أتدرب فيه الأول .. فأنا مش فارق معايا حاليا هشتغل في ايه تحديدا لاني معرفش ايه اللي هقدر أعمله وايه لأ .. لازم التجربة الأول .. عشان كدة أقترح انى أساعد القسم اللي محتاج مساعده .. لحد ما أشوف ايه اللي أنا أصلح للشغل فيه

أوماً "عمر" برأسه وقد أعجبه ما قالت .. فهى إذن لا تعتبر نفسها فى نزهه هنا .. بل انها تنوى العمل بالفعل .. نظر اليها قائلا:

مفيش مشكلة عندى .. زى ما تحبي .. ولو واجهتك أى مشكلة عرفيني .. هسيبكوا النهاردة ترتاحوا من السفر .. وبكرة ان شاء الله هعرفك على المزرعة وتبتدى شغلك ثم نظر الى والدها قائلا:

اتفضلوا معايا عشان أوريكوا مكان السكن

أخذهم "عمر" الى المبنى الذى يضم غرف العمال .. كان قد جهز غرفتين .. غرفة لـ "عبد الحميد" وغرفة بفراشين لـ "ياسمين" و "ريهام" .. كانت غرف متواضعه لكنها تفى بالغرض .. شكره "عبد الحميد" وذهب الجميع الى غرفهم ليرتاحوا .. دخلت "ريهام" الغرفة بعد "ياسمين" وأغلقت الباب وهتفت قائله:

مش قولتك هو .. مكنتييش مصدقاني

نظرت اليها "ياسمين" قائله:

-بصراحة أنا مصدومة .. آخر حاجه كنت أتصورها ان الراجل اللي خبطني بالعربية يكون صاحب "أيمن" جوز "سماح"

-سبحان الله .. الدنيا صغيره .. بس باين عليه ابن ناس أوى

قالت "ياسمين" تغير الموضوع:

-أنا تعبانه وعايزه أنام نوم عميق . أنا معرفتش أنام طول الليل من التوتر كنت خايفه المصطفى الله علينا ومنعرفش نسافر

اقتربت منها "ريهام" مطمئنه اياها:

-خُلاص انسي حاجه اسمها "مصطفى" احنا فى مكان مش ممكن يعرفه .. اطمنى أومأت "ياسمين" برأسها ودخلت فراشها وغطت فى سبات عميق .. بعد ساعتين استيقظت على صوت طرقات على باب الغرفة .. استيقظت فزعه .. ونظرت الى" ريهام" التى استيقظت بدورها .. ارتدت "ياسمين" اسدال الصلاة ووقفت خلف الباب وقالت:

```
_مین ؟
```

أتاها صوت رجل من خلف الباب:

الباشمهندس "عمر" باعت الحاجات دي

فتحت الباب وأخذت من الرجل لفة شعرت بسخونتها .. أغلقت الباب ونظرت لما تحمله بدهشة .. سألتها "ريهام" قائله:

ایه ده ؟

قالت "ياسمين" بحده:

-الأفندى ده فاكر ايه بالظبط .. جايين نشحت منه ..

هبت "ريهام" واقفة وقالت:

ليه ايه اللي حصل

تركت "ياسمين" اللفة التي تحملها وخلعت اسدالها وقالت بغضب:

الباشا باعت أكل

والله كتر خيره

قالت بحده:

-احنا مش مستنيين منه حاجه .. هو فاكر نفسه ايه بالظبط عشان يبعتلنا أكل أكننا جايين هنا نشحت منه

هدئتها "ريهام" قائله:

-أكيد مش قصده كده يا "ياسمين" .. أكيد كل اللى قصده ان احنا فى بلد غريبه مبقلناش كام ساعة ولسه معرفناش النظام هنا ولا الأماكن هنا .. متأفوريش الموضوع كده تنهدت "ياسمين" قائله:

معلش أنا اليومين دول حسه ان أعصابي متوتره على طول

فتوجهت "ريهام" الى لفة الطعام تفتحه قائله:

مممم ريحته تجنن

تركتها "ياسمين" وتوجهت الى فراشها .. فسألتها "ريهام: "

ایه مش هتاکلی

قالت "ياسمين: "

-لا مش عايزه .. هكمل نومي .. تصبحي على خير

لكنها كانت متوترة لدرجة هرب معها النوم .. بعدما فشلت في النوم .. قامت وارتدت ملابسها فسألتها "ريهام" بإستغراب:

_رايحه فين ؟

-هتمشى شوية .. هحاول استكشف المكان هنا .. احنا هنعد هنا فترة ولازم نعرف الأماكن اللى حوالينا كويس

خرجت "ياسمين" من البناء فإستقبلتها النسمات تلفح وجهها .. ورائحه الزهور تملأ أنفها .. تمشت في المزرعة وهي تنظر خلفها بين الحين والأخر حتى لا تضل طريقها وتنتبه الى علامات حوالها حتى تهتدى الى طريق العودة .. فعلا كما قالت "سماح" المزرعة كبيرة جداً .. ويتم العناية بها الى حد كبير .. فجأة تذكرت صديقتها فأخرجت هاتفها لتتحدث معا:

-السلام عليكم

وعليكم السلام .. المنصورة نورت

```
ضحكت "ياسمين" قائله:
                                                                    حنوره بأهلها
                                                             قالت "سماح" بحماس:
                                                        -ها ايه رأيك المزرعة حلوة ؟
                                                                 حلوة بس دی جنه
                                                                       بجد عجبتك
                    -جدا جدا فوق مالا تتصورى .. ما انتى شوفتيها وأكيد عارفه انها تجنن
                                                             ضحكت "سماح" قائله:
                                              ـتصورى أنا لسه مشفتهاش لحد دلوقتي
                                                                   قالت لها بدهشه:
                                                                            بجد ؟
        -أيوة .. بس "أيمن" وعدنى ياخدنى يفرجنى عليها .. آه صحيح قبل ما انسى .. انتى
                                        و"ريهام" وعمو معزومين عندنا بكرة على الغدا
                                                        قالت لها "ياسمين" في حرج:
                                             " ـسماح" بلاش تتعبى نفسك مفيش داعى
-احترمی نفسك يا "ياسمين" .. لو بجد اتعاملتی كده معايا أنا هزعل منك جدا .. متحطيش فرق
                                                                    بينا لو سمحتى
                                                            ابتسمت "ياسمين" قائله:
                                                 مش بحط فرق بس مش عايزة أتعبك
                                     تعبك راحة يا ستى .. ملكيش دعوة هو حد اشتكالك
                                                            صاحت "ياسمين" فجأة:
                                                               صحيح نسيت أقولك
                                                                             ـخير
                                                 -تصورى صاحب المزرعة طلع مين ؟
                                                                 يعني ايه طلع مين
                                         طلع الراجل اللي خبطنى بالعربية يوم خطوبتك
                                                            قالت "سماح" بإندهاش:
                                                                       بتتكملي جد
                                                    -آه والله .. أنا اتصدمت أما شوفته
                                                             ضحكت "سماح" قائله:
        - يعني اللي خبطك بالعربية يوم خطوبتي هو صاحب "أيمن" اللي محضرش الخطوبة
                                 -اه .. عشان كان في المستشفى معايا .. شوفتي الصدف
                                   -صدفة غريبة فعلا .. زمانه هو كمان اتصدم لما شافك
                                                          قالت الياسمين الباستغراب:
 -أهو هو ده اللي أنا مستغرباله .. مبنش عليه أنه اتفاجئ .. اما انه كان عارف .. واما انه من
                                   النوع اللي بيعرف يخبى فعله .. أو انه مفتكرنيش أصلا
         انهت "ياسمين" المحادثة بعدما أكدت عليها "سماح" عزومة يوم غد .. فجأة نظرت
```

"ياسمين" حولها لتجد أنها قد ضلت طريقها .. فكانت تسير بغير هدى أثناء حديثها مع

فجأة سمعت صوت من خلفها قائلاً:

-كنت واثق انك هتوهى

التفتت لتجد نفسها في مواجهه "عمر".. الذي استطرد قائلا:

-شوفتك وانتى ماشيه الجهه دى وكنت واثق انك هتوهى لان الطرق من هنا متداخله وشبه بعضها

قالت "ياسمين" بإباء:

-كنت بتكلم فى الموبايل وعشان كده مركزتش .. لو مكنتش بتكلم كنت عرفت أرجع لوحدى التقطت أذنا "عمر" نبرة التحدى في صوتها .. فقال في تحدى مماثل:

-سواء كنتى مركزة أو مش مركزة المزرعة كبيرة وصعب حد غريب يمشى فيها لأول مرة وميتهش

صمتت وهى تحاول أن تكتم غيظها . فأشار بيده على الطريق الذى جاء منه قائلا: -امشي من هنا على طول بدون ما تحودى هتلاقى مبنى السكن فى وشك على طول مشيت خطوتين ثم التفتت اليه قائله:

احب أوضح لحضرتك حاجه مهمة

التفت "عمر" بجسده ليواجهها وقد أولاها كامل انتباهه .. قال لها:

اتفضلي

قالت بحزم:

-أنا جيت هنا بعد ما "سماح" أكدتلى ان المنفعة بينا هتكون متبادلة يعني شغل مقابل مرتب .. يعني اللى عايزه أقوله ان مفيش داعى ان الصحوبية والمجاملات يكون ليهم تأثير على وجودى هنا .. أنا هنا فى شغل وزيى زى أى حد بيشتغل فى المزرعة هنا .. بدون تمييز. قالت "ياسمين" ذلك ولم تعطيه فرصه للرد و توجهت الى الطريق الذى أشار اليه.

فى صباح اليوم التالى استيقظت "ياسمين" فجرا انهت صلاتها وقرأت وردها وظلت تدعو الله عز وجل أن يوفقها ويصرف عنها كل سوء ..وفى الساعة السابعة ارتدت ملابسها وتجهزت للذهاب الى عملها الذى لا تعلم عنه شيئاً حتى الآن .. كان معادها مع "عمر" فى مكتبة فى الثامنه .. لكنها جهزت نفسها قبلها بساعة حتى لا تتأخر وحتى تتمشى قليلا وتستنشق نسمات الصباح .. خرجت من الغرفة وهى تاركه "ريهام "خلفها تغط فى نوم عميق .. خرجت من المبنى وبمجرد أن رأت الأشجار والخضرة والأزهار أمامها شعرت بسكينة لم تألفها .. أخذت نفساً عميقاً تملأ رئتيها بذلك الهواء المنعش وابتسامه صغيره تعلو شفتيها .. سارت قليلا فى الإتجاه الآخر الذى لم تجربه يوم أمس....

لكنها انتبهت جيداً للطريق الذى تسير فيه حتى لا تضل طريقها مرة أخرى .. وجدت احد المبانى .. عملت انه مخصص لإستراحة الغداء .. بالفعل صاحب المزرعة يهتم بها جيداً وبنى فيها كل ما يلزم لكى تدار من الداخل ادارة ممتازه .. ما لفت نظرها أيضاً أنه يعمل على اراحه العاملين عنده .. وهذه نقطة لصالحه لديها ..جاءت الساعة الثامنة الا الثلث .. فتوجهت الى المبنى

الإدارى الذى يضم مكتب "عمر" وقفت أمام الباب وأخذت نفساً عميقاً ثم طرقته .. سمعت صوت من الداخل:

-اتفضل

دخلت "ياسمين" لتجد "عمر" جالس على مكتبه يطالع الملفات أمامه .. رفع نظره اليها قائلاً: -اتفضلي

دخلت .. وتركت باب المكتب مفتوحاً .. حانت من "عمر" التفاته الى الباب المفتوح لكنه تجاهل الأمر ولم يعلق .. جلست "ياسمين" على المقعد أمامه وهى تنتظر ما سيقول .. عاد الى مطالعة الأوراق أمامه مرة أخر .. كانت "ياسمين "تشعر بتوتر شديد .. فهذه هي المرة الأولى التى تعمل فيها .. والتى تتعامل فيه مع رب عملها .. هذا فضلاً عن أنها والى الآن لا تدرى ما هو عملها تحديداً .. أفاقت من شرودها لتنظر الى "عمر"المنهمك في مطالعة الأوراق أمامه .. انتظرته أن يتحدث .. دقيقة اثثنتين عشرة ربع ساعه .. لكنه بقى كما هو .. صعدت الدماء الى رأسها وهبت واقفه ومشت لتغادر الغرفة عدها سمعت صوت "عمر" الهادر من خلفها قائلا:

وقفت "ياسمين" مكانها دون أن تلتفت اليه .. قام من مكتبه ووقف مواجهاً لها وقال لها بحده:

نظرت اليه بحده مماثله قائله:

-مادمت حضرتك مشغول خلاص اجي وقت تانى

عقد "عمر" ذراعيه أمام صدره وقطب جبينه ونظر اليها قائلا:

-أنا ما قولتلكيش تعالى وقت تانى

قالت بشئ من الغضب:

-آه .. قولتى اتفضلى وتجاهلت وجودى تماماً وسبتنى أعده منتظرة ربع ساعه بدون ما تتكلم أكنك بتحاول تذلنى .. لكن المعاملة دى أنا مقبلهاش

قال "عمر" بإستغراب:

-أحاول أذلك .. انتى ازاى تفكيرك وصل لكده

-طيب فهمنى حضرتك الصح . فضلت آعد تبص فى الورق وتكمل شغلك ولا أكنى موجودة تفرس فيها قليلا ثم قال بهدوء:

-المعاد اللى بينى وبين حضرتك الساعة 8 وحضرتك جيتي بدري ربع ساعة .. مكنش معقول أقولك روحى وتعالى كمان ربع ساعة .. قولتلك اتفضلى .. وكملت شغلى اللى كان فى ايدي لحد ما تيجي الساعة 8

شعرت "ياسمين" بالندم على تسرعها .. هو اذن لم يرد اذلالها أو التعامل معها بتعالى كما ظنت .. ندمت جداً على ما تفوهت به .. رفعت نظرها لـ "عمر "لتجده ينظر اليها فى تحدٍ .. أطرقت برأسها قليلا ثم رفعت نظرها قائله:

-أنا آسفة فهمت الموضوع غلط

سر "عمر" لإعتذارها .. ثم نظر اليها لحظات وقال:

-خلاص محصلش حاجه . بس حاولى تتحكمى فى انفعالاتك أكتر من كده . من امبارح وانتى بتتعاملى معايا بحده ملهاش مبرر

قالت "ياسمين" ببرود تغير مجرى الحديث:

-الربع ساعه فاتت .. حضرتك مش هتوريني مكان شغلى ؟

ألتفت "اعمر" وأسار الى الباب قائلا:

-اتفضلي

سبقته "ياسمين" في الخروج من المكتب .. سارا معاً خارج المبنى حاولت ترك مسافة بينهما .. كانت تسير وهي واضعة كفيها في جيب معطفها لتحاول تدفئتهما .. فهي تشعر بأن الدم هرب من أطرافها .. كانت مازلت متوترة لكنها تظاهرت بالتماسك .. سارا معا دون أن يتفوه احداهما بحرف واحد .. أخذها "عمر" الى الأقسام التي تُربى فيها المواشي واقترب من أحد الرجال كان يرتدى البالطو الأبيض .. رجل في العقد السادس من عمره تبدو عليه الوقار .. كان يقف أمام أحد العمال ويعطى له بعض التعليمات .. اقترب منه "عمر" منادياً اياه قائلا:

-دكتور "حسن"

التفت الرجل الى "عمر" وابتسم وصرف العامل الذى كان يتحدث معه وأقبل على "عمر" قائلا

-صباح الخير يا باشمهندس ايه النور ده

بادله "عمر" الابتسامه قائلا:

-صباح النور يا دكتور .. أنا جيت أعرف الدكتورة الجديدة على المزرعة عشان تختار المكان اللي تحب تشتغل فيه..

نظر اليها الرجل وابتسم لها بحنو .. شعرت "ياسمين" بالإرتياح فهو يبدو عليه الإحترام والطيبه .. التفت اليها الرجل قائلا بإبتسامه:

-أهلا بيكي يا دكتورة منورة المزرعة

ابتسمت له قائله:

-أهلا بحضرتك

-ها قررتى تحبي تشتغلى فى ايه .. "عمر" قالى امبارح انك لو اخترتى قسم المواشي هتكونى تحت اشرافى ان شاء الله لحد ما أخليكي أحسن من أحسن دكتور هنا.. وانتى أصلا باين عليكي ذكية وهتتعملى بسرعه

سعدت 'اياسمين' لهذا الإطراء الذي أعطاها دفعة من الثقة بالنفس .. قالت له:

-طبعا دى حاجه تشرفنى يا دكتور انى أكون تحت اشراف حضرتك .. وان شاء الله أكون تحت حسن ظنك

التفت لها "عمر" قائلا:

-تحبي تشوفى المعمل .. والاسطبل يمكن تغيري رأيك ؟

أسرعت الياسمين القائله:

-لأ.. أنا هبدأ من هنا .. ده اذا مكنش عند حضرتك مانع

فكر "عمر" قائلا:

-لأ معنديش مانع .. بس الشغل في الزرايب هنا مرهق .. لكن معمل التحاليل..... قاطعته قائله:

-أنا حبه أشتغل هنا

نظر لها "عمر" بقليل من الشك .. لكنه هز رأسه قائلا:

```
-خلاص براحتك
```

كانت بالفعل قد شعرت بالإرتياح لهذا الرجل خاصة بأنه في عمر والدها .. فوجدت أن العمل سيكون جيداً تحت اشرافه

التفت "عمر" الى دكتور "حسن" قائلا:

-خلاص يا دكتور "حسن" .. الدكتورة "ياسمين" هتكون معاك من النهاردة ان شاء الله .. بس خلى بالك زى ما فهمتك هي لسه مبتدأه

ضحك دكتور "حسن" قائلا:

-متقلقش احنا مش بنعذب الدكاترة الجداد هنا بناخدهم واحدة واحدة الأول

التفت "عمر" الى "ياسمين" مرة أخرى قائلا:

-لو مرتحتيش في الشغل هذا عرفيني

قالت "ياسمين" له بخجل وقد أطرقت برأسها:

-شكراً تعبت حضرتك

انصرف "عمر" .. فطلب دكتور "حسن" من أحد العمال احضار بالطو الى "ياسمين "ارتدته وهى تشعر بالسعادة والتفائل وبدأت يومها الأول في عملها كطبيبه

عاد "عمر" الى مكتبه ليجد "أيمن" في انتظاره .. أحضر له بعض الأوراق التي تحتاج الى توقيعه أخذ "عمر" يراجعها .. عندما سأله "أيمن: "

-أخبار "ياسمين" ايه ابتدت شغل

قال "عمر" وهو ينظر الى الأوراق في يده:

-آه ابتدت شغل .. وشكلها هتتعبنى أوى

قال "أيمن" بدهشة:

-ليه ايه اللي حصل ؟

رفع "عمر" رأسه ونظر الى "أيمن" قائلا:

-واخده كل حاجه على أعصابها .. بتتعامل معايا بحده من امبارح بدون سبب

-معلش يا "عمر" يعني راعى ظروفها .. أكيد الوضع مش مريح بالنسبة لها .. سايبه بيتها وجايه مكان غريب عشان تهرب من جوزها

-بس أنا لا عملت ولا قولت حاجه تضايقها هي اللي بتفسر تصرفاتي غلط .. بتتعامل معايا وهي حاطه مناخيرها في السما

صمت قليلا ثم قال:

-وكمان هى غريبه أوى .. يعني توقعت بعد المعاملة اللى بتعاملهالى والرسم اللى بتترسمه ده .. انها تختار مكان زى المعمل تشتغل فيه .. او أضعف الايمان الاسطبل .. لكن تصور اختارت ايه ؟

-ایه ؟

-الزريبه

هز رأسه في حيره قائله:

-مش قادر أفهمها .. حسستنى وهى بتتكلم معايا أكنها برنسيسه وأنا أجرمت وحاولت أقلل من قدر سموها .. وبعدين .. ألاقيها تختار الشغل في الزريبه

ضحك "أيمن" قائلا:

-خلاص هي حره مش هي اللي اختارت

قال "عمر" بتحدى:

-أنا واثق انها يوم ولا اتنين ومش هتطيق الشغل هناك وهتجيلى تترجانى انها تشتغل في مكان تانى .. وأنا أهو وانت أهو

-طيب أسيبك بأه وأروح أكمل شغلى

هم بأن ينصرف لكنه التفت الى "عمر" مرة أخرى قائلا:

-صحيح .. انت معزوم النهاردة على الغدا

-مين اللي عزمني

ضحك "أيمن" قائلا:

-أنا .. هيكون مين يعنى هو في حد هنا يعبرك ويعزمك غيري

ابتسم "عمر" قائلا:

وهتأكلني ايه بأه يا سي "أيمن"

هرش "أيمن" رأسه قائلا:

-بصراحة معرفش .. بس "سماح" عاملة وليمة كبيرة عشان صحبتها

قال له "عمر" باهتمام:

-هي عازمة "ياسمين" ؟

-اه "ياسمين" وأختها وأبوها . فقولت أعزمك انت كمان أهو تريح معدتك من أكل المطاعم شويه

-مش عايز أضايقكوا يا "أيمن"

-تضايقنا مين يا عم .. أصلا هيبقى البنات أعدين مع بعض .. واحنا اعدين مع بعض .. هتيجي مفيهاش نقاش .. يلا أشوف شغلى بأه .. سلام

انتهى عمل "ياسمين" فى يومها الأول ... كانت سعيدة بالعمل تحت اشراف دكتور" حسن" كان الرجل بحراً من العلم .. استفادت منه كثيراً حتى أنها أحضرت دفتر وقلم لتدون ما يقول .. كان الرجل لا يفتر عن الإدلاء بمعلوماته الطبية ونصائحه وطرق تعامله مع الحالات المختلفة .. أحبت كثيراً العمل معه .. كان سريعاً نشيطاً ولديه خبره كبيرة فى العمل .. وأحبت "ياسمين" ذلك كثيراً .. بعدما انهت عملها .. كانت فى طريقها الى المبنى السكني عندما تلقت اتصالا من سماح:

- -ها خلصتی شغل
- -اه لسه مخلصة حالا
- -ايه اخبار الشغل في المزرعة

قالت "ياسمين" بحماس:

-ممتاز یا "سماح" قابلت هنا دکتور مش قادرة أقولك انسان محترم جدا وكمان شاطر جدا جدا

ومش من النوع اللى بيبخل يديكي معلومة .. بالعكس طول اليوم مبطلش كلام عن الحالات بجد استفدت منه جدا

قالت "سماح" وقد سرها فرح وحماس صديقتها بالعمل في المزرعة:

-كويس أوى الحمد لله .. بما انك خلصتى بأه فجهزى نفسك انتى و "ريهام" وعمو

قالت "ياسمين" بحرج:

-تعبتك أنا عارفه

-يا بنتى بطلى الهبل ده الله طول اليوم وأنا فرحانه ومش عارفه أعملكوا ايه ولا ايه قالت الياسمين البامتنان:

-تسلمی یا "سماح"

ثم استطردت قائئله:

-انتى وحشانى جداا .. ومش مصدقه انى اخيرا هشوفك

-انتى اللي وحشانى بجد .. يلا بسرعة بأه منتظراكوا .. اه" ياسمين" انتوا هتيجوا مع "أيمن" في العربية

قالت "ياسمين" بحرج:

-لأيا "سماح" قوليلي العنوان واحنا هنيجي

-يا بنتى أصلًا "أيمن" عندك في المزرعة .. ايه اللي يخليكوا تتشحططوا في المواصلات .. وكمان في بلد غريبة .. يلا اخلصي جهزى نفسك .. وهو أما يخلص شغله هيتصل بيكوا

ذهب "ياسمين" الى غرفتها وأخذت دشا وارتدت ملابسها واستعدت هى و "ريهام "ووالدهما .. وعندما اتصل "أيمن" أعطت الهاتف لوالدها وأخبره "أيمن" أنه ينتظرهم أمام بوابة المزرعة .. ركب ثلاثتهم وانطلقوا الى بيت "سماح .. "تعانقت الصديقتان بشدة ودموع الفرح يبلل وجهيهما .. لكم اشتاقت الى "سماح "والسمر معها .. كان "ياسمين" فى قمة سعادتها فها هى أسرتها ملتفة حولها وصديقتها المقربة بجوارها .. كانت وجوه الجميع سعيدة ضاحكة .. فتساءلت" ياسمين" هل توجد سعاده أكتر من ذلك .. جميع من تحبهم ملتفون حولك يتسامرون ويضحكون .. كانت تشعر بسعادة فارقت قلبها مدة طويلة .. فى ذلك اليوم نسيت كل مشاكلها وأحزانها .. ولم تغادر الابتسامه شفتيها قط .. أثناء ما كانت تجهز الطعام مع "سماح" فى المطبخ .. سمعت جرس الباب .. فقالت " سماح" على الفور:

ده أكيد "عمر"

التفتت الياسمين اليها قائله بدهشة:

" -عمر" مين ؟

" -عمر" صاحب "أيمن"

هزت "ياسمين" رأسها .. فلم تتوقع أن توجه له الدعوة أيضاً .. قالت "سماح" شارحه: -بيصعب عليا أوى .. عايش لوحده مفيش حد معاه .. وعشان كده "أيمن" عزمه النهارده سألت "ياسمين" صديقتها:

-عايش لوحده ليه .. وأهله فين ؟

-أهله في القاهرة عايشين هناك .. وهو كمان كان عايش هناك .. بس استقر هنا من شهر ونص تقريباً

```
-هو عايش في المزرعة مش كده ؟
```

-أيوة في فيلا صغيرة .. أكيد شوفتيها

أومأت برأسها وصرفت ذهنها الى الإهتمام بالأطباق التي تحضرها.

التف الثلاث رجال حول طاولة الطعام.. أشاد "عمر" بالأكل قائلا:

-الأكل ممتازيا "أيمن" مراتك نفسها حلو في الأكل

ابتسم "أيمن" قائلا:

-تسلّم يا "عمر" .. يلا عقبالك انت كمان ما تترحم من أكل النواشف

قال "عبد الحميد" لـ "عمر: "

-انت مش متجوز یا باشمهندس

ابتسم له "عمر" قائلا:

-لأيا عم "عبد الحميد"

-لیه یا ابنی کده ده أنا لما کنت فی سنك کنت متجوز ومخلف البنتین کمان .. وانت راجل ما شماء الله علیك متتعیبش

اختفت ابتسامه "عمر" ورد قائلا:

-لسه ملقتش بنت الحلال يا عم "عبد الحميد" .. ادعيلي ألاقيها

-ربنا يريحك بالك ويكتبلك الخير يا باشمهندس

ثم استطرد قائلا:

-ويجزيك خير على اللي عملته معانا ومع بنتى .. جميلك على راسنا من فوق

أسرع "عمر" قائلا:

-لا جميل ولا حاجه يا عم "عبد الحميد "

لمعت عينا "عبد الحميد" بالدموع وقال موجها حديثه لـ "عمر" و "أيمن: "

-لولاكم مكنتش عارف ايه اللي كان ممكن يحصل .. كان زمانا تحت رحمة اللي ميتسماش ده .. أنا لما عرفت انه حاول يخطفها كنت حاسس اني هموت من الرعب لأن ملناش ضهر نتسند

عليه .. و هو شراني هو وأهله .. ومش هيسيبوا بنتى في حالها

تحدث "أيمن" ليطمئنه قائلا:

-متقلقش يا عم "عبد الحميد" هو مستحيل يعرف مكانها هنا

قال "عمر: "

-وكمان مفيش حد غريب بيدخل المزرعة .. مبيدخلهاش الا اللى شغالين فيها بس .. يعني اطمن

قال "عبد الحميد" بتأثر:

-ربنا يباركلكوا ويجزيكوا خير ويفتحها عليكوا ويكفيكوا شر طريقكوا

فى صباح اليوم التالى .. كان "عمر" فى مكتبه بالمزرعة عندما سمع طرقات صغيره على الباب .. فهتف قائلا:

-اتفضل

انفتح الباب وانغلق بهدوء .. سمع صوت أنثوى يقول:

-صباح الخير يا باشمهندس "عمر"

رفع رأسه ليستطلع القادم .. كانت فتاة في بداية العقد الثالث بيضاء البشرة ذات عينيين عسليتين جميلة الملامح .. رسمت على شفتيها ابتسامه كبيرة وتلعت في عينيه بجرأة .. نظر اليها قائلا:

-أيوة يا دكتورة "مها" .. خير

كانت "مها" دكتورة تحاليل تعمل في معمل المزرعة .. مدت يدها بملف صغير وقالت بنفس الإبتسامه ودون أن ترفع عينيها عنه:

-ده ملف تحاليل العينات اللي أخدناها الاسبوع ده جبته لحضرتك عشان تطلع عليه نظر اليها بصرامة قائلا:

-أنا قلت لحضرتك أكتر من مرة يا دكتورة ان النتايج تتجمع وتتعرض عليا كل شهر .. أنا مش فاضى أطلع عليها مرة ولا مرتين في الاسبوع .. وسبق وقولت لحضرتك الكلام ده أكتر من مرة شعرت "مها" بالارتباك وقالت:

-أنا بس كنت حبه ان حضرتك تشوفهم أول بأول عشان.....

فاطعها قائلا:

الو عايز أشوفهم أول بأول هطلب من حضرتك كده

لم تجد ما تقول .. صمتت قليلا ثم قالت:

-أنا آسفه يا باشمهندس انى عطلتك .. بعد اذنك

ثم توجهت الى الباب وانصرفت .. حرك "عمر" رأيه يميناً ويساراً بسخرية ثم انكب على عمله ليكمله

كانت "ياسمين" متجهه الى مبنى استراحة الغداء عندما وقع نظرها على "عمر" أشاحت بوجهها واستمرت في طريقها .. عندها نادى عليها ليوقفها قائلا:

-لحظة يا دكتورة لو سمحتى

وقفت "ياسمين" واستدارت نحوه .. أقبل عليها قائلا:

-أخبار الشغل ايه .. مرتاحه في المكان اللي اخترتيه

ردت قائله:

-أيوة الحمد لله

تفرس فيها قائلا:

-يعنى الشغل مش متعب .. ومناسب ليكي

-أيوة الشغل ممتاز ومناسبني جدا

فى تلك الأثناء كانت "مها" متوجهه الى مبنى الاستراحة فرمقت "ياسمين" بنظرة نارية .. تعجبت "ياسمين" لهذه الفتاة التى ترمقها بتلك النظرات وهى لا تعرفها .. سمعت "عمر" يقول -

-طیب لو واجهتك مشاكل عرفیني

قال ذلك ثم تركها وانصرف .. توجهت "ياسمين" الى المبنى و أحضرت صنية طعامها والتفتت لتبحث عن مكان لتجلس فيه .. كانت احدى الفتيات جاله على طاولة بمفردها أشارت لـ

```
"ياسمين" كي تتقدم نحوها .. ذهبت اليها "ياسمين" فابتسمت اليها الفتاة قائله:
                               -انتى الدكتورة الجديدة .. اتفضلى اعدى معايا
                        ابتسمت لها "ياسمين" وجلست في المقعد المقابل لها
                           مدت الفتاة يدها الى "ياسمين" وقالت لها مبتسمه:
                                                     -أنا دكتورة "شيماء"
                              بادلتها "ياسمين" الابتسام وسلمت عليها قائله:
                                                  -و أنا دكتورة "ياسمين"
               -أهلا بيكى .. أنا عرفت انك شغاله تحت اشراف دكتور "حسن"
                                           اتسعت ابتسامة الياسمين القائله:
```

-بالظبط كده

قالت "شيماء" بمرح:

-أنا بأه شغاله في الاسطبلات انا المشرفة على جميع الخيول هنا

- كويس أوى .. واضح انك شاطرة أوى

ضحكت "شيماء" قائله:

-متقلقلیش بکرة تبقی زیی و أحسن

في هذه الأثناء رأت 'اياسمين'' الفتاة التي كانت ترمقها بالخارج تتقدم نحول طاولتهما .. قالت الفّتاة لـ "شيماء" ونظراتها مصوبة تجاه "ياسمين: "

-مش تعرفينا يا شيماء"

قالت"شيماء" وكأنها تستثقل المهمة:

-دكتورة ''مها'' بتشتغل في معمل المزرعة .. دكتورة ''ياسمين'' بتشتغل في قسم المواشى تحت اشراف دكتور "حسن"

رفعت "مها" حاجبيها قائله بخبث:

-مواشى!! بس دى شغلانه ذكوريه أوي .. أنا لما شوفتك واقفه بتتكلمى مع الباشمهندس "عمر" كنت فكراكى حد مهم....

ثم نظرت الى "ياسمين" بسخرية قائله:

-بس تعرفي الشغلانه لايقه عليكي

قالت ذلك وانصرفت .. كانت 'اياسمين' بالفعل تحب عملها .. لذلك تضايقت من كلام تلك الفتاة .. واحتارت أكثر .. لماذا تتحدث اليها بتلك الطريقه .. ولماذا ترمقها بتلك النظرات .. أخرجتها "شيماء" من حيرتها قائله:

-سيبك منها هي متغاظة منك بس

التفتت اليها "ياسمين" قائله بدهشة:

-ليه أنا معملتلهاش حاجه ؟

-كفاية انها شافتك واقفه بتتكلمي مع الراجل اللي هتموت عليه

قالت "ياسمين" باستغراب:

-قصدك مين

" -عمر الألفى"

أطرقت "ياسمين" رأسها في صمت .. أكملت "شيماء" حديثها وكأنها تبوح بسر من أسرار

الدوله:

-أصلها حطه عينها عليه من زمان .. وكل شويه تتسهوك وتروحله مكتبه بأى حجه .. لا وإيه كانت مفهمانا انه معجب بيها وانهم خلاص على وشك الإرتباط .. لحد ما خدت زمبه كبير أوى رفعت ياسمين رأسها ونظرت اليها متسائله .. فإنتقلت "شيماء" الى المقعد المجاور لـ "ياسمين" وأكملت "شيماء" قائله:

-لقيناه فجأة خطب .. ونأبها طلع على شونه .. عرفنا ساعتها انها كانت بتسرح بينا .. بس ايه خطب حتت بنت موزه يا "ياسمين" تحل من على حبل المشنقة .. واهلها ناس واصلين أوى .. الباشمهندس "عمر" جبها هنا من فترة هى وأمها و أبوها .. حتة بنت عاملة زى الملبن .. لأ وأمها تشوفيها تقولى أختها مش أمها

كانت "ياسمين" تستمع الى حديث "شيماء" بصمت وبدون تعقيب .. صمتت قليلا ثم قالت: -مادام خاطب .. هي عايزه منه ايه

-لأ ما هو فسخ خطوبته من شهرين كده

رفعت "ياسمين" حاجبيها بإستغراب .. فأكملت "شيماء" قائله:

-كانوا خلاص محددين معاد الفرح .. وفجأه أول ما الفرح قرب .. سابها وفسخ الخطوبة .. أكيد طبعا اللي زي ده مش عايز يقيد حريته بالجواز عشان يبقى على راحته مع البنات .. وتلاقيه مكنش ناوى يتجوزها من الاول بس حب يقضيله يومين

شعرت "ياسمين" بالدهشة من كلام "شيماء" وقالت:

-مش للدرجة دى يعنى فقالت الشيماء البثقه:

-لأ للدرجة دى وأكتر من كدة كمان .. واحد غنى جدا ووسيم جدا والبنات بتترمى تحت رجليه ايه اللى يخليه يقطع علاقاته دى كلها ويتجوز..

انهت "ياسمين" غدائها وانصرفت الى عملها .. ودون أن تقصد أخذت تفكر في كلام "شيماء"

أنهت "ياسمين" عملها وأخذت تمشى فى المزرعة .. وصلت الى احدى الأشجار الكبيرة .. كانت الشجرة كبيرة ولها شكل مهيب .. أعجبت "ياسمين" بجمالها وبالطريقه التى تم بها تقليم أوراقها فأعطتها شكل جذاب .. توجهت اليها لتحتمى بظلها .. أسندت ظهرها على أحد فروعها .. وشردت بعيداً .. كانت تشعر فى هذا المكان بسكينة غريبه .. وكأنه لا يوجد فى هذا العالم سواها .. والسماء .. والمساحة الشاسعه من الخضرة أمامها

تمنت لو تبقى هنا للأبد .. فى هذا المكان وفى هذا الموضع .. جلست على غصن كبير وأسندت رأسها على الشجرة .. وأغمضت عينيها تستمع الى تغريد العصافير على الشجر .. تستمتع بالنسمات التى تلفح وجهها بنعومه .. ارتسمت ابتسامه على شفتيها وهى تستمتع بما حولها وهى مغمضة عينيها فى صمت

كان "عمر" يسير على غير هدى حتى استوقفه منظر الفتاة التى تجلس مغمضة العينين على غصن شجرته .. نعم شجرته .. الشجرة الوحيدة التى زرعها بيديه مع جده وهو صغير .. ظل يتأمل ابتسامتها العذبه الباديه على محياها .. والهدوء والراحة والسكينة التى تبدو على وجهها .. أطلق احد الطيور صوتا عاليا بالقرب من "ياسمين" فإنتفضت خائفه تنظر للطائر وهو يبتعد

. التفتت أمامها لتجد "عمر" الذى يقف على بعد أمتار منها .. واضعاً يديه فى جيب بنطاله ويوجهه نظره اليها .. شعرت بالخجل .. وتساءلت منذ متى وهو يقف هنا .. أوقف يشاهدها أم استوقفه شئ آخر .. نهضت من على الجذع وأطرقت برأسها سارت لتعود الى غرفتها .. مرت بجواره . فالتفت اليها واستوقفها قائلا:

-لحظة واحدة لو سمحتى

التفتت اليه دون أن تنظر اليه .. راقب "عمر" حمرة الخجل التي تتصاعد الى وجنتيها .. مشهد لم يعتاده من قبل .. وقف لحظات ينظر لها في صمت حتى تململت الفتاة قائله:

-خير يا باشمهندس في حاجه ؟

أدخل يده في جيب الجاكت وأخرج حفنة من المال كان قد أعدها سلفاً ومد يده بها اليها .. نقلت بصرها من وجهه الى يده ثم الى وجهه مرة أخرى وقالت بإستغراب:

-ایه ده ؟

قال بهدوء:

-مرتبك

أعادت ما قال بدهشة:

-مرتبی ؟

ابتسم ابتسامه زادته وسامة قائلا:

-أيوة مرتبك .. أمال كنتى فاكره هنشغلك عندنا مجانا ولا ايه

صمتت قليلا ثم قال:

-صحيح دى أول مرة أشتغل فيها بس اللى أعرفه ان الناس بتقبض مرتبها آخر الشهر بعد 30 يوم .. مش بعد 3 أيام

قال و هو مازال محتفظاً بإبتسامته:

-تمام .. بس انتى حالة خاصه

نظرت اليه "ياسمين" وقالت بحزم:

-قولت لحضرتك قبل كدة تعاملنى زى أى حد بيشتغل هنا بدون تمييز

طيب خديهم يمكن تحتاجيهم .. ومن الشهر الجاى تقبضى زى زمايلك

قالت ببرود:

-لأ شكرا .. مش هحتاجهم

نظر اليها "عمر" بشئ من الغضب ثم أعاد المال الى جيبه قائلا:

-براحتك

صمت قليلا ثم قال:

-أنا مش فاهم انتى ليه بتتعاملي كده

نظرت اليه صامته .. فأكمل قائلاً:

-بتتصرفى معايا بحده من أول يوم جيتى فيه هنا .. واسلوبك معايا غريب

نظرت اليه ببرود قائله:

-وايه الاسلوب اللي عايزني أتعامل بيه مع حضرتك ؟

-المفروض اننا معرفة .. يعنى أخويا وصاحبي متجوز أعز صحابك .. يعنى المفروض يكون فى ود وعشم في التعامل بينا .. تبتسمي في وشي

بدل ما انتى مركبالى الوش الخشب ده .. أنا شوفتك وانتى بتتعاملى مع دكتور "حسن" بتتعاملى معاه بطريقه طبيعيه وبذوق وبتبتسمى فى وشه .. يعني كل اللى طالبه انك تتعاملى معايا زى أى بنت عادية

أطرقت "ياسمين" وقد بدأت تفهم طبيعة هذا الرجل الواقف أمامها .. والذى اعتاد على تهافت الفتيات عليه .. واللاتي يحاولن جذبه اليهن بالكلمة تارة وبالابتسامه تارة أخرى .. فسار هذا عنده هو المعتاد والطبيعي والمألوف .. لذلك هو يجد طريقة تعاملها الجادة معه ووضع الحدود في الكلام .. شئ غريب على مثله .. لكنه سيعلم قريباً بأنها ليست كغيرها

رفعت رأسها ونظرت اليه وقالت بهدوء وحزم:

-أنا مش زى البنات اللي حضرتك بتتعامل معاهم

فظر اليها صامتاً فاستطردت قائله:

دى طبيعتى وده اسلوبي ومش هغيره عشان أى حد .. حتى لو كنا معرفة زى ما حضرتك بتقول .. فده مش معناه ان مفيش حدود بينا

نظر اليها وقد ضاقت عيناه في صمت .. تركته وانصرفت .. تابعها بعينيه وهي تسير في طريقها بثقه .. رغم الضيق الذي شعر به من اسلوبها معه .. إلا أنه وجد ابتسامه صغيرة ترتسم على شفتيه ببطء

طرق والدها باب الغرفة ففتحت له "ريهام" دخل وجلس مع بنتاه ووجه حديثه الى "ياسمين" قائلاً:

-ایه یا "یاسمین" مرتاحه فی شغلك

ابتسمت له قائله:

-جداً يا بابا الحمد لله .. المكان هنا جميل .. والشغل مع دكتور "حسن" مفيد جداً

-طيب الحمد لله .. يعني مفيش حد بيضيقك هنا

-لأيا بابا اطمن

-عامة لو حد ضايقك قولى للباشمهندس "عمر" على طول

اختفت ابتسامتها وقالت لوالدها:

-لو حد ضايقني أنا أقدر أتصرف معاه كويس .. مش محتاجه حد يدافع عني .. اطمن عليا يا بابا

فى تلك الليلة أغمضت عينيها فى محاولة للاستسلام للنوم .. لكنها وجدت نفسها تفكر فى كلام الشيماء العن العمرال .. ترى لماذا ترك خطيبته .. هل هو شخص لاهى كما تصوره الشيماء الشيماء الله علاقة فعلاً بالمهال .. هل هى الوحيدة أم علاقاته امتدت لفتيات غيرها بالمزرعة .. اذا كان فعلا شخص عابث فلماذا ترك القاهرة وأتى لتلك البلدة الريفية .. أله حبيبه هنا لا يقوى على فراقها ؟ .. لامت نفسها بشدة على الإهتمام بمعرفة اجابات تلك الأسئلة التى انطلقت كالشلال في رأسها .. حاولت نفض تلك الأفكار من رأسها .. لكن عيناه السوداوين العميقتين ظلت صورتهما تطاردها في رأسها .. هبت جالسه وهي تشعر بالغضب من نفسها .. توضأت وصلت ركعتين وانشغلت بقراءة احدى الروايات لتصرف تفكيرها عنه.

مرت عدة أيام و "ياسمين" سعيدة بعملها في المزرعة .. وتحت اشراف دكتور" حسن" كان مريحاً في التعامل ولم تحدث مشاكل بينهما .. كانت مبهورة بعلمه وبمهارته فتتعلم منه كل يوم شيئاً جديداً .. أيضاً دكتور " "حسن" أعجب كثيراً بذكائها وحماسها ونشاطها وسرعتها في التعلم.. فكان يعتبرها تلميذته النجيبه ويتنبأ لها بمستقبل باهر في عملها .. شعر الأسى عليها عندما علم منها بقصتها والسبب الذي دفعها هي وأهلها للمجئ الى المزرعة .. طمئنها وبث الأمل فيها بأن فرج الله قريب .. عليها فقط أن تتحلى بالصبر وسيخرجها الله من محنتها...

في ذات يوم قدم الى المزرعة رجل في العقد السادس من عمره .. أتى بسيارته الفارهه وبدلته الأنيقة استقبله "عمر" بعدما نزل من سيارته أمام بيت المزرعة:

-أهلا بيك يا أستاذ "شاكر"

سلم عليه الرجل قائلا:

-أهلا بيك انت يا بشمهندس .. أنا متشكر انك هتديني شوية من وقتك

-لا أبدا ازاى حضرتك تقولى كده .. اتفضل

أدخل "عمر" الرجل الى بيت المزرعة .. كان الرجل هو عميل من عملاء "عمر "الذين يشترون ما تنتجه المزرعة من ألبان .. رحب "عمر" بالرجل وقدمت لهم الخادمة أقداح الشاى الساخن .. تحدث الرجل قائلا:

-بصرحة أنا كنت عايز منك خدمة يا بشمهندس واتمنى انك متخذلنيش

أسرع "عمر" قائلا:

-طبعا يا أستاذ "شاكر" اتفضل

-أنا ابنى الصغير في آخر سنة له في كلية الطب البيطري .. وانت عارف ان أي شغل بيتطلب خبره .. الولد معندوش أى فكره عن أى شئ .. انت عارف ان في مصر للأسف بندرس في الجامعه حاجة والشغل العملي بيكون حاجه تانية خالص .. فأنا كنت حابب بما انه في آخر سنة انه ييجى يتدرب عندك هنا في المزرعة . أنا عارف ان عندك دكاترة ممتازين جدا وانك مش بتشغل عندك الا ناس كفائتها عاليه .. أنا بس عايزه يكون تحت ايديهم .. وكمان ده هيفيده في امتحاناته السنة دى لان عندهم جزء كبير عملى .. وهو زى ما قولت ميح خالص

أسرع "عمر" قائلا:

-طبعا يا أستاذ "شاكر" .. يشرفنا وجوده في المزرعة وهنا عندنا دكاترة ممتازين وان شاء الله يستفاد منهم

-متشكر جدا يا بشمهندس وهو ده كان العشم

انتهت المقابلة وانصرف "شاكر" ... حان معاد استراحة الغداء عندما تركت" ياسمين" ما بيدها لتذهب لتتناول طعامها .. لمحت عند البوابة فلاحه بسيطة كبيرة في السن تتحدث مع الرجل الواقف على البوابة والرجل يحاول اخراجها وهي تأبي أن تخرج .. لفت المشهد نظر "ياسمين" خاصة وأن الرجل كان يتعامل مع السيدة الكبيرة بغلظة وخشونة .. اقتربت من البوابة فسمعت تلك السيدة تقول:

-أبوس ايدك يا ابنى دخلنى .. أنا زى أمك

رد عليها الرجل وهو يدفعه لتخرج خارج المزرعة:

- -لا أمى ولا أبويا .. ممنوع يامه محدش بيدخل هنا غير اللي بيشتغلوا بس
 - -يا ابنى ما انا كنت بشتغل هنا .. أبوس ايدك دخلنى
 - -یا ست امشی بأه الله یسهلك

تقدمت "ياسمين" منهما قائله:

-خير في ايه ؟

قالت السيدة بسرعة وكأنها تستنجد ب"ياسمين:"

- -الهى يكرمك يا بنتى خليه يدخلنى .. أنا ورايا عيال اعمل ايه بس يا ربي وجهت "ياسمين" كلامها الى الرجل قائله:
 - -حضرتك مش عايز تدخلها ليه
- -عشان ممنوع حد يدخل الا اذا كان بيشتغل في المزرعة ودى مبتشتغلش فيها

انفجرت السيدة باكية وقالت:

-طیب أعمل ایه بس یا ربی ..

رق قلب "ياسمين" لحال تلك السيدة وأخذتها وخرجت من البوابة لتتحدث معها .. ربتت بكفها على كتف السيدة قائله:

-خير يا حجه مالك في ايه

قالت السيدة وهي مازالت تبكي:

- -أنا يا بنتى كنت بشتغل هنا .. بس عندى عيل تعب وكنت عده جمبه فى المستشفى .. بعيد عنك وعن السمعيين جاله التهاب جامد فى الرئه وكان يا حبت عيني بيتوجع أوى .. دخلت بيه المستشفى وغبت فترة .. رجعت لقيتهم حسبي الله ونعم الوكيل فيهم طردونى من الشغل عشان غبت فترة طويله
 - -طيب وليه مشرحتلهمش ظروفك
 - -هما یا بنتی مدینی فرصة أشرح حاجه .. أنا ورایا کوم لحم أعمل ایه فیهم بس یا ربی وانفجرت مرة أخری فی البكاء .. وأمسكت ید "یاسمین" قائله:
 - -انشاله ينجيكي ويكفيكي شر المرض ساعديني أدخل أتكلم مع رئيس العمال يمكن يرضى يرجعني تاني

كاد قلب "ياسمين" أن ينفطر لحال تلك السيدة المسكينة وقررت أن تساعدها .. فقالت لها:

-طيب أنا هساعدك يا حجه وهشرحلهم ظروفك .. تعالى بكرة فى نفس المعاد وأنا أقولك عملت المعاد وأنا أقولك عملت الله

حاولت السيدة تقبيل يدها فسحبتها "ياسمين" بسرعة .. قالت لها:

-ربنا يباركلك يا بنتى ويكفيكي شر طريقك .. أنا كل يوم باجى هنا .. هاجى بكرة ويارب أسمع خبر حلو

ابتسمت لها "ياسمين" في حنو وربتت على كتفها قائله:

-ادعى ربنا وان شاء الله يرجعوكي الشغل تاني

تركتها "ياسمين" ودخلت وهى متأثره بشدة .. كيف يطردون سيدة مثلها وهى فى أمس الحاجة للمال .. توجهت الى المبنى الإدارى حيث مكتب "عمر" .. طرقته طرقات خفيفة ..سمعت صوت من الداخل:

-اتفضل

دخلت .. رفع "عمر" رأسه ليجدها أمامه .. هز رأسه لتتقدم .. تركت الباب مفتوحاً كما المرة الماضية ودخلت وقفت أمام المكتب قائله:

-صباح الخير يا بشمهندس

رد "عمر: "

-صباح النور

نظر "عمر" الى الباب المفتوح .. ثم نظر اليها قائلا:

- هو مينفعش الباب يتقفل .. لأزم اللّي رايح واللي جاى يتفرج علينا

ارتبكت "ياسمين" نظرت الى الباب ثم اليه .. كان يرقب ردود أفعالها .. قالت بتوتر:

-آسفه مش هينفع أقفله

همت بالإنصراف ثم قالت:

-خلاص مفيش مشكلة شكراً

أوقفها "عمر" قائلاً:

-استنى

الفتت اليه فنظر اليها قائلاً:

-انتى على طول متسرعه كدة

صمتت ولم تجب .. أشار برأسه الى الكرسي أمام المكتب قائلا بصرامة:

-اقعدي

تقدمت "ياسمين" وجلست .. نظر اليها .. كانت تحاول استجماع قواها وترتيب أفكرها .. صمتت لحظات ثم التفتت اليه تنظر اليه قائله:

-فى واحدة كانت بتشتغل هذا فى الحلب .. هى ست كبيرة فى السن .. وشكلها على أد حالها .. كانت واقفة على البوابة الراجل مش راضى يدخلها .. اتكلمت معاها .. طردوها من الشغل عشان كانت بتغيب كتير.. بس هى معذوره ابنها كان تعبان فى المستشفى وهى كنت أعده جمبه كان "عمر" يراقبها وهى تتحدث وعلى وجهها ملامح التأثر لحال تلك السيدة .. بلعت ريقها ثم استطردت قائله:

-هى غلبانه أوى .. وملهاش شغل تانى تصرف منه على ولادها .. يعني لو ينفع .. يعني .. حضرتك ..

قاطعها قائلا:

-بتتوسطيلها عندى يعني ؟

بللت شفيها بلسانها وقد شعرت أن حلقها جاف من التوتر .. قالت:

-لو ينفع حضرتك ترجعها الشغل تانى يبقى خدت فيها ثواب .. لأن فعلا شكلها محتاجة للشغل

صمت "عمر" لحظات ثم نظر اليها قائلا:

-لو فعلا مشوها للسبب ده يعني بسبب غيابها .. فأنا هقول لرئيس العمال يرجعها تانى لم تصدق "ياسمين" ما سمعت .. شعرت بفرحة عارمة أن استطاعت مساعدة تلك السيدة الفقيرة .. نظرت الى "عمر" وهتفت والابتسامه تعلو شفتيها:

-بجد ؟ .. يعني هترجعوها الشغل ؟

راقب "عمر" ابتسامتها والفرحة التي تعلو وجهها من أجل سيدة لا تعرفها ولم تلتقي بها من

قبل .. ساد الصمت .. لاحظت الياسمين التفرسه فيها .. فشعرت بحمرة الخجل وهي تتصاعد الي وجنتيها فخفضت بصرها .. قال بعد برهه:

-أيوة .. لو كان زى ما قالت هو ده السبب اللى طردوها عشانه .. يعني متكنش عملت حاجه غلط سرقت مثلا أو سببت تلفيات

شكرته "ياسمين" قائلا:

-شكراً لحضرتك .. وهى عامة بتيجي تقف كل يوم أدام البوابة .. وهى هتيجي بكرة عشان تعرف اذا كانت هترجع الشغل ولا لأ

هز "عمر" رأسه .. فنهضت "ياسمين" ونظرت اليه قائله:

-متشكره مرة تانية

ثم خرجت وأغلقت الباب وراءها .. ظل "عمر" ينظر الى الباب المغلق و هو يفكر فى رقة قلب تلك الفتاة .. التى شعرت الفرح الذى أنار وجهها من أجل تلك السيدة الفقيرة .. كم هى رقيقه .. تحب الخير للآخرين .. كان مستغرقاً فى تفكيره عندما طرق "أيمن" الباب ودخل قائلاً ببشاشة

-ازيك يا "عمر"

ابتسم له "عمر" قائلا:

-تمام الحمد لله

جلس ''أيمن'' على المقعد التي كانت تجلس فيه ''ياسمين'' منذ قليل .. تفرس في صديقه الشارد الذهن قائلا:

-ایه مالك فی ایه

ابتسم "عمر" قائلا:

-لا أبداً مفيش حاجه

قال "أيمن" لصديقه وهو يشير الى ذراعه اليسرى الموضوعه على المكتب:

-أخبار دراعك ايه دلوقتى

رفع "عمر" ذراعه ونظر اليه قائلا:

-الحمد لله .. من ساعة ما فكيت الجبس وأنا حاسس انها أحسن .. المشكلة بس انى كل فترة بحس فيها بتنميل شديد ومبكنش قادر احركها

قال "أيمن" بقلق:

-ما قولتش للدكتور اللي متابع معاك الكلام ده ليه ؟

تنهد "عمر" قائلا:

-قولتله وقالى طبيعي .. ده نتيجه لضعف الأعصاب في دراعي بعد الحادثة .. وان العلاج الطبيعي هيقوى الأعصاب وهترجع ايدي تاني زي الأول

حث "أيمن" صديقه قائلا:

-يبأه ركز في موضوع العلاج ده ومتهملوش يا "عمر"

ابتسم له "عمر" في صمت .. ثم استأذن "أيمن" في الإنصراف الى عمله.

دخلت "ياسمين" غرفتها لتجد "ريهام" جالسه على فراشها .. هبت واقفه بمجرد أن رأتها

```
وقالت:
```

-أخيرا شرفتي سيادتك

قالت "ياسمين" وهي تغير ملابسها:

-معلش یا "اریهام" النهاردة كن يوم متعب جدا واتأخرنا شویة

قالت "ريهام" بتبرم:

-على طول انتى مشغولة وبابا كمان مشغول في الشغل الجديد اللي شافهوله البشمهندس "عمر" .. وأنا أعده لوحدي طول النهار

نظرت الهيا "ياسمين" قائله:

-ما انتی بتذاکری یا "ریهام" عشان خلاص الترم قرب یخلص

قالت بزهق:

-اتخنقت خلاص .. طول النهار مذاكره مذاكره .. بجد اتخنقت نفسي نطلع أنا وانتى نتفسح شوية .. نشوف ناس نعد أعده حلوة

ابتسمت لها "ياسمين" قائله:

-خلاص اتفقنا .. بعد بكرة الجمعة ان شاء الله .. تعالى نطلع نتفسح في أى مكان ونغير جو هتفت "ريهام" بفرحه:

-بجد یا "یاسمین" ؟ ... هیییییییه

قالت "ياسمين" بفرحة:

-ایه رأیك كمان أكلم "سماح" واهی تغیر جو معانا هی كمان

ابتسمت "ريهام" قائله:

-طبعا فكرة حلوة جدا كلميها دلوقتى عشان تعمل حسابها

هاتفت 'ایاسمین' صدیقتها واقترحت علیها الخروج معاً یوم الجمعة .. فقالت لها 'اسماح: " -موافقة طبعا .. أنا كمان مخنوقة جدا .. ولسه كنت بقول لـ ''أیمن'' كدة .. خلاص هستأذنه وأرد علیكي یا ''یاسمین"

-خلاص وأنا منتظرة اتصالك ان شاء الله

بعدما عاد "أيمن" من العمل التف الإثنان حول طاولة الطاعم وأخبرته "سماح"برغبتها في التنزه مع "ياسمين" و "ريهام" قائله:

-بصراحة نفسى أخرج يا "أيمن" أنا على طول محبوسه في البيت

مسح "أيمن" بكفه على شعرها قائلا:

-معلش يا حبيبتى .. عارف انى بسيبك لوحدك كتير

أخذت يده الموضوعه على شعرها وقبلتها قائله:

-ربنا يعينك يا حبيبتى أنا عارفه انت بتتعب أد ايه .. عارف نفسي نخرج سوا بس انت بتكون مشغول حتى يوم الجمعة

ابتسم لها "أيمن" قائلا:

-أنا أفضى نفسي عشانك يا حبيبتي

هتفت بسعادة قائله:

-بجد يا "أيمن" ؟ .. يعنى هنخرج سوا يوم الجمعة ؟

قلبها قائلا:

```
-طالما حبيبتى عايزه تخرج تتفسح .. يبقى لازم نفسحها ما لبثت أن تلاشت ابتسامة "سماح" قائله:
-طب و"ياسمين" .. يا ربي .. خايفه تزعل منى فكر "أيمن" قليلا ثم قال:
-طيب أنا عندى اقتراح حلو نظرت اليه "سماح" بلهفه قائله:
-ايه هو ؟
```

-ايه رأيك نطلع أنا وانتى و "ياسمين" و "ريهام" وعم "عبد الحميد" ونقضى يوم في راس البر

-بجد یا "أیمن" ؟

-أيوة بجد هيكون يوم حلو وتغيير جو .. وكمان الفترة دى البلد بتكون فاضية يعني هنكون على راحتنا .. وانتى تغيري جو وكمان تتفسحى مع صحبتك

قامت "سماح" معانقه اياه قائله:

-انت أحسن زوج في الدنيا دى كلها

أمسك رأسها بين كفيه وقبلها قائلا:

-وانتى أروع زوجة فى الدنيا دى كلها

-صباح الخير يا دكتورة "ياسمين"

كانت "ياسمين" تستعد لبدء عملها .. عندما دخل دكتور "حسن" وألقى عليها تلك العبارة .. التفتت اليه قائله:

-صباح الخير يا دكتور "حسن"

سألها دكتور "حسن" وهو يستعد بإرتداء البالطو:

ايه أخبار حالة الـ mastitis بتاعة امبارح

كله تمام يا دكتور .. اديتلها جرعة الـ antibiotic بعد ما حضرتك مشيت .. وان شاء الله همر عليها دلوقتى

توجهت الى باب المكتب لتهم بالخروج عندما استوقفها قائلاً:

دكتورة "ياسمين"

التفتت اليه قائله:

ایوة یا دکتور

فى طالب هييجى يتدرب عندنا هنا. هو ابن لعميل مهم من عملاء المزرعة . البشمهندس

"عمر" وصاني عليه .. هو طالب في البكالوريوس

كانت "ياسمين" تستمع اليه في اهتمام.. فأكمل قائلا:

انتی اللی هتتولی تدریبه

قالت بدهشة:

-أنا يا دكتور

ايوة انتى

قالت باستغراب:

بس یا دکتور أنا نفسی لسه بتدرب

وعشان كدة عايزك تدربيه .. شوفى يا دكتورة .. أحسن طريقة لتثبيت المعلومة لا بكتابتها ولا بحفظها .. بممارستها .. كون ان يبقى فى طالب عندك وانتى بتشرحيله كل المعلومات اللى عارفاها عن الحالة اللي أدامك ده يثبت المعلومة أكتر .. ومش بس كده ده بيديكى ثقه فى نفسك كمان

ابتسمت قائله:

_فعلا يا دكتور .. أيام الكلية مكنتش بعرف أحفظ أسماء الـ Nerve والـ Muscles إلا وأنا بشرحها لصحابى

ابتسم لها قائلا:

وعشان كده عايزك انتى اللي تدربيه

ابتسمت له قائله:

متشكرة على الثقه دى يا دكتور .. بعد اذنك

اتفضلي

كانت "ياسمين" تقوم بعملها عندما أتاها اتصال من "سماح" .. أخبرتها صديقتها بفكرة "أيمن" .. رحبت "ياسمين" بالفكرة لأنها لم تكن لتحب ترك والدها فى المزرعة بمفرده .. اتفقا على السفر بعد صلاة الفجر يوم الجمعة ان شاء الله .. فى فترة الغداء أتت "شيماء" لتجلس مع "ياسمين" على الطاولة .. استقبلتها" ياسمين" بالإبتسامه .. قالت "شيماء: "

ازیك یا "سمسم" أخبارك ایه

ـتمام يا "شيماء" الحمد لله

فينك بقالك كام يوم مش بشوفك في فترة الغدا

-أهاا الشغل كتير أوى اليومين دول فباكل أى حاجه وأنا بشتغل

-هتقوليلي .. دكتور "حسن" مبيرحمش نفسه أبداً ولا بيرحم اللي معاه

دافعت "ياسمين" عنه قائله:

ـده لأنه عنده ضمير في الشغل .. وفعلا بستفاد منه جداً

انتهت الفتاتان التهام طعامهما وتوجهتا الى الخارج .. عندها قالت ''شيماء'' لـ ''ياسمين: '' _وأنا أقول مجتش تتغدى ليه مش عوايدها أتاريها واقفه مع الدون جوان

نظرت "ياسمين" الى حيث تشير "شيماء" .. لتجد " مها" واقفه تتحدث الى "عمر .. "وعلى وجهها ابتسامه كبيرة وتنظر في عينيه بجرأة .. حانت من "عمر "التفاته اتجاه "ياسمين" فتظاهرت "ياسمين" بالنظر الى شئ آخر .. ثم التفتت الى "شيماء" قائله:

-هروح أكمل شغلى

انصرفت الى عملها وهي تتساءل في نفسها عن طبيعة العلاقة بين "عمر" و "مها"

استوقف "عمر" أثناء انصرافه أحد العمال قائلا:

-يا باشمهندس "عمر" خلاص لقينا غفير كويس وابن حلال وساكن في البلد دي -سألتوا عنه كويس

ایوة واد غلبان مقطوع من شجره وبیجری علی أكل عیشه

طيب تمام خليه ييجى بكرة لرئيس العمال عشان يبدأ شغل من بكرة ان شاء الله

تنحنح الرجل قليلا وبدا عليه التردد فسأله "عمر: "

-خير في حاجه ؟

-يعني يا بشمهندس "عمر" متاخذنيش في الكلام يعني .. بس يعني هو فين "عويس" والجماعه بتوعه ؟

قال "عمر" ببرود:

۔مشی

-أيوة يعني مشى فجأة كدة ومن يوم وليلة .. ده حتى هدومه وهدوم جماعته لسه فى الأوضة .. ومقالش لجنس مخلوق انه هيسيب الشغل

قال "عمر" بنفاذ صبر:

دى حاجه متخصنيش .. يلا على شغلك

فى صباح يوم الجمعة وبعد صلاة الفجر استعدت "ياسمين" و "ريهام" ووالدهما .. اتصلت "سماح" ليخبرها أنها تنتظرهم مع "أيمن" أمام بوابة المزرعة .. كانت" ياسمين" فرحه للغاية وأعدت الكثير من السندوتشات والعصير .. و"ريهام "أيضاً كانت متلهفة على تلك النزهه .. سبقهما والدهما .. وحملت الفتاتان حقيبة الطعام وأسرعا الخطى .. عندها قالت "ريهام" فحأة .

ایه ده هو المز جای هو کمان ولا ایه

نظرت "ياسمين" الى حيث تنظر أختها لتجد "عمر" وقد أوقف سيارته خلف سيارة "أيمن" .. خفق قلبها بشدة وقالت لـ "ريهام: "

-أكيد لأ .. ايه اللي هيجيبه معانا

ـلأ أنا حاسه انه جاى معانا

عندما وصلت الفتاتان نزلت "سماح" لترحب بهما .. وبعد تبادل عبارات المجاملة .. انطلقت سيارة "أيمن" و "سماح" تجلس بجواره .. أما "ياسمين" و "ريهام "ووالدهما يجلسون في الخلف .. بعد فترة حانت من "ريهام" التفاته للخلف ثم مالت على أذن "ياسمين" قائله: مش قولتلك المز جاى معانا

نظرت اليها "ياسمين" فأشارت "ريهام" الى الخلف .. التفتت "ياسمين" لتنظر عبر الزجاج الخلفى للسيارة فتلاقت نظراتها مع نظرات "عمر" فأسرعت بإعادة رأسها الى الأمام .. وقلبها يخفق بشدة .. وهى تتساءل لماذا لم تخبرها" سماح" بمرافقة "عمر" لهم .. وصلوا جميعاً الى الشط .. التهى الرجال الثلاثة معاً في المزاح والضحك ولعب الدومينو .. أما الفتيات الثلاثة فأخذن يتمشين على الشاطى ويستعدن ذكريات الطفوله والجامعة .. كانت "ياسمين" فرحه للغاية .. وتشعر بأنها خفيفه كالريشه .. كانت تنظر الى البحر وتملى نظرها بجمال سحره وروعته .. في الغداء تناول الجميع السندوتشات التي أعدتها" ياسمين" و "سماح" .. كانت "سماح" مندمجة في الحديث مع "ريهام" فتركتهما" ياسمين" وتمشت على الشاطئ بلا هدف .. رآها "عمر" وهي تنحني لتلتقط شئ من الأرض ثم تتحسسه بيدها وتنحني لتلتقط شيئاً آخر .. في نهاية اليوم كان الجميع فرحاً وسعيداً واندمج "عبد الحميد" مع الشابين جدا وأحبا صحبته أخذ يقص عليهم ذكرياته الى يختزنها في زوايا عقله .. كانوا يستمعون له والابتسانه تعلو شفتيهما .. وصلت "ياسمين" و "ريهام" الى سيارة "أيمن "ووقفوا بجوارها .. أقبل تعلو شفتيهما .. وصلت "ياسمين" و "ريهام" الى سيارة "أيمن "ووقفوا بجوارها .. أقبل

"عمر" ووقف على مقربه منهما في انتظار الباقيين .. التفت "عمر" الى "ياسمين" فوجدها تمسك شئ بيدها وتعبث به .. فنظر الى ما تحمله قائلا:

ایه اللی فی ایدك ده ؟

رفعت "ياسمين" رأسها تنظر اليه وقد أدهشها سؤاله .. ظلت صامته للحظات ثم قالت:

احجار صغيرة

ابتسم ابتسامه جذابه قائلاً:

ايوة أنا عارف .. بس بتعملي بيهم ايه

احتارت "ياسمين" فيما تقول .. ساد الصمت برهه ثم قالت:

بحب أجمعهم من على الشط

اتسعت ابتسامة "عمر" ولمعت عيناه قائلا:

اخيرا لقيت حد يشاركني هوايتي الغريبة

تصاعدت حمرة الخجل على وجنتيها بسبب نظرته العميقة التي تربكها وابتسامته التي تخطف الألباب .. أكمل بنفس الابتسامه:

-أنا كمان بحب أجمع الصخور الصغيرة من على الشط .. بس مش أى صخور .. بحتفظ باللى تلفت انتباهى بس

لم تبادله "ياسمين" الإبتسام .. بل تجاهلت تماما كلامه والنظر اليه .. حضر الجميع وركبوا وانطلوا في طريق العودة

توجهت "ريهام" الى فراشها .. عندما كانت "ياسمين" تقوم بطي ملابسها لتضعها فى الدولاب .. نظرت اليها "ريهام" وقالت بخبث وهى تعبث بشعرها:

) -أخيرا لقيت حد يشاركني هوايتي الغريبة (

التفتت اليها "ياسمين" مستفهمة .. قالت لها:

ایه ؟ بتقولی ایه ؟

قالت لها "ريهام: "

مفیش هو حد کلمك

أكملت "ريهام" بنفس الخبث:

) -بحتفظ باللي تلفت انتباهي بس(

نظرت اليها "ياسمين" قائله:

بتكلمي نفسك .. برافو

قالت "ياسمين" ذلك وأطفأت النور وتودهت الى فراشها و تدثرت .. حاولت التفكير في أحداث اليوم لكن التعب كان قد بلغ منها مبلغه فغطت في سبات عميق

فى اليوم التالى أنهت "ياسمين" عملها وتوجهت الى شجرتها .. كانت تحب الإختلاء والجلوس فى اليوم البقعة التى تفصلها عن العالم .. شردت قليلا في رحلة يوم أمس .. وفى كلمات "عمر" وجدت الإبتسامه تتسلل ببطء الى شفتيها .. ثم عادت لتتذكر الكلام الذى سمعته من "شيماء" عنه .. وعلاقته بـ "مها" وغير" مها" .. تنهدت وحولت صرف تفكيرها عنه .. سمعت صوت هاتفها .. وجدت رقماً غريباً ردت قائله:

-السلام عليكم

أتاها صوت يقول في قسوة:

والله لو روحتى لآخر بلاد المسلمين لهوصلك يا "ياسمين" وساعتها مش هعتقك أبداً قفز قلب "ياسمين" من مكانه .. وشعرت بالرعب لمجرد سماعها لصوت "مصطفى "أغلقت هاتفها تماما .. ووقفت تتلفت حولها وهى لا تدرى ماذا تفعل .. كانت تخاف منه خوفاً شديداً .. خشت أن يعرف طريقها ويحاول خطفها مرة أخرى أو يفعل بها ما هو أسوأ .. مشت مسرعة عائدة الى غرفتها .. كانت لا ترى أمامها .. تشعر بتوتر بالغ .. ارتطمت في طريقها بـ "عمر" الذي كان متوجها الى بيت المزرعة .. وقفت تنظر اليه وهي لا تراه .. كانت علامات الرعب باديه على وجهها .. نظر اليها "عمر" قائلاً بلهفه:

ایه مالك فی ایه ؟

شعرت بأن الكلمات تهرب منها انحدرت دمعة حائرة من عينيها .. وأخذت تتعالى أصوات قلبها وتزداد سرعة تنفسها .. هتف "عمر" بلوعه:

" _ياسمين" مالك ايه اللي حصل

نظر الى الطريق الذى أتت منه لعله يتبين سبب فزعها .. استجمعت قواها وقالت بصوت مرتجف وهي تمد يدها بهاتفها قائله:

" _مصطفى"

نظر اليها قائلا:

" مصطفى المين .. مين المصطفى ال

_رددت قائله:

" مصطفى" كلمنى

خمن "عمر" بأنها تقصد زوجها .. لم تقوى أعصابها على التحمل كانت خائفة بشدة وترتجف أحاطت نفسها بذراعيها وقالت وعينيها تدوران في المكان بخوف:

انا خايفة أوى

نظر اليها "عمر" وطمأنها قائلا:

متخفیش محدش یقدر یأذیکی طول ما انتی هنا

نظرت اليه قائله وهي تبكي:

قالى هعرف طريقك ومش هعتقك

شعر "عمر" بالغضب لذلك المنعدم الرجوله الذى يهدد امرأة ويرعبها بهذا الشكل .. كانت العبرات تنزل من عينيها في صمت .. شعر بالألم يغزو قلبه مد يده وأمسك ذراعها أراد أن يطمئنها ويوقف ارتجافه جسدها .. انتفضت" ياسمين" للمسته وأبعدت نفسها عنه .. وقفت تنظر اليه بدهشة ممزوجة بالغضب .. أدرك "عمر" أنه أغضبها .. فأسرع يشرح قائلا:

انا مقصدتش حاجه ... كنت بس عايز

لم تدعه يكمل كلامه وانصرفت عائده الى غرفتها .. شعر "عمر" بالضيق لأنه أغضبها .. صعدت "ياسمين" الى غرفتها وهى تفكر غاضبة كيف يجرؤ على لمسها بهذا الشكل .. أيظنها فتاة سهله كفتياته اللاتى يعرفهن .. واللاتى يتهافتن عليه محاولات جذبه واستمالته .. أيظنها واحدة منهن .. شعرت بالحنق والضيق من كليهما .. "عمر " و "مصطفى"

في اليوم التالي كانت واقفة تتفحص احدى الأبقار عندما وجدت شاب تراه لأول مرة .. كان شابا

يافعاً يبدو وكأنه ضل طريقه .. خمنت "ياسمين" بأن هذا هو تلميذها الذى تحدث دكتور "حسن" عنه .. اقترب منها الشباب وابتسم قائلا:

-السلام عليكم

ردت "ياسمين: "

وعليكم السلام .. أهلا بحضرتك أنا دكتورة "ياسمين"

قال الشاب:

_أهلا بيكي أنا "هانى"

ثم استطرد قائلا:

انا "هانی شاکر"

قال ذلك ثم انفجر ضاحكاً .. نظرت "ياسمين" اليه بدهشة ثم لم تتمالك نفسها فضحكت ضحكة خافته حاولت كتمها .. لم تضحك للفكاهه في اسمه .. بل ضحكت لطريقة ضحك الشاب فقد أرجع رأسه الى الوراء وضحك بصخب بطريقة أضحكتها..

كان "عمر" يسير مع أحد العمال يعطيه بعض التعليمات .. عندما لفت انتباهه صوت الضحك الصاخب فالتفت ليجد "ياسمين" تقف مع "هانى" ابن العميل الذى أتى اليه منذ أيام .. رآى ابتسامتها وضحكتها التى تحاول كبحها .. شعر بالحنق فصرف العامل وسار نحوهما ... فى هذه الأثناء قالت "ياسمين" لـ "هانى: "

ادخل اتعرف على المكان على ما أرجع

تركته وانصرفت لتجد "عمر" يعترض طريقها .. نظر "عمر" الى الفتى الذى يسير للداخل ثم أعاد نظره الى "ياسمين" قائلا ببرود:

مش نشوف شغلنا أحسن

نظرت "ياسمين" اليه بحيره قائله:

مش فاهمة قصد حضرتك ايه

غير "عمر" الموضوع قائلا:

-الست اللي كلمتيني عنها .. أحب أبشرك انها رجعت الشغل النهاردة

سعدت "ياسمين" كَثيراً لهذا الخبر فقد كانت بالفعل تشفق على تلك السيدة وأولادها .. رددت قائله:

الحمد لله

رفعت نظرها لتجد نظرات "عمر" المصوبة تجاهها .. فقالت بسرعة:

بعد اذن حضرتك

ثم تركته وانصرفت.

راقبها من بعيد وهى تباشر عملها .. كانت منهمكة فى عملها لدرجة أنها لم تشعر بوجوده .. بل لم تشعر بأى شئ حولها .. وقف يراقب حركاتها .. سكناتها .. لا يدرى لماذا يفعل ذلك .. فهى ليست بالجميلة التى تبهر الأنظار والعقول .. وليست ممن اعتاد صحبتهن والتعامل معهن .. لكن بها شئ غريب يدفعه لأن يراقبها ويحاول فهمها .. ربما كان هذا هو سبب فضوله .. أنه لا يستطيع حتى الآن فهمها .. تصرفاتها غريبة .. مبادءها عجيبه .. لم يقابل مثلها من قبل .. تجمع

المتناقضات في آن واحد .. خجوله .. واثقة بنفسها .. رقيقة القلب .. قوية الشخصية .. ذكية .. عملية .. ضعيفة .. هشه .. مذيج عجيب لم يقابل مثله .. لذلك يشعر دائماً بأنها لغز غامض .. وفضوله يدفعه دفعاً لإستكشاف هذا اللغز ومحاولة حله .. اقترب منها قائلاً:

-صباح الخير يا دكتورة

رفعت رأسها لتنظر اليه قائله وحبات العرق تنبت على جبينها:

-صباح الخير يا بشمهندس

وضع "عمر" يديه في جيب بنطاله وأخذ ينظر اليها والى ما في يدها ثم قال:

بتعملی ایه ؟

قالت "ياسمين" دون أن تنظر اليه:

دى عينات خدناها من القطيع النهاردة عشان الكشف الدورى .. بجهزهم عشان أبعتهم المعمل هز رأسه .. ثم أخذ يتململ فى وقفته لا يدرى أصلا ما الذى يفعله هنا .. نظر اليها ثم قال: - أخبار الشغل ايه مرتاحه فيه ؟

قالت وهي لا تزال منهمكه في عملها:

-أيوة الحمد لله

سألها بإهتمام:

حد ضايقك تانى ؟

كان يقصد اتصال "مصطفى" .. ردت بإقتضاب:

٧_

لم يجد ما يقول .. فصمت قليلا ثم قال:

طيب بعد اذنك

قال ذلك ثم انصرف .. رفعت "ياسمين" رأسها لتنظر اليه وهو يبتعد .. ثم عادت لتكمل عملها مرة أخرى

كانت "ياسمين" جالسه مع "شيماء" في استراحة الغداء يتسامران ويتضاحكان .. وفجأة أتت "مها" لتجلس معهم بدون استئذان .. توقف الحديث ونظرت الفتاتان الى بعضهما البعض .. وأكملت كل منهما طعامها في صمت .. قطعت "مها" هذا الصمت قائله:

-أنا عرفت ان مش بس انتى اللى بتشتغلى هنا ده كمان والدك وأختك يا "ياسمين" .. هى ايه الحكاية بالظبط ؟

قالت "ياسمين" ببرود:

حكاية ايه ؟

رفعت "مها" حاجبها قائله بسخرية:

-يعني انتى مش شايفه انها غريبة ان واحدة تيجي من محافظة تانية هى وأهلها عشان يشتغلوا مع بعض فى المزرعة ؟ .. أكيد فى سر ورا الموضوع ده

قالت "ياسمين" بنفس البرود:

ولا سر ولا حاجه

```
ازدادت "مها" في سخريتها قائله:
```

-معروف عن البشمهندس "عمر" انه بيحب يعمل خير في الناس . شكلك صعبتى عليه انتى وأهلك وعشان كده شعلكوا عنده في المزرعة

هبت الياسمين الواقفة وهتفت قائله:

-مسمحلكيش تتكملى ربع كلمة عنى أو عن أهلى .. وأنا جايه هنا أشتغل مش أشحت من حد قالت ذلك ثم تركت طعامها وغادرت المكان .. نظرت اليها "شيماء" بعتاب قائله:

حان ایه لزمته الکلام ده ؟

-بالله عليكي انتى مش شايفه ان الحكاية دى غريبة .. وان فى سر هى مخبياها عننا -ملناش دعوة هى حرة

-أنا بأه هعرف السر اللي هي مخبياه .. واللي مخلى "عمر" مهتم بيها وبأهلها أوى كده نهضت "شيماء" وانصرفت هي الأخرى .. تاركه "مها" خلفها.

المش حماتك اتخطبت ا!

نطق "أيمن" هذه العبارة وهو جالس في أحد المطاعم مع "عمر" وهما يتناولان معاً طعام العشاء .. رد "عمر" قائلاً:

-تغور ه*ی* وبنتها

أكمل "أيمن" قائلا:

-اتخطبت لواحد عربي من اللي بيستثمروا فلوسهم في مصر .. شكله أكبر منها بكتير نظر اليه "عمر" مستفسراً:

وانت عرفت منين ؟

-شوفت صورتهم في الجرنال من كام يوم .. واحدة معندهاش ريحة الدم مش تستنى ما عدتها تخلص

قال "عمر" مستهزئا:

ده على أساس انها بتطبق كلام ربنا أوى في الأمور التانية .. يا سيدى هي جت على العدة .. ربنا يسهلها

قال "أيمن" لصديقه:

-بصراحة يا "عمر" أنا مش عارف انت كنت واقع وسط الناس دى ازاى .. أنا لا كنت برتاح للي كانت خطيبتك دى ولا لأمها .. كويس ان ربنا نجاك منهم

قال "عمر" بضيق:

قفل على سيرتهم يا "أيمن" بجد مش حابب أفتكر حاجه عنهم

نظر "أمين" الى صديقه فترة ثم سأله بشك:

-انت لسه حاسس بحاجة نحيتها

نظر "عمر" اليه بدهشه قائلا:

ـنحية مين ؟

اا ـنانسى"

قال "عمر " على الفور:

-لأطبعا

```
واثق ؟
```

-أيوة واثق

-أمال ليه اضايقت لما جبت سيرتهم

صمت "عمر" قليلا ثم رفع بصره لصديقه قائلا:

- لانى لما بفتكر هم بفتكر أد ايه أنا كنت غبي وأعمى .. وبضايق من نفسي جدا .. وبحس انى رغم العمر ده كله معرفتش أحكم على الناس صح

تنهد ثم قال:

-بصراحة ندمان على كل كلمة حلوة سمعتهالها .. انت عارف انى طول عمرى مكنش ليا علاقات مع أى بنت .. مجرد صحوبيه عاديه .. لكن حب واتباط لأ.. أولا لانى مكنتش فاضى من الشغل للدراسة .. كانت الحياة العملية وخدانى فى دوامتها .. ولما فكرت أتجوز .. اديت كل مشاعرى لـ "نانسي" و كنت حاسس انها البنت اللى بدور عليها .. بس بجد كنت أعمى .. معرفتش أختار صح .. وندمان أوى على كل كلمة قولتلهالها .. لأن الكلام ده من حق واحدة بس

صمت قليلا ثم قال بسخرية:

-واحدة معرفش أصلاً اذا كنت هلاقيها ولا لأ

قال "أيمن" بتفائل:

-يا ابنى البنات الكويسه كتير ... وانت ألف واحدة تتمناك

نظر اليه "عمر" قائلاً بإصرار:

ـمش هتجوز الا واحدة عتنع بيها 100% يا "أيمن" .. أنا مش عايز جوازه والسلام .. فاكر كلامك ليا أيام خطوبتك لـ "سماح" قولتلى انك بتدور على واحدة تحس بيها وتحس بيك وتكون سكن ليها وتكون ليك وتكون ليك وتكون ليك وتكون أنا عايز واحدة كدة .. أكون أنا وهى كده

ابتسم له "أيمن" وربت على كتفه قائلا:

ان شاء الله هتلاقيها

صمت الصديقان وعادا الى تناول طعامهما في صمت .. بعد فترة قطع "عمر" هذا الصمت قائلا

صحيح كنت عايز أسألك عن حاجه

خيريا "عمر " ؟

بدا على "عمر" التردد قليلا ثم قال:

-هى صاحبة مراتك معاد جلستها اتحدد ولا لسه ؟

فهم "أيمن" ما يرمى اليه لكنه تظاهر بعدم الفهم قائلا:

-صاحبة مراتى مين ؟

نظر اليه "عمر" بحده قائلاً:

" -ياسمين"

ابتسم "أيمن" ورشف رشفه من كوب الماء الموضوع أمامه ثم قال:

-لألسه متحددتش الجلسه .. لو اتحددت كان زمان "سماح" مقدرتش تستنى عشان تبلغنى الخبر

شرد "عمر" قليلا ثم قال:

- هو ممكن ما يتحكملهاش بالطلاق ؟

هز "أيمن" كتفيه قائلاً:

-الله أعلم .. على حسب القضية وعلى حسب شطارة المحامى

قال "عمر " بسرعة:

-لأ أنا واثق في أستاذ "شوقى" جدا

عادا ليكملا طعامهما في صمت مرة أخرى .. و"أيمن" يرمق صديقه بنظرات صامته بين الحين والآخر

كانت عائده من استراحة الغداء عندما استوقفها "عمر" قائلاً:

-ثوانی لو سمحتی

التفتت "اياسمين الله منتظره ما سيقول .. مد يده الى جيبه وأخرج شيئاً وقدمه اليها .. نظرت الى ما يحمله ثم نظرت اليه متفهمه:

ایه ده ؟

نظر "عمر" اليها قائلا:

-خط جدید .. وارمی اللی معاکی .. عشان محدش یضایقك تانی

نظرت اليه مندهشه لا تدرى ما تقول .. صمتت قليلاً ثم قالت:

-أنا مش عارفه ازاى مفكرتش فى الحل ده قبل كده .. فعلاً أحسن حاجه هو انى ارمى خطى بدل ما أفضل أعده على أعصابي وخايفه أرد على أى رقم

لكنها استطردت قائلا:

-بس مش هينفع أخده من حضرتك .. أنا هروح بكرة ان شاء الله أشترى خط تانى

قال لها بضيق:

وتشترى ليه ما الخط موجود أهو

شعرت "ياسمين" بالحرج وقالت:

- يعني .. مفيش داعي .. أنا هجيب خط تاني بكره

قال بحده:

-الأفضل ان الخط ميكنش بإسمك عشان ميقدرس بأى طريقة انه يوصلك .. لو الخط بإسمك ويعرف حد فى شركات المحمول ممكن بسهولة يوصل لرقمك خاصة انه عارف بياناتك كلها .. ونفس الشئ بالنسبة لبيانات أختك ووالدك

أيقنت صحة ما يقول لكنها بقيت متردده .. نظر اليها ببرود قائلاً وهو مازال يمد يده بالخط الجديد:

-متخفیش یا دکتورة هنخصم تمنه من مرتبك آخر الشهر

شعرت "ياسمين" بحرج بالغ فأخذت منه الخط. فقال بجديه:

-متديش الرقم إلا للناس اللي بتثقى فيهم بس .. يعني والدك .. أختك .. 'اسماح' .. المحامى .. عشان ميقدرش يوصل لرقمك ويضايقك تانى

أومأت "ياسمين" برأسها قائله:

-شكراً .. تعبت حضرتك .. بعد اذنك

كانت " مها" تراقب المشهد من مكان قريب .. لم تتمكن من معرفة عن ماذا يدور الحوار .. ولا عما أعطاه "عمر" لـ "ياسمين" .. لكن عينيها كانت تشعان حقداً وغلاً.

بعد انتهاء يوم من العمل الشاق .. خرجت "ياسمين" عائدة الى غرفتها عندما استوقفتها "مها" معترضة طريقها قائله بسخرية:

على فين يا دكتورة ؟

نظرت اليها "ياسمين" وهى تحاول كبح غيظها .. فقد كانت "ياسمين" تعلم جيداً بأن "مها" لا تستلطفها ولا تحبها .. لذلك كانت تحاول قدر الإمكان تلاشى الصدام معها .. قالت لها:

-خلصت شغلى وراجعه أوضتى .. بعد اذنك

همت "ياسمين" بالإنصراف لكن "مها" وقفت أمامها وعقدت ذراعيها امام صدرها قائله:

-العينات اللي بعتيهالي المعمل كلها اتجلطت

نظرت اليها "ياسمين" بدهشة قائله:

-ازای یعنی اتجلطت

قالت لها "مها" بسخرية:

مش عارفه یعنی ایه عینة دم تتجلط ؟.. یعنی باظت یا دکتورة

قالت الياسمين البحده قائله:

-ازاى يعنى .. ايه اللي جلطها

-اللي جلطها ان حضرتك محطتيش Anticoagulant قبل ما تحطى عينات الدم في الأنابيب هتفت "ياسمين" بغضب:

-انتى بتقولى ايه .. انا حطه بنفسي الهيبارين فى كل الأنابيب قبل ما أحط فيها العينات اللى خدتها

قالت "مها" ببرود:

بقولك العينات كلها اتجلطت يبقى ازاى يعني كنتى حاطه هيبارين

احتدت الياسمين القائله:

-يعنى أنا بكدب

-أنا ما قولتش كده

حاولت "ياسمين" كظم غيظها .. كتفت يديها أمام صدرها قائله:

والمطلوب دلوقتى

قالت المهاا بتشفى:

-المطلوب انك تاخدى كل العينات تانى والكلام ده يخلص النهاردة لانك زى ما انتى عارفه الفروض النتايج كلها تظهر بكرة عشان نعرضهم على البشمهندس "عمر .. "ولو البشمهندس ملقاش النتايج هتبقى انتى اللى فى وش المدفع

قالت لها "ياسمين" ببرود:

-العينات هتكون عندك بكرة يا دكتورة

غادرت "مها" وهي ترسم على شفتيها ابتسامه التشفى

عكفت "ياسمين" على أخذ العينات مرة أخرى الأمر الذى أرهقها للغاية فعمل يومين مطلوب

منها أن تعيده مرة أخرى فى عدة ساعات .. كانت تعمل بسرعة لكن بدقة حتى لا تقع فى أى خطأ ..كان "عمر" متوجهاً الى بيت المزرعة .. عندما وجد ضوء أحد الزرائب مضاءاً .. استغرب لأن من المفترض أن الجميع غادر الى بيته .. اقتربت منه ودخل ووجد "ياسمين" تعمل بهمة ونشاط .. اقترب منها "عمر" فرفعت رأسها لتنظر اليه .. قال لها بدهشة:

-انتى بتعملى ايه هنا لحد دلوقتى ؟

عادت الى اكمال عملها قائله:

-عندي شغل

لحد دلوقتي ؟

_أيوة

رآى "عمر" علامات الإجهاد على وجهها فأشفق على حالها وقال بحنو:

-طيب أجلى الشغل لبكرة .. الوقت اتأخر دلوقتي

قالت الياسمين البشئ من الحده:

- لازم الشغل يخلص دلوقتى .. لأن العينات اللي خدتها باظت ولازم أخلصها دلوقتى عشان أديها لدكتورة "مها" الصبح

شعر "عمر" بنبرة الضيق في صوتها فسألها بإهتمام قائلاً:

في حد بيضايقك هنا ؟

صمتت "ياسمين" قليلا ثم قالت:

-لأ مفيش

تفرس فيها قائلاً:

واثقة ؟

نظرت اليه مطمئنه اياه قائله:

اليوة واثقه .. مفيش أي مشاكل الحمد لله

أومأ "عمر" برأسه مطمئناً .. ثم نظر اليها قائلاً:

-أدامك كتير

شعرت بشئ من السرور لإهتمامه .. ردت بصوت خافت:

-يعني شوية

ابتسم "عمر" قائلاً:

-نفسى أسعادك .. بس مليش في اللي انتي بتعمليه ده خالص

خفق قلبها بشدة لمرآى ابتسامته .. ولكلامه عن رغبته فى مساعدتها .. فخفضت بصرها و تجاهلت خفقات قلبها وأكملت عملها فى صمت .. شعر بنفسه يود البقاء معها أكثر لكنه رآى توترها فنظر اليها قائلاً:

-أنا فى البيت مش خارج .. لو احتجتى حاجة عرفيني شعرت فى قلبها بسعادة خفيه .. لم تجب .. فرحل فى صمت.

بعد فترة من انهماكها فى العمل سمعت صوتاً فى الخارج أمام الباب .. شعرت بالخوف .. سارت ببطء لتتبين مصدر هذا الصوت .. خرجت لتجد أحد العمال يجلس بجوار الباب ويتفرش الأرض .. قالت له بدهشة:

-انت بتعمل ایه هنا ؟

قفز الرجل من مكانه وقال لها:

-الباشمهندس "عمر" قالى أفضل هنا عشان لو الدكتورة احتاجتنى فى حاجة .. ومتحركش من مكانى الا لما تخلص شغلها

شعرت بخفقات قلبها تتسارع مرة أخرى .. تُرى ما هو سر اهتمامه بها .. لماذا يهتم بتوفير هذا العامل لها .. ألأنها تعمل فى مزرعته ومسؤلة منه .. هل لو كانت أى فتاة أخرى مكانها هل كان ليفعل ذلك أيضاً .. طردت' ياسمين' تلك الأفكار من رأسها وقالت لنفسها بسخريه .. أفيقي يا "ياسمين "أين أنت وأين هو .. مثله معتاد الحصول على أجمل الفتيات وارقاهن .. بالتأكيد اهتمامه بك لن يعدو أن يكون مجاملة لصديقه .. أو لعله مازال يشعر بالذنب بسبب الحادث ويريد أن يكفر عن ذنبه ليريح ضميره.

جافى النوم "عمر" فى هذه الليلة .. ظل ساهراً فى شرفه منزله ... كان يشعر بشئ غريب لا يستطيع هو نفسه تسميته .. نظر الى النجوم التى تزين السماء وهى تضئ وتتوهج فى روعة .. وجد الابتسامه تتسلل الى شفتيه بلا استئذان .. شعر بنسمات الهواء المنعش وكأنه يستنشقها لأول مرة .. شعر بسعادة غريبة تسرى مع دماؤه فى شرايينه وأوردته .. لم يستطع أن يحدد سبباً لتلك الحالة الغريبة التى تعتريه .. فقط كان يشعر بكل تلك الأشياء ولم يعرف لذلك سبباً واضحاً ..

فى الصباح أتى الى المزرعة أحد عملائها الكبار .. استقبله "عمر" بترحاب شديد وقدم له واجب الضيافه .. أراد الرجل شراء كمية كبيرة من عجول التسمين .. كانت بالنسبة لـ "عمر" صفقة كبيرة ستدر عليه ربحاً وفيراً .. قاد "عمر" الرجل الى حيث المواشي ليلقى نظره عليها وعلى الأعلاف التى تقدم لها .. وجدت "ياسمين" "عمر" يدخل مكتبها برفقة رجل فهبت واقفه ..قدم "عمر" الرجل اليها قائلاً:

-صباح الخير يا دكتورة .. أقدملك الأستاذ "خالد الدمرداش" ده عميل عندنا من زمان .. ومن الناس اللي احنا بنعتز بالتعامل معاهم

قال "خالد: "

متشکر یا بشمهندس ده من ذوقك

قدم "عمر" "ياسمين" الى الرجل قائلاً:

-الدكتورة الياسمين الطبيبة بيطرية في المزرعة عندنا وهي هتفيدك أكتر في شرح نوعيه الأعلاف وجودة القطعان عندنا

التفت الرجل الى "ياسمين" مبتسماً ومد يده قائلاً:

اتشرفت بمعرفتك يا دكتورة الياسميناا

نظرت 'ایاسمین' الی ید الرجل بتوتر ثم ما لبثت أن قالت:

-آسفة مبسلمش

نظر الرجل اليها بحده وأعاد يده قائلاً بسخرية:

اليه خايفه يتنقض وضوئك ؟

شعرت "ياسمين" بالإحمرار يغزو وجنتيها .. وقالت:

-لأ أكيد مش ده السبب

قال الرجل وهو ينظر اليها بتعالى:

-انتى أصلاً تعرفى أنا مين .. كون انى واقف بتكلم معاكى دلوقتى دى حاجه مكنتيش تحلمى بيها "ثم التفت الى "عمر" قائلاً:

-الظاهر انك معرفتش تختار صح الناس اللى تقدمنى ليهم يا بشمهندس .. ياريت نكمل كلامنا في مكتبك

احتقن وجه "عمر" بشدة .. وألقى على "ياسمين" نظرة احتارت فى تفسير معناها ثم توجه مع الرجل الى الخارج .. جلست "ياسمين" وهى تشعر بالحنق الشديد .. من يظن نفسه ليتعامل معها بهذا الشكل .. نعم هى لا تسلم على الرجال .. ولن تتنازل وتفعل ذلك لترضى أحداً مهما كان الحرج الذى ستسببه له ولنفسها .. تسائلت فى نفسها ترى هل "عمر" غاضب منها لأنها لم تسلم على الرجل .. ولكنه يعرف طبعها .. حتى هو رفضت السلام عليه فى أول يوم لها بالمزرعة .. هل ظن بأنها تعمدت احراج الرجل .. هل يرى بأنها تسببت فى حدوث مشاكل بينه وبين أحد عملاؤه المهمين .. ظلت الأسئله تدور فى رأسها بدون توقف .. بعد مضى ساعة تقريباً .. لم تستطع تحمل هذا الكم من التوتر شعرت بأنها ترغب فى الدفاع عن نفسها وأن تشرح لـ "عمر "بأنها لم تكن لتقصد أن تؤذيه وأن تتسبب فى أى مشكلة .. لكن هذه طبيعتها ومبادءها ولن تغيرها .. نهضت وتوجهت الى مكتب "عمر ".. طرقت الباب فأتاها صوته:

فتحت الباب وأخذت تتطلع الى وجهه لعلها تتبين انفعالاته .. نظر اليها ولم يتكلم .. دخلت وتركت الباب مفتوحاً .. لم يعلق على الباب المفتوح هذه المرة .. وقفت أمام المكتب قليلاً .. ثم تحدثت بصوت هادئ:

-أنا أسفه

نظرت اليه فوجدته ينظر اليها بدون أى رد فعل .. فأكملت قائله:

مكنش قصدى أعمل مشكلة بين حضرتك وبين العميل .. بس حضرتك عارف انى مبسلمش على حد

ساد الصمت لبرهه .. وجدته ينهض من مكتبه ويلتف حوله ليصبح مواجهاً لها .. التفتت اليه .. نظر اليها قائلاً:

-عايزة تفهميني انك مبتسلميش أبداً على أى راجل .. حتى لو كان كبير في السن زى الاستاذ الخالد "

قالت بجديه:

ایوة مبسلمش علی أی حد مهما كان سنه

نظر اليها نظرة غامضة ودت لو دخلت رأسه في تلك اللحظة لتعلم فيها يفكر .. سألها بفضول وهو يتفحص اياها قائلاً:

- يعني جوزك .. أقصد لما كان خطيبك هو الوحيد اللي لمس ايدك ؟

دهشت لسؤاله .. فصمتت "ياسمين" للحظات .. ثم قالت دون أن تنظر اليه:

-لأ .. حتى هو لما كان خطيبي مسمحتلوش يلمس ايدي

رفع "عمر" حاجبيه في دهشه .. ونظر اليها بإمعان قائلاً:

-أبدا ؟.. ملمسش ايدك أبداً ؟

شعر بشعور غريب يجتاح قلبه ويتوغل فيه ببطء .. نظر اليها قائلاً بصوت خافت: ليه .. ليه مكنتيش بتخليه يلمس ايدك ؟

-قالت "ياسمين" بدون تردد وهي لا تزال لا تنظر اليه:

عشان مش من حقه

شعر "عمر" بخفقة فى قلبه لم يعتاد الشعور بها من قبل .. خفقه قوية .. عميقة .. نظر اليها فشعر بحنان جارف يملأ قلبه تجاه تلك الفتاة التى تقف أمامه والتى تطرق بوجهها فى خجل .. ود لو توقف الزمان حيث هما .. أخذ ينظر اليها بحنان ممذوج بدهشة وحيره .. وكأنه طالب يدخل المدرسة لأول مرة ويقف أمام معلمته .. شعر بأن تلك الفتاة الواقفه أمامه تتحكم به بطريقة أو بأخرى .. شعر بأن لها تأثيراً قوياً عليه لم يألفه ولم يعتاده من قبل .. شعر بالخوف يدب فى قلبه بسبب هذا الشعور الغريب الذى كاد أن يغمر كيانه كله .. شعور بالإستسلام والتسليم .. قطعت "ياسمين" الصمت قائله بتوتر:

-أنا بس حبيت أوضح لحضرتك موقفى .. وأعتذر ان كنت سببت أى مشكلة ... بعد اذنك التفتت لتنصرف فمد "عمر" يده ليمسك ذراعها ليوقفها .. لكنه تذكر .. هى ليست كغيرها ممن عرفهن .. هذا الذى سيفعله غير موجود فى قاموسها .. سحب يده قبل أن تلمسها .. نظر فى عينيها .. كان يخشى اغضابها .. وقفت حائرة .. قال بصوت رخيم:

-أنا مزعلتش منك انتى .. أنا اضايقت منه هو .. من الكلام اللي قالهولك

صمت لبرهه ثم قال:

-أنا وقفت التعامل معاه تماما

رفعت نظرها اليها في دهشة وكأنها لا تعى ما يقول .. قالت له بعدم فهم: -يعنى ايه اللي حضرتك بتقوله .. مش فاهمة

ابتسم لحيرتها وقال:

-يعني اللي يهين دكتورة بتشتغل في مزرعتي ميشرفنيش أبداً اني أتعامل معاه

تلاقت نظراتهما فى صمت .. نظرة حنان منه .. ونظرة عدم تصديق منها .. أفعل هذا من أجلها حقاً ؟ .. أخسر عميلاً مهماً من أجلها ؟ .. أمن أجلها هى تحديداً أم لو كانت "مها" أو "شيماء" أو غيرهما فى نفس موقفها هل كان ليتصرف بهذا الشكل أيضاً ؟ .. خرجت من شرودها لتتمتم فى خفوت:

بعد اذنك

ثم خرجت وأغلقت الباب خلفها

ظلت طول الليل تتقلب في فراشها كأنها نائمة على جمر .. كانت تجاهد لمحو صورته من رأسها .. تجاهد لإعادة انتظام ضربات قلبها .. تجاهد لنسيان كلماته وابتسامته الساحره .. أخذت تردد لنفسها قائله .. لا لن أقع تحت تأثير سحره .. أنا لست كفتياته .. لن أكون واحدة منهن .. ليتي لم أعت الى المزرعة .. ليتي لم أراه .. لن أدع مشاعرى تتحكم بي .. لن أحلم بما هو صعب المنال .. حتى لا يتحطم قلبي الصغير .. يجب أن أقتل مشاعرى تجاهه وهى فى مهدها .. قبل أن تكبر وتصبح وحشاً مفترساً يلتهمنى ويقضى على الأخضر واليابس ... ظلت تستغفر ربها وهى

وعليكم السلام ازيك يا مدام "ياسمين"

قال بلهفه:

```
*********
 حاولت "ريهام" الاتصال ب"اياسمين" لكنها وجدت هاتفها مغلق .. فارتدت ملابسها وخرجت
     لتبحث عنها في مكان عملها .. دخلت لتجد شاباً طويل القامة نحيل يمسك كتاباً وقلماً أمامه
ويدون شئ ما .. مسحت المكان بعينيها وهي واقفة على الباب فلم تجد "ياسمين" .. نظرت الى
                                  الشاب المنهمك في مطالعة الكتاب الذي أمامه وقالت له:
                                          لو سمحت متعرفش دكتورة "ياسمين" فين ؟
                                                   رفع "هاني" رأسه ونظر اليها قائلاً:
                                                   -راحت المعمل وهترجع كمان شوية
                                                                         ـطيب شكراً
                             همت "ريهام" بالإنصراف لكنه استوقفها وعيناه تتفحصانها:
                                                                -أقولها مين لما تيجي
                                           قولها بس "ريهام" عايزاكي افتحي تليفونك
                                                                    أومأ برأسه قائلاً:
                                                             حاضر هقولها لما تيجي
    شكرته وانصرفت .. عادت "ياسمين" فأخبرها "هاني" بمجئ "ريهام" .. ثم سألها قائلاً:
                                               -هي أختك ؟.. أصل فيكوا شبه من بعض
                                                       ردت الياسمين الباقتضاب قائله:
                                                                         -أيوة أختى
                                        حملت "ياسمين" الهاتف وخرجت تهاتف أختها:
                                             -أيوة يا "ريهام" .. قالولى انك سألتى عليا
                                     " -ياسمين" .. ايه الرقم ده ؟؟ .. وأفله تليفونك ليه ؟
                                               -أنا بكلمك من تليفوني .. ده خطى الجديد
                                 -خطك الجديد ؟ جبتيه امتى ده ؟ وخلاص رميتى القديم ؟
                                  - هبقى أحكيلك بعدين .. في حاجه .. كنتى عايزه حاجه ؟
                                   -آه كنت عايزه أعرف هتخلصي امتى .. أنا زهقانه أوى
                                                            قالت لها "ياسمين" بحنو:
-أنا عارفه انى بسيبك لوحدك فترات طويله .. معلش يا "ريهام" .. ان شاء الله كام يوم ونخرج
                  نتفسح سوا .. احنا لسه لحد دلوقتي مشوفناش المنصورة ولا اتفسحنا فيها
               -خلاص اتفقنا .. هستنى انك توفى بوعدك ده .. عشان خلاص هطأ من جنابي
                                                             ابتسمت "ياسمين" قائله:
                            متقلقيش هنفذ وعدى .. ويلا سلام بأه عشان عندى شغل كتير
                                                                             ـسلام
                بمجرد أن أغلقت "ياسمين" مع "ريهام" وجدت هاتفها يرن فأسرعت قائله:
                                                        -السلام عليكم أستاذ "شوقى"
```

```
-الحمد لله .. في أخبار جديده عند حضرتك ؟
```

-أحب أبشرك ان معاد الجلسه اتحدد يا مدام "ياسمين"

قالت "ياسمين" بفرحه عارمة:

بجد ؟ أخيرا الحمد لله

-أيوة الحمد لله كلها اسبوعين وتخلصى من القضية دى تماما

-اسبوعين ؟

-أيوة معاد الجلسة بعد اسبوعين ان شاء الله .. وأنا متفائل ان النطق بالحكم يكون من أول حلسه

قالت "ياسمين" متضرعه وهي تنظر السماء:

-پارب

ثم استطردت قائله:

متشكره أوى يا أستاذ الشوقى ال

-العفو .. مع السلامة

مع السلامة

أغلقت هاتفها وهى تشعر بالراحة والسعادة .. ودت لو يمر الاسبوعين فى لمح البصر .. ويحكم القاضى بتطليقها لتصير حرة طليقه وتتخلص من "مصطفى" الى الأبد .. وتمحو من عقلها أى ذكرى له.

رن هاتف "عمر" فأسرع بالرد قائلا:

-ألو

قال "كرم" بلوم:

-أهلا بالناس الهربانه

والله وحشني

-ما هو واضح .. واضح أوى انى وحشتك وان شوقك ليا مقطع بعضه

ضحك "عمر" قائلا:

-عارف انى مقصر معاك الفترة اللى فاتت

-لا مقصر ولا مطول أنا قررت قرار وأعلى ما في خيلك اركبه

قال "عمر" بقلق:

حير قرار ايه

-قررت آخد أجازة طويلة المدى .. وبكرة هتلاقيني طابب عليك في المزرعة بشنطة هدومى .. وقبل ما تقولى الشغل ومش الشغل هقولك ابوك فيه الخير والبركة . وانا كمان هفضل متابع الشغل من المزرعة زى جنابك ما بتعمل .. يعني مسمعش كلمة اعتراض

ضحك "عمر" قائلا:

-هو أنا اقدر اعترض

-أيوة كده بحسب

-يلا جهز نفسك وحضرلي وليمة فلاحي من اللي هي وعايز الأرض مفروشة ديناميت قصدي

ورد .. وبنات على الصفين يقولولى ويلكم سى "كرم"

ضحك "عمر" قائلا:

طب ويلكم سي "كرم" دى تركب على بعضها ازاى نفسى أفهم ؟

-بقولك ايه انا هسيب طريقة الاستقبال عليك وانت وذوقك بأه

-خلاص من عنيا هعملك احلى استقبال

-اهو كده يلا سلام وابقى قول للواد "أيمن" انى جاى واحشنى ونفسى اشوفه

ـ خلاص ماشى اتفقنا ..

-یلا سلام یا باشا

ـسلام یا "کرم"

أنتهى '' عمر '' من محادثة صديقه وقد شعر بفرحه عارمة فقد اشتاق له كثيراً .. ابسم قائلاً لنفسه والمنافقة المنافقة المنافقة

-جيت في وقتك يا "كرم" انت أكتر واحد بتفهمني.

جلس الأصدقاء الثلاثة في بيت المزرعة يتضاحكون ويتجاذبون أطراف الحديث .. قال "كرم" في استمتاع:

-ياااه .. والله وحشنى يا ولاد الايه

ربت" عمر" بكفه على كتف "كرم" قائلاً:

وانت كمان يا "كرم" .. بجد وحشتنى جدا .. ووحشتنى غتاتك

قال "أيمن: "

ايوة واتك أوى على غتاته دى

قال "كرم: "

-تنكروا أنى عملت جو للمزرعة من أول ما جيت وأنا مبقاليش ساعة واصل ..

ابتسم "عمر" قائلاً:

-آه والله وأحلى جو أنا من زمان مضحكتش كده

قال "كرم" بجديه:

-بصوا بأه عايزكوا تشوفولى سكرتيرة كويسة ..أنا مش جاى عشان أقضى يومي فى الشغل عايز واحده تنجز معايا

سأله "عمر" بإهتمام:

-طيب مشترط مؤهلات معينة

-آه یعنی تکون زی مدام "حنان" مدیرة مکتبتك

هتف "عمر" قائلا:

انت هتهرج یا "کرم" .. مدام "حنان" ایه .. انت فی بلد أریاف یا ابنی..

-طيب شوفولى أى واحدة المهم تكون ذكية وسريعة ونشيطة وبتفهم في الكمبيوتر وبتعرف

```
انجلش كويس
```

طمأنه "عمر" قائلاً:

-خلاص سيب الموضوع ده عليا

نظر "أيمن" الى "عمر" قالئلاً:

" ـريهام" مش كده ؟

أومأ "عمر" برأسه قائلاً:

-أيوة بس هتأكد الأول ليها في الكمبيوتر والانجلش ولا لأ

هتف الكرما في مرح:

-ايه يا عم انت وهو انتوا جابيينى تجوعونى ولا ايه .. لا ويقولولك بلد فلاحين .. فين المشلتت والمحمر والمشمر أنا على لحم بطنى من الصبح

و هنا أتت الخادمة لتخبرهم بأنها انتهت من تحضير الطعام .. التف الجميع حول طاولة الطعام في استمتاع وهم يستعيدون ذكرياتهم معاً

حالك مش عاجبني اليومين دول

قالت "ريهام" هذه العبارة وهي واقفة مع "ياسمين" في شرفة غرفتهما .. قالت "ياسمين" دون أن تلتفت اليها:

-لا أبدأ مفيش حاجه

تفرست فيها "ريهام" قائله:

واثقه ؟

-أيوة واثقه .. يمكن بس شوية ارهاق من الشغل

قالت "ريهام" بعدم اقتناع:

-هحاول أبلعها .. بس انتى عارفه انك وقت ما تحبي تتكلمى أنا موجوده وهسمعك التفتت اليها "ياسمين" وابتسمت ابتسامه ضعيفة .. نظرت "ريهام" للأسفل قائله:

ـمين ده ؟

نظرت "ياسمين" حيث تنظر أختها .. فرأت "عمر" و "أيمن" ومعهما شخص ثالث لا تعرفه قالت "ريهام: "

-أنا حسه انى شوفته قبل كده

قالت لها "ياسمين: "

-أنا أول مرة أشوفه في المزرعة

-لأ.. مش فى المزرعة .. تقريبا لمحته فى خطوبة "سماح" .. أصلا احنا يوميها ملحقناش نعد ولا نشوف حد ..حضرتك مشتينا بدرى

تذكرت "ياسمين" يوم خطوبة "سماح" .. كانت في صباح ذلك اليوم في المحكمة .. مع "مصطفى" .. أثارت ذكراه القشعريرة في جسدها .. أحاطت جسدها بذراعيها وكأنها تحمي نفسها من ذكراه .. نظرت الى الأسفل مرة أخرى .. على "عمر" الذي كان يتحدث مع صديقيه في مرح .. حانت منه التفاته لأعلى .. فتلاقطت نظراتهما في لحظة خاطفة .. خفق لها قلبها الصغير .. ولم تكن تدرى أن خفقات قلبها كان صداها يُسمع في قلبه هو الآخر .. أشاحت بوجهها بسرعة وقالت لـ "ريهام: "

هربت "ياسمين" الى الداخل بسرعة .. ولحقت بها "ريهام" التى نظرت بعتاب الى "ياسمين" التى جلست على فراشها وضمت وسادتها الصغيرة الى صدرها قائله:

براحتك مش هضغط عليكي شردت "ياسمين" في وجوم.

كانت "ياسمين" جالسه في استراحة الغداء برفقة "شيماء" و "مها" .. التي كانت تحاول الإقتراب من "ياسمين" بأى طريقة لتعلم معلومات عنها وعن أسرتها .. لكن "ياسمين" كانت ذكية .. فلم تكن تتحدث معهما أو مع غيرهما في أمورها الخاصة .. حتى لا يتصيد أحد الأخطاء لها .. فكان الجميع يظن بأنها آنسه لم يسبق لها الزواج .. هي لم تكذب .. لكن هذا ما ظنوه .. وهي تركتهم وظنونهم .. قالت "شيماء" فجأة وكأنها تدلي بمعلومة خطيرة:

-تعرفوا مين اللي جه المزرعة امبارح ؟

قالت "مها" في تعالى:

اليوة طبعاً عرفت .. مش مستنياكي تعرفيني

نظرت الياسمين اليهما بعدم فهم وفقالت لها الشيماء: ال

-البشمهندس "كرم" صاحب البشمهندس "عمر" و البشمهندس "أيمن"

أومانت "أياسمين" برأسها وقد تذكرت الرجل الذي رأته بصحبة "عمر " و "أيمن" يوم أمس أكملت "شيماء" هامسه وهي تحنى قامتها الى الأمام:

ده بأه غير الاتنين التانيين خالص .. دمه زى الشربات .. ومرح جداً .. وتحبي تتكلمى معاه .. ومش قفل زى البشمهندس "عمر"

اهتمت "ياسمين" بتناول طعامها وكأن الأمر لا يعنيها .. فقالت "مها" بهيام مصطنع:

- لا كله كوم و "عمر" كوم تانى خالص .. هو فى زى "عمر" .. ده مفيش منه إلا نسخة واحدة بس .. ومفيش راجل لا قلبه ولا بعده

شعرت "ياسمين" بالحنق لكنها تظاهرت بعدم الإهتمام وظلت محتفظه بتعبير اللامبالاة على وجهها

فأكملت "مها" قائله بخبث:

-هو فعلاً يبان عليه انه جد .. بس لما بكون عنده فى المكتب .. بحس انه بيفك خالص .. وبيحب الهزار جدا .. هو تقريباً بيركب الوش الخشب عشان الموظفين ميسوقوش فيها .. لكن مع الناس اللى بيعزهم بيكون حاجه تانية

شعرت "ياسمين" بأن حنقها وضيقها يتصاعد .. لكنها كانت مصره على ألا تظهر أى رد فعل لحديث "مها" .. بعد لحظات فوجئن ب "عمر" يدخل الاستراحة .. نظرت" مها" اليه مبتسمه .. فتوجه الى طاولتهم .. نظرت "ياسمين" الى الطعام أمامها ولم تعيره أى اهتمام .. بمجرد أن وقف أمام طاولتهم قالت "مها "مبتسمه:

-ازیك یا بشمهندس "عمر" .. تعالى اتفضل معانا

تجاهلها "عمر" تماما ونظر الى "ياسمين" قائلاً:

-بعد اذنك يا دكتورة "ياسمين" خلصى أكلك ومستنيكي في مكتبى

قال ذلك ثم انصرف .. شعرت "مها" بالحنق وتصاعدت الدماء لتلون وجهها باللون الأحمر .. ساد الصمت لفتره .. استأذنت "ياسمين" وقامت مغادره .. قالت "مها "بحنق:

مش مكسوفين من نفسهم .. يجي يقولها تعاليلى المكتب .. وهي ما صدقت قامت جريت وراه ضحكت الشيماء القائله:

-الراجل أكيد عايزها في شغل

قالت المهاا بغل:

-شغل آه ما هو واضح أوى نوعية الشغل ده

ابتسمت الشيماء القائله:

وانتى متغاظه ليه ؟

صاحت يغضب:

-وهتغاظ من ايه يعني .. معدش الا البتاعه دى اللى أتغاظ منها وهبت واقفه وخرجت دون أن تكمل طعامها.

توجهت "ياسمين" الى مكتب "عمر" وهى تشعر بالتوتر وتتساءل .. عن ماذا يريد التحدث اليها .. طرقت الباب طرقات خفيفه ثم دخلت بعدما أتاها صوته:

-اتفضلي

دخلت ووقفت أمام المكتب فأشار برأسه الى الكرسى أمامه قائلاً بإبتسامه:

ایه هتفضلی واقفه .. اتفضلی اعدی

جلست "ياسمين" في انتظار ما سيقوله .. نظر اليها "عمر" متئملاً إياها .. شعر بقلبه يقفز من مكانه مرة أخرى .. أضاق عينيه يحاول ترجمة مشاعره .. أمعقول أنه ... ؟ .. لماذا ؟ .. وكيف ؟ .. لماذا يشعر بهذا الحنان تجاهها .. والحنين اليها .. والرغبة في القرب منه .. والنظر اليها .. والاستماع لها .. لماذا هي دون غيرها .. ألأنه يشفق على حالها وعما أصابها .. كلا .. ما يحرك قلبه شئ آخر غير الشفقة والعطف .. شئ شعر أنه لم يذقه يوماً .. طال صمته .. وزاد توترها .. فأخذت تتململ في جلستها .. فأفاق "عمر" من شروده وتساؤلاته تنحنح قائلاً بهدوء:

-هى "ريهام" تعرف انجلش وكمبيوتر ؟

اندهشت لسؤاله فرفعت نظرها اليه فتلاقت نظراتهما .. شعرت بأن عينيه بحر عميق .. كانت تخشى الغرق فيهما .. فتجنبت النظر اليهما قائله:

اليوة .. هي واخده كورسات فيهم

ابتسم قائلاً:

-طيب تمام .. احنا محتاجين سكرتيرة .. شريكي هيعد هنا فترة ومحتاج سكرتيرة عشان يقدر يتابع شغلنا اللي في القاهرة

- يعنى حضرتك تقصد ان "ريهام" تشتغل سكرتيره

-أيوة بالظبط كدة .. لما قالى انه محتاج سكرتيرة أنا فكرت في أختك على طول

قالت له بإمتنان:

-متشكرة أولا على الثقه دى .. ثانياً أعتقد دى حاجه هتفرح "ريهام" لأنها بتمل من الأعده

لوحدها طول النهار .. وكمان دى فرصة كويسة ليها عشان لو اضطرت انها تشتغل بعد كده سألها قائلاً:

وليه مطلبتيش منى قبل كده انى ألاقيلها شغل فى المزرعة

قالت بحرج:

-مرضتش أزعج حضرتك أكتر من كدة .. يعني كفاية ان حضرت وفرت شغل ليا ولوالدى كمان ابتسم "عمر" قائلاً:

مفيش از عاج ولا حاجه .. قولتلك قبل كده لو احتجتى حاجه تعرفيني

ثم استطرد قائلاً:

-تمام يبقى اتفقنا .. خليها تيجيلى مكتبي بكرة الساعة 8 ان شاء الله .. ومتقلقيش عليها "كرم" صاحبى وعشرة عمر

ثم نظر اليها وابتسم بخبث قائلاً:

-بس تخليها تيجي 8 بالظبط ها .. يعني متجليش بدرى ربع ساعة وتتأمص انى سايبها أعده وبكمل شغلى

ابتسمت "ياسمين" رغماً عنها وتصاعدت حمرة الخجل الى وجنتيها .. شعرت بالحرج لتذكرها تسرعها في هذا اليوم .. تأمل "عمر" وجهها بإبتسامه قائلا:

-تعرفی ان دی أول مرة فی حیاتی أشوف بنت وشها بیحمر وبیحلو کده لما بتتکسف نهضت" یاسمین" بسرعة قائله:

ان شاء الله هتكون عند حضرتك في المعاد

قالت ذلك وانصرفت .. هاربه

أخبرت "ياسمين" "ريهام" ووالدهما بعرض العمل الذي قدمه "عمر" الى "ريهام" .. فقال والدهما:

-والله راجل فيه الخير .. ربنا يوسع رزقه

صفقت "ريهام" في مرح طفولي قائله:

- أخيراً هلاقى حاجيه انشعل فيها .. ده أنا كنت قربت أتجنن من كتر البص للحيطه

قالت "ياسمين" وقد ابتسمت لسعاده أختها:

معادك بكرة ان شاء الله الساعة 8 متتأخريش

-أتأخر ایه ده أنا هروح أبات على باب مكتبه من دلوقتى

ضحكت "ياسمين" .. وعانقتها "ريهام" في حبور .. غادر والدهما الى غرفته .. فقالت "ياسمين: "

-عارفه مين اللي هتشتغلي معاه ؟

تساءلت "ريهام" بإهتمام:

-لأ .. مين ؟

-صاحب البشمهندس "عمر" اللي شوفناه من البلكونه امبارح

قالت "ريهام "بمرح:

-١١١١ه الواد الموز اللي واخد قلم في نفسه ده

قالت لها "ياسمين: "

" -ریهام" مش عایزه جنان قبلها "ریهام" قائله بمرح: -متخفیش علیا دی أختك تجنن بلد

توجهت "ريهام" في صباح اليوم التالى الى مكتب "عمر" الذي أخذها الى مكتب" كرم" نهض "كرم" بعد أن رآهما .. فقدمهما "عمر" لبعضهما البعض قائلاً:

" -كرم" دى الآنسه "ريهام" هتكون سكيرتيرتك طول فترة وجودك هنا .. انسه "ريهام" ده البشمهندس "كرم"

مد "كرم" يده ليسلم على "ريهام" قائلا بإبتسامه:

-أهلا بيكى يا آنسه "ريهام"

نظرت "ريهام" الى يده الممدوده ثم نظرت اليه قائله:

اهلا بحضرتك

نظر "كرم" الى يده ثم اليها قائلاً:

-هفضل مادد ایدی کده کتیر

تنحنح "عمر" وابتسم الى صديقه قائلاً:

-الآنسه مبتسلمش

نظر إلكرم! الى صديقه ثم اليها وسحب يده ومسح بها على رقبته ورفع حاجبيه قائلاً:

والله .. طب كويس

انصرف "عمر" وتركهما يبدأن عملهما .. أعطاها "كرم" تعليماته و آراها مكتبها:

-أهم حاجه عندى الالتزام بالمواعيد أنا باجى المكتب 8 .. عايزك 8 بالظبط موجوده مش عايز دقيقة تأخير ... اللى عايزه منك دلوقتى انك تجمعيلي كل الايميلات اللى محتاجه رد وتنسخيها عشان همليكى الرد اللى هتبعتيه لكل واحد فيهم .. في أي مشكلة

قالت "ریهام" بجدیه وهی تجلس علی مکتبها:

-لا يا فندم .. هبدأ حالا

بدأت "ريهام" في عملها بنشاط أنهت ما طلبه منها وتوجهت الى مكتبه .. طرقت الباب ثم دخلت .. وجدت "كرم" يتحدث في الهاتف وقفت أمامه حتى أنهى مكالمته .. ثم قال:

-جمعتيم ؟

ايوة يا فندم

أخذهم منها .. وأخذ فى املائها بالردود .. كانت سريعة فى الكتابة وهذا أسعده .. انتهت معه وذهب الى مكتبها لكتابه الردود واراسلها .. كانت فرحه تعمل بهمه وبدقه واتقان .. بعد لحظات طلبها" كرم "فتوجهت اليه .. قال دون أن يرفع عينيه عن الورق أمامه:

- هتلاقى عندك على الكمبيوتر ملف بإسم شركة الصباحي هاتيلي منه كل بياناتهم

قالت وهي تهم بالإنصراف:

حاضر يا فندم

استوقفها "كرم" بإشارة من يده قائلاً وهو مازال منهمك في الأوراق أمامه:

-اعملیلی قهوة دبل لو سمحتی

توقفت "ريهام" ونظرت اليه قائله:

افندم ؟

```
قهوة دبل .. وبسرعة لو سمحتى
```

وقفت "ريهام" لحظات صامته وهي تشعر بالضيق .. ثم نظرت اليه وقالت بهدوء:

-أنا هنا سكرتيرة مش خدامه .. اعملها لنفسك أو اطلب من الفراش يعملها

قالت ذلك ثم توجهت الى الخارج ..رفع "كرم" رأسه ينظر الى الباب الذى خرجت منه للتو .. وهو يحاول استيعاب ما قالت .. جلست على مكتبها و قد بدأت فى البحث على الملف عندما أطل عليها قائلاً:

-انتى قولتى ايه دلوقتى ؟

نظرت اليه قائله وهي لاتزال جالسه في مكتبها:

قولت أنا سكرتيره مش خدامه

ثم أعادت النظر الى الكمبيوتر مرة أخرى

نظر اليها بغيظ ثم خرج وطلب من الفراش احضار قهوته وتوجه الى مكتبه ليكمل عمله

اتصلت "ياسمين" بـ "سماح" قائله:

لو انتى فاضية حبه أعدى عليكي نتكلم شوية

قالت "سماح" بقلق:

-خير في حاجه

تنهدت الياسمين القائله:

- لا أبدا متقلقيش .. بس حبه أتكلم معاكى .. هو زوجك هيرجع امتى

-لا النهاردة "أيمن" هييجي متأخر لانه خارج يتعشى بره مع صحابه

طیب تمام هعدی علیکي الضهر كده

وشغلك

-هاخد أجازة النهاردة .. وأصلا مفيش شغل كتير النهاردة

قالت "سماح" بقلق:

قلقتینی یا "یاسمین"

طمأنتها قائله:

قولتلك متقلقيش .. حبه بس أتكلم معاكى

طیب هتعرفی تیجی لوحدك ؟

-أيوة الطريق سهل وكمان هركب مش همشى أكيد . قوليلى بس أركب ايه وأنزل فين .. أنا عارفه شكل الشارع والعمارة بس معرفش اسم الشارع

أعطتها "سماح" العنوان .. وتوجهت "ياسمين" الى بيت صديقتها التى استقبلتها بالترحاب .. عادت من الطبخ بالعصير وقدمته الى صديقتها قائله:

قوليلى بأه مالك في ايه

أخذت "ياسمين" رشفه من العصير قائله:

مفيش .. حبه أتكلم معاكى عامة .. مش في حاجه محدده يعني

نظرت اليها "سماح" بإمعان .. ثم قالت:

طیب مفیش مشکلة .. اتکملی

نظرت اليها "ياسمين" قائله:

-أخبارك ايه .. مبسوطة ؟

```
ابتسمت السماح القائله:
                -الحمد لله .. أنا مكنتش أتمنى زوج أحسن من "أيمن" .. ربنا يباركلى فيه
                                                           ابتسمت "ياسمين" قائله:
-انتى يا "سماح" حد طيب أوى وتستاهلي كل خير .. مش الطيبون للطيبات .. كان لازم ربنا
                                            يرزقك بواحد زى "أيمن" .. لأنك تستاهليه
                                             عانقت السماح الصديقتها وابتسمت قائله:
                وانتى كمان طيبة وتستاهلي كل خير .. وبكرة ربنا يرزقك بواحد طيب زيك
ابتسمت "ياسمين" بضعف . ساد الصمت بينهما لفتره . كانت "سماح" تفهم صديقتها جيداً
 وتعلم بأن هناك ما يشغل بالها .. لكنها لم ترد الضغط عليها .. قطعت "ياسمين الصمت قائله:
                                                   " ـسماح" عايزة أسألك عن حاجه
                                                             -خیر یا حبیبتی اتفضلی
        قالت "ياسمين" بشئ من التردد وهي تعبث بأصابعها بكوب العصير الذي بين يديها:
                                                                   -صاحب جوزك.
                                                                  سألتها "سماح: "
                                                                    مین تقصدی ؟
                                                                      قالت بأرتباك:
                                                         -اللي انا بشتغل في مزرعته
                                                             -أيوة .. "عمر" .. ماله
                                                                      قالت بارتباك:
                                                                  تعرفي عنه ايه ؟
                                                       صمتت "سماح" قليلا ثم قالت:
```

-اللي أعرفه ان هو و"أيمن" وصاحب تالت ليهم اسمه " كرم" .. صحاب من أيام الجامعة .. و "أيمن" فضل على تواصل معاهم بعد ما سافر كل فترة .. بس فى اخر سنتين الاتصالات بينهم اتقطعت ..

تأملت "سماح" "ياسمين" قائله:

بتسألى ليه ؟

قالت "ياسمين" وهي تتظاهر باللامبالاة:

ـعادى .. فضول مش أكتر

لكن "سماح" شعرت بأن الأمر أكثر من مجرد فضول.

مكثت "ياسمين" ساعتين ثم همت بالإنصراف .. قالت لها "سماح:

-يا ابنتى متخليكي شوية كمان انتى جيتي في ايه وماشية في ايه

-معلش يا "سماح" عشان أروح قبل ما الدنيا تليل

-يا بنتى ده العصر لسه مأذنش والطريق للمزرعة ربع ساعة ولا تلت ساعة

معلش هيجيلك مرة تانية ان شاء الله

-وأنا اللي كنت متعشمة اننا نتغدى مع بعض .. بجد انتى رخمه

ابتسمت "ياسمين" قائلا:

- هو بعد كل اللى انتى عماله تقدميهولى من ساعة ما جيت هيبقى في مكان للأكل -لأ اعملى احسابك المرة الجاية نتغدى سوا .. ممنوع اعذار

ـخلاص اتفقنا

ودعت "ياسمين" صديقتها واستقلت السيارة المتوجهه الى المزرعة .. قبل أن تصل الى المزرعة بخمس دقائق تعطلت السيارة .. واضطرت أن تنزل هى والركاب للبحث عن سيارات قادمة فى هذا الاتجاه .. وقفت وهى متضايقه من ذلك المأذق .. سمعت صوت امرأة عجوز من على بعد عدة أمتار منها وهى تتحدث الى نفسها وتنتحب .. كانت فلاحه بسيطه .. توجهت اليها "ياسمين" قائله:

في حاجه يا حجه ؟

قالت لها باكية:

-الفرس هتموت .. الفرس هتموت منى

أشارت المرأة الى الفرس النائمة على جمبها في ظل احدى الأشجار .. توجهت' ياسمين' الى الفرس لتجدها على مشارف الولادة .. فقالت للمرأة:

دي بتولد

هتفت المرأة قائله:

-عارفة يا بنتى انها بتولد بس بألها ساعة بتتوجع ونايمة على جمبها ومش عارفه اتصرف .. والواد ابنى راح ينادى لجوزى ولسه مرجعش .. خايفه لتموت منى..

تفحصت "ياسمين" الفرس لتجد كيس أحمر اللون ولا أثر للمهر .. فقالت للمرأة:

مش هينفع نستنى أكتر .. دى عندها عسر ولاده .. لازم نقطع المشيمة ونولدها دلوقتى .. أخذت المرأة تلطم وجهها قائله:

عسر ولاده يعنى هتموت

نهرتها "ياسمين" قائله:

-يا حجه حرام اللى انتى بتعمليه ده .. دوريلى على حاجه حاده يعني مقص سكينه أى حاجه حاميه ..

هرولت المرأة الى بيتها الذى يبعد أمتار قليلة وعادت حاملة مقص .. جلست" ياسمين" بجوار الفرس .. أخذت تمسح على جسمها بيدها وطلبت من المرأه أن تجلس بجوار رأس الفرس وتمرر يدها على وجهها لتطمئنها .. أخذت بقص المشيمة وحاولت مساعدتها على سحب المهر الى الخارج .. أثناء انهماكها في عملها مرت سيارة "عمر" في طريق عودته الى المزرعة .. لفت نظره الفتاة المنحنية على الفرس الراقد تحت ظل احدى الأشجار .. نظر الى الخلف ليتبين الأمر هيئة "ياسمين .. "عاد قليلاً الى الخلف وأوقف السيارة على جانب الطريق .. ونزل ليتبين الأمر .. ماذا تفعل هنا .. ومن تلك المرأة الجالسه بجوار المهر .. اقترب منهما .. وكانت "ياسمين" قد بلغ منها التعب مبلغه .. فلم تستطع بجسدها النحيل أداء المهمة بمفردها .. اقترب "عمر" قائلاً

بتعملی ایه هنا؟

نظرت اليه وقالت بلهفة:

-بسرعة تعالى ساعدنى

وقف "عمر" لبرهه وكأنه لا يعى ما تقول .. فأعادت ما قالت بحده:

-بسرعة بقولك

جلس "عمر" الى جوارها ولا يدرى ماذا يصنع فأعطته قدم المهر .. وأمسكت هى بما ظهر من الجسم .. تحاول جذبه للخارج .. جذب "عمر" قدم الفرس بقوة فصاحت به:

حاسب براحه مش كده .. فعل "عمر" كما تفعل هى .. استغرق الأمر قرابة الربع ساعة حتى ظهر المهر كاملاً .. كانت مهره جميلة ذات لون أسود فاحم .. أضفى لها جاذبيه خاصه .. حضنت "ياسمين "رأس المهره والابتسامه تعلو شفتيها ووضعتها برفق على الأرض .. سبحان الله الذى يخرج روح من روح .. وجسد من جسد .. وحياة من حياة .. تأمل "عمر" المهره والابتسامه تعلو شفتيه هو الآخر حاول أن يمسح على جسدها فأوقفته "ياسمين" قائله: -استنى لازم مامتها تشمها وتنضفها الأول

سألها "عمر" في دهشة:

<u>لىه</u>

قالت مبتسمة وهي تنظر الى المهره الصغيره في حنان:

عشان تتعرف عليها

هشت المرأة وبشت وأخذت تزغرط وكأن ابنتها هي التي كانت تلد .. مثل هؤلاء الفلاحين البسطاء يعتزون بدوابهم جداً وكأنها فرد من أفراد أسرتهم .. خاصة لو كانت هي مصدر رزقهم

••

كانت ملابس "عمر" و "ياسمين" في حالة يرثى لها من افرازات الولاده .. نظرت" ياسمين" الى ملابسها ولا تدرى ماذا تصنع .. كيف ستوقف سيارة بملابسها المتسخة لتعود الى المزرعة .. أخرجتها المرأة العجوز من حيرتها وقالت هاتفه في فرح:

-احنا لازم نكرمكوا بركه ولاده المهر .. وتعالت الزغايد مرة أخرى .. عندئذ أقبل رجل كبير ومعه غلام صغير .. ضربت المرأة الغلام على رأسه قائلا:

-كل ده بتنادى لأبوك يا وله

قال الولد معتذرا:

والله يامه دخت على مالقيته في الغيط

أقبل الرجل فرحاً .. جلس بجوار الفرس وهو يمسح بيده على رأسها مردداً:

-اللهم لك الحمد والشكر

قالت له زوجته:

-الهانم والبيه هما اللي ولدوا الفرسه يا حاج

قام الرجل الطيب من فوره ومد يده الى "عمر " قائلاً:

-جمیلکوا ده علی الراس والله

سلُّم عليه "عمر" قائلاً:

مبروك عليكوا المهر

صححت "ياسمين" قائله:

۔مهره

التفت الرجل الى "ياسمين" قائلا:

-مدام مهره وانتى اللى ولدتيها يبقى تتسمى على اسمك .. اسمك ايه ؟

ابتسمت "ياسمين" بخجل قائله:

" -ياسمين "

قال الرجل في فرح:

-الله .. عاشت الأسامى يا ست "ياسمين" .. خلاص المهره نسميها "ياسمين " سمعت "عمر" الواقف الى جوارها يقول لها مبتسماً:

ضحكت "ياسمين" ضحكه خافته .. أصر الرجل والمرأة على تقديم واجب الضيافة لـ" ياسمين" و "عمر" .. وحلف الرجل بأغلظ الأيمان .. فإنصاع له الاثنان .. كان بيتهم ضعير مبنى بالطوب .. خرجت المرأة الى "ياسمين" حاملة جلباب مطوى وأعطته لها .. وأعطت جلبابا الى "عمر" .. نظرت "ياسمين" الى ما بيدها وقالت لها محرجه:

متشكرة أوى بس....

ايه يا بنتى هتكسفيني ولا ايه .. ده احنا لو نطول نقدملكوا حته من السما كنا قدمناها

أدخلت المرأة "ياسمين" الى حجرة صغيرة تحتوى على فراش موضوع على الأرض علمت "ياسمين" أن هذه هى غرفة المرأة .. ارتدت "ياسمين "الجلباب النظيف ونظرت الى مرآه صغيره متآكله موضوعه على الأرض .. كان جلباب واسع ذو لون أخضر مطعم بالورود الصغيرة الحمراء وطرحه من نفس لون ونوع الجلباب .. نظرت "ياسمين" الى نفسها وضحكت ضحكة خافته لهيئتها التى لم تعتاد عليها

حملت "ياسمين" ملابسها المتسخة وخرجت من الغرفة .. لتقابل "عمر" في مواجهتها وهو يخرج من غرفة أخرى .. نظرت اليه فرأته وقدر ارتدى جلبابا بدى قصيراً عليه نظراً لطول قامته .. لم تتمالك نفسها فإبتسمت ثم التفتت لتغلق باب الغرفة

نظر اليها "عمر" بخبث قائلاً:

قبل ما تضحكي عليا بصى لنفسك في المراية الأول

ثم ضحك ضحكة عالية .. طار لها قلبها .. أقبلت المرأة وتقدمت "عمر" الى حيث يجلس زوجها وابنها وقدمت لهم صنية بها كسر من الخبز الناشف وطبق عسل وطبق جبنه وبضع حبات الطماطم والخيار .. حلف الرجل وأقسم أن يأكل "عمر" ليرد اليه صنيعه .. جلست المرأة مع "ياسمين" وأخذت تقدم لها كسرات الخبز .. كانت المرأة سعيدة بما تقدمه لـ "ياسمين" وقالت لها.

والله مقامك أكبر من كده يا بنتى .. بس احنا على أد حالنا زى ما انتى شايفه ..والحاج حالف اننا لازم نكرمك انتى والبيه .. يلا مدى ايدك وكلى متتكسفيش

أكلت "ياسمين" بنهم وهى تشعر بأن لهذا الطعام المقدم لها مذاقاً خاصاً وبركة خاصة .. كانت التجربة جديدة على "عمر" أيضاً لكنه شعر بسعادة وسكينة وهو جالس مع أولئك الناس البسطاء .. انهيا طعامهما وصليا العصر واستأذنا في الإنصراف .. خرجت "ياسمين" بصحبة "عمر" ليتوجها الى الطريق .. اقترب" عمر "من سيارته .. فوقفت "ياسمين" .. التفت لها "عمر" قائلاً:

-تعالى أوصلك أنا راجع المزرعة

تمتمت الياسمين البخفوت:

-شكراً أنا هوقف عربية من على الطريق

ابتسم "عمر" ونظر اليها قائلاً:

عارفه من ضمن الحاجات اللي عجباني فيكي ايه ؟

خفق قلبها لوقع كلماته .. فأكمل قائلاً دون أن يرفع نظره عنها:

-انك يعتمد عليكي .. وبتعرفى تتحملى المسؤلية .. وشخصيتك قوية .. الواحد يسلم نفسه ليكي وهو مطمن

صمت لبرهه ثم قال:

ـده طبعا بالإضافه لحاجات تانية كتير أوى

نظرت "ياسمين" الى السيارات المارة بجوارها لتهرب من النظر اليها .. كانت تخشى أن يسمع صوت خفقات قلبها الذى يخفق بجنون .. فسألها بهدوء:

-هتعملی ایه ؟

ردت دون أن تنظر اليه:

ـزى ما قولت هوقف عربيه

قال لها:

-لأ بلاش تركبي عربية من على الطريق في الوقت ده خلاص الدنيا هتليل .. امشها أحسن المسافة مش كبيرة .. ربع ساعه بالكتير وتكوني في المزرعة

نظرت اليه "ياسمين" بدهشة وقالت:

-بس أنا أخاف أمشى لوحدى في الوقت ده المغرب خلاص هيأذن

نظر اليها وكأن عينيه تعانقانها وقال في حنان:

مش لوحدك ..

نظرت اليه مستفهمه فإستطرد قائلاً:

-همشى وراكى بالعربية

شعرت "ياسمين" بسعادة تغمر قلبها .. أهو خائف عليها حقاً .. أخرجها من أفكارها قائلاً بصوت خافت:

-أنا قولتلك بس عشان تبقى عارفه انى معاكى .. يعني اطمنى متخفيش

مشت 'اياسمين' بضع خطوات فأوقفها صوته قائلا بمرح:

-مش تجيبي البؤجه اللي معاكى دى .. أحطها في العربية أحسن

ابتسمت وهي نظرت الى ملابسها التي تحملها والتي لفتها على بعضها البعض قائله:

-لأ شكرا .. هشيلها أنا

ثم سارت في طريقها .. ركب "عمر" سيارته وتبعها ..كانت كلما ابتعدت قليلا في خطواتها سار بسيارته ووقف خلفها بخطوات ثم يتركها تسير لفترة ثم يعود ليقرب المسافة كلما بعدت .. كان يشعر بشئ واحد .. أن قلبه أصبح ملكاً خالصاً لتلك الفتاة التي تسير أمامه .. والتي يخاف عليها ويرغب في حمايتها بأى شكل .. لأنها متربعه على عرش قلبه الذي ينبض بداخله .. شعر بسعادة لذيذة تسرى داخله .. وهو يراها أمامه .. ود لو أوقف السيارة ونزل ليعانقها عناقاً طويلاً لا ينتهى أبداً .. ظلت عينيه معلقة بها .. حتى عبرت الطريق ووصلت الى بوابة المزرعة .. كان قلب "ياسمين" يخفق بشدة طوال الطريق وهي تختلس النظر الى الخلف فتجده يسير بسيارته خلفها ببطء .. كانت الابتسامه واسعة على شفتيها .. حمدت ربها أنه يسير خلفها وليس أمامها .. حتى لا يرى تلك السعادة البادية على وجهها .. طرقت البوابة ففتح الغفير ونظر اليها قائلاً: -مين انتي ؟

فنظرت اليه قائله:

-أنا دكتورة "ياسمين"

تذكر الرجل أنه رآها تخرج فى الصباح .. انتبه الى ملابسها ونظر اليها فى دهشة .. دخلت الياسمين والرجل يتبعها بنظراته ويمط شفتيه فى دهشة .. كاد أن يغلق البوابة عندما سمع صوت زمور سيارة العمر الفائقت اليه ليجد رجلا يرتدى جلبابا فصاح قائلا:

-انت مین ؟

أخرج "عمر" رأسه من السيارة قائلاً:

-افتح أنا البشمهندس "عمر"

فأسرع الرجل بفتح البوابة على مسرعيها مرددا:

-اتفضلى يا بيه .. لا مؤاخذه..

نظر الرجل الى ملابس "عمر" والسيارة تمر أمامه فضرب كفاً على كف وهو يفتح فمه في دهشة

دخلت "ياسمين" الى غرفتها .. رأتها "ريهام" فهبت واقفه .. نظرت اليها فى دهشة قائله: -ايه يا "ياسمين" فينك موبايلك مقفول ليه .. قلقتينى عليكي .. وايه اللى انتى مهبباه فى نفسك ده

قالت "ياسمين" وهي تخرج هاتفها وتضعه في الشاحن:

-الموبايل فصل شحن معلش

هتفت "ريهام" بدهشة قائله:

-ایه اللی انتی لابساه ده .. عامله زی اللی جایه من ورا الجاموسه .. انتی آه دکتورة بیطریة بس مش لدرجة النیو لوك ده یا "یاسمین" هتفضحینا

ضحكت "ياسمين" وأخذت تقص على أختها الأحداث الغريبة التي مرت بها

دخل "عمر" بيت المزرعة ليجد نور مكتبه مضاءاً .. ترك الملابس المتسخة من يده على المقعد وتوجه الى المكتب .. ليرى "أيمن" جالس أمام الحاسوب .. نظر" أيمن" الى صديقه وانفجر ضاحكاً:

ايه يا "عمر" اللي انت لابسه ده .. انت بقيت أبا العمده ولا ايه

- لا يا خفيف هدومي اتوسخت .. وملقتش حاجه ألبسها غير الجلبيه دى

قام "أيمن" من على المكتب ونظر الى صديقه وهو لا يستطيع وقف ضحكاته قائلاً:

-وكمان قصيره .. عارف بتفكرنى بمين .. جاموسة راحت تقابل جاموسة يا عيني ملقتهاش جاموسة للعيني ملقتهاش جاموسة لقتها بقرة يا عينى يا لييييل

ضُحكُ الصديقانُ في مرح .. وتركه العمرا وذهب الى غرفته ليأخذ دشاً .. وصورة الياسمين الا تفارق رأسه

فى صباح اليوم التالى دخل "كرم" مكتب "ريهام" قبل التوجه الى مكتبه لإعطائها بعض التعليمات .. بمجرد أن دخل هبت "ريهام" واقفة وعلامات الغضب على وجهها .. قال "كرم: " -صباح الخير يا آنسه "ريهام"

لم تجب بل نظرت الى ساعتها وهتفت فى حنق:

حضرتك جاى متأخر 3 ساعات ونص

نظر لها في دهشة قائلاً:

قالت بهدوء ممزوج بالغضب:

معاد حضرتك في المكتب الساعة 8 .. وحضرتك في أول يوم نبهت عليا انى آجى في معادى ومتأخرش .. حضرتك اتأخرت 3 ساعات ونص وأنا اعده في المكتب لوحدى ومش لاقيه أى حاجه أعملها .. طيب كنت قولى انك هتتأخر كنت روحت جبت كتاب ذاكرتلى كلمتين ينفعونى ولا كنت عملت أى حاجه مفيدة بدل الوقت الضايع ده

نظر "كرم" الى أعلى وأغمض عينيه وحاول تمالك أعصابه ثم نظر اليها قائلا:

-أنّا آسفٌ يا آنسه "ريهام" ان شاء الله لو حبيت اتأخر المرة الجاى هبقى أبلغ حضرتك ثم تركها وذهب الى مكتبه وهو يحرك رأسه يميناً ويساراً في بغيظ .. بعد فترة طلبها "كرم" لتحضر له بريد اليوم ليملي عليها الرد عليه .. ذهبت اليه ووقفت أمام المكتب أعطته الأوراق وانتظرت ما سيمليه عليها .. حانت منه التفاته اليها قائلاً:

- هو حضرتك مينفعش تبتسمى ؟

قالت له بجدیه:

ـنعم

-تبتسمی تبتسمی .. یعنی تعملی کده

ابتسم ابتسامه صفراء أظهرت أسنانه .. ثم قال لها:

اى سكرتيره بتبتسم في وش المدير بتاعها

قالت "ريهام" في هدوء:

-أنا كده مبحبش أبتسم

ثم نظرت الى الأجنده التى تحملها قائلاً:

حضرتك مش هتمليني الردود

أنتهى "كرم" من تمليتها وقبل أن تغادر قال لها .. وهو يفحص احدى الملفات أمامه: انتى دايما بتنسى الباب مفتوح وانتى دخلالى المكتب .. متبقيش تنسى تقفليه

قالت له ببرود:

-لأ أنا مبنساش أقفله .. أنا متعمده أسيبه مفتوح

رفع نظره اليها قائلا:

ليه ان شاء الله

قالت بنفس البرود:

عشان ميبقاش في خلوة ..

نظر لها بعدم فهم للحظات .. ثم قال بسخريه:

نظر نها بعدم فهم للخطات .. ثم قال بسكريه: - آه عشان الشيطان ثالثهما والجوده يعني .. لا يا آنسه "ريهام" في حالتك دي الشيطان

-ره همنان السيطان عليها هيخاف يهوب هنا أصلا

قالت له بحده:

-نعم ؟ .. حضرتك بتقول ايه

قال بسرعة:

-بقولك اطبعى الورق اللى اديتهولك 3 نسخ ايه مبتسمعيش .. يلا بسرعة

نظرت له "ريهام" بغيظ ثم خرجت لتكمل عملها ... في اليوم التالي حضر "كرم "الى مكتب "ريهام" قبل أن يمر على مكتبه .. دخل فرفعت رأسها تنظر اليه فأشار الى ساعته قائلاً: الساعة 8 يعني في معادى بالظبط. أشاحت بوجهها دون أن ترد .. فنظر اليها قائلاً بحسره: -على رأى المثل "تأتى الرياح .. محملة بالأتربة" خرج من المكتب فلم تتمالك "ريهام" نفسها فابتسمت .. فدخل مرة أخرى بسرعة قائلا: -ما احنا بنبتسم زى البنى آدمين أهو .. وابتسامتنا حلوة كمان تحدثت اليه بجديه قائلاً: -بشمهندس "كرم" .. اتفضل على مكتبك لو سمحت أحنى رأسه قائلاً بسخرية: ـتحت أمرك يا آنسه "ريهام" ******* جلس الأصدقاء الثلاثة معاً في مكتب "عمر" فهتف "كرم" قائلاً: ايه يا جماعة السكرتيرة اللي انتوا جايبينهالي دي ؟ .. أنا عايز بس أفهم حاجه واحدة هو انتوا مشغلین السکرتیرة دی عندی ولا مشغلینی أنا عندها سأله "عمر" مبتسماً: ليه ايه اللي حصل ؟ قال "كرم" وهو يضرب كفاً بكف: -أقولها اقفلي الباب تقولي خلوة .. أقولها ابتسمى تقولي أنا كده مبتسمش .. أقولها اعمليلي قهوة تقولى أنا سكرتيرة مش خدامه ضحك "ايمن" و "عمر" .. فهتف "كرم" قائلاً: -لا استنوا خدوا التقبله .. لقتيها بتزعقلي وكان هاين عليها تاخدني ألمين عشان اتاخرت عن معادى .. أنا خايف أروح بكرة الشغل ألاقيها جيبالى دفتر حضور وأنصراف ضحك "عمر " قائلاً: -أختها برده معلماني الأدب -هی أختها برده سكرتيره ؟ -لأ .. دكتورة بيطرية ابتسم "أيمن" قائلاً: والله بنتين ميه ميه نظر "كرم" الى ساعته ثم قام لينصرف .. فسأله "عمر: "

نظر اليه قائلاً بسخريه: -استراحة الغدا خلصت .. خايف أروحلها متأخر تخصملي يوم من مرتبي

على فين ؟

هبت نسمات الصباح لتداعب وجه "ياسمين" الجالسه على جذع شجرتها .. أصبح هذا المكان الصغير هو عالمها الخاص .. الذى تشعر فيه بالراحه والسكينه .. كانت تستيقظ باكره وتأتى اليه قبل الذهاب الى عملها .. كأن بينهما موعداً أبدياً لا ينقطع .. جلست فى ذلك اليوم تفكر .. تُرى

كيف ستنتهى قضيتها .. وهل ستنتهى بالفعل من الجلسة الأولى التى من المقرر أن تكون بعد ثلاثة أيام ؟ .. أم ستضطر الى الإنتظار جلسات أخرى .. كانت لا تستطيع تحمل الإنتظار فترة أطول من ذلك لتتخلص من ذذلك المدعو زوجها وتلقى بذكرياته فى بئر عميق وتردم فوقه التراب .. لتمحيه من ذاكرتها تماماً وكأنه لم يكن...

ثم عادت لتفكر تُرى ماذا يفعل "مصطفى" الآن .. أمازال يبحث عنها .. أمازال يتوعدها بالإنتقام .. أمازال يرغب في أذيتها وعودتها اليه .. كانت سابحه وسط كل تلك الأفكار عندما قفزت صورته فجأة الى رأسها .. صورة "عمر .. "تذكرته عندما ساعدها في ولادة المهره .. ابتسمت لتلك الذكري .. لم تكن تتوقع أنها ستراه يوماً في هذا الوضع .. بدا طيباً حنوناً يرغب في مساعدتها ولا يتذمر أو يتأفف .. بدا لها شخص متواضع للغاية جعلها للحظات تنسى من هو .. وماذا يملك .. انه مجرد شخصاً بسيطاً مثلها .. شعرت أن ذكرى هذا اليوم محفورة في ذاكرتها ولن تنساه أبداً .. تذكرت وقت العودة عندما أصر على السير بسيارته خلفها .. مازالت في حيره من أمرها .. لماذا فعل ذلك .. أمن المعقول ان كل ما يفعله لأجلها فقط لأنها صديقه زوجة صديقه .. أم بسبب تلك الحادثه .. حدثها قلبها بأن هناك سبباً آخر .. سبباً يلقى صداه في قلبها. أمعقول أنه توقفت عن الاسترسال في أفكارها عند تلك النقطة .. كانت تحاول بقدر الإمكان تجاهل مشاعرها وما يعتمل داخل صدرها .. هي لم تخرج بعد من تجربة كادت أن تدمرها .. لا تريد ترك نفسها لتنساق خلف تجربة أخرى غير واضحة المعالم .. لن يتأذى فيها الا قلبها .. وقلبها لم يعد يحتمل الألم .. نهضت لتتوجه الى عملها .. وعندما اقتربت من المبنى .. تسمرت في مكانها .. كان واقفاً هناك .. يضع يديه في جيب بنطاله ويعبث بشئ على الأرض بطرف حذائه .. شعرت بالحنق على تلك النبضات التي تتسارع كلما رأته .. نظرت أمامها وسارت بهدوء وكأنها لا تراه .. رفع رأسه فرآها .. ابتسم لها .. لم تبادله الابتسام .. عندما اقتربت منه أوقفها قائلاً:

-صباح الخير

قالت بصوت خافت:

-صباح النور

همت بأن تواصل طريقها لكنه أوقفها بإشارة من يده قائلاً:

-استنى لو سمحتى عايز أسألك عن حاجة

قالت وهي تتوجس منه خيفه:

-اتفضل

بدا مترددا قليلا .. ثم قال:

-معاد قضيتك اتحدد أنا عرفت من "أيمن" .. الجلسه بعد 3 أيام..

شعرت بالدهشة لإهتمامه بمعرفة معاد الجلسة .. أم أن "أيمن" هو الذى تطوع وأخبره .. أكمل قائلاً:

انتى هتروحى مع والدك أكيد مش كدة؟

أومأت برأسها قائله:

اليوة .. "ريهام" هتفضل هنا

نظر " عمر" اليها قائلاً:

```
-أنا حابب آجي معاكوا
                                                               نظرت اليه بدهشة قائله:
                                                                             ليه ؟
                                                                    ابتسم بحنان قائلاً:
                                           -عشان ما تتبهدلوش في المواصلات لوحدكوا
                                                                       قالت له بجدیه:
                                  مفیش داعی یا بشمهندس .. أنا ووالدی هنروح لوحدنا
                                                                          تأملها قائلا:
                                                           مش عایزانی آجی معاکی ؟
                                                                          قالت بيرود:
     -لأ .. زى ما قولت لحضرتك مفيش داعى .. وكمان أنا مش عايزه وجودك يسببلي مشاكل
                                                             صمت قليلا ثم قال بضيق:
                                                               طیب .. زی ما تحبی..
قال ذلك ثم تركها وانصرف .. ودخلت هي وبدأت في أداء عملها .. وعقلها مشغول بسر اهتمامه
                                                       *******
                                              "تسلم ايدك يا "ريهام" .. سرعة واتقان"
          قال "كرم" هذه العبارة وهو يتأمل الورق الذى قدمته اليه .. ابتسمت لإطراءه قائله:
                                                                              _شکر ا
                                                                       نظر اليها قائلاً:
                                                                       اخيرا ابتسمنا
            اختفت ابتسامتها وعادت ملامحها الى الجديه مرة أخرى .. فنظر اليها قائلا بمرح:
                                                            طفتيها ليه ماكانت منوره
                                                                       استأذنته قائله
                                                            حضرتك تطلب حاجة تانى
                                       أرجع ظهره واستند به على مقعده ونظر اليها قائلاً:
                             -أنا عرفت ان أختك دكتورة بيطرية وبتشتغل هنا في المزرعة
                                                          أومأت "ريهام" برأسها قاله:
                                                                -أيوة .. ووالدى كمان
                                                         نظر "كرم" اليها بدهشة قائلاً:
                                                  والدك كمان بيشتغل هنا في المزرعة
                                                      اليوة .. مسؤول عن مخزن العلف
                      اندهش "كرم" .. لكنه لم يزيد في الأسئله .. وقبل أن تنصرف قال لها:
                                  ممكن يا آنسه "ريهام" تطلبي من الفراش يعملي قهوة
                                                       ثم نظر اليها مستعطفاً اياها قائلاً:
                                        -بصراحة مكسل أقوم .. خليكي جدعه واطلبيهالي
```

هزت رأسها وخرجت من مكتبه وعيناه تتابعانها

جلست "سماح" بجوار زوجها الذى يطوقها بذراعه واضعه رأسها على صدره يشاهدان أحد البرامج في التلفاز .. انتهى البرنامج فالتفتت اليه "سماح" قائله:

" _أيمن" عايزه أسألك عن حاجه

نظر اليها "أيمن" قائلاً:

۔قولی یا حبیبتی

اعتدلت في جلستها ونظرت اليه قائله:

ایه أخبار "عمر" صحبك .. مفیش جدید ؟

نظر اليها بإستغراب قائلاً:

جدید من حیث ایه ؟

يعنى .. انت كنت قولتلى انه خاطب

ايوة وقولتك انه فسخ

قالت "سماح" بإهتمام:

يعنى مبيفكرش يرجعلها

قال "أيمن" بثقه:

مستحيل يرجعها .. أصلا ربنا نجاه منها

صمتت "سماح" قليلا تفكر في كلامه ثم قالت:

ومبيفكرش يخطب قريب ؟

تفرس "أيمن" فيها قائلاً بإبتسامه خبيته:

انتى عايزه تعرفى ايه بالظبط؟

أمسكت الريموت وأنشغلت بالتقليب في القنوات قائله:

-هكون عايزه أعرف ايه يعنى

التفت اليها "أيمن" ونظر اليها قائلاً:

طيب أنا عايز أسألك عن حاجه

نظرت اليه فقال لها:

-هى "ياسمين" لسه حسه بحاجه ناحية زوجها

نظرت اليه بدهشة قائله:

حسه بحاجه يعني ايه ؟

حثها قائلا:

- يعني لسه بتحبه ؟ والقضية اللى رفعتها كانت عشان كرامته مثلا

هتفت السماحا قائله:

" -أيمن" .. "اياسمين" مكنتش بتحب "مصطفى" أصلاً ..حتى من قبل ما يضربها ويخونها قال في دهشه:

-ازای یعنی

ـزى ما بقولك مكنتش بتحبه ولا حتى كانت بترتحله .. باباها هو اللي جوز هولها وهي مكنتش

```
عايزه تتجوز
               تنهدت في حسره قائله:
                هتف "أيمن" بدهشة:
                   ثم استطردت قائله:
                     بالخير يا باشا
                 قال "أيمن" بدهشة:
بدا "عمر" مترددا قليلا .. ثم قال بجديه:
                     -اشمعنی یعنی ؟
```

عقد ما بين حاجبيه وسائلها مستفهماً: وليه باباها عمل كده ؟ -عشان مامتها ماتت فجأة .. والبنتين ملهمش حد .. مقطوعين من شجرة " ..مصطفى "كان عايز يتجوز بسرعة .. ووالدها وافق .. عشان يطمن عليها لو حصله حاجه فكر "أيمن" قليلا ثم قال: -منطق غريب .. يعنى أجوز بنتى لواحد هي مش مرتحاله .. عشان أطمن عليها أما أموت -هو تفكيره وصله لكده .. هو بيحبها جدا هي و "ريهام" وأنا واثقه ان ده من خوفه عليها .. زى الدبه اللي قتلت صاحبها من كتر حبها فيه صمت "أيمن" قليلا يفكر فيما قالته "سماح" .. ثم قال: -ربنا يخلصها منه .. وتكسب القضية قالت "سماح" بحماس: -أنا واثقه انها ان شاء الله هتكسبها وهتطلق منه .. مفيش قاضى عنده ضمير ممكن يرفض انه يطلقها من واحد حقير زى ده .. ده كان عايز يغتصبها

-انتی بتتکملی بجد .. ازای یعنی ؟

قالت وهي تشعر بالإحتقار تجاه "مصطفى: "

-واحد لا عنده دين ولا أخلاق ... كان عايز ياخد حقه غصب عنها .. وبعد ما ضربها كمان .. لولا ان واحد من الجيران خلصها منه

أصلاً أنا نسيت أقولك .. هي أصلاً لسه.

قاطعها جرس هاتف "أيمن" .. رد "أيمن" قائلاً بمرح:

-یاریتنی کنت جبت سیرة جنیة فضه

أتاه صوت "عمر" ضاحكاً:

وأنا أقول عمال أشرق من الصبح ليه .. أتاريك عمال تقطع في فروتي

بقولك ايه انت وراك حاجة يوم الأربع

-يوم الأربع .. عادى يعنى ورايا الشغل العادى بتاع كل يوم .. ليه في حاجه

" -أيمن" عايزك تروح مع "ياسمين" ووالدها المحكمة

ابتسم "أيمن" ونظر الى "سماح" التي كانت تتابع ردود "أيمن" بإهتمام:

-هى رافضه انى أروح معاهم .. بس لو انت عرضت على والدها أعتقد مش هيرفض

اليوة يعنى انت هتستفاد ايه من كده ؟

قالت "عمرً" بنفاذ صبر:

-عشان أبقى متابع معاك أول بأول يا "أيمن "

ابتسم "أيمن" بخبث قائلاً:

ـهو الموضوع يهمك أوى كده ؟

ساد الصمت لفتره .. ثم أتاه صوت "عمر" قائلاً:

اليوة .. يهمنى

اتسعت ابتسامة "أيمن" قائلاً:

-خلاص مفيش مشكلة .. حتى آخد "سماح" بالمرة أهى تبقى جمبها رفعت "سماح" حاجبيها بدهشة .. أنهى "أيمن" مكالمته فقالت له بلهفة:

قالك ايه العمرال. وهتاخدني فين ؟

قال "أيمن" وهو مازال محتفظاً بإبتسامته:

" ـ عمر" طلب منى انى أوصل "ياسمين" ووالدها المحكمة

بدت الابتسامه على وجه "سماح" قائله بخبث:

وایه سر اهتمامه ده

قال "أيمن" بخبث مماثل:

الله أعلم .. يمكن شفقه

تلاشت ابتسامة "سماح" وقالت في حنق:

ليه بأه ان شاء الله . هي "ياسمين" ناقصة ايد ولا ناقصة رجل . عشان يحس نحيتها بالشفقه

ضحك " أيمن" قائلاً:

-طيب قومى حضريلنا العشا .. وسيبى الأكل يستوى على نار هادية

وغمز بعينه قائلاً:

فهماني طبعاً

ابتسمت ونهضت لتحضر طعام العشاء.

دخل" كرم" شرفة بيت المزرعة ليجد "عمر" واقف في الظلام شارداً .. اقترب منه ووضع أمامه على سور الشرفة أحد الأكواب الساخنة التي يحملها والتي تتصاعد منها الأبخرة .. نظر "عمر" الى صديقه ثم أخذ الكوب بين يديه .. تناول "كرم "رشفه من كوبه .. ثم نظر الى "عمر" قائلاً:

شكلها ايه ؟

نظر اليه "عمر" بدهشة قائلاً:

هی مین دی ؟

قال "كرم" بخبث:

اللى واكله عقلك

ابتسم "عمر" وأخذ يتأمل ما أمامه مرة أخرى .. وقف" كرم" بجواره مستنداً على السور ومال على صديقه قائلاً:

-أهم حاجه انك متتسرعش .. عشان متقعش تانى فى واحدة متستاهلش

التفتُ "عمر" اليه وقال بسرعة:

-لأ دى مش زى أى حد

صفق "كرم" بيديه وهتف بمرح:

```
-يا سلام عليك يا واديا "كرم" .. لعييييييييب .. تخرج المعلومة من بق الأسد
                                                    ضحك "عمر" فأكمل "كرم" بمرح:
           قول يا حبيبي قول .. عايزك تطلع كل اللي جواك .. عايزك تستفرغ كل اللي عندك
                                                                  ضحك "عمر" قائلاً:
                                                                      روح الله يقرفك
                                                                         ـيلا .. خلص
                            صمت "عمر" وأخذ نفساً عميقاً .. وبعد برهه بدأ الحديث قائلاً:
            مستألنيش اشمعنى هي .. لاني مش عارف تحديدا .. بنت عمرى ما قبلت زيها ..
                                                   ابتسم "كرم" ونظر الى صديقه قائلاً:
                                                           ايه أكتر حاجه عجباك فيها
                           ابتسم "عمر" وهو يستحضر صورة "ياسمين" في خياله قائلاً:
   -طيبتها .. حنيتها .. رقتها .. خجلها .. ضعفها .. قوتها .. أدبها .. أخلاقها .. طباعها .. حتى
  ملامحها .. كل حاجه فيها بتجذبني .. فضلت تتسلل لقلبي بهدوء وببطء لحد ما اتمكنت منه ..
                                                                 نظر الى "كرم" قائلاً:
 -عارف يا "كرم" .. أنا كنت بحب "نانسى" .. بس الاحساس اللي أنا حسه دلوقتي .. مختلف
                                                                    سأله "كرم" قائلاً:
                                                                      -ازای مختلف ؟
                                                             شرد "عمر" قليلا ثم قال:
 الما حبيت "نانسى" حبيت فيها البنت الدلوعه الجميله المرحه .. بس كده .. كانت بتعجبنى ..
                          من بره بس .. حبيت اللي أنا شايفه منها بس .. لكن" ياسمين.. "
                                                             صمت قليلا ثم ابتسم قائلاً:
  احساسى نحيتها حاجه تانية خالص .. عارف يا "كرم" لما بشوفها بحس انى خايف عليها
     أوى .. بحس انى ملهوف عليها أوى .. بحس انى شايف قلبها .. وحسه .. وسامع دقاته..
                                                                 التف الى صديقه قائلاً:
              -تصور یا "کرم" عمرها مسمحت لجوزها انه پلمس ایدها لما کانت مخطوباله
                                                    هتف "كرم" ينظر الى صديقه قائلاً:
                                                         -نعم يا اخويا ... هي متجوزة ؟
                                                                    قال "عمر" بأسى:
                                                                               _أيوة
                                                                    صاح "كرم" قائلاً:
                                  " - عمر " انت اتهبلت في عقلك .. معجب بواحدة متجوزة
                                                              هتف "عمر" بنفاذ صبر:
                                                           اصبر یا بنی آدم وانت تفهم
                                                                      ثم استطرد قائلاً:
-هي رافعة قضية خلع على جوزها .. لأنه خانها وضربها .. هي أصلا متجوزتش الا شهر واحد
                                                               سأله "كرم" بإستغراب:
```

وانت شوفتها فين ولا عرفتها منين ؟

ما هي أخت سكيرتيرتك

هتف "كرم" قائلاً:

_نعم

صمت قليلا ثم قال:

-لأ واحدة واحدة كده .. وترسيني على الدور من أوله

شرح له "عمر" كل ما يعرفه عن "ياسمين" وأهلها .. وهروبهم من "مصطفى" والعمل فى مزرعته .. ثم استطرد قائلاً:

حمان يومين هيكون النطق بالحكم

قال "كرم" بجديه:

" - عمر" متعلقش نفسك عشان متقعش على جدور رقبتك .. افرض القاضى محكملهاش بالطلاق ورجعت تانى لجوزها

صاح "عمر" غاضباً:

-هو أنا كنت بحكيلك كل ده عشان تيجي تحبطنى يا "كرم" .. أنا مش ناقصك .. كفايه النار اللى قايده جوايا بسبب جوازها .. أنا عمرى ما كنت أتخيل انى ممكن أفكر فى واحدة كانت متجوزة قبل كده .. انت عارف انى غيور جدا .. بموت من الغيرة .. وعلى دى بالذات أنا واثق انى غيرتى عليها هتبقى أضعاف ما كنت بغير على "نانسي" .. فلو سمحت أنا مش ناقص تحرقلى دمى بكلامك

ثم تركه "عمر" ودلف الى الداخل.

فى استراحت الغداء كانت "شيماء" تتناول غدائها بمفردها .. فجأة أتت "مها "وأزاحت احدى الكراسي على طاولتها بعنف وجلست ووضعت طعامها أمامها .. نظرت اليها "شيماء" قائله: _مالك جايه بزعابيبك كده ليه

نظرت اليها "مها" هاتفه بغضب:

ـشوفتى اللى حصل .. الهانم اخت البرنسيسه اشتغلت سكرتيره عند الباشا

نظرت لها "شيماء" بعدم فهم قائله:

ایه ؟ .. أقطع دراعی ان كنت فهمت

قالت "مها" بغل:

" ـريهام" . أخت الدكتورة "ياسمين" . اشتغلت سكرتيرة عند البشمهندس "كرم" قالت "شيماء: "

عادى وفيها ايه يعنى

نظرت اليها "مها" بحنق قائله:

-هى تشتغل تحت ايد دكتور "حسن" ومش بس كدة يبقى لها طالب كمان وعايشه فى دور الأستاذة أم علم غزير ... وأبوها .. يمسكوه مخازن العلف ودى شغلانه مبيجبوش فيها الاحد واثقين فيه .. وأختها بقت سكرتيرة للباشمهندس "كرم "وهى اصلا لسه حتى عيله متخرجتش .. كل ده وتقوليلى عادى .. لأ طبعا مش عادى

سألتها الشيماء الباهتمام:

```
-أمال تفتكرى ايه الحكايه يعنى ؟
                                                                 قالت "مها" بحزم:
                                                          مش عارفه .. بس هعرف
                                                      ******
كانت "ريهام" مغادره المكتب الى غرفتها بعد انتهاء عملها عندما وجدت "هانى" يستوقفها
                                                                     قائلاً بابتسامه:
                                                            ازیك یا آنسه "ریهام"
                                                                   نظرت اليه قائله:
                                                                          _أفندم ؟
                                                                      استطرد قائلاً:
              -أنا "هانى" .. أختك بتساعدنى في شرح الحالات اللي موجودة في المزرعة
                                                                   نظرت اليه قائله:
                                                          ـيعنى أنا أعمل ايه يعنى ؟
                                                                       تنحنح قائلاً:
        -أنا بس كنت عايز أعرف انتى في سنة كام .. ولا خلصتى كلية .. أصل شكلك صغير
                                                             صاحت "ريهام" قائله:
                                                      ایه ده احنا هنتصاحب و لا ایه
ثم تركته وانصرفت .. كان "كرم" الذي خرج من المكتب بعدها يتابع المشهد من بعيد فإقترب
                                              من "هانى" ووضع يده على كتفه قائلاً:
                                                            انت مین یا ابنی انت ؟
                                                            التفت اليه "هاني" قائلاً:
                                                                 انا "هانی شاکر"
                                                                 قال "كرم" ببرود:
                -وأنا "فيروز .. "أيوة يعنى انت مين يعني .. بتبيع ايه هنا في المزرعة ؟
                                                       قال "هانى" وقد شعر الإهانه:
                                                            ایه ببیع دی .. أنا طالب
                                                            قال له "كرم" بسخريه:
```

فى الصباح توجهت "مها" الى مكان عمل "عبد الحميد" فى مخزن العلف .. اقتربت منه قائله

-صباح الخير يا عم "عبد الحميد" التفت اليها "عبد الحميد" قائلاً:

-صباح الخير يا بنتي

طب يلا على فصلك

ثم تركه وانصرف

```
قالت "مها: "
```

كنت عايزة أسأل هو العلف الجديد اللي طلبه البشمهندس "أيمن" وصل ولا لسه ؟

قال "عبد الحميد" بحيره:

-معندیش فکرة یا بنتی ان فی علف جدید هیدخل المخزن محدش جبلی سیره قالت بخیث:

ـخلاص مش مشكلة يا عم "عبد الحميد" يمكن أنا اللي فهمت غلطت

ثم تظاهرت بأنها تهم بالإنصراف والتفتت اليه مرة أخرى قائله:

صحيح يا عم "عبد الحميد" ازى الدكتورة "ياسمين" هتيجي الشغل النهاردة ؟

قال "عبد الحميد: "

-الحمد لله يا بنتى كويسة .. وهى مبتغيبش أبدا ونزلت معايا الصبح يعني تلاقيها دلوقتى في مكتبها أو بتتابع حالة من الحالات

قالت "مها" بخبث:

-أنا سألتك عليها لاني شيفاها حالها مش عاجبني اليومين دول

نظر اليها "عبد الحميد" قائلاً:

-انتی صحبتها

أسرعت قائله:

-أيوة طبعا صحبتها ..ربنا يعلم أنا بحب "ياسمين" أد ايه بعتبرها زى أختى .. أه والله يا عم "عبد الحميد" عثنان كده عايزه أطمن عليها

قال "عبد الحميد" بأسى:

-يمكن بس هي متوترة شوية عشان قضيتها

تساءلت "مها" بلهفة:

قضية ايه ؟

تنهد تنهيده عميقة ثم قال بصوت حزين:

قضية طلاقها يا بنتى

ظهرت علامات الدهشة على وجهها .. لكنها تمالكت نفسها قائله بلهفه:

-أيوة أكيد الموضوع قالقها أوى

قال "عبد الحميد: "

ـخلاص هانت كلها يومين وتخلص من المدعوع جوزها

سألته "مها" قائله:

-هو انتوا قرايب البشمهندس "عمر"

أسرع "عبد الحميد" قائلاً:

-لاياً بنتى قرايبه ايه .. احنا فين وهو فين .. تقدرى تقولى معرفة من بعيد .. وهو الله يباركله جبنا هنا المزرعة عشان اللى ميتسماش "مصطفى" جوز" ياسمين" كان عايز يرجعها بيته غصب عنها

رفعت حاجبها وقالت بلوءم:

وطبعا البشمهندس "عمر" جبها هنا عشان يخبيها منه

قال "عبد الحميد: "

الله يباركله حمانا في مزرعته وشغلنا فيها كمان

صمتت "مها" قليلا وهي شارده ثم التفتت اليه قائله:
- شكرا يا عم "عبد الحميد" .. شكراً أوى
ثم غادرت وتوجهت الى الاسطبلات حيث تعمل "شيماء" جذبتها من ذراعها وأخرجتها من المكان ووقفت في مواجهتها .. قالت "شيماء: "

ایه یا بنتی فی ایه انتی سحبه بقرة وراکی

قالت المهاا بتشفى:

ـشوفتى مش قولتلك ان البت دى وراها سر هى وأهلها

سألتها الشيماء القائله:

بت مین ؟

الدكتورة الياسمين ال

ثم استطردت "مها" قائله وعلامات الحقد على وجهها:

ـُطلعت يختى متجوزه .. وهربانه من جوزها .. و "عمر " أبو قلب رهيف مخبيها هي وأهلها هنا في المزرعة عشان جوزها ميوصلهاش

ظهرت علامات الدهشة على وجه "شيماء" وهتفت قائله:

_مش ممكن!

أكدت "مها" قائله:

-أنا عمرى قولتلك حاجه وطلعت غلط

صمتت 'اشيماء' قليلاً ثم قالت:

- يعني ايه مش فاهمة .. البشمهندس "عمر" ماله ومالها هي وجوزها

قالت "مها" بإبتسامه ساخرة:

-طبعا عايز حته من التورته .. أمال هيهربها من جوزها ليه ويجيبها هنا ويسكنها في أوضة جنب بيته

ـبس يا "مها" البنت باين عليها محترمة

-انتى بتغرك الأشكال دى .. شوية سهوكه وبصتين في الأرض ونحنحه ودمعتين .. يعملوا من الفسيخ شربات وتبقى البت اللي محصلتش

قالت "شيماء" غير مصدقه:

معقول .. "ياسمين"

-أمال ليه مهتم بيها أوى كده .. ومشغلها هي وأهلها كمان .. خاصة اني عرفت انها لا قريبته ولا حاجه

-یمکن بیعمل خیر من غیر ما یکون فی نیته حاجه وحشة

انتى هبله يا بنتى .. هو في حد في الزمن ده بيعمل خير كدة من الباب للطاق

نبهت المهاا على الشيماء القائلة:

اوعى تجبيلها سيرة اننا عرفنا حاجه

لیه هتعملی ایه ؟

ابتسمت بخبث قائله:

ـ هعملها مفاجأة محصلتش

فى يوم المحكمة فجراً .. ظلت "ياسمين" ساهره تصلى وتتضرع لربها أن يخلصها من زوجها .. وأن يسخر القاضى لصالحها .. انتهت من قراءه الأذكار وظلت تقرأ فى مصحفها حتى الشروق .. نهضت وارتدت ملابسها .. كانت فى حالة غريبة وكأنها لا تشعر بما حولها .. سمعت طرقات على باب الغرفة فنهضت "ريهام "وفتحت الباب .. دخل والدهما قائلاً:

ایه یا "یاسمین" خلصتی ؟

قالت في وجوم:

اليوة يا بابا أنا جاهزة

عانقتها "ريهام" عناقاً طويلاً ثم نظرت اليها قائله:

متخفیش ربنا معاکی ان شاء الله

خرجت "ياسمين" بصحبة والدها .. قال "عبد الحميد: "

-البشمهندس "أيمن" كلمنى امبارح وقالى هيوصلنا بعربيته

التفتت اليه "ياسمين" بدهشة قائله:

وليه تعب نفسه

صمتت قليلا ثم قالت بضيق:

-ياربي .. أكيد "سماح" اللي قالتله

قال والدها شارحاً:

-هو کتر خیره انه عایز یساعدنا یا بنتی

قالت بحنق:

-بس یا بابا احنا ممکن نروح لوحدنا .. لیه نتعبه فی سفر رایح جای

اقتربا من بوابة المزرعة .. ولدهشتها وجدت "أيمن" واقفاً بجوار سيارته وبصحبته ... "عمر" ... خفق قلبها لرؤيته .. نظر اليها بحنان جارف وكأنه يبث الطمأنينه فيها .. أشاحت بوجهها عنه .. التفت "أيمن" اليهما قائلاً:

-اتفضلوا

تذكر والدها أنه نسى احضار بطاقته فعاد لإحضارها .. قالت "ياسمين" لـ "أيمن" بحرج: -مفيش داعى يا بشمهندس "أيمن" احنا ممكن نروح لوحدنا العربيات على الطريق بتعدى كتير من أدام المزرعة .. أنا عارفه ان "سماح" هى اللى قالت لحضرتك .. بس صدقنى مفيش داعى تتعب نفسك

نظر المنا الى اعمرا ثم الى الياسمين قائلاً:

مش "سماح" اللي طلبت منى انى أكون معاكوا النهاردة

نظرت الى "عمر" الذى كان يتطلع اليها والإبتسامه على محياه .. أشاحت لوجهها عنه مرة أخرى .. وأسرعت بالجلوس داخل السيارة .. نظر اليها "عمر "وهى داخل السيارة ود لو اقترب منها وأمسك بيديها بين يديه وبث الطمأنينه فيها .. شعر بالألم لأنه لا يستطيع التخفيف عنها .. ولا أن يكون بقربها .. ركب ثلاثتهم وانطلقوا في طريقهم ..نظر "أيمن" في المرآة الى "ياسمين "الجالسه في المقعد الخلفي قائلاً:

" ـسماح" كانت جايه معايا .. بس تعبت فجأه الصبح

قالت "ياسمين" بقلق:

خير ملها ؟

مفیش تعب بسیط

أخرجت "ياسمين" هاتفها لتتصل بصديقها فنبهها "أيمن" قائلاً:

مفيش شبكة على الطريق هنا .. هتلاقيها ضعيفه جداً

كانوا قد وصلوا القاهرة واقتربوا من مكان المحكمة حينما رن هاتف "أيمن" .. سمعت الياسمين" الأيمن" يقول:

-أيوة يا "عمر" .. أيوة لسه واصلين حالا .. لا قدمنا بتاع 10 دقايق كدة ونكون في المحكمة .. لسه أصلا الجلسه عليها نص ساعه .. طيب حاضر .. حاضر .. حاضر .. خلاص متقلقش حاضر

أغلق "أيمن" الهاتف .. ورأته "ياسمين" عبر المرأة مبتسماً.. وصلوا الى المحكمة واستقبلهم المحامي على الباب .. دخلوا جميعاً ووصلوا الى المكتب الذى سيعقد فيه جلستها الأولى .. والتى تدعو الله أن تكون الأخيرة .. وأن يُحكم بطلاقها ..

لم تجد أثراً لـ "مصطفى .. "فقط محاميه كان موجود .. تساءلت لماذا لم يحضر .. أم أنه سيأتى بعد قليل .. ظلت تقرأ ما تحفظ من القرآن في سرها .. وقفوا جميعاً في انتظار بدء الجلسه.

كان "عمر" يشعر بتوتر شديد .. أخذ يزرع شرفة المنزل مجيئاً وذهاباً .. استيقظ "كرم" من نومه وارتدى ملابسه للذهاب الى عمله .. وأثناء انصرافه لمح "عمر" داخل الشرفة فتوجه اليه قائلاً:

ایه یا "عمر" انت مش رایح المکتب ولا ایه ؟

نظر اليه "عمر" دون أن يرد عليه .. وقف أمام سور الشرفة يمسكه بقبضتيه بقوة وكأنه يريد تحطيمه .. اقترب منه "كرم" وربت على كتفه قائلاً:

ایه یا "عمر" فی ایه

قال "عمر" دون أن ينظر اليه:

معاد الجلسة دلوقتى يا "كرم"

متقلقش .. "أيمن" معاهم مش كده؟

أومأ "عمر" برأسه دون أن يتحدث .. نظر اليه "كرم" وابتسم في حنو قائلاً:

ـهى تهمك للدرجة دى يا "عمر" ؟

التفت اليه "عمر" بسرعة وصمت قليلا ثم قال:

-تهمني ؟ .. لو القاضى محكملهاش بالطلاق يا "كرم" أنا ممكن أدور على جوزها ده وأقتله ثم قال بحزم:

ـمستحيل أسمحله ياخدها يا "كرم"

ثم استطرد قائلاً:

خاصة انها مش عايزاه

طمأنه صديقه قائلاً:

-ان شاء الله هيتحكملها بالطلاق .. مستحيل يعني قاضى يسيبها مع واحد زى ده غصب عنها .. متقلقش

نظر اليه "عمر" قائلاً بصوت مرتجف:

-بحبها يا كرم .. وعايزها ..

ثم تنهد بقوة قائلاً:

-كون انها كانت متجوزة قبل كده دى حاجه وجعانى .. بس اللى هيوجعنى أكتر.. هو انى أتحرم منها .. متتصورش هى أد ايه مأثره فيا يا "كرم" .. شايفها جوهرة غالية أوى .. ممنوع لأى حد مهما كان انه يقرب منها .. حسسها غالية أوى وعالية أوى .. وهموت وأوصلها .. لما بشوفها يا "كرم" بحس انى بتخطف .. وقلبي معدش ملكى خلاص..

نظر "عمر" الى "كرم" وقال بتصميم:

بمجرد ما شهور العدة تخلص .. هطلبها من أبوها

ابتسم له "كرم" وربت على كتفه قائلاً:

ان شاء الله

حانت اللحظة التي انتظرتها "ياسمين" طويلاً .. نظرت الى والدها قائله:

بابا أنا خايفة أوى

طمأنها والدها قائلاً:

-متخفيش يا حبيبتى .. أنا واثق انك هتطلعى وتبشريني ان القاضى حكم لصالحك

مازال لا أثر لـ "مصطفى" .. كانت سعيدة لعدم اضطرارها لرؤيته .. لكنها بعدما وقفت أمام القاضى وتحدث محاميه .. علمت سر اختفائه .. أراد بذلك المماطله حتى يتم تأجيل النطق بالحكم لجلسه أخرى.. لكن محاميها الأستاذ "شوقى" كان بارعاً للغاية واستطاع اقناع القاضى بأن اختفائه متعمد للمماطله .. وقرر القاضى اصدار الحكم فى نفس الجلسه

خرجت "ياسمين" من قاعة المحكمة واستقبلها والدها قائلاً بلهفة:

-طمنینی یا بنتی

اقترب "أيمن" منهما .. ألقت نفسها في أحضان والدها والدموع تسيل من عينيها كالشلال قائله

الحمدلله يا بابا .. خلصت منه

ابعدت رأسها ونظرت الى والدها وهتفت بسعادة:

القاضى طلقنى منه

تبلل وجه "عبد الحميد" بالدموع وتعالت شهقاته بالبكاء وعانقها مرة أخرى مردداً:

-الحمدلله .. اللهم لك الحمد والشكر .. لو مكنش القاضى طلقك كنت هفضل شايل ذنبك طول عمرى .. الحمدلله

شعر "أيمن" بسعادة غامرة .. وأخرج هاتفه ليتصل بالعمر" .. لكنه وجد "عمر" وقد سبقه بالإتصال .. رد عليه قائلا:

ـ تدفع كام وأقولك الحكم ؟

صاح "عثر" بغضب:

" -أيمن" مش وقتك .. حكملها بإيه ؟

ابتسم "أيمن" قائلاً:

طلقها منه

أغمض "عمر" عينيه للحظة وكأنه يريد أن يستشعر هذا الخبر عبر كل كيانه .. صمت وهو يشعر بتقطع أنفاسه .. ثم تمتم في خفوت:

_الحمدلله

أغلق "عمر" الهاتف وهو يشعر بسعادة بالغة .. ود لو كانت أمامه الآن .. ليرى السعادة المرسومة على وجهها .. وعينيها التى تشع بهجه وفرحه .. والابتسامه على ثغرها .. ود لو اعترف لها بحبه الآن .. وفى هذه اللحظة .. وده لو يخبرها .. بأنها ليست وحدها .. هو معها .. بقلبه .. وبكل كيانه .. لكنه يعلم بأنه مضطر لأن ينتظر..

تقدم "أيمن" مع المحامى و "عبدالحميد" للخروج من المحكمة وكانت "ياسمين" تسير خلفهم تبحث عن هاتفها في حقيبتها .. حينما وجدت فجأة يدا تمسكها من ذراعها بقوة التفتت الى الخلف لتجد نفسها وجهاً لوجه مع .. "مصطفى" .. شلتها الصدمة عن الحركة .. والتفكير .. وجدته ينظر اليها بشراسة ويقول بقسوة وهو يضغط على ذراعها بقوة:

-القاضى طُلقك منى؟ .. بس ورحمة أمى اللي ماتت بحسرتها عليا ما أنا عاتقك اتسعت عيناها خوفاً والتفتت بسرعة لتنادى على والدها:

ابا . بابا

تركها" مصطفى" بسرعة واختفى وسط الحشود.

تقدم "أيمن" مع المحامى و "عبدالحميد" للخروج من المحكمة وكانت "ياسمين "تسير خلفهم تبحث عن هاتفها فى حقيبتها .. حينما وجدت فجأة يدا تمسكها من ذراعها بقوة التفتت الى الخلف لتجد نفسها وجهاً لوجه مع .. "مصطفى .. "شلتها الصدمة عن الحركة .. والتفكير .. وجدته ينظر اليها بشراسة ويقول بقسوة وهو يضغط على ذراعها بقوة:

-القاضى طلقك منى؟ .. بس ورحمة أمى اللى ماتت بحسرتها عليا ما أنا عاتقك السعت عيناها خوفاً والتفتت بسرعة لتنادى على والدها:

بابا .. بابا

تركها "مصطفى" بسرعة واختفى وسط الحشود.

تركها كزهرة ترتجف في مهب الريح .. هرع والدها و "أيمن" اليها .. نظر اليها والدها بهلع قائلاً:

ایه مالك یا "یاسمین" فی ایه ؟

أحاطت جسدها بذراعيها علها توقف ارتجافته .. وأخذت نفسها عميقاً تحاول به اعادة تنظيم ضربات قلبها المتسارعه .. ونظرت الى والدها قائله:

" -مصطفى" كان هنا

صاح والدها في غضب:

ابن التييييييي التيابييي

وأخذ ببحث عنه بعينيه قائلاً:

- هو فين . مشى منين ؟

قالت "ياسمين" بخفوت:

-مخدتش بالى

سألها "أيمن" بإهتمام:

قالك ايه ؟

بللت شفتيها الجافة بلسانها .. وقالت:

-قالى القاضى طلقك منى بس مش هعتقك

شعر "أيمن" بالغضب الشديد وظل ينظر حوله .. على الرغم من أنه لا يعرف أصلاً شكل المصطفى" .. ثم نظر الى والدها قائلاً:

-يلا يا عم "عبد الحميد" الأحسن نمشى من هنا

أحاطها الرجلين من كلا الجانبين وكأنهم يقومان بحمايتها .. وساروا معاً حتى ركبوا في السيارة وانطلقوا عائدين الى المزرعة.

كان "عمر" ينتظر وصولهم في لهفه .. لم يستطع متابعتهم على الطريق بسبب ضعف الشبكة .. كان اتصال يصيب .. وعشرة لا تصيب .. لكنه علم في المرة الوحيدة التي تمكن من التحدث فيها مع "أيمن" على الطريق أن أمامهم قرابة الساعة ونصف .. لم يستطع التركيز في عمله .. بل لم يستطع الجلوس في مكتبه .. ذهب الى الشجرة .. شجرته .. والتي أصبحت .. شجرتها .. كان سعيداً أنها اتخذت من هذا المكان عالماً خاصاً بها .. لكم كان يتمنى أن يشاركها لحظات الإستمتاع بتلك الطبيعة الخلابه .. والجلوس معها على ذلك الجذع .. وهو يحيطها بإحدى ذراعيه ويضمها الى صدره .. كان يعلم أن عليه الإنتظار لتحقيق حلمه .. لكن ما أصعب هذا الإنتظار .. مرت الساعة والنصف وهو في هذا المكان .. يتأمل ما حوله .. وينسج في خياله أحلاماً ورديه .. تشاركه "ياسمين" إياها .. نظر الى ساعته .. ثم نهض وتوجه الى البوابه .. أراد أن يستقبلها .. ويراها .. ياه لكم اشتاق اليها .. فارقته منذ بضع ساعات فقط .. لكن تلك الساعات أشعرته بحنين جارف اليها .. تلك الساعات جعلته يتأكد أنه لن يستطيع العيش دونها .. وكأنها أصحب في حياته الهواء الذي يتنفسه ويعيش عليه .. خطفت قلبه ببراءتها .. وقيدتها بحنانه .. وأنسته أي امرأة عرفها قبلها .. وكأنه لا يرى في الوجود سواها ..

رأى عبر السياج سيارة "أيمن" تقترب من البوابة .. خفق قلبه داخل صدره .. نهض الغفير وفتح البوابة عبر مسرعيها .. ابتسم "أيمن" الذى رأى صديقه واقفاً على بعد أمتار من البوابة .. دخل المزرعة وتوقف بجانب "عمر .. "انحنى "عمر" مستنداً على شباك السيارة بجانب "أيمن" .. ونظر الى الخلف .. حيث تجلس "ياسمين" .. هاله ما رآى .. كان يبدو عليها الحزن و الإضراب .. لم يتوقع أن يراها في تلك الحاله .. كانت ينتظر بلهفه رؤية الإبتسامه على شفتيها .. قفز قلبه داخل صدره من الالم وكأنه طعن بخنجر مسموم .. أمن المعقول أنها حزينه عليه .. على طليقها .. أندمت على طلبها الطلاق .. هل شعرت بالحنين اليه .. نظر اليها عله عليه .. بنظر اليها عله يجد اجابات لأسئلته .. نزلت من السيارة بصحبة والدها .. توجها الى مكان سكنها .. أوقف "أيمن" السيارة جانباً ثم وقف أمام "عمر" الذي أخذ يتابع "ياسمين" بعينيه وهي تبتعد .. نظر "عمر" الى" أيمن" قائلا بحده:

-هي مالها .. في ايه ؟

زفر "أيمن" قائلا:

-جوزها .. قصدى طليقها .. كلمها في المحكمة .. وهددها

اتسعت عينا "عمر" وقال بحده:

-یعنی ایه هددها ؟

```
قال "أيمن" بضيق:
```

-قالها القاضى طلقك منى بس مش هعتقك

نظر اليه "عمر" بحده وصاح غاضباً:

-وانت كنت فين يا "أيمن" أما الحيوان ده هددها .. انت ازاى تسمحله يتكلم معاها أصلاً -اهدى يا "عمر" .. كنت أنا و عم "عبد الحميد" بنتكلم مع المحامى .. وهى كانت ماشيه ورانا

وضع "عمر" احدى يديه في وسطه والأخرى على فمه وكأنه يكتم بركان ثائر .. ونظر الى حيث اختفت "ياسمين" .. ثم نظر الى "أيمن" قائلاً بغضب:

-لو أربلها تانى هقتله

ربت "أيمن" على كتفه قائلاً:

-خلاص اهدی .. هو مش هیقدر یوصلها هنا

أومأ "عمر" برأسه .. وأخذ يفكر في "ياسمين" وفيما تشعر به الآن

-ده حقير أوى

نطقت "ريهام" بتلك العبارة بعدما قصت عليها "ياسمين" في غرفتهما ما حدث من تهديد "مصطفى" لها في المحكمة .. نظرت اليها "ياسمين" قائله:

-أما اتدورت ولقيته ورايا كنت هموت من الرعب .. أنا مش عايزه أشوف البنى آدم ده مرة تانية أبداً

نظرت لها "ريهام" في حنو قائله:

-متقلقيش خلاص معدتيش هتشوفيه تانى .. لا هو ولا أهله .. الله يحرقه هو وأهله

-أمه ماتت على فكرة

وعرفتي منين ؟

-هو اللي قالي

أشاحت "ريهام"بيدها قائله:

-يلا خدت الشر وراحت

قالت "ياسمين" بأسى:

-ربنا يغفرلها ويرحمها .. ظلمتنى أوى .. بس مسمحاها

نظرت اليها "ريهام" بدهشة قائله:

-مسمحاها ایه یا بنتی .. دی تستاهل یتولع فیها هی وابنها

قالت لها "ياسمين" بهدوء:

-هى دلوقتى بتتحاسب يا "ريهام" على كل الى عملته فى حياتها .. أنا هسامحها .. عشان ألاقى اللى يسامحني لما أموت أنا كمان

ابتسمت "ريهام" قائله:

-انتى طيبة أوى يا "ياسمين" .. واحدة غيرك كانت دعت عليها

- هي خلاص معدتش تقدر تأذيني دلوقتي .. مش هيفيدني الدعاء عليها في حاجة

```
صمتت قليلا ثم قالت:
-ربنا يرحمها هي وماما وكل أموات المسلمين
                         -اللهم آمين
            *******
```

التف الأصدقاء الثلاثة حول طاولة الطعام في أحد المطاعم .. لتناول طعام العشاء .. بدا "عمر" شارداً .. يعبث بطرف ملعقته في الطبق أمامه .. تبادل" أيمن" و "كرم" النظرات ..

والابتسامات الخبيثه .. هتف " كرم" في مرح:

-الحب بهدله .. تررم تررم .. خلانی أندله .. تررم تررم

نظر اليه "عمر" في غيظ قائلاً:

-لو متلمتش هسيبكوا وأمشى

قال "كرم" بمرح:

-أنا قولت حاجه .. واحد وبيغنى

صمت قليلاً ثم قال:

-صدق الشاعر اللي قال: الهس بس هس حبيبي لازم يحس ... حبيبي عمال بيتخن وانا عمال

هم "عمر" بالإنصراف فجذبه "كرم" قائلاً وهو ينظر الى "أيمن: "

-خلاص یا "أیمن" كفایه .. عیب كده

ثم نظر الى "عمر" قائلاً:

-خلاص حبه جد بأه .. ناوی علی ایه ؟

زفر "عمر" في ضيق قائلاً:

-مضطر غصب عنى أستنى 3 شهور .. مش عارف أصلاً هقدر هصبر الوقت ده كله ازاى سأله "أيمن" قائلاً:

ومين قالك ان ياسمين عدتها 3 شهور ؟

نظر ایه "عمر" قائلاً:

امال ایه ؟

قال "أيمن" بإبتسامه:

-اللي بتخلع جوزها عدتها بتكون حيضة واحدة بس .. هي دي السنة

سأله "عمر" بلهفه:

ـبجد یا "أیمن" ؟

ايوة بجد

قال ''كرم'' في مرح:

قشطة أوى .. بسبب حسن السير والسلوك خفضنا المدة من 3 شهور لشهر ان شاء الله .. لف لفه وتعالى يمكن نعملك أوكازيون تانى

ابتسم "عمر" وشرع في تناول طعامه قائلاً:

حده الواحد ياكل بنفس

فى صباح اليوم التالى خرجت "ياسمين" من غرفتها .. وقبل الذهب الى عملها .. توجهت حيث شجرتها .. لكنها اليوم تستقبلها بالإبتسامه فهذا هو يومها الأول بعد أن تحررت من قيد "مصطفى" .. القيد الذى كان أن يخنقها .. نظرت الى الخضرة حولها .. وللعصافير على الشجر .. كانت تشعر بأن تغريد العصافير مختلف اليوم .. لم تمسعهم يغردون بتلك السعادة من قبل .. شعرت بأنهم يشاطرونها فرحتها .. ويباركون لها حريتها .. أخيراً أصبحت حره مثلهم .. حتى الهواء الذى تستنشقه .. شعرت بأنه اليوم مختلف .. فكل نفس يحمل مزيج عجيب من السعادة والأمل والإرتياح .. يسرى عبر رئتيها لينعش جسدها ..

قامت وتوجهت الى عملها .. ولأول مرة يراها دكتور "حسن" مقبله على عملها والإبتسامه تعلو شفتيها .. كان سعيداً لسعادتها .. وإن كان لا يعرف سبب تلك السعادة .. أثناء انهماكها فى عملها .. اقترب منها .. رفعت رأسها .. لتتلاقى نظراتهما فى صمت .. شعر بأنها اليوم أجمل من ذى قبل .. وجهها يشع نوراً .. عينيها لم تعد تحمل تلك العبرات التى تهدد دائماً بالإنهمار .. اختفت نظرات الحزن والأسى لتحل محلها نظرات الفرح والأمل .. كانت عيناه اليوم أيضاً مختلفه .. كأنها تفصح عن سراً لطالما أخفته .. لكنها خانته اليوم .. وباحت بسره .. عبر شفره صغيره .. استقبلت عيناها تلك الشفره .. ومررتها على قلبها .. فترجمها .. وتعالت خفقاته عندما فهم تلك الشفرة التى أرسلتها عيناه الى عينيها .. أشاحت بوجهها .. فقلبها الضعيف وصلت سرعة خفقاته لذروتها .. قال لها بصوت حانى:

صباح الخير

ردت بصوت خافت حاولت السيطرة على رجفته:

صباح النور

ثم عادت لتكمل فحص الحاله التي أمامها .. ظلت عيناه معلقه بها .. وكأنه يخشى فرارها .. ابتسم قائلاً:

-مكنتش متوقع انك هتنزلى الشغل النهاردة .. لو تعبانه من سفر امبارح روحى ارتاحى النهاردة

قالت وهي تستمر في أداء عملها:

-لأ.. أنا كويسه

أومأ برأسه وقال لها بحنان جارف:

لو احتجتی حاجه عرفینی

لم تجبه .. التفت وانصرف .. تابعته بعينيها في صمت .. وابتسامه صغيره تتكون ببطء على شفتيها

توقفت عن العمل عندما حان موعد استراحة الغداع .. توجهت الى القاعة والإبتسامه تعلو شفتيها .. كانت على الرغم منها لا تستطيع اخفاء فرحتها .. كانت وجهها دائماً يفضحها .. لا تستطيع اخفاء فرحاً .. أنهت غدائها .. ووقفت قليلاً مع بعض تستطيع اخفاء ما تشعر به بداخلها .. حزناً كان أم فرحاً .. أنهت غدائها .. ووقفت قليلاً مع بعض زميلاتها العاملات في المزرعة .. كانت "ياسمين" تتهرب دائماً من صحبتهن .. أو التحدث

معهن .. فكان قلبها يحمل هما يكتفها .. فلا تستطيع الإندماج مع الآخرين .. أو التواصل معهن .. لكنها اليوم كالطير الحبيس الذي حصل أخيرا على حريته .. وقفت تتجاذب معهن أطراف الحديث وتضحك في مرح .. وفجأة اقتربت منها "مها .. "لم تلقى لها "ياسمين" بالا .. وقفت "مها" بين الجمع وصفقت بيديها لتجذب انتباههم قائله: اسكت هووووس .. عندى ليكوا خبر حلو النهاردة ثم التفتت الى "ياسمين" وقالت بخبث: ولا تحبى تقوليلهم الخبر بنفسك يا "ياسمين" نظرت اليها "ياسمين" بدهشة قائله: خبر ایه یا "مها" ؟ قالت "مها" بعتاب مصطنع: اخص عليكي .. طالما فرحتى يبقى تفرحينا معاكى جف حق "ياسمين" ونظرت اليها قائله: مش فاهمة قصدك ايه نظرت "مها" الى الفتيات اللاتى توقفن عن الحديث وتابعن ما يحدث .. قالت لهن في مرح: النهاردة عايزين كلنا نبارك لـ "ياسمين" نظرن الى "ياسمين" وقالت احداهن: نبارکلها علی ایه ؟ وقالت أخرى: ایه اتخطبت ؟ قالت "مها" وهي تنظر الي "ياسمين" بشماته: -لأ .. اطلقت تعالت صيحات عدم التصديق .. نظرت الى بعضهن البعض في دهشة .. كانت الياسمين التنظر الى "مها" في جمود .. لكن اخترق أذنيها ردود فعل من حولها: ایه ده هی کانت متجوزة أصلا -آکید بتهزری _ياسمين أصلا مش متجوزة قالت "مها" شارحه في استمتاع: " -ياسمين" كانت رافعة قضية خلع على زوجها وكسبتها امبارح ثم نظرت الى "ياسمين" قائله بخبث: والبشمهندس "عمر" كان كريم أوى معاها وخباها من جوزها هنا في مزرعته لحد معاد الجلسه .. اظاهر ان البشمهندس "عمر" بيعزك أوى يا "ياسمين" لم تستطع "ياسمين" تحمل تلميحاتها فإنصرفت في عجاله .. كانت تسير بسرعة وهي لا ترى أمامها .. كانت العبرات تتجمع في عينينها .. قابلها "هاني" فحاول يوقفها قائلاً: دكتورة "ياسمين" ثواني لو سمحتى

لكنها لم تسمعه .. بل لم تراه .. صنعت العبرات غشاوة على عينيها فسارت تتبين طريقها بصعوبه .. وصلت الى شجرتها .. ألقت بنفسها على جذعها الذى فارقته منذ ساعات .. وضعت

كفيها على وجهها وجهشت فى بكاء عميق .. لماذا لا يتركها الناس وحالها .. لما ينغصون عليها فرحها .. لماذا يخوض الناس فى عليها فرحها .. لماذا يخوض الناس فى أعراض بعضهم البعض ويمزقونهم بلا هواده .. لماذا لا يعلم الناس أن الكلمات التى تخرج من أفواههم هم محاسبون عليها تماما كأعمالهم .. لماذا لا يدرك البعض أن الكلمة قد تكون خنجراً ينغرس فى قلب من أمامه بلا هواده .. أو تكون بلسماً تطيب جرحه فى لحظات .. الى متى ستظل الإبتسامه عزيزة عليها .. وكأنها زائر لا يحل إلا بعد غياب طويل .. لحظات ثم يعود ليرحل مرة أخرى بقسوة .. أخذت تردد بصوت مرتجف:

فجرت "مها" قنبلتها ثم أخذت طعامها وجلست على احدى الطاولات تتجاذب أطراف الحديث مع اشيماء" .. وفجأة رأت دكتور "حسن" يقف بجانبها .. فالتفتت تنظر اليه في صمت .. فقال حزم:

-المزرعة هنا للشغل وبس يا دكتورة "مها" .. مش مكان للقيل والقال .. لو ضايقتى أى زميلة ليكي مرة تانية أنا هبلغ البشمهندس "عمر" بنفسي

شعرت "مها" بالخوف فقالت له:

انا مكنتش قصدى أضايقها يا دكتور "حسن" أنا بس....

قاطعها الرجل بحزم قائلاً:

-أنا مبحبش أقطع عيش حد .. لو البشمهندس "عمر" عرف اللى انتى عملتيه أظن هيتصرف معاكى تصرف ينعلاف .. لا فى حق دكتورة "ياسمين" ولا فى حق دكتورة "ياسمين" ولا فى حق أى حد تانى هنا فى المزرعة .. مفهوم

أومأت برأسها في صمت .. غادر القاعة فالتفتت الى 'إشيماء'' قائله:

-هو ماله ده .. يكنش اشتغل محامى للست "ياسمين" وأنا معرفش

أخذت تتناول طعامها في حنق

كان "عمر" يجلس فى مكتبه .. كان تركيزه كله موجه الى تلك الفتاة التى تبعد عنه بضع خطوات .. شعر بأنه يرغب فى رؤيتها مرة أخرى .. نهض من مكتبه وتوجه الى مكان عملها .. لم يجدها .. فسأل "هانى" الذى كان يجلس على أحد الكراسي يطالع كتاب بيده:

مشفتش الدكتورة "ياسمين" يا "هاني" ؟

قال "هاني" بحنق:

اديني آعد مستنيها .. شوفتها من شوية ماشيه وواخده في وشها نادتلها معبرتنيش قال "عمر" بقلق:

_مشیت منین ؟

أشار له "هانى" الى الإتجاه الذى رأى "ياسمين" تسير فيه .. ذهب "عمر" فى اثرها .. ظن أنها ذهبت الى شجرته .. اقترب من الشجرة فسمع صوت شهقات صغيره .. التف حول الشجرة ليجد "ياسمين" جالسه على الجذع تخفى وجهها بكفيها .. وتبكى .. هتف فى لوعه: " _ياسمين" فى ايه ؟

رفعت رأسها لتراه أمامها .. مسحت عبراتها المتساقطه قائله:

مفیش حاجه

تفرس فيها وسألها مرة أخرى:

قوليلي ايه اللي حصل

ردت بحده دون أن تنظر اليه:

قولتلك مفيش

احتار "عمر" فى تفسير سبب بكائها .. خطر بباله خاطر تألم له قلبه .. هل من المعقول أنها تبكى لفراق زوجها .. أمازالت تحبه .. أتبكيه .. أم تبكى حبها له .. أم تبكى صدمتها فيه .. أم تبكى بعدها عنه .. لم يتحمل حيرته .. سألها بصوت خافت:

کنتی بتحبیه ؟

رفعت عينيها اليه في دهشة .. من يقصد .. أيقصد "مصطفى" .. كيف يسألها عن أمر خاص كهذا .. ردت في حزم قائله:

لو سمحت اتفضل امشى

قال "عمر" بحده:

-طب ریحینی بس

نهضت قائله بغضب:

ـخلاص همشی أنا

ثم تركته خلفها وانصرفت .. كانت الغيره تعصف بكيانه .. أتفكر فيه ؟ .. أتشتاق اليه؟ .. هل من الممكن أن تسامحه يوماً ؟ .. هل من الممكن أن ترغب في العودة اليه يوماً ؟ .. لماذا ترفض التحدث اليه .. لماذا لا تخبره بما في قلبها وعقلها ليستريح قلبه .. عاد الى مكتبه والغضب على محياه .. وجد "كرم" ينتظر بالداخل .. نظر اليه "كرم" قائلاً:

في ايه يا "عمر" ؟

أزاح "عمر" كرسى المكتب وجلس عليه في عصبيه قائلاً:

-شوفت "ياسمين" بتعيط من شويه سألتها مالك مرضتش تريحني

نظر الى "كرم" قائلاً بغضب:

مش عارف حتى أتكلم مجرد كلام عادى مع البنت اللي بحبها .. مش مدياني أى فرصة أقرب منها

قال له "كرم: "

" - عمر" هي لسه مطلقة امبارح .. وكمان تهديد طليقها ليها .. يعني أكيد مشاعرها متضاربه نظر اليه "عمر" قائلاً بصرامة:

ـوأنا عايز أكون جمبها .. أقولها متخفيش من حد انا جمبك .. عايز أتأكد ان الحيوان ده ملوش أى مكان دلوقتى في قلبها .. وانها نسيته نهائي

صمت "عمر" قليلا ثم هب واقفاً وهو يقول:

-أنا رايح حالا أطلبها من أبوها

اعترض "كرم" طريقه قائلاً:

يا ابنى اهدى شوية .. دى لسه مطلقة

قال "عمر" بحده:

-هتجنن یا "کرم" دی مش راضیة حتی تتکلم معایا .. عایز أثبتلها انی مش بلعب وانی عایزها بجد .. أنا لحد دلوقتی ماقولتهاش انی بحبها .. هموت وأقولهالها یا "کرم" .. بس خایف أقولها تضایق منی وتفتکرنی بلعب بیها .. عایز أتقدملها دلوقتی .. عشان لما أقولهالها تعرف انی

بحبها بجد وعايزها بجد

قال "كرم: "

يا ابنى وأهلك .. انتى ناسيهم

سأله "عمر: "

ومالهم أهلى ؟

مش لأزم يعرفوا تفاصيل الموضوع ده .. دول ميعرفوش ان في موضوع أصلاً فكر "عمر" قليلا ثم قال:

معاك حق لازم أستغل الشهر ده لحد ما عدتها تخلص .. أنا هكلم ماما وبابا وأعرفهم انى عايز أخطب .. وأخليهم ييجوا هنا ويتعرفوا عليها .. أهو على الأقل بعد ما الشهر يخلص تكون هى قربت من ماما وماما قربت منها وبقى بينهم علاقة كويسة

قال "كرم: "

-تمام كده .. مش تقولى أطلبها من أبوها في العده

قال "عمر" بإصرار:

-أنا كدة كدة هكلم أبوها .. مش هستنى لما الشهر يخلص .. عايزها تعرف من دلوقتى انى عايزها .. وكمان عشان أقدر أأقدمها لأهلى ويتعرفوا عليها

-خلاص تمام كده .. رتب انت موضوع أهلك ده

أومأ "عمر" برأسه قائلاً:

-هكلمهم النهاردة ان شاء الله

هاتف "عمر" أهله في المساء .. لم يتحدث عن أي تفاصيل .. فقط قال لأمه بأنه وجد فتاة أحلامه التي يتمنى الارتباط بها .. ويريدها أن تلتقى مع عائلته ويعرفهم عليها .. كانت والدته سعيدة للغاية .. فلطالما انتظرت اليوم الذي يدق فيه قلب ابنها مرة أخرى .. اتفقا على القدوم بعد ثلاثة أيام .. لن يحضر الأبوان فقط .. بل عمته "ثريا" أيضاً .. انهى المكالمه وهو يشعر بالسعادة في قلبه .. فها هو يقترب من حلمه شيئاً فشيئاً .. "ياسمين"

-عايزك تنضفى البيت والأوض كلها كويس جدا لان أهلى جايين المزرعة وهيعدوا كام يوم

اقترب "عمر" من "عبد الحميد" الجالس داخل المخزن يدقق في الدفاتر التي أمامه .. ابتسم "عمر" قائلاً:

-صباح الخيريا عم "عبد الحميد" .. ربا يديك الصحة

هب "عبد الحميد" واقفاً والتف حول المكتب وسلم على "عمر" قائلاً:

يا صباح النوريا بشمهندس اتفضل

جلسا الإثنان أمام بعضها البعض .. صمت "عمر" قليلا وكأن يستجمع أفكاره ثم نظر الى "عبد الحميد" قائلاً:

-أنا كنت عايز أتكلم مع حضرتك في موضوع .. موضوع يخص الدكتورة "ياسمين"

قال "عبدالحميد" بلهفه:

مالها "ياسمين" بنتى

طمأنه "عمر" بإشاره من يده قائلاً:

-متقلقش مفیش حاجه وحشه . أنا بس كنت عایز أكلمك فی موضوع . أنا عارف انه مش وقته . بس على الأقل يبقى في ربط كلام بينا

قال "عبد الحميد " بقلق:

خير يا بشمهندس قلقتني

تنحنح "عمر" ونظر اليه ببعض الحرج قائلاً:

انا عارف ان الوقت ممكن ميكنش مناسب .. بس .. أنا عايز أطلب منك ايد الدكتورة الياسمين المناسبة المناسبة

بهت "عبد الحميد" وفتح فمه في دهشة .. صمت لفترة وهو يحاول استيعاب ما يسمع .. ثم ردد قائلاً:

-عايز تتجوز "ياسمين" بنتى ؟

ابتسم "عمر" قائلاً:

يشرفني اني أطلب ايدها منك يا عم "عبد الحميد"

كان "عبد الحميد" مازال واقعاً تحت تأثير المفاجأة .. فتحدث "عمر" قائلاً:

-زّى ما قولت لحضرتك .. أنا عارف ان الوقت مش مناسب .. بس أنا حابب انى أعرفك وأعرفها برغبتى دى من دلوقتى .. وكمان أهلى جايين بعد كام يوم وحابب ان الأسرتين يتعرفوا على بعض .. لحد ما يبقى الوقت مناسب اننا نعمل خطوبة

صمت قليلا ثم قال:

-وبعد اذنك أنا عايز خطوبة وكتب كتاب مع بعض .. والفرح هيكون بعدهم بوقت قصير تحدث "عبد الحميد" أخيراً قائلاً:

-والله يا بشمهندس أنا اتفاجئت بطلبك .. وأنا عن نفسي مش هلاقى أحسن منك عريس لبنتى .. بس أنا لازم أخد رأيها الأول

قال "عمر" بسرعه:

طبعاً يا عم "عبد الحميدِ" .. كلمها وأنا منتظر منك الرد ان شاء الله

ابتسم "عبد الحميد" قائلاً في حبور:

اللى فيه الخير يقدمه ربنا

استأذن "عمر" ثم انصرف .. وجدت العبرات طريقها الى عين "عبد الحميد" ورفع رأسه وتمتم قائلاً:

-أحمدك وأشكر فضلك يارب

-أصلاً من ساعة ما دخلت المزرعة وهي مش طايقاني

هتفت الياسمين البهذه العبارة وهي جالسه مع السماح الفي بيتها .. قالت السماح: السماح: السماح: السماح: السماح الله مش طايقاكي

قالت "ياسمين" بحده:

هى كده من الباب للطاق

ثم استطردت قائله:

من البداية وهي فاكرة ان في حاجه بيني وبين البشمهندس "عمر"

```
نظرت اليها "سماح" بخبث قائله:
                                                       ـوهو في حاجه بينك وبينه ؟
                                                           هتفت "ياسمين" بغضب:
                                                                        "_سماح"
                                                          ـخلاص خلاص كنت بهزر
                                                            زفت "سماح" ثم قالت:
                            -بصى سيبك منها .. ولو عملتلك حاجه تانى قولى لـ "عمر"
                                                            هتفت "ياسمين" بحده:
      -أقوله ايه ... أقوله في واحدة من اللي بيشتغلوا عندك فاكرة ان في حاجه بيني وبينك!
                                                                 تمتمت السماح: "
                                                    معاكى حق مينفعش تقوليله كده
                                                               ثم نظرت اليها قائله:
                                                                 امال هتعملی ایه
                                                             قالت الياسمين البحزم:
مش هسمحلها تتكلم عنى تانى .. وهوقفها عند حدها .. مش عشان طيبة يبقى آخد على أفايا
                                                       .. لأ بعد كدة هاخد حقى بإيدى
                                                              قالت السماح! بمرح:
                                                               ماشى يا عم الجامد
                               سمعا صوت مفتاح في الباب .. فقالت "ياسمين" بدهشة:
                                                                ایه ده .. زوجك ؟
   نهضت "سماح" واستقبلت زوجها على الباب وأخبرته أن "ياسمين" بصحبتها توجه الى
                              غرفتهما .. عادت "سماح" لتجد "ياسمين" تنهض قائله:
                                                         ـهمشی أنا بقه یا "سماح"
                                                              قالت "سماح" بأسف:
               -كل مرة بيتأخر في الشغل .. النهاردة اليوم الوحيد الى جه بدرى عن معاده
                                                            قبلتها "ياسمين" قائله:
                                                           معلش هجيلك وقت تاني
                                                           أوصلتها الى الباب قائله:
                   المهم متحطيش الموضوع في دماغك وتخلى البتاعه دى تعكنن عليكي
                                                                 قالت الياسمين: ال
                                  -لأ خلاص .. هي حسبي الله ونعم الوكيل فيها وخلاص
               انصرفت "ياسمين" ودخلت "سماح" الى زوجها الذى قبلها وعانقها قائلاً:
                                                                       وحشتيني
                                                                     ابتسمت قائله:
                                  انت وحشتنی أكتر .. مش كنت تقولی انك جای بدری
                                                الموبايل فصل شحن معرفتش أكلمك
                                                             قبلته على وجنته قائله:
```

طب یا حبیبی ثوانی وأحضر السفرة

```
تبعها الى المطبخ قائلاً:
                                                                ماشى وأنا هساعدك
                                                                        ضحكت قائله:
                                                             ايه الهنا اللي أنا فيه ده
                                                                          ابتسم قائلاً:
                                                            -آه بس متخدیش علی کده
                                   أخذا يعدان السفرة معاً .. وعندما جلسا قال "أيمن: "
                                                        " _ياسمين" عاملة ايه دلوقتى
                          - كويسة الحمد لله .. مبسوطه انها خلصت من اللي كان زوجها
                                                                   صمت قليلاً ثم قال:
                                    قوليلي يا "سماح" هو مفيش حاجه كده ولا كده ؟
                                                                     نظرت اليه قائله:
                                                            حده ولا كده ازاى يعنى ؟
                                                                           قال بخبث:
- يعنى الأعدة الحريمي اللي كانت بره من شوية دى .. متقالش فيها حاجه متعلقه بان في حد
                                                                   مثلا هي معجبه بيه
                                                                 قالت السماح البخبث:
      - لأ بصراحه ماقالتليش حاجه زى كده .. بس أنا حابه أسألك هو في حد معجب بيها ؟
                                                                           الله أعلم
                                                                      ابتسم لها قائلاً:
                                                        اعرف ایه . کلی یا بنتی کلی
```

قال بخبث وهي يعاود تناول طعامه:

تركت الملعقة من يدها ونظرت اليها قائله:

" _أيمن" بطل غلاسه بأه لو تعرف حاجه قولهالي

مش واكله .. في حاجه انت مخبيها .. ريحني وقولهالي

-هکون مخبی ایه یعنی

ليه سألتني عن ان "ياسمين" معجبه بحد

-عادی یعنی

صاحت بغضب طفولي:

-لأمش عادى .. ريحنى بأه

ضحك بشدة قائلاً:

يا ستير الستات دول عليهم فضول يودى في داهية

أمسكت سكينة الطعام ورفعتها قائله:

قر واعترف أحسنك

صمت قليلاً ثم قال بجديه:

طيب هقولك جملة بس متسألينيش عن أى تفاصيل اتفقنا

قالت بجدیه مماثله:

اتفقنا_

```
صاحب بصوت طفولى:
                         -عشان خاطری یا "أیمن" .. عشان خاطری .. سؤال واحد بس
                                                                   ۔قولی یا ستی
                                                             نظرت اليه بلهفه قائله:
                                                                  " _عمر" صح ؟
                                                                هتف "أيمن" قائلاً:
        -يا سلام .. كدة بأه يبقى ايه التفاصيل اللي أنا مخبيها .. انتى بتستعبطي يا "سماح"
                                                 صفقت بيديها وهتفت في مرح قائله:
                                                                   يبقى "عمر"
                                                       نظر اليها "أيمن" بغيظ قائلاً:
                                                     ـأنا غلطان انى فتحت بقى أصلاً
                                                            ضحكت "سماح" قائله:
                                              انا مفیش حاجه تستخبی علیا یا حبیبی
                                                            قال لها "أيمن" بجديه:
     اوعى تقوليلها حاجه .. سيبى "عمر" هو اللي يقولها بنفسه بالطريقة اللي هو شايفها
                                                            اتسعت ابتسامتها قائله:
                                  متخفش هسيبها تتفاجئ .. وأكيد هتبقى أحلى مفاجأة
                                              *****
دخلت "ريهام" مكتب "كرم" لتقدم له أحد الفاكسات التي وصلته قبل قليل .. تطلع الى الفاكس
                                             وهمت بالإنصراف .. لكنه استوقفها قائلاً:
                                                 لحظة يا آنسه "ريهام" لو سمحتى
   وقفت "ريهام" .. فوقف ولف حول المكتب وأصبح في مواجهتها ..بدا متردداً قليلا ثم قال:
                                               -عايز أسألك عن حاجه شخصية شوية
                                                                      قالت بيرود:
                                         اسفه مش بتكلم في أموري الشخصية مع حد
                                    ثم همت ابلإنصراف لكنه استوقفها مرة أخرى قائلاً:
                                  استنى بس .. مش خاصة بيكى انتى .. خاصة بأختك
                                                                  قالت لها بدهشه:
                                                                     " _ياسمين "
                                                                           _أيوة
                                                                  سألته باستغراب:
```

أخذ رشفة من كوب الماء الموضوع على جانبه ثم قال:

احتمال يبقى في خطوبة قريب

ـ هسألك سؤال واحد بس

-لأ.. قولنا بدون أسئله

مالها "ياسمين"

كتمت انفعالتها .. ونظرت اليه قائله:

```
جلس على المكتب .. ونظر اليها قائلاً:
                                - يعنى كنت عايز أعرف .. يعنى في حد في حياتها ؟
                                                                  قالت بدهشة:
                                                      فی حیاتها حد ازای یعنی
                                                             ـیعنی معجبه بحد
                                                                  صاحت بحدة:
                                                 دى لسه مطلقه مكملتش يومين
                                                              زفر "كرم" قائلاً:
                   طيب هكلمك بطريقة مباشرة .. هي لسه حسه بحاجه ناحية جوزها
                                                                  قالت بسرعة:
                                                                     ـلأ طبعا
                                                                     تمتم قائلاً:
 -مممممم كويس .. طيب .. يعني ايه رأيها في الشغل مع "عمر .. "يعني وفي شخصية
                                                        العمراا .. بتكلمك عنه ؟
                                        فهمت بفطنتها ما يريد قوله فأسرعت قائله:
                    -لأ اطلاقا .. مبتجبش سيرته خالص .. وكمان شكلها بتستتقل دمه
                                                                 هتف الكرم: ال
                                                        نعم ؟ .. بتستتقل دمه ؟
                                                                    قالت بحده:
                              -أيوة .. وبعد اذنك عندى شغل كتير وحضرتك معطلني
               قالت ذلك ثم التفتت لتنصرف .. أخذ يتابعها بنظراته وهو يضرب كفا بكف
                                           ********
دخلت "ريهام" الغرفة لتجد "ياسمين" جالسه على فراشها تقرأ احدى الروايات .. جلست
                                                                 بجوارها قائله:
                                                            -أخبار الجميل ايه ؟
                                                       ابتسمت الياسمين القائله:
                                                                    الحمد لله
                                                           قالت "ريهام" بخبث:
                              -عارفه البشمهندس "كرم" سألنى النهاردة عن مين ؟
                                                                   عن مین ؟
                                                                        عنك_
                                                      قالت "ياسمين" في حيره:
                                                      ـسأل على حاجه في الشغل
                                                   ابتسمت "ريهام" بخبث قائله:
                                                     ـلاً سأل على حاجه في قلبك
                                                        قالت "ياسمين" بدهشة:
                                                                         ـنعم
```

ضحكت "ريهام" قائله:

-آه والله .. فضل يسألنى هى معجبه بحد .. فى حد فى حياتها .. بصراحة أول ما قالى كده قلبي وقع فى رجلى افتكرته يقصد نفسه

رفعت "ياسمين" احدى حاجبيها قائله:

وقلبك يقع في رجلك ليه بأه ان شاء الله

قالت "ريهام" بتأفف:

-أوووف يا ستى سيبك منى أنا دلوقتى .. خلينا فيكي .. عارفه سألنى قالى ايه .. سألنى رأيك ايه في البشمهندس "عمر "وبتقولى عنه ايه

قالت "ياسمين" بدهشة:

_سألك كده وش

صحكت "ريهام" قائله:

-آه والله .. وأنا اللي كنت فاكراه خبيث وحويط .. طلع على نياته .. آل فاكرنى هفتن عليكي قالت الياسمين البحده:

انا أصلا مبجبش سيرته

حتى لو كنتى بتجيبي سيرته أكيد مكنتش هقوله

شردت "ياسمين" قليلا ثن قالت:

حكلامه غريب أوى

انا كمان استغربت كلامه .. بس قلبي حاسس كده ان.....

قاطع "ريهام" صوت طرقات على الباب .. فتحت لوالدها .. قامت "ياسمين" واستقبلته مبتسمه .. بادلها والدها الابتسام قائلاً:

" _ياسمين" يا بنتى في حاجه عايز أقولهالك

۔اتفضل یا بابا

كانت "ريهام" تنقل نظرها بينهما هما الاثنان .. قال "عبد الحميد" وابتسامته تتسع على شفتيه

جالك عريس النهاردة

نظرت اليه "ياسمين" و "ريهام" في دهشة .. وهتفت "ريهام" قائله:

-عریس .. مین هو

نظر "عبد الحميد" الى "ياسمين" قائلاً:

البشمهندس العمراا

شبهقت "ريهام" من الدهشة والفرحة معاً .. أما "ياسمين" شعرت بأن قلبها قفز من صدرها من قوة دقاته .. تصاعدت حمرة الخجل الى وجنتيها .. والابتسامه تعلو شفتيها .. حاولت مداراتها .. لكنها أبت الا وأن تظهر واضحة للعيان .. أكمل الأب قائلاً:

-هو قالى انه عارف ان التوقيت مش مناسب .. بس هو عايز موافقة مبدئيه .. عشان كمان أهله جايين بعد كام يوم .. حابب يكون في تعارف بينا وبينهم

كانت تشعر بأنها داخل حلم لذيذ ودت ألا تستيقظ منه أبداً .. "عمر" طلبها هي للزواج .. "عمر" علبها هي للزواج .. "عمر" يرعب في الزواج منها .. "عمر" يريدها هي .. أخذت تردد تلك الكلمات في عقلها وتحاول استيعابها .. نظر "عبد الحميد" اليها في حنان وقد شعر بموافقتها على الفور .. قال لها

```
فى حنو:
-هايا "
```

ـها يا "ياسمين" أقول للراجل ايه ؟

أسكتها الخجل فلم تجب .. قالت "ريهام" بسرعة:

قوله هتفكريا بابا .. هي أكيد محتاجه وقت تفكر فيه .. ما هو مش سلق بيض يعني .. ده جواز قال "عبد الحميد: "

خلاص هبلغه الكلام ده

ثم التفت الى "ياسمين" قائلاً:

وانتى يا بنتى استخيري ربنا .. ولما توصلى لقرار عرفينى ..

أومأت "اياسمين" برأسها في خجل .. خرجه والدها .. أغلقت "اريهام" الباب وقفزت لتعانق أختها قائله في فرح:

والله كان قلبي حاسس

تركتها "ياسمين" وجلست على السرير فلم تعد قدماها تحملانها .. جلست "ريهام" بجوارها قائله بمرح:

انطقی یا بنتی قولی حاجه

نظرت اليها "ياسمين" قائله:

-مصدومة يا "ريهام" .. متوقعتش أبدا انه .. يعني أنا فين وهو فين .. متخيلتش أبدا ان ده ممكن يحصل

ثم نظرت الى "ريهام" قائله بلهفه:

-انتى سمعتى اللى أنا سمعته صح .. يعني بابا قال ان البشمهندس "عمر" طلب ايدي ضحكت "ريهام" قائله:

الله يسامحك يا "عمر" هبلت البت .. دى كانت زى الفل .. ياعينى عليكى ياختى

قالت "ياسمين" بعدم تصديق:

-أنا حسه انى بحلم يا "ريهام" .. حسه قلبي هيقف .. مش قادرة أصدق .. طيب اشمعنى أنا .. يعني أدامه بنات كتير و أنا

قطعت كلامها .. نظرت "ريهام" اليها قائله:

ایه فی ایه ؟

قالت لها "ياسمين" بإستغراب:

" ـريهام" ... هو "عمر" يعرف انى فى حكم اللى مكتوب كتابها ؟

ـمعرفش .. ایه ده .. بس هیعرف منین

قالت "یاسمین" وهی تفکر بعمق:

اكيد "سماح" قالت لـ "أيمن" .. و"أيمن" قاله

صمتت قليلا ثم قالت:

ماهو مش معقول یکون اتقدملی و هو فاکر انی اتجوزت بجد

أخرجت هاتفها في حقيبتها الموضوعة على مقبض السرير خلفها .. ثم اتصلت باسماحال قائله:

السلام عليكم ازيك يا "سماح"

وعليكم السلام .. تمام الحمدالله ازيك انتى يا "سمسم"

قالت "ياسمين" بلهفه:

```
" ـسماح" انتى قولتى لـ "أيمن" حاجه عن علاقتى بـ "مصطفى"
                                                        ـمش فاهمة . ازاى يعنى
                                             يعنى قولتيله ان محصلش حاجه بينا
                                    ممممم لأما قولتلوش حاجه زى كده .. اشمعنى
                                                         قالت الياسمين البخفوت:
                    -هبقى أحكيلك .. بس ما تجبيش سيرة الموضوع ده خالص .. اتفقنا
                 -ماشى اتفقنا .. بس لازم أفهم .. هو نازل كمان شوية .. يخرج وأكلمك
                                                           ماشى .. مع السلامة
                                                                   مع السلامة
                                                     نظرت الى أختها بدهشة قائله:
                                        بتقول ما قالتلوش .. أمال هو عرف منين ؟
                                                                 قالت "ريهام: "
                                                                  -أكيد معرفش
                                                       قالت الياسمين الباستغراب:
                                       -ازاى يعنى .. استنى أكيد عرف من المحامى
                                                            هتفت "ريهام" قائله:
-مستحيل طبعا دى أسرار يا بنتى مستحيل محامى يخاطر بسمعته ويتكلم فى حاجه شخصيه
                                                      تخص القضية مع موكل عنده
                         ـبس ده مش أي موكل .. ده صاحب الشركة اللي بيشتغل فيها
                                                                 ـبرده مستحيل
                      اتصلت "ياسمين" بالمحامى .. رأت "ريهام" الإسم فهتفت قائله:
                                               -انتى مجنونه .. هتقولى للراجل ايه
                                                        قالت "ياسمين" بإصرار:
                                                                     -لازم أتأكد
                                           أتاها صوت أستاذ "شوقى" عبر الهاتف:
                                                  السلام عليكم يا أستاذ 'اشوقى'ا
                                        وعليكم السلام .. أهلا يا دكتورة "ياسمين"
                                                                 اهلا بحضرتك
                                                          قالت "ياسمين" بحرج:
                                                  -كنت عايزة أسأل حضرتك سؤال
                                                                       اتفضلي
             فى حد كلمك سألك عن تفاصيل القضية .. أو حضرتك شرحت التفاصيل لحد
                                                                   حد زی مین
                                                           البشمهندس "عمر"
                                                               قال الرجل بدهشة:
                                             -لأطبعا .. ومال "عمر" ومال قضيتك
                                                                  سألته باصرار:
```

```
يعني حضرتك متكلمتش معاه في أى تفاصيل
```

-اطلاَّقاً .. أنَّا مبتكلمش في تفاصيل أي قضية الا مع صاحبها .. وكمان "عمر" عارف عنى كده

كويس .. فمستحيل يوجهلى سؤال زى ده شكرته "ياسمين" بحرج قائله:

متشكره أوى .. ومعلش أسفه ازعجتك

-لا ابدا مفيش حاجه يا دكتورة .. مع السلامه

مع السلامه

نظرت الى أختها بدهشة قائله:

المحامي ماقالوش

ابتسمت "ريهام" قائله:

-ياااه .. ده شكله بيحبك أوى يا "ياسمين" .. كل ده وفاكرك كنتى متجوزه بجد ابتسمت "ياسمين" ورقص قلبها داخل صدرها على أنغام تنفسها .. وقضت ليلتها لا يوجد في عقلها إلا صورة واحده ... "عمر" .. أغمضت عينيها وعانقت وسادتها والابتسامه على شفتيها وتمنت أن تراه في أحلامها تلك الليلة ...

استقبل "عمر" أسرته التى وصلت الى المزرعة فى صباح اليوم التالى .. كان لقاءاً مؤثراً بعد طول غياب .. قالت "كريمه" والدته وهى تجلس بجواره على الأريكة:

اخص عليك يا "عمر" كل دى غيبه .. مفكرتش تنزل القاهرة طول الفترة دى .. ايه موحشتكش

ابتسم "عمر" وقبل رأسها ويدها قائلاً:

-لأطبعا وحشتيني يا ست الكل .. وعارف انى قصرت فى حقك أوى الفترة اللى فاتت .. ومش هقول أى اعذار وراضى بأى عقاب

ابتسمت وعانقته قائله:

-أيوه ما انت عارف انى قلبي حنين وبتعرف تضحك عليا بكلمتين

التفت اليه والده قائلاً:

قولى يا حبيبى أخبارك ايه وأخبار المزرعة ايه

ابتسم له "عمر" قائلاً:

حله تمام یا بابا متقلقش

مش قلقان یا ابنی .. أنا عارف انی مخلف راجل

بعد دقائق وصلت سيارة عمته "ثريا" يقودها السائق الخاص بها .. فتح لها الباب .. نزلت من السيارة فخرج "عمر" لاستقبالها .. عانقها وقبلها قائلاً:

ازيك يا عمتو .. حمدالله على السلامة

قالت بعتاب:

-أخيرا افتكرت ان ليك عمه وليك أهل تسأل عنهم.

الله عمتو دی لسه ماما مدیانی دش من شویه

ـتستاهل كده منشفكش طول الفترة دى

ما أنا كنت بطمن عليكوا بالتليفون

-تليفون ايه .. وانت فين .. ما تشغل ناس عندك يمشولك المزرعة وانت اعد معزز مكرم في القاهرة غير "عمر" مجرى الحديث الذي ضايقه قائلاً: اتفضلی یا عمتو .. ماما وبابا وصلوا ومنتظرین حضرتك جوه دخلت مدام "ثريا" .. صعد الجميع الى غرفهم ليرتاحوا قليلا من عناء السفر .. في موعد الغداء التف الجميع على طاولة الطعام .. وحضر أيضاً "كرم" الذي يعد فرداً من العائلة .. استقبلهم بالرتحاب وشرع الجميع في تناول الطعام قالت مدام "ثريا" التي كانت في مواجهه والد "عمر" على رأس الطاوله: قولى يا "عمر" مين البنت اللي عايز تخطبها ابتسم "عمر" قائلاً: طيب يا عمتو نخلص أكل وأكلمكوا عنها قالت أمه التي كانت تجلس في المقعد المواجه له: احنا بنعرف نسمع كويس واحنا بنتكلم .. ها قولى ده أنا طايره من الفرح من ساعة ما قولتلى .. أخيرا قررت تتجوز وتريح قلبي ابتسم "عمر" قائلاً لأمه: مكنتش أعرف ان عدم جوازى تاعبك كده قالت له أمه بعتاب: -انت بتهرج .. أنا قلبي مش هيدوق طعم الفرح الالما أشوفك انت وعروستك في الكوشة .. وأشيل أحفادي في حضني .. وانت ولا على بالك وحرمني من الفرحه دى اديني أهو يا ست الكل .. هتجوز .. وقريب أوى هتشيلي أحفادك كمان ان شاء الله سألته أمه مبتسمه: اسمها ایه؟ بادلها الابتسام قائلاً: اسمها "ياسمين" قالت أمه: -الله .. اسمها حلو أوى نظرت مدام "ثريا" الى "عمر" قائله: -ها يا "عمر" .. ما قولتليش مين عيلتها .. حد نعرفه ؟ تنحنح "عمر" ثم نظر اليها قائلاً: -لأ مش بنت حد نعرفه يا عمتو .. باباها راجل على المعاش كان بيشتغل في وظيفه حكومية .. ووالدتها متوفيه .. وليها أخت واحده أصغر منها .. وهي ".. ياسمين" .. بتشتغل دكتورة بيطرية هنا في المزرعة .. وأختها كمان سكرتيرة" كرم" وأشار في آخر جملة برأسه الى "كرم" الجالس بجواره .. تبادل والده ووالدته النظرات ثم نظروا اليه في صمت .. لكن وجه مدام "ثريا" ظهر عليه علامات الغضب .. وهتفت قائله: - يعنى ايه بنت موظف على المعاش .. وهي واختها بيشتغلوا هنا في المزرعة

> قال "عمر" ببرود: -ووالدها كمان بيشتغل هنا .. مسؤل عن مخزن العلف قالت مدام "ثريا" بسخرية:

-ما شاء الله خلصت من "نانسي" وعيلتها .. ووقعت في "ياسمين" وعيلتها هتف "عمر" بحده:

لو سمحتى يا عمتو .. أنا لا عايز أفتكر "نانسي" وعيلتها .. ولا عايز حد يتكلم بطريقة مش كويسة عن "ياسمين" وعيلتها

قالت بحده مماثله:

-لازم تفضل فاكر "نانسي" .. عشان تقدر تتعلم من أخطائك .. لأنك شكلك وقعت في نفس الغلط مرة تانية

كان والداه يتابعان ما يحدث في صمت .. حاول "عمر" تمالك أعصابه ونظر الى عمته قائلاً:
-أنا مش طفل صغير .. أنا راجل وناضج وواعي .. يعني صعب أوى أقع في نفس الغلط مرتين .. ده بالإضافه ان دى حياتي .. ومن حقى أختار الانسانه اللي هتشاركني فيها .. وأنا ميهمنيش المستوى المادى له "ياسمين" .. طالما احنا الاتنين متفاهمين .. وبعدين لو بنقيسها بالمسطرة يبقى أنا أقل منها في المستوى الثقافي والعلمي لأنها دكتورة وأنا خريج زراعة

ده اسمه تهریج .. انت راجل ناجح فی حیاتك ورجل أعمال له اسمه ووزنه فی مصر .. وانسان مثقف ومتحضر .. وابن عیله من أكبر العائلات فی مصر .. ازای تقارن نفسك لوحده بنت موظف وتقول انها اعلی منك

قال "عمر" بحزم:

قالت مدام" ثريا" بحنق:

-وعشان كل اللى حضرتك قولتيه ده ... أعتقد انى ناضج كفاية انى أختار الانسانه اللى أتجوزها صمتت مدام "ثريا" ووجها محتقن من شدة الغضب .. نظر "عمر" الى "كرم" .. ثم نظر اليهم جميعا وأخذ نفسا عميقا ثم قال:

وأحب أقولكوا معلومة تانية عن "ياسمين"

نظر اليه الجميع وتعلقت عيونهم به .. صمت قليلا ثم قال بهدوء:

" ـياسمين" مطلقة

شبهقت أمه .. ونظرت اليه بدهشة .. أما عمته فقد قامت من مكانها وقالت:

دى مهزله .. أنا مش ممكن أبداً أوافق على المهزله دى

ثم غادر وصعدت الى غرفتها .. ساد الصمت لفترة .. استأذن "كرم" فى الانصراف وغادر فى صمت .. بعد برهه نظرت اليه أمه قائله:

مطلقة يا ااعمراا ؟

ثم استطردت قائله:

ليه انت نقصك ايه عشان تتجوز واحدة مطلقه

زفر "عمر" بضيق قائلاً:

-ومالها المطلقه مادام اتظلمت في جوازتها الأولى

تعالى صوتها قائله:

وأنا مالى وملها .. ماتتجوز واحد مطلق واتظلم زيها .. لكن ابنى اللى متجوزش قبل كده يتجوزها ليه ؟

قال "عمر" بصرامة:

-يتجوزها عشان بيحبها .. وعشان شايف ان هي دى الإنسانه اللي مناسبه ليه .. وبعدين هي اتجوزت شهر واحد بس .. يعني ما أعدتش معاه كتير

```
قالت أمه بحده:
```

وایه سبب طلاقها

قال "عمر" ببرود:

-خانها وضربها .. ورفعت عليه قضيه خلع .. وكسبتها من كام يوم

صاحت أمه في غضب:

-والهانم مقدرتش تستنى حتى لحد ما عدتها تخلص .. قامت لفت على ابنى قال "عمر" في غضب:

-ماما لو سمحتى .. انتى بتتكلمى عن الانسانه اللى انا بحبها .. واللى هتجوزها قامت أمه وقالت بصرامة:

لو انت اتجوزت البنت دى اعرف انى مش راضيه عنك ولا عن جوازتك دى

غادرت وصعدت الى غرفتها هي الآخري .. ساد الصمت لفتره .. ثم سأله أبوه قائلا:

-انت واثق فيها هي وأهلها ؟ .. يعنى أقصد سبب طلاقها ؟

أومأ "عمر" برأسه قائلا:

-أيوة يا بابا .. أصلا أستاذ "شوقى" المحامى بتاعنا هو اللى كان متابعلها القضية بتاعتها أطرق أبوه برأسه قليلا ثم نظر الى "عمر" قائلا:

-انت أدرى بمصلحتك يا ابنى .. وزى ما قولت انت ناضج كفايه عشان تختار شريكة حياتك صح .. لو مكنتش ناضج مكنتش قدرت تكتشف زيف "نانسي" وتتخلص منها ابتسم "عمر" بوهن قائلا:

-كويس على الأقل واحد من العيله دى واقف في صفى

ابتسم له أبوه قائلا:

-كل حاجه غير مألوفه بتاخد وقت عشان تخلى اللى أدامك يتعود عليها .. بالصبر وطولة البال تقدر تاخد كل اللى انت عايزه

جلست "كريمة" على الفراش واجمه .. سمعت طرقات صغيره على الباب .. قالت:

_ادخل

دخل "عمر" وأغلق الباب خلفه بهدوع .. أشاحت بوجهها عنه في غضب .. فوقف قليلا ينظر اليها صامتاً .. قطعت أمه هذا الصمت قائله دون أن تنظر اليه:

رى ما قولتك .. عايز تتجوزها اتجوزها .. بس انا لا هبقى راضيه عنك ولا عن جوازتك .. ومعنديش كلام تانى أقوله

نظر اليها "عمر" قائلا:

وأنا مش هعمل حاجه انتى مش راضيه عنها

نظرت اليه أمه مبتسمه .. فأكمل بحزم قائلا:

ـبس لو متجوزتش "ياسمين" مش هتجوز غيرها

قالت أمه بدهشة:

يعنى ايه ؟

قال بهدوء وحزم:

- يعنى لو رفضتى جوازى منها .. تنسي تماما موضوع جوازى ده وترميه وره ضهرك .. لانى لو متجوزتهاش مش هتجوز أبداً.

قال ذلك ثم فتح الباب وخرج بهدوع .. تنهدت "كريمة" تنهيده حسره ممزوجه ب... الحيرة.

جلس "عمر" فى مكتبه واجماً يفكر فى العاصفة التى ثارت فى منزله الليلة الماضية ..لم يكن لديه أدنى استعداد للتنازل عن "ياسمين" .. لكنه أيضاً يريد من عائلته أن تتقبل زواجه منها .. وأن يباركون هذا الزواج .. كان شارداً .. عندما طرق "كرم" الباب ودخل وجلس أمام "عمر على المكتب .. نظر اليه قائلاً:

متضايقش نفسك .. أصلاً أنا كنت متوقع حاجه زى كده

سأله "عمر" قائله:

لیه توقعت کده ؟

-يعنى أكيد أهلك عايزينلك بنت متكنش اتجوزت قبل كدة ويكون مستواكم متقارب...

صاح "عمر" بحده:

-ما أنا كنت خاطب اللى متجوزتش قبل كده .. واللى كانت من نفس مستوايا .. خدت منها ايه غير قلة الأدب والخيانة والطمع والإستغلال

هدءه "كرم" قائلاً:

" - عمر " أنا فاهم كل اللي انت بتقوله ده .. أنا بكلمك عن وجهة نظرهم هما

قال "عمر" بحزم:

-لازم تتغیر .. وجهة نظرهم دی لازم تتغیر

وهتغيرها ازاى ؟

زفر في ضيق قائلاً:

-معرفش بس لازم تتغير .. أنا قولت لأمى امبارح أنا مش هعمل حاجه غير برضاكى .. بس لو متجوزتش "ياسمين" مش هتجوز أبداً ..

قال ''كرم: "

-الله ينور عليك .. هو ده الكلام اللي هيجيب مع أمك .. بس المشكلة في الراسين الكبار .. أبوك وعمتك

-لأ بابا معندوش اعتراض .. هو طول عمره مبيرضاش يجبرنى على حاجه .. وبيثق في قراراتي

صاح "كرم" في مرح:

-كده فل أوى .. باقى بأه عمتك

قال "عمر" بضيق:

-أنا مش هاممنى توافق ولا متوافقش .. هى مبتفكرش غير فى اسم عيلتها بس .. لا بتفكر فيا ولا فى اللى يريحنى .. هى على طول مناخيرها فى السما .. حتى فى تعاملاتها وصداقاتها العادية مبترضاش تتعامل إلا مع ناس من نفس مستواها .. عارف عصر البشوات والبكوات .. أنا حاسس ان عمتو لسه عايشه فيه لحد دلوقتى

-طيب تمام طالما مش همك رأيها ... كبر يا باشا

-أنا كان نفسي طبعا انها تكون مرحبة بـ "ياسمين" .. لكن طالما هي شايفه ان جوازي منها مهزلة .. خلاص هي حره

ابتسم "كرم" قائلاً:

-هى أصلا طول عمرها منمره عليك لبنتها قال "عمر" متحكماً:

-أهو بنتها دى نسخه مصغره منها .. لو فاكرانى فى يوم هفكر فيها تبقى بتحلم وهتفوق على كابوس .. ما كانت أدامى قبل "نانسي" مخطبتهاش ليه .. مش هاجى دلوقتى وأرمى نفسي الرمية السودة دى .. وبعدين أنا بعتبر " ايناس" دى اختى .. عارف يعني ايه اختى .. يعني مستحيل افكر فيها بشكل تانى

هنا طرق "أيمن" الباب ودخل ... علم من "عمر" ما حدث ليلة أمس .. فقال:

-انت غلطان يا "عمر" مكنش لازم تكلم أبوها الا بعد ما تكلم أهلك الأول

قال "عمر" بحدة:

" -أيمن" .. أنا هتجوز "ياسمين" .. بابا وموافق .. وأمى أنا هعرف أقنعها ازاى .. وميهمنيش رأى أى حد تانى

نظر اليه "أيمن" قائلاً:

-بس عمتك ممكن تسببلك مشاكل مع عيلة "ياسمين" خاصة انت ناوى تجمعهم مع بعض وتعرفهم ببعض

زفر "عُمر" بضيق قائلاً:

-وهو ده اللى أنا خايف منه .. "ياسمين" حساسه أوى .. ومعتزة بكرامتها أوى .. وخايف عمتو تقول كلمة تضايقها

قال "أيمن: "

-خلاص يبقى أجل المقابله دى دلوقتى لحد ما الوضع عندك يهدى .. لأن لو العيلتين التقابلوا في ظل التوتر ده .. هتكون النتيجة مؤسفه

أومأ "عمر" برأسه قائلاً:

-معاك حق .. هأجل المقابله دى لحد ما الجو يهدى شويه .. وربنا يهديهم ويوافقوا .. عشان متحصلش مشاكل . لان اللى هيجرح "ياسمين" بكلمة أنا مش هسكتله

ابتسم "أيمن" قائلاً:

-شكلك بتحبها أوى

نظر اليه "عمر" قائلاً والابتسامه على شفتيه:

-بحبها بجد

قال "أيمن: "

-وهي بنت حلال وأنا واثق انك مش هتلاقي أحسن منها ..

نظر "أيمن" بنظرة ذات معنى الى "كرم" قائلاً:

-هى وأختها بصراحة بنتين ميتسابوش

صاح "كرم: "

- لا كله كوم وأختها دى كوم تانى خالص .. ده أنا لا شوفت زيها ولا هشوف

قال له "أيمن" بتحدى:

-تنكر انها بنت جدعة ومحترمة ومؤدبة وشخصيتها قوي

ابتسم "كرم" قائلاً:

-بصراحة منكرش .. ومنكرش كمان ان شخصيتها عجبانى .. مجننانى بس عجبانى

رفع "عمر" احدى حاجبيه قائلاً بإبتسامه:

-والله

نهض "كرم" وصاح وهو يغادر الغرفة:

-ایه فی ایه .. بقول شخصیتها عجبانی .. مش هی عجبانی

كان هذا الصباح أيضاً مختلفاً بالنسبة الى "ياسمين" .. كانت تشعر بأنها فى حلم جميل .. تخشى أن تستيقظ منه .. مازالت لا تصدق ما أخبرها به والدها منذ يومين .. منذ يومين وهى ترفرف بجناحيها فى سماء السعادة .. شعرت بأن أيام بؤسها ولت مدبره .. وأيام فرحها أتت مستبشره .. كانت شارده عندما ناداها دكتور "حسن" قائلاً:

-دكتورة "ياسمين"

ذهبت اليه مسرعه قائله:

-أفندم يا دكتور

أعطاها ملفاً وقال لها:

-ممكن لو سمحتى تدى تقرير آخر الاسبوع للبشمهندس "عمر" في مكتبه .. وعرفيه النواقص اللي اتكلمنا فيها مع بعض امبارح .. لاننا محتاجينها ضرورى

أخذت الملف قائله:

حاضر یا دکتور

ذهبت وهى تقدم قدماً وتؤخر الأخرى .. كانت متلهفه على رؤيته .. لكنها متوتره للغايه .. تخشى أن يصدر منه ما يضايقها .. لكن لهفتها غلبت خوفها .. طرقت الباب ثم فتحته ودخلت .. كان "عمر" جالساً مع "أيمن" .. فحمدت الله على ذلك .. تقدمت قائله:

-ده التقرير الاسبوعي يا بشمهندس

ابتسم لها "عمر" ونظر اليها بإعجاب لم يحاول حتى أن يخفيه .. أخذه "عمر" قائلاً:

لم تجد صوتاً تخبره به بالنواقص كما طلب منها دكتور "حسن" ودت لو هربت من أمامه فى التو واللحظة .. كانت حمرة الخجل تزين وجنتيها .. تأملها "عمر" فى اعجاب للحظة قبل أن تستأذن لتنصرف ..ظل "عمر" محتفظاً بإبتسامته حتى بعد انصرافها .. قال له "أيمن" مازحاً: -ايه يا عم روحت فين

سأله "عمر" بنفس الابتسامه:

-تفتكر ممكن ترضى بكتب الكتاب مع الخطوبة .. ولا هتخاف ؟

قال "أيمن" مطمئناً اياه:

-اطمن حتى لو موفقتش .. معتقدش الخطوبة ممكن تطول .. بصراحة أنا شايفكوا لايقين لبعض أو ي

قال "عمر" بمرح وهو يفتح التقرير الذي أمامه:

-طیب یلا علی مکتبك یا "باشمهندس" خلیني أشوف شنغلی

قال "أيمن" مبتسماً:

-دلوقتى نفسك اتفتحت للشغل .. ماشى ربنا يهنيك يا سيدى

عكفت "ياسمين" مع زميلتها "ولاء" على انهاء التقارير اليومية .. كانت" ولاء" تعمل منذ سنوات في المزرعة .. في نفس القسم الذي تعمل به "ياسمين .. "اقتصرت علاقتهما طوال الفترة الماضية على التعاون في أداء عملهما .. لم تسبب لها "ولاء" أي مشاكل .. ولم يكن أي ملاحظات سلبيه عليها .. كانت فتاة بسيطة مثلها .. تعيش في نفس القرية الموجود بها المزرعة .. ابتسمت "ياسمين "قائله:

-وأخيراً خلصنا

تمطعت "ولاء" لتريح آلام ظهرها من طول الجلوس قائله بتعب:

-ياه .. النهاردة كان يوم متعب جدا

-معلش . أدينا خلصنا

قالت "ولاء" بتأفف:

-كتابة التقارير كل يوم حاجه مملة جداً

قالت "ياسمين" وهي تنهض لتحضر حقيبتها:

-معلش بس لازم نكتبهم كل يوم .. أحسن ما نراكمهم لآخر الاسبوع .. يلا سلام أشوفك بكرة أوقفتها "ولاء" قائله:

-استنی یا "یاسمین" عایزاکی

التفتت اليها "ياسمين" تنظر اليها قائله:

-خير ؟

بدت "ولاء" متردده قليلا. ثم عزمت أمرها وقالت:

-ممكن نعد نتكلم مع بعض شوية

قالت "ياسمين" بإستغراب:

-آه طبعا

جذبت "ياسمين" كرسي وجلست بجوارها .. ساد الصمت لبرهه .. بدت وكأن "ولاء" تحاول استجماع أفكارها .. فحثتها "ياسمين" قائله:

-خيرياً "ولاء" .. في حاجه خاصه بالشغل

-لأ مش خاصه بالشغل

-أمال خاصه بایه

نظرت اليها "ولاء" وقالت بهدوء:

-خاصه بیکی انتی

قالت "ياسمين" بدهشة:

-بيا أنا

-أيوة

-طيب .. قولي

نظرت "ولاء" اليها قائله:

- هتكلم معاكى بس مش عايزاكى تقاطعيني غير لما اخلص كلامى .. اتفقنا ؟ أومأت 'اياسمين'' برأسها وهى توليها كل انتباهها .. تحدثت 'اولاء'' بهدوء قائله:

-أنا شغاله هنا في المزرعة من 3 سنين .. يعني عارفه الناس اللي هنا كويس .. وأولهم ... "عمر"

نظرت اليها "ياسمين" بدهشة .. لكنها لم تقاطعها .. فأكملت "ولاء" قائله:

-زيي زي بنات كتير هنا .. طبعا "عمر" راجل بنات كتير يتمنوه .. بس الموضوع كان تطور معايا أوى .. مبقاش اعجاب أو حلم بشخص ... أنا حبيته بجد

قالت جملتها الآخيرة وهى تنظر فى الأرض وكأنها تخجل من هذا الإعتراف .. ثم أكملت قائله:

هو طبعا مكنش حاسس بيا .. ولا كان شايفنى أصلاً .. لانى طبعاً مش من البنات اللى يجذبوا انتباه واحد زى ده .. وأنا مش من البنات اللى تحاول تجذب انتباه راجل ليها .. حتى لو كنت بحبه وبموت فيه .. وعشان كده حبي فضل محبوس فى قلبي محدش يعرف عنه حاجه .. مبتدتش أفوق من الوهم اللى كنت معيشه نفسي فيه إلا لما عرفت انه خطب .. ما أقولكيش الدنيا اسودت فى عنيا ازاى .. بس حمدت ربنا .. لان ده صحانى وفوقنى .. وحسسنى انى بضيع عمرى وأحلى أيامى فى حب من طرف واحد .. حب ملوش أى مستقبل .. حب أنا الوحيدة اللى بدوق عذابه .. بس كان فى فضول جوايا انى أشوف خطيبته .. وفضلت أسأل نفسي يا ترى بدوق عذابه .. يا ترى لبسها ازاى .. يا ترى يا ترى .. وبعد فترة من خطوبته جاب خطيبته هنا المزرعة تقضى كام يوم هى وأهلها .. لما شوفتها عرفت ان حبي ليه مكنش مستحيل بس .. لا

صمتت فسألها "ياسمين" قائله:

لیه ؟

أكملت "ولاء" بنفس الهدوء وهي تنظر الي "ياسمين: "

-بصراحة مش لاقيه وصف مناسب ليها إلا وصف النبي صلى الله عليه وسلم (نساء كاسيات عاريات) .. على أد ما كنت بحبه على أد ما احتقرته أوى .. مش غيره منى عشان خطب غيري .. لأ .. عشان خطب دى بالذات واختار دى بالذات .. هى دى اللى شفها انها زوجه مناسبه له .. اتصدمت فيه بجد .. كنت فاكراه انسان عاقل وناضج .. طلع زى رجاله كتير أوى ما بيجروش الا ورا رغباتهم وبس .. عايز البنت الصارخة الجمال اللى يتباهى بيها وسط الناس .. يعني واحد معندوش أى نخوة .. ومش لاقيه وصف مناسب ليه الا وصف النبي صلى الله عليه وسلم :)ديوث .. (

ارتجف قلب "ياسمين" من هول الكلمة .. أكملت "ولاء" بسخريه:

-طبعا هو كان ماشى معاها وفرحان بيها .. بشكلها وبلبسها اللى هيتقطع من كتر ما هو ضيق عليها .. وماشى معاها فى المزرعة يفرج الناس عليها وكأنه بيقولهم المزة دى خطيبتى صمتت قليلا ثم قالت:

-عارفه .. لما شوفتهم مع بعض .. حمدت ربنا انه كشفه أدامى .. وشوفت اللى جواه .. لانى كنت مخدوعه بالظاهر .. راجل .. وجدع .. ومستوى .. وابن ناس .. ومتعلم .. ويعتمد عليه .. وواثق فى نفسه .. وشخصية جباره ..بس عارفه .. على الرغم من كل ده .. الا انه انسان سطحى أوى .. بيهتم بالمظاهر وبس .. والجواز بالنسبه له واحده حلوة تكون على الفرازه عشان مزاجه وبس .. لان ده لو بيفكر فى بيت وأسرة وعشرة وأولاد وتربية ومسؤليه وربنا وحساب و جنه ونار مكنش اختار واحده زى دى واتبسطت من اللى هى عملاه فى نفسها .. حمدت ربنا انه فوقنى من الوهم ده ..

كانت "ياسمين" تستمع اليها في وجوم .. نظرت اليها "ولاء" وأكملت قائله:

عارفه أنا عمرى ما خرجت اللى في قلبي ولا قولت الكلام ده لحد .. بس عارف قولتلك انتى بالذات ليه ؟

نظرت 'اياسمين' اليها مستفهمه .. فأكملت قائله:

-لانى حساكى ماشيه فى نفس الطريق اللى كنت ماشيه فيه .. صحيح تصرفاتك محترمه والشهاده لله ما شوفتش أى تصرف أو كلمة غلط صدرت منك .. بس بيبقى واضح أوى على وشك لما بتشوفيه انك حسه بحاجه نحيته

أطرقت "ياسمين" رأسها في خجل .. فأكملت "ولاء" قائله:

-أنا كنت موجودة فى الاستراحه يوم ما الدكتورة "مها" عملت فيكي الفصل البايخ ده .. بصراحة "مها" دى مبحبهاش .. واحتقرتها أكتر من اللى عملته فيكي .. ابعدى عنها أحسن يا "ياسمين" .. وكمان "شيماء" متثقيش فيها .. هى آه مش زى "مها" بس من النوع اللى ما بتنصفش حد .. يعنى معاكوا معاكوا عليكوا

صمتت "ياسمين" للحظات ثم سألتها قائله:

ـتعرفي ليه خطوبتهم اتفسخت ؟

تنهدت "ولاء" قائله:

-بصراحة لأ.. بس اخر يوم كانوا فيه في المزرعة كان باين عليهم انهم متخانقين .. و "عمر" كان مضايق جدا .. و هي كمان .. مكنتش راضية تركب جميه وشوفت مامتها بتزقها عشان تركب أدام .. واضح ان في مشكلة كبيرة حصلت بينهم .. لكن ايه هي الله أعلم صمتت قليلا ثم قالت:

فى نفس اليوم "عمر" عمل حادثة بالعربية وهما راجعين القاهرة هتفت "ياسمين" بدهشة:

حادثه ؟

-أيوة .. وفى الحادثة دى باباها اتوفى .. وبعدها بفترة عرفنا ان الخطوبة اتفسخت .. بس لحد دلوقتى منعرفش اتفسخت ليه .. بس اللى عرفته ان باباها طلع مديون .. وكل أملاكهم البنك حجز عليها .. حتى الجرايد كتبت عن الموضوع ده لانه كان رجل أعمال كبير شردت "ياسمين" فى كلام "ولاء" .. فأخرجتها "ولاء" من شرودها قائله:

وفى حاجه كمان حابه أقولهالك عشان أبقى خلصت ضميري أدام ربنا

قالت "ياسمين" بوهن:

اتفضلي

أكملت "ولاء" قائله:

بعد الحادثة وبعد ما الخطوبة اتفسخت .. "عمر" جه واستقر هنا .. وبعد فترة سمعنا اشاعات عنه

قالت الياسمين الباستغراب:

اشاعات ایه ؟

قالت "ولاء: "

-كان فى هنا غفير اسمه "عويس" .. وكانت مراته "صفية" بتشتغل فى بيت المزرعة .. فجأة اختفوا هما الاتنين ومحدش يعرف طريقهم

صمتت قليلاً ثم قالت بشئ من التردد:

ـسمعنا ان "عمر" كان على علاقة بـ "صفية". و"عويس" اكتشف الموضوع وخد مراته

ومشى من المزرعة .. معرفش مشوا بنفسهم ولا "عمر" طردهم .. ومعرفش أصلا القصة دى صح ولا لأ أنا مشوفتش حاجه بنفسي .. بس فى كلام كتير فى الموضوع ده .. احنا هنا فى بلد أرياف وأنا عايشة فى البلد دى والبلد صغيره والكل عارف بعضه .. عشان كده مفيش حاجه بتستخبى

كانت "ياسمين" تستمع اليها وعلى وجهها علامات دهشة ممزوجة بالألم

نظرت اليها "ولاء" في حنو قائله:

-اللى أنا شيفاه على وشك دلوقتى بيدل على انى كان عندى حق .. وانك فعلا حسه بحاجه نحيته والا مكنش كلامى زعلك كده .. ربنا يعلم انى ماقولتش الكلام ده الا عشان مش عيزاكى تتجرحى . أو يتلعب بيكى .. خاصة وانى واخده بالى ان "عمر" مهتم بيكي .. وواخده بالى من نظراته نحيتك .. أنا مكنش فى خوف عليا .. لانه مكنش حاسس بيا أصلاً .. لكنى لما حسيت انه بيحاول يقربلك .. خفت عليكى .. قولت لازم أنبهك..

قامت وحملت حقيبتها قائله:

-أنا مضطرة أمشى دلوقتى عشان اتأخرت .. أشوفك بكرة ان شاء الله قالت ذلك و غادرت .. وظلت 'اياسمين'' مكانها شاردة واجمه.

التف الجميع حول طاولة العشاء في بيت المزرعة .. ساد الصمت طويلاً .. ظلت الكريمة الرمق ابنها الجالس أمامها بنظراتها بين الحين والآخر .. قطعت أمه هذا الصمت قائله:

نسيت أسألك ايه الحرق اللي في ايدك ده يا عمر

ألقى "عمر" نظرة على الحرق في يده وتحسسه قائلاً:

_عقاب

قالت بدهشة:

_عقاب

قال بمراره وقد شرد قليل:

-أيوة عقاب .. عقاب من ربنا

قاطعت مدام "ثريا" حديثهم قائله:

" -ايناس" جايه بكرة

التفتت الكريمة اللها قائله بإبتسامه:

_کویس

قالت مدام "ثريا" بلهجة قوية:

-كانت جايه أصلاً عشان تتعرف على عروسة "عمر" .. بس بما ان الموضوع اتقفل .. هتيجي تعد يومين ونرجع سوا

ترك "عمر" الملعقة من يده بحده ونظر الى عمته قائلاً:

اننا ما قولتش ان الموضوع اتقفل

توتر الجو .. قالت مدام "ثريا" بحده:

یعنی ایه ؟

نظر اليها "عمر" بحزم قائلاً:

ـيعني أنا هتجوز "ياسمين" .. الموضوع متقفلش ثم نظر الى والدته نظره ذات معنى قائلاً:

ـيا هي .. يا مفيش جواز

صاحت عمته غاضبة:

-أنا مش فاهمة انت ليه مصر عليها .. هو اللي خلقها مخلقش غيرها

حاول "عمر" تمالك أعصابه .. لكن كلمات خرجت بحده شديدة:

-أنا مش فاهم انتوا ليه حكمتوا عليها من قبل ما تشوفوها .. مش تشوفوها الأول وتعدوا معاها وبعدين تقرروا هي مناسبه ولا مش مناسبه .. رغم ان القرار ليا بس برده انتوا عيلتي ويهمني ان العلاقه بينكوا وبين الانسانه اللي اخترها تكون كويسه

قالت أمه ببرود:

-نشوفها أو منشوفهاش ده مش هیغیر واقع انها مطلقه

أضافت عمته في عصبيه:

-وبنت موظف على المعاش يعنى لا ليها أصل ولا فصل

قام "عمر" من فوره غاضباً وأزاح كرسيه وقال:

_كفاية لحد كدة سمعت بما فيه الكفاية

خرج غاضباً من البيت وتوجه الى سيارته .. ركب بعصبيه ثم انطلق خارج المزرعة ساد الصمت فى حجرة الطعام وتوقف الجميع عن تناول طعامهم .. قال "نور الدين " موجهاً حديثه لزوجته وأخته:

-انتوا ليه مصريين تخسروه ؟

نظرت اليه أخته بحده قائله:

يعني انت عاجبك اللي ابنك عايز يعمله ده

قال بحده مماثله:

وهو عايز يعمل ايه .. يتجوز على سنة الله ورسوله .. ايه المشكلة في كده

ظهرت علامات الغضب على وجه "كريمه" وقالت:

-عايز يتجوز واحده مطلقه

-وايه المشكله يعني ؟ .. طالما شايف انها مناسبه ليه .. وطالما ان جوازتها الأولى كان الغلط من جوزها مش منها .. وكمان جوازها كان شهر واحد زى ما قالنا

قالت "كريمه" بإستغراب:

-يعني انت موافق ؟ .. موافق ان ابنك الوحيد يتجوز واحده كانت متجوزه قبل كده

قال بحزم:

-أيوة موافقه .. لان دى حاجه تخصه هو لوحده ملناش اننا نتدخل فيها .. وابنك راجل مش عيل صغير .. بيدير مجموعة شركات كبيرة في مصر .. مش هيقدر يدير حياته ؟

قالت "كوثر" في غضب مكتوم:

-انتوا حريين وافقوا زى ما انتوا عايزين .. أما أنا فمش ممكن أبارك الجوازه دى .. عنده مليون بنت مش لاقى الا دى ويختارها .. ليه من قلت البنات فى البلد .. واحدة زيها تيجي ايه جمب بنتى "ايناس" عشان يسيبها ويبص لبره .. "ايناس" مش عجباه .. والست اللى سبق لها الجواز هى اللى عجباه

نظر اليها "نور الدين" قائلاً ببرود:

-هو حر .. يختار البنت اللي على مزاجه .. اذا كانت البنت دلوقتي مبتتغصبش على الجواز .. هنيجي نغصب الولد

قالت "ثريا" بتعالى:

-ويتغصب ليه .. هي "ايناس" دى في زيها .. بنت عيله وأدب وأخلاق وجمال ومال وحسب ونسب .. يعنى لقطة أي شاب يتمناها

قالت "كريمة" مبتسمه تحاول تلطيف الجو:

طبعا دی "ایناس" دی ست البنات

قالت لها "ثريا" بتهكم:

قولى لابنك .. بدل ما يبص بره العيله .. احنا أولى بلحمنا قالت ذلك ثم انصرفت غاضبه الى غرفتها

دخل "أيمن" الأنتريه وقدم الى "عمر" صنيه موضوع عليها شاى وطبق من الكيك .. ونظر الى صحبه قائلاً:

ـدوق بأه الكيك ده .. حاجه كده عمرك ما دوقت زيها في حياتك

تناول "عمر" رشفه من فنجانه وظل صامتاً .. نظر اليه "أيمن" قائلاً:

انا كنت متوقع كده

نظر اليه "عمر" قائلاً:

-انت هتقولى زى "كرم" .. هو كمان كان متوقع كده .. اشمعنى أنا الوحيد اللى متوقعتش كده أخذ "أيمن" فنجانه ورجع الى الوراء قائلاً:

للأسف احنا في مجتمعنا شويه أفكار متخلفة عايزه بنزين وعود كبريت ويتولع فيها .. دايماً يُنظر للمرأة المطلقة بدنيويه كأنها مش زى باقى النساء .. حتى لو سبب الطلاق مش منها .. برده لازم يتبصلها البصه دى .. وكل أم بتبقى هتجنن لو ابنها قال ان عايز يتجوز واحده اتجوزت قبل كده على الرغم ان النبي صلى الله عليه وسلم لم يتزوج الا واحدة بس بكر وهى أمنا عائشة رضى الله عنها وباقى أمهات المؤمنين كانوا متزوجات قبل كده وأولهم أمنا خديجه رضى الله عنها النبي صلى الله عليه وسلم قال (انى رُزقت حبها (

تمتم "عمر: "

-عليه الصلاة والسلام

تنهد عميقاً ثم قال:

-أنا كمان مكنتش أتخيل فى يوم من الأيام انى ممكن أتجوز واحده اتجوزت قبل كده .. بس بجد حبيتها يا "أيمن" .. كل حاجه فيها عجبانى .. هى دى الزوجة اللى أتمناها فعلاً .. فاكر لما قولتلى انك مش بتدور على زوجة وبس .. انت بتدور على أم لولادك كمان أوما "أيمن "برأسه .. فأكمل "عمر" قائلاً:

الهو انا شايف "ياسمين" مش بس زوجه .. شايفها أم لولادى .. وصاحبه .. وحبيبه .. وأخت .. وصديقه .. وكل حاجه في دنيتي .. بجد بحبها أوى .. ومش هرتاح الالما تكون ليا ابتسم "أيمن" قائلاً:

ان شاء الله هتكون ليك .. بس انت اصبر شوية .. وبلاش صدام بينك وبين أهلك .. لحد ما يتقبلوا الأمر ان شاء الله ..بس قول يارب

تمتم العمرا قائلاً:

```
-يارب .. يارب تكون من نصيبي
```

كان يقف يعطى تعليماته لأحد العمال عندما وجدها فجأة تقف أمامه .. صرف العامل ثم توجه ناحيتها قائلاً:

" -نهلة" .. ايه اللي جابك هنا

قالت "نهلة" ببرود:

-عايزة أتكلم معاك

قال لها بتأفف:

مش فاضى .. عندى شغل

قالت بحده:

دلوقتی یا "مصطفی"

ثم استطردت قائله وفي عينيها نظره محذره:

_حالاً

ذهبا الى حيث مكتبه وطلب من زميله مغادرة المكتب للحظات .. أغلق الباب ونظر اليها قائلاً ببرود:

حير في ايه ؟

نظرت اليه قائله:

انا حامل

اتسعت عينا المصطفى الدهشه وهتف قائلاً:

نعم ياختى

قالت بحزم:

بقولك أثا حامل

صمت قليلاً يحاول استيعاب الأمر ثم نظر اليها قائلاً بحده:

-وأنا ایه یضمنلی انك حامل منی أنا .. انتی اصلا واحدة تییییییییییییی .. روحی شوفی مین ابوه أنا مش ممكن أعترف بیه

صاحت "نهلة" بحده:

-آه یا تیییییییییت .. انت عارف ان محدش لمسنی غیرك

قال بسخرية:

-لا مش عارف .. وأنا ايه يثبتلي كلامك ده

قالت بصرامة:

-بسيطة يا بشمهندس .. تحليل صغير للـ DNA يتعمل وفي خلال شهر واحد بتطلع النتيجه بُهت المصطفى الله في المصطفى الله المصطفى الله المصطفى الله المصطفى الله المصطفى الله المصطفى المصطفى الله المصطفى المص

-ولو رفعت بالتحليل ده قضية هقدر بكل سهولة انى أثبت انه ابنك وأكتبه بإسمك كمان جلس "مصطفى" فلم تعد قدماه تحملانه .. أخذ يتخيل كلام من حوله عندما تُلطخ سمعته بهذا الشكل .. قال بوهن:

والمطلوب دلوقتي

قالت "نهلة" بقسوة:

المطلوب اننا نتجوز

قفز من مقعده صائحاً:

نعم يا روح أمك

قالت النهلة البلهجة تهديد:

-اعملها بمزاجك أحسن من الفضيحة في المحاكم .. ده غير الفصيحة اللي هعملهالك هنا في شيغلك وعند بيتك .. مش هخلي حد الا ويتف في وشك

صرخ قائلاً:

وهتفضحي نفسك انتي كمان

قالت بمراره:

-أنا كده كده خلاص اتفضحت يعني عليا وعلى أعدائي

صمت يحاول استيعاب الموقف .. ثُم نظر اليها قائلاً:

وأهلك هتقوليلهم ايه على الجوازه السريعة دى

قالت بسخريه:

-أهلى ؟ .. انت عارف ان اخواتى كلهم متجوزين وكل واحد فى حاله محدش بيسأل عنى ولا أصلا أفرق معاهم فى حاجه مليش الا أمى ودى ما هتصدق تخلص منى والبيت يفضى عليها هو وجوزها

قال بسخريه:

مرتبه کل حاجه یعنی

نظرت اليه قائله بلهجة تهديد:

-آخر الاسبوع تكون كتبت عليا يا "مصطفى" .. وإلا وديني وما أعبد لهتشوف منى اللى يشيبك قبل أوانك .. وانتى عارف "نهلة" لما بتقول حاجه مبتقولهاش على الفاضى .. بتنفذ على طول

خرجت وتركته يتخبط بين الحيرة والحسرة والندم والغضب

جلست "ياسمين" في غرفتها واجمه .. تفكر فيما سمعته من "ولاء" ومن قبلها" شيماء" .. كان عقلها مشتت للغايه .. لكن الشئ الوحيد الأكيد .. هي أنها تريد زوجاً بصفات معينه .. ولن تتنازل في هذه الصفات أبداً .. في صباح اليوم التالي ذهبت الى عملها كالمعتاد .. استقبلتها "ولاء" بالإبتسام .. فبادلتها "ياسمين" الإبتسام .. بدأت في أداء عملها بتركيز وفي صمت .. وفجأة وجدت سيدة تقف أمامها .. كان يبدو من ملابسها أنها سيده راقيه .. لكن لم يعجب "ياسمين" نظرة التعالى التي تتطلع بها اليها .. اقتربت منها المرأة قائله:

انتی مدام "یاسمین" ؟

قالت الياسمين البصوت خافت وهي تشعر بالحيره لمعرفة تلك السيدة بإسمها:

ايوة أنا "ياسمين"

نظرت المرأة اليها من رأسها الى أخمص قدميها وكأنها تتفحص جاريه فى سوق الجوارى احمرت وجنتا "ياسمين" من الغضب .. وعادت الى اكمال عملها متجاهله تلك المرأة التى ترمقها بنظرات وقحه .. اقتربت منها المرأة أكثر قائله:

أنا عمت "عمر الألفى"

نظرت اليها "ياسمين" بدهشه وقد صدمت عندما علمت بشخصيتها .. أكملت مدام "ثريا" بنبره متعاليه:

-جيت أشوف البنت اللي "عمر" عايز يدخلها عيلتنا

احمرت وجنتًا "ياسمين" مرة أخرى لكن هذه المرة خجلاً .. وابتسمت لمدام "ثريا" قائله:

-أهلا وسهلاً بحضرتك .. نورتى المزرعة

قالت مدام "ثريا" بنفس النبرة المتعاليه:

-اللى عرفناه من "عمر" .. ان انتى ووالدك وأختك بتشتغلوا هنا فى المزرعة أومأت "ياسمين" برأسها قائله:

ايوة فعلا

-طيب أنا هتكلم معاكى من الآخر .. لان طبعى انى واضحه وصريحه ومبحبش اللف ولا الدوران شعرت "ياسمين" بالقلق .. قالت:

اتفضلى

قالت مدام "ثريا" بهدوع وحزم:

-طبعا انتى عارفه مين هو "عمر" .. وهو ابن مين .. وعنده ايه .. وان بنات كتير أوى يتمنوه .. ومش أى بنات .. بنات لهم حسب ونسب .. يعني بنات متتعيبش .. ومن نفس مستواه المادى والإجتماعي .. انتى بأه شايفه انك هتكوني زوجه مناسبه لواحد زى "عمر" .. يعني شايفه نفسك زوجك يتشرف بيها وهو بيقدمها للناس .. ولا يتكسف منها ومن عيلتها

انفجرت الدماء في أوردة الياسمين الفصار وجهها مثل الجمرة المشتعله .. كانت تشعر ببركان ثار بداخلها لوقع تلك الكلمات عليها .. لكنها راعت أنها تتحدث الى سيدة في عمر والدتها رحمها الله .. فقالت بصوت حاولت أن تجعله هادئاً بقدر الإمكان:

-أنا مش شايفه حاجه تعيبنى أو تعيب عيلتى .. والانسان اللى هتجوزه لو محسش انى أشرفه .. يبقى ميلزمنيش أصلاً

ابتسمت مدام "ثريا" بسخريه .. ثم قالت:

طبعا انتى عارفه ان "عمر" كان خاطب قبل كده

أومأت "ياسمين" برأسها في صمت .. فأكملت قائله:

-هى وأهلها كانوا طمعانين فى "عمر" .. وفضلت البنت تلف عليه وتعمل المستحيل عشان الجوازه دى تتم لحد ما كشفها على حقيقتها .. وفسخ الخطوبه

أخرجتها مدام "ثريا" من حيرتها عندما أخبرتها بسبب فسخ الخطوبة .. لأن هذا الأمر ظلت تفكر فيه كثيراً .. أكملت مدام "ثريا" قائله بشئ من الكبر:

-عشان كده لازم المرة دى لما ييجى يختار .. يختار صح .. وكلنا لازم نشاركه الاختيار ده .. لان البنت اللى هيتجوزها هتشيل اسم عيلتنا اللى طول عمرها في السما

نظرت اليها "ياسمين" بشفقه . نعم بشفقه فلقد تذكرت حديث النبي صلى الله عليه وسلم " لن يدخل الجنة من كان في قلبه مثقال ذره من كبر" . أكملت مدام" ثريا" قائله:

-اللى عايزه أقوله .. أنى شايفه انك اخر واحده ممكن تكونى مناسبه لعيلة" الألفى" .. انتى واحدة كويسة وأكيد هتلاقى انسان كويس زيك له نفس ظروفك ومن نفس مستواكى شعرت "ياسمين" بالعبرات تحاول أن تجد الطريق لعينيها .. لكنها أوقفتها بحزم .. لن تسمع لتلك المرأة المتغطرسة أن ترى تأثير كلماتها المسمومة عليها .. قالت "ياسمين" بصوت

مرتجف:

-أنا لسه مدتش قرار في الموضوع ده

قالت "ثريا" بسخرية:

ـ هو في واحده عاقله تقول لـ "عمر" لأ

شعرت "ياسمين" بمزيد من الحنق .. فأكملت ثريا:

-أنا بس حبيت أنصحك .. الفرق بينك وبين "عمر" هيدمر حياتكوا بعد كده .. هو ممكن يكون بيحبك دلوقتى .. بس بعد الجواز الحب بيضيع والحاجات التانية هى اللى بتظهر .. ساعتها هيندم على اختياره .. وعلى تسرعه .. وهيعرف انكوا مش مناسبين لبعض .. أنا بقولك الكلام ده لان أكيد انتى مش عايزه تكونى مطلقة للمرة التانية

شعرت "ياسمين" وكأنها تُلقت صفعة قوية على وجهها .. الآن لم تعد تستطيع كبح جماح عبراتها التى أخذت تتجمع فى عينيها مهدده بالسقوط فى أى لحظه .. علمت مدام "ثريا" أنها لمست وتراً حساسا .. فأكملت بقسوة:

-هو ده اللى هيحصل بعد ما يفوق من النزوة اللى هو فيها .. ويقارن بينك وبين البنات اللى حوليه .. زي بنتى "ايناس" مثلا .. هى جايه المزرعة بعد شوية لما تشوفيها هتعرفى نوعية البنات اللى فعلاً مناسبه لـ "عمر"

صمتت قليلا ثم قالت بإبتسامه مصطنعه:

انتى شكلك بنت طيبة وتستاهلى كل خير .. بس عشان مترجعيش تندمى لازم تفكرى كويس .. وشكلك كمان عاقلة وعشان كده أنا واثقه انك مش هتجيبى سيره ل "عمر "عن كلامى معاكى .. انا اتكلمت عشان مصلحتكوا انتوا الاتنين .. ولو احتجتى حاجه فى أى وقت عرفيني أنهت كلامها ثم استدارت وانصرفت .. شعرت "ياسمين" بالألم يغزو قلبها .. وبنفسها يضيق .. وسمحت لدمو عها أخيراً بالسقوط .. لم تتعرض لمثل هذه الإهانه من قبل .. شعرت وكأنها كانت تقف أمام تلك المرأة عاريه كيوم ولدتها أمها .. شعرت بأن هذه المرأة توجه الى قلبها وروحها طعنات حاده غير مباليه بتأثير تلك الطعنات عليها .. شعرت بأنها تختنق .. أخذت نفساً عميقاً تحاول به ايصال الهواء الى رئتيها .. لكن هيهات .. مازالت تشعر أن الدنيا تضيق وتضيق حتى أطبقت على أنفاسها .. أخرجها صوت "ولاء" من شرودها:

" _ياسمين" مالك

نظرت اليها "ياسمين" والكلمات محبوسه في حلقها

قالت لها "ولاء" بلهفه:

ايه مالك .. تعالى اعدى جوه طيب .. هى عمت "عمر" قالتلك ايه ضايقك كده تركتها "ياسمين" ومشت فى طريقها وصلت الى حيث يعمل والدها فنادته .. أقبل والدها .. فقالت له بحزم:

قول للبشمهندس "عمر" انى رفضته

بهت "عبد الحميد" وقال:

لیه یا بنتی کده ده راجل کویس میتعیبش

قالت "ياسمين" بصوت متهدج:

-أرجوك يا بابا متضغطش عليا

ثم تساقطت عبرة من عينيها وهي تنظر اليها قائله:

ولا هتغصبنی علیه زی "مصطفی" ؟

بدا التأثر على وجه "عبد الحميد" وقال:

الما الولاد بيغلطوا الأب بيسامح .. لكن لما الأب بيغلط ولاده بيكونوا فاكرين غلطته ومبينسوهاش أبداً

نظرت الى والدها بتأثر قائله:

انا آسفه يا بابا مكنش قصدى أزعلك .. أنا بس مضايقه شوية ومش عارفه أنا بقول ايه .. حقك عليا

-خلاص یا بنتی محصلش حاجه .. ومادمتی مش عایزاه خلاص .. دی حیاتك مش هغصبك علی جواز تانی أبداً

ابتسمت له قائله:

-ربنا يخليك ليا يا بابا .. وبعد اذنك أنا هروح ل "سماح" أعد معاها شوية

ماشى يا بنتى بس متتأخريش .. وخلىب الك من نفسك

ذهبت لدكتور "حسن" واستأذنته في الانصراف لأنها تشعر بتوعك .. فقال لها:

-لا سلامتك ألف سلامه .. احنا اصلاً النهاردة يعتبر مفيش شغل كتير .. مفيش مشكلة روحى رتاحي

شكرته قائله:

ـشكراً يا دكتور

غادرت واتصلت باسماح" قائله:

" ـسماح" انتى فاضيه النهاردة

-آه فاضية خير هتيجي ؟

لو مكنش يضايقك . حسه انى مخنوقه ومحتاجه اتكلم مع حد

طيب يا حبيبتي منتظراكي ومتقلقيش "أيمن" هيتأخر النهاردة مش جاى الا بالليل

ـخلاص أنا خارجه أركب حالا

أثناء سيرها في اتجاه البوابه .. ومن بعيد .. رأت سيارة تدلف الى داخل المزرعة .. توقفت الياسمين .. "رات فتاة تنزل من السيارة .. فتاة جميلة ذات شعر طويل ترتدى ملابس أنيقة ضيقه عارية الساقين .. تفحصتها "ياسمين" وهي تسأل نفسها تُرى هل هي تلك الفتاة المدعوة "ايناس" والتي حدثتها مدام" ثريا" عنها .. كادت أن تهم بالإنصراف لكنها وجدت "عمر" يخرج من البيت ويذهب في اتجاه تلك الفتاة .. و ... كانت المفاجأة التي عصفت بكل كيان "ياسمين" .. ألقت الفتاة نفسها بين ذراعيه وقبلته على وجنتيه بدون أدنى خجل أو حياء .. شعرت "ياسمين" بسكين حاد يُغرس في قلبها .. نظرت الى "عمر "لتتبين رد فعله .. لكنها شعرت "ياسمين" بعديه .. وكأن هذا هو الطبيعي والمعتاد .. وكأن مس امرأة لا تحل له أمراً عاديا بالنسبه له .. وكأن تلك الأمور أصبحت عادية لمجرد أنها ابنة عمته .. كانت الفتاة تنظر اليه مبتسمه ضاحكه تتحدث وتتحدث .. وهو واقف يستمع ويتحدث .. تجمعت الدموع في عينيها فرأت بصعوبة الفتاة وهي تدلف الى الداخل .. أما "عمر" فتوجه الى سيارته وانطلق بها خارج المزرعة.

جلست "سماح" بجوار "ياسمين" تنظر اليها في صمت .. نحدثت "ياسمين" قائله:

-عارفه .. من كتر ما أنا حسه بألم جوايا .. حسه انى متخدره وعامله زى المشلوله اللى مش قادره تتحرك .. أنا كنت فاكره انى خلاص هفرح زى باقى البنات .. وهرجع ابتسم وأضحك من قلبي تانى .. لما بابا قالى انه اتقدملى .. فرحت أوى .. مكنتش مصدقه .. كنت فرحانه أوى .. كنت حسه ان قلبي طاير .. كنت بفكر بسطحيه أوى .. انا زى "ولاء" فكرت فى القشرة بس .. قاطعتها "سماح" قائله:

" _عمر" مش وحش يا "ياسمين"

نظرت اليها "ياسمين" قائله بمراره:

احنا مننفعش بعض یا "سماح" .. مش عارفه ازای انا کنت عامیه کده .. هو واحد اتربی بطریقه غیر اللی أنا اتربیت بیها .. واحد مبادئه وافکاره وحیاته کلها مختلفه تماماً عنی .. مفیش أی تکافؤ بینا یا "سماح" .. عمته کانت معاها حق .. بعد ما الحب ده یضیع مش هیلاقی حاجه تخلیه یتمسك بیا .. هیعرف ساعتها اننا مکناش مناسبین لبعض .. "سماح" أنا طول عمری عایزه واحد یتقی ربنا فیا .. واحد أنا و هو نعین بعض .. ونقرب من ربنا سوا .. ونبنی بیتنا سوا ونربی ولادنا تربیه صح .. ونکون قدوة حسنه لیهم .. ازای اختارلهم أب .. بیستحل حرمات ربنا بالشکل ده

قاطعها "سماح" مرة أخرى قائله:

-بصى اللى أنا أعرفه انه هو وبنت عمته وأخوها متربيين مع بعض وزى الاخوات .. يعنى هما واخدين على بعض اوى يعنى...

قاطعتها "ياسمين" بحده:

-انتى مقتنعه باللى انتى بتقوليه ده .. اللى يغلط غلطه صغيره يغلط غلطة كبيرة يا "سماح" .. مابالك و هو اصلا مش شايف انه بيغلط.

صمتت قليلا ثم هتفت باكيه بصوت متقطع:

" -مصطفى" لما خانى كان عارف انه بيخونى .. أما ده الخيانه عنده عادى .. هيخونى و هو أصلا مش حاسس ان دى خيانه .. واحد عايش فى عالم غير اللى أنا عايشة فيه و غير اللى انا متربيه عليه .. بكرة لما نتجوز يقولى اقلعى الحجاب زى بنت عمتى وزى خطيبتى القديمة .. بكرة يلبسنى زيهم .. وسلمي على الرجاله زيهم .. وأبقى خسرت ديني ودنيتى .. بتقولى انه مش وحش .. طيب لو هو مش وحش اختار واحدة بالشكل اللى وصفتهولك ليه عشان تكون خطيبته ؟ .. ها .. وبعدها يختارنى انا

قلت السماح: ال

بس هو دلوقتی اختارك انتی یا "یاسمین"

قالت بمراره:

-هو مفرقش اى حاجه عن "مصطفى" .. "مصطفى" اختارنى لانه عايز واحده يحطها فى البيت زى أى كرسي فى البيت ويبقى واثق فيها وفى اخلاقها .. وهو بره يعمل اللى على مزاجه .. و"عمر" زيه اختارنى لنفس السبب ..

قالت والدموع تتساقط من عنينيها:

-لما "مصطفى" خانى يا "سماح" الألم كنت حساه فى كرامتى .. لكن لو "عمر" خانى تعالى صوتها فى البكاء قائله قائله:

-الألم هيكون في قلبي .. وأنا مش هقدر أتحمل ده

هدئتها "سماح" قائله:

وانتى ایه اللي یخلیكى تفكرى انه هیخونك یا "یاسمین"

قالت "ياسمين" بحزم من بين دموعها:

- لان حياته غلط وعيشته غلط.. وتصرفاته غلط.. هو واحد مبيخفش من ربنا وبيعمل الغلط عينك كده أدام الناس .. اللي يعمل حاجه صغيره ببجاحه كده يعمل الكبيرة يا "سماح" صمتت قليلا ثم قالت:

وبعدين مش دى المشكلة الوحيده .. المشكلة انى اكتشفت انى فعلا انه مينفعنيش .. ده واحد هينزلنى معاه لتحت .. وأنا عايزه واحد ياخد بايدي ونطلع سوا .. عايزه واحده له نفس مبادئي نربي ولادنا على مبادئ واحدة وقيم واحدة وافكار واحدة .. مش أنا ابنى وأبوهم يهد .. ثم قالت بوهن:

المش عايزه أطلق تانى يا "سماح" كفايانى جرح واحد .. مش هقدر أتحمل جرح تانى .. مش هقدر أتحمل جرح تانى .. مش هقدر أخاطر تانى .. أنا معنديش أى ثقه في "عمر .. "زى ما كان معنديش أى ثقه فى "مصطفى"

نظرت لها "سماح" بحزن قائله:

طیب فکری تانی .. واستخیری تانی

نظرت اليها "ياسمين" قائله بحزم:

-أنّا استخرت .. وفكرت كويس .. الراجل الى هختاره زوج ليا هختاره بقلبي وعقلى .. مش بقلبي بس .. ولا بعقلي بس .. لازم الاتنين يوافقوا عليه .. لازم يتشرف بيا وسط عليته ووسط الناس .. أنا مش واحدة من الشارع زى ما عمته حاولت تفهمنى .. أنا بنت ناس .. صحيح ناس فقرا .. بس محترمين ونعرف ربنا .. هى فاكرة انى مش هقدر ارفض "عمر" وقالتهالى وش كده ان مفيش بنت تقول ل" عمر" لأ .. بس أنا هقول لأ .. أنا و عمر مستحيل نكون لبعض .. ده آخر واحد ممكن أوافق انى أتجوزه

توجه "عبد الحميد" الى مكتب "عمر" طرق الباب فسمه صوت "عمر" بالداخل: -اتفضل

دخل "عبد الحميد" فهب "عمر" واقفاً واستقبله بابتسامه قائلاً:

اتفضل يا عم "عبد الحميد" .. اتفضلي اعد

قال "عبد الحميد" في وجوم:

-تسلم یا بشمهندس بس أنا جای أقولك كلمتین و همشی عشان ورایا شغل وقفت "عمر" أمامه مبتسماً ونظر الیه قائلاً:

_خير .. اتفضل

تنهد "عبد الحميد تنهيدة حسرة وبدا متردداً وقال دون أن ينظر اليه:

بنتی رفضتك یا بشمهندس

وقع الخبر كالصاعقة على رأس "عمر" .. اختفت ابتسامته شيئاً فشيئاً حتى تلاشت تماما .. صمت وهو يحاول استيعاب ما سمع .. فنظر اليه "عبد الحميد "قائلاً:

-أنا مش ممكن أغصبها مرة تانية .. جوازتها الأولى كانت غصب عنها .. وحلفت بعدها انى

عمری ما هعمل کده فی بنت من بناتی

صدم "عمر" للمرة الثانية في أقل من دقيقة .. عندما علم أن زواج "ياسمين" كان رغماً عنها نظر اليه "عبد الحميد" بأسف قائلاً:

اننا آسف یا بشمهندس

ثم استدار وانصرف .. جلس "عمر" على أقرب مقعد وهو مازال تحت تأثير صدمة رفضها اياه.

دخل" عمر" الى بيته واجماً حزيناً .. سمع صوت المزاح والضحكات تتعالى من غرفة المعيشة .. توجه اليهم ليرى والدته ووالده و عمته و "ايناس" مجتمعون معاً .. هتفت "ايناس" بمجرد أن رأته:

" -عمر" تعالى .. السهرة نقصاك

دخل "عمر" الغرفة ووقف أمامهم .. قالت عمته مبتسمه:

حقيقي يا "ايناس" انتى عامله جو تانى للمزرعة . الأيام اللى فاتت مكناش بنلاقى حاجه تسلينا هنا .. أنا من زمان مضحكتش الضحك ده

قالت "كريمة" مبتسمه:

" -ايناس" طول عمرها دمها خفيف .. وبتعمل روح حلوة لأى مكان بتروحه

ضحكت اليناسا وتنحنحت في حرج مصطنع قائله:

-أحرجتوني بكلامكوا يا جماعة

التفتت الى "عمر" قائله في مرح:

-وحضرة سمو الأمير رأيه ايه فيا .. رأيه برده زيهم انى مرحة ودمى وخفيف وعملالكوا جو حلو من ساعة ما جيت ؟

كان "عمر" مازال واجماً .. نظر الى كل العيون الى تطلعت اليه مبتسمه .. وقال بلهجة باردة خلت من أى انفعال:

-البنت اللي انتي كنتوا رافضين انها تدخل عيلتكوا .. هي اللي رفضت تدخلها

قال ذلك ثم غادر المكان وتوجه الى غرفته فى الطابق العلوى وأغلق الباب فى هدوى .. صمتوا وكأن على رؤسهم الطير .. كانت تعبيراتهم متباينه .. فمدام الثريا الظهر على وجهها علامات الارتياح والإنتصار .. أما اليناس افلم تستطع أن تخفى ابتسامه الفرحه الممذوجه بالخبث التى تكونت على شفتيها .. أما الور الدين فبدا شارداً وكأنه يفكر تفكيراً عميقاً .. أما الكريمة افكانت مشاعرها متباينه .. صدمة .. عدم تصديق .. ارتياح .. حزن .. حيرة .. مزيج عجيب تراه على وجهها .. نهضت من مكانها وهمت بأن تغادر الغرفة فأوقفها الور الدين اقائلاً:

نظرت اليه قائله في استنكار:

-لازم أطمن عليه

ثم خرجت وتوجهت الى غرفة "عمر" .. أما "ايناس" و والدتها فقد تبادلتا نظرة ذات معنى طرقت" كريمة" الباب فلم تسمع صوتاً .. ففتحته ودخلت وأغلقته خلفها .. كان" عمر "يجلس في الظلام على مقعد في مواجهة شباك الغرفة وضوء القمر يتسلل الى غرفته ليلقى بأشعته الفضيه على وجهه .. حاولت اضاءه الغرفة لكنه التفت اليها قائلاً:

الو سمحتى يا ماما سبيه مقفول

أغلقته كما طلب .. وتوجهت اليه .. جلست على المقعد المجاور له وعينيها تتطلعان الى وجهه تراقب انفعالاته .. سألته بصوت حانى:

انت کویس یا "عمر" ؟

تنهد "عمر" وأغلق عينيه للحظة .. ثم نظر اليها قائلاً:

ماما بجد أنا مش قادر أتكلم

قالت "كريمة" في لهفة:

عايزه أطمن عليك بس

قال بشئ من الحده:

-اطمنى .. بس لو سمحتى أنا فعلاً مش قادر أتكلم مع حد .. لو سمحتى سبيني مع نفسي شوية ربتت أمه على رجله ثم نهضت وألقت عليه نظرة أسى قبل أن تخرج وتغلق الباب خلفها كانت هناك مشاعر شتى تعتمل داخل صدر "عمر" .. كان يسأل نفسه سؤال واحد .. لماذا رفضته ؟ .. كان يبحث داخله فى حيره وألم عن اجابه لهذا السؤال .. ظل يبحث ويبحث الى أن تمكن التعب منه .. تعب ذهنى ونفسي .. شعر برغبه عارمه فى أن يذهب اليها الآن ويمسكها من ذراعيها ويهزها بقوة لتخبره بسبب رفضها اياه .. ود لو يقول لها أجننتى يا امرأة لا أستطيع العيش دونك .. أنت أصبحتى كل شئ فى عالمى .. فلماذا تطرديني من جنتك بلا رحمة أو شفقه العيش دونك .. أنه كالموت بالنسبه لى أتظنين أن هذا سهلاً أتظنين أن حرمانى منك أمراً هيناً .. كلا .. انه كالموت بالنسبه لى .. كحرمانى من الهواء الذى استنشقه .. لماذا تفعلين هذا بي ؟ كحرمانى من الهواء الذى استنشقه .. لماذا تفعلين هذا بي ؟ تعد الفطور على السفرة مع الخادمة .. عندما رأت" عمر" ينزل مسرعاً ويتوجه الى "كريمة" تعد الفطور على السفرة مع الخادمة .. عندما رأت" عمر" ينزل مسرعاً ويتوجه الى الباب ..حاولت اللحاق به .. لكنه خرج مسرعاً وأغلق الباب

توجه "عمر" الى مخزن العلف .. وجده مازال مغلقاً .. وقف أمامه واضعاً يديه فى جيب بنطاله كان يبدو عليه التوتر والتململ من الانتظار .. بعد قرابه الربع ساعه .. رأى "عبد الحميد" مقبلاً من بعيد .. فتوجه اليه ..نظر اليه" عبد الحميد" بدهشه .. وانتظر أن يتحدث .. نظر اليه "عمر" قائلاً:

بنتك رفضتني ليه يا عم "عبد الحميد"

تنهد "عبد الحميد" في حسره ..ثم ربت على كتف "عمر" قائلاً:

-أنا عارف ان أفضالك علينا كتيريا بشمهندس .. وان لولاك كان زمانا الله أعلم بحالنا دلوقتي

.. وخيرك مغرقنا و.... قاطعه "عمر" قائلاً:

مش ده سؤالي يا عم "عبد الحميد" ... سؤالي بنتك رفضتني ليه ؟

جذبه "عبد الحميد" من كتفه وسارا معاً قليلاً قال له "عبد الحميد: "

-أنا زى ما قولتلك امبارح جوازتها الأولى أنا غصبتها عليها .. مكنتش مرتحاله .. ومكنتش عايزه تتجوز بسرعه .. بس أنا من خوفى عليها .. انى أموت وأسيبها فى الدنيا دى لوحدها هى وأختها .. والناس معدتش بترحم .. قولت أهى تكون فى عصمة راجل تتحمى فيه ويكون سندها .. لكنه طلع كلب ولا يسوى..

ثم قال بحزم:

-عشان كده حلفت انى عمرى ما هغصب واحده فيهم على راجل هى مش عايزاه صمت "عمر" وهو يستمع الى "عبد الحميد" .. شعر بالأسى على "ياسمين" التى اضطرت الى العيش شهر كامل مع رجل لا تريده .. شعر بالحنق والضيق والغضب لأجلها .. وشعر بالغيره تطعنه فى قلبه طعنات قاتله .. التفت الى "عبد الحميد" قائلاً بحنق:

ياريتك ما غصبتها عليه

تنهد "عبد الحميد" بحسره قائلاً:

-اللى حصل بأه يا بشمهندس .. والحمد لله ان ربنا خلصها منه .. مع انها خلاص اتحسبت عليها جوازه

توقف "عمر" عن السير ونظر اليه قائلاً:

برده ماقولتلیش هی لیه رفضانی ؟

ما قالتلیش سبب الرفض .. قالتلی بس انها مش عایزاك .. وأنا محاولتش أضغط علیها شعر "عمر" بالألم عندما سمع (مش عایزاك) .. أطرق برأسه فی صمت .. ربت "عبد الحمید" علی ذراعه قائله:

-بص يا بشمهندس .. هى لسه يا دوب مطلقه .. ومصدقت انها خلصت من اللى ميتسماش .. أكيد البنت لسه مش على بعضها .. ولسه خايفه من طليقها ليأذيها .. وأكيد هى مش عارفه هى عايزه ايه ..اصبر عليها .. أنا عارف انها مش هتلاقى أحسن منك .. بس الموضوع محتاج صبر شوية

أومأ "عمر" برأسه .. ثم تركه وانصرف .. وعينا "عبد الحميد" تتابعه بحسره.

استيقظت "ياسمين" متكاسله .. أخذت تنظر الى ساعتها لتعلم انها تأخرت على عملها .. لكنه لا تشعر بأى رغبة للذهاب الى العمل .. أو حتى لمغادرة فراشها .. كانت تخشي أن تراه فتضعف مقاومتها .. ظلت تُفكر تُرى ماذا كان رد فعله عندم علم برفضها اياه .. طبعاً صدم ابتسمت لنفسها بسخريه .. هو بالتأكيد غاضب ثائر الآن .. ليس لأنه خسرها .. بل لكرامته التى أهدرت .. للصفعة التى أعطتها اياه .. وبالتأكيد عائلته سعيده الآن .. أنه ابتعد عن الفتاة التى يرونها غير لائقه لتصبح واحده منهم .. شعرت بالغضب يجتاح كيانها .. ويملأ نفسها .. ظلت تستغفر ربها .. لتحاول تهدئه نفسها .. ثم نهضت وتوضأت وصلت الضحى .. وارتدت ملابسها وخرجت للذهاب الى عملها

وقفت النهلة الله في مطبخ بيتها الجديد .. بيت الياسمين السابقاً .. وأخذت تعد طعام الفطور وهي تدندن في سعاده .. استيقظ المصطفى الله و وخل المطبخ فرآها و علامات الفرح على وجهها .. شعر بالغيظ وقال لها:

مكنتش أعرف انك بتقومى من النوم مزاجك رايق كده

التفتت اليه قائله بسخريه:

وهتعرف منين .. انت كان كبيرك تشوفني بالليل وتخلع

تركها وذهب الى الحمام .. أعدت السفرة وجلست في انتظاره .. خرج وجلس يتناول طعامه في صمت .. التفتت اليه قائله:

حان رجل طیب

قال لها بدهشة:

ـهو مين ده

قالت له بحده:

اللى انت عامله حداد يوم صبحيتنا

ألقى الطعام من يده والتفت اليها وصاح بسخريه:

-صبحيتنا .. سمعيني تانى كده .. ليه انتى فاكره نفسك بنت بنوت ولا ايه .. ده احنا دفنينه سوا قالت بنفس السخريه:

ما هو عشان دفنينه سوا .. لازم تبقى العلاقة بينا أحسن من كده

قال بحده:

-عايزاني أعاملك ازاي ان شاء الله

قالت النهله: "

-تعاملنى زى ما كنت بتعاملنى زمان ..فرق ايه زمان عن دلوقتى .. هى مجرد الورقة اللى كتبناها امبارح عند المأذون .. تخيل انها متكتبتش واحنا مع بعض زى ما احنا قال بمراره:

-أتخيل ازاى انها متكتبش دى أنا حاسس ان الورقة دى سلسله ربطانى من رقبتى نظرت اليه بحزن قائله:

للدرجة دى يا "مصطفى" .. شايف ان جوازك منى سلسلة حوالين رقبتك

قال بقسوة:

-أيوة سلسلة خنقانى ولو أطول أخلص منها كنت خلصت

نهضٌ وأخذ الجاكيت ارتداه وفتح باب البيت وخرج وأغلقه بقوة .. وترك "نهلة "خلفه ودموع الحزن تتجمع في عينيها وقالت لنفسها (ليك حق تعمل فيا أكتر من كده .. أنا اللي أهنت نفسي من البداية (

اتصل "كرم" ب"ريهام" على الخط الداخلى وطلب منها احضار أحد الملفات الى مكتبه .. طرقت "ريهام" الباب فأسرع برفع سماعة الخط الخارجى .. دخلت" ريهام" فأشار اليها بيده أن تنتظر .. أمسكت الملف بكلتا يديها وانتظرت حتى ينهى مكالمته .. تحدث "كرم" وهو يرجع بظهره الى الوراء ويضع ساقاً فوق ساق:

لطبعا هو احنا عندنا أعز منك .. انتى عارفه معزتك عندنا كويس .. وعندى أنا تحديداً

ألقى نظره على "ريهام" الواقفة أمامه .. والتى لا تظهر أى انفعالات على وجهها .. لكن كانت بداخله تشعر بالضيق والحنق وودت لو أخذت منه سماعة الهاتف وحطمتها فوق رأيه .. أكمل "كرم" في صوت هائم:

مش هتيجي تنوريني في المكتب .. يا سلام تعالى انتى بس وانتى تشوفى أنا هستقبلك ازاى .. بس ياريت القمر يحن وميتأخرش علينا .. عشان احنا مش حمل بعاده

كانت "أريهام" قد وصلت الى ذروة غضبها .. همت بالإنصراف لكنها لمحت على الأرض نهاية سلك الهاتف الذى يتحدث فيه "كرم" .. كانت عاملة التنظيف تتعثر فى الأسلاك .. كلما نظفت . فكانت تفصلها من مكانها .. وكانت "ريهام" تعيدها مرة أخرى قبل وصول "كرم" .. لكنها اليوم نسيت تركيب سلك الخط الخارجي..

التفتت لتنظر اليه مرة أخرى وعلامات خبيثه ترتسم على وجهها .. أنهى "كرم "مكالمته ووضع السماعة مكانها وهو يختلس النظر الى "ريهام" التى قالت:

اظاهر ان حضرتك كنت بتتكلم مع شخصية مهمة جداً

ابتسم "كرم" بخبث وتمطع قائلاً:

فعلاً شخصية مهمة جدا . تقدرى تقولى واحده مش عادية

نظرت اليه "ريهام" وعيونها تلمع في مرح وخبث وقالت:

-اظاهر فعلاً انها واحده مش عاديه أبداً لدرجة انك سبحان الله تقدر تتكلم معاها من غير ما يكون في حرارة في التليفون

نظر اليها "كرم" وقد بهت فأشارت برأسها الى سلك الهاتف الملقى على الأرض فل نظر اليها "كرم" اليه وهو يتمنى أن تنشق الأرض وتبلعه فوراً فلل تقدمت "ريهام "ووضعت الملف على المكتب وخرجت وهى ترسم ابتسامه خبيثه على شفتيها فل الكرم" فقد كان يشعر بحرج شديد من هذا المأذق السخيف الذي وضع نفسه فيه

يعنى هى قالتك هى رفضته ليه ؟

ألقى "أيمن" هذا السوال على "سماح" وهما جالسان معاً يتناولان طعام الإفطار .. قالت "سماح" في ضيق:

بصراحة صحبك مينفعهاش

قال "أيمن" بإستغراب:

لیه بأه ؟

-هما الاتنين مختلفين عن بعض فى كل حاجه .. الأخلاق الطباع التربية اسلوب حياتهم .. كل حاجه مختلفين فيها .. هما الاتنين مينفعوش بعض يا "أيمن" .. "ياسمين" طول عمرها عاقله وبتفكر بعقلها .. وبصراحة أنا معاها فى قرارها ده

بس ده مكنش رأيك لما عرفتي ان "عمر" اتقدملها

قالت "سماح" بسرعة:

-لانى مكنتش شايفه الموضوع من وجهة نظر "ياسمين" بس بعد ما سمعتها امبارح فهمت وجهة نظرها .. وفعلاً معاها حق تخاف منه وترفضه ... متنساش يا "أيمن "انها مطلقه .. يعني أكيد مش عايزة تخوض تجربة فاشله للمرة التانية

قال "أيمن" بحده:

ـومين قالك انها هتكون تجربة فاشله .. انتى متعرفيش "عمر" بيحبها ازاى" .. عمر" صاحبي يا "سماح" عشرة سنين طويلة مش سنة ولا اتنين .. أنا عمرى ما شوفته متعلق بحد كدة .. حتى البنت اللي كان خطبها قبل كده .. مكنتش شايفه متعلق بيها كده

-أهو البنت اللي كان خطيبها دي أحد أسباب رفض "ياسمين" لـ "عمر"

قال "أيمن" بدهشة:

-ازای یعنی .. هی رفضاه عشان کان خاطب ؟

ـلأ طبعاً يا "أيمن" مش عشان خاطب .. عشان الانسانه اللي خطيبها دى .. هي سمعت كلام كتير عنها هنا في المزرعة .. يعني اللي يخطب واحدة بالمنظر ده .. هيكون ايه يعني غير واحد تافه

قال "أيمن" بحزم:

-كانت غلطة .. ورجع عنها في الوقت المناسب .. هنعلقله حبل المشنقة يعني

قالت "سماح" تحاول افهامه:

ـيا "أيمن" أنا ما قولتش ان ده السبب الوحيد .. قولت ده أحد الأسباب .. وفى أسباب قوية جداً .. بس مش هقدر أقولك عليها .. لأن "ياسمين" مأمنانى ان الكلام مايوصلكش .. بس فعلاً هى معاها حق ترفض

قال "أمين" في حيره:

-والله انتوا الاتنين أغرب من بعض .. انتى مش شرحالى الموضوع على بعضه عشان كده انا مش عارف أفهم أسباب رفضها .. بس الحاجه الوحيدة اللى أنا عارفها .. ان "عمر" بيحبها بجد .. و دى أول مرة أشوفه بيحب واحده كده

تأملته "سماح" قائله:

انت واثق انه بيحبها بجد

أكد لها "أيمن" قائلاً:

-أيوة واثق

قالت في حيره:

معرفش بأه .. ربنا ييسرلها الخير وخلاص

كانت تقف وتولى ظهرها الى الباب .. تقرأ الملف الذى بين يديها وتضيف عليه ملاحظاتها .. التفتت لتجده أمامها .. يقف أمام الباب وينظر اليها فى صمت .. تسار عت خفقات قلبها .. شعرت بالإضطراب .. ودت الهرب .. لكنه واقف يسد المنفذ الوحيد للهرب .. هربت من عينيه .. وساد الصمت .. قال "عمر" بهدوء:

ممكن أعرف انتى ليه رفضتيني

ازداد ارتباكها .. صمتت .. لا تدرى ما تقول .. أعاد سؤاله مره أخرى:

لیه رفضتینی ؟

أيقنت أن لا مفر منه .. نظرت اليه قائله:

-أعتقد ان من حقى انى أقبل أو أرفض .. وأنا رفضت

تلاقت نظراتهما في صمت للحظة .. نظرة عتاب منه .. ونظرة صد منها .. قال لها بهدوء:

```
-طبعاً من حقك تقبلى أو ترفضى .. لكن أنا بسأل عن أسباب الرفض قالت ببرود:
-أفضل أحتفظ بيها لنفسي قال بصرامة:
-لأمش من حقك احتدت عليه قائله:
-يعني ايه مش من حقي قال "عمر" بنفس الصرامة:
-يعني ايه مش من حقي قال "عمر" بنفس الصرامة:
```

مش من حقك تحتفظى بأسباب الرفض لنفسك .. لازم أعرفها تماسكت قائله:

وأنا معنديش كلام أقولهولك .. رفضت وخلاص

ظهرت علامات الغضب على وجه "عمر" واقترب منها قائلاً:

انتی لیه بتعملی کده

قالت بغضب هي الأخرى:

ایه یا بشمهندس. مضایق انی رفضتك .. ایه كنت فاكر ان مفیش بنت تقدر ترفضك صمتت قلیلاً ثم نظرت فی عینیه قائله بقسوة:

-لأ.. أنا رفضك .. تحب تسمعها تانى .. أنا رفضتك .. أنا مش زى البنات اللى انت تعرفهم واللي يتمنوا اشاره منك .. أنا مش زيهم .. أنا أبعد من أحلامك قالت ذلك ثم انصرفت مسرعه .. لتترك "عمر" فريسه للشعور بالغضب

وقفت "ياسمين" في المساء مع أختها في شرفة غرفتهما .. قالت "ياسمين" بهدوء: احنا لازم نمشى من هنا .. معدش ينفع نستنى في المزرعة

قالت "ريهام" بلوعه:

لیه ؟ . نمشی لیه ؟

نظرت اليها "ياسمين" قائله:

-نمشی بکرامتنا قبل ما "عمر" يطردنا

ـ تفتكرى "عمر" ممكن يطردنا

شردت "ياسمين" قليلاً ثم قالت:

حتى لو مطردناش .. فده هيكون عشان خاطر "أيمن" بس .. لكن هو أكيد عايزنا نمشى من هنا بعد ما رفضته

نظرت اليها "ريهام" وقالت:

انتی مش ممکن تغیری رأیك یا "یاسمین"

هزت "اياسمين" رأسها نفياً وقالت بضعف:

-لأ .. مش هغير رأيي

قالت "ريهام: "

بس انتی....

ثم قطعت كلامها .. نظرت اليها "ياسمين" قائله:

حتى لو كنت كده .. ده مش كفايه بالنسبة لى .. عشان أوافق عليه

```
ثم نظرت الى أختها بألم قائله:
" -ريهام" عشان خاطرى مش حبه أتكلم في الموضوع ده
             ربتت "ريهام" على ظهرها في حنو قائله:
                        -خلاص أفلى على الموضوع
                              ثم هتفت في مرح فجأة:
                        -استنى هكيلك حاجة تضحكك
                   نظرت اليها "ياسمين" برجاء قائله:
                      ياريت .. أنا فعلاً نفسى أضحك
                             قالت "ريهام" في مرح:
```

" - كرم" النهارده عمل حتت موقف خلى شكله زبااااااااله

ضحكت "ريهام" .. فسألتها "ياسمين" مبتسمه:

لیه عمل ایه ؟

أكملت "ريهام" ضاحكة:

-ندالى عشان أجيبله ملف وأول ما دخلت عمل نفسه بيتكلم مع موزه في التليفون وهاتك يا تسبيل وهيام وكلام يحرق الدم ..وبعد ما قفل نبهته ان الفيشة بتاعة التليفون مفصوله .. حسيته كان هيموووووت

ضحكت "ياسمين" مع "ريهام" التي لم تتمالك نفسها هي الأخرى .. سألتها "ياسمين" وسط ضحكاتها

طیب هو لیه عمل کده

قالت "ريهام" بمرح:

انا عارفه .. حب يترسم أو يجس نبضى

سألتها "ياسمين" بإهتمام:

ـیجس نبضك ازای یعنی

قالت "ريهام" بخبث:

- يعنى يشوف رد فعلى ايه لما أمسعه بيكلم بنت بالشكل ده أدامى .. بس ايه أختك أسد ولا بينت أى حاجه على وشى .. واديتله الكلمتين وكسفته من نفسه وخرجت

قالت "ياسمين" بخبث:

ـهو في ايه بالظبط يا "ريهام"

ابتسمت الريهاما قائله:

- يعنى تقدرى تقولى كده في شرارات خفيه .. بس احنا الاتنين عاملين فيها من بنها قالت لها "ياسمين" بقلق:

-متلعبیش بالنار یا "ریهام" .. "کرم" صاحب "عمر" یعنی ممکن یکون زیه

قالت "ريهام" بإستغراب:

-هو انتى ليه شايفه "عمر" وحش أوى كده .. أى راجل في سنه ممكن يكون له أخطاء وماضى ..المهم انه يتوب ويبقى كويس

قالت "ياسمين" بحزم:

وأنا مش عايزة أبداً راجل بالشكل ده .. أنا عايزه واحد أكون أنا الأولى في حياته زي ما هو الأول في حياتي

احتدت "ريهام" قائله:

-انت ليه بتتعاملي مع "عمر" أكنه "مصطفى" .. أكنه غلط نفس غلطة "مصطفى.. " صمتت "ياسمين" فأكملت "ريهام: "

انتى خايفه .. تجربتك مع "مصطفى" خلتك خايفه من أى راجل وحسه انه هيخونك فى أول فرصه

قالت "ياسمين" بأسى:

-معاكى حق .. وللأسف حياة "عمر" الغلط واللى ضد مبادئي مخوفانى أكتر .. ومخليانى مش قادرة أثق فيه

قالت لها "ريهام" بجديه:

اننا واثقه ان "عمر" هيتغير علشانك يا "ياسمين"

ـتفتكرى

لو بيحبك هيتغير

رددت "ياسمين" في مراره:

ده لو بیحبنی فعلاً .. مش مجرد حاجه جدیدة حابب یجربها ..بنت ممرتش علیه قبل کده جذبت انتباهه مش أکتر

رأت "ريهام" علامات الحزن على وجه أختها فقالت في مرح

-انتى عاملة زى اللى اتلسع من الشربه ومن كتر خوفه يتلسع تانى عمال ينفخ فى الزبادى .. و"عمر" مش زبادى .. ده قشطة مخلوطه بحلاوة وعليهم صوص مربي .. متخيله الطعم ابتسمت "ياسمين". وأخذت تتأمل النجمات التى تلمع فوق رأسها فى شرود

بعد عدة أيام من زواجهما .. كانا يجلسان معاً لمشاهدة التلفاز .. عندما التفت "مصطفى" اليها ونظر اليها ببرود قائلاً:

انتی هتولدی امتی ؟

ظلت تنظر الى التلفاز دون أن تجيبه أو تلتفت اليه .. قال بحده:

-انتى .. مش بكلمك .. انتى فى الشهر الكام .. وهتولدى امتى ؟

لم تجيبه .. فأخذ الريموت بعصبيه وأغلق التلفاز .. التفتت اليه في برود وفجرت قنبله في وجهه

انا مش حامل أصلاً

صمت للحظات وهو لا يعى ما قالت .. وعندما بدأ في استيعاب الخدعة التي أوقعته فيها هب واقفاً ونظر اليها قائلاً بغذب هادر:

-نعم يا روح أمك .. يعني ايه مش حامل .. أمال أنا اتهببت واتجوزتك ليه

وقفت لتواجهه وقالت بحزم:

-اتجوزتنى عشان تصلح غلطتك اللى مرضتش تصلحها بمزاجك .. أديكى صلحتها ورجلك فوق رقبتك

أمسكها من شعرها بقسوة وصفعها بقوة على وجهها قائلاً:

-هموتك .. والله لموتك في ايدي النهاردة يا تييييييييت

نظرت اليه وهتفت وهي تتألم قائله:

موتنى عشان تدخل السجن طول عمرك .. أو يعدموك وتحصلنى يا "مصطفى " توقف عن شد شعرها وهو ينظر اليها بغضب .. فأكملت قائله بقسوة:

ادامك 3 حلول مفيش غيرهم .. اما انك تقتلنى زى ما بتقول وساعتها يا السجن يالاعدام .. والحل التانى انك تطلقنى وساعتها هتبقى سمعتك فى الأرض .. لانى تانى واحدة تتجوزها وتطلق فى شهر العسل .. ده غير ان الأولى فضحتك بما فيه الكفاية لما رفعت عليك قضية خلع يعني اكيد الناس هتقول ان المشكلة فيك انت .. واللى هيأكد ده ان التانية تطلق بعد كام يوم جواز .. أما بأه الحل التالت هو اننا نفضل مع بعض .. احنا الاتنين غلطتنا واحنا الاتنين بندفع تمن الغلطة دى .. يعني احنا الاتنين مضطرين نفضل مع بعض عشان نحافظ على سمعتنا وسط الناس .. يعنى محدش أحسن من حد يا "مصطفى"

تركها "مصطَّفى" وقد أدرك صحة ما تقول .. هو مضطر للبقاء معها .. مضطر لدفع ثمن أخطائه .. مضطر أن يبقى مقيداً بذلك القيد الذى يطبق على أنفاسه .. مضطر لأن يبقى زوجاً لآخر فتاة كان يتمنى الزواج بها

تقدمت "ياسمين" الى مكتبه .. وقفت أمامه للحظات .. كانت هذه آخر مرة ستراه فيها .. سترحل وتترك المزرعة هى وأهلها .. كان من الممكن أن تترك مهمة اخباره بذلك الى والدها .. لكنها أرادت أن تخبره بنفسها .. لم تدرى لماذا تفعل ذلك .. هل لكى تشعر بإنتصارها أمامه ان استطاعت الخروج من المزرعة برغبتها ودون اراقة ماء وجهها .. أم لكى تراه لآخر مرة

وقفت للحظات ثم استجمعت شجاعتها وطرقت الباب .. كان بمفرده .. جالس يتأمل الورق الذى أمامه دون أن يرى منه حرفاً .. عندما رآها شعر بمزيج من الحب والألم يغزو قلبه .. فها هى حبيبته القريبة البعيدة .. لا يستطيع الاقتراب منها ولا الابتعاد عنها .. وقفت أمامه ثم قالت: -أنا جايه أبلغ حضرتك اننا يومين وان شاء الله هنسيب المزرعة

أرجع ظهره وأسنده على الكرسى .. صمت لبرهه .. ثم نظر اليها ببرود قائلاً:

- كلامى فى الموضوع ده مش معاكى انتى .. مع والدك

نظرت اليه بدهشة فأكمل قائلاً:

الموضوع ده القرار فيه لوالدك مش ليكي

قالت بحزم:

ـده قرار مشترك لينا احنا التلاته .. وأنا جايه أبلغ حضرتك بيه

قالت بنفس البرود:

وأنا كلامك ده ملوش أي معنى عندى إلا اذا سمعته من والدك

صمت قليلا ثم قال بهدةء:

طيب هتكلم معاه .. اتفضلي على شغلك

ثم أمسك قلمه وشرع في النظر الى الأوراق التي أمامه .. شعرت بالحنق والضيق وغادرت مكتبه في عصبيه .. نظر "عمر" الى الباب الذي أغلقته خلفها ثم ترك القلم من يده وتنهد في

حزن .. قام من فوره وذهب الى عم "عبد الحميد" في المخزن وسأله عما قالته "ياسمين" .. فقال "عبد الحميد: "

اظن یا بشمهندس معدش ینفع نستنی هنا بعد کده

سأله "عمر" قائلاً:

ليه يا عم "عبد الحميد" حد هنا ضايقكوا .. أنا صدر منى حاجه ضايقتكوا

قال "عبد الحمد" بسرعة:

-لأطبعا يا بشمهندس .. أنا مشفتش في ذوقك ولا في أدبك واخلاقك

أمال عايزين تمشوا من المزرعة ليه؟

قال "بعد الحميد" بحرج:

- يعنى بعد اللي حصل . أظن انت اللي هتكون حابب اننا نمشى

نظر اليه "عمر" قائلاً:

-أظن احنا اتفقنا آخر مرة ان الموضوع محتاج صبر مش كده .. يعني الىل عايز أقوله أنا مفقدتش الأمل .. عارف ان الوقت مش مناسب بالنسبلها .. وهى ممكن يكون تفكيرها مضطرب .. وعشان كده رفضت .. وحتى لو موافقتش وأصرت على الرفض .. ده مش معناه انكوا تسيبوا المزرعة وتمشوا

قال له "عبد الحميد: "

ـبس یا بشمهندس....

قاطعه "عمر" قائلا:

عم "عبد الحميد" انت السنين اللى اشتغلتها فى الشغل الحكومى خليتك منظم زى الساعة بالظبط.. ومحدش قبلك مسك المخزن بإيد من حديد زيك كده .. يعني فعلا أنا محتاجك هنا .. وانت عارف ان الشغلانه دى مينفعش أحط فيها الا واحد أثق فيه .. من بعد ما عينت كذا واحد واكتشفت انهم كانوا بيسرقوا من العلف ويبيعوه برخص التراب .. يعنى مفيش حد غيرك أثق فيه وأسلمه مفاتيح المخزن ده .. يا ترى بأه بعد كل اللى قولتهولك ده لسه برده عايز تسيب المزرعة وتمشى

ابتسم "عبد الحميد" في سرور وقد فرح لثقة "عمر" به وبعمله وقال:

ده احنا نخدمك بعنينا يا بشمهندس

ابتسم "عمر" وربت على كتفه قائلاً:

ـتسلم يا عم "عبد الحميد"

ثم تركه وانصرف

خرجت "ريهام" من المكتب بعد انتهاء عملها في طريقها الى غرفتها .. عندما أوقفها "هاني" واعترض طريقها .. نظرت اليه في حده قائله:

_أفندم ؟

ابتسم لها قائلاً:

ازیك یا آنسه "ریهام"

تركته وأكملت طريقها فإعترض طريقها مرة أخرى .. فهتفت قائله:

لو محترمتش نفسك أنا هشتكيك للبشمهندس "كرم"

```
اتسعت ابتسامته قائلاً:
                                                    مش تعرفي الأول أنا عايزك في ايه
                                                                          قالت بحده:
                                                                   مش عايزة أعرف
                  وهمت بالسير مرة أخرى .. لكنه وقف أمامها قائلاً والابتسامه تعلو شفتاه:
                                                                    انا عايز أتقدملك
                                                 بهتت ووقفت تنظر اليه في دهشة قائله:
                                                                                نعم
                                                                          أعاد ما قال:
                                                                    انا عايز أتقدملك
                                                   احمرت وجنتاها .. ونظرت اليه قائله:
                                                    وانتى تعرفنى منين عشان تتقدملي
                                                                       نظر اليها قائلاً:
        -صحيح معرفكيش انتى لانك مش مدياني فرصة اعرفك .. بس اعرف اختك الدكتورة
"ياسمين" وواضح انك انسانه محترمة زيها .. وعشانك كده عايز أتقدملك ونتعرف على بعض
                                                                                أكتر
                                                          شعرت بالإضطراب فقالت له:
                                                                           بعد اذنك
                                     ثم غادرت بسرعة حتى لا يعترض طريقها مرة أخرى
                   كانت "ياسمين" عائدة الى مكتبها عندما رآها "هانى" واستوقفها قائلاً:
                                                        دكتورة "ياسمين" لو سمحتى
                                                                     التفتت اليه قائله:
                                                                              _أفندم
                                                            شعر بالارتباك قليلا ثم قال:
                                                   -عايز أتكلم مع حضرتك في موضوع
                                                                      قالت بنفاذ صبر:
                                                       اتفضل بس بسرعة عندى شغل
                                                             تنحنح قليلا ثم ابتسم قائلاً:
                                                                 -أنا عايز أتقدم لأختك
                                                              نظرت اليه بدهشة قائله:
                                                                         " _ريهام" ؟
                                                                 اتسعت ابتسامته قائلاً:
                                                                               _أيوة
                                                                     سألته باستغراب:
                                                                 وانت تعرفها منين ؟
     -شوفتها كذا مرة وهي جيالك وكمان بشوفها كتير هنا في المزرعة .. وبصراحة عجباني
```

رآهما "عمر" واقفان معاً يتحدثات في هدوء والابتسامه تعلو شفتى "هاني .. "فاشتعل قلبه بنيران الغيره واقترب منهما ووقف أمامهما في صمت .. ظل الثلاثة ينظرون الى بعضهم البعض دون أن يتحدث أحدهم بكلمه .. قطع "هاني" هذا الصمت وتنحنح قائلاً:

طيب يا دكتورة هبقى أتكلم معاكى في موضوعنا في وقت تانى

قال ذلك ثم غادر المكان .. نظر اليها "عمر" بحده قائلاً:

موضوع ایه اللی عایز یکلمك فیه

قالت ببرود:

موضوع ميخصش حضرتك

ثم همت بالإنصراف فاعترض طريقها بيده .. نظرت اليه بحده .. فقال بحزم:

" -ياسمين" .. اياكي أشوفك واقفه بتتكملي معاه تاني

تحولت نظرات "ياسمين" الى الدهشة وقالت:

يعني ايه ؟

قال بحزم:

-يعني اللى سمعتيه .. متقفيش تتكلمى معاه تانى لأى سبب .. ومن بكرة هقول لدكتور "حسن" يشوف حد غيرك يشرحله الحالات

شعرت بالحنق والضيق فقالت:

ليه بأه ممكن أعرف السبب

صمت قليلاً ثم قال ببرود:

-أحب أحتفظ بالأسباب لنفسى

قال نفس جملتها التى قالتها عندما سألها عن سبب رفضها اياه .. سالته قائله:

انت مالك ومالى ؟

نظر اليها بنظرات شعرت بأنها تخترق أعماق روحها .. قال فجأة بصوت رخيم:

-انتی بتاعتی

ارتجف قلبها .. قالت وقد اعترتها الحيرة:

۔ایہ

تعمقت نظراته في عينيها أكثر لتشل أي قدرة لها على المقاومة .. وقال بصوت خافت:

ـزی ما سمعتی .. انتی بتاعتی

ثم أردف قائلاً بصوت هامس وعيناه تعانقان عينيها:

مهما قولتى مش هسيبك .. لأنك بتاعتى خلاص .. ملكى أنا وبس .. لا هسمحلك تبعدى عنى .. ولا هسمح لأى حد انه يقربلك

قال ذلك وتركها خلفه وصدى كلماته يتردد فى أذنها .. تحاول استيعابها فى حيره .. وعلى الرغم من قدرتها على السيطرة على تعبيرات وجهها .. إلا أن قوتها لم تكفى لتسيطر على قلبها الذى أخذ يقفز فرحاً لكلماته.

عاد "عمر "الى منزله كالعادة سلم على الجميع ثم صعد الى غرفته.. تركته أمه وشأنه طيلة الأيام الماضية ولم يقترب أحد منه.. قالت مدام" ثريا" بحده:

حماله عامل كده أكن ميتله حد .. أحسن انه خلص منها أوام أوام .. بكرة يلاقى اللي أحسن منها مليون مرة

قامت "كريمة" وتوجهت الى غرفة ابنها دخلت وأغلقت الباب وجدته كما المرة الماضية يجلس فى الظلام شارداً حزيناً .. اقتربت منه لتجلس على المقعد بجواره .. نظر اليها فى صمت .. ثم عاود النظر الى تلك السماء أمامه التى تزينت باللون الأسود .. كالسواد الذى يشعر بأنه يغمر قلبه ويغرقه فيه .. نظرت اليه "كريمه" قائله:

انت بتحبها أوى كده يا "عمر" ؟

تنهد بقوة .. وصمت دون أن يجيب .. سألته قائله:

-هى ليه رفضتك

رد بهدوء قائلاً:

-معرفش

-يعنى محاولتش تتكلم معاها

-حاولت

-وقالتلك ايه

-مرضتش تريحنى وتقولى السبب

صمتت "كريمة" تفكر للحظات .. ثم نظرت الى ابنها قائله في حنان:

-هی تستاهل ؟

تلألأت العبرات في عين "عمر" خفق قلب أمه لرؤية تلك العبرات التي تعلم جيداً أنها لا تعلن عن ظهروها إلا إذا كان الخطب جلل .. أيقنت عندئذ أن ابنها غارق في الحب حتى النخاع .. تمتم "عمر" في خفوت:

-أيوة تستاهل

ابتسمت الكريمة القائله:

-أكيد تستاهل .. طالما قدرت تأثر فيك كده يبقى أكيد تستاهل

نظر "عمر" الى أمه التي ابتسمت قائله:

-فاكريا "عمر" لما كنت صغير وكان عندك قفص كبير أوى فيه عصافير.. كنت كل فترة تشترى عصفورة وتضمها للقفص الكبير.. كنت بتحبهم ومهتم بيهم أوى.. بس كان فى عصفورة كانت مميزة أوى بالنسبة لك .. وكنت بتحبها أكتر عن باقى العصافير اللى فى القفص .. الوحيدة اللى كنت تخرجها بره القفص وتفضل حضينها بإيدك .. وكنت كتير أتخانق معاك عشان بتسيب مذاكرتك وتلعب معاها

ابتسم "عمر" في صمت لتلك الذكرى .. فأكملت أمه:

-و فى يوم العصفورة دى تعبت .. ونقلناها فى قفص صغير لوحدها .. انت زعلت عليها أوى لارجة انك صممت اننا نشوفلها دكتور .. وعرفنا انها تعبانه وخلاص هتموت .. انت اتأثرت أوى لأنك كنت متعلق بيها جداً .. فضلت كل يوم تحطلها الدوا بنفسك فى المايه .. وتمسكها وتحطلها الأكل فى بقها .. فضلت مهتم بيها ومراعيها .. لدرجة انى كنت بدخل عليك بالليل ألاقيك حاطط القفص بتاعها جمبك على السرير وانت نايم .. وبعد اسبوع .. العصفورة رجعت تزقزق تانى .. وخفت وبأت كويسة يوميها انت كنت هتطير من الفرحه ظلت الابتسامه مرسومه على شفتى "عمر" وقال:

-كنت مسميها "سمسمه"

وضعت أمه كفها على كفه .. فنظر اليها .. فأكملت بحزم قائله:

-ابنى مبيتخلاش أبداً عن حاجه بيحبها .. ولا بيسيبها تضيع من ايده .. وبيحارب عشان تفضل معاه .. طالما تستاهل

شعر "عمر" بأن كلمات أمه لمست وتراً حساساً فيه وبعثت في قلبه الأمل والتفائل و .. الحب .. قام من فوره وأمسكها من يدها لتقف وعانقها قائلاً:

-ربنا يخليكي ليا يا أحسن أم في الدنيا

اتبسمت "كريمة" ونظرت الى ابنها قائله:

وربنا يخليك ليا يا أحسن ابن في الدنيا

قال لها "عمر" بحماس وعيونه تلمع من الفرح:

-صدقيني هتحبيها .. أنا واثق انك لو عرفتيها هتحبيها

ربتت "كريمة" بكفها على وجنته قائله:

-طالما انت بتحبها يبأه أنا أكيد هحبها

عانقها "عمر" مرة أخرى وقد شعر بأنه اقترب خطوة أخرى .. بل قفزة أخرى .. اقترب بها من .. "ياسمين"

دخلت "ريهام" المكتب. ثم طبعت البريد وتوجهت به الى مكتب "كرم" وأعطته اياهم. وقفت ليملى عليها "كرم" الرد وبعدما انتهى. رسمت تعبيراً جاداً على وجهها ونظرت اليه قائله: -بشمهندس "كرم" كنت عايزة أطلب من حضرتك حاجه

نظر اليها "كرم" مبتسماً وقال:

-ایه ده هو النهاردة العید ولا ایه

سألته قائله:

دليه ؟

قال بمرح:

" -ريهام" بجلالة قدرها هتتنازل وتتواضع وتطلب منى أنا طلب .. يبأه لازم يكون اليوم ده مميز

قالت "ريهام" بجديه:

-كنت عايزة أبلغ حضرتك انى احتمال آخد أجازة قريب .. بس مش أكيد لسه معرفش ابتسم قائلاً:

-وهتاخدى الأجازة اللي مش أكيد ليه

نظرت اليه وقلت:

-لاني احتمال أتخطب

اختفت ابتسامة "كرم" .. ونظر الى الأوراق التى أمامه وكأنه انشغل بها فجأة .. فأكملت "ريهام" قائله بخبث:

-أنا بس حبيت أبلغ حضرتك عشان تكون عارف انى ممكن مكنش موجودة لفترة .. بعد اذنك ثم استدارت لتنصرف و على ثغرها ابتسامه خبيثة .. تابعها "كرم" بعينيه حتى خرجت وأغلقت الباب خلفها .. جلس مكانه واجماً .. يفكر فيما قالته للتو .. وعن احتمالية خطبتها .. وجد نفسه

يشعر بالحنق والضيق .. فزفر وقال لنفسه بضيق بصوت عالى:

-أنا مالى متتخطب ولا تتهبب أنا مضايق نفسى ليه

حاول العودة الى اكمال عمله .. لكن صدى كلماتها ظل يتردد فى أذنه ليشتت أفكاره .. ووجد نفسه يتساءل عن شكل وصفة ذلك الذى سيكون قريباً خطيبها.

توجهت "ايناس" الى حيث اسطبلات الخيل وظلت تنظر حولها وكأنها تبحث عن شخص ما الى أن وجدت من يهتف من خلفها بمرح:

-ایه ده مش معقول "ایناس" بنفسها عندنا .. ایه النور ده

التفتت وابتسمت الى "مها" التي استقبلتها بالترحاب قائله:

-ازیك یا "مها" أخبارك ایه ؟

-تمام الحمد لله .. ايه الغيبة دى بقالك كتير مبتجيش المزرعة

قالت "ايناس" بنبره فيها تعالى:

-يعنى .. كنت مشغولة شوية

قالت "مها" بحفاوة:

-بس بجد المزرعة نورت

قالت لها "ايناس: "

-انتى فاضية نتكلم شوية

-طبعاً فاضية وإن مكنتش فاضة أفضالك

ابتسمت "ايناس" بترفع .. وسارتا معاً داخل المزرعة .. سألتها "ايناس" فجأة:

-تعرفى دكتورة بتشتغل هذا اسمها "ياسمين"

قالت "مها" بخبث:

-طبعاً أعرفها .. هو أنا بيخفى عنى حاجه برده .. عيب عليكي

ابتسمت ايناس قائله:

-أروبة طول عمرك .. أنا قولت برده ان انتى اللي هتجبيلي من الآخر

سألتها "مها" بإهتمام:

-انتى بتسألى عنها ليه ؟

-عايزة أعرف كل اللي تعرفيه عنها

ققالت "مها" بحماس:

-بصى يا ستى ..هى وأختها وأبوها .. البشمهندس "عمر" جبهم المزرعة هنا عشان يخبيها من جوزها

قالت "ايناس" بدهشة:

-پخبیها منه ؟

قالِت "مها" وهي تشعر بالسعادة لإمتلاكها معلومات قيمة تصب بها في أذن "ايناس: "

-أصل جوزها ده كان عايز يرجعها البيت بالعافية وهي رفعت عليه قضية خلع .. فالبشمهندس "عمر" جبها هنا يخبيها منه وشغلها هي وأختها وأبوها في المزرعة .. ومن فترة صغيرة

اتحكملها بالخلع .. وخلاص اطلقت منه

شردت "ايناس" قليلاً ثم قالت:

-ها وایه کمان ؟

-هما التلاته ساكنين هنا في المزرعة في سكن العمال

قالت "ايناس" بسخرية:

-سكن العمال ؟

سخرت "مها" هي الأخرى قائله:

-أيوة هي وأختها أعدين في أوضة .. وباباها في أوضة

-وایه کمان تعرفیه

قالت "مها" بخبث:

-اللى أعرفه كمان انها بتلف حولين البشمهندس "عمر" .. وأختها بتلف حلولين البشمهندس "كرم" .. عقربتين هما الاتنين بنات مش سهله

رفعت "ايناس" حاجبها قائله:

-يعنى أختها كمان بتلف على "كرم"

قالت "مها" بحماس:

-أيوة دى مش عتقاه وبيفضلوا مع بعض بالساعات جوه فى المكتب بحجة انها السكرتيرة بتاعته .. وحتى "ياسمين" كل شوية تتحجج وتروح للبشمهندس "عمر "المكتب ..بس الشهادة لله هو مش مديها وش أبدا و على طول يطنشها

قالت "ايناس" بسخرية:

-اظاهر انك مش دريانه باللي بيحصل .. "عمر" عايز يتجوزها

ضربت "مها" بكفها على صدرها قائله:

-ايييييييييه يتجوزها ؟

-آه شوفتى المصيبة .. يتجوز واحدة مطلقة ومش بس كده لا بتشتغل هى وأهلها عندنا وساكنين فى سكن العمال .. يعني فضيحة كبيرة جداً لعيلتنا

قالت "مها" بحقد:

-بنت التيييييييييييي .. عرفت تلعبها صح .. وقعته وجابت رجليه .. أنا من أول ما شوفتها وأنا قولت البنت دى مش سهله .. وطلع معايا حق

قالت "ايناس" بحده:

-انتى عبيطة يا بنتى .. انتى ليه مدياها أكبر من حجمها

-عرفت توقع البشمهندس "عمر" وتخليه هيتجوزها

هتفت "ايناس" بغضب:

-ومین قالك انه هیتجوزها .. كل الحكایة ان "عمر" هفت علیه نفسه یجرب حاجه جدیده مجربهاش قبل كده .. هی حاجه لوكل أوی بس نفسه هفته علیها .. زی ما بتفضلی تاكل أكل نضیف كل یوم و فجأة نفسك تهفك علی طبق كشری .. هتتخطبلها یومین زی "نانسی" و تروح لحال سبیلها لما یعرف انه غلط غلطة عمره انه فكر فی واحده مش من مستواه

تركت "أيناس" "مها" تتخبط في مشاعر الحقد والغضب الذي اشتغل بداخلها .. وذهبت الى حيث تعمل "ياسمين" .. أرادت رؤية تلك الفتاة التي اختارها "عمر .. "التقت باولاء" .. التي لم تعيرها أدنى اهتمام فإقتربت منها "ايناس "وسألتها:

نظرت اليها "ولاء" في قلق ثم أشارت الى المكان الذي تقف فيه "ياسمين" وهي تعطى بعض الملفات الى دكتور "حسن" انتظرتها "ايناس" وعندما أقبلت "ياسمين "بإتجاهها .. نظرت اليها "ايناس" بسخرية كما فعلت والدتها من قبل ..توقفت" ياسمين" أمامها وقد شعرت بالدهشة الممزوجة بالغضب لنظرات تلك الفتاة الساخرة .. قالت لها "ايناس" بتعالى: -تمام زي ما وصفتك ماما

تذكرتُ "اياسمين" تلك الفتاة .. انها نفس الفتاة التي استقبلها "عمر" على البوابة وألقت بنفسها بين ذراعيه وقبلته .. انها "ايناس" ابنة عمته .. وبالتأكيد أتت لتلقى على مسامعها بعض ما ألقته عليها والدتها من قبل .. شعرت بالحنق والضيق والغضب .. ألا يعلمون أنها رفضته .. فلماذا لا يتركوها وشأنها

قالت لها "ياسمين" بحزم:

-بعد اذنك

وهمت بالإنصراف .. لكن "ايناس" أوقفتها قائله:

-مش عايزه تعرفي أنا مين ؟

التفتت اليها "ياسمين" قائله ببرود:

-لأ ميهمنيش أعرف

قالت "ايناس" بترفع دون أن تلتفت لكلامها:

-أنا "ايناس" بنت عمت "عمر"

صمتت "ياسمين" ولم ترد .. فأكملت "ايناس" بتعالى:

-مش بنت عمته بس .. أنا كمان بشتغل معاه في الشركة مديرة العلاقات العامة .. وغير كده أنا و"عمر" متربيين مع بعض من واحنا صغيرين ومكناش بنفترق أبداً

صمتت قليلاً ثم قالت بخبث:

-يعنى تقدرى تقولى أنا حب الطفوله والمراهقة بتاع "عمر"

قالت لها "ياسمين" بحزم:

-كل الكلام اللي حضرتك بتقوليه ده ميخصنيش في حاجه .. بعد اذنك

والتفتت ودخلت الى مكتبها . ظلت "ايناس" تنظر اليها بغل لبرهه ثم انصرفت

شعرت "ياسمين" بالغضب يعصف بدآخلها .. لكنها كأنت مصممه على ألا تدع أحداً يقلل من شأنها أو يحط من قدرها .. هى لن تتخلها عن ملابسها المحتشمة وحجابها لترضى من حولها أو ليقال عنها راقية .. فليقل من حولها ما يقولون طالما ترضى ربها ولا تعصيه .. فلا شئ آخر يعنيها .. كانت تثق بأن من أرضى الناس وأسخط الله سخط الله عليه وأسخط عليه الناس .. لذلك كانت قاعدتها التى تضعها دائماً نصب عينها .. من وجد الله فماذا فقد ومن فقد الله فماذا وجد

ذهبت "ياسمين" الى استراحة الغداء .. حاولت أن تتجنب النظر الى "شيماء" و" مها" حتى لا يطلبا منها الإنضمام اليهما .. ذهبت للجلوس برفقه "ولاء "وأصدقائها .. رحبت بها "ولاء" وعرفتها على الفتيات الثلاث الجالسات معها .. ظلت تستمع الى حديثهن المازح وتتشارك معهن في الحوار والمزاح .. كانت سعيدة بصحبتهن للغاية .. أنهت غدائها وأثناء انصرافها وجدت "مها" توقفها قائله:

-مش كنتى تعرفينا يا عروسه .. عشان نفرحلك

نظرت اليها الياسمين البدهشة .. فقالت المهاا بتشفى:

-يا بنتى أنا مفيش حاجة هنا تستخبى عليا

قالت الياسمين البحده:

-عرفتي منين ؟

قالت "مها" مبتسمه:

-مصادري الخاصه

قالت "ياسمين" بإندفاع وبدون تفكير:

-البشمهندس "عمر" هو اللي قالك؟

صمتت "مها" قليلاً .. وشعرت بأنها تصيدت فرصة لتعكر صفو مزاجها فقالت:

-مش هریحك هسیبك علی نارك كده

ثم تركتها وغادرت القاعة .. شعرت "ياسمين" بالحنق الشديد .. أ "عمر" من أخبرها .. ولماذا يخبرها .. لماذا أصلاً يتحدث في هذا الموضوع .. ألم ينتهى برفضها اياه .. أحقاً يقصد ما قاله لها بأنه لن يتركها .. وبأنها أصبحت له وملكه .. أشعرتها تلك الكلمات بالقشعريرة .. حاولت نفض تلك الكلمات من رأسها .. وعادت في طريقها الى المكتب .. لكنها لدهشتها دخلت لتجد "عمر "جالس في مكانها يمسك بيده ميداليه مفاتيحها الموضوعه على المكتب يقلبها بين أصابعه .. رآته فتسمرت مكانها .. رآها فنهض ليقف في مواجهتها .. ابتسم لها قائلاً:

-ازیك یا "یاسمین"

دخلت المكتب فأفسح لها الطريق .. جلست على مكتبها وأخرجت أحد الملفات وقلم وبدأت فى تدوين بعض الملحوظات دون أن تتحدث معه أو تنظر اليه .. استند بكفيه على المكتب وأخذ يتفحص وجهها .. والتعبيرات الغاضبة الواضحه عليه .. فسألها قائلاً:

-مالك في حاجه ضايقتك ؟

نظرت اليه قائله:

-أيوة

-ايه اللي مضايقك

قالت بحده:

-انت

ابتسم لها ابتسامه أشاحت وجهها بسرعه حتى لا تقع تحت تاثير سحرها .. قال بصوت حانى: -مضايقه منى ليه

هبت واقف في مواجهته .. فاعتدل في وقفته قالت بحده:

-أولا أنا مش حبه أبداً الاسلوب اللى انت بتكلمنى بيه لازم يبقى فى حدود بينا يا بشمهندس .. ثانياً كل شوية أشوفك أدامى أكن مفيش وراك حاجه فى المزرعة دى غيري .. ثالثا انت ليه قولت لـ "مها" انك اتقدمتلى ؟

قال "عمر" بهدوء:

-أولاً: أنا مش شايف انى تجاوزت حدودى معاكى فى الكلام.. ثانياً: أيوة ورايا حاجات كتير فى المزرعة بس انتى أول اهتماماتى.. ثالثاً: أنا مبتكلمش مع الدكتور "مها" أو غيرها عن حاجه تخصنى

قالت بإستغراب:

-أمال مين اللي قالها؟

قال شارحاً:

-ممكن من "ايناس" بنت عمتى .. لأنهم يعرفوا بعض

شعرت "ياسمين" بالغضب يشتغل بداخلها مرة أخرى على ذكر "ايناس" تلك .. وعاودتها ذكرى رؤيتهما معاً متعانقان ..فقالت بشئ من الحده:

-طيب لو سمحت عرف قرايبك ان الموضوع انتهى .. لانى مش حبه ان حد يتكلم معايا في الموضوع ده .. ولا حبه ان حد في المزرعة يعرف الموضوع ده

اقترب برأسه منها لينظر الى عينيها مباشرة .. فارتجفت .. كانت نظرته صارمه حازمه مصممه .. قال بصوت وكأنه أتى من مكان سحيق:

" -ياسمين" الموضوع منتهاش .. احنا لبعض .. دلوقتى .. بعد شهر .. بعد سنة .. ميهمنيش أستنى أد ايه .. المهم انك في الآخر هتبقى ليا أنا

ارتجف قلبها .. فخرج صوتها مرتجفاً:

-انت ليه مصر الإصرار ده

قال وقد لمعت عيناه:

-انتى اللى عملتى فيا كده .. وخلتيني مش شايف غيرك .. لما ببصلك بحس ان فى حاجه قوية ربطانى بيكي .. وبتشدني نحيتك .. مش عارف أتحرر منها

ابتسم ابتسامه عذبه قائلاً:

-ولا عايز أتحرر منها

ألجمتها كلماته .. واشتعلت النيران في وجنتيها .. فغادرت مسرعة .. كالعادة .. لتهرب منه .. ومن نفسها.

كانت "ريهام" في مكتبها تضرب بأصابعها على لوحة المفاتيح أمام الكمبيوتر .. عندما شعرت بأحداً يقف بجوارها مبتسماً .. قائلاً:

-ازیك یا آنسه "ریهام"

قالت له بيرود:

-أفندم .. حضرتك عايز البشمهندس "كرم" في حاجه

-لأ .. أنا كنت عايز أتكلم معاكى في الموضوع اللي فتحته معاكى .. يعني عايز رقم والدك .. أو ولي أمرك

ابتسم بحرج قائلاً:

-يعني بصراحة أنا معرفش تفاصيل أوى عنك .. وحابب أعرف شوية حاجات

وقفت وقالت له بنفاذ صبر:

-دكتور "هانى" أنا مشغولة دلوقتى لو سمحت

وفجأة وجدت "كرم" يدخل الى المكتب يحمل ملف قائلاً:

" -ريهام" لو سمحتى عايز.....

قطع كلامه عندما وجد "هانى" فى المكتب وقف يتحدث الى "ريهام" .. شعر الحنق .. نظر اليه "هانى" قائلاً:

-ازیك یا بشمهندس "كرم" .. احنا اتعرفنا قبل كده

قال "كرم" بلا مبالاه:

-بجد ؟ .. مش فاكر

ثم التفت الى "ريهام" قائلاً ببرود:

- عايز نسختين من الملف ده .. دقيقتين وتجيبيه عندى في المكتب

ثم ألقى نظره صارمه على "هانى" وخرج من المكتب .. بعد خمس دقائق دخلت" ريهام" المكتب تحمل الملفات المطبوعة وضعتهم أمامه وهمت بالإنصراف .. لكنه استوقفها قائلاً بحده

•

-المكتب ده مفتوح للشغل مش لغرامياتك يا آنسه "ريهام" .. بعد كده عايزة تقابلي خطيبك يبأه مش في المكتب عندك أماكن كتير في المنصورة تخرجي فيها معاه

هتفت بغضب قائله:

-لأ استوب عندك .. أنا مسمحلكش انك تقولى الكلام ده .. أولا أنا مليش فى الغراميات وقلة الأدب .. ثانياً : حتى لو هو خطيبي فأنا مستحيل أخرج معاه .. ثالثا : أنا لسه موافقتش عليه يعني مسمحلكش انك تقول عليه خطيبي أصلاً .. رابعاً : لو اتكلمت معايا بالاسلوب ده تانى أو لمحت بأى تلميح مش محترم أنا هسيبلك الشغل وأمشى ثم غادرت المكتب وأغلقت الباب خلفها فى عصبيه

أحاط "نور" زوجته بذراعيه من الخلف عندما وجدها واقفه شاردة في شرفة غرفتهما التي تطل على الحديقة الخلفية للمنزل .. ثم قال لها مبتسماً:

-كنت عارف ان قلبك أبيض

ابتسمت قائله:

-أعمل ايه .. مبحبش النكد

ضحك قائلاً:

-ودى أكتر حاجه بحبها فيكي

اختفت ابتسامتها قائله:

-بس خايفه أوى .. خايفه "عمر" يكون مغشوش في البنت دى .. وتكون مش كويسة طمأنها قائلا:

- هو راجل ويقدر يعرف الناس كويس . وكمان حاولى تتعرفى عليها وكونى رأى عنها على الواقع بدل التخمينات اللي في راسك دى

```
-ازای بس .. البنت أصلاً رفضته
فکر قلیلاً ثم قال:
```

-ما قالكيش سبب الرفض ؟

-لأ.. بيقول مرضتش تقوله .. ودى كمان حاجه هتجننى .. مين مجنونه ترفض "عمر" .. إلا في حالة واحده

-ایه هی ؟

-یکون فی حیاتها حد تانی

تنهدت بقوة وقالت:

-أنا خايفه تكون بتحب واحد تانى .. ولا تكون لسه متعلقه بزوجها .. لو فعلاً كده" عمر" يا حبيبى هيتصدم .. ده بيحبها أوى يا "نور"

اقترح عليها زوجها قائلاً:

-طیب ما تتکلمی معاها انتی

قالت بإستنكار:

-ازای یعنی طبعا مینفعش

-طيب على الأقل حاولى تتعرفى عليها من بعيد لبعيد .. هى أصلا متعرفش شكلك .. حاولى على الأقل تشوفيها وتكونى ولو فكرة مبدئيه عنها

قالت وقد راقت لها الفكرة:

-هفكر في الموضوع ده

دخلت "ريهام" غرفتها والغضب بادٍ على وجهها .. نظرت اليها "ياسمين" الجالسه على فراشها قائله:

ايه مالك . حد ضايقك ؟

قالت "ريهام" بحده:

-الباشا قالى كلمتين حرقوا دمى

قالت "ياسمين" بإستغراب:

-باشا مین ؟

قالت "ريهام" بنفاذ صبر:

" - کرم" یا "یاسمین" مترکزی

-قالك ايه يعني

-سى بتاع اللي اسمه "هانى" ده جالى المكتب .. كان عايز رقم بابا .. و "كرم "دخل .. وبعد ما مشى .. سعمنى كلمتين سم .. قال ايه .. عايزة تقابلى خطيبك قابليه فى مكان تانى فى اماكن كتير فى المنصورة حلوة

قالت "ياسمين" بإستغراب:

-ومين قاله أصلاً ان "هاني" عايز يتقدملك .. "هاني" اللي قاله ؟

قالت بارتباك:

```
-ليه بأه ؟
                                                           صمتت قليلاً ثم قالت بخبث:
                                                               -عشان يتحرك شويه
                                                        ثم عادت لتشعر بالضيق قائله:
                                           - هو اتحرك فعلاً بس اتحرك في الإتجاه الغلط
                                                            ابتسمت "ياسمين" قائلاً:
                                                        -أحسن وقعتى في شر أعمالك
                                                                  ثم استطردت قائلاً:
                                                   -انتى ناويه توافقى على "هانى" ؟
                                                             قالت "ريهام" بإستنكار:
                                         " -هاني" مين ده اللي أوافق عليه ده حتت عيل
                                                            ضحكت "ياسمين" قائله:
                                               -عيل ايه يا "ريهام" ده أكبر منك بسنه
                                                                       قالت بإصرار:
                                                                   -برده شیفاه عیل
                                                              قالت الياسمين البجديه:
-طيب لو افترضنا ان "كرم" اتحرك في الإتجاه الصح .. انتى مش شايفه انه فرق السن بينكوا
                                                                         كېير شوپه
                                                                    سألت "ريهام: "
                                                      -لیه هو "کرم" عنده کام سنه ؟
                                                     -يعني 37 او 38 في الحدود دي
                                                               قالت "ریهام" بدهشه:
                                                                وانتي عرفتي منين
                            ایه یا بنتی مش کان زمیل "أیمن" زوج "سماح" فی الکلیه
                                                                         -آه صحیح
                                                                 ثم أردفت أريهام: "
                            بس تعرفی شکله میجبش 37 دی خالص .. شکله یدی أصغر
                                                                   ثم هتفت في مرح:
                          وبعدين أصلا البنت أنضج من الولد اللي في سنها بـ 3 سنين ..
                                                            ضحكت "ياسمين" قائله:
                                                 يا سلام .. طيب برده لسه الفرق كبير
                                                              أكملت "ريهام" بمرح:
و "كرم" يدى بتاع 33 سنة .. نخصم منهم ال 3 سنين النضوج بتوعى يبقى كده الفرق بينى
     وبين "كرم" نفس الفرق اللي بين "سماح" و"أيمن" .. ونفس الفرق اللي بينك انتي و
                                                                            "عمر "
                                                               قالت "ياسمين" بحده:
```

-لأ مش "هاني" .. أنا اللي قولتله

لو سمحتى يا "ريهام" متحطيش اسمى مع اسم "عمر" فى جملة واحده ضحكت "ريهام" بشدة وقالت:

- ثكر يا ''ياسمين'' ثكر .. حاضر هبقى أحط بينكوا فاصله بعد كده .. أو أقولك نقطة ومن أول السطر

قامت "ياسمين" وقذفتها بغيظ بالوسادة التي كانت تستند عليها

انتهى الإجتماع المنعقد للأطباء العاملين في المزرعة مع كل من "عمر" و" كرم" و "أيمن" ... كان "عمر" طوال الإجتماع يختلس النظر الى "ياسمين" التي اختارت آبعد مقعد للجلوس عليه .. انفض الإجماع فكانت أول من غادر القاعه .. وجدت صوت خلفها:

دكتورة "ياسمين" لو سمحتى

نظرت خلقها لتجد "هانى" مرة أخرى قالت فى نفسها بتأفف (ياربي مش هنخلص(ابتسم اهانى" قائلاً:

ازی حضرتك عامله ایه ؟

قالت بنفاذ صبر:

خیر یا دکتور فی حاجه ؟

-أنا بس كنت عايز رقم والد حضرتك .. لان الآنسه "ريهام" اتكسفت تديهولى

صمتت "ياسمين" قليلاً لتتخير كلماتها ثم قالت:

مفیش داعی انك تكلم والدی یا دكتور "هانی"

قال بإهتمام:

لیه یا دکتورة

قالت بشئ من التردد:

- يعني بصراحه .. كل شئ نصيب

ـیعنی ایه ؟

وجدت فجأة من يقول من خلفها بحده:

خیر یا دکتور فی حاجه ؟

لم تلتفت لأنها تعرفت على صاحب الصوت .. "عمر" .. ها هو يتدخل في أمورها مرة أخرى .. شعرت بالحنق .. متى سيتوقف عن ذلك ويتركها وشأنها .. قال له" هاني" بحده:

موضوع بيني وبين الدكتورة "ياسمين" يا بشمهندس

قال "عمر" بحزم:

ای حاجه تخص "یاسمین" تخصنی أنا كمان

قال بهدوء:

-لأنى خطيبها

شهقت "ياسمين" بدهشة .. يا لجرئته .. بل يا لوقاحته .. كيف يجرؤ على قول ذلك .. نظرت الى "هانى" قائله وكأنها تنفى عن نفسها تهمه ألصقت بها:

-لأ مش خطيبي

نظر اليها "عمر" قائلاً بحزم:

لأ خطيبك

التفتت اليه بحده قائله:

ـلأ مش خطيبي

لأ خطبيك

شعرت "ياسمين" بسخافة في الوضع الذي وصلوا اليه فغادرت مسرعه .. أما "عمر "فقد رمق "هاني" وعيد ثم غادر هو الآخر .. وقف "هاني" مذهولاً يضرب كفاً على كف قائلاً: ـشكلي وقعت في مزرعة شوية مجانين

دخل "عمر" الى مكتبه وتبعه "كرم" ثم "أيمن" .. قال "كرم" فجأة:

-أنا مش طايق أشوف أدامى الزفت اللي اسمه "هاني شاكر" ده

قال "عمر" بحده:

ولا انا طايق أشوفه في المزرعة كلها

قال "كرم" بحده:

ـما تطرده یا "عمر" ساکت علیه لیه

-هو بيشتغل هنا يا "كرم" عشان أطرده .. ده ابن عميل عندنا طلب انه يتدرب عندنا في المزرعة

قال "كرم" بإنفعال:

ـما يشوفله أى خرابه تانية يغني فيها .. ده ايه الهم ده

سأله "أيمن" قائلاً:

ليه عملك ايه عشان تضايق منه أوى كده ؟

قال "كرم" بضيق:

-أهو أنا كده مش طايقه من الباب للطاق

سأله "عمر: "

-أكيد في سبب

-من غير سبب .. لما بشوفه بحس انى عايز أديله ألم أخلى أفاه أدام ووشه وره

ضحك "عمر" و "أيمن" .. فقال "كرم" بضيق:

بتضحكوا .. بكره أخر ما هزهق هعملها وهتشوفوا

ثم صاح في حنق:

ده وآد غتيت

ثم قام وانصرف .. سأل "أيمن" ضاحكاً:

_ماله ده

ابتسم "عمر" قائلاً:

والله ما أعرف يا ابنى

طيب انت مضايق من "هاني" ليه عملك حاجه ؟

ظهرت علامات الضيق على وجه "عمر" وقال بحده:

كُل شويه الاقيه واقف يتكلم مع "ياسمين" ولما أسأله يقولى حاجه خاصه بينى وبينها .. أما خلاص قربت أعمل زى ما "كرم" كان بيقول من شويه

ضحك "أيمن" قائلاً:

لأده انتوا الإتنين حالتكوا صعبه ميتسكتش عليها

ثم قام ليغادر قائلاً:

-أنا ماشى بأه .. آه على فكرة "ياسمين" معزومة بكرة عندنا على الغدا .. "سماح" عزماها سأله "أيمن" بإهتمام:

لوحدها ؟

ابتسم "أيمن" قائلاً:

اليوة لوحدها .. ايه عايز ايه

ابتسم "عمر" بخبث قائلاً:

-بصراحة الأكل البيتي وحشني أوي

ضحك "أيمن" قائلاً:

انت هتصيع عليا .. اخطف رجلك لحد بيت المزرعة تلاقى الحاجه "كريمة" عملالك أحلى أكل .. هو في زي نفس والدتك دي عليها أكل محصلش

ابتسم "عمر" قائلاً:

" -أيمن " خليك جدع واعزمنى بكرة على الغداء

ضحك "أيمن" ثانية:

-يا ابنى هتستفاد ايه .. حتى لو عزمتك هيبقى هما أعدين فى مكان .. واحنا أعدين فى مكان تانى

ملکش انت دعوة

طيب .. هقول لـ "سماح" انك جاى

قال "عمر" بسرعة:

بس متخلیهاش تقول له "یاسمین"

ابتسم "أيمن: "

-أموت وأعرف هتستفاد ایه .. بس ماشی هریحك .. یلا سلام

_سلام

انصرف وترك "عمر" غارقاً في التفكير.

كانت فى غرفتها "ياسمين" ساهره .. تقرأ احدى رواياتها عندما وجدت ورقه تُدس من تحت الباب .. قفزت من مكانها وأضاءت نور الغرفة .. كانت ورقة صغيره حمراء اللون .. مطوية نصفين .. أمسكتها ثم أغلقت النور وارتدت اسدالها وفتحت باب الشرفة وخرجت لتنظر منها .. ولدهشتها بعد لحظات وجدت "عمر" يخرج من باب المسكن .. ويسير فى اتجاه الطريق الذى فيه شجرتها .. كان يتهادى فى سيره وكأنه ليس فى عجلة من أمره .. خفق قلبها بشدة ..

وأغلقت النافذة .. وأمسكت الورقة بين كفيها .. لا تجرؤ على فتحها .. لكن في النهاية غلبها الفضول .. فتحت الورقة بيد مهتزه قليلاً وبقلب متلهف كثيراً .. لتجد مكتوب فيها:

متى ستعرفي كم أهواكِ يا أملاً أبيع من أجله الدنيا وما فيها لو تطلبي البحر في عينيك أسكبه أو تطلبي الشمس في كفيكِ أرميها انا أحبك فوق الغيم أكتبها وللعصافير والأشجار أحكيها انا أحبك فوق الماء أنقشها وللعناقيد والأقداح أسقيها انا أحبك... حاولي أن تساعديني فإن من بدأ المأساة ينهيها وإن من فتح الأبواب يغلقها وإن من أشعل النيران يطفيها

تسارعت نبضات قلبها الذى أخذ يرقص فرحاً لوقع تلك الكلمات عليه .. كانت تشعر وكأن قلبها نبت له جناحان وأخذ يرفرف بهما داخل صدرها .. كانت تشعر بأن الورقة التى فى يدها هى أغلى هدية حصلت عليها يوماً .. وأغلى مما تمنت الحصول عليه .. أعادت قرائتها مرات ومرات والإبتسامه على شفتيها .. مررت أصابعها على الكلمات تتحسسها وكأنها تريد حفرها فى قلبها للأبد .. لا تدرى الى متى وقفت تعيد قرائتها ببط ورويه .. طوتها وحضنتها فى كفها .. فتحت باب الشرفه مرة أخرى تتنظر عودته .. فبالتأكيد سيعود من نفس الطريق لكى يصل الى بيته .. وقفت قرابه النصف ساعه .. ثم لاح طيفه من بعيد .. فوقفت تتخفى خلف الستاره حتى لا يراها .. ألقى "عمر" نظره على الشرفه فرجعت الى الوراء خشية أن يراها .. ثم أعادت النظر مرة أخرى لتجده يكمل طريقه الى بيت المزرعة همت بالدخول لولا أنها رأت خيال مقبل فى اتجاهه دقت النظر فوجدتها" ايناس" .. وقفت تراقب ما يحدث وهى مقطبة الجبين تقدمت "ايناس" من "عمر" ووقفت أمامه قائله بإبتسامه:

كنت هربان فين ؟

قال "عمر" وهو يهم بالإنصراف:

كنت بتمشى شوية

أمسكت ذراعه لتوقفه .. شعرت "ياسمين" بالضيق وهي تراها ممسكة بذراعه على هذا النحو دون أدنى اعتراض منه .. قالت "ايناس: "

استنى يا "عمر" عايزة أتكلم معاك شويه

قال بشئ من الضيق:

مينفعش نأجل الكلام وقت تانى يا "ايناس"

قالت مبتسمه:

-لأ دلوقتى أحسن .. أنا شايفه ان المكان مناسب والوقت مناسب

نظر اليها بإهتمام قائلاً:

ـخير في ايه

اقتربت منه ووضعت كفها على صدره .. فنقل نظره منها الى كفها ثم نظر اليها فى دهشه .. فقالت بصوت هامس:

انا بحبك يا "عمر"

كان غضب "ياسمين" وصل الى ذروته .. وهى تراهما مقتربان من بعض الى هذا الحد .. دون أى اعتراض منه .. دخلت وأغلقت باب الشرفة بعنف .. وصل الصوت الى" عمر" الذى التفت بسرعة ينظر الى الشرفة الخاليه .. سأل نفسه هل سمع حقاً باب الشرفة يُغلق أم أن الصوت مصدره شيئاً آخر .. هل "ياسمين" من فعلت ذلك .. هل استيقظت .. هل قرأت ورقته .. هل خرجت الى الشرفه لتراه .. كان يسبح فى بحر الأسئله عندما أخرجته "ايناس" من شروده وهى تمسك بذراعه لتجعله يلتفت اليها قائله:

" _عمر" مردتش عليا

التفت "عمر" لينظر اليها وكأنه نسى وجودها قائلاً بحده:

" -ايناس" ايه اللي انتي بتقوليه ده

نزع ذراعه من يدها .. وتركها وغادر المكان .. زفرت بضيق ونظرت بحقد الى الشرفة التى خمنت أنها لغرفة الياسمين " ثم أعادت أدراجها الى بيت المزرعة.

استيقظت "ريهام" على صوت غلق باب الشرفة وأضاءت النور قائله:

-خير في ايه .. انتى اللي رزعتى الباب كده ؟

لم تجبها "ياسمين" .. نظرت اليها "ريهام" فوجدت علامات الغضب على وجهها فسألتها بلهفه:

فى ايه يا "ياسمين" ايه اللي حصل

التفتت لها "ياسمين" بأعين دامعه وقالت:

في ان أختك غبية جداً .. ومبتتعلمش من أخطائها ..

انهمرت عبرة على وجنتها فقامت "ريهام" واقتربت منها قائله صوت حانى:

مالك ايه اللي حصل ؟

قالت لها "ياسمين" برجاء:

" ـريهام" مش قادرة أتكلم أرجوكي ..بس عايزة منك حاجه واحدة بس

قولی یا حبیبتی

قالت بمراره:

مش عايزاكى تجيبى سيره "عمر" أدامى أبداً .. مش عايزه أسمع أى حاجه عنه .. ولا حتى أشوفه .. لحد ما أقدر أقنع بابا اننا نمشى من هنا

قالت "ريهام" بقلق:

طیب قولیلی فی ایه ؟

انحدرت دمعة أخرى على وجهها وقالت:

-فى انه واحد فاضى وبيلعب فى كل حته شويه .. بس أنا مش هكون لعبة فى ايده .. أنا مشاعرى أغلى من انى أديها لواحد زيه

قالت ذلك وتوجهت الى الباسكيت الموضوع فى أحد أركان الغرفة وأطبقت على الورقة فى قبضة يدها وألقت بها فى الباسكيت .. ثم دخلت الحمام وأغلقت الباب ورائها .. ذهب "ريهام" والتقطت الورقة التى رمتها "ياسمين" .. فتحتها وقرأتها .. ثم طوتها ووضعتها فى أحد الأدراج وهى تتنهد فى حسره.

لم تستطع "ياسمين" النوم طوال الليل ظلت تفكر فيما رأته يوم أمس .. كان أكثر ما تخشاه هو

أن يتم خيانتها للمرة الثانية .. وكل ما تراه من "عمر "يشعرها بالخوف والرغبة فى الهرب .. حياته مختلفه عن حياتها .. أفكاره مختلفه عن أفكارها .. حتى مبادئه وقوانينه وحدوده مختلفه تماماً عنها .. كانت تعلم أنه أعلن حرب ضاريه عليها .. وأنه مصمم أن يكسبها ويفز بقلبها .. لكنها ستواجهه وتحاربه وتجبره على أن يعود صفر اليدين .. يجر أذيال الهزيمة .. ستعلمه أنها ليست كغيرها .. ان أراد أن يتسلى فليبحث عن غيرها .. لأن قلبها ومشاعرها أغلى من أن تهدرهم مع رجل يريد خوض تجربه معها وتذوق شئ مختلف عما اعتاده .. نهضت من فراشها وهي مصممه على مواجهته .. وألا تدع له أي سلطان على قلبها ومشاعرها .. توضأت وصلت الضحى ثم ارتدت ملابسها وذهبت الى عملها

..أنهت "ياسمين" عملها بالمزرعة واتصلت بـ "سماح" تخبرها بأنها أنهت عملها مبكراً وبأنها ستأتى لها الآن .. وأخبرتها "سماح" أنها بإنتظارها .. التفتت "سماح" الى زوجها قائله •

-هى جايه وفاكره ان انت مش موجود .. وطبعاً ما قولتلهاش ان "عمر" كمان هيكون موجود قال "أيمن: "

-کویس کده

سألته "سماح" بإستغراب:

-نفسي أفهم "عمر" هيستفاد ايه من كده .. يعني احنا أصلا هنعد في مكان وانتوا في مكان ابتسم "أيمن" قائلاً:

" -سماح" .. "عمر" بيحبها وبيموت فيها .. وهي مش مدياله أى فرصه .. فمجرد وجوده في المكان اللي هي موجوده فيه أكيد ده شئ يسعده

سألته السماح" بشك:

-هو بجد "عمر" بيحبها ؟

قال "أيمن" مؤكداً:

-أيوة يا "سماح" .. بيحبها

تنهدت "سماح" في حيره قائله:

-أنا مبقتش عارفه حاجه .. ربنا ييسرلها الخير .. لأنها مش حمل حد يجرحها أو يلعب بيها كفايه أوى اللي شافته لحد دلوقتي

قال "أيمن" بثقه:

-أنا واثق ان "عمر" بيحبها .. وهيعوضها عن كل اللي هي شافته في حياتها .. هي بس توافق عليه وأنا واثق انها مش هتندم

بعد قرابة النصف ساعة أتت "ياسمين" .. أدخلتها "سماح" في غرفة صغيرة بجانب المطبخ تحتوى على أريكة وتلفاز .. وجلستا معاً .. أغلقت الباب عليهما قائله:

" -أيمن" بره وفي واحد صاحبه معزوم على الغدا

قالت "ياسمين" بحرج:

-طیب ما قولتلیش لیه کنت أجلتی عزومتی أنا لیوم تانی

-لأ وأنا مالى ومالهم أصلا كده أحسن كنت هبقى أعده لوحدى .. أدينا أعدين نسلى بعض .. يلا قومى ساعديني

دخلت "ياسمين" مع "سماح" المطبخ .. قالت "ياسمين: "

ایه المکرونة واللبن ده انتی ناویة تعملی ایه ؟

قالت "سماح: "

-عايزة أعمل مكرونة بشاميل جمب الأكل

قالت "ياسمين" بإستغراب:

-ما شاء الله ایه کل الأکل ده یا "سماح" انتی عازمة جیش

ضحكت "سماح" قائله:

-يا ستى اللى يتبقى أشيله في الفريزر أهو ينفع وقت ما الواحد يبقى طالبه معاه كسل

-طيب أساعدك في ايه

اقترحت "سماح" قائله:

-انتى بتعملى المكرونة بالبشاميل تحفة .. اعمليها انتى وأنا أسوى الفراخ

عملت الفتاتان معاً .. الى أن رن جرس الباب .. فتح "أيمن" .. كانت "ياسمين" تعد السلطة .. تسمرت في مكانها عندما سمعت "أيمن" يقول:

-اتفضل یا "عمر"

وما هى الالحظات حتى سمعت صوته بالخارج .. نظرت الى "سماح" بدهشة .. فقالت "سماح" معتذره:

-هما اللي طلبوا منى انى مجبش سيره

قالت "ياسمين" بإستغراب:

-مش فاهمة .. هو فاكر اننا هنعد ناكل مع بعض

قالت "سماح" بسرعة:

-طبعاً لأ. هو عارف نظام بيتنا

تذكرت "ياسمين" ما حدث الليلة الماضية ووقوفه مع "ايناس" واقترابه منها الى هذا الحد .. فعاودها غضبها من جديد .. لاحظت "سماح" تقطيبها لجبينها فسألتها قائله:

-انتى مضايقه انى ما قولتلكيش ان "عمر" جاى ؟

هزت "ياسمين" رأسها نفياً قائله:

-لأ مش كده

-أمال ايه ؟

نظرت "ياسمين" اليها قائله:

-نجهز الأكل وأحكيلك

جهزت "سماح" الطعام على السفرة .. رفضت "ياسمين" مساعدتها .. كانت تريد أن تقطع عليه أى طريق للتواصل .. إذا كان يمنى نفسه اليوم برؤيتها والتحدث معها خارج المزرعة فسوف تجعله يعود بخفي حنين .. التفت الصديقتان حول طاولة طعام صغيره فى المطبخ .. والتف الصديقان حول طاولة الطعام قائلاً:

-ما شاء الله دى وليمه

ابتسم "أيمن" قائلاً:

-احنا عندنا أعز منك يعني .. وبعدين مش انت قولت انك نفسك في الأكل البيتي ولا كان كلام في الهوا

```
ابتسم "عمر" وعندما هم بتناول الطعام .. لمعت عيناه بخبث ونظر الى "أيمن" قائلاً:
                            -هي "ياسمين" ساعدت "سماح" في تحضر الأكل ؟
                                       قالت "أيمن" وهو يبدأ في تناول طعامه:
                                     -أيوة هما مع بعض من الضهر في المطبخ
                                                    ابتسم "عمر" بخبث قائلاً:
                  -طيب اسأل "سماح" ايه الأكله اللي "ياسمين" عملاها بإيدها ؟
                                                         ضحك "أيمن" قائلاً:
                                                              -نعم يا أخويا
                                                          قال "عمر" بجديه:
                                                         " -أيمن" قوم اسألها
                نهض "أيمن" ونادى "سماح" خرجت من المطبخ فسألها مبتسماً:
                                        -هي "ياسمين" عملت ايه في الأكل ده
                                                   نظرت اليه مندهشه وقالت:
                                                              -اشمعنی یعنی
                                                                 -قولى بس
                                                   -عملت المكرونة بالبشاميل
                                                          -ساعدتيها فيها ؟
                                                         -لأ .. قولى اشمعنى
                                                                 ابتسم قائلاً:
                                                -معرفش "عمر" عايز يعرف
                                                   ضحكت بصوبت خافت قائله:
                                                           -صحبك ده غريب
عادت 'اسماح' مبتسمه وجلست مرة أخرى على الطاوله سألتها الياسمين' بفضول:
                                                                -فی حاجه ؟
                                                ابتسمت السماح البخبث قائله:
                          -معرفش .. "عمر" بيسأل ايه الأكله اللي انتي عملاها
                                                   قالت "ياسمين" بإستغراب:
                                                   -اشمعنی یعنی .. و هو ماله
                                                      ضحكت "سماح" قائله:
                                                            -أنا أعرف يختي
                                                           عاد "أيمن" قائلاً:
                                  -عامله المكرونة بالبشاميل يا سيدى .. ارتحت
               ابتسم "عمر" قائلاً وهو يزيح الطبق من أمام صديقه ويضعه أمامه:
                                       -تمام .. يبقى المكرونة اتصادرت يا باشا
                                                         ضحك "أيمن" قائلاً:
                                          -نعم یا اخویا .. أنا عایز أكل مكرونه
```

-ابقى خلى مراتك تعملهالك

```
-والله انت بتهرج
                                            قال "عمر" بجديه:
-ومش بس كده .. باقى صنيه المكرونة تتلف عشان هاخدها وأنا ماشى
                                           ضحك "أيمن" قائلاً:
                          -صدق الواد "كرم" .. الحب بهدله فعلاً
                                          -طب کل وانت ساکت
```

انتهى الجميع من تناول طعامهم .. أزاحت "سماح" الأطباق من السفرة وقالت لـ "أيمن" الذي كان يغسل يديه في الحمام:

-الأكل زى ما هو .. "عمر" مكلش حاجه

ابتسم "أيمن" بخبث قائلاً:

-مرضاش ياكل إلا مكرونة بالبشاميل .. وممدش ايده على حاجه غيرها

ضحكت ''سماح'' بصوت خافت فأكمل ''أيمن: "

-وبيقولك لفى باقى الصنية عشان هياخدها معاه وهو ماشى

ازدادت ضحكات "سماح" ودخلت المطبخ نظرت الى "ياسمين" التى ابتسمت وهي تنظر اليها بدهشه قائله:

-ما تفرحينا معاكى

قالت "سماح" بإبتسامه:

-والله الراجل ده مجنون

-مین ؟

" -عمر"

قالت "ياسمين" بلا مبالاة:

-لیه یعنی

نظرت اليها "سماح" بخبث قائله:

-البشمهندس مرضاش ياكل غير الأكله الوحيدة اللي حضرتك عملاها بإيدك

احمرت وجنتا "ياسمين" وتلاشت النظر الى صديقتها .. فأكملت "سماح" بخبث:

-وكمان طالب باقى الصنية مش هيسمح لحد فينا يمد ايده عليها ومرضاش يخلى "أيمن" ياكل

هتفت "ياسمين" قائله وقد احمرت وجنتاها بشدة:

-بيهرج ده ولا ايه

ثم غيرت الموضوع قائله:

-يلا نعمل الشاي

كانت تشعر بداخلها بالحنق الشديد .. لأنه يستطيع وبطرقه الغريبه أن يلمس أوتار قلبها على الرغم من السدود والأسوار التي تبنيها حوله .. على الرغم من قرارها هذا الصباح .. إلا أنها لم تستطع ان تنكر أنها تشعر بسعاده خفيه مما فعل

-يعنى ايه وافقتى ؟

قالت "تريا" هذه العبارة بحده وهي جالسه في الصالون مع "كريمه" يحتسيان الشاى الساخن .. قالت "كريمه: "

" -عمر" راجل یا "ثریا" منقدرش نفرض علیه مین یتجوزها ومین میتجوزهاش ترکت "ثریا" کوب الشای من یدها قائله بغضب:

-يعني انتى موافقه ان ابنك يتجوز البنت دى ؟ .. ابنك اللى تعبتى فى تربيته وتعليمه لحد ما وصل للمركز اللى هو فيه آخره صبرك تبقى واحدة زى دى لا ليها أصل ولا فصل وكمان متجوزه قبل كده

قالت "كريمه" بحزم:

-طالما "عمر" اختارها عشان تكون زوجه ليه .. يبقى أكيد هى بنت كويسة .. وأنا ميهمنيش أبداً اذا كانت غنية أو فقيرة

ابتسمت "ثريا" بسخريه قائله:

-طبعاً ميهمكيش .. انتى بالذات ميهمكيش وأنا وانتى عارفين السبب

شعرت "كريمه" بالحنق وقامت لتغادر المكان وعينا "ثريا" تتبعها بنظرات ساخره .. أمسكت كوب الشاى مرة أخرى .. ورشفت رشفه ثم قالت لنفسها بتصميم:

-أنا هعرف ازاى أمنع الجوازه دى .. وأرميها هى وأهلها بره المزرعة

ظلت تفكر وتفكر حتى تولد في عقلها فكرة خبيثه

"عود كبريت مشتعل وسيجاره مشتعله بجوار الاسلاك العارية كافي لاشعال النار في المكان وتحويله الي رماد"

سألت "سماح" "ياسمين" وهما جالستان معاً يتسليان بأكل اللب والسودانى:

-ها ماقولتيش ايه اللي كان مضايقك وانتى في المطبخ وقولتيلى هحكيلك بعد ما نجهز الغدا تنهدت "ياسمين" ولم تجب .. قالت "سماح: "

-ايه هو الموضوع صعب للدرجة دى

نظرت اليها "ياسمين" قائله بأسى:

" -عمر" ابارح جه عندى أوضتى وسبلى ورقة من تحت الباب

ابتسمت "سماح" قائله:

-بجد؟

أكملت "ياسمين" وعلامات الحزن باديه على وجهها:

-أيوة .. عرفت انه هو لاني فتحت البلكونه وشوفته

سألتها "سماح" بلهفه:

-فين الورقة معاكى ؟ وريهالى

قالت "ياسمين" بحده:

-رميتها في الزباله

اندهشت السماح القائله:

-ليه ؟ .. طب قريتيها طيب ؟

قالت "ياسمين" بحرج:

-أيوة قرتها وكنت هحتفظ بيها كمان .. كان فيها شعر

ابتسمت السماحا قائله:

-مكنتش أعرف انه رومانسى كده

التفتت اليها الياسمين البحده قائله:

-لأده رومانسي أكتر مما تتوقعى .. لدرجة ان الرومانسيه بتدلدق منه وهو ماشى وتغرق أى بنت تيجي جمبه

قالت "سماح" بإستغراب:

-قصدك ايه ؟

ظهرت علامات الحزن مرة أخرى على وجه "ياسمين" قائله:

-امبارح بعد ما قریت الورقة .. استنیته فی البلکونه .. لانه مشی فی طریق غیر طریق بیته .. وبعد ما رجع لقیت بنت عمته جایه نحیته و وقفوا سوا .. ودمی اتحرق یا "سماح" حسیت انی غبیة انی اتأثرت بالکلمتین اللی کتبهملی

-ليه؟ .. كانوا واقفين بيتكلموا عادى أكيد

قالت بحده:

-لأمش عادى .. واقفين بمنتهى قلة الأدب .. ومقربين من بعض جدا .. شوية شوية كان هيحضنها .. والله أعلم أصلا حضنها ولا لأ أنا دخلت بسرعة ورزعت الباب ورايا زفرت "سماح" قائله:

-المشكلة انه مش عارف انه بيعمل تصرفات تضايقك .. هو بيتصرف كده لانه اتربى ان ده عادى وانها زى أخته والكلام العبيط ده

احتدت "ياسمين" قائله:

" -سماح" انتى مشفتيهمش امبارح .. مكنتش أبداً واقفة واحد مع اخته .. بقولك شوية وكان هيحضنها

ثم أكملت بصرامة:

اذا كان بالنسبه له الأمور دى عادى يبقى ميلزمنيش .. ده واحد أصلاً مش عارف يفرق بين الحلال والحرام .. وعمال سايح مع كل واحده شويه .. ملوش أى حدود ولا أى خطوط حمرا .. واحد زى ده سهل عنده أوى انه يخون .. ويقع فى الغلط .. لأن حياته أصلاً غلط .. وتجاوزاته مع البنات لا تعد ولا تحصى .. ده غير أصلاً ان فى بنات راميه نفسها عليه .. يعني ده واحد الحرام أدامه عيني عينك كده وعلى طبق من فضه .. لو مفيش خوف من ربنا فى قلبه .. وحدود بينه وبين البنات .. يبقى ايه يضمنلى انه ما يخونيش .. مفيش فرق بينه وبين المصطفى الاتنين بيستحلوا حاجه حرام .. وبيكابروا فى الغلط

صمتت قليلاً ثم أكملت قائله بسخريه:

-ده غير بأه انى كل شوية ألاقى حد من عيلته ناطط أدامى .. وبيتعاملوا معايا بكل غرور .. أكنى واحده من الشارع .. أكنى راميه نفسي عليه زى البنات اللى يعرفها

سألت "سماح" بإهتمام:

- حد كلمك تانى غير عمته ؟

قالت "ياسمين" بسخريه:

-أيوة بنت عمته .. اللي اسمها "ايناس" .. اللي كانت واقفه معاه امبارح .. وقال ايه بتقولى

أنها حب الطفوله والمراهقة بالنسبة للبشمهندس

صمتت قليلاً ثم قالت بغضب مكتوم:

-خلیها تشبع بیه

حاولت "سماح" التخفيف عنها قائله:

-طیب خلاص متضایقیش نفسك .. ولو حد فیهم حاول یکلمك بعد کده متعبریهوش نهضت "یاسمین" ولفت حجابها وقالت لـ "سماح" وهی تحمل حقیبتها:

-أنا همشى بأه يا "سماح"

قالت "سماح" برجاء:

-خليكي أعده شوية يا "ياسمين" .. "أيمن" آعد مع "عمر" وأنا هفضل أعده لوحدى قالت "ياسمين" بأسف:

-معلش يا حبيبتى نفسي أعد معاكى أكتر .. بس انتى عارفه بخاف أمشى بالليل خاصة انه طريق سفر

-فعلاً معاكى حق .. خلى بالك من نفسك وطمنين لما توصلى

قبلتها "ياسمين" وخرجت مسرعه دون أن تنظر للرجلان الجالسان في الصالون .. أغلقت الباب خلفها فنهض "عمر" قائلاً:

-يلا أشوفك بكره

ابتسم "أيمن" قائلاً:

-متعد شویه یا ابنی

توجه "عمر" للباب قائلاً:

-زهقت منك .. يلا سلام

فتح "عمر" الباب ثم أغلقه مرة أخرى والتفت الى "أيمن" قائلاً:

-فين صنيه المكرونة بتاعتى

نظر له "أيمن" بدهشة قائلاً:

-انتی هتاخدها بجد

قال له "عمر" بجديه وعيونه تلمع من المرح:

-أمال هسيبهالك .. يلا هاتها

دخل "أيمن" ليجد "سماح" التي كانت تستمع الى الحوار تمد يدها بالصنية المغلفة وهي تحاول كتم ضحكاتها .. عادر "أيمن" اليه وهو يضحك قائلاً:

-والله أنا أول مرة أشوف ضيف يجبر صاحب البيت انه يعزمه على الغدا .. ومش بس كده لأ ياخد باقى الأكل معام وهو مروح

ابتسم "عمر" قائلاً:

-خلاص هتذلنى .. عليا ليك عزومة ان شاء الله

حمل "عمر" الصنية ونزل بسرعة .. رآى "ياسمين" واقفه تنتظر سيارة أجره .. فأسرع الى سيارته ووضع فيها ما يحمله .. نظرت اليه "ياسمين" بدهشة قائله فى نفسها (معقول خد الصنيه وهو نازل ده يبقى مجنون رسمي) .. أوقفت التاكى وركبت ثم ولدهشتها .. وجدت "عمر" يفتح الباب الأمامى ويأمر السائق أن ينطلق .. ألجمتها المفاجأة .. كان يعلم أنها ذاهبة الى موقف الدراسات لتركب سيارة أخرى الى المزرعة فاخبر السائق عن نفس المكان الذى

ستذهب اليه .. وبهذا سار السائق في طريقه .. كانت "ياسمين" تحاول استيعاب ما يفعله .. ولماذا يفعله .. اما هو فظل ينظر اليها في المرآه الجانبيه و هو يبتسم بين الحين والآخر .. لكنها تحاشت النظر في هذا الإتجاه تماما حتى لا تتلاقى عيناها بعينيه .. وصلا الى الموقف .. نزلت "ياسمين" لتبحث عن سيارة متوجهه الى مكان المزرعة .. وجدت بسهوله ركبت في المقعد خلف السائق .. ولدهشتها للمرة الثانية وجدت "عمر" يصعد ليركب بجوارها .. نظرت اليه بدهشة ممزوجه بالغضب .. لكنه قابل نظرة الغضب في عينيها بنظرة مرحه وابتسامه عذبه .. التفتت لتنظر الى النافذة وصممت أن تنظر منه طوال الطريق وألا تلتفت الي" عمر" أبداً .. وضعت حقيبتها بينهما .. أخذ ينظر الى الحقيبة ثم اليها .. نظرت اليه بتحدى .. فنظر اليها بمكر .. ووجدته يميل عليها قليلاً ويهمس قائلاً:

-لو بتعملی کده مع ای حد یرکب جمبك .. فدی حاجه تبسطنی

التفتت لتنظر الى النافذة دون أن ترد عليه .. اكتمل العدد وانطلق السائق فى طريقه .. لم يعتاد العمرال بالطبع على ركوب المواصلات العامة .. لذلك كان يجهل أن المعقد الذى اختاره تحديداً هو أسوأ موضع فى السيارة لأن الراكب فى هذا المقعد تصبح عليه مهمة اعطاء الأجره من الركاب الى السائق وباقى المال يعيده الى الركاب .. كل دقيقتين يجد من يربت على كتفه ليعطيه الأجرة وينتظر الباقى .. شعر بالحنق والضيق .. أما الياسمين فكانت سعيدة للغاية عندما التفتت اليه ورأت علامات الضيق على وجهه .. شعرت بأنها انتقمت منه بطريقه ما .. نظر اليها ليجدها تنظر الى الشباك مبتسمه .. فإبتسم وأمال برأسه تجاهها قائلاً بهمس:

-فداكى .. المهم انى آعد جمبك

تلاشت ابتسامتها .. وخفق قلبها .. تبا لك أيها القلب الذي لا تكاد تسمع صوته حتى تقفز ثائراً معلناً عن عصيانك لأوامري .. ظلت تنظر من الشباك .. بعد دقيقه أمال رأسه مرة أخرى قائلاً: -تسلمي ايدك المكرونة عجبتنى أوى .. مكنتش أعرف انك شاطره كده لم تبدى أي رد فعل فأكمل قائلاً:

- غرت أن حد ياكل منها غيري عشان كده خدتها معايا .. سبتها في العربية ماهات منها في العربية ماهات منها في العربية

حاولت قدر الإمكان أن تصم أذنها عن كلماته .. وألا تتأثر بما يقول .. صمت قليلاً ثم أتاها صوته بشئ من الألم:

-نفسي أفهم حاجه واحده بس .. انتى ليه رفضانى قطبت جبينها وهى تتذكر الأسباب الكثيرة التى تجعلها ترفضه

قطبت جبيبها وهي تندكر الاسباب ا حثها قائلاً:

-مش هتريحيني وتعرفيني السبب ؟

صمتت ولم تجب .. أتى مكان نزولهما .. نزل أولاً ثم نزلت "ياسمين" كانت متوجه الى البوابه عندما اعترض طريقها قائلاً حزم:

-مش هسيبك تعدى إلا لما تقوليلي سبب واحد لرفضك ليه

نظرت اليه بحده وحاولت المرور لكنه سد عليها الطريق نظرت اليه غاضبه وقالت:

-لو سمحت عديني .. ميصحش اللي انت بتعمله ده

قال بتصميم:

-أسمع سبب واحد وساعتها هعديكي

قالت بتحدى:

-مش هتکلم

قال بتحدى مماثل:

-مش هعدیکی

زفرت ونظرت حولها .. لم تجد من ينقذها من هذا المأذق .. قال "عمر" بنفاذ صبر:

-ها .. هنفضل واقفین کده کتیر

ثم قال بخبث:

-وبعدين لوحد من جوه المزرعة شافنا واقفين مع بعض أكيد هيقولوا الموضوع فيه ان ..

وانتى عارفه الناس هنا مبتسكتش

نظرت اليه بغضب قائله:

-طیب عدینی

قال ببرود:

-قولیلی سبب واحد وأنا اعدیکی

صمتت قُليلا ثم قالت بحده:

-أنا وانت مننفعش لبعض لمليون سبب

قال بنفس البرود:

-ادینی سبب واحد من الملیون سبب دول

عضت على شفتيها ثم نظرت اليه قائله:

-انت في طريق غير اللي أنا ماشية فيه .. في مليون اختلاف بيني وبينك

ثم قالت بحده:

-ممكن بأه تعديني

صمت قليلاً ثم قال:

- هساعدك انك توصلى للطريق اللي أنا فيه وتمشى معايا فيه

قالت بحزم وكأن كلامه أهانها:

-أبداً .. متمناش أبداً انى أمشى في الطريق اللي انت ماشى فيه

تأملها قليلا.. قالت فى نفسها لقد أغضبته الآن .. ولن يعاود التفكير فيها مرة أخرى .. حسناً هذا ما أردته .. وقد حصلت عليه .. أتاها صوت "عمر "الحانى وابتسامته العذبه لتصدمها قائلاً: -لو انتى مش عايزة تمشى فى طريقى .. أنا هوصل للطريق اللى انتى فيه .. وأمشى معاكى فيه

.. المهم عندى اننا نكون سوا

عانقها بعينيه للحظة قبل أن يبتعد جانباً ليفسح لها الطريق .. مشت ودخلت من البوابه .. وقبل دخولها ألقت عليه نظرة وهو يعاود أدراجه ليحضر سيارته التي تركها

-مممممم نفسها فى الأكل حلو أوى .. لأ كده انا اطمنت عليك قالت "كريمه" هذه العباره لإبنها وهما جالسان معاً على طاولة فى المطبخ ابتسم "عمر" قائلاً:

-كويس أول الطريق خطوه .. دلوقتى حبيتى أكلها بكره تحبيها ابتسمت "كريمه" قائله:

-بس انت رهيب يا "عمر" حد يتعزم عند واحد صحبه وياخد باقى الأكل وهو نازل

ضحك "عمر" بشدة قائلاً:

-نفس اللي قالهولي "أيمن"

قالت الكريمه الفي سرور:

-ربنا يسعدك يا حبيبي وينولك اللي في بالك

قبل "عمر" يدها قائلاً:

-پارب یا ماما

فى صباح اليوم التالى وقفت "كرم" على باب مكتب "ريهام .. "كان قد تحاشى الذهاب الى العمل ورؤيتها منذ أن انفعلت عليه فى مكتبه بسبب كلماته .. وقف أمام المكتب فنظرت اليه ثم عادوت عملها فى صمت .. تنحنح وشعر بالحرج قليلاً هو يقول:

-أنا آسف على الكلام اللي قولتهولك آخر مرة في مكتبي

نظرت اليه صامته .. فأكمل قائلاً:

-أنا مكنش قصدى أهينك أو أجرحك .. وأنا عارف وواثق انك بنت محترمه .. وفعلاً كلامى مكنش يصح أقولهولك

أومأت "ريهام" برأسها ثم عاودت مزاولة عملها:

تفرس فيها "كرم" قائلاً:

-يعنى خلاص سمحتينى؟

نظرت اليه قائله:

-خلاص محصلش حاجه

ابتسم وقال قبل أن يغادر .. مستنى البريد في مكتبي

أحضرت "ريهام" البريد وهي تبتسم في نفسها

فجأة سمع الجميع أصوات هرج ومرج .. خرجت "ياسمين" من مكتبها لتستطلع الأمر .. وجدت أعد العمال يجري في اتجاه .. وعامل آخر قادم مهرول من نفس الطريق فأوقفته "ياسمين" قائله:

-لو سمحت .. ايه اللي حصل ؟

قال الرجل وهو يلهث:

-عامل ايده اتحشرت في ماكنه طحن الحروب .. جه البشمهندس "عمر" يساعده قامت الماكنه طايله ايده هو كمان

أصاب "ياسمين" الفزع وشعرت بقلبها يهوى على الأرض .. أسرعت "ياسمين" فى اتجاه مخزن الأدوية وأحضرت شنطة الإسعافات الأولية .. ثم ذهبت مسرعه فى الإتجاه الذى ذهب فيه العامل .. رأت عدة عمال متجمعين خارج المبنى وأحد العمال يقف على الباب يمنعهم من الدخول

.. أسرعت وصرخت فيه قائله:

-عديني بسرعة

أفسح الرجل لها الطريق دخلت لتجد رجل نائم على الأرض وحوله رجلين .. بحثت بنظرها عن العمرا فلم تجده .. ذهبت اليهم لتجد يد الرجل في حاله يرثى لها .. فلقد أجهزت الماكينه على كفه .. والرجل فقد وعيه من شدة الألم .. خفق قلبها بقوة ترى ماذا أصاب "عمر" وأين هو الآن .. هل أصيب مثله .. جثت بجوار الرجل الفاقد الوعي وأخرجت من الحقيبه التي تجملها قماشة طويلة ربطت بها رسغه بقوة لكي تقلل من الدم الذي يفقده .. قال لها أحد الرجلين مش هتربطي كف ايده اللي بتنزف دى .. نظرت اليه قائله:

- لأن عظم كف ايده كله مكسور المفروض ميتحركش لحد ما الإسعاف تيجي تشيله زى ما هو كده

ثم قالت بلهفه:

-فين البشمهندس "عمر" ؟ .. جراله حاجه ؟

سمعت حركة خلفها نظرت لتجد "عمر" .. وقفت فى هلع وهى تنظر الى قميصه الأبيض الذى صبغ باللون الأحمر الدامى .. هتفت قائله بصوت مرتجف:

-انت كويس؟

نظر اليها يتأمل الخوف واللهفة على وجهها .. ونظرات عينيها الدامعه والتى تنتقل بسرعة ولوعه بين وجهه وكفه .. قال بصوت خافت:

-متخفیش

ازداد لمعان الدموع في عينيها وكررت سؤالها وكأنها لم تسمع اجابته:

-انت كويس ؟ .. ايدك حصلها حاجه ؟

أزاح "عمر" قطعة القماش ليريها جرحاً صغيراً في يده .. ونظر اليها قائلاً:

-الحمد لله ربنا سترها معايا ..

نظرت الى قميصه المبلل بالدماء وهي مازالت بعد تحت تأثير الصدمة وقالت:

-أمال ايه الدم اللي على قميصك ده

أجابها قائلاً:

ده مش دمی .. ده دم العامل اللی اتصاب

فى تلك اللحظة حضرت سيارة الإسعاف ونقلوا العامل اليها وأمر "عمر" رجلين من رجاله بالذهاب مع العامل الى المستشفى ومتابعته بتفاصيل حالته

تعالت صوت سرينه سيارة الإسعاف وهى تبتعد لتغادر المزرعة التفت "عمر" الى" ياسمين" مرة أخرى يتفرس فى وجهها ويراقب كل خلجاته .. قالت له "ياسمين "وهى تحاول استجماع شتات نفسها:

-لازم تطهر الجرح وتربطه .. متستهونش بیه

لمعت عيناه وابتسم لها قائلاً بصوت هامس:

-خايفه عليا ؟

تحاشت النظر اليه وقالت:

-أنا هروح أكمل شغلى .. بعد اذنك أوقفها قائلاً:

-عارفه .. أنا كنت بدأت أيأس .. وأحس انى مش ممكن هعرف أخليكي تحبينى ثم ابتسم قائلاً:

-بس أنا دلوقتي اطمنت

شعرت بأن وجنتيها سارتا جمرتين مشتعلتين ونظرت اليه قائله بتوتر وبصوت مرتجف تدافع عن نفسها:

-لو كان أى حد مكانك كنت هقلق برده أما أشوف قميصه غرقان دم كده .. يعني مش حاجه خاصه بيك انت

أخفض رأسه قليلا ونظر في عينيها مباشرة قائلاً:

-أنا مش صغيريا "ياسمين" . أنا عارف كويس ايه اللى أنا شوفته فى عينيكي شعرت بالإرتباك . خفضت بصرها ثم سارت فى اتجاه الباب . التفت "عمر" اليها قائلاً بصوت عالى:

-أيوة . اهربي العادة

كانت بالفعل تعلم أنه محق .. محق في الأمرين .. محق فيما رآه في عينيها .. ومحق في أنها تهرب.

ذهب "عمر" في اتجاه بيت المزرعة ليجد أمه مقبله عليه تهتف في لوعه:

" -عمر" ايه اللي حصل .. ايه الدم ده

نظرت الى يده هاتفه:

-مالك يا ابنى ايه اللي حصل

مسح "عمر" على كتفها وطمأنها قائلاً:

-متحفیش علیا أنا كویس ده جرح بسیط

هتفت في لوعه:

-جرح بسيط أمال ايه الدم ده ؟

قال شارحاً:

-ده دم العامل اللي اتصاب كنت بحاول أطلع ايده اللي اتحشرت في الماكنه

قالت "كريمه" بقلق:

وهو فين دلوقتى

قالت "عمر" بأسى:

-الإسعاف جم خدوه من شوية .. وأنا هطلع بس آخد شاور وأغير هدومي وأروحله على هناك دخل "عمر" البيت ثم صعد الى غرفته .. دخلت "كريمه" البيت جلست على أحد المقاعد تلتقط أنفاسها وتهدئ من روعتها ثم صعدت الى غرفة "ثريا" التى كانت تجلس مع "ايناس" لتخبرهما بما حدث .. نهضت "ايناس" وطرقت باب غرفة "عمر .. "كان قد انتهى من ارتداء ملابسه .. فتح الباب ليجد "ايناس" أمامه .. سالته قائله بصوت ناعم:

" - عمر " انت كويس .. ايه اللي طنط بتقوله ده

```
قال "عمر: "
```

-محصلش حاجه .. الحمدلله

قالت "ايناس" بعتاب:

-وانت مالك ومال العامل .. كنت تخلى أى حد من الرجاله الموجودين يساعده .. افرض كانت الماكنة ضيعت ايدك انت كمان

قال "عمر" بنفاذ صبر وضيق:

-يعني أطلب من الرجاله الواقفين انهم يساعدوه وأنا مش راجل يعنى ؟ .. أقف أتفرج عليهم ؟ حاولت امتصاص غضبه قائله بصوت ناعم:

-أنا بس كنت خايفه عليك .. أول ما سمعت من طنط جيت على طول أطمن عليك

تمتم "عمر: "

-شكراً يا "ايناس"

أمسكت يده المصابه قائله:

-مش هتروح للدكتور يشوفهالك

نزع يده من يدها قائلاً:

-ان شاء الله .. يلا سلام

ثم نزل مسرعاً وتوجه الى المستشفى التى أخذوا العامل اليها .. استقبله أحد الرجال الذين ذهبوا في سيارة الإسعاف بصحبة العامل .. فسأله "عمر" بإهتمام:

-ايه أخباره دلوقتى ؟

قال الرجل:

-بيقولوا محتاج عمليات كتير عشان ايده ترجع زى الأول .. وأهله جوه قالبينها مناحه دخل "عمر" فوجد امرأة بسيطة ترتدى السواد تبكى أمام غرفة العمليات وبجوارها رجل كبير يرتدى جلباباً ويبدو عليه البساطة هو الآخر وكان يبكى بحرقة ويتمتم بشفتيه بكلماته خافته .. قال الرجل الذى بصحبة "عمر: "

-ده أبوه .. ودى أمه

اقترب "عمر" من الرجل قائلاً:

-متقلقش يا حاج ان شاء الله هيقوم بالسلامه

قال الرجل:

-يارب .. يارب

هتفت الأم في حسره وسط شهقاتها:

-یا عینی علیك یا ابنی .. ایدك راحت یا ابنی ..

التفت "عمر" اليها قائلاً:

-متقولیش کده یا حجه ان شاء الله هیبقی بخیر

قالت له المرأة في لوعه:

-ده بيقولولك محتاج عمليات أد كده وأدوية أد كده .. واحنا ناس على أد حالنا

وانفجرت في بكاء شديد

ربت "عمر" على كتفها قائلاً:

-متقلقيش كل مصاريف العمليات والأدوية أنا هدفعهم ان شاء الله .. وكمان مرتبه هيوصل أول

```
كل شهر مش ناقص منه حاجه .. لحد ما يقوم بالسلامة ان شاء الله نظرت المرأة اليه غير مصدقه وتمتمت:

-انت مين يا ابنى و هتعمل معانا كده ليه ؟
قال "عمر" شارحاً:

-أنا "عمر الألفى" صاحب المزرعة اللى ابنك بيشتغل فيها .. وطالما اتصاب و هو بيشتغل فى المزرعة عندى يبأه أنا متكفل بكل مصاريف علاجه أمسك الرجل يد "عمر" وقبلها بسرعة .. سحب "عمر" يده .. فقال الرجل باكياً:

-ربنا يكرمك ويكفيك شر طريقك ويباركلك فى صحتك و عفيتك يا قادر يا كريم تأثر "عمر" للغاية من حالة والداه .. طلب من الرجل الذى بجواره أن يبقى فى المستشفى معهما و قام بحجز غرفة لهم كمرافقين للمريض عاد "عمر" الى المزرعة .. خرج "عمر" من السيارة فأقبل عليه "أيمن" قائلاً:
```

-الحق يا "عمر" مخزن العلف ولع

صاح "عمر" في فزع:

-ايه؟ .. ولع ؟

قال "أسمن" شارحاً وهو ينهج:

-أيوة بس متقلقش الرجاله طفوه

أسرع "عمر" الخطى الى مخزن العلف ليجد جزء كبير من العلف المخزن احترق تماماً وتحول الى رماد .. نظر الى الرجال اللذين يحملون طفايات الحريق الصغيره وقال بلهفه:

-حد اتصاب ؟

قال له أحد الرجال:

- لأ يا بشمهندس متقلقش محدش كان في المخزن

أقبل "أيمن" ليقف بجوار "عمر" فالتفت اليه "عمر" قائلاً:

-عم "عبد الحميد" فين ؟ .. مش المفروض يكون في المخزن ؟

قال "أيمن" في حيره:

-من ساعة الحريقه وهو مظهرش

قال "عمر" بإستغراب:

-غريبه

ضرب "أيمن" كفاً بكف قائلاً:

-سبحان الله حادثتين في المزرعة في يوم واحد

تركه "أيمن" وذهب ليبحث عن "ياسمين" لكنه قابل عمته وهي مقبله نحوه قائله:

-ايه اللي حصل يا "عمر"

قال "عمر" وهو يسرع بالإنصراف:

- هحكيلك بعدين يا عمتو

أمسكته من ذراعه لتوقفه وقالت بحنق:

-حرق المخزن وهرب مش كده

نظر "عمر" اليها وقال بدهشة:

-تقصدی مین ؟

قالت بحده:

-أقصد "عبد الحميد" اللي انت سلمته مفاتيح مخزن العلف ووثقت فيه بس عشان بنته تبقى حبيب القلب

شعر "عمر" بالغضب وحاول الانصراف قائلا:

-بعد اذنك يا عمتو

أوقفته مرة أخرى قائله:

-أكيد عمل كده لصالح أى مزرعة من المزارع المنافسه .. خاصة بعد ما عرفوا جودة العلف اللي بقينا بنستخدمه دلوقتى .. مش بعيد يكونوا ادوه رشوية عشان يحرقلنا المخزن .. وواحد جعان زى ده ما هيصدق طبعاً فرصة وجاتله لحد عنده

صمتت قليلاً ثم قالت بحرم:

-لازم تبلغ عن "عبد الحميد" عشان يتسجن

نزع "عمر" ذراعه من يدها ونظر اليها بصرامة ثم غادر دون أن ينطق بكلمة.

ذهب "عمر" للبحث عن "عبد الحميد" لكنه وجد "ياسمين" تقف أمام مبنى سكن العمال وتتحدث في هاتفها ويبدو عليها التوتر .. انهت مكالمتها .. اقترب منها قائلاً بإهتمام:

فى ايه يا "ياسمين" .. والدك فين ؟

نظرت اليه قائله بتوتر:

-کلمته دلوقت*ی*

قال لها "عمر: "

ازای .. هو معهوش موبایل

قالت "ياسمين" شارحه:

" _ريهام" معاه

سألها "عمر" بإهتمام:

طيب هو فين ؟ وليه ساب المخزن ومشى ؟

ابتلعت "ياسمين" ريقها بصعوبه ونظرت اليه بحيره قائله:

-بيقول ان فى حد اتصل بيه على موبايل "ريهام" وقالها انك طلبت إن بابا يروحلك على المستشفى اللى فيها العامل اللى اتصاب .. "ريهام" كانت خلصت شغلها فراحت معاه

قال لها "عمر" بدهشة:

-أنا مطلبتش من حد انه يبلغ والدك بكده .. ولا طلبت انه يروحلي على المستشفى قالت "ياسمين" في دهشة:

-أمال مين اللي كلمه .. وعلى موبايل "ريهام" كمان .. يعني حد عرفنا

قال "عمر" في حيره:

-أنا أصلاً معرفش رقم "ريهام"

قالت "ياسمين" في ضيق:

-ايه اللخبطة دى بأه

هدءها "عمر" قائلاً:

```
-متقلقيش لما ييجى والدك هنفهم منه كل حاجه
```

هم بأن ينصرف لكن نظر اليها قائلاً في حنان:

-تعالى اعدى عندنا في بيت المزرعة لحد ما والدك وأختك يرجعوا

نظرت "ياسمين" اليه قائله بحرج:

-لأ شكراً .. أنا هطلع أوضتى أستناهم

أومأ برأسه قائلاً:

-طيب براحتك .. ولما ييجى والدك خليه يجيلى .. أنا هناك عند المخزن

أومأت برأسها في صمت .. عاد "عمر" الى المخزن ليتفحص الأضرار التي لحقت به .. وجدت والده وعمته و "أيمن" و "كرم" هناك في المخزن .. استقبله "كرم "قائلا:

-فين عم "عبد الحميد" .. لسه مظهرش ؟

قال "عمر: "

-جاى في الطريق

قالت مدام "ثريا" بحنق:

-وكان فين حضرته وسايب المخزن ليه ومشى .. مش قولتك يا "عمر" هو اللى ورا الموضوع ده

قال "عمر" بنفاذ صبر:

-لما ييجى هنعرف منه الحكايه

ما هى الا نصف ساعة وجاء "عبد الحميد" بصحبة "ريهام" .. الى مخزن العلف .. هتف "عبد الحميد" بمجرد أن رآى آثار الحريق في المخزن:

-يا ستير يارب .. يا ستير يارب .. ايه اللي حصل ؟

نظرت اليه مدام "ثريا" بحزم قائله:

-المفروض حضرتك تقولنا ايه اللي حصل .. مش انت المسؤل عن المخزن

نظرت اليها "ريهام" بحده وقد شعرت بالضيق للطريقه التى تتحدث بها تلك المرأة مع والدها .. قال "عبد الحميد" شارحاً وهو مازال مذهولاً مما حدث:

-لقيت "ريهام" بنتى بتقولى ان فى واحد اتصل بهيا على الموبايل وقال ان البشمهندس "عمر" طلبنى أروحله على المستشفى اللى فيها العامل اللى اتصاب .. فقلت المخزن كويس و "ريهام" كانت خلصت شغلها خدتها معايا وروحت على المستشفى اللى الراجل ملى عنوانها

قالت "ثريا" بسخريه:

-والله .. ايه الفيلم العربي ده

سأله "عمر" بإهتمام:

-انت واثق انك قفلت المخزن كويس قبل ما تمشى يا عم "عبد الحميد" ؟

اكد له "عبد الحميد" قائلاً:

-أيوة يا بشمهندس أنا قافل القفل بإيدي

ثم أشار الى "ريهام" قائلاً:

-مش انتی یا بنتی شوفتینی وأنا بقفله؟

أومأت "ريهام" برأسها قائله:

```
-أيوة يا بابا حضرتك قفلته أدامي
                                                  صاحت "ثريا" في غضب:
-والله .. وهتشهد بنتك كمان .. ما هي أكدي هتشهد لصالحك .. أمال هتقول بابا كداب
                                                     صاحب "ريهام" بحده:
                                                               -لو سمحتي
```

أشار "عبد الحميد" بيده لـ "ريهام" كي تتوقف عن الحديث والتفت الي مدام "ثريا" قائلاً بكبرياء:

-أنا مش كداب يا هانم .. ومليش مصلحه في أذية البشمهندس "عمر" .. ولا يمكن أفكر اني أأذيه في أكل عيشه

قال العمرال يطيب بخاطره:

-محدش قال انك كداب يا عم "عبد الحميد" .. أنا مصدقك طبعاً

التفتت اليه مدام "ثريا" بحده قائله:

- يعنى ايه مصدقه ؟ .. هتسيبه يفلت من غير عقاب ؟

قال لها أخيها:

" -ثريا" مفيش داعى للكلام ده

قال "عمر" بصرامه:

الو سمحتی یا عمتو مبحبش حد یتدخل فی ادارتی لشغلی

قالت عمته بسخريه:

-ده مش شغل یا بشمهندس .. انا وانت واللی واقفین دول کلهم عارفین انت بتعمل کده لیه .. عشان ست الحسن طبعاً

صاح "عبد الحميد" بغضب قالاً:

-لو سمحتى يا هانم .. كله إلا بنتى مقبلش ان حد يجيب سيرتها بكلمه

قال "عمر" بصرامة:

-ولا أنا أسمح ان حد يجيب سيرتها بكلمه

ثم نظر الى أبيه قائلاً:

-ياريت يا بابا حضرتك وعمتو تسبقوني على البيت أنا دقايق وجاي

أشار "نور" برأسه الى "ثريا" التى تبعته مضطرة وعلامات الحنق على وجهها .. نظر

"عمر" الى "عبد الحميد" قائلاً:

-أنا بعتذر عن اللي حصل يا عم "عبد الحميد"

قال "عبد الحميد" في إباء:

-حصل خیر یا بشمهندس .. بس کده خلاص معدلناش قعاد هنا

قالت "ريهام" موافقه أبيها:

-معاك حق يا بابا .. كده كفاية أوى

صاح "كرم" قائلاً:

-ایه یا جماعه انتوا هتقلبوها درامه لیه .. خلاص سوء تفاهم واتحل .. و "عمر" بنفسه اعتذر التفتت اليه "ريهام" قائله بحده:

-ده مش سوء تفاهم .. ده اتهام صریح .. واهانه لینا کلنا

```
التفت اليها "عمر" قائلاً:
                                                وأنا بعتذر تانى عن كل اللي عمتى قالته
                                                       ثم التفت الى "عبد الحميد" قائلاً:
                                              -مش مكفيك اعتذارى يا عم "عبد الحميد"
                                                         قال له "عبد الحميد" في حزم:
 -يا بشمهندس "عمر" مش انت اللي غلطت عشان تعتذر .. وده مكنش سوء تفاهم .. الهانم
واثقه ان أنا اللى دبرت الحريقه دى .. والله العظيم اللى حكيته هو اللى حصل بالظبط بدون زيادة
                                                                            أو نقصان
                                                                    قالت له "ريهام: "
                                          -بابا متحلفش .. اللي مش عايز يصدقك هو حر
                                                       التفت "كرم" الى "ربهام" قائلاً:
                                                         -ورينى الرقم اللى اتصل بيكى
                                           قالت له "ريهام" وعيونها تشتعل من الغضب:
                                                             -حضرتك مش مصدقنى ؟
                                                               قال لها "كرم" بسرعه:
   -طبعاً مصدقك .. بس عايز أشوف الرقم أكيد اللي عمل كده حد من هنا في المزرعة .. أمال
                                                                     عرفوا رقمك ازاى
   أخرجت هاتفها وأظهرت الرقم على الشاشة ثم أعطت الهاتف لـ "كرم" .. دون" كرم" الرقم
                                 على هاتفه ثم اتصل بصاحب الرقم .. وأشار لهم بالصمت:
                                                                                -ألق
                                                                              الصوت:
                                                                         -ألو .. مين ؟
```

قال "كرم" وهو يشير لهم بأصبعه حتى لا يتحدث أحد:

-لو سمحت كنت عايز الأستاذ أحمد المحامي

- لا يا بيه الرقم غلط

-بس أنا واثق انه اداني الرقم ده

-يا بيه بنقولك غلط. أصلا ده رقم في كشك الناس بتتكلم منه

فين الكشك ده ؟

وصف الرجل المكان لـ "كرم" .. شكره "كرم" وأغلق الهاتف .. وقال لهم:

-الكشك في البلد .. يعين قريب من هذا .. يعني اللي عمل كده حد من هذا من المزرعة

قال "أيمن" في حيره:

-وایه مصلحتهم فی کده

أخذ "عمر" يفكر تفكيراً عميقاً .. ثم قال:

-وازای وصلوا لرقم "ریهام" ؟

التفت "كرم" الى "ريهام" قائلاً:

-انتى اديتي رقمك لأى عامل من هنا في المزرعة

قالت "ريهام" في حيره:

```
-لأ وأنا أدى رقمى لعامل ليه
                                                                   قال "كرم" بضيق:
                                         -طب ادتیه للبتاع اللی اسمه "هانی شاکر" ده ؟
                                                                التفتت اليه بحده قائله:
                                                          -لأ طبعاً أديله رقمى بتاع ايه
                                                               التفت اليها والدها قائلاً:
                                                  -مین "هانی شاکر" ده یا "ریهام" ؟
                                   نظرت الى "كرم" بغيظ. فأسرع "كرم" لينقذها قائلاً:
                                -المهم دلوقتی نعرف الراجل ده وصل لرقم "ریهام" ازای
                                                        قال "عمر" وأقد أرهقه التفكير:
                                             -أنا هتجنن مين مصلحته انه يحرق المخزن
                                                                         قال ١٠أبمن: '
-احنا ملناش أعداء يا "عمر" لاننا الحمد لله بنراعي ربنا في شغلنا .. فمعتقدش ان اللي عمل
كده كان قاصد يأذيك انت .. وبعدين اللي عايز يأذيك هيحرق مكتلك بالملفات المهمة اللي فيه ..
      أو يحرق الزرع نفسه .. أو يحرق الزرايب والاسطبلات .. مش ييجى يحرق مخزن علف
                                                           التفت اليه "عمر" قائلاص:
                                                                        قصدك ايه ؟
                                                                    قال "أيمن" بحزم:
                       -اللي عمل كده قصده انه يأذي عم "عبد الحميد .. "مش يأذيك انت
                                                            قال "عبد الحميد" بدهشة:
                                                          -ومین مصلحته انه یأذینی ؟
                                                              التفت "عمر" اليه قائلاً:
                                                 -ممكن يكون اللي اسمه "مصطفى" ده
                                                           قال "عبد الحميد" في حيره:
                  - هو راجل شرانى وأتوقع منه أى حاجه .. بس ايه اللي هيعرفه مكاننا هنا
                                                                         قال "كرم: "
                                                                  -مین "مصطفی" ؟
                                                              قال "عمر" بضيق شديد:
                                                                    -طليق "ياسمين"
                                                                    هتف "كرم" قائلاً:
                                                            -اه صح .. ممكن يكون هو
                                                                قالت "ريهام" شارحه:
  -و"مصطفى" هيجيب رقمى منين .. أصلاً الخطده أنا غيرته من ساعة ما جيت المزرعة ..
      لانه كان ساعات لما يلاقى موبايل "ياسمين" مقفول يكلمها على رقمى .. فريحت نفسي
                                                                              وغيرته
                                                                   قال "عمر" بتركيز:
 -يبأه كده رجعنا لنقطة البداية واللي بتأكد ان اللي عمل كده حد من المزرعة هنا .. بس مين ؟
```

```
قال "أيمن: "
```

- -أنا همشى بأه يا جماعة .. وبكرة ان شاء الله نشوف الموضوع ده .. يلا سلام
 - قال "كرم" لـ "عبد الحميد: "
- -خلاص يا عم "عبد الحميد" روح انت .. وعشان الآنسه "ريهام" كمان تروح التفت "عبد الحميد" الى "عمر" قائلاً:
 - -لو عندك يا بشمهندس شك ولو 1% انى.....
 - لم يدعه "عمر" يكمل كلامه وقاطعه قائلاً:
- معندیش حتی شك 0.0%. وأنا اعتذرتلك عن كلام عمتی یا عم "عبد الحمید"
- -طيب يا بشمهندس .. وربنا يكشف الحق وينصر المظلوم .. والظالم هيتفضح ان شاء الله .. السلام عليكم
 - _وعليكم السلام
 - رحل "عبدالحميد" و"ريهام" .. فالتفت "كرم" الى "عمر" قائلاً:
 - _كويس انك مبلغتش
 - نظر "عمر" اليه مستفهماً:
 - لان أكيد لو بلغت كان أول واحد اتهموه هو عم "عبد الحميد"
 - قال "عمر" مؤكداً:
 - طبعا .. وكان زمانهم قبضين عليه دلوقتى
 - سأله "كرم" قائلاً:
 - انا واثق ان مش هو اللي عمل كده .. وانت ؟ .. عندك شك ؟
 - رد "عمر" بسرعه:
 - -لأطبعا.. انا واثق انه ملوش علاقة بالموضوع ده
 - ثم قال بسخريه:
- مش بدافع عنه عشان حبيبة القلب زى ما عمتو قالت .. بس فعلاً الراجل محترم ويعرف ربنا ومشفتش عليه أى حاجه وحشه
 - امال مين ابن التييييييييت اللي عمل كده
 - -هتجنن یا "کرم" .. هتجنن
 - -خلاص روح انت دلوقتى وبكرة نبقى نشوف الحكاية دى .. وأنا كمان هروح على الفندق مليش نفس أروح فى حته .. يلا أشوفك بكرة .. سلام
 - _سلام
 - *******
 - حربایه صحیح
- هتفت "ياسمين" بتلك العبارة في غضب .. بعدما قصت عليها "ريهام" ما قالته مدام "ثريا" .. وقالت في غضب:
 - -والإسم انها بنت عيلة محترمة .. هو في ناس محترمة تتهم غيرها كده بدون دليل .. وتلقح بالكلام عليا كمان
 - قالت الريهام التهدئها:

```
-متخفيش "عمر" مسكتلهاش ووقفها عند حدها .. ومشاها كمان
                                                         ثم قالت "ريهام" في حيره:
      -هموت وأعرف مين اللي مصلحته انه يأذي بابا .. احنا ملناش أعداء غير "مصطفى"
                                                      ثم نظرت الى "ياسمين" قائله:
                                                ـ تفتكرى "مصطفى" اللى عمل كده ؟
                           كانت الياسمين الشارده تفكر تفكيراً عميقاً فنادهتها الريهام: ال
                                                                     " _پاسمین "
                                                            أفاقت من شرودها قائله:
                                                                            _أيوة
                                                              ایه مالك روحتی فین
                                                                           _بفكر
                                                                  في اللي حصل ؟
                                           أومأت برأسها قائله وقد شردت مرة أخرى:
                                         بفكر مين مصلحته ان بابا يتأذى ... أو .....
                                                                         او ایه ؟
                                                              -أو انه يتخلص مننا
                                                             قالت "ريهام" بدهشة:
                                             -ازای یعنی یتخلص مننا .. یقتلنا تقصدی
                                                   نظرت اليها "ياسمين" بغيظ قائله:
                                                             یقتلنا مین انتی کمان
                                                              هتفت "ريهام" قائله:
                                                  مش انتى اللى قولتى يتخلص مننا
                                                     " ـريهام" .. اسكتى يا "ريهام"
قمت "ريهام" وتركت "ياسمين" تفكير بعمق وتسأل نفسها سؤال واحد: من من مصلحته أن
                                                       يأذى عائلتها ويتخلص منهم ؟
                                                *******
دخل "عمر" غرفة المعيشة حيث اجتمعت العائله .. جلس على مقعد فارغ فبدأت مدام "ثريا"
                                                                       في الهجوم:
-ممكن أفهم ايه التسيب ده اللي انت بتدير بيه المزرعة و بتتعامل بيه مع الناس اللي بيشتغلوا
                                                                           عندك ؟
```

-ادارتى اللى حضرتك بتسميها تسيب بتدير عليا سنوياً أرباح بالملايين قالت مدام "ثريا" بحزم: -لو سبت اللى غلط بدون عقاب مش هتعرف تسيطر على العمال بعد كده .. وكل واحد يغلط زى ما هو عايز ما هو مفيش عقاب

قال "عمر" بحزم:

نظر اليها "عمر" بصرامة قائلاً:

لما أبقى أعرف مين المذنب مش هسيبه الالما يتعاقب هتفت بحده:

-هو انت لسه معرفتوش .. ولا الحب عامى عينك للدرجة دى

قام "عمر" غاضباً وقال:

-برده مصره تدخلى الخيوط في بعضها .. احنا بنتكلم عن الحريقة اللي حصلت .. ايه دخل الياسمين الدوقتي في الموضوع

قالت بغضب مماثل:

ما هي اللي واكله عقلك .. وممشياك وراها يمين يمين .. شمال شمال

كظم "عمر" غيظه بصعوبه قائلاً بصوت هادر:

-أنا خارج أحسن ما أقول كلام يضايقنا احنا الاتنين يا عمتو

خرج مسرعاً وأغلق الباب خلفه بقوة .. هتف "نور" قائلاً:

ـبرده مفيش فايدة يا "ثريا" .. هو نفس اسلوبك الهجومى .. قولتلك 100 مرة "عمر" ما بيجيش بالاسلوب ده

التفت اليه قائله بحده:

-أمال عايزنى أتكلم معها ازاى وأنا شايفه البنت بتضحك عليه هي وأهلها

قالت "كريمه: "

حرام عليكي يا "ثريا" مين قالك ان أبوها هو اللي عمل كده

التفتت اليها "ثريا" قائله بسخريه:

الهلا .. آدى محامى تانى لست الحسن وعيلتها

ثم غادرت الغرفة وذهبت الى غرفتها وأغلقت الباب خلفها بقوة

سار "عمر" في تجاه سكن العمال .. كانت "ياسمين" واقفه في الشرفة .. تلاقت نظراتهما في صمت .. وقف قليلاً ثم ذهب في اتجاه شجرته .. كان هناك الكثير مما يشغل عقله .. من فعل ذلك ؟ .. ولماذا فعل ذلك ؟ .. وكيف فعل ذلك؟ .. كان يشعر بالضيق من عمته بسبب تحاملها الدائم على "ياسمين" وأهلها .. و" ياسمين" نفسها والتي تهرب منه دائماً .. جلس على الجذع مهموماً حزيناً .. وفجأة وجدها أمامه .. واقفه تنظر اليه في صمت .. قام من على الجذع وتقدم بضع خطوات ووقف في مواجهتها .. نظرت اليه "ياسمين" قائله:

_أنا عايزه أسألك سؤال واحد؟

أومأ برأسه قائلاً:

-اسال*ى*

صمتت قليلاً ثم قالت:

-انت مصدق ان بابا ملوش علاقه بالموضوع وان فعلا حد اتصل بيه وخلاه يسيب المخزن صمت قليلا .. لحظات لكنها شعرت بأنها سنوات .. ثم رأت الابتسامه على محياه ورد قائلاً: -أيوة مصدق

أومأت برأسها وقد ظهرت علامات الارتياح على وجهها .. ثم نظرت اليه قائله:

مفيش غير شخص واحد من مصلحته انه يأذينا عشان نمشى من هنا

سألها "عمر" بإهتمام:

مين الشخص ده ؟

نظرت اليه "ياسمين" بقوة قائله:

-الشخص اللي جالى وقالى انتى متناسبيش عيلة الألفى .. دورى على واحد من مستواكى .. بدل ما تطلقي للمرة التانية

نظر "عمر" الى عينيها بدهشة .. صمت .. طال صمتهما .. ثم قال بصوت هادر وقد اشتعلت عيناه بالغضب:

مين اللي قالك كده ؟

قالت له بشئ من الأسى:

_عمتك

قالت ذلك ثم التفتت وغادرت المكان وتركته ونيران الغضب تشتعل بداخله

عاد "عمر" أدراجه الى البيت وصاح بصوت هادر:

عمتو.. عمتو

دخل غرفة المعيشة ولم يجد بها أحداً .. صعد الى غرفة عمته وطرق الباب .. فتحت عمته .. والتى كانت "ايناس" عندها في غرفتها .. قالت مدام "ثريا "ببرود:

-خير في ايه .. أكيد مصيبه تانيه من مصايب الهانم وأهلها

نظر "عمر" اليها بغضب وقد كان في قمة ثورته قائلاً:

-انتی قولتی ایه له ایاسمین ا ؟

فتح والده باب الغرفة ليخرج هو ووالدته .. قالت "كريمه: "

في ايه بتزعق ليه يا "عمر"

ظل "عمر" ينظر الى عمته وسألها مرة أخرى بغضب:

قولتی ایه له ایاسمین ایا عمتو ؟

اهتزت مدام "ثريا" قليلا لكنها تماسكت بسرعة وقالت:

وأنا هقولها ايه يعنى

عض "عمر" على شفتيه في غيظ ثم قال:

-يعني ما قولتيلهاش انها مش مناسبه لعيلتنا ومش من مستوانا وانى لو اتجوزتها هتطلق للمرة التانيه ؟

شهقت "كريمة" ونظرت الى "ثريا" فى دهشة .. قال "نور" موجهاً كلامه لـ "ثريا: " _ الكلام ده صح يا "ثريا"

هتفت "ايناس" في غضب:

-ايه في ايه .. كلكوا عليها كده ليه .. هي غلطت في مين يعني .. حتت بت مفعوصه فاكرة نفسها حاجه

التفت اليها "عمر" قائلا بحزم:

-خلیکی انتی بره الموضوع یا "ایناس"

قالت له "ايناس" بسخريه:

-البنت اللى انت محموق عشانها أوى كده انت اصلا مش فى دماغها .. ولا تفرق معاها حاجه .. دى قالتلى بعضمة لسانها ان أى كلام عنك ميخصهاش .. يبأه ليه بأه انت حامق نفسك

```
عثىانها أوى كده
                                     التفت "عمر" الى "ايناس" ببطء وقال لها بصرامه:
                                          -نعم ؟ .. وانتى اتكلمتى معاها امتى انتى كمان ؟
بُهتت "ايناس" وقد شعرت في نفسها بالحماقة لزلة لسانها تلك .. فصاح "عمر" بغضب شرس
                                                        -انطقى قولتيلها ايه انتى كمان ؟
                                                            صاحت مدام "ثريا" بغضب:
   -لأ كده كتير أوى .. احنا اتهزأنا بما فيه الكفاية في بيتك يا "نور .. "شايف ابنك طايح فينا
                        وساكت .. يلا يا "ايناس" حضرى شنطتك عشان نرجع القاهرة حالاً
                                                                      قالت "كريمه: "
                                                                 ۔استنی بس یا "ثریا"
                                                                   هتفت "اثريا" قائله:
                                               -أستنى ايه .. أستنى ما أتهزأ أكتر من كده
                                                          نظر اليها "عمر" ببرود قائلاً:
                                              -انتى ليكى علاقة بحرق المخزن يا عمتو ؟
                                                        نظرت اليه "ثريا" بغضب قائله:
                                                              ايه اللي انت بتقوله ده ؟
                                                                قال "نور" ل "عمر: "
                              " _عمر " متخليش غضبك يعميك .. مينفعش تقول لعمتك كده
                                                              قال "عمر" بنفس البرود:
                                                انا متهمتش حد بحاجه .. أنا بسأل سؤال
                                                                  قالت "ثريا" بغضب:
                               حجرد انك تسأل سؤال زى ده .. دى حاجه مش مقبوله أبداً
                                            نظر اليها "عمر" نظة كأنها سهم خارق قائلاً:
                                           - هعرف الحقيقة يا عمتو .. سمعاني .. هعرفها
                               ثم تركهم وغادر البيت .. اتصل برئيس العمال قائلاً بصرامة:
        -بكرة الصبح تجمعلى كل اللي شغالين في المزرعة دي .. دكاترة عمال فلاحين .. كلهم
                                                                   تجمعهملى .. مفهوم
                                                                    قال الرجل بسرعة:
```

مفهوم یا بشمهندس "عمر"

قضى "عمر" ليلته ساهراً كان يشعر بغضب ثائر كالبركان بداخله .. كيف لعمته أن تقول مثل هذا الكلام لـ "ياسمين .. "كيف أمكنها أن تفعل به ذلك .. كيف أمكنها أن تكون قاسيه لهذه الدرجة .. شعر برغبته في الذهاب حالاً الى" ياسمين" وأن يأخذها بين ذرعيه ويزيل كل المخاوف التي في قلبها تجاهه .. لكنه قال لنفسه صبراً يا "عمر" ليس الآن .. فلتكتشف حقيقة حرق المخزن أولاً

أتى الصباح واجتمع جميع العاملون بالمزرعة في ساحة كبيرة فلم تتسع القاعة لهذا العدد الكبير .. كان من ضمن الحضور "ياسمين" و "ريهام" و "عبد الحميد "وبالطبع "كرم" و "أيمن" .. وقف "عمر" وتحت في مايك صغير ليصل صوته الى هذا الجمع وقال لهم بصرامة شديدة: طبعاً كلكم سمعتوا عن الحريق اللى حصل امبارح فى مخزن العلف .. اللى عايز أقوله انى هعرف اللى هعمل كده يعني هعرفه .. ولو وقع فى ايدي بجد مش هرحمه وهسلمه للبوليس بإيدي وهرفع عليه قضية بكل الخساير اللى حصلت فى المخزن

ساد الصمت وكان الأعين كلها مترقبة .. فأكمل "عمر" وهو ينظر اليهم:

الكن لو اللى عمل كده .. جه واعترفلى وقالى مين اللى وزه .. مش هوصل الموضوع للبوليس ولا هطالبه بتعويض

نظر الجميع الى بعضهم البعض .. وأكمل "عمر" بلهجة تهديد:

مفيش أدمك الاحلين اتنين يا تفضل ساكت وهجيبك يعني هجيبك مش هتفلت من تحت ايدي .. يا اما تيجى وتعترفلي بكل اللي حصل .. أدامك ساعتين من دلوقتي وبعدها اعتبر عرضي منتهى وهبلغ البوليس فوراً

قال ذلك ثم توجه الى مكتبه وتبعه "أيمن" و "كرم" وساد الهرج والمرج وتعالت الأصوات .. دخل الأصدقاء الثلاثه المكتب .. وقال "أيمن: "

تفتكر اللى عمل كده هييجي يعترف فعلاً

زفر "عمر" بضيق قائلاً:

مش عارف .. بس مكنش قدامى حاجه تانية أعملها غير كده

قال "كرم" بتفائل:

-أنا واثق انه هيعترف .. الناس هنا غلابه وعلى أد حالهم وأكيد هيخاف على نفسه وعلى أهله من الفضايح والشوشرة والسجن .. وهو عارف انك واصل وأكيد ليك معارف كبار .. أنا واثق انه هيعترف

ما هى الا لحظات وسمعوا طرقات على الباب .. نظر الثلاثة الى بعضهم البعض .. فتح "كرم" الباب ليدخل شاب صغير فى أوائل العشرينات .. كان يبدو عليه الخوف والإضطراب .. توجه الى المكتب نظر اليه "عمر" منتظراً أن يتحدث فقال لـ "عمر" بصوت خافت:

انت فعلت يا بشمهندس لوحد جه اعترفلك مش هتسلمه للبوليس؟

تبادل "أيمن" و "كرم" النظرات وقال "عمر" مؤكداً دون أن يرفع نظره عن الفتى:

اليوة مش هسلمه للبوليس .. بس يقولى على كل حاجه

بلع الفتى ريقه بصعوبه وكان يبدو عليه التوتر الشديد .. قال له "عمر: "

_اعد

جلس الفتى .. صمت قليلاً ثم قال:

-أنا والله مكنت عايز أعمل كده .. بس هي اللي أغرتني بالفلوس .. قولتلها لأ .. بس هي قالتلي ان محدش يعرف ان أنا اللي عملت كده

جلس "أيمن" قبالته .. ووقف "كرم" خلفه ينظرون الى الفتى الذى يتحدث وهو خائف مرتجف .. سأله "عمر" قائله:

-هي مين الى قالتك كده ؟ .. وقالتلك تعمل ايه بالظبط ؟

قال الفتى شارحاً:

قالتلى اتصل برقم ادتهولى في ورقة وقالتلى هترد عليا واحده أقولها البشمهندس عمر عايز عمر العبد الحميد" في المستشفى واديها عنوان كانت كتبهولى في الورقة

حثه "عمر" بلهفه قائلاً:

-ها وبعدين ؟

بلع الفتى ريقه ثم قال بتوتر:

-عملت كده .. وبعدها راقبت المخزن لحد ما الراجل اللى كان جوه خرج مع بنت .. وقفل المخزن بالقفل .. وهى كانت مديانى مفتاح القفل فتحته وولعت سجارة ورمتها جمب سلك عريته وولعت عود كبريت ورميته على العلف واتأكدت ان الناس مسكت فيه وبعدين خرجت

كان "عمر" يستمع في ذهول ثم قال:

مين هي اللي قالتلك تعمل كل ده ؟

بلع الفتى ريقه مرة أخرى وكان قد وصل الى قمة التوتر ثم نظر الى الرجال الثلاثة الذين تعلقت أعينهم به ثم التفت الى "عمر" قائلا:

الدكتورة المهااا

اتسعت أعينهم من الدهشة وقال "أيمن: "

الدكتورة "مها" بتاعة المعمل ؟

اومأ الفتى رأسه بالموافقه

شعر "عمر" بالدهشة لماذا تفعل "مها" ذلك ؟ ومن أين حصلت على مفتاح المخزن ؟ قال الفتى بقلق:

مش هتبلغ عنى يا بشمهندس مش كدة

نظر اليه "عمر" قائلاً:

-لأ مش هبلغ عنك .. ومش هطالبك بتعويض

ثم قال بصرامة:

لكن هتمشى من المزرعة

هتف الفتى في لوعه:

لیه کدة یا بشمهندس

قال "عمر" بقسوة:

-احمد ربنا انى هكتفى بطردك .. واحد غيريى كان رماك فى السجن مع كل الخساير اللى خسرتهالى .. بس أنا و عدتك وأنا كلمتى سيف على رقبتى .. بش لازم تطرد عشان اللى يخونى ملوش مكان عندى .. يلا اتفضل روح لرئيس العمال وأنا هقوله يديلك شهر مرتب لحد ما تلاقى شغل .. مع انك مستحقش

خرج الفتى مطأطأ الرأس .. أغلق "كرم" الباب والتفت اليهم قائلاً بدهشة:

ایه الفیلم الهندی ده .. "مها" دی ایه مصلحتها انها تعمل حرکة تیییییییییییییییی زی دی قال "عمر" بحزم:

انا عندى تخمين بس هستنى لما أسمع من اللى اسمها "مها" دى بنفسي.. روح هاتها يا "كرم" بس ما تقولهاش حاجه

ذهب الكرما الى المعمل وأحضر الدكتورة المهاا التي كانت تشعر بتوتر بالغ .. دخلت المكتب فوقف اعمرا في مواجهتها قائلاً:

-جبتى منين مفتاح المخزن يا دكتورة ؟

ارتبكت "مها" وقالت:

مخزن ایه یا بشمهندس مش فاهمة

صرخ "عمر" فيها قائلاً:

-انتى هتستعبطى .. لا مش أنا اللي يتعمل عليا الشويتين دول .. يا تقوليلي على كل حاجه من

الألف للياء .. لهروح بنفسي دلوقتى وأعملك محضر في القسم وشوفى بأه الفضايح اللي هتحصلك من ورا الموضوع ده

بكت "مها" ولم تستطع التحدث .. فهتف "عمر" بغضب:

خلصيني .. مش هنعد طول اليوم في النحنحه بتاعتك دي

ثم قال:

مين اللي اداكي مفتاح المخزن وقالك تعملي كده ؟

قالت من بين شهقاتها:

-مدام "ثریا" هی اللی قالتلی أشوف عامل غلبان وأدیه فلوس عشان یعمل کده .. وأهدده ان لو فتح بقه هیتسجن

كانت دهشه " كرم" و "أيمن" قد وصلت لذروتها .. قال "عمر" بإحتقار:

مكنتش أتخيل أن واحدة متعلمة زيك والمفروض انها محترمة وبنت ناس تعمل كده .. فرقتى ايه ع نالمجرمين والبلطجية يا دكتورة .. اتفضلى من أدامى وما أشوفش وشك فى المزرعة دى تائى

نظرت اليه باكيه وقالت:

بشمهندس "عمر" أنا آسفه .. أنا مكنش قصدى ..أنا.....

صرخ فيها "عمر" قائلا:

-بقولك اتفضلى اطلعى بره المزرعة .. سمعتى ولا سمعك تقل .. وابقى خلى عمتى تنفعك خرجت المها" تجز أذيال الخيبة .. ذهبت الى المعمل وأحضرت حقيبتها وخرجت وهى تحاول تمالك نفسها من البكاء الذى عصف بها

ضرب "أيمن" كفأ بكف قائلاً:

انا مش مصدق اللي حصل .. ليه عمتك تعمل كده يا "عمر"

قال "عمر: "

انا عراف ليه عملت كدة

ثم نهض وتوجه الى بيت المزرعة .. دخل فوجد الجميع فى غرفة المعيشة كالعادة .. عندما دخل أشاحت عمته بوجهها ونظرت الى الجهه الأخرى فى تعالى .. فوقف أمامها قائلاً:

العامل اللي حرق المخزن .. والدكتورة "مها" اللي وصلتله تعليماتك .. الاتنين اطردوا من المزرعة

بُهتت مدام "ثريا" حتى أن كوب الشاى الذى تحمله أخذ يتراقص بين يديها المرتجفة .. أكمل "عمر" قائلاً بإحتقار:

-كل ده عشان تبعديها عنى .. كل ده عشان تكرهيني فيها وفى أهلها .. زى ما روحتى تكرهيها فيا .. أنا مش عارف انتى ازاى عمتى ومن دمى

وقفت مدام "ثريا" دون أن تنطق بكلمة .. وخرجت من الغرفة مسرعة لحقتها" ايناس" .. جلس "عمر" في مواجهة والديه وشرح لهم كل ما حدث .. شعر والداه بالأسف لما حدث .. ما هي إلا دقائق حتى نزلت "ثريا" و"ايناس" وقبل أن تغادر دخلت الى غرفة المعيشة وقالت بنبره متعاليه:

-أنا ماشية ولما تبقى تتعلم ازاى تتكلم مع عمتك أبقى آجى

ثم غادرت هي وابنتها .. ابتسم "عمر" في سخريه وهز رأسه..

انتشر خبر معرفة العامل الذي قام بحرق المخزن وتم تبرئة "عبد الحميد" أمام الجميع .. وكانت

سعادته وسعاده بناته لا توصف.

في المساء وقفت "ياسمين" في الشرفة مع "ريهام" والتي قالت بفضول:

-نفسي أعرف ايه اللي حصل .. وازاى اكتشفوه .. ولا هو اللي راح اعترف

قالت "ياسمين" بحيره:

مش عارفه .. محدش عارف التفاصيل .. هما قالوا بس انهم عرفوا اللي عمل كده

قالت "ريهام" بتثائب:

طيب أنا داخله أنام بأه سهرت كتير النهاردة

أومأت "ياسمين" برأسها

فقالت لها "ريهام: "

_مش هتنامی

ـهقف شوية وبعدين هدخل أنام

دخلت "ريهام" وتركت أختها سابحه في أفكارها .. تحاول تخمين ما حدث .. وكيف حدث .. ولما حدث ..

فى صباح اليوم التالى توجهت الى شجرتها .. وما ان وصلت حتى وجدت "عمر "جالساً هناك .. لم تعد هذه شجرتها .. لكنه أوقفها فائلاً عمل الم تعد هذه شجرتها .. أو شجرته .. بل أصبحت شجرتهما .. همت بالإنصراف .. لكنه أوقفها قائلاً

استنی یا "یاسمین"

لم تتوقف أكملت طريقها فأسرع واعترض طريقها قائلاً:

- انتى كان معاكى حق .. عمتو فعلاً هي اللي ورا موضوع حرق المخزن

نظرت اليه بدهشة .. فأكمل قائلاً:

وهي و "ايناس" سابوا المزرعة امبارح ورجعوا القاهرة

كانت مازالت تحت تأثير المفاجأه .. نظر في عينيها وأكمل بصوت رخيم:

عايز بس أفهمك حاجه

نظرت اليه فأكمل قائلاً:

مش عایزك تخافی منی .. أو من حد من أهلی .. ماما وبابا موافقین .. وأنا میهمنیش رأی حد غیرهم .. وأنا واثق لو اتعرفتی علیهم هتحبیهم و هیحبوكی

صمت قليلا ثم قال وعيناه تغوصان في بحر عينينها:

ـزى ما أنا بحبك بالظبط

شعرت "ياسمين "بحرارة تسرى فى جسدها كله .. أرادت الهرب لكنه سد طريقها ثانية قائلاً: -والله العظيم بحبك .. ومش ممكن أسيبك أبداً .. "ياسمين" أنا لو اتجوزتك مستحيل أسيبك أبداً نظرت اليه وبداخلها حيرة كبيرة تتخبط بها .. قال لها بصوت هامس:

-قوليلى خايفه من ايه تانى وأنا اطمنك .. قوليلى ايه تانى باعدك عنى وأنا أشيله من طريقنا جف حلقها .. لم تستطع النطق .. حاولت الهرب للمرة الثالثه لكنه كان لها بالمرصاد .. ابتسم قائلاً برقه:

مش هسيبك تهربى .. قوليلى ايه تانى بعدك عنى

نظرت اليه قائله بهدوع:

رغم كل اللى انت قولته ده أنا مش عارفه أثق فيك .. لانك واحد مبادئك غير مبادئى .. انت فى حياتك حاجات كتير غلط أنا مش ممكن أقبلها .. ممكن لو سمحت تسيبنى أمشى .. لان مينفعش

وقفتنا كده

صمت برهه .. ثم نظر اليها بتصميم قائلاً:

-وأنا هعرف ازاى أخليكي تثقى فيال. لو هي مشكلة ثقه . فأنا هعرف أخليكي تثقى فيا وهثبتلك انى أستاهل قلبك يا "ياسمين"

ثم قال هامساً وآشعة عينيه السوداوين تخترق أعماق روحها:

-لانى بحبك بجد .. ونفسي تكونى ليا زى ما أنا بقيت بكل ما فيا ليكي انتى .. ومِلكك انتى .. ومِلكك انتى .. وراجلك انتى .. والله العظيم بحبك انتى.

نظرت اليه وهى تشعر بالصدق فى كلماته .. وفى عينيه .. وفى صوته .. وأيقنت أنها أصبحت بكل كيانها .. عاشف له..

سارت الأيام التاليه في المزرعة في هدوء وسكينة .. مازالت "ياسمين" تعبش مشاعر الحيرة والتخبط .. بين نداء قلبها و نصائح عقلها .. كانت تشعر أنها ممزقة بينهما .. كل منهما يجذبها في اتجاه مختلف تماماً عن الآخر .. كانت تتمنى شئ واحد فقط .. وهو أن يتفق قلبها وعقلها على شئ واحد .. أي ان كان هذا الشئ .. أما "عمر" فكل ما كان يفكر فيه هو كيف يكسب ثقة "ياسمين" وكيف يفز بقلبها .. الذي أيقن الآن تماماً بأنه جوهره غاليه جداً تستحق التعب للحصول عليها .. منذ أن رحت "ثريا" و "ايناس" من المزرعة لم تحاولان الاتصال .. ولم يحاول "نور" وزوجته مهاتفتها .. فضلوا ترك الأمور لتهدأ لبعض الوقت .. قبل فتح جلسة للعتاب والمصارحه ..

في بيت المزرعة .. التفت الأسرة على طاولة الطعام .. عندما قالت "كريمه: "

ازى أحوالك انت و "ياسمين"

نظر اليها "عمر" قائلاً:

-مفیش جدید

-هى لسه رفضاك ؟

فكر "عمر" قليلاً ثم قال:

-مش رفضانی .. ومش قبلانی

ابتسم أبوه قائلاً:

-فزورة دی

قال اعمرا في شرود:

-لأ مش فزورة .. بس هى لحد دلوقتى موثقتش فيا .. أنا اللى مش قادر أفهمه هو ليه هى مش قادرة تثق فيا .. يعني مش قادر أفهم تحددياً ايه اللى مخوفها منى

نظرت اليه أمه قائله بخبث:

-ما يفهمش الست الا الست

قال "عمر" بإستغراب:

-یعنی ایه ؟

ابتسمت الكريمه القائله:

- يعني لو أنا اتكلمت معاها ممكن أقدر أفهم أسباب رفضها ظهرت علامات السعادة على وجع "عمر" وابتسم قائلاً:

- -بجد یا ماما .. هتتکلمی معاها
 - -أيوة يا حبيبي
 - قال "عمر" بحماس:
- -تماما أوى .. أنا هعزمهم عندنا هنا هي وأختها وأبوها .. وفرصه الكل يتعرف ببعضه قالت أمه بهدوء:
 - -أفضل ان أول مقابله تكون بيني أنا و "ياسمين" بس .. وبعد كده نبقى نعزمهم هنا قال "عمر" بحيره:
 - -بس ما أعتقدش انها ممكن توافق تيجي هنا لوحدها
 - ابتسمت أمه قائله:
- -خلاص مفيش مشكلة .. أروحلها مكتبها .. وكمان عشان أعتذرلها عن اللى" ثريا" و اليناس" عملوه .. ده الواجب يا "عمر" عشان البنت تعرف ان كرامتها مصانه عندنا قام "عمر" من فوره وتوجه الى أمه عانقها وهي جالسه وقبل رأسها قائلاً:
- -بجد يا ماما ربنا ميحرمنيش منك .. فعلا ده اللى كان نفسي فيه بس خفت أطلب منك كده ترفضى .. "ياسمين" فعلاً لازم تحس اننا بنحافظ على كرامتها .. وان اللى حصل ده تصرف فردى من فرد واحد في العيله لكن انتى وبابا حاجه تانيه .. وأنا فهمتها الكلام ده وقولتلها ان ميهمنيش رأى حد غيركوا انتوا الاتنين
 - قال "نور: "
 - -متقلقش ان شاء الله الموضوع هيتحل على خير
 - ثم التفت الى زوجته مبتسماً:
 - -طالما "كريمه" بنفسها دخلت في الموضوع يبقى اعرف انه هيتحل ان شاء الله
 - نظرت اليهما "كريمة" قائله:
 - -ربنا يخليكوا ليا انتوا الاتنين

طلب "كرم" من "ريهام" الحضور الى مكتبه .. ذهبت اليه فأعطاها بعض التعليمات .. وقبل أن تغادر قال لها:

-استنی یا آنسه "ریهام"

توقفت .. فوقت ودار حول المكتب ليقف في مواجهتها ..ظل ينظر اليها بصمت .. انتظرته أن يتحدث فلم يفعل .. شعرت بالخجل من نظراته فهربت بعينيها لتنظر الى شئ آخر .. فقال لها بهدوع:

-أنا كنت عايز أقولك خبر .. يعني بما انك سكرتيرتى .. وبقالنا فترة شغالين مع بعض يبأه أكيد هتفرحيلي

نظررت اليه قائله بإهتمام:

-خیر یا بشمهندس "کرم"

تفرس فيها لحظة ثم قال: ً

-أنا هخطب قريب

شعرت بقلبها يرتجف بين ضلوعها لكنها حاولت التماسك .. أكمل قائلاً وهو يتأملها:

-واحدة كنت أعرفها في القاهرة

وقع قلبها أرضاً .. شُعرت بغضه في حلقها .. حاولت قدر الإمكان التماسك .. قالت بسرعة قبل أن تظهر العبرات في عينينها:

ألف مبروك بعد اذنك

خرجت لتغادر المكتب .. ذهبت الى مكتبها .. جلست وهى تحاول استجماع شتاتها .. شعرت بالألم يغزو قلبها .. لم تدرى بنفسها إلا وهى تحمل حقيبتها وتغادر المكتب من فورها عادت "ياسمين" من عملها لتجد "ريهام" جالسه على سريرها فى حالة يرثى لها .. اقتربت منها وجلست بجوارها قائله:

-مالك يا "ريهام" ايه اللي حصل ؟

أجهشت "ريهام" في البكاء وألقت بنفسها في حضن أختها قائله:

-کرم هیخطب یا "یاسمین"

قالت "ياسمين" وهي تربت على ظهرها:

-وانتى بتعيطى ليه ؟

رفعت "ريهام" رأسها لتنظر الى أختها .. نظرت "ياسمين" الى وجهها المبلل بالدموع ثم أدركت ما يعتمل فى قلب أختها .. قالت "ريهام" بأسى ودموعها تتساقط على وجنتيها:

-أنا بحبه يا "ياسمين" .. بحب "كرم"

نظرت اليها "ياسمين" بأسى قائله:

-الله يهديكي يا "اريهام" .. ليه تعلقى نفسك كده وتتعبى قلبك .. أكيد كان اليوم ده هيجيى .. ما هو لازم يخطب مش هيفضل كده على طول .. انتى ليه تعلقى نفسك بواحد .. اديكي انتى اللى تعبتى في الاخر

قالت لها "ريهام" بحزن:

-مش بإيدي والله .. أنا معرفش اتعلقت بيه ازاى

ثم قالت بحزم:

-أنا مش هروح المكتب تاني .. خلاص كفايه كدة .. مش عايزة أشوفه بعد كدة

تنهدت "ياسمين" بحسره ونظرت الى "ريهام" قائله:

-ده فعلاً أحسن حل .. لان أكيد كل ما هتشوفيه هتتعبى

عانقتها "ياسمين" قائله:

-ربنا يريح قلبك يا "ريهام"

كانت "ريهام" متوجهه الى المكتب لتأخذ متعلقاتها وتخبر "كرم" برغبتها فى ترك العمل .. عندما وجدت "هانى" قبالتها .. تظاهرت انها لا تراه لكنه أوقفها قائلاً:

-لو سمحتى ثوانى

توقفت ونظرت اليه بنفاذ صير

فقال "هاني" ببرود:

- -انتى وأختك اتعاملتوا معايا بإسلوب غريب جدا .. أكنى واحد جاى أشحت مش جاى أتقدم ثم قال بترفع:
 - -أنا بس حبيت أقولك انى صرفت نظر عن الموضوع
 - قبل أن تفتح فمها للرد وجدت "كرم" خلفها يقول ل "هاني" بحنق:
 - -يلا يا ابنى من هنا معندناش بنات للجواز
- نظر اليه كل من "ريهام" و "هانى" بإندهاش .. فاقت "ريهام" من دهشتها لتقول لـ "كرم: " -وحضرتك ايه دخلك في الموضوع ده
 - نظر ''هاني '' الى ''كرم'' قائلاً:
 - -أحب أعرفك يا بشمهندس "كرم" ان ده أخر يوم ليا في المزرعة بصراحة مش حابب آجي هنا تاني بعد كل المعاملة اللي شوفتها منكوا هنا
 - قال "كرم" بحبور:
 - -والله يا ابنى تبقى ريحتنا وريحت نفسك .. بس اوعى تقطع الجوابات .. ولا أقولك اقطعها
 - رحل "هانى" وهو يتمتم فى غضب .. نظرت "ريهام" الى "كرم" بغضب قائله:
- -ايه اللي حضرتك عملته ده .. ازاى تدخل كده في حاجه تخصني وتقوله معندناش بنات للجواز
 - نظر اليها "كرم" قائلاً:
 - -هو عاجبك ؟
 - صمتت ولم تجب .. ظهرت علامات الجديه على وجه ونظر اليها مكرراً سؤاله مرة أخرى:
 - -الواد ده عاجبك ؟
 - نظرت اليه قائله وهي تحاول التماسك:
 - ده شئ میخصکش
 - نظر اليها بطريقة لم تعتادها منه .. احتارت في تفسير معناها .. لكنها شعرت وكأن عينيه تحتويانها في صمت .. كرر السؤال للمرة الثالته .. لكن هذه المرة بصوت أقرب الى الهمس: -الواد دع عجبك ؟ .. عايزاه ؟
 - كانت ترغب في عدم الرد عليه وتتركه وتذهب. لكنها لا تدرى لما قالت:
 - **¥**-
 - ظهر المرح في عين "كرم" وسألها قائلاً:
 - -لأ ايه
 - أجابت وهي تحاول التحدث بجديه:
 - -لأ مش عاجبنى .. ولأ مش عايزاه
 - ابتسم "كرم" ابتسامه ذاب لها قلبها وقال بمرح:
 - -أصلاً لو كنتى قولتى غير كده كنت قطمت رقبتك
 - شعرت بقلبها يخفق بقوة .. حاولت التحدث بحده قائله:
 - -وانت مالك انت يعجبنى ولا ميعجبنيش .. وايه قطمت رقبتك دى
 - قال وهو محتفظاً بابتسامته:
 - السه مفهمتيش ؟

شعرت بأنفاسها وقد بدأت بالتسارع .. ترى هل ما تظنه صحيح .. هل "كرم" على وشك هل هذا صحيح .. همت بأنه تتركه وتنصرف لكنه قال لها فجأه:

-أنا بحبك يا "ريهام"

نظرت اليه في دهشة .. قلبها يخفق .. عقلها يدور .. بل الدنيا من حولها تدور .. لم تستوعب .. لم تصدق .. قال لها بابتسامته المرحه:

-بصراحة من أول يوم شوفتك فيه فى المكتب وانتى لفتى انتباهى بشكل كبير .. وكل يوم بعرفك بتعلق بيكي ولا يوم بعرفك بتعلق بيكي اكتر وبحترمك أكتر .. مكنتش متخيل انى ممكن ألاقى واحده زيي وشبههى .. أنا حاسس اننا متشابهيين فى حاجات كتير جدا..

صمتت ولم تتحدث فأكمل قائلاً:

-كانت بس المشكلة اللى شاغله بالى هو فرق السن اللى بينى وبينك .. يعني خايف انك تشوفى دى حاجه تضايقك .. خاصه بعد الواد الغتت ده ما اتقدملك .. خفت بجد انك تختاريه ومبقتش طايق أشوف وشه فى المزرعة دى وعايز أمشيه منها بأى طريقه

كانت "ريهام" تشعر بسعادة غامرة وهى تسمع تلك الكلمات من كرم" الذى حلمت به وهي تعلم أنه حلم صعب المنال .. ظهرت تلك السعادة على وجهها لم تستطع مداراتها .. أكمل مبتسما : حركة الخطوبة دى كنت بس حابب أعرف رد فعلك .. كنت عايز أعرف حاجه زى كده تضايقك ولا لاء .. كان وشك فعلا باين عليكي انك مضايقه ولما دخلت مكتبك ولقيتك مش موجوده بصراحة فرحت أوى .. وده اللى شجعنى انى أتكلم معاكى دلوقتى ثم نظر اليها وقال بقلق:

-انا مش غلطان .. صح .. يعني .. انتى كمان ... صح ؟

تماسكت "ريهام" وأخفت بصعوبة ابتسامة الفرحة التي كادت أن تقفز الى شفتيها وقالت:

-بعد اذنك أنا مضطرة أمشى

قال "كرم" بلوعه:

-بتهرجی یا "ریهام" .. لأ بقولك ایه أنا مبحبش التوتر والقلق ده .. جاوبی علی سؤالی .. أنا حسیت صح مش كده ؟ .. یعنی انتی كمان حسه بحاجه نحیتی .. صح ؟ قالت له بجدیه:

- لا والله .. عايزني أقولك ايه يعني

قال بمرح:

.. -طيب بلاش سؤال مباشر طالما صعب .. هسألك سؤال تانى خالص ملوش علاقه بالسؤال الأول .. ها .. ملوش علاقة

نظرت اليه مترقبه .. فقال وعيناه تلمع في مرح وابتسامه خبيثه على شفتيه:

-هو عم "عبد الحميد" فاضى اروح أتكلم معاه كلمتين كده ؟

احمرت وجنتاها وقد فهمت معنى سواله لكنها تظاهرت بالجديه وقالت:

-معرفش روح اسأله

- يعني انتى شايفه هو فاضى ولا مشغول ؟

ظهرت ابتسامه خفيفه على شفتيها وقالت وهي تتحاشى النظر اليه:

-أظن فاضي

اتسعت ابتسامة "كرم" قائلاً:

-لأ أنا مش عايز أظن دى .. انا عايز رد أكيد .. فاضى ولا مشغول ؟

اتسعت ابتسامتها قائله:

-فاضي

ثم تركته و غادرت مسرعة .. دخلت الى غرفتها أغلقت الباب ووقفت خلفه تتذكر ما قيل منذ قليل .. لا تصدق أن "كرم" اعترف أخيراً بحبه لها .. ويرغب أيضاً فى الزواج منها .. شعرت بسعادة طاغية فى قلبها .. أخرجت هاتفها واتصلت بـ" ياسمين" قائله وهى تقفز فرحاً:

" -ياسمين" .. "كرم" قالى بحبك

صاحت "ياسمين" بدهشة:

-ایه .. بتقولی ایه

ضحكت "ريهام" قائله:

-بقولك "كرم" قالى بحبك

-بتهزری .. هو مش هیخطب

-لأطلع ابن اللذين بيعمل فيلم عليا .. "ياسمين" أنا فرحانه فرحانه فرحانه .. "كرم" قالى بحبك .. قالى "بحبك" يا "ياسمين"

ضحكت "ياسمين" قائله:

-برافو یا "کرم" أصلا البنت كان في عقلها برج واحد سلیم ودلوقتي جیت حضرتك قضیت علیه

قالت "ريهام" بمرح:

-أقولك خبر كمان .قالى انه هيتقدم ويطلبنى من بابا .. هو مقلهاش صراحة بس معنى كلامه كده

صاحت "ياسمين" بفرح:

-بجد .. بجد یا "ریهام" .. فرحتینی .. أنا مش مصدقه

-أمال أنا اقول ایه .. بجد حسه انی بحلم .. ''کرم'' قالی بحبك .. كرم قالی ''بحبك'' .. ومش بس كده ده كمان هیتقدملی

صمتت قليلا ثم صرخت بفرح:

" -ياسمين" "كرم" قالى بحبك وهيتقدملي

" -ريهام" صوتك واصل من الأوضة لعندى هنا .. اهدى شوية .. الله يسامحك يا "كرم"

" -ياسمين" عشان خاطرى خلصى بسرعة وتعالى عايزة أتكلم معاكى كتير .. عشان خاطرى متتأخريش

طيب يا حبيبتي هخلص وأجيلك على طول

كانت "ياسمين" سعيدة للغاية من أجل اختها ... كانت جالسه فى مكتبها عندما رأت امرأة تتقدم وتدخل الغرفة .. نظرت "ياسمين" لهذه المرأة الأنيقة بملابس محتشمة وابتسامتها على ثغرها .. فابتسمت لها "ياسمين" قائله:

-أهلا بحضرتك اتفضلى

دخلت فوقفت "ياسمين" أمامها .. قالت "كريمه: "

-انتی اسمك ایه ؟

ابتسمت الياسمين القائله:

-أنا اسمى "ياسمين"

أومأت "كريمة" برأسها قائله:

-وأنا كريمه والدة "عمر"

اضطربت 'ایاسمین' من المفاجأة .. ولم تدری ماذا تقول .. بعد برهه قالت 'ایاسمین: " -اتفضلی حضرتك

جلست "كريمه" على أحد المقاعد .. وجلست "ياسمين" على المقعد المجاور لها .. نظرت اليها "كريمه" متفحصه .. شعرت "ياسمين" بالخجل فأطرقت برأسها .. ابتسمت "كريه" قائله:

-بصراحة أنا مصدومة شوية

خفق قلب "ياسمين" فهى ليست مستعدة أبداً لتكرار تجربتها مع عمته .. فقالت "كريمه: " -أولاً "عمر" ما قاليش سنك فعشان كده كنت متخيلاكى أكبر من كده .. بس انتى شكلك بنوته صغيره .. ده غير ان باين عليكي هادية وخجوله .. يعنى بصراحة صورة غير اللى كنت رسماها فى خيالى

شعرت "ياسمين" بالضيق فهي لا تعرف هل هذا مدح أم ذم .. فقالت لها:

-اظاهر ان كل اللي بيشوفوني من عيلة البشمهندس "عمر" بيتصدموا

قالت "كريمة" وقد أنتبهت الى أن الفتاة مجروحه مما قالته "ثريا" سابقاً .. فقالت لها:

-أنا فضلت ان أنا اللي آجي .. لاني شايفه ان لازم حد مننا يعتذرلك عن الكلام والاساءه اللي اتوجهت ليكي

نظرت اليها "اياسمين" بإستغراب فأكملت الكريمه قالئه:

-بصى يا بنتى .. أنا أهم حاجه عندى ان ابنى يكون مبسوط ومرتاح .. وانه يختار بنت تعرف تحافظ عليه .. "عمر" ابنى ده أنا بحبه حب مش قادرة أوصفهولك .. لانى مخلفتش غيره .. فهو عندى بالدنيا .. ومفيش عندى حاجه أحب من انى أجوزه وأشوف ولاده بيتنططوا حواليا ابتسمت "ياسمين" وقد شعرت بحنان و أمومة تلك المرأة الجالسه بجوارها .. أكملت "كريمه" قائله:

-وأنا شايفه ان ابنى متعلق بيكي أوى .. صحيح معرفكيش من فترة كبيرة .. بس أنا أول مرة أشوف "عمر" متعلق بواحده كده

شعرت "ياسمين" بالسعادة تغمر قربها لكلمات "كريمه" .. أكملت "كريمه" قائله:

-الحاجه الوحيدة اللى "عمر" بيتمناها دلوقتى هو انك تكونى زوجة ليه .. وأنا عرفت انك رفضيته .. فحابه اننا نتكلم مع بعض .. زى أم وبنتها .. ده لو طبعاً تحبي تعتبريني زى ماما شعرت "ياسمين" بحنان تلك المرأة يغمرها .. وشعرت بالفعل بأن قلبها مال اليها فقالت لها بصدق:

-بجد كلام حضرتك وكون ان حضرتك تجيلى هنا دى حاجه كبيرة أوى عندى .. وأنا طبعا يشرفنر انى أتكلم مع حضرتك كلام أم وبنتها ابتسمت "كريمه" قائله:

-اتفقنا .. يباه قوليلى بأه وبصراحة شديدة انتى ليه رافضه "عمر" .. هل لكلام "ثريا" ولا في أسباب تانيه ؟

صمتت "ياسمين" قليلا ثم نظرت اليها قائله:

-أعتقد البشمهندس "عمر" قال لحضرتك عن ظروفي

أومأت "كريمه" برأسها فأكملت "باسمين" قائله:

-أنا حسه ان فى فروق كتير بينى وبينه وده مخوفنى .. خايفه منقدرش نتفاهم مع بعض .. خايفة ان الخلافات تكون جو هرية لدرجة انها تصدمنا بعد كده .. أنا مريت بتجربة قاسية أوى .. وخايفه بجد انى أختار غلط مرة تانيه .. مش عايزة أتجرح .. أنا بطبعى مش متردده .. وببقى عارفه أنا عايزة ايه .. بس يمكن التجربة اللى مريت بيها خلتنى خايفه .. خاصة وأنا شايفه الفروق اللى بينه وبين البشمهندس "عمر" .. مش بتكلم عن الفروق المادية بس .. لكن فى الطباع .. وفى الجو اللى كل واحد فينا اتربي فيه .. خايفه يحصل صدام بينا فى يوم من الأيام .. وعشان كده أنا متردده أوى

استمعت "كريمه" اليها .. ثم قالت:

-أولا أان بحترم فيكي انك وأحدة عاقلة مش متسرعة .. يعني بنات كتير غيرك كانوا شافوا "عمر" فرصه بالنسبة لهم .. وما كانوش اترددوا أبدا .. بس ترددك ده دليل على انك انسانه جاده وعاقلة وفاهمة الجواز صح ..وأنا معاكى ان ممكن كيون فى فعلا فروق بينكوا .. أما هل الفروق دى ممكن تسبب صدام بينكوا ولا لاء دى حاجه انتوا الاتنين اللى تقدروا تقرروا مع بعض .. مش انتى لوحدك .. ومش هو لوحده .. لازم تعدوا تتكلموا مع بعض ونحطوا النقط فوق الحروف .. تعرفيه ايه اللى انتى خايفه منه .. وهو كمان اكيد عنده مخاوف يتكلم معاكى فيها .. وتحلوا الموضوع سوا .. وتقرروا اذا كنتوا مناسبين لبعض فعلا ولا لاء .. لكن الرفض بدون محاولة لفهم الشخص اللي أدامك ده أكبر غلط .. لانك ممكن بكده تضيعى على نفسك فرصه انك تكونى سعيدة معاه

صمتت "ياسمين" وهي تستمع الى لكلمات "كريمه"الى اخترقت علقها واستقرت به .. اكملت "كريمه" قائله:

-اللى أنا أقترحه عليكي .. وليكي طبعا حرية الموافقة او الرفض .. هو ان تتتعمل خطوبة .. وفترة الخطوبة اصلا معمولة عشان الاتنين يعرفوا بعض ويدرسوا شخصية بعض .. ويقرروا هل كل واحد شايف التانى شريك حياته المناسب ولا لاء .. فرأيي انكوا تاخدوا خطوة الخطوبة .. وبعدين تقرروا انتوا عايزين ايه

ابتسمت لها "ياسمين" قائله:

-بجد كلام حضرتك ريحنى كتير .. حسيت انك فهمانى فعلاً

ابتسمت "كريمه" في حنان:

-وأنا عايزة أقولك انى ارتحتلك أوى .. وحسه ان "عمر" المرة دى اختار صح .. وأحبك أطمنك .. مش عشان أنا أمه .. بس "عمر" بجد راجل مش هتلاقى زيه .. وانتى بنفسك هتكتشفى ده

قامت "كريمه" .. فوقفت "ياسمين" هي الأخرى .. قبلتها "كريمه" على وجنتيها قائله: -ربنا يقدملكوا اللي فيه الخير يا بنتي .. أستأذن أنا

كان لتلك المقابلة أثر السحر على نفس "ياسمين" شعرت بالراحة الشديدة لكلام" كريمه" وتفهمها لموقفها .. شعرت بالراحة والسكينة في قلبها

عادت "كريمة" لتجد "عمر" في استقبالها وعلامات اللهفة على وجهه قائلاً:

-ها .. ايه الأخبار

قالت "كريمه" بخبث:

-الحمد لله .. يلا أسيبك بأه عشان هطلع أنام شوية

وقف "عمر" أمامها قائلاً بمرح:

-لا ميدخلش عليا الكلام ده .. قرى واعترفى يا ماما باللى حصل بالتفصيل الممل ضحكت "كريمه" قائله:

-طيب ممكن على الأقل أعد

أفسح "عمر" الطريق أمامها ومديده بطريقة مسرحية قائلاً:

-طبعاً اتفضلي يا ست الكل

جلست "كريمةً" على الأريكة وجلس "عمر" بجانبها قائلا بإهتمام:

-ها رأيك فيها ايه ؟

ابتسمت "كريمه: "

-بصراحة عجبتني

ابتسم "عمر" وظهرت علامات السعادة على وجهها:

-مش قولتلك هتحبيها .. ها اتكلمتوا في ايه .. وصلتوا لايه .. قالتلك كل الأسباب اللي مخلياها ترفض ؟

قالت "كريمة" بجديه:

-بصى يا "عمر" أنا شافيه ان البنت معاها حق تخاف وترفض .. البنت عايشة فى مستوى غير اللى انت عايش فيها .. وانت بالنسبة لها واحد غريب عليها متعرفش لا أخلاقه ولا طباعه .. ده غير تجربتها اللى زودت خوفها ده

فكر "عمر" قليلاً ثم قال:

-طیب ما أنا حابب انی أقرب منها أكتر وأطمنها من نحیتی

-وده اللي أنا قولتهولها .. اقترحت انكوا تعملوا خطوبة .. وتحاولوا تفهموا بعض أكتر ..

وتتكلموا مع بعض بصراحة

قال "عمر" بلهفه:

-ووافقت ؟

ابتسمت الكريمة القائله:

-أنا سبتها تفكر .. بس احساسى بيقولى انها هتوافق .. الى حسيته يا "عمر" ان البنت دى بتحبك .. هي بس محتاجه انها تطمنلك

عانق "عمر" أمه قائلاً:

-ربنا يخليكي ليا يا أمي .. بجد ريحتى قلبي

نظرت اليه "كريمه" وقالت:

-بس ایه ده یا "عمر" .. یعنی اختیار غیر "نانسی" تماما ..بصراحة لما شوفتها اتصدمت شویة

قال "عمر" بجديه:

وده اللى جذبنى ليها .. حاسسها مختلفة .. محافظة على نفسها جداً .. تصورى حتى مبتسلمش عليا بايدها .. لا أنا ولا غيري .. مبتسمحش لحد انه يتجاوز حدوده معاها ... وبتحط خطوط حمرا للى أدمها ومش مسموحله أبدا انه يعديها .. مبتسمحش لأى راجل انه يقرب منها مهما كان هو مين .. وده مخليني هتجنن عليها

-ربنا يجعلها من نصيبك يا "عمر"

-أيوة يا أمى ادعيلى الدعوة دى

رن جرس الهاتف .. اخرجه "مصطفى" من جيبه ليجد رقماً غريباً رد فأتاه صوت فتاة قائله:

-البشمهندس مصطفى معايا ؟

-أيوة أنا مين معايا

أنا واحدة متعرفهاش

ابتسم المصطفى القائلاً:

-وعايزة ايه ياللي معرفكيش

-اسمعنى للاخر وانت تعرف أنا عايزه ايه

-قولی یا موزه

-أنا أعرف طليقتك "ياسمين" وأهلها .. وأعرف هما أعدين فين دلوقتي

قال المصطفى البدهشة:

-انتی عرفتی رقمی منین

-باباها راجل غلبان أوى .. ومش صعب تاخد منه اى معلومة انت عايزها .. عرفت منه اسمك واسم الشركة اللى بتشتغل فيها .. كلمتهم فى الفرع الرئيسي وطلبت رقم فرع البحر الاحمر .. واتصلت بالموقع عندك ورد عليا واحد من حسن حظى انه صاحبك وادانى رقم موبايلك

وایه اللفه الطویلة دی ؟

-اسمعنى للاخر وانت تعرف .. طليقتك اللى كانت مراتك .. طلبت الطلاق عشان يخللها الجو مع الراجل اللى بتحبه .. ولما انت ضربتها هاخدتها حجة عشان تعرف ترفع القضية وتطلق منك قطب "مصطفى" جبينه قائلا:

-انتی بتقولی ایه ؟

-بقول انها كانت بتحب واحد وخباها فى بيته هو واهلها وشغلهم كمان .. ودلوقتى هيتجوزوا بعد ما "ياسمين" اديتك أكبر قلم وضحكت عليك

صاح بغضب:

-أنا مفيش حد يقدر يضحك عليا ده أنا تيييييييييييي هي وأهلها

-أيوة تعجبنى وانت حمش كده .. لو فعلا عايز تنتقم منها ومن عشيقها ده .. ومش بس كده تكسب انت كمان فأنا عندى خطة متخرش الميه

سألها بشك:

- -وانتی هستتفادی ایه لما تساعدینی ؟
- -هاخد بتارى منهم هما الاتنين .. وكمان هبقى كسبتلى قرشين
- -انتى عايزانى اعمل ايه بالظبط .. ومكسب ايه اللي هيكون ليا وليكى ؟
 - -فلوس .. ملايين بمعنى اصح
 - قال المصطفى السخريه:
 - -انتى شكلك واحدة فاضية وبتهرجي
- -لأ مش بهرج اسمعنى للآخر وانت تعرف انى جد .. وجد أوى كمان .. بس الموضوع محتاج راجل بجد ٍ.. يا ترى انت راجل بجد يا "مصطفى"

صاح قائلاً:

-ده انا أرجل من أرجل راجل عرفتيه .. قولنوسمعيني الكلام اللي عندك

-بصراحة يا "سماح" كلام مامته ريحنى أوى .. حستها فهمانى ابتسمت "سماح" قائله:

-أنا فرحانه اوى بالتطورات دى .. كون أصلاً انها تجيلك لحد عندك وتعتذرلك عن اللى عمته عملته دى حاجه كويسة أوى .. وكمان كلامها مقنع .. انا كمان رأيي من رأيها ..وافقى على الخطوبة يا "ياسمين"

تنهدت الياسمين القائله:

عارفه يا ''سماح'' .. أنا عامله زي اللي عين في الجنة وعين في النار .. بجد حسه بحيرة وخوف كبير أوى جوايا .. عارفه ايه أكتر حاجه مخوفاني .. ان "عمر "ميكنش بالصورة الحلوة اللى أنا رسمهاله .. يعنى بجد هتصدم أوى لو في يوم قالى اقلعي حجابك .. أو لو قالى البسى زى ما بشوف البنات بتلبس .. بجد هحتقره أوى .. أنا مش قادرة أفهم لحد دلوقتى تفكيره .. انتى عارفه ياي سماح" اننا اتربينا من صغرنا ان الحجاب ده جزء من البنت مينفعش تتخلى عنه أو تفرط فيه .. حاجه مهمة أوى في حياتها .. خايفه أتصدم في "عمر" .. وتكون الحاجة دى بالنسبة له مش مهمة ومحصله بعضها .. خايفه كل اللي أنا أكون شايفاه خطوط حمرا هو يشوفها خضرا ..ده غير اسلوبه مع البنات .. مستحيل أقبل ان جوزى يسلم بالايد على بنت عمته او على اى واحده ويسبها تبوسه وتحضنه كمان .. مش ممكن أقبل ده أبدأ .. خايفة يحصل صدام بينى وبينه .. ويقولى أنا كده واتربيت كده وعيشتى كده .. لان أنا مش ممكن هقبل كده .. خايفة يكون بعيد عن ربنا أوى .. أنا حساه فعلا بعيد .. بس خايفه يكون بعيد اوى .. بعيد البعد اللي أفشل في اني أقربه ..أنا لحد دلوقتي مش عارفه أفهمه .. خايفه يا "سماح" لو قررت في يوم اني اسلم على صحابه وقرايبه الرجاله بايدي ألاقي ان ده عادى عنده ومش فارق . خايفه لو قولتله في يوم اني عايزة ألبس لبس مفتوح او ضيق يفرح بكده او يقولي عادى ومش فارقه .. خايفه محسش انه راجل وخايف عليا وبيغير عليا .. خايفه ميحسسنيش انه غيران عليا يا "سماح .. "خايفه أكون جذبه انتباهه بس عشان انا حاجه جديدة في حياته .. بس بعد فترة يتعود عليها ويمل منها .. ويحن للبنات اللي يعرفهم .. خايفة أسيب قلبي يحبه ويتعلق بيه والآخر ألاقيه هو اللي سبني .. خايفة أوى يا "سماح" كانت "سماح" تنظر اليها وتستمع في صمت .. أكملت "ياسمين" قائله:

-وفى نفس الوقت شوفت منه حاجات مطمنانى .. يعني مثلا عارف حدودى كويس ومش بيحاول يتعداها معايا .. ولما برفض حاجه بيبقى فاهم سبب رفضى .. شوفت اللى عمله مع العامل اللى اتصاب .. كان شجاع أوى وهو بيحاول ينقذ ايده .. ولما ساعد الست الغلبانة اللى طردوها .. ولما كان معايا وأنا بولد المهره .. وهو بيلبس الجلبيه الفلاحى .. حسيته أد ايه طيب ومش مغرور وحنين وقريب منى ومن طباعى

قالت الياسمين المبتسمه:

-تعرفى ان بابا لما راح المستشفى اللى فيها العامل هو و "ريهام" أهل العامل قالوله ان "عمر" دفع كل مصاريف علاجه وكمان مرتبه قالهم هيوصلهم كل شهر

-مكنتش أعرف .. "أيمن" ما قاليش

-بجد متتصوریش اللی عمله ده خلانی حسه بایه .. بجد عجبنی أوی اللی عمله .. واحد غیره کان قال وأنا مالی .. بس هو کان فی الموقف ده راجل بجد .. حنیته دی بتجننی یا "سماح" .. أنا بحب أوی الراجل الحنین

ابتسمت السماح الصديقها فأكملت الياسمين البسعادة:

-أنا حسه انى بدأت أتعلق بيه أوى يا "سماح" .. وعشان كده نفسي فعلا أعرفه أكتر عشان أقدر أقرر صح .. أنا فعلا حسه ان كلام مامته صح .. وان المفروض نعمل خطوبة .. عشان نقدر نفهم بعض

هتفت "سماح" بفرح:

-يعنى وافقتى ؟

أوقفتها "ياسمين" بيدها قائله:

-لأ استنى ما قولتش انى وافقت .. أنا قولت انى حسه ان ده المفروض يحصل .. بس لسه ما قولتش أيوة

صاحت "سماح: "

-يا ستى قولى أيوة بأه

ضحكت "ياسمين" قائله بدلع:

-هستخير الأول .. وبعدها هقول رأيي

رفعت "سماح" كفيها هاتفه:

-يارب يبقى أيوة يارب

عادت "ياسمين "من عند "سماح" ودخلت بوابة المزرعة لتسمع خلفها صوت سيارة" عمر" .. التفتت .. خفق قلبها لرؤيته أكملت طريها .. سار بسيارته مسرعاً وأوقفها أمام بيت المزرعة ثم نزل والتفت ينتظرها .. كادت أن تكمل طريقها لكنه أوقفها قائلاً:

-ازیك یا "یاسمین"

قالت بصوت خافت:

-الحمد لله

```
ابتسم قائلاً:
```

-كنتى فين ؟

-كنت عند "سماح"

اتسعت ابتسامته ونظر اليها بخبث قائلاً:

-شكلى هبتدى أغير من "سماح "

احمرت وجنتاها ومشيت خطوتين قبل أن يناديها قائلاً:

" -ياسمين" أستنى

التفتت اليه وقلبها يخفق بشده .. سألها بإهتمام:

-فكرتى في اللي ماما قالتهولك ؟

أومأت برأسها .. فقال:

-وقررتي ايه ؟ .. موافقه ؟

شعرت بالارتباك لكنها نظرت اليه قائله:

- هستخير وبعدين أقول قرارى

نظر في عينيها بحنان قائلاً بصوت شجى:

-وأنا هستنى قرارك .. بس متتأخريش عليا .. مبقتش مستحمل بعدك ده .. كفايه تعذيب بأه .. نفسي أحس انك ليا بجد .. وايدك دي يبأه فيها دبلتى .. والكل هنا يعرف انك بتاعت "عمر" .. بتاعته هو وبس.

شعرت بحنان عينيه يغمر قلبها .. وبكلماته تخترق أعماق روحها لتستقر بها .. أومأت برأسها .. ثم التفتت لتغادر وعلى ثغرها ابتسامه عذبه..

كانت سعادة "عبد الحميد" غامرة عندما زاره "كرم" في مخزن العلف قائلاً:

يشرفني اني اطلب من حضرتك ايد الآنسه "ريهام"

قال له "عبد الحميد" في سعادة غامرة:

وأنا طبعاً يشرفنى انى أديك بنتى يا بشمهندس "كرم" .. بس لازم آخد رأى "ريهام" الأول أوما "كرم" برأسه قائلاً:

طبعاً يا عم "عبد الحميد" خد وقتك ..بس ياريت بعد اذنك احنا مش محتاجين فترة خطوبة .. يعني احنا بنشتغل مع بعض من فترة .. والأفضل يبقى كتب كتاب على طول

صمت "عبد الحميد" قليلاً ثم قال:

فى العجلة الندامة يا ابنى أخليها فترة خطوبة الأول حتى لو فترة صغيرة وبعد كده لما تحبوا تكتبوا الكتاب مفيش مشكلة .. بس كل حاجه تيجى بالهداوه

أومأ "كرم" برأسه قائلاً:

-خلاص زى ما تشوف يا عم "عبد الحميد" .. بس زى ما حضرتك قولت فترة خطوبة صغيرة ابتسم "عبد الحميد" في فرح قائلاً:

-على خيرة الله

ذهب "عبد الحميد" الى غرفة بناته .. وبشرهم بالخبر .. نظر الى "ريهام" قائلاً:

-البشمهندس "كرم" طلب ايدك منى يا "ريهام" يا بنتى .. قولتى ايه ؟

حاولت "ريهام" كتم فرحتها بصعوبة .. كانت تشعر بالرغبة في القفز في الهواء .. لكنها

```
تمالكت نفسها قائله بهدوع:
                                                  -وحضرتك قولتله ايه يا بابا ؟
                             -قولتله هسألك الأول وبعدين أرد عليه .. ها رأيك ايه
نظرت "ريهام" الى الأرض في خجل وابتسامه واسعة مرسومة على شفتيها .. فتدخلت
                                                              "باسمين" قائله:
                                                     ضحك "عبد الحميد" قائلاً:
                                                       قالت "ياسمين" بسرعة:
```

-قوله موافقه يا بابا .. بس متقولوش دلوقتى سيبه يومين كده

-والله الحريم دول عليهم حركات .. ما نريح الراجل ونقوله موافقه

-لأ استنى يومين تلاته كده ويعدين قوله انها موافقه

خرج "عبد الحميد" وتعانق الأختان في فرح .. قالت "ريهام: "

-أنا مش مصدقة يا "ياسمين" حسه بجد انى بحلم .. أنا مش بحلم صح ؟ ضحكت "ياسمين" قائله:

-لأ مش بتحلمى .. فوقى بأه ده انتى ضربتى خالص

-مش ليا حق .. أنا فرحانه أوى .. هاين عليا أنزل دلوقتى أروحله المكتب وأقوله "كرم" أنا موافقة يلا نتجوز

ضحكت "ياسمين" قائله:

-والله مجنونة وتعمليها

صمتت "ياسمين" قليلاً ثم قالت:

-بس احنا لسه معرفناش هو ناوى يعيش هنا في المنصورة ولا هيرجع القاهرة قالت "ريهام" وقد انتبهت للأمر:

-فعلاً معاكى حق .. النقطة دى مش واضحة بالنسبة لى

- لازم نعرف النقطة دى

قالت "ريهام" بسرعة:

-أى ان كان مش هتفرق بالنسبة لى المهم انى أعيش مع "كرومتى"

ضحكت "ياسمين" قائله:

" -كرومتك" ؟ ... تصدقى كرهتينى في اسمه

قالت "ريهام" بخبث:

-آه "كرومتى" .. زى ما "عمر" "عمورتك"

ابتسمت "ياسمين" في خجل .. فقالت "ريهام" بلهفة:

-يا ستى حنى على الراجل بأه .. هتفضلى تقلانه لحد امتى .. الراجل خلاص سخن واستوى على الآخر .. فاضلة تكه ويشيط الحقيه قبل ما يشيط أبوس ايديكي

ضحكت "ياسمين" قائله:

-علیکی تعبیرات تودی فی داهیة

قالت"ريهام" بخبث:

-بالله عليكى أما بتشوفيه ما بتحسيش ان قلبك ده من كتير الدق صوته واصل لأسوان قالت "ياسمين" بخجل:

```
-أيوة بحس بكده
تنهدت ''ريهام'' قائله:
-طيب بأه ارحمي قلبك
```

-طيب بأه ارحمى قلبك وقلبه .. خلينا نعمل خطوبتنا في يوم واحد أنا وانتي

نظرت اليها "ياسمين" قليلاً في صمت .. ثم قائله:

-ربنا پیسر

صاحت "ريهام" قائله:

" -ياسمين" بجد انتى تشلى .. ربنا يكون في عونك يا "عمر" .. ليك الجنة يا ابنى

قالت الياسمين البجديه:

" -ريهام" متنسيش انى مطلقة يعني أى حاجه أعملها محسوبة عليا .. مش عايزة أتسرع .. حاولى تفهميني

قالت أريهام: "

-والله فهماكي .. ومتخفيش "عمر" انسان كويس

-عرفتی منین بأه انه کویس

ابتسمت "ريهام" قائله بمرح:

-مش صاحب "كرومتي" لازم يبقى كويس

ثم نظرت لها بجدیه قائله:

-استخيريي وشوفي ربنا هيختارلك ايه

أومأت "ياسمين" برأسها قائله:

-أنا بعمل كده فعلاً .. بستخير .. وراضة باللي ربنا يختار هولي

-يعني خلاص أخيراً قررت انك تتجوز

هتف "أيمن" بهذه العبارة أثناء جلوسه مع "كرم" في "عمر" في حجرة المعيشة بمنزل "عمر" .. قال "كرم" بمرح:

-أعمل ايه مكنتش عايز أتجوز أبداً .. بس جت اللى خدتنى على ملا وشى .. وقلبت حياتى من فوقها لتحلتها

ابتسم "عمر" قائلاً:

-أخيراً عشت وشوفت اليوم ده .. "كرم" قرر يتجوز أنا لسه لحد دلوقتى مش مصدق قال "أيمن: "

- لأ ومش أى بنت .. "ريهام" اللي هتطلع عليه القديم والجديد ان شاء الله

ضحك "عمر" قائلاً:

-يستاهل .. بصراحة هما الاتنين يستاهلوا بعض

قال "كرم: "

-آه غنوا أصاد بعض انتوا الاتنين

ابتسم "عمر" قائلاً بفرح:

-بجد والله فرحتك أوى يا "كرم"

قال "أيمن: "

-يلا شد حيلك انت كمان يا "عمر" .. وممكن تعلموا انتوا الاتنين خطوبتكوا مع بعض قال "عمر" بلهفه:

-ياريت بجد يا "أيمن "

قال "كرم: "

-لا اطمن .. أنا حاسس ان خلاص فاضل على الحلو زقه

صاح "عمر: "

-ما تحترم نفسك يا ابنى انت .. ايه حلو دى ؟

ضحك "كرم" قائلاً:

-خلاص يا باشا غلطة مطبعية

-لأ ابقى خد بالك بعد كده

-حاضريا عم الحمش

أقبلت "كريمة" ومعها الخادمة حاملة صنية بها عصير وبعض أطباق الحلوى .. قالت "كريمه" بسعادة:

-ألف مبروك يا "كرم" .. بجد فرحتك أوى ..ربنا يتممك على خير

قال "كرم" بمرح:

-شوفتی یا طنط . أخرة صبری آخد أخت خطیبة "عمر" .. یعنی "عمر" ورایا ورایا حتی فی جوازی مش عایز یعتقنی

ضحكت "كريمة" قائله:

-ربنا يخليكوا لبعض

ثم نظرت الى ثلاثتهم قائله:

-بجد يا ولاد صداقتكوا دى عملة نادرة دلوقتى .. انتوا ربنا أنعم عليكوا بنعمة كبيرة ناس كتير أوى محرومة منها .. صداقتكوا دى كنز بجد .. انتوا من سنين وانتوا مع بعض أكتر من الاخوات .. واقفين جمب بعض فى الحزن قبل الفرح .. بجد انتوا فى نعمة بكيرة أوى حافظوا عليها .. وعلموا ده لوالدكوا وقربوهم من بعض عشان يكون بينهم الصداقة الجميلة اللى بينكوا دلوقتى .. واوعوا تبعدوا عن بعض أبداً مهما حصل .. سبحان الله الطيور على أشكالها تقع وانتوا التلاته متتخيروش عن بعض .. ربا يعلم ان معزتك يا "كرم" انت و" أيمن" من معزة اعمر" ابنى وبعتبركوا ولادى زيه بالظبط

كان الأصدقاء الثلاثة ينظرون لها بتأثر فأقبل "عمر" عليها وقبل رأسها قائلاً:

-ربنا ما يحرمني منك يا أمي ولا من نصايحك الغالية

خرجت الأم لتترك الأصدقاء الثلاثة ينعمون بصحبة يعضهم البعض

قال "مصطفى" لذلك الصوت الأنثوى عبر الهاتف:

- لأ الفلوس هتتقسم على 3 مش 2 ؟

```
الصوت بضيق:
                                                                          لیه بأه 3
                                        -عشان هجيب واحد محتاجه معايا في المهمة دي
                                -واحد مين ان شاء الله .. بقولك ايه احنا مش عايزين عك
                                                             قال "مصطفى" بعصبيه:
بقولك محتاجه معايا .. افرض حصلت أى ظروف أحتاج فيها لحد جمبى .. وطبعا حضرتك مش
                                                               هتساعدینی لو احتجتك
  -أنا دورى في الخطة دى معروف ومش هعمل أكتر من اللي اتفقنا عليه .. وكفاية ان أنا اللي
                                                                 خطت لكل العملية دي
ـوعشان كده محتاج واحد معايا وقت التنفييذ .. لأن وقت التنفيذ الله أعلم ايه اللي ممكن يحصل
 . وكمان هو بيفهم في الحاجات دي كويس وأكيد هيفيدني كتير بدل ما الدنيا تتعك فوق دماغنا
                   ـخلاص مفيش مشكلة بس طالما الفلوس هتتقسم على 3 يبأه نطلب أكتر
                                                                            -ازای ؟
       - يعني بدل ما كنا هنطلب 2 مليون نطلب 3 وبكدة حصة كل واحد فينا تفضل زى ما هي
                                                                    قال "مصطفى: "
                                                                          ـتمام كده
                                                 بس قولي اللي هتجيبه ده واثق فيه ؟
                                                               -أيوة متقلقيش .. أمان
                       -طيب .. بس خلى بالك .. حركة واحدة غلط وهنروح في ستين داهية
                                                           قال "مصطفى" بنفاذ صبر:
                                                                   قولتلك متخفيش
                                                                        امتى التنفيذ
                                                     قال "مصطفى" وهو يضيق عيناه:
                                                                              _بكرة
```

توجهت "ياسمين" الى مكتب "عمر" لإعطائه ملف التقارير الاسبوعية .. فتحت الباب لتجد والدته جالسه معه في المكتب على أريكة جانبيه ..ابتسمت "كريمة "قائله:

ازیك یا "یاسمین"

بادلتها "ياسمين" الابتسامه قائله:

الحمد لله ازى صحة حضرتك

بخير يا حبيبتي الحمد الله

ثم نهضت قائله:

السيبكوا بأه تشوفوا شغلكوا

غادرت ثم أمسكت الباب وأغلقته خلفها .. توترت "ياسمين" .. ولدهشتها وجدت" عمر" يتجه الى الباب ويفتحه مرة أخرى ثم يتقدم منها ويقف أمامها مبتسماً .. لاحت ابتسامه صغيره على شفتيها و خفضت عينيها في خجل قائله:

-اتفضل يا بشمهندس التقرير الاسبوعى .. الدكتور "حسن" راجعه ومضى عليه أخذ منها الملف قائلاً:

عارفة أنا نفسى في ايه ؟

صمتت .. فأكمل بحنان قائلاً:

ـنفسى أسمع "عمر" بدل بشمهندس

شعرت بالخجل فنظر اليها بدفء:

ـتعرفی انك عمرك ما نطقتی اسمی أبداً .. حتی ما بتقولیلیش بشمهندس "عمر .. "بتقولی بشمهندس بس .. نفسی أسمع منك "عمر" .. أكيد اسمی هیبقی له طعم تانی لما أسمعه منه قالت بسرعة لتتهرب من تأثیر كلماته علیها:

بعد اذنك

ثم غادرت مسرعة وخفقات قلبها تتعالى وابتسامة شفتيها تتسع .. حتى أن "ولاء" لاحظت السعادة البادية على محياها فاقتربت منها قائله:

-خير .. مش عادتك يعني الابتسامه اللي من الودن للودن

حاوت "ياسمين" اخفاء ابتسامتها قائله:

عادی یعنی

ابتسمت "ولاء" قائله:

ـلأ مش عادى .. لما أشوف والدة "عمر" جيالك المكتب وتعد معاكى وقت طويل يبأه مش عادى .. وانتى تبقى الفرحة مش سيعاكى يبقى مش عادى

نظرت اليها "ياسمين" وهي تشعر بالحيرة أخبرها .. أم لا تخبرها .. أخرجتها "ولاء" من حيرتها قائله بإبتسامه:

من غير ما تقولى واضح جداً اللي بيحصل .. انتى بنت طيبة وتستاهلي كل خير

قالت "ياسمين" بخجل:

-أنا لسه موافقتش

قالت "ولاء" بنفس الابتسامه:

-أهم حاجه استخيري كويس واسألوا عليه كويس .. وأى حاجه تسمعيها عنه ناقشيه فيها وشوفى رده عليها ايه .. يعني اللى أقصد أقولهولك لما تعرفى عنه حاجه متكبريش دماغك منها .. لأ لازم تعرفى أصل وفصل الحكاية منه .. عشان تبقى على نور من الأول .. وتكونى متأكدة من أخلاق الراجل اللى هترتبطى بيه

أومأت "ياسمين" برأسها قائله:

معاكى حق .. أى حاجه اشاعه أسمعها عنه لازم أتأكد هي صح ولا لأ

ربنا يتمملك على خيريا "ياسمين" لو كان فيه خير ليكي

ابتسمت "ياسمين" قائله:

ـتسلمي يا ولاء .. وعقبالك انتى كمان

جلست الكريمه المع زوجها على شرفة غرفتهما قائله:

-بصراحة اتصدمت لما شوفتها .. لانها مختلفه عن "نانسي" .. وقولت الكلام ده ل "عمر" قال "نور: "

-بصراحة اللى اسمها "نانسي" دى أنا مكنتش مرتحلها خالص .. بس انتى عارفه انى مبحبش أفرض رأيى على "عمر "

قالت "كريمه:

البنت لبسها محتشم أوى و محجبة وهادية وخجولة وكمان عاقلة وذكية وحسيتها كمان طيبة أوى

ضحك "نور" قائله:

- كل ده عرفتيه عنها من مقابلة واحدة

ابتسمت "كريمه: "

-انت عارف انى بقدر أفهم الناس بسرعة .. والبنت فعلاً مريحه .. تعرف يا" نور" محستش أبداً انها واحدة كانت متجوزة قبل كده .. يعني تحسها بنوته صغيرة .. ولما اتكملت عن جوازتها الأولى وانها كانت تجربة قاسية عليها .. بصراحة صعبت عليا أوى .. حسيت ان البنت دى اتظلمت كتير .. وشايله في قلبها كتير .. وده سبب خوفها من الارتباط مرة تانية

بصراحة أيوة .. لما أعدت واتكملت معاها حستها انسانه ناضجة .. مش واحدة بتجرى ورا المظاهر وخلاص .. واحدة شايفه "عمر" عريس لقطة بالنسبة لها .. لأ البنت بتفكر في كل حاجه .. لأنها مش عايزة تختار غلط .. ومش مهتمة بالمظاهر .. أد ما هي مهتمة بشخصية "عمر" وبأخلاقه .. البنت دي لو حبت" عمر" هتحبه من كل قلبها .. وهتحبه عشانه هو .. عشان "عمر" .. مش عشان هو مين وابن مين

ثم أكملت قائله:

-وبعدين واضح انها مؤدبة ومتربية كويس .. مراعية حدودها فى الكلام معايا وبتتكلم بإحترام وبأدب .. بعكس "نانسي" اللى لما كنت بحاول أنصحها عشان مصلحتها هى و "عمر" كانت بتسمعنى كلام ميصحش بنت متربية تقوله لواحده فى سن والدتها .. بصراحة "ياسمين" دخلت دماغى

ابتسم "نور" قائلاً:

-فرحتيني بكلامك ده .. ومن كلامك عنها واضح انى هحبها أنا كمان أكدت "كريمه" قائلاً:

ـهى فعلاً تتحب .. حسه ان "عمر" المرة دى اختار صح

طيب نتفق كده من الأول الكلمة كلمتى واللى هقوله يتنفذ بالحرف .. يا كده يا مش داخل اللعبة نطق "بسطويسي" هذه العبارة .. كان رجل طويل القامة عريض المنكبين له هيئة مرعبة منفرة والشرر يتطاير من عينيه .. تشعر وأنت تنظر اليه بعدم الارتياح .. رد عليه "مصطفى" قائلاً: ماشى يا "بسطوسي" اتفقنا .. بس بشرط مش عايز البنت تتأذى يعني عمليه نضيفه من غير نقطة دم

قال بصوت أجش:

-اتفقنا يا برنس .. امتى التنفيذ

_بكرة

قشطة .. ونصيبي ؟ - مليون جنية زى ما اتفقنا - حلو الكلام .. يلا بأه تعالى اعد عشان نتفق على التفاصيل

قامت "ياسمين" فزعة من نومها مردده ثلاث مرات:

-أعوذ بالله من الشيطان الرجيم

استيقظت "ريهام" على صوتها قائله:

-خير في ايه ؟

لم تستطع "ياسمين" التحدث فقامت "ريهام" وجلست الى جوارها تتفحصها قائله:

مالك في ايه ؟

قالت "ياسمين" بصوت مرتجف:

معرفش حسيت ان في حاجة طابقه على نفسي أوى

قالت لها "ريهام: "

استعيذي بالله

أزاحت "ياسمين" الغطاء ونهضت .. سألتها "ريهام: "

راحة فين

قالت "ياسمين" وهي تحاول استماع شتات نفسها:

-هقوم أتوضى وأصلى قيام باقى ساعة على الفجر .. توضأت "ياسمين" وصلت حتى آذان الفجر .. كانت كلما شعرت بالخوف لجأت الى الصلاة التى تريح قلبها وتطمأنه .. أيقظت "ريهام" لصلاة الفجر .. ثم عادت الى مصلاها ورددت أذكار الصباح التى تحافظ عليها كل يوم وتذكرت حديث رسول الله صلى الله عليه وسلم" :ما من عبد يقول في صباح كل يوم ومساء كل يوم: بسم الله الذي لا يضر مع اسمه شيء في الأرض ولا في السماء وهو السميع العليم ثلاث مرات فيضره شيء ... " ثم أمسكت مصحفها وأخذت تقرأ فيه حتى الشروق

كان يوم عمل عادى بالنسبه الى "ياسمين" .. أنهت عملها وأوشكت على التوجه الى غرفتها عندما وجدت رقماً غريباً يتصل بها ردت فوجدت من تقول:

ازيك يا "ياسمين" أنا الدكتورة "مها"

شعرت "ياسمين" بالدهشة .. لماذا تتصل بها .. خاصة بعدما عملت "ياسمين" من" سماح" بدور "مها" في قصة حريق مخزن العلف .. قالت "ياسمين" ببرود:

خير يا دكتورة ؟

قالت المها: ال

محتاجة أتكلم معاكى شوية

قالت 'اياسمين' بنفس البرود:

مفيش أى حاجه بينى وبين حضرتك نتكلم فيها .. مع السلامه

قالت المهاا بسرعة:

الحاجة دى عن البشمهندس "عمر"

توقفت الياسمين التسمعها .. فأكملت المهاا قائله:

-أنا مش هاخد من وقتك أكتر من خمس دقايق بس

قالت "ياسمين: "

اتفضلي سمعاكي

قالت "مها" على الفور:

لا مش هينفع في التليفون الأفضل أكلمك وجهاً لوجه أنا واقفه أدام باب المزرعة من بره لو سمحتى اطلعى نتكلم شوية لانى مش هينفع أدخل المزرعة بعد اللى حصل

صمتت "ياسمين" قليلاً فألحت عليها "مها" قائله:

مش هاخد من وقتك أكتر من خمس دقايق .. بس بجد المعلومات اللى عندى مهمة جداً ولازم تعرفيها .. أنا منتظراكي أدام البوابة .. سلام

أغلقت الخط وتركت "ياسمين" تتخبط من الحيرة .. أنهت "مها" المكالمة لتتصل بالمصطفى" قائله:

-أنا كدة عملت اللي عليا الدور عليك بأه .. نفذ اللي مطلوب منك صح

قالت ذلك ثم أغلقت .. ترددت "ياسمين" في الذهاب ثم أخيراً عزمت أمرها وتوجهت الى البوابه .. فتح لها الغفير وخرجت .. نظرت يميناً ويساراً فلم تجد أحداً .. سارت قليلا في اتجاه الأشجار التي تقع على أحد جانبي المزرعة .. لتجد فجأة من يطبق عليها من الخلف ويكمم فمها وأنفها بقطعة قماش .. وما هي إلا لحظات وفقدت "ياسمين" الوعى اثر المادة المخدرة الموضوعه في القماش.

جرها الرجل فى اتجاه السيارة التى أخفاها فى شارع جانبي بجوار المزرعة ثم حملها ووضعها فى صندوق السيارة ودخل وجلس بجوار "مصطفى" وقال له:

يلا بسرعة

انطلق ''مصطفى'' بالسيارة الى المكان الذى اتفقا عليها من قبل .. فقد مسحا المنطقة المجاورة للمزرعة جيداً واختارا أنسب مكان لاخفاء ''ياسمين'' به .. وصلوا الى المكان ونزل الرجلا وحملا ''ياسمين'' الى الداخل ووضعاها على الأرض وأخذ ''مصطفى'' يربط يديها خلف ظهرها وربط قدمها وكمم فمها ووضع عصبة على عينها .. ثم أشار له ''بسطويسي'' بالخروج فخرجا معاً وأغلقا الباب ووقفا بجانب السيارة .. قال له بسطويسى:

زى ما اتفقنا فتشها كويس وخد منها موبايلها وأى حاجه معاها ومتخليهاش تشوف وشك ولا تسمع صوتك ..

ثم أعطاه قناع قماش للوجه وقال له:

والبس دى كمان كل ما تيجي داخل عندها

قال له "مصطفى: "

-ألبسها ليه هي أصلا عينها متغميه ومش شيفاني

صرخ فيه "بسطويسى" بغضب قائلاً:

-انت سمعت أنا قولت ايه .. اللي أقولك عليه يتنفذ بالحرف الواحد بدون ما تناقشني فيه .. سمعت

قال "مصطفى" بشئ من الخوف:

_ماشى

قال "بسطويسى" بلهجة آمره:

-يلا البسه وادخلها جوه .. وأنا هروح أعمل اللي اتفقنا عليه

انطلق "بسطويسي" بالسيارة وأرتدى "مصطفى" القناع وفتح الباب ودخل .. اقترب من اياسمين" التى ترقد على الأرض وجثا بجوارها وأزاح ربطة عينها و فمها لينظر اليها بسخريه قائلاً بصوت خافت:

قولتلك مش هعتقك

أخذ "مصطفى" يفك حجابها ويلقيه على الأرض .. راوده شيطانه للحظة للإنتقام منها والثأر لكرامته ولرجولته .. لكنه وجدها تتحرك وقد بدأت فى الإفاقه فأسرع بربط عصبة عينها وكمم فمها .. دقائق وقد بدأت "ياسمين" فى استعادة وعيها بالكامل .. حاولت التحرك و الوقوف .. فما كان من "مصطفى" إلا أن صفعها على وجهها صفعة قوية .. شعرت بالرعب والألم وجهشت فى بكاء شديد .. جلست ساكنة للحظات ثم حاولت القيام مرة أخرى فصفعها مرة أخرى بقوة .. سقطت على الأرض تبطى من شدة الخوف والألم الذى آلم وجهها .. جلست فى مكانها تبكى لا تفهم شيئاً .. لا تعى شيئاً .. خائفة من أن تتحرك فتتلقى لطمة أخرى على وجهها.

سمع "عبد الحميد" طرقات متواليه على باب غرفته .. نهض ليفتح الباب فوجد "ريهام" تقول في لوعه:

-بابا الحقنى ياسمين مش موجودة في المزرعة ومش بترد على موبايلها

صاح "عبد الحميد" بفزع:

- يعين ايه مش موجودة في المزرعة .. كلمتى "اسماح"

قالت "ريهام" وهي تشعر بالفزع:

اليوة كلمتها قالتلى مجتلهاش ومتكلموش أصلاً النهاردة .. أنا خايفه أوى .. مش من عادتها انها تختفى كده ومتردش على موبايلها

خرج "عبد الحميد" و "ريهام" وبحثا عنها مرة أخرى في مكان عملها وفي المزرعة كلها وسألا عنها كل من يقابلانه .. لكن لا أثر لـ "ياسمين" .. توجها الى مكتب "عمر" ليجداه وقد غادر .. ونفس الكلام مع "كرم" و "عمر" .. قال "عبد الحميد: "

-تعالى نروح بيت البشمهندس "عمر" يمكن يكون عارف عنها حاجه

توجها الى بيت المزرعة وطرقا الباب .. فتحت الخادمة فطلب منها "عبد الحميد "أن يتحدث الى البشمهندس "عمر" .. دخلت الخادمة ونادت "عمر" الذي كان يجلس مع والداه .. قام من فوره وتوجه الى الباب وقال بإهتمام:

عم "عبد الحميد" .. اتفضل ادخل .. اتفضلى يا آنسه "ريهام"

قاطعه "عبد الحميد" قائلاً بلهفه:

ماشوفتش "ياسمين" يا بشمهندس

نظر "عمر" اليه بحيره قائلاً:

لأ مشوفتهاش النهاردة

أخذ "عبد الحميد" يضرب كفاً بكف قائلاً:

-لا حول ولا قوة الا بالله أمال راحت فين بس يا ربي

أجهشت "ريهام" في البكاء بصوت خافت وحاولت الإتصال باختها مرة أخرى دون جدوى .. قال "عمر" بإهتمام:

متخفش هي ممكن تكون عند "سماح" صحبتها أو هنا في المزرعة

صاح "عبد الحميد" قائلاً:

-قلبنا عليها الدنيا هنا في المزرعة .. و "سماح" بتقول مرحتلهاش النهاردة .. ومبتردش على موبايلها .. أنا هتجنن البنت دى راحت فين بس

شعرت "عمر" بالقلق فخرج معهما قائلاً:

-تعالوا ندور عليها في المزرعة تاني

ذهب "عمر" الى شجرته حديث تنفرد "ياسمين" بنفسها .. لم يجدها هناك .. بحثوا فى كل مكان بالمزرعة دون أدنى أثر لها .. آخر من رآها كان الغفير الذى قال لـ "عمر: "

-فتحتلها البوابة وخرجت ومجتش من ساعتها

قال له "عمر" بلهفه:

ما قالتش راحه فین .. فی حد کان مستنیها بره ؟

قال الغير:

والله ما أعرف يا بشمهندس مخدتش بالى .. وهي ما قالتليش حاجه

كان الخوف قد تمكن من "عمر" .. كان يشعر الحيرة والخوف والإضطراب .. اتصل باأيمن" و "كرم" اللذان كانا في مهمة بالمنصورة فعادا أدراجهما الى المزرعة مرة أخرى تجمع الجميع في بيت "عمر" الذي قال:

-هتكون راحت فين بس .. هي متعرفش أي حد هنا

قالت "ريهام" باكيه:

-هى أصلاً مبتروحش فى مكان من غير ما تقولى أنا أو بابا .. وكمان عمرها ما سابت موبايلها كده ومتردش علينا .. أكيد حصلها حاجه

قفز قلب "عمر" من مكانه عند سماع تلك الكلمات .. اقترب "كرم" من "ريهام" قائلاً بحنان: " ريهام" فائلاً بحنان: " ريهام" هدى نفسك شوية ان شاء الله هنلاقيها

أجهشت في البكاء مرة أخرى فأمسك كوب الماء الموضوع على الطاولة وأعطاها لها قائلاً: _ طب اشربي واهدى

أخذت منه الكوب ورشفت رشفتين ثم أعطته له .. قالت "كريمه" بحنان:

-اطمنى يا حبيبتى ان شاء الله هى بخير ..وشوية وهنلاقيها هنا

قال "نور: "

-طيب خلونا يا جماعة نفكر تفكير عملى .. مثلاً لا قدر الله لما خرجت من البوابة ممكن تكون مشيت على الطريق وعربيه خبطتها وأكيد خدوها على المستشفى يبأه اللى نعمله دلوقتى اننا نتصلى بكل المستشفيات اللى في المنصورة ونسأل عنها

أغمض "عمر" عيناه في ألم وهو يشعر بالخوف الشديد قام من فوره فقال له والده:

-علی فین

قال دون أن ينظر خلفه:

رايح المكتب اتصل بكل المستشفيات اللي في الدليل

اتصل "عمر" بجميع المستشفيات واقسام الطوارئ دون جدوى .. شعر بالحنق والغضب الشديد .. والخوف والفزع في آن واحد

أخذ مفتاح سيارته وتوجه الى الخارج .. أسرع "كرم" و "أيمن" خلفه .. قال له "أيمن: " -على فين يا "عمر"

لم يجيبه "عمر" وفتح باب سيارته .. فأشار "أيمن" لـ "كرم "بالركوب فركبا الاثنان مع "عمر" دون سؤاله .. انطلق "عمر" بسيارته يشق طريقه خارج المزرعة .. نظر اليه "كرم" الجالس بجواره فوجد علامات التوتر على وجهه .. كان يسير بسيارته على غير هدى في المناطق حول المزرعة .. كانت عيناه تبحثان عنها في لهفة .. قالت له "أيمن" الجالس في الخلف:

متقلقش يا "عمر" ان شاء الله هنلاقيها

لم يجبه "عمر" .. بل لم يسمعه أصلاً .. كل ما كان يسيطر على تفكيره .. أين هى "ياسمين" .. وماذا حدث لها .. أى بحاله جيده .. هل أصابها سوء .. كان قلبه ينزف فى لوعه .. ظل يبحث ويبحث دون جدوى .. مرت ثلاث ساعات لم يتوقف فيها لخظه .. بحث كان يخرج من شارع ليدخل فى آخر .. وعيناه تبحث على الجانبين فى لهفه .. قال له "كرم: "

مفيش فايده من اللي بتعمله ده

هتف العمراا في غضب:

-أمال عايزنى أعمل ايه .. أعد في البيت حاطط ايدي على خدى وأنا مش عارف هي فين ولا ايه اللي حصلها

هدئه "كرم" قائلاً:

مش قصدى أضايقك يا "عمر" بس احنا بقالنا أكتر من 3 ساعات عمالين نلف ومفيش فايدة قال "عمر" بضيق بالغ:

-طب أعمل ايه .. لو روحنا بلغنا هيقولولنا استنوا 24 ساعة .. اعمل ايه .. اعمل ايه اقترح "أيمن: "

-طیب تعالوا نرجع المزرعة تانی و ندور فیها تانی .. یمکن تکون مثلاً تعبت و هی أعده فی مکان و أغمی علیها مثلاً .. تعالوا ندور تانی

صاح "عمر" بغضب:

بقولك الغفير شافها وهي خارجه من المزرعة .. يعني هي مش هناك

سكت "كرم" و "أيمن" حتى لأينفعل "عمر" أكثر من ذلك .. كان من الواضح أن الغضب قد بلغ من همبلغه .. لذلك آثرا الصمت .. رن هاتف "أيمن" فرد قائلا:

ایوة یا "سماح"

تعلقت به عينا "عمر" بلهفه في المرآه .. قال "أيمن: "

الأ مفيش جديد .. حاضر هعرفك .. سلام

قال "عمر" بلهفه:

_ایه

مفيش بتسأل عرفنا حاجه ولا لاء

ضرب "عمر" بقبضته بقوة على مقود السيارة قائلاً:

ـهتكون راحت فين بس

ظلت "ياسمين" تبكى وتبكى .. كانت تخشى أن تتحرك من مكانها فيضربها ذلك الرجل الذى لا تراه .. وأخيراً سمعت باب يفتح ثم وقع أقدام تقترب .. ثم تنصرف مرة أخرى .. شعرت بوجود أكثر من شخص معها .. ثم خرجوا وأغلقوا الباب خلفهم .. قال "مصطفى "لـ "بسطويسي: " - كله تمام خدت منها موبايلها ومعهاش أى حاجه تانية

مد يده بالموبايل الى "بسطويسي" الذى أخرج الشريحة وكسرها ثم هشم الموبايل تحت أقدامه .. قال له "مصطفى" بدهشة:

لیه عملت کده ؟

قال "بسطويسى" بسخرية:

-متعرفش ان الموبايلات ممكن يتتبعوا اشارتها ويعرفوا المكان اللى الموبايل موجود فيه هتف "مصطفى: "

-آه عشان كده خلتنا نسيب موبايلاتنا في القاهرة

_أيوة

ابتسم المصطفى القائلاً:

المبيبي يا "بسطويسى" من غيرك كنت هضيع

قال "بسطويسى" بسخريه:

-صحيح انت بشمهندس ومعاك شهادة .. لكن الدنيا بتعلم أكتر من المدارس يا هندسه ابتسم ''مصطفى'' قائلاً:

ده انت اللي هندسه

ثم قال بجديه:

قولی بأه هنعمل ایه بعد کده .. مش هنتصل بیهم

قال البسطويسي: "

اتقل .. كله بأوانه

بعد ساعتين أخرتين من السير والبحث .. عاد "عمر" بسيارته الى المزرعة مرة أخرى .. فتح باب البيت ليقوم "عبد الحميد" مسرعاً قائلاً بلهفه:

في جديد يا بشمهندس ؟

هز "عمر" رأسه نفياً .. فوضع "عبد الحميد" يده على رأسه قائلاً:

بنتی ضاعت .. بنتی ضاعت

قال له "عمر" بصرامة:

ـلأ مضعتش .. هنلاقيها .. 'اياسمين' مضعتش هنلاقيها .. سليمة وكويسة توجه 'اعمر' الى أقرب مقعد وتهالك عليه .. أسد رأسه بيديه وأغلق عينيه في ألم .. اقتربت منه امه قائله بشفقه:

انت کویس یا "عمر"

أومأ برأسه دون أن يتحدث .. مسحت أمه على شعره .. ثم التفتت الى "ريهام" قائله: -تعالى يا بنتى ارتاحى فوق .. انتى هلكتى نفسك من العياط

قالت "ريهام" بوهن:

الأشكراً يا طنط أنا هروح أوضتى عشان لو "ياسمين" رجعت قالت "كريمه" بحنان:

طيب يا بنتى وربنا يطمننا عليها .. لو في جديد بلغونا ولو في جديد هنبلغكوا..

ثم أعطت "ريهام" رقم هاتفها وأخذت رقم "ريهام" فالمين" ينتظرونها غادرت "ريهام" مع "عبد الحميد" عائدان الى غرفة "ياسمين" ينتظرونها

ثم قامت و غادرت مع "عبد الحميد" الى غرفتهما .. لحظات ووجد "عمر" هاتفه يرن .. وجد رقماً غريب رد ليجد رجلاً يقول جملة واحدة:

" -ياسمين" عندى لو شميت ريحة البوليس في الموضوع هقتلها وأبعتلك جثتها هدية لحد عندك .. استنى منى تليفون بعد يومين

قال ذلك ثم أغلق وترك "عمر" في حالة من الخوف والرعب والفزع.. والحيرة

قامت "ريهام" وغادرت مع "عبد الحميد" الى غرفتهما .. وغادر "أيمن" و "كرم "للبحث مرة أخرى في المزرعة .. لحظات ووجد "عمر" هاتفه يرن .. وجد رقماً غريب رد ليجد رجلاً يقول جملة واحدة:

" _ياسمين" عندى لو شميت ريحة البوليس في الموضوع هقتلها وأبعتك جثتها هدية لحد عندك .. استنى منى تليفون بعد يومين

قال ذلك ثم أغلق وترك "عمر" في حالة من الخوف والرعب والفزع .. والحيرة هب "عمر" واقفاً وحاول الاتصال بالرقم مرة أخرى .. رد عليه رجل فقال له "عمر" على الفور:

-انت مین؟

فقال له الرجل:

انت اللي مين

انفعل عليه "عمر" قائلاً:

بقولك انت مين ؟ .. ورقم مين ده ؟

صاح الرجل في غضب:

-ما تحترم نفسك يا جدع انت بتزعق كده ليه .. موبايل محطوط في المكتبة عندى الزباين بيتصلوا منه

هدأ "عمر" قليلا ثا قال:

-مين الراجل اللي اتصل دلوقتي من الموبايل

صاح الرجل في غضب:

-أنا عارفاك أهو واحد جه خد الموبايل يتصل أقوله هاتلى بتاقتك أعرف انت مين .. حاجه غريبه يا جدع

وأغلق الهاتف في وجه "عمر" .. قال له والده:

-خیر یا ابنی

نظر "عمر" اليه وهو مشتت الفكر قائلاً:

- -واحد اتصل بيا وقالى ان 'اياسمين' عنده ومبلغش البوليس .. وهيكلمنى كمان يومين أكمل العمر' بصوت مرتجف:
 - -قالى لو بلغت البوليس هيقتلها ويبعتلى جثتها
 - شهقت "كريمه" وغطت فمها بيدها .. صاح "عمر" في غضب:
- -ابن التييييييييييييييي .. مين اللي يعمل حاجه زي كده .. واشمعني "ياسمين" .. وعايز ايه منها
 - قال والده:
 - -اهدی یا "عمر"
 - التفت الى والده قائلاً:
 - -اهدی ازای یا بابا بقولك خطفوها و هددونی یقتلوها
 - ثم قال بحيره وألم:
 - -أنا مش فاهم هو عايز منها ايه
 - قال والده بجديه:
 - -هو مش عايز منها هي .. هو عايز منك
 - التفت اليه "عمر" قائلاً:
 - -ازای یعنی .. مش فاهم
- -يعني آيه اللي يخلى واحد يخطف بنت بسيطة زى "ياسمين" وأصلا مش من البلد دى ومتعرفش حد هنا .. وكمان اللى خطفها يكلمك انت .. مش يكلم أهلها .. اللي خطفها عارف كويس هو بيعمل ايه وبيتعامل مع مين .. عارف ان أهلها ناس غلابه مش هيقدروا يدفعوا فديه عشان يرجعوها .. لكن الراجل اللى بيحبها غنى ويقدر يدفعلهم
 - قال "كريمه" بحيره:
 - -ومين اللي يعرف ان "عمر" بيحب "ياسمين" أو ان في حاجه بينهم
 - قال "نور: "
 - -أنا واثق ان اللي عمل كده حد بيراقبنا كويس أوى .. وعارف كل حاجه عننا .. يعني مش ضربة حظ .. والدليل انهم اتصلوا ب "عمر"
 - قال "عمر" بلهفه:
- -طیب أنا أعمل ایه دلوقتی .. مش هقدر أستنی یومین .. و "یاسمین" مخطوفه و تحت رحمتهم سأله والده:
 - -عايز تبلغ البوليس
 - مسح "عمر" بيده على شعره قائلاً:
 - -لأ مش هقدر أخاطر .. خايف يعملوا فيها حاجه .. و لاد التييييييييت دول
 - اقتربت منه أمه قائله:
 - -هدی نفسك یا "عمر"
- أخرج "عمر" هاتفه واتصل بالأستاذ "شوقى" وقص عليه ما حدث .. نصحه الأستاذ" شوفى" بتنفيذ مطالبهم وعدم الإتصال بالشرطة خوفة من أن يصيب "ياسمين "الأذى .. عاد "كرم" و "أيمن" من الخارج وصدموا عندما علموا بأن "ياسمين "مخطوفة وبأن خاطفها تحدث الى "عمر" وهدده بقتلها

مرت الليلة صعبة للغاية على "عمر" .. كان يشعر بألم غائر فى قلبه .. ألم تمكن منه حتى كاد أن يخنقه .. لم ينم طيلة الليل ظل ساهراً على مقعد فى مكتبه .. لاح نور الصباح .. نهض وتوجه الى حيث تختلى "ياسمين" بنفسها .. جلس على الجذع الذى تجلس عليه دائماً .. تحسسه بيده وهو لا يصدق أن حبيبته مفقودة .. ومعرضة للخطر .. وهو لا يستطيع أن يفعل شيئاً .. سوى الإنتظار .. أغمض عينيه لتتساقط عبره منهما .. عبره اختلطت بتراب المزرعة الذى سبق واختلط بعبرات "ياسمين" وفى نفس المكان ..

باتت "ياسمين" ليلتها على الأرض الباردة .. تبكى .. دون حتى أن تستطيع اخراج صوتها بسبب فمها المكمم .. ظلت تبكى حتى تعبت وانهارت .. ظلت تدعو ربها بقلبها بدعاء ذى النون " لا إله الا أنت سبحانك انى كنت من الظالمين .. " الدعاء الذى أنقذها من "مصطفى" عندما تهجم عليها فى منزلهما .. ظلت تدعو وتستغفر .. ودت فقط لو علمت .. من الذى خطفها .. ولماذا خطفها .. وماذا ينوى أن يفعل بها .. كانت تشعر بأنهم أكثر من رجل .. كانت تسمع الخطوات حولها .. دون أن يتحدثا أمامها .. فجأة سمعت صوت الباب يُفتح شعرت بالذعر .. قامت لتجلس فى مكانها .. كانت كل حواسها منتبهه .. وجدت من يقترب منها .. صرخت صرخة مكتومة وحاولت أن تبعد جسدها عن يديه .. فك الرجل وثاق الرابط على فمها .. حاولت أن تصرخ فكمم فمها بيد واقترب من أذنها قائلاً:

-لو سمعت صوتك تانى متلوميش الانفسك

كانت لهجته باردة مرعبة .. فامتثلت لكلامه .. خشت أن يقتلها .. أو يفعل ما هو أسوأ من القتل قالت بصوت مرتجف:

-انت مین وعایز منی ایه ؟

سمعته يضحك ضحكة ساخرة قائلاً:

-متخافیش مش هنعملك حاجه .. احنا بس مستضیفینك عندنا یومین لحد ما ناخد فلوسنا قالت بدهشة:

-فلوس ایه ؟

ثم فهمت الأمر .. انه خطف مقابل فديه .. فقالت في ألم:

-لو فاكر انى واحدة غنية واقدر أدفعك فلوس بتقى غلطان .. وأهلى كمان ميقدروش يدفعوا فلوس عشان يخلصونى

قال بسخريه:

-عارف يا حلوة .. بس حبيب القلب معاه ويقدر يدفع

قالت بدهشة:

-حبيب القلب مين ؟

" - عمر " باشا "الألفى" .. مش برده هو حبيب القلب

امتقع وجه ''ياسمين'' .. اقترب الرجل منها حتى استنشقت رائحه أنفاسه الخبيثه فالتصقت بالحائط أكثر وبدأت في البكاء .. قال لها:

-متخفیش لو حبیبك متهورش احنا كمان مش هنتهور

هم بالإنصراف ..فأوقفته قائله:

-لو سمحت

قال بصوت خشن:

-أفندم

قالت "ياسمين" بحرج:

-ممكن لو سمحت .. يعني ... أدخل الحمام

ضحك بسخرية قائلاً:

-وماله

أمسكها من ذراعها ليوقفها مشت معها .. شعرت بأنه يدخلها غرفة في داخل الغرفة التي كانت فيها .. ثم قال لها:

-اتفضلي

صاحت بحنق:

-أتفضل ازاى يعنى وايدي مربوطة ورجلى مربوطة وعينى مربوطة

ضحك ضحكة عايلة أثارت حنقها ثم اقترب وفك وثاق يديها وعينيها .. التفتت لتنظر اليه فوجدته يضع قناعاً على وجهه .. اذن فهو ليس هاو .. ويعرف جيداً ماذا يفعل .. وجدت نفسها في حمام صغير كل شئ ملون باللون الاسود ورماد ملقى على الأرض .. صاح الرجل في غلظة

-یلا خلصینی

التفت اليه قائله:

-اخرج الأول

خرج وأغلق الباب .. تأكدت "ياسمين" من الباب المغلق .. ثم التفتت لتتفحص ما حولها .. كل شئ محترق .. وكأن النار اندلعت في هذا المكان من قبل .. لا يوجد شئ على الجدران .. ولا يوجد شئ على الجدران .. ولا يوجد شئ على الأرض سوى الرماد .. شعرت بالدهشة .. ما هذا المكان الغريب .. هل هي قريبه من المزرعة .. أم يعيدة عنها .. ماذا يفعل والدها الآن .. و "ريهام" .. بالتأكيد هم قلقون للغاية عليها فقد باتت ليلتها خارج المنزل ولا يعلمون مكانها .. و "عمر" ماذا يفعل الآن .. هل يبحث عنها ؟ .. هل يشعر بالخوف عليها ؟ .. تنهدت في حسرة .. انتهت من قضاء حاجتها وحاولت فتح الباب .. دخل الرجل ووقف خلفها ليعيد ربط يديها خلف ظهرها ألقت نظرة على الغرفة التي باتت ليلتها فيها .. نفس الشئ جدران محترقه .. رماد على الأرض .. سرير ودولاب محترق .. ولا شئ آخر في الغرفة

انتهى من ربط يديها خلف ظهرها وأعاد العصبة على عينيها مرة أخرى .. ودفعها .. حاولت قدر الإمكان تلاشى الاحتكاك به .. أمسك بذراعها وأجلسها في نفس المكان الذي باتت فيه ليلتها .. خرج من المكان ودخل الى السيارة التي يجلس فيها "مصطفى" .. فنظر له "مصطفى" بشك قائلاً:

-اتأخرت كده ليه

نظر اليه "بسطويسي" ضاحكاً ثم قال:

-متخفش مكلتش التورتة لوحدى

ثم انفجر في الضحك مرة أخرى .. قال له "مصطفى: "

- -أصلا هي متهمنيش في حاجه .. بس مش عايز مشاكل أنا عايز الفلوس مش أكتر من كده قال له "بسطويسي: "
- -أنا مش غبي يا هندسة .. حاجة زى كدة تسيب دليل وأنا أحب الشغل على نضافه .. يعني ما أسبش أى دليل ورايا .. فاهم

أومأ "مصطفى" برأسه وقال بحنق:

-كان لازم تقوله يومين .. كنا طلبنا الفلوس دلوقتى وخلصنا

قال "بسطويسى" شارحاً:

-خليه يستوى على الآخر .. اليومين دول هيجننوه ويشعللوه .. ده لو هيا فعلا تهمه زى ما قولتلى

قال "مصطفى" بثقه:

-أيوة تهمه .. ده خباها منى لحد ما تطلق .. يبأه أكيد تهمه

-قشطة يا معلم

ثم أخرج لفتين من جيبه وأعطى احداها ل "مصطفى" قائلاً:

-خد بأه اضرب دی وادعیلی

صاح "مصطفى" بحنق:

-الله يخربيتك حشيش

لكمه البسطويسيا في كتفه قائلاً:

-خد ومتبقاش خُرع . خلى قلبك ميت . وبعدين الحشيش ده مش مخدرات

-یا سلام أمال ایه

-ده أعشااااب .. أعشاب طبيعيه .. زى العلاج الطبيعي كده

قال المصطفى السخريه:

-والله انت دماغك لسعه .. وشكلك هتودينا في ستين داهية .. ايه علاقة المخدرات بالأعشاب بالعلاج الطبيعي .. التلاته ملهمش علاقة ببعض

قال "بسطويسي" بضيق:

-ده انت صحيح راجل تقل المزاج

فتح باب السيارة فسأله المصطفى القائلاً:

-رایح فین

- هروح أشربها في مكان تاني بدل كلامك اللي يقلب الدماغ ده

مشى أمامه فزفر ''مصطفى'' بضيق قائلاً:

-على آخر الزمن أتعامل مع الأشكال التيييييييييت دى

مر اليومين على الجميع بشكل صعب للغاية .. كانت "ريهام" لا تتوقف عن البكاء .. أما "عبد الحميد" فكان يمضى وقته فى الصلاة والدعاء وعيناه تتضرع الى الله عز وجل بأن يحفظ له ابنته ويردها اليه سالمه .. أما "عمر" فكان حاله يرثى لها .. كان ينام فى مكانه ليستيقظ فزعاً من أقل صوت منادياً اياها .. ظلت الكوابيس تراوه كلما أغمض عيناه .. كاد أن يجن .. لم يترك

شبراً الا وبحث فيه عنها .. نزل الى المنصورة وأمضى الساعات فى البحث عن "ياسمين" فى شوارعها .. دون جدوى .. كان يعلم أن ما يفعله لن يثمر عن شئ .. فلابد أن مختطفيها يخفونها فى مكان مغلق .. لكنه لم يستطع أن يجلش هكذا مكتف اليدين .. شعر بالشوق والحنين اليها .. افتقد حبيبته القريبة البعيدة .. ها هو لا يعرف مكانها .. لا يعرفه ما يفعله هذا الرجل بها .. هل أذاها .. هل لحق بها سوء .. كاد أن يجن ويفقد عقله من كثرة التفكير .. وفى المساء كان الجميع جالس فى منزل "عمر" وكأن على رؤسهم الطير .. فى انتظار اتصال ذلك الرجل .. رن هاتف "عمر" قفز "عبد الحميد" من مكانه ووضعت "ريهام" يدها على قلبها فى خوف .. تعلقت أعين الجميع بـ "عمر" الذى رد قائلاً:

-ألو

قال الصوت:

3 -مليون جنيه تحطهم في 3 شنط هاند باج .. كل شنطه فيها مليون جنيه .. وهتصل بيك بكرة الصبح أقولك على مكان التسليم

قال "عمر" قبل أن يغلق الرجل الخط:

-عايز أتكلم مع "ياسمين "

صمت الرجل قليلا ثم قال:

دقيقة وهتصل تائى

أغلق "بسطويسي" وتوجه الى "ياسمين" شعرت بالخوف لاقترابه منها فك وثاق فمها .. ثم اتصل بالعمر" ووضع الهاتف على أذن "ياسمين .. "قال "عمر: "

-ألو

عرفته "ياسمين" .. فأجهشت في البكاء .. صاح "عمر" بلوعه:

" ـياسمين"

صاح "عبدالحميد: "

" _ياسمين" بنتي

قال "عمر" بلهفة:

" ـیاسمین" ردی علیا .. انتی کویسة ؟

قالت من بين شهقاتها:

انا خايفة

سحب "بسطويسي" الهاتف وأعاد تكميم فمها .. ظل "عمر" يردد:

-ألو .. "ياسمين" .. ردى عليا .. ألو

خرج "بسطويسى" وأغلق الباب وقال ل "عمر: "

سمعتها ؟

صاح "عمر" بصوت هادر وكأن بحر غاضب ثائر:

لو لمستها هقتلك وأشرب من دمك

قال "بسطويسي" بغلظة:

-نفذ اللى أنا بقولك عليه وأنا أرجعهالك صاغ سليم .. أدامك لحد بكرة تكون جهزت الفلوس .. واستنى اتصال منى

قال ذلك ثم حطم الهاتف تحت قدميه وأخرج الشريحه وحطمها هي الأخرى

تعلقت أعين الجميع با "عمر" الذي قال بصوت مرتجف:

- كلمتنى .. قالتى انها خايفه

صاح "عبد الحميد: "

-ربنا ينتقم منهم .. حسبي الله ونعم الوكيل

قالت "كريمه" بلهفه:

وقالولك عايزين ايه يا "عمر"

قال بهدوء:

3 ـمليون

أجهشت "ريهام" في البكاء فهي تعلم جيداً أن والدها لا يستطيع تأمين ألف واحد من هذا المبلغ نظر اليها "كرم" واقترب منها قائلاً:

متعيطيش يا "ريهام" .. ان شاء الله هترجع

قال له والده:

وهتعمل ایه لوقتی ؟

نظر اليه "عمر" بجديه قائلاً:

-هدفعهم طبعاً ..حتى لو طلب أكتر من كده انا مستعد ادفعهم

أقبل "عبد الحميد" عليه وهو يبكى قائلاً:

الهي ربنا يكرمك يا ابني وما يوقعك في ضيقه أبداً

ربت "عمر" على كتفه قائلاً:

متقلقش يا عم "عبد الحميد" .. ان شاء الله "ياسمين" هترجع سليمة

ثم خرج مسرعاً وهو يقول:

-لازم أرتب المبلغ وأجهزه .. لانه هيتصل بيا بكرة عشان يقولى مكان التسليم

كان "مصطفى" يجلس واجماً داخل السيارة .. دخل "بسطويسي" وجلس بجواره .. وقال اليه: ايه مالك يا هندسه .. خايف ولا ايه

قال ''مصطفى'' بشرود:

ـلأ مش كده .. بس بفكر

في ايه ؟

التفت الى "بسطويسى" قائلاً:

الراجل مستعد يدفع 3 مليون عشان خاطر البنت اللي أعده جوه دي

ـمش فاهم

قال "مصطفى" بإستغراب:

_يعني ده واحد قدامه نسوان أشكال وألوان .. والبت دى مفيهاش أى حاجه مميزة .. بت عادية زى أى واحدة .. ايه اللى يخليه يدفع فيها مبلغ زى ده

ابتسم بخسريه قائلاً:

-البت مش وحشة برده .. وبعدين كل واحد ومزاجه

-أنا ما قولتش وحشة .. قولت عاديه .. يعني ميدفعش فيها مبلغ زى ده .. ده لو جوزها كنا قولنا ماشى .. لكن ده واحد مبيربطهوش بيها أى حاجه

قال "بسطويسى" بمزاح:

شكله كده واقع لشوشته

هتف المصطفى القائلاً:

ما هو ده اللي أنا مستغربله .. ايه اللي عجبه فيها

صمت قليلاً ثم قال:

-بنت التيييييييييي كانت عاملة نفسها الخاضرة الشريفة .. وأهى دلوقتى عايشة مع الراجل ده في الحرام

صاح البسطويسى: "

ضحك "مصطفى" قائلاً:

-والله معاك حق يا "بسطويسي" .. تصدق انت راجل بتفهم

ضحك البسطويسي القائلا:

مش قولتك مش بالشهادات يا هندسه .. بده

وأشار الى عقله

صمت "مصطفى" قليلاً ثم قال:

-طیب مش هناکلها .. من ساعة ما جت هنا واحنا مدینهاش أی أكل ولا حتى مایه قال "بسطویسی" بحده:

ايه قلبك رق .. محدش بيموت من الجوع يا هندسه .. وبعدين كده أحسن زمانها دلوقتى مهبطه ومش قادرة حتى تتحرك من مكانها بدل ما تتعافى علينا ونضطر كل شوية نخدرها .. وبعدين اهو كلها يوم وترجع تانى لأهلها

جهز "عمر" المبلغ المطلوب بالمواصفات المطلوبة .. كانت هذه هي الليلة الثالثه التي تنامها "ياسمين" عند هذا الرجل .. كان عقل "عمر" يعمل دون توقف .. كان قلبه يحترق ألماً .. وخوفاً .. ولوعة .. حبيبة في قبضة هذا المجرم .. تذكر صوتها وهي تبكي قائله (أنا خايفة .. (شعر بغضب رهيب بداخله .. شعر بأنه كالعاجز لا يستطيع أن يأخذها بين ذراعيه ويطمأنها .. لا يستطيع أن يبث الأمل فيها ويقول .. لا تخافي حبيبتي انا هنا ولن أتخلى عنك مهما حدث .. ظلت تراوده أفكاراً كثيره سوداء .. شعر بأنه جالس على جمر من نار .. وبداخلة حمم بركانيه تحرق روحه وتعذبها .. كان يتمنى شئ واحد .. أن يراها الآن ويأخذها بين ذراعيه ولا يتركها أبداً .. المهما طلبت منه أن يتركها أبداً .. أيقن الآن أنه لن يستطيع العيش دونها .. حي حبه الأول والأخير .. هي امرأة أحلامه .. هي التي يتمنى أن يعيش معها حاضره ومستقبله .. ما ان يراها حتى يدخلها سجنه .. السجن الذي صنع قضبانه من ضلوعه .. ولن يخرجها منه أبداً .. سيعلمها كيف تحبه .. وتهواه .. وتعشقه كما يعشقها .. سيجعلها تدمنه كما أدمنها.

حانت اللحظة الحاسمة .. اتصل الرجل ب "عمر" قائلاً:

-هتيجي لوحدك بعربيتك ومعاك ال 3 شنط. وتقف فى المكان اللى هقولك عليه. الساعة 8 بالليل. تيجي لوحدك وفيها بالليل. تيجي لوحدك وفيها أعطاه عنوان لمنطقة شديدة الزحام فى المنصورة وأغلق الهاتف ثم حطمه كالعادة وأخرج من جيبه صورة ل "عمر" مقصوصة من أحد المجلات وظل يتأمل فيها ويطبع وجهه فى ذاكرته

فى ساعة الصفر توجه "عمر" الى سيارته .. وجد "كرم" و"أيمن" يلحقان به فهتف بهما: حليكوا عندكوا .. قالى أروح لوحدى

صاح "أيمن: "

بس یا "عمر" نضمن منین انه مایعملش فیك حاجه

قال "عمر" بحزم:

قولتلكوا هروح لوحدى .. مش هخاطر انه يعمل حاجه في "ياسمين"

ركب السيارة ووضع الحقائب في الخلف وانطلق في طريقه .. اتفت "كرم" الى "أيمن" قائلا:

ركبا سيارة "كرم" الذى انطلق خلف سيارة "عمر" .. قال "كرم: "

مجنون لو فكر اننا ممكن نسيبه يروح لوحده

قال "أيمن" بقلق:

ـبس أنا خايف المجرم ده ياخد باله

هتفت "كرم" بحده:

-أصلا الغبي ده اختار منطقة زحمة جدا يعني لو في مليون عربية ورا "عمر" هو مش هياخد باله انهم تبعه

حافظ "كرم" على مسافة بينه وبين "عمر" حتى لا ينتبه له .. وصل "عمر" الى المكان .. وجد مكان صغير فركن به و انتظر .. وفجأة وجدت من يركب بجوار وهو يضع قناعاً على وجهه ويامره بأن يدخل في شارع ضيق .. امتثل "عمر" لأوامره ودخل الشارع .. أمره الرجل بالنزول .. نزل "عمر" من السيارة .. حرك" بسطويسي" لسيارة ووضعها بعرض الشارع ثم حمل الحقائب الثلاث بسرعة ودفع" عمر" الى احدى الدراجات النارية وارتدى الخوذة فوق القناع وانطلق في طريقه .. دخل "كرم" الشارع ليجد سيارة "عمر" موضوعة بالعرض وتسد الطريق فصال بغضب:

ابن التيييييييييت

قال "أيمن" بضيق شديد:

واضح انه واحد عارف هو بيعمل ايه بالظبط

طلب "بسطويسي" من "عمر" هاتفته فأعطاه اياه فألقاه "بسطويسي" وهو يسير بالدراجة النارية بسرعة واحتراف بين السيارات

وصلوا الى منطقة مهجورة فأوقف" بسطويسي" الدراجة والتفت الى عمر ووضع عصبه على عينيه وألبسه خوذة أخرى .. ثم انطلق فى طريقه .. كان "عمر" مغمض العينين لا يدرى الى أين يأخذه هذا الرجل .. لكنه متأكد من شئ واحد .. أنه ذاهب الآن حيث توجد "ياسمين .. "ولا شئ يريده غير ذلك..

كانت "ياسمين" جالسه فى مكانها تدعو ربها أن ينقذها مما هى فيه .. سمعت صوت الباب يُفتح ويُغلق .. سمعت وقع أقدام تقترب منها .. شعرت بالخوف .. التصقت أكثر بالحائط خلفها .. شعرت بشخص يقترب منها بشدة .. حاولت ابعاد وجهها عنه .. وجدته يتحسس ذراعها فأجهشت فى البكاء والصراخ المكتوم بسبب فمها المكمم .. ظلت تصرخ وتصرخ .. وهو يحاول الاقتراب منها أكثر وتلمس جسدها .. دفعته بقدمها بقوة فصرخ قائلاً:

يا بنت التييييييت

توقفت "ياسمين" عن الصراخ وعن الحركة

هذا الصوت .. انها تعرفه جيداً .. تعرفه تمام المعرفة .. وقف ''مصطفى'' وأخذ ينظر اليها .. تبأ لقد عرفته .. بالتأكيد عرفته .. شعر بالتوتر .. والإضطراب .. لم يدرى ماذا يفعل .. حرر فمها .. كانت صامته .. ثم صاحت بصوت متقطع مبحوح من كثرة البكاء:

اا مصطفى"

تباً لذلك .. ماذا يفعل الآن .. عرفت من يكون .. بالتأكيد ستبلغ الشرطة عنه .. لن يتركوه .. سيمسكون به .. سيدخل السجن .. سيضيع مستقبله .. سمع صوت الدراجة النارية بالخارج .. فأسرع يغارد المكان ويغلق الباب .. وصل" بسطويسي" مع "عمر" على الدراحة النارية .. أشار له "مصطفى" بأنه يريد أن يتحدث معه .. أخذ "بسطويسي" .. في تقييد يدا "عمر" وقدماه .. وقال له بصوت هادر:

لو عملت أى حركة هنقتلك انت والمزه بتاعتك

فتح "بسطويسي" الباب ليدخله في المكان الموجود به "ياسمين" .. شعرت" ياسمين" بالخوف من أصوات الأقدام حولها .. انزوت في مكانها أكثر .. قام" بسطويسي" بتقييد "عمر" بسلسلة وربطه بحلقه موضوعه على الأرض ثم تركه وانصرف

كانا كلاهما معصوب العينين .. سمع "عمر" صوت شهقات بكائها فصاح قائلاً:

" _یاسمین "

سمعت "ياسمين" صوته .. فتوقفت عن البكاء .. صاح "عمر" بلهفه:

" _یاسمین" .. "یاسمین" ردی علیا

كانت "ياسمين" مكممه الفم لم تستطع الرد عليه إلا بالبكاء .. ازداد صوت بكائها شعر وكأن روحه رودت اليه مرة أخرى .. لأنه أصبح قريباً منها .. خفق قلبه بشدة .. حاول التحرك في اتجاه صوتها لكن السلسلة قيدته الى الأرض .. فقال بلهفه:

انتى كويسه .. عمل فيكي حاجه ؟

أجهشت "ياسمين" في البكاء .. فشعر وكأن صوت بكائها هو طعان توجه الى قلبه المكلوم .. أعاد سؤاله مرة أخرى:

بالله عليكي طمنيني .. عمل فيكي حاجه ؟

استمرت في بكائها .. كانت مفزوعة خائفة .. خشت أن يعاود ''مصطفى'' الكره .. لم تستطع أن تخبره بأنها مككمه الفم .. وهو لا يستطيع أن يراها

فى الخارج كانا الرجلين قد دخلا فى شجار حامي .. قال "بسطويسي" بغضب: انت أصلا تييييييييييييي .. قولتك متخليهاش تعرفك .. لا تشوفك ولا تسمع صوتك .. أعمل فيك ايه دلوقتى

قال "مصطفى" وقد أصابه خوف شديد:

-والحل دلوقتي يا "بسطويسي" .. أعمل ايه .. أكيد هتبلغ عني

-أنا أصلا مليش شغل مع العالم التيييييييييت اللي زيك

صاح "مصطفى" وقد نفد صبره:

هتفضل تشتم كده كتير .. قولى على حل

صمت "بسطويسي" قليلا وأخذ يفكر ثم قال بحزم:

مفيش الاحل واحد

قال المصطفى البهفه:

ایه هو ؟

البت دی لازام نخلص علیها

ساد الصمت لحظات .. ثم قال المصطفى: ال

ایه .. یعنی ایه .. نقتلها

قال بقسوة:

-مفيش حل تانى .. هى خلاص عرفتك وهتبلغ عنك .. ولو بلغت عنك ورجلك جت فى الموضوع أنا كمان رجلى هتيجى فى الموضوع .. يعني مفيش أدامى الاحل من اتنين .. يا أقتلك يا أقتلها

بلع "مصطفى" ريقه بصعوبة .. فصاح "بسطويسي: "

-ها .. قولت ايه ؟ .. أقتلك ولا أقتلها ؟

نظر ايله "مصطفى" وقد أسقط ما بيده .. فبالتأكيد هو لن يضحى بنفسه من أجل "ياسمين" دخل "بسطويسي" وجذب "ياسمين" الذي تعالت صرخاتها المكتومة فصرخ "عمر: "

انت بتعمل ایه ؟ .. سیبها متلمسهاش

قال له "بسطویسی: "

معلش بأه يا هندسة كان نفسي أسملهالك سليمة .. بس الظروف حكمت

ثم قال لـ "ياسمين" التي حاولت الافلات من قبضته:

-لا خلیکی حلوة عشان مزعلش منك

خرج وهو يدفعها بيده .. و"عمر" يصيح:

-والله لقتك وأشرب من دمك لو عملت فيها حاجه .. سمعنى .. "ياسمين" .. "ياسمين " سار الرجلان معها يدفعها "بسطويسي" بيده .. ساروا بين الأشجار والزرع لا يخترق سكون الليل الا صوت شهقات "ياسمين" .. ظلت تردد الشهادتين بقلبها وهى تعلم أن الموت قادم لا محاله .. ظلت تستغفر وتدعو ربها ألا تتألم .. ظلت تفكر في الموت .. كيف ستشعر به بعد لحظات .. كيف تفارق روحها جسدها .. هل ستتألم .. هل ستصرخ .. هل ستقوى على الصراخ .. أين سيكون مصيرها بعد الموت .. الجنة أم النار .. ظلت تسترجع شريط ذكرياتها .. وأعمالها .. وأخطائها .. تمنت العودة للوراء .. لإصلاح تلك الأخطاء .. لكن .. الوقت أزف .. ولا عودة الى الوراء .. بعد دقائق .. وربما لحظات .. ستلقى ربها وتقف بين يديه .. كان مرعوبة خائفه .. ترى سيف ستكون ضمة قبرها التي لن ينجو منها أحد .. هل ستكون ضمة حانية كضمة الأم لوليدها .. أم ضمه تهشم معها جسدها وتختلط فيها عظامها .. شعرت بالخوف .. بل بالرعب .. لوبالفزع .. ما مصير "عمر .. "هل سيلقى نفس مصيرها .. هل سيقتلوه مثلها .. خافت عليه بل بالفزع .. ما مصير ه .. جنة أم نار .. الى أن ستوصله أعماله .. كانت خائفه عليه .. وعلى .. أين سيكون مصيره .. خافه عليه .. وعلى .. أين سيكون مصيره .. جنة أم نار .. الى أن ستوصله أعماله .. كانت خائفه عليه .. وعلى .. أين سيكون مصيره .. جنة أم نار .. الى أن ستوصله أعماله .. كانت خائفه عليه .. وعلى .. أين سيكون مصيره .. وعلى .. أين سيكون مصيره .. جنة أم نار .. الى أن ستوصله أعماله .. كانت خائفه عليه .. وعلى .. أين سيكون مصيره .. جنة أم نار .. الى أن ستوصله أعماله .. كانت خائفه عليه .. وعلى

حاول "عمر" تحرير نفسه .. كادت يده أن تتمزق .. بل تمزق رسغه بالفعل وسال دمه .. كان يجاهد ليخرج يده من قيدها .. لينقذ "ياسمين" .. حبيبته .. ونور عينه ..استطاع تحرير يده والدماء تنزف منها ..أزاح عصبة عينه .. وأخذ يحاول تحرير قدمه كانت السلسلة مثبته بحلقة الى الأرض .. لن يستطع نزعها .. نظر حوله .. لا يوجد شئ .. الا الرماد .. ما هذا .. هذا المكان .. انه يتذكره جيداً .. هذا المنزل القديم المحترق .. هذا المكان .. دخله من قبل .. يعرفه .. تلك الغرفة الصغيرة .. هذا الفراش المحترق .. نعم انه يعرفه .. نعم هو نفسه .. أسرع وأخرج هاتفاً صغيراً كان قد أخفاه في حذائه .. فتحه واتصل ب" كرم" قائلاً بلهفه:

_أيوة يا "كرم" أنا "عمر"

" _عمر" انت فين وايه اللي حصل

قال "عمر" بنفاذ صبر:

-اسمعنى كويس .. أنا في مكان جمب المزرعة هوصفلك توصله ازاى .. اطلب البوليس وتعلالي على هناك بسرعة

أعطّاه "عمر" وصف المكان .. ومن حسن حظه أن "كرم" و "أيمن" كانا قد عادا الى المزرعة بعدما فقداه فى المنصورة .. ما هى الا دقائق .. ودخل "كرم" البيت المحترق .. استطاع الاثنان تحرير "عمر" الذى قال بلهفه:

-اطلبوا البوليس بسرعة .. وكل واحد فيكوا يدور في جهه .. الراجل اللي خطف "ياسمين" خدها عشان يقتلها

انطلق "عمر" في اتجاه الأشجار والذي ظن أنه الاتجاه الذي ذهب فيه الرجلان حيث الأرض الشاسعة التي تخلو من البشر في مثل هذا الوقت .. ظل يرقض وينادي بعلو صوته: " _ياسمين" .. " ياسمين "

نظر ليجد على بعد أمتار وتحت ضوء القمر رجلين أحدهما يقوم بالحفر في الأرض والآخر يقف بجوار فتاة منهارة على الأرض .. شعر بقلبه يهوى .. أخذ يلف ويدور في المكان حتى أمسك شيئاً حاداً .. وتوجه الى حيث الرجل الذي يقف بجوار "ياسمين" وجده يوجه اليها مسدساً صغيراً .. التف حوله ببطء وحاول أن يلفت انتباهه .. وساعده على ذلك الأشجار التي تحيط بالمكان .. وفجأة هوى بما يمسك بيده على رأسه لتنفجر الدماء من رأس "بسطويسي" ويسقط أرضاً .. صرخت "ياسمين" وهي ترى دماء الرجل المنهار بجوارها .. أسرع " عمر" وأمسك المسدس الذي سقط من الرجل على الأرض واقترب من "ياسمين" التي نهضت مسرعة ووقف أمامها وصوب المسدس الى الرجلين .. كان "عمر" يجهل طريقة استخدام المسدس .. لذلك لم يستطع اطلاق النار .. لكنه وقف مهدداً اياهم قائلا:

اللى هيقرب منى أو منها هموته

سئمعت صوت سرينة سيارات الشرطة قريبة من المكان .. شعر ''مصطفى'' بالفزع وقد أيقن هلاكه .. لكن ''بسطويسي'' الجالس على الأرض قلب الموازين عندما أمسك فجأة حجراً وألقى به في اتجاه ''عمر'' ..فأصابه في ذراعه التي تحمل المسدس .. تأوى ''عمر'' من الألم ..

وصاحت "ياسمين" بلوعه:

-عمرررررررررر

أسرع الرجلين بالهرب من بين الأشجار .. يجريان خوفاً من لحاق الشرطة بهما .. لم تستطع الياسمين التحمل بكاء و عذاب وارهاق الثلاث أيام .. فهوت جالسه على الأرض تستند الى صخره .. كان العمر الحائرا أيجرى خلف الرجلين أم يبقى معها .. قرر البقاء معها .. نظر الى ملابسها الممزقة .. لم تعد تجد في نفسها القدرة على البكاء .. كانت تشعر الإنهيار التام .. اقترب منها و علامات الألم على وجهه .. جثا بجوارها ونظر اليها قائلاً:

" -ياسىمىن" .. انتى كويسة

لم تجيبه أغلقت عينها وهى تسند برأسها الى الصخرة .. لم تجد فى نفسها القدرة على الكلام تلألأت العبرات فى عين "عمر" ومسح بيده على شعرها .. فتحت عينيها والتفتت اليه تحاول ابعاد رأسها فى ضعف .. مسح بأصابعه على وجنتها قائلاً:

حبيبتي انتي كويسه .. حد فيهم عملك حاجه

نظرت اليه لتتأمل تلك اللهفة على وجهه .. حركت رأسها مرة أخرى لابعاد وجهها عن أصابعه .. اقترب بوجهه منها ومسح على شعرها .. قائلاً بألم:

حبيبتي ردى عليا .. "ياسمين" حد فيهم عملك حاجه

هزت رأسها نفياً .. فما كان منه إلا أن هوى بشفتيه على جبينها بث فيها كل خوفه وهلعه واشتياقه وخوفه ولهفته وفرحته بنجاتها وعثورة عليها .. كانت تشعر بوهن في جسدها كله .. حاولت أن تبتعد عنه .. فنظر اليها بحنان وعيناه تحتويان عينيها .. وقال بدفء: _عارف انك عايزاني أبعد .. بس أنا مش قادر أبعد

جذبها بين ذراعيه .. يضمها الى صدره فى قوه ممزوجه بالحنان .. لف ذراعيه حولها ودفن وجهه فى شعرها يستنشق عبيره .. حاولت دفعه عنها .. لكنها كانت الريشه التى تحاول ازاحة جبل من مكانه .. قال لها بصوت خافت:

وحشتيني أوى .. كنت هموت من خوفي عليكي

لحُظات وسمع صوت الكرم الم آتى في التجاههما .. قام العمر المن فوره .. وأسرع ليلاقيه قائلاً: المرم الخليك مكانك متجيش هنا

سأله "كرم: "

ليه ؟ .. لقيتها

أومأ "عمر" برأسه قائلاً:

-أيوة لقيتها .. بس خليك مكانك ثواني

كانت "ياسمين" جالسه خلف الصخرة التى تستند عليها فلم يراها "كرم" .. عاد" عمر" اليها .. فنظرت اليه بأعين مندهشه وهو يخلع الجاكت الذى يرتديه ثم جثا على ركبتيه ليلبسها اياه فى رقه كأنها طفل صغير .. لم يظهر من جسدها الا بعض من ذراعها بسبب ذراع بلوزتها الممزق .. لكنه أخفى تلك الرقعات الصغيرة بالجاكيت الذى ألبسها اياه وأغلقه .. ثم ولدهشتها وجدته يخلع قميصه ثم يمسح على شعرها بيده يرتبه الى الخلف ويضعه بداخل الجاكيت الذى ترتديه ثم

يطوى قميصه نصفين ويضعه على شعرها المنساب ليخفيه تماما .. نظر فى عينيها برقه أذابت قلبها .. وانتقل الدفء من عينيه الى جسدها كله .. ابتسم لها ابتسامه عذبه وهمس قائلاً: -بغير عليكى

ساعدها على النهوض .. حاولت قدر الإمكان أن تبتعد عنه وتسير بمفردها .. لكنها شعرت بدوار شديد فتهاوت .. كانت لا تستطيع حتى الوقوف على قدميها .. حاول أن يحملها فقالت بوهن وبصوت مبحوح من كثيرة الصراخ والبكاء:

_لأ

قال "عمر" بحزم:

انتى مش عارفه حتى تقفى على رجلك

حملها بين ذراعيه دون أى يأبى لاعتراضها .. وسار بها وهو ينظر اليها .. أسندت رأسها على كتفه فى وهن .. كانت تشعر بجوع شديد مزق أحشائها وألم فى كل عظام جسدها الضعيف وبدوار يعصف برأسها .. لكن وسط كل تلك الآلام شعرت بالراحة وهى بين ذراعيه .. شعرت بالأمان وهو بجوارها وهى تعلم أنه لن يسمح لأحد بأن يؤذيها .. حاولت أن تقاوم وتبقى عينيها مفتوحتين .. لكنها لم تستطع كانت طيلة الأيام الماضية تخشى النوم .. فيصيبها أحد الرجلين بمكروه .. لكنها الآن لا تخشاه .. لأنها بين يدين تعرف أنهما ستحميانها .. أغمضت عينيها لتغرق فى سبات عميق أقرب الى غيبوبة

نظر اليها "عمر" في حنان وهو سائر بها .. شعر بأنه يحمل قلبه بين ذراعيه .. كان سعيداً ورأسها موضوع فوق قلبه .. وهي سليمه .. لم يصبها سوء .. وعادت اليه .. ولن يتركها تفلت منه أبداً .. أدخلها سيارة" كرم" وجلس بجوارها .. انطلق "كرم" بالسيارة في طريقه الى المستشفى .. نظر" كرم" اليهما في المرآه قائلا:

-هی کویسه ؟

أوماً "عمر" برأسه .. وأخذ ينظر الى وجه حبيبته النائمه فى حضنه .. قائلاً بقلق: -أنا مش عارف هى نايمة ولا أغمى عليها .. بس هى بتتنفس

قال ۱۱کر م: ۱

ربع ساعة بالكتير وهتكون في المستشفى .. متقلقش هو أكيد ده بسبب تعب اليومين اللي فاتوا كفايه الرعب اللي شافته

نظر اليها "عمر" مرة أخرى في حنان .. لف ذراعيه جيداً حولها وكأنه لا يريد قيد شعره أن تفصله عنها .. أزاح قميصه قليلا عن شعرها ليطبع عليه قلبه حانيه هامساً:

حبيبتى .. مش هسمحلك تبعدى عنى أبدأ

أغمض عينيه عن كل ما يراه ليشعر فقط بحبيبته التى بين أحضانه .. بأنفاسها الساخنه التى تلفح وجنته .. وصوت تنفسها المنتظم .. ودقات قلبها التى يشعر بها على صدره.

أوقف "كرم" سيارته أمام احدى المستشفيات الخاصة .. نزل "عمر" من السيارة وهو يحمل

"ياسمين" ويلقى نظرة عليها بين لحظة وأخرى .. توجه الى مكتب الإستقبال فأدخلوهم أحد الغرف .. وضعها "عمر" على السرير برفق .. اقتربت منها الممرضة فتراجع "عمر" قليلاً للخلف ينظر الى" ياسمين" بقلق .. قامت الممرضة بتمديدها وتغطيتها وقالت:

ـثوانى هروح أنادى للدكتور

التفت "عمر" الى "كرم" قائلاً:

روح انت يا "كرم" اتصل بـ "أيمن" وشوف وصل لايه مع البوليس .. وروح هات والدها وأختها من المزرعة..

أوما "كرم" برأسه وهم بالخروج .. لكن "عمر" أوقفه قائلاً: _معلش يا "كرم" عارف انى تاعبك معايا وشاغلك بمشاكلى

قال "كرم" بسرعة:

-عيب عليك يا "عمر" هو احنا مش اخوات ولا ايه .. أنا لو كنت مكانك عارف انك هتعمل عشائى أكتر من اللي أنا بعمله

ربت "عمر" على كتفه شاكراً اياه .. خرج "كرم" فإلتفت "عمر" الى "ياسمين "الممده على الفراش .. اقترب منها ومسح بظهر أصابعه على وجنتها .. لحظات وعادت الممرضة بصحبة الطبيب .. وقف الطبيب مكان "عمر" الذى رجع قليلا الى الوراء وهو يتابع ما يحدث .. التفت الطبيب الى "عمر" قائلاً:

ايه اللي حصلها بالظبط

قال "عمر" بحزن:

-كانت مخطوفه التلات أيام اللى فاتوا .. ولما لاقيتها كانت كويسه .. وفجأة نامت .. أنا معرفش هي نامت ولا هي أغمى عليها .. جبتها وجيت بها على هنا على طول

أومأ الطبيب برأسه .. ثم التفت الى "ياسمين" .. فتح سوسته الجاكيت الذى ألبسها اياه "عمر" ثم شرع فى فك أزرار بلوزتها حتى يدخل سماعته الطبيه لتفحص تنفسها .. شعر "عمر" بالإختناق وبالنيران تشتعل بداخله وهو يرى أصابع الطبيب تفتح أزرار ملابسها واحد تلو الآخر .. اقترب منه فجأة وأمسكه ذراعه بحزم قائلاً:

-لو سمحت .. مفيش دكتورة في المستشفى دى ؟

التفت اليه الطبيب قائلاً بدهشة:

-أيوة في

قال "عمر" بحزم:

طيب لو سمحت خلى الدكتورة هي اللي تفحصها

نظر اليه الطبيب بحده قائلاً:

وايه المشكلة يعنى لو كشفت عليها أنا

قال "عمر" ببرود:

-لأ .. عايز دكتورة .. يا إما هاخدها مستشفى تانيه

نظر اليه الطبيب بحنق .. ثم أمر الممرضة بإحضار الطبيبة المناوبة وغادر الغرفة .. اقترب اعمرا منها مرة أخرى .. مسح بأصابعه حبات العرق التي تكونت على جبينها وهو ينظر اليها

فى حنان .. لحظات وحضرتك الطبيبة .. رجع "عمر "للخلف ليفسح لها المجال .. أشاح "عمر" بعينيه عما كشفته الطبيبة من جسدها .. أنهت الطبيبة فحصها ثم التفتت الى الممرضة وطلبت تعليق محلول لها .. وأعطتها بعض التعليمات الأخرى .. نظر "عمر" الى الطبيبة قائلاً بقلق:

-هی کویسه ؟

أومأت الطبيبة برأسها قائله:

-أيوة متقلقش .. هي بس واضح انها مرهقة أوى .. وكمان عندها هبوط وضغطها واطى .. متقلقش هنعلقلها محاليل وهتبقى كويسة ان شاء الله .. هي محتاجه راحه مش أكتر

قال "عمر" بلهفه:

-يعنى هتفوق امتى

ابتسمت قائله:

-انت جوزها

هز "عمر" رأسه نفياً:

-لأ خطيبها

-متقلقش زى ما قولتلك هى محتاجه راحه .. وهتفوق امتى على حسب .. هى من الواضح انها محتاجه للنوم أكتر من أى حاجه تانية .. ممكن تفوق على بكرة وتبقى كويسه ان شاء الله

شكر "عمر" الطبيبة التى غادرت بعد أن أعادت التعليمات على الممرضة مرة أخرى .. أنهت الممرضة تعليق المحلول .. وحقنت به الأدوية التى وصفتها الطبيبه .. وأزاحت قميص "عمر" من على رأسها وأعطته اياه فإرتداه .. ثم خرجت من الغرفة وأغلقت الباب خلفها .. اقترب "عمر" من فراشها وجلس بجوارها .. يتأملها وهي نائمة .. شعر بحنان جارف تجاهها .. أرادها أن تستيقظ وتفتح عينيها ليطمئن أنها بخير .. لكم اشتاق لرؤية عينيها .. أمسك كفها الموضوع به الكانيولا ووضعه بين كفيه .. تحسس بأصابع يده الأخرى العروق التي ظهرت حول الكانيولا .. كان يبدو عليها الضعف الشديد .. رق قلبه لها .. لكم قاست وتعذبت في الأيام الماضية .. بل وقبل ذلك أيضاً .. أراد أن يعوضها عن كل ما قاست .. وكل ما عانته من قبل .. ظل يتحسس كفها ويتأملها حتى سمع طرقات على الباب نهض وما كاد يصل الى الباب حتى فتح والدها الباب وبصحبته "ريهام .. "أقبل الاثنان عليها في لهفة .. قال والدها في هلع:

-بنتى حبيبتى .. "ياسمين" .. ايه اللي حصلها؟

طمأنه ااعمر: اا

-متقلقش هى كويسه .. الدكتورة قالت انها نايمه من التعب وممكن تصحى على بكرة جلست 'اريهام' بجوارها تبكى فى صمت .. ثم خرجت من الغرفة .. التفت ''عبد الحميد'' الى ''عمر'' قائلاً:

ايه اللي حصل بالظبط

تنهد "عمر" في حسرة قائلاً:

السه معرفش أنا خدتها وجيت على هنا على طول .. وسبت "أيمن" هناك مع البوليس

عادت "ريهام" حاملة معها بونيه للرأس .. ألبستها اياه لتخفى شعرها المنساب .. نظر "عمر" الى "ريهام" مبتسماً .. ثم خرج من الغرفة ليجد كل من "كرم" و" أيمن" .. اتجه اليه "أيمن"

```
قائلاً:
```

-ها ايه الأخبار ؟

أومأ "عمر" برأسه وقال بوهن:

-كويسه الحمد لله .. قولى انت عملت ايه

قال "أيمن: "

قبضوا على واحد من الاتنين .. والتانى هرب بس بيدوروا عليه

سأله "عمر: "

ـعرفوا هما مين ؟

هز "أيمن" برأسه نفياً ثم قال:

-لا لسه هما خدوه على القسم عشان يبدأوا التحقيق .. وعلى فكرة الفلوس معايا في العربية .. وكمان جهز نفسك عشان تروح القسم لأن أكيد هيطلبوا أقوالك .. وكمان أقوال "ياسمين" قال "عمر: "

-بكرة ان شاء الله هروح القسم .. لكن النهاردة مش هقدر أمشى من المستشفى واسيبها .. وكمان هتصل بالأستاذ "شوقى" يجيلى الصبح ان شاء الله .. لازم اللى عمل كده ياخد جزاءه .. مش هرتاح الالما يتسجنوا هما الاتنين

قال "كرم" مطمئناً اياه:

-متخفش ان شاء الله هيتسجنوا .. القضية لبساهم لبساهم

رن هاتف "عمر" فرد قائلاً:

-أيوة يا ماما

قالت "كريمه" بلهفه:

-أيوة يا "عمر" طمنى على "ياسمين"

بخير يا ماما الحمد لله .. هي نايمه دلوقتي والدكتورة طمنتني عليها

قالت بإرتياح:

-الحمد لله .. بكرة ان شاء الله أنا وباباك هنيجي نزورها

ان شاء الله يا ماما

-هتبات عندك ولا هترجع

-لأ هبات مش هقدر أسيبها في المستشفى وآجي

باباها وأختها عندك مش كده ؟

-أيوة

-طیب یا حبیبی لو احتجت حاجه کلمنی .. و علی فکرة حسابي معاك بعدین عشان روحت لوحدك لمجرم زی ده من غیر ما تعرفنی

ماماً نتكلم بعدين في الموضوع ده

-ماشي يا "عمر" .. وخلى بالك من نفسك .. وابقى طمنى عليها

ماشى يا ماما مع السلامة

مع السلامة

قضت "ريهام" ليلتها بجوار أختها .. أما "عبد الحميد" و "عمر" جلسا على مقاعد الإنتظار

خارج الغرفة .. كان "عمر" على تواصل طيلة الليل مع "كرم" و" أيمن" اللذان يحضران التحقيقات بقسم الشرطة و بالمكان الذي تم اختطافها فيه

فى الصباح .. ذهب "عبد الحميد" لإحضار قهوة له وله "عمر" .. فجأة فتحت "ريهام" باب الغرفة ونظرت الى "عمر" قائله:

بابا فین ؟

قال "عمر" بلهفه:

-ثوانى وراجع .. هي فاقت ؟

أومأت برأسها ايجاباً وقالت:

-أيوة .. هروح أنادى للدكتوره

دخل "عمر" ليجد "ياسمين" وقد فتحت عينيها تنظر من نافذة الغرفة .. اقترب منها .. أحست بوجوده .. نظرت اليه .. تلاقت نظراتهما في صمت .. كان "عمر "ينظر اليها بشوق ولهفه وحنان و .. حب .. أما هي فكانت تتذكر ما فعله من أجلها الليلة الماضية .. كيف خاطر بحياته .. كيف قدم ماله .. كيف حماها .. كيف أنقذها .. شعرت بقلبها يخفق لهذا الرجل الواقف أمامها .. وجدته يقترب أكثر .. جلس بجوارها .. فانتبهت وأشاحت بوجهها قائله بحرج بصوت خافت ومبحوح من أثر تعب الليلة الماضية:

لو سمحت مینفعش کده

تجاهل ما قالت .. نظر اليها بحنان قائلاً:

-انتى كويسه .. كنتى خايف عليكي أوى

أعادت ما قالت بحرج أكبر وهي تحاول أن تبتعد عنه:

لو سمحت بجد مینفعش کده

قام من مكانه ووقف بجوارها ونظر اليها وابتسم بخبث قائلاً:

-آیه المشکلة یعنی ما انتی کنتی فی حضنی امبارح

احمرت وجنتاها بشدة ونظرت اليه نظرة صارمه .. ضحك "عمر" قائلاً:

-لأ كده اطمنت عليكى .. الدم رجع ينور وشك تانى

صمت برهه ثم قال وهو ينظر اليها نظرة متوعده:

-اعملى حسابك .. أنا مش هقدر أستحمل الوضع ده كتير .. أنا سبتك تدلعى بما فيه الكفايه .. بس خلاص صبرى نفذ

نظرت اليه بإستغراب قائله:

-يعني ايه ؟

لمعت عيناه بشوق قائلاً بإبتسامه عذبه:

-يعني خلاص معدتش قادر أبعد عنك لحظة .. لولا انك تعبانه والظروف اللى انتى فيها أنا كنت جبت المأذون وكتبت عليكي حالاً

خفضت عيناها وتلون وجهها مرة أخرى .. تأملها مبتسماً .. لحظات ودخل "عبد الحميد" واقترب منها قائلاً:

" -ياسمين" .. عامله ايه دلوقتي

ابتسمت له قائله:

-الحمد لله يا بابا .. اطمن

مسح على رأسها وجلس بجوارها مردداً:

-الحمد لله والشكر لله .. الحمد لله والشكر لله

حضرت الطبيبة وطمأنتهم على حالها ثم دعت لها بالشفاء وخرجت .. حضرت "ريهام "ومعها طرحه وساعدت "ياسمين" على ارتدائها .. سألها "عمر" بإهتمام:

الحكيلي اللي حصل بالظبط يا "ياسمين"

تنهدت "ياسمين" ثم قصت عليهم كل شئ بدءاً من مكالمة "مها" .. وحتى وجدها "عمر" .. صاح "عمر" بحنق:

- يعنى اللي اسمه المصطفى الده كان واحد من اللي خطفوكي

أومأت برأسها وقالت بمراره:

-أيوة .. وعشان كده كانوا عايزين يقتلوني .. لاني عرفته من صوته

قل "عبد الحميد" بغضب:

- لا حول ولا قوة الا بالله .. ده طلع بجد شيطان .. يارب يقبضوا عليه ويعدموه عشان نخلص منه

نظر "عمر" الى علامات الألم على وجهها ..احتار فى تفسيرها .. جاءت الشرطة لأخذ أقوالها وأقوال "عمر" .. خرج عم "عبد الحميد" و "ريهام" واستمع الظابط لرواية "ياسمين" .. كانت تقص عليه ما حدث بالتفصيل وهو يقاطعها بالأسئله .. حتى سألها:

-وازاى عرفتى انه طليقك .. انتى قولتى انهم كانوا مغميين عنيكي ومكنش حد فيهم بيتكلم أدامك

قالت بإرتباك:

ـ هو اتكلم في مرة فسمعت صوته وعرفته

سألها الظابط:

اتكلم قالك ايه ؟

توترت أكثر ثم قالت بصوت خافت:

-شتمنی

لیه ؟

صمتت قليلاً وهي تتجنب النظر الى "عمر" الذي يراقبها بإهتمام .. ثم قالت:

عشان زقيته برجلي ووجعته

قال الظابط:

اليه هو حاول يتهجم عليكى ؟

أومأت برأسها وهي تنظر الى أسفل .. انفجرت الدماء في وجه "عمر" واشتعل غضباً .. فأكمل الظابط قائلاً:

-على العموم احنا مسكنا شريكه .. وجارى البحث عن طليقك .. وكمان جبنا اللى اسمها الدكتورة "مها" أنكرت كل حاجه فى الأول خاصة ان الخط اللى كلمتك منه مش خطها ومش بإسمها .. بس لما شدينا عليها اعترفت خاصه لما أوهمناها ان عندنا أدلة ضدها .. وان شاء الله قريب هنمسك طليقك هو كمان

أومأت برأسها في صمت .. أعطاها المحضر لتمضى عليه هي و "عمر" .. انصرف الظابط ومن بصحبته .. فالتفت اليها "عمر" قائلاً بحزم:

-متقلقيش لو معرفوش يوصلوله أنا هلاقيه وأخليه يندم على اليوم اللى اتولد فيه نظر والى التصميم على وجهه .. فأكمل قائلاً:

-أنا هعرفه ازاى يتعرض لمراتى

خفق قلبها لكلمته .. نظرت اليه مندهشة فوجدته ينظر اليها بحنان مبتسماً:

-أيوة مراتى

دخلت "ريهام" وأعقبها والدهما .. بعد فترة جاءت "كريمه" و "نور" و "سماح "لزيارتها والإطمئنان عليها .. سعدت "ياسمين" للغاية بتلك الزيارة وبإلتفاف كل من تحبهم حولها.

فى نهاية اليوم سمحت الطبيبة لـ "ياسمين" بالمغادرة .. عاد الجميع الى المزرعة .. بقيت السماح" مع صديقتها فى غرفتها في حين كان "أيمن" و "كرم" فى منزل "عمر" .. جلست "سماح" بجوار "ياسمين" على السرير قائله:

قلقتيني عليكي .. كنت حسه اني هموت من الرعب

ابتسمت "ياسمين" فقالت "ريهام: "

-كنت حسه انى عايشة فيلم رعب .. أختى مخطوفه واللى خطفها طالب فديه .. حاجه ولا فى الأحلام .. دايماً بقرأ الحوادث دى فى الجرايد بس عمرى ما تخيلت انها تحصل معانا قالت الياسمين: "

الحمد لله انها جت على أد كده

قامت "ريهام" قائله:

- هروح أطمن على بابا .. اليومين اللي فاتوا الضغط على عليه أوى

شعرت "اياسمين" بالأسف . لأنها سبب تعب والدها .. نظرت اليها "سماح" قائله:

-أكيد التجربة كانت صعبة عليكي أوى

تنهدت الياسمين البأسى قائله:

-جداً .. كنت مرعوبة .. مكنتش في الأول عارفه هما عايزين منى ايه .. ولا هما مين .. وبعد ما عرفت اترعبت أكتر

ثم قالت بألم:

- أكتر حاجه ألمتنى .. لما اكتشفت ان "مصطفى" واحد منهم .. بجد مكنتش متخيله ان الانسان ده جواه السواد ده كله

قالت "سماح" بتقزز:

-بجد حسبي الله ونعم الوكيل فيه .. ربنا ينتقملك منه

قالت "ياسمين" بصوت متألم:

-تخيلى لو كنت لسه مراته لحد دلوقتى .. كان زمانى كرهت نفسي .. الحمد لله انى خلصت منه الحمد لله .. فعلاً ربنا خلصك منه

ساد الصمت قليلا .. ثم قالت "سماح" مبتسمه:

" -أيمن" قالى ان "عُمر" كان هيموت من خوفه عليكي .. أول ما طلبوا الفدية مترددش انه يدفعها .. كان أهم حاجه عنده إنك ترجعي سليمه

ابتسمت "ياسمين" في خجل قائله:

-عمرى ما هنسى اللى عمله معايا .. كان خايف عليا أكتر من خوفه على نفسه .. كان شجاع جداً وهو بيواجههم وواقف أدامى يحميني .. لما سمعت صوته فى الأوضه أول ما دخلوه اطمنت أوى .. حسيت ان مجرد صوته بيطمنى .. ولما خدونى عشان يقتلونى .. كنت حسه انى خايفه عليه .. وأعدت أفكر هيأذوه ولا لأ

ثم استطردت قائله بتأثر:

-تعرفی یا "سماح" انه لما لقی هدومی اتقطعت و شعری مکشوف قلع الجاکیت والقمیص بتوعه و غطی جسمی وشعری بیهم

ابتسمت السماحال. فأكملت الياسمين: ال

متتصوریش آنا کنت حسه بایه .. فاکرة أخر مرة کنت عندك لما قولتلك انی مش عارفه طباعه وخایفه یخلینی اقلع الحجاب او یلبسنی مکشوف او میغرش علیا .. لما عمل کده حسیت ان مخاوفی دی راحت .. أنا عارفه انه عمل کده غیره .. یعنی مش عشان حلال وحرام .. بس الغیره اللی عنده دی بتدینی أمل ان جواه حاجه کویسه .. هو بس ملقاش اللی یوجهه .. عارفه مخلاش حتی "کرم" یقرب منی ویشوفنی وأنا فی الحالة دی

ـتعرفی ان الممرضة اللی كانت معایا قالتلی خطیبك ده بیحبك أوی وبیغیر علیكی أوی .. استغربت .. لقیتها بتقولی انه مرضاش یخلی الدكتور یكشف علیا وأصر انهم یجیبولی دكتورة .. وقالهم لو مجبتولهاش دكتورة أنا هخدها مستشفی تانیه .. متتصوریش لما قالتلی كده أنا حسیت بإیه .. بجد علی فی نظری أوی أوی .. وحسیته راجل بجد

صمتت قليلاً ثم قالت وابتسامة جميلة في عينيها وعلى شفتيها:

-أنا بحبه أوى يا "سماح"

ضحكت "سماح" قائله:

أكملت مبتسمه:

-الله أكبر .. بركاتك يا "عمر" .. كان لازم تتخطفى يعني عشان نسمع الإعتراف ده ضحكت "ياسمين" في خجل قائله:

-أنا كنت شكه بس خلاص دلوقتى اتأكدت .. أنا فعلاً بحبه يا "سماح" .. واللى حصل ده كله خلانى أشوفه راجل بجد .. وحسه انه بشوية توجيه ممكن حاجات كتير فى حياته تتغير ابتسمت "سماح" قائله بخبث:

طبعاً عشانك يا قمر ممكن كل حاجه في حياته تتغير

عادت "ريهام" لتنظر اليهما قائله في مرح:

-ايه مش تضحكونا معاكوا .. والا الاكتئاب والعياط لـ "ريهام" .. والابتسامه اللي من الودن للودن لـ "سماح"

قالت "سماح" بمرح:

اخيراً أختك اعترفت وقالت: بحبه يا "سماح"

زغرطت "ريهام" قائله:

اخيراً .. يا فرحة قلبك يا "عمر" يا ابن طنط "كريمة" .. أخيراً نلت الرضا السامى و "ياسمين" بذات نفسها قالت انها بتحبك

قالت "ياسمين" بدلع:

-بصراحة بعد اللي عمله دخل مزاجي

```
قالت "ریهام" فی مرح:
```

دخل مزاجك بس .. ده المفروض يدخل عقلك وقلبك وشرايينك وكل حته فيكي .. يعني المفروض لو عملنالك تحليل شامل نلاقى "عمر" جواكى عمال ينتشر وتوغل ويتسرب ويستمر ويستمر

ضحكت "سماح" .. نظرت اليهما "ياسمين" مبتسمه:

انتوا في ايه مالكوا .. ياريتنى مكنتش فتحت بقى أنا غلطانه أصلاً

"ريهام" بمرح:

-لأ أبوس ايدك .. احنا طلعت عنينا عشان ناخد منك الإعتراف ده .. اوعى ترجعى فى كلامك .. خلى الدنيا تمشى حلو بأه .. ونعمل خطوبتى وخطوبتك فى يوم واحد

ابتسمت اسماح الوقالت:

حد كان يصدق ان احنا التلاته ناخد 3 صحاب

ابتسمت الیاسمین: اا

-لأ بصراحة عمرى ما كنت أتخيل

"ریهام" مبتسمه:

-ولا أنا .. سبحان الله

ثم نظرت الى "ياسمين" قائله:

-أنا من أول يوم وأنا بقولك انى حسه انى البلد دى وشها حلو علينا وهنطلع منها بفردتين .. ادينا خدنا أحلى فردتين في البلد

لم تتمالك "سماح" و "ياسمين" نفسهما من الضحك .. قالت "سماح: "

-آه لو يسمع "كرم" موضوع الفردتين دول مكنش عتقك يا "ريهام"

نظرت "سماح" اليهما قائله:

احم احم في خبر كده عايزة أقولكوا عليه

نظر اليها كل من "ريهام" و "ياسمين" .. فإبتسمت قائله:

-أنا حامل

صاحت الفتاتان في فرح .. قالت "ياسمين: "

-بجد يا "سماح" .. ألف ألف مبروك

قالت "ريهام" في سعادة:

-مبروك يا "سماح" ربنا يتمم حملك على خير يارب

قالت ضاحكة:

-الله يبارك فيكوا .. أنا عرفت في اليوم اللي "ياسمين" اتخطفت فيه .. والحمد لله أهي رجعت وسطينا تاني قولت أبشركوا بالخبر ده

قالت "ياسمين" بسعادة:

بجد ده أحلى خبر سمعته .. ياه بقالى فترة طويلة مفرحتش كده .. يعني هبقى أخيراً خالتو عانقتها 'اسماح'' قائله:

طبعاً يا "ياسمين" انتى أكتر من أختى

صاح "كرم" بمرح:

-وأخيراً هنشوف ابن واحد مننا. أنا كنت بدأت افقد الأمل خلاص

قال "عمر" لـ "أيمن" بسعاده:

-ألف ألف مبروك يا "أيمن" .. بجد فرحتك أوى

قال "أيمن" مبتسماً:

ربنا يكرمك يا "عمر" .. يلا اتجدعنوا انتوا كمان خلونا نفرح بيكوا بأه بدل أعدتكوا كده .. بأه شكلكوا وحش

ضحك "عمر" .. صمت قليلاً ثم قال:

-أنا عايز أكلم أبوها تانى .. بس خايف يفتكر انى بستغل الموقف

قال "أيمن: "

-لأ الموضوع مفيهوش استغلال فرص ولا حاجه .. يعني ده جواز

قال "عمر" بقلق:

-خايف يفتكر انى بضغط عليهم عشان يعني اللي عملته مع "ياسمين"

قال "كرم" مؤكداً:

-لأ محدش هيظن كده .. المهم "ياسمين" نفسها انت مالى ايدك منها المرة دى ولا هترفض زى المرة اللي فاتت

فكر "عمر" قليلاً ثم قال:

بصراحة مش مالى ايدي أوى

ثم ابتسم بخبث قائلاً:

-بس برده ایدي مش فاضیه

قال ''كرم'' بمرح:

-يبأه على خيرة الله .. توكل على الله وكلم أبوها تائى

ابتسم "عمر" قائلاً:

-بس المرة دى أنا مش هتكلم في خطوبة

صاح "كرم" قائلاً:

-الله .. اشمعنى انت .. أنا كمان مش عايز خطوبة

قال "أيمن" بمرح:

-الله الله أهو هو ده الكلام .. يلا عشان نخلص منكوا انتوا الجوز مرة واحدة

اتصل "أيمن" باسماح" ونزلت من عند صديقتها ليعودا الى منزلهما .. سألته عن تطورات التحقيقات فأجابها قائلاً:

" -بسطويسي" و "مها" اتقبض عليهم .. والبوليس بيدور على "مصطفى" متخفيش أيام ويتقبض عليه ان شاء الله

قالت "سماح" بحنق:

ربنا ينتقم من اللى اسمه "مصطفى" ده .. ده هيكون عبرة ان شاء الله ولسه عقابه عند ربنا .. ده بجد انسان ظالم أوى

نامت "ريهام" .. وظلت "ياسمين" ساهره .. تفكر في كل ما حدث لها .. وفيما قاسته منذ وفاة والدتها رحمها الله .. ثم وصلت بتفكيرها الى "عمر" .. عندما تذكرته ابتسمت .. نعم لقد أحبته

.. دخل قلبها رغم الأسوار العالية التى بنتها حوله .. ملك مشاعرها وكل كيانها .. برجولته وغيرته وخوفه عليها .. التفتت الى هاتفها لتراه يضئ فى صمت .. نظرت فوجدت رقماً لا تعرفه .. تعجبت من الذى يتصل بها فى هذا الوقت .. ظنت بأنه ربما يكون "مصطفى" .. شعرت بالخوف .. لم ترد .. اتصلمرة أخرى .. غلبها الفضول ففتحت الخطدون أن ترد .. ولدهشتها سمعت صوت "عمر" يقول:

ازیك یا "یاسمین"

صمتت ولم تجب .. كانت مندهشة من اتصاله بها .. أكمل "عمر" بصوت حانى:

-كنت قلقان عليكي وحبيب بس أسمع صوتك

صمت قليلاً ثم قال:

وحشتيني أوى

خرجت "ياسمين" من صمتها قائله:

-أنا آسفة مضطرة أقفل

قال بصوت دافئ:

-ماشى .. أنا بس كنت حابب أسمع صوتك .. ممكن أطلب منك طلب

صمتت .. فأكمل قائلاً:

-أنا واقف تحت البلكونه .. ممكن بس تبصيلي .. وحشتيني الساعتين دول .. عايز بس أشوفك شعرت بسعادة غامرة .. لكنها قالت بخفوت:

-أنا أسفه مش هينفع

طال صمته ثم تنهد قائلاً:

-طیب خلی بالك من نفسك .. لو احتجتی أی حاجه ده رقمی سیفیه عندك .. تصبحی علی خیر یا حبیبتی

خفق قلبها بشدة عندما سمعت منه "حبيبتى" .. أغلقت .. وقامت تفتح باب الشرفة بهدوء .. وقفت خلف الستارة .. رأته بالفعل .. كان ينظر بإتجاه الشرفة .. وقف قليلاً ثم انصرف عائداً الى بيته .. تابعته "ياسمين" بعينيها والإبتسامه على شفتيها

فى اليوم التالى ظلت "ياسمين" حبيسة غرفتها .. التزمت بتعليمات الطبيبة براحة وعدم ارهاق نفسها .. في منتصف النهار .. رن هاتفها لتجد رسالة من" عمر" فتحتها لتجد مكتوب فيها:

وحشتینی .. علی قدر ما فی المنام تأتینی وحشتینی .. علی قدر ما فی الأحلام تزورینی وحشتینی .. علی قدر الحب الذی بیه و هبتینی ومنه حرمتینی .. والیه ارجعتینی .. وحشتینی حبیبتی ... ببعدك لا تزیدینی .. فأنتِ بداخلی و فی تكوینی.

شعرت بسعادة لذيذة تجتاح كل كيانها .. تسللت الابتسامه الى شفتيها .. ضمت هاتفها الى صدرها تعانقه .. نظرت الى كلماته مرة أخرى .. قرأتها مرات ومرات .. والابتسامه لا تفارق شفتيها .. وقلبها لا تهدأ سرعة ضرباته.

بعد المغرب .. قال "نور" لـ "كريمة" و "عمر: " -ما تيجوا يا جماعة نخرج شوية .. نتعشى بره فى أى مكان قالت "كريمه" بسعادة:

-والله فكرة .. حتى تغيير جو .. قولت ايه يا "عمر"

فكر "عمر" قليلاً ثم قال:

-لأ روحوا انتوا يا ماما

قالت الكريمه التحثه:

-وتعد لوحدك فى البيت ليه تعالى معانا تغير جو .. الواحد أعصابه تعبت اليومين اللى فاتوا - لأ معلش يا ماما روحوا انتوا .. وكمان عندى شغل كتير متراكم عليا .. الأيام اللى فاتت انتوا عارفين أنا مكنتش بهتم بالشغل خالص ..وفى حاجه كتير لازم تخلص -خلاص يا حبيبتى ربنا يعينك .. على العموم لو غيرت رأيك كلمنا

خرج والداه وركبا السيارة وانطلقا الى المنصورة .. ذهب "عمر" الى مكتبه .. ليبدأ عمله .. كان ينظر الى هاتفه كل فتره .. وكأنه ينتظر اتصالاً أو رسالة منها .. يعلم بأنها لن تفعل ذلك .. لكنه بقى متأملاً

شعرت "ياسمين" بالملل .. فنزلت لتتمشى قليلاً في المزرعة .. ظلت تمشى لساعات وسط الطبيعه الخلابه .. لم تجرب السير في المزرعة ليلاً .. وجدت له مذاقاً خاصاً .. والنسمات المنعشة أفادتها كثيراً .. أخذتها قدماها قرب بيت" عمر" ألقت نظرة على البيت وابتسمت .. أخرجت هاتفها وأعادت قراءة الرسالة مرة أخرى .. ثم أكملت طريقها .. عندما همت بالعودة .. نظرت لتجد قرب البوابة عند الأسلاك الشائكة .. رجل يحاول اقتحام المكان والتسلل من بين الأسلاك .. دب الخوف في أوصالها .. شعرت الرعب .. خافت أن تتقدم أكثر فيراها الرجل .. دققت النظر تحت ضوء القمر .. لتجد أن للرجل هيئة كهيئة" مصطفى" .. لم تستطع رؤية ملامح وجهه جيداً بسبب الظلام .. لكن كان نفس الهئية والجسم .. كان قد اقترب بالفعل من الدخول من بين الأسلاك .. فزعت .. خافت أن تجرى في اتجاه حجرة الغفير فيراها "مصطفى" ويسرع بالإمساك بها .. شعرت بأن تفكيرها قد شُل من الخوف .. جرت في الإتجاه الآخر .. ثم وجدت نفسها تلقائياً تصعد الدرجات الى بيت المزرعة .. أخذت تطرق الباب بسرعة منادية: "عمر" .. "

تجمعت الدموع فى عينيها وهى تطرق الباب بقوة .. وتنظر يميناً ويساراً خشية من أن يلحق المصطفى الله .. ويمسكها وينتقم منها .. فهى الشاهدة الوحيدة عليه .. اعمرا لم يرى وجهه .. ولم يتعرف صوته أحد غيرها .. وهى تعلم أنه لن يتردد لحظة فى قتلها اذا سنحت له الفرصه .. لينقذ نفسه من السجن .. طرقت الباب بهلع وأخيراً فتح العمرا .. نظر اليها بلهفة قائلاً:

" -ياسمين" مالك في ايه ؟

قالت الياسمين البصوت مرتجف وبأنفاس متقطعه:

" ـمصطفى "

سألها بهلع:

- هو فين ؟ .. عملك حاجه ؟

ابتلعت ريقها وقالت بأعين دامعه:

-شوفته بيحاول يدخل من السلك اللي جمب البوابة

جذبها "عمر" من ذراعها بقوة وأدخّلها البيت وقال بحزم:

-خليكي هذا واقفلى الباب كويس من جوه ومتفتحيش لحد غيرى

أغلق الباب خلفه .. فتأكدت من غلقه جيداً .. ثم توجهت الى احدى النوافذ القريبه تستطلع الأمر منها .. رأت "عمر" يسير بإتجاه البوابة .. خافت عليه بشدة .. خافت أن يهاجمه "مصطفى" .. خافت أن يكون "مصطفى" حاملاً للسلاح ويتهور ويطلق النار على "عمر" .. شعرت بالخوف والفزع .. ليتها لم تأتى اليه .. ليتها لم تقحمه فى الأمر وجرت بإتجاه البوابة الى حيث غرفة الغفير .. وقفت فى نافذة أخرى فلم ترى شيئاً .. اختفى "عمر" من أمام ناظريها وأعاقتها الأشجار عن متابعة ما يحدث .. تساقطت العبرات على وجنتيها .. هى آمنه فى الداخل .. وهو فى الخارج تحت رحمة هذا المجرم .. أخرجت هاتفها وحاولت أن تتصل به .. رن الهاتف ثم سمعت طرقات على الباب .. سمعت الطرقات مرة أخرى .. قالت بصوت مرتجف:

۔مین ؟

أتاها صوته:

افتحى يا الياسمين النا العمراا

شعرت بالخوف .. ماذا لو كان "مصطفى" معه .. ماذا لو كان يهدده .. قالت بشك بصوت مضطرب:

انت لوحدك ولا "مصطفى" معاك؟

صمت قليلاً ثم أتاها صوته في حنان:

-متخفیش أنا لوحدی .. "مصطفی" مش موجود متخفیش

مازالت تشعر بالخوف .. قالت له في حيرة وألم:

-طیب ما ممکن یکون ''مصطفی'' بیهددك بالسلاح دلوقتی عشان تقولی انه مش معاك وأفتح الباب و هو یدخل

طال صمته .. ثم أتاها صوته الدافئ وهو يقول:

-لو فعلاً ده حصل و "مصطفى" أو غيره هددنى عشان أديكي الأمان وتفتحى الباب .. فأنا أفضل انه يقتلنى ولا انه يطول شعره منك .. مش ممكن أسمح لحد انه يأذيكي يا "ياسمين" .. حتى لو فيها موتى أنا

شعرت بكلماته الصادقة تخترق قلبها وتستقر به .. فتحت الباب ببطع .. ابتسم ونظر اليها وعينيه تغمرانها بحنانه .. لكم تحب تلك العينين والرسائل التي ترسلانها اليها .. رسائل حب وعشق صامته.

سألته بقلق:

لقيت المصطفى ال ؟

طمأنها قائلاً:

متخفیش مش هو

قالت بإستغراب:

-أمال مين

ده عامل شغال هنا في المزرعة فضل يخبط على البوابة بس الغفير نام ومسمعوش .. فحاول يدخل من بين الأسلاك

أومأت "ياسمين" برأسها وشعرت بالحمق لأنها أزعجته بدون داعى .. تقدمت لتخرج فوجدت وقف أمام الباب ليمنع خروجها .. نظرت اليه بدهشه .. فنظر اليها بخبث قائلاً:

-تعملی ایه لو حبستك هنا

شعرت بالخجل فخفضت بصرها وقالت:

لو سمحت عديني

قال بمرح وعينا تلمعان بخبث:

-لأ مش هعديكي .. وهحبسك هنا لحد ما تستسلمي تماماً

وفجأة دخلت سيارة والده الى المزرعة .. اضطربت "ياسمين" بشدة ونظرت الى" عمر" بعتاب فلو كان سمح لها بالذهاب لما كانت ستتعرض لهذا الموقف .. ابتسم لها "عمر" وهو يراقب علامات الارتباك على وجهها .. نزل والده ووالدته من السيارة ليروا "عمر" واقف على باب المنزل من الخارج و "ياسمين" واقفة على الباب من الدخل .. شعرت بالخجل الشديد من هذا المأذق الذي وجدت نفسها فيه .. اقتربت "كريمه" منها قائله بإبتسامه:

ازيك يا "ياسمين" حمدالله على سلامتك يا حبيبتي

قالت "ياسمين" بتوتر:

-الله يسلمك

تقدم والد "عمر" وسلم عليها هو الآخر .. كانت تتمنى أن تنشق الأرض وتبلعها أصحاب البيت واقفون على الباب من الخارج وهى تقف من الداخل .. لا تدرى كيف تشرح ما حدث .. أنقذها "عمر" قائلاً:

" -ياسمين" كانت بتتمشى واتخضت لما شافت راجل بيحاول يدخل من الأسلاك اللى جمب البوابة جتلى عشان أشوف مين اللى بيحاول يدخل ودخلتها البيت لحد ما أرجع قالت له أمه بإهتمام:

وطلع مين ؟

-عامل من اللى ساكنين فى سكن العمال .. الغفير كان نام ومسمعش خبطه على البوابه قال "نور" موجهاً حديثه الى "ياسمين: "

-متخفيش يا "ياسمين" محدش يقدر يدخل المزرعة هنا .. أكيد طليقك هيخاف ييجى هنا شعر "عمر" بالحنق عندما سمع لفظ "طليقك" .. كان يحاول قدر الإمكان تناسى بأنها متزوجه من قبل .. لأن هذا الأمر .. يؤلمه أشد ألم .. أفسحت "ياسمين "الطريق ليمر والداه .. دخلوا الى المنزل .. حاولت الخروج فسد "عمر" الباب بجسده مرة أخرى وابتسم بخبث .. صاحت بضيق

-لو سمحت مينفعش كده .. كفايه اللي حصل .. لو كنت خلتني أمشى مكنش زماني اتحطيت في الموقف ده .. لو سمحت عديني

قال "عمر" بمرح دون أن يتخلى عن ابتسامته:

فعلاً معاكى حق شكلنا بأه بايخ أوى .. وكمان أنا ليا سمعه لازم أحافظ عليها

اقترب برأسه منها ونظر في عينيها قائلاً:

-لازم تصلحى غلطتك وتتجوزيني

حاولت كتم ابتسامتها بصعوبة وقالت بجديه:

```
ـلو سمحت عديني
هتف و هو يتظاهر بالجديه:
```

- وسمعتى اللى ضاعت على اديكي .. وأهلى اللى شافونى واقف معاكى على عتبة بيتنا .. فالامر كدور في شرين هذه في منت من في منت الانسان الناسان الله الما الله الما الله الما الله الما الله الما الله

خلاص كده مفيش بنت هترضى تبص فى وشى .. لازم تتجوزيني وتسترى عليا يا "ياسمين " لاحت ابتسامه صغيره على شفتيها لكنها أخفتها سريعاً وهتفت بجديه:

-خليني أمشى يا إما هنادى لطنط "كريمه" وأقولها انك مش راضى تعديني

قال بتحدى:

-نادى طنط "كريمه" بتاعتك وأنا أقولها على اللي عملتيه في العربية

قالت بدهشة:

انا .. عملت ایه ؟

نظر اليها بخبث وهو يقول:

-كل ما أحاول أبعدك عنى .. تقوليلى لا يا "عمر" متسبنيش وفضلتى لازقه فى حضنى طول الطريق مش عارف أتحرك منك

احمرت جنتاها بشدة وهتفت قائله:

والله ما حصل .. أنا معملتش كده

قال بتحدى:

الأعملتى كدة و "كرم" شاهد كمان

صاحت بضيق:

-بطل تهريج أنا معملتش كده .. صحيح أنا مش فاكرة اللى حصل بس أكيد معملتش اللى انت بتقوله ده

قال و هو يتظاهر بجديه:

-بصى يا بنت الناس .. يا توعديني انك تصلحى غلطتك وتتجوزيني يا اما مش هطلعك من البيت وهجيب المأذن وأكتب عليكي بالعافية .. ها قولتلى ايه .. تختارى ايه ؟

قالت بجدیه:

-عديني لو سمحت

قال بتحدى:

-خلاص انتى حرة انتى اللى اخترتى

ثم هم بالدخول فإبتعدت .. كاد أن يغلق الباب فقالت بسرعة:

-خلاص . خرجنی

لمعت عيناه وابتسم قائلاً:

ـيعنى خلاص هتتجوزينى ؟

تحاشت النظر في عينيه وتضرجت وجنتاها خجلاً .. فحثها قائلاً:

-ها .. مش هفضل مستنى كده كتير .. هتتجوزيني ؟

ابتسمت دون أن تنظر اليه .. فنظر اليه بحب قائلاً بهمس:

-كفاية الإبتسامه الحلوة دى .. هعتبرها بدل كلمة موافقة

قالت بصوت خافت وهي لا تستطيع أن ترفع عينيها في عينيه:

ممكن لو سمحت تعديني

أومأ برأسه قائلاً وعيناه تغوصان في بحر عينيها:

-ماشى هعديكي بس عايزك تعرفى حاجه .. مش هسيبك سمعانى .. أنا خلاص لا عاد ينفعنى خطوبة ولا كتب كتاب .. أنا هكلم باباكى ونحدد معاد الفرح .. لأنى مش هقدر أصبر أكتر من كده .. عايزك فى حضني فى أقرب وقت .. عايز أفتح عيني كل يوم عليكي وأغمضها عليكي .. انتى حته منى وبعدك عنى تاعبنى .. ومعدتش قادر أستحمل بعدك ده .. لازم نبقى مع بعض بأه .. أنا تعبان من غيرك يا حبيبتى .. حبيبك محتاجلك أوى .. ومشتاقلك أوى .. وبيتعذب من غيرك .. حسى بيه .. ومتبقيش قاسيه عليه

ازداد احمرار وجهها .. لم تستطع حتى النظر اليه .. أفسح لها الطريق .. فخرجت مسرعه .. وعيناه تتابعانها .. تحسست وجنتاها لتجد الحرارة تنبعث منهما .. عادت الى غرفتها وعلى شفتيها ابتسامة تشى بسعادة لم تشعر بها من قبل .. وقلبها قد جن وأخذ يخفق فى جنون .. وضعت يجها على صدرها لعلها تبطئ من سرعة دقاته .. ها هى أحلامها أوشكت أن تصبح حقيقة ..

فى اليوم التالى تحدث" عمر" ووالداه و "كرم" الى "عبد الحميد" واتفقوا جميعاً على كتب كتاب الأختين بعد ثلاثة أيام فى نفس اليوم .. كانت سعادة الرجلين غامرة .. وكذلك الفتاتين.

عمت أجواء البهجة في المزرعة بعدما تم اعلان يوم كتب كتاب كل من "عمر" و" كرم" .. كان الجميع فرح لهذين الرجلين وهاتين الفتاتين .. فالجميع مشهود له الطيبة وحسن الخلق .. وان وجد داخل البعض مزيج من الغيرة والحسد .. فالكل يعلم ان الفتاتين تعملان في المزرعة وأنهما من أسرة بسيطة .. ولا يميزهن جمال صارخ .. يخطف عقول الرجال .. فأثار ذلك بعض مشاعر الغيره والحسد لدى الفتيات العاملات بالمزرعة .. كانت "ياسمين" في منتهى السعادة تعد مع أختها ومع "كريمه" و "سماح" ترتيبات هذا اليوم .. قرروا أن يتم الإحتفال بهذا اليوم في المزرعة .. المزرعة .. التي شهدت ميلاد حبهم .. كان "عمر" يكاد لا يصدق نفسه من فرط السعادة .. فهاهي أخيراً حبيبته ستصبح زوجته .. وكذلك" كرم" و "ريهام" كانا سعيدين للغاية .. قام "نور" بدعوة أخته "ثريا "وابنها "علاء" و ابنتها "ايناس .. "

لكنها رفضت الحضور بعدما حدث فى آخر زيارة لها فى المزرعة .. فمازالت غاضبة من العمرا لأنه وقف أمامها من أجل حبيبته وأهلها .. كان العمرا يشعر بالإرتياح لعدم حضور عمته .. لأنه كان يخشى أن تفعل هى أو ابنتها ما يعكر صفو هذا اليوم .. ذهبت الفتاتان مع الكريمه و السماح للختيار الفساتين لهذه المناسبه .. أما الرجلين فإهتما مع أيمن وانورا و العبد الحميد .. بتنظيم كل شئ .. ليخرج اليوم فى أبهى صورة ..قرروا أن تكون الحفلة صغيرة عائلية . على أن يعقبها العرس بفترة صغيرة ويكون احتفالاً كبيراً فى القاهرة .. قالت الريهام الله العرس بفترة صغيرة ويكون احتفالاً كبيراً فى القاهرة ..

-الحمد لله اطمنت ان أنا وانتى هنعيش مع بعض في القاهرة .. كنت خايفة "كرم" يقرر نعيش في القاهرة و "عمر" يقرر انكوا تعيشوا هنا

ابتسمت "ياسمين" قائلاً:

" ـ عمر" قال ان مكاننا الأساسى هتكون فيلة أهله فى القاهرة .. بس ده ميمنعش اننا هنيجي هنا المزرعة وقت ما نحب .. بصراحة أنا بحب المكان ده أوى ومتعلقة بيه اوى .. أصلا مش

عارفه ممكن أعيش ازاى فى مكان تانى غير هنا ابتسمت الريهام القائلة:

-أما أنا بأه لازم أرجع لان خلاص امتحاناتي على الأبواب

ضحكت "ياسمين" قائلاً:

حلو أوى يعني هتقضى شهر العسل في المذاكرة والإمتحاثات

قالت "ريهام" بمرح:

-آه بس لازم "كرم" يعوضنى ونسافر زيك انتى و "عمر" .. صحيح ما قولتيش هتسافروا فين

قالت "ياسمين" بسعادة:

مش عارفه مامته ما قالتليش .. قالتلى انه عملهالى مفاجأة

-ان شاء الله تبقى أحلى مفاجأة

قالت "ياسمين" بشئ من الحزن:

-صعبان عليا بابا هنسيبه هنا لوحده

- نعمل ايه يا ''ياسمين'' هو اللي مش راضي يرجع معانا .. حب الشغل هنا والعيشة هنا وبأه له صحاب هنا .. ومش حابب يبعد عن المزرعة

طمأنتها "ريهام" قائله:

-وبعدین زی ما انتی قولتی اکید هتیجی هنا انتی و "عمر" .. و هنبقی نیجی معاکوا أنا و "کرم"

أومأت "ياسمين" برأسها قائله:

-ان شاء الله

صفقت "ريهام" بمرح:

-بصى بأه احنا مش عايزين نفكر فى أى حاجه تضايقنا .. عايزين نفكر فى الحفلة وبس .. وان بعد أقل من 3 أيام هبقى أنا مدام "ريهام" .. وانتى مدام" ياسمين"

قالت "ياسمين" بنبرة حزينه:

-أنا أصلاً مدام .. ولا نسيتي

ضحكت "ريهام" وقالت بخبث:

-لا مش مدام .. أنا وانتى عارفين اللى فيها .. مش متخيله صدمة "عمر" لما يعرف .. أكيد هتبقى أحلى صدمه في حياته

ابتسمت "ياسمين" بسعادة .. فأكملت "ريهام: "

-الراجل هيتجنن عليكي وهو فاكر انك اتجوزتى .. أمال لو عرف هيعمل ايه .. أطلقت الياسمين الصحكات مرحة اشتاقت لمساع صداها في أذنيها طويلاً

فى الصباح ذهبت "ياسمين" و "ريهام" مع "كريمه" فى السيارة لشراء بعض الأغراض .. وعند عودتهم توقفت السيارة أمام بيت المزرعة .. أصرت "كريمة "على الفتاتين الدخول معها والجلوس قليلاً .. دخلت الفتاتين .. فرأت "ياسمين "بيت المزرعة لأول مرة .. فالمرة السابقة كانت فى حالة خوف ولم تراه جيداً .. كان بيتاً مريحاً له طابع كلاسيكي .. ولكنه يتميز أيضاً بالبساطه .. بعث فى نفسها الراحه .. وأحبته .. كما أحبت المزرعة .. رأت على أحد الجدران

صوراً معلقة لرجال ونساء .. تضايقت "ياسمين" قليلاً فهى تعلم أن الملائكة لا تدخل بيتاً به صوراً .. وقفت أمام احدى الصورة .. كانت صورة لرجل له هيبه لا تخطئها العين .. كانت شاردة عندما اقتربت منها "كريمه" قائله:

ده والد زوجى .. جد "عمر" .. كانت روحه في "عمر" .. هو اللي حببه في المزرعة وفي الزراعة .. عشان كده "عمر" قرر انه يدخل كلية الزراعة .. وحضر فيها وخد الماجستير والدكتوراه كمان

نظرت اليها "ياسمين" بدهشة .. فهذه هى المرة الأولى التى تسمع فيها تلك المعلومات عن "عمر" .. شعرت بأنها مازالت لا تعرف ذلك الرجل جيداً ..الرجل الذى ستصبح زوجته .. بعد أقل من يومين .. جلس ثلاثتهم يحتسون أقداح من الشاى الساخن ..

جلست "كريمه" بجوار "ياسمين" وابتسمت:

حبيبتى أنا مبسوطه أوى انك أخيراً قدرتى تاخدى قرارك .. صدقيني "عمر "ابنى مفيش زيه .. مش عشان هو ابنى .. بس بجد عمرك ما هتلاقى حد يخاف عليكي ويبقى حنين عليكي زيه .. أكتر صفة بعشها فى جوزى هى حنيته .. و"عمر" ورث حنية أبوه .. ربنا يسعدكوا انتوا الاتنين لان انتى كمان باين عليكى طيبه وحنينه

ابتسمت الياسمين القائله:

-بجد أنا فرحانه ان بينى وبين حضرتك علاقة كويسة .. كنت دايماً بتمنى ان أنا وحماتى نكون متفقين مع بعض

اتسعت ابتسامه "كريمة" قائلاً:

-أنا بأه مش عايزة أكون حماتك .. عايزاكى تعتبريني مكان ماما الله يرحمها .. ينفع ؟ اغروقت عينا "ياسمين" بالدموع ونظرت اليها قائله:

-أكيد طبعاً

-خلاص یبقی من النهاردة انتی و "ریهام" تقولولی یا ماما "کریمه" .. لانی بعتبر "کرم" کمان ابنی

ابتسمت "ريهام" قائله:

-أكيد .. دى حاجة تفرحنى

نظرت اليهما "كريمة" قائلاً:

-أنا كان نفسي أخلف بنات بس ربنا ما أردش .. بعد ما ولدت "عمر" ربنا ما أرادليش الخلفة مرة تانية وأنا اكتفيت بيه وحمدت ربنا على النعمة اللى رزقنى بيها مع انى كان نفسي أخلف كمان بنت .. بس الحمد لله ربنا عوضنى بيكوا انتوا الاتنين

فجأة دخل "عمر" الى المنزل ليجد "ياسمين" و "ريهام" .. اتسعت ابتسامته .. واقترب منها قائلاً:

ازيك يا "ياسمينِ" .. ايه النور ده

ابتسمت بخجل قائلاً:

-الحمد لله

ثم نظر الى "ريهام" قائلاً:

-ازیك یا "ریهام" أخبارك ایه

-الحمد لله

```
قالت "كريمه: "
```

مكنوش راضيين يدخلوا .. مع ان خلاص احنا بقينا عيلة واحدة

نظر "عمر" الى "ياسمين" بتحدى قائلاً بإبتسامه:

-هى مش هتقتنع إلا لما القسيمة تبقى فى ايدى .. هانت كلها يومين .. وكل حاجه بعد كدة هتبقى زى ما أنا عايز

صمتت قليلا ثم نظرت اليه قائله:

-شغل سى السيد وأمينه يعنى

انفجر "عمر" ضاحكاً .. ثم نظر اليها قائلاً:

-متخفيش أنا مش ديكتاتور .. لو كنت عايز أأمر ومراتى تنفذ وخلاص .. كنت اتجوزت أى واحدة مكنتش هتفرق .. لكن أنا عايز واحدة تشاركنى حياتى وأشاركها حياتها .. زى الطيارة .. ليها كابتن ومساعد كابتن .. لا ينفع الكابتن من غير المساعد ولا ينفع المساعد من غير الكابتن ثم نظر اليها بحنان قائلاً بمرح:

ماشی یا مساعد ؟

قالت بخفوت مطرقه برأسها والابتسامه على ثغرها:

ماشی یا کابتن

اتسعت ابتسامته .. والتمعت عيناه بنظره حب وشوق .. فهربت بعينيها الى" ريهام" و "كريمة" اللاتان تتابعانهما بإبتسامه صامته .. فشعرت بالخجل .. وقف "عمر" أمامها ليحجب عنها الرؤية .. رفعت نظرها اليه مندهشة فقال لها:

-جهزى نفسك النهاردة انتى و "ريهام" عشان هنروح كلما نجيب شبكتكوا انتو الاتنين .. احنا اتفقنا مع عم "عبد الحميد" .. وان شاء الله كلنا هنروح سوا ..

أومأت برِّأسها في خجل .. ظل واقف أمامها يراقب تعبيرات وجهها والحمرة التي تملأه ..

ضحكت أمه ونظرت اليه قائله:

بطل غلاسه هی بتتکسف

قال الأمه في مرح:

-انا عملت حاجه أنا ببصلها بس

ازداد خجل "ياسمين" .. فقالت أمه:

" -عمر" بجد .. متضایقهاش

نهضت "ياسمين" وتحاشت الاقتراب منه .. وقالت لـ "كريمه: "

احنا هنمشى بأه عشان ورانا حاجات كتير بنجهزها.

قامت "ريهام" من فورها .. وقالت "كريمه" مبتسمه:

-خلاص يا حبيبتي أشوفكوا بالليل ان شاء الله

خرجت "ياسمين" و "ريهام" من المنزل .. لحظات وخرج "عمر" ورائها منادياً اياها: " -ياسمين"

توقفت .. أقبل عليها ووقف أمامها قائلاً:

-استنى عايز أقولك حاجه

ثم نظر لـ "ريهام" قائلاً:

" -ریهام" ممکن ثوانی

ابتعدت "ريهام" قليلاً .. نظرت اليه "ياسمين" بحرج قائله:

نظر اليها وأخرج من جيبه علبة قطيفة صغيرة .. نظرت اليه بإستغراب .. فتحها لتجد سلسلة صغيرة بها قلادة على شكل قلب وبداخل القلب محفور اسمه "عمر .. "نظر اليها قائلاً بحنان: -السلسلة دى تلبسيها ومش عايزك تقلعيها أبداً مهما حصل

ثم أخرج ميداليه وأراها القلب الصغير الذي يشبه القلب في السلسلة لكن القلب الذي معه يحمل اسمها "ياسمين" .. ابتسم لها قائلاً:

-انا كمان مش هشيل القلب ده مهما حصل .. انتى معاكى قلبي وأنا معايا قلبك .. اتفقنا أومأت برأسها وأخذت منه العلبة .. قبل أن تغادر همس لها بشغف قائلاً:

- كلها يومين وتبقى بتاعتى بجد .. ومعدتيش هتعرفى تهربى منى

صعدت الفتاتان الى غرفتهما .. أخذت 'اياسمين' تتفحص القلب مبتسمه .. ثم التفتت الى الريهام' قائله:

-أنا خايفه يا "ريهام" أوى

ـخايفه ليه

قالت الياسمين البوجوم:

-خايفه الحب اللي أنا شيفاه من "عمر" ده يتغير بعد الجواز

هتفت الريهام: ال

-يا ستى هتقدرى البلا قبل وقوعه ليه .. ما الراجل لذيذ وزى الفل أهو

قالت الياسمين الهفه:

-أنا مش عایزاه یتغیر یا "ریهام"

ده في ايدك على فكرة

قالت الياسمين البثقه:

-صح معاكى حق .. أنا طول عمرى بقول ان ده فى ايد الزوجة .. هى اللى تقدر تخلى زوجها متعلق بيها .. وبيحبها .. وميقدرش يستغنى عنها ثم ابتسمت قائله:

-بحبه أوى يا "ريهام" .. ومش قادرة أصدق ان أخيراً الدنيا هتمشى زى ما أنا عايزة

فى المساء ذهب الجميع لاختيار الشبكة .. "عمر" ووالداه .. "كرم" .. "أيمن" .. "سماح" .. "عبد الحميد" .. "ريهام" .. "ياسمين" .. كانت سعادتهم غامرة بتلك المناسبة .. وأكثر من دمعت عيناه فرحاً هو "عبد الحميد" الذي لم يصدق زواج ابنتاه وفي يوم واحد .. من رجلين تتمناهما الكثير من الفتيات .. شعر بأن الله أهداه بهدية كبيرة جداً .. سجد شكراً لله بعد عودته .. وظل يحمده ويشكره على ما أعطاه هو وبناته .. في اليوم التالي .. وجدت "ياسمين .. "ولاء" تتصل بها لتخبرها بوجود رجل يسأل عنها في مكان عملها .. استغربت" ياسمين" بشدة .. قالت "ولاء: "

راجل كبير فلاح .. من القرية بتاعتنا .. مصر جداً انه يتكلم معاكى .. ولما قولتله اتكلم مع البشمهندس "عمر" اتخض وقالى أبوس ايديكى متجيبيلهوش سيرة .. أنا عايز الست"ياسمين"

قالت الياسمين البدهشة:

عايز ايه ده أنا مش فاهمة

-بقولك معرفش مش راضى يقولى وآعد جوه فى المكتب .. شوفى أقوله ايه أمشيه ولا ايه؟ صمتت الياسمين القليلاً ثم فكرت بصوت عالى:

-يمكن واحد شاف حادثة الخطف بتاعتى وعارف مكان "مصطفى"

ثم قالت:

-استنى يا "ولاء" أنا نازلاله خليه آعد في المكتب

ارتدت "ياسمين" ملابسها وهي تدعو الله أن يرشدها الرجل الى مكان "مصطفى "الذى مازال هارباً حتى الآن .. دخلت المكتب لتجد رجلاً كما وصفته "ولاء .. "كبير في السن .. فلاح بسيط .. خرجت من المكتب مرة أخرى وذهبت الى "ولاء "قائله:

" -ولاء" تعالى معايا مش عايزة أعد معاه في المكتب لوحدي

ذهبت معها "ولاء" دخلت الفتاتان فقالت "ولاء" للرجل:

-هی دی الدکتورة "یاسمین" یا حاج

قام الرجل وهو ينظر الى "ياسمين" بشك ثم قال:

-انتى الدكتورة "ياسمين" اللي هتتجوز البشمهندس "عمر"

قالت "ياسمين" بترقب:

ايوة أنا

نظر الرجل الى "ولاء" ثم الى "ياسمين" قائلاً:

-عايز أكلمك على انفراد يا ست الدكتورة

قالت "ياسمين" بحزم:

-آسفة .. حضرتك قول اللي عايز تقولهولي .. الدكتورة "ولاء" مش هتمشي

ظهر على الرجل التردد ثم سألها:

يعني انتى واثقه فيها؟

تبادلت الفتاتان نظرات الحيرة ثم نظرت اليه "ياسمين" قائله:

-أيوة واثقة فيها .. اتفضل اتكلم .. خير عايزيني في ايه ؟

صمت الرجل قليلاً ثم قال:

-بصى يا دكتورة .. أنا راجل غلبان وبجرى على أكل عيشي .. وعندى بنات في سنك كدة .. واللي مرضهوش لبناتي مرضهوش لبنات الناس

كانت الياسمين الوالاء اليستمعان اليه في اهتمام فأكمل قائلاً:

-الراجل اللي انتي هتتجوزيه ده واحد عايش في الحرام

بهتت 'اياسمين'' وفتحت فمها في دهشة .. كيف يجرؤ هذا الرجل على أن يتحدث عن ''عمر'' بهذا الشكل .. كانت ''ولاء'' تنظر اليه بإهتمام وقالت:

-يعنى ايه وضح كلامك

تنهد الرجل قائلاً:

-من كام شهر كان فى المزرعة غفير اسمه "عويس" كان شغال هنا هو والجماعه بتوعه تبادلت "ياسمين" نظرة مع "ولاء" وقد تذكرت تلك الإشاعة التى أخبرتها بها "ولاء" من قبل .. فأكمل الرجل:

" -عويس" والجماعة بتوعه اختفوا ومحدش يعرف هما راحوا فين ولا ايه اللي مشاهم صمت قليلاً ثم قال:

ـبس أنا عارف هما مشوا ليه

كان التوتر قد وصل الى ذروته فى نفس "ياسمين" فقالت له بحده:

قول اللي انت عايز تقوله مرة واحدة لو سمحت

أكمل الرجل:

-فى يوم وأنا ماشى فى البلد وراجع بيتي متأخر .. اليوم ده فاكره كويس لأنه يوم فرح ابن أخويا فى القرية اللى جمبنا .. قابلت "عويس" واخد فى وشه وطالع يجرى حاولت أوقفه وأنادى عليه لكن مرضيش يقف وفضل يجرى .. مشيت فى طريقي لقيت نار قايده فى بيت مهجور فى القرية .. البيت ده مطرف ومفيش حواليه غير الشجر .. وأنا بيتي قريب منه .. جريت أشوف النار اللى قايده .. لقيت جوه البيت راجل وست .. واقفين على الباب ومش عارفين يخرجوا والنار واكله البيت كله .. لقيت جردل على الأرض فضلت أملاه مايه من الترعة وأحاول أطفى بيها النار اللى ماسكه فى الباب عشان يعرفوا يخرجوا .. الوقت كان متأخر والمنطقة مكنش فيها صريخ ابن يومين .. محدش ساعدهم غيري .. الراجل نط وسط النار اللى قايده فى الباب وشد الست معاه وطلعها .. أول ما الست خرجت عرفتها على طول .. "صفية" مرات "عويس .. "ولما بصيت للراجل عرفته هو كمان

صمت الرجل فسألته "ياسمين: "

مين الراجل ؟

قال الرجل بتردد:

البشمهندس "عمر"

نظرت اليه "ياسمين" بدهشة .. تحاول استيعاب ما قال .. صمتت ثم قالت بحده: -وايه يعني اللي انت بتقوله .. ما يمكن كان هو وهى فى البيت لأى سبب تانى .. و"عويس" كان معاهم .. و"عمر" بعته مشوار .. أى حاجه يعني ليه ظنيت فيهم ظن وحش ؟ قال الرجل بثقه:

اسمعینی وبعدین احکمی یا دکتورة

أكمل الرجل قائلاً:

الما عرفت "صفية" قولتلها ايه اللى حصل يا "صفية" وايه اللى ولع فى البيت وليه "عويس" كان بيجرى كأن حد بيجرى وراه .. ساعتها بصتلى "صفية" وهى مرعوبة وقالتى هو "عويس" كان هنا .. قولتلها أيوة شوفته بيجرى وحاولت أوقفه مسمعليش .. لقيتها أعدت على الأرض وفضلت تلطم على وشها وتقول "جوزى عرف انى بخونه وهيفضحنى ويفضح أهلى يبأه هو اللى ولع فى البيت " .. وفضلت تلطم وتندب لحد ما البشمهندس "عمر" قالها "خلاص بطلى عياط عشان نعرف نشوف حل فى المصيبة دى" .. ولقيته بيبصلى ويقولى "اللى حصل ده مش عايز أى حد يسمع عنه كلمه" وخرج فلوس من جيبه وادهالى وأكد عليا اللى حصل ده مش عايز أى حد يسمع عنه كلمه" وخرج فلوس من جيبه وادهالى وأكد عليا الى أستر على اللى حصل ومجبش سيرة لحد عشان الفضايح اللى هتحصل لو حد عرف بالموضوع خاصة ان أهل "صفية "لو عرفوا هيقتلوها ومش هيسبوها .. وجت المطافى بعد ما البشمهندس "عمر "كلمهم وطفوا الحريقة اللى كانت فى البيت وكمان البشمهندس طلب عربية البيماف لانه مكنش هيعرف يروح المستشفى لوحده كانت ايدي مكسورة والايد التانيه طالتها النار

قفز قلب "ياسمين" من مكانه وهى تتذكر الحرق الموجود على يد "عمر" .. أكمل الرجل: -يعد ما كل حاجه هديت .. بأت الناس تسأل فين "عويس" و "صفية" .. بس لحد دلوقتى محدش يعرف عنهم حاجه .. وآخر مرة شوفت "صفية" كان لما ركبت عربية الاسعاف مع البشمهندس "عمر" بعد كدة مشفتهاش لا هى ولا جوزها

كانت "ياسمين" تحت تأثير صدمة شديدة لا تعرف كيف تشعر أو ماذا تقول أو ماذا تصدق .. قال الرجل:

-أنا یا بنتی فضلت محافظ علی السر ..مش عشان الفلوس اللی خدتها .. لا .. عشان أستر علی أهل الولیه دی .. رغم انها بنت تییییییت ومتستاهاش .. بس لو الکلام انتشر أهلها معدوش هیرفعوا عینهم فی وش حد من البلد .. عشان کدة فضلت ساکت .. لکن لما عرفت انه هیتجوز .. وسمعنا عنك كل خیر .. مرضتش أفضل ساکت كده .. لانی زی ما قولتلك یا بنتی عندی بنات فی سنك .. وربنا یستر علیهم و علیكی

قال الرجل قبل أن يغادر:

-ياريت متجبيش لحد سيرة يا بنتى خاصة البشمهندس "عمر" .. أنا عملت فيكي خير ما تقابليهوش انتى بالشر .. أنا مضمنش ممكن يتصرف ازاى معايا لو عرف انى فضحت سره غادر الرجل .. ليترك "ياسمين" واقفة جامدة .. لا تنطق .. لا تتحرك .. لا تفكر .. لا تشعر .. تقف كالتمثال .. نظرت اليها "ولاء" في أسى .. لحظات وبدأت العبرات تتجمع في عيني "ياسمين" .. وتتساقط على وجنتيها في صمت .. جذبتها "ولاء" وأجلستها على الأريكة .. ثم ذهبت وأحضرت كوب ماء وأغلقت الباب عليهما .. قدمته ل "ياسمين" التي شربت منه قليلاً: نظرت اليها "ولاء" بقلق قائله:

'' -ياسىمىن'' .. انتى كويسة

قالت "ياسمين" ودموعها تتساقط وعيينها تتحركان بحيره وألم:

-قولیلی ان الراجل ده بیکدب .. قولیلی انه بیکدب

تنهدت "ولاء" قائله:

مش عارفه أقولك ايه

نظرت اليها "ياسمين" بألم قائله:

-مش قادرة أصدق ان "عمر" يعمل كده .. مش قادرة أصدق .. بس الراجل ايه مصلحته يكدب

فكرت "ولاء" قليلاً ثم قالت:

-لازم نتأكد من اللي قاله

سألتها "ياسمين" بأسى:

- هو فى تأكيد أكتر من حرق ايده .. ومن الغفير ومراته اللى اختفوا .. فى دليل أكتر من كده قالت "ولاء: "

-أيوة لازم نتأكد ان هو اللي كان معاها جوه البيت .. مش يمكن واحد تاني والراجل غلط وافتكره "عمر"

قالت "ياسمين" بهلفه:

-أيوة صح .. ممكن ميكنش "عمر" .. أكيد مش" عمر" صح ؟

-الله أعلم يا ''ياسمين'' .. أنا بقول يمكن الراجل اختلط عليه الأمر .. وشاف واحد شبه ''عمر'' وافتكره هو

مسحت "ياسمين" دموعها قائله:

طيب ونتأكد ازاى انه شاف" عمر" فعلاً مش واحد شبهه ؟

فكرت "ولاء" طويلاً ثم قالت:

-الراجل بيقول ان الاسعاف جت خدتهم هما الاتنين صح ؟

أومأت برأسها قائله:

-أيوة صح

أكملت "ولاء" بحماس:

-يبأه أكيد أخدوهم على قسم الطوارئ في المستشفى .. لو وصلنا لسجلات المستشفى في اليوم ده هنقدر نعرف اسم الاتنين اللي جم في حادثة حرق البيت

صمتت "ياسمين" لتفكر في كلام "ولاء" ثم قالت:

-بس يا ''ولاء'' احنا ازاى هنعرف الاسعاف أخدتهم على انهى مستشفى ؟ .. المستشفيات كتير قالت ''ولاء'' شارحه:

انتى مش عارفه نظام المستشفيات فى المنصورة .. بصى يا ستى نظام الطوارئ عندنا ماشى بجدول .. يعني معروف يوم السبت فى مستشفى كذا ويوم الأحد فى مستشفى كذا هكذا طول أيام الاسبوع .. والراجل اللى كان هنا من شويه قال انه فاكر اليوم كويس لانه يوم جواز ابن أخوه .. احنا نعرف منه اليوم ونشوف فى الجدول بتاع المستشفيات .. الطوارئ فى اليوم ده كانت فى انهى مستشفى .. وأنا أعرف دكاترة كتير فى مستشفيات كتير فى المنصورة يارب تطلع مستشفى أكون عارفه حد فيها ونقدر نوصل لسجلات الاستقبال فى اليوم ده

قالت "ياسمين" بلهفه:

-بس الراجل مشى هنوصله تانى ازاى

قالت "ولاء: "

متقلقیش انتی ناسیه ان أنا كمان من نفس البلد الراجل ده انا عارفاه و عارفه بیته قالت "یاسمین" باهتمام:

-طالما عارفُه بيته يبأه أكيد تعرفي البيت اللي بيتكلم عنه مش كده ؟ .. لأنه قال انه قريب من بيته

أومأت "ولاء" برأسها قائله:

-أيوة عارفه البيت اللي يقصده

قامت "ياسمين" قائله:

-طيب يلا بينا نروح من الراجل نعرف منه تاريخ الحادثة وبالمرة نعدى على البيت ده عايزة أشوفه

خرجت "ولاء" مع "ياسمين" وذهبتا الى منزل الرجل وعرفتا منه تاريخ تلك الواقعة .. صدمت "ياسمين" بعدما رأت المنزل المحترق .. تعرفته .. هو نفس البيت الذى أختطفت فيه .. يا الله .. هل لـ "عمر" علاقة بخطفها .. نفضت تلك الفكرة السخيفه من رأسها .. وأخذت تستغفر ربها حتى لا يتملك الشيطان منها ويسمم أفكارها .. التفتت الى "ولاء" قائله:

" -ولاء" أنا هستنى الأخبار على نار .. بكرة كتب كتابى يا "ولاء" لازم أعرف الحقيقة النهاردة .. أو بكرة بالكتير

طمأنتها "ولاء" قائله:

متخفيش أنا هنزل حالاً على المنصورة وهتابعك بالتليفون

قالت "ياسمين" بأسى:

منتظره اتصالك.

عادت "ياسمين" الى المزرعة وهى تشعر بأن الأرض تميد بها .. تهالكت فوق سريرها .. ألقت برأسها على وسادتها .. أغمضت عينيها لتسقط منهما عبره حائرة .. أخذت تدعو الله أن يكون الرجل مخطئاً .. وأنه رآى شخصاً يشبه "عمر .. "دعت الله أن يكون الأمر قد اختلط عليه .. لا يمكن أن تُصدم في حبيبها .. ثانى رجل يدخل حياتها .. لا يمكن أن تُصدم فيه هو الآخر .. ظلت تفكر في" عمر" .. أخلاقه .. مواقفه معها .. نعم هو شخص جرئ .. بل جرئ للغاية .. لكن هل من المعقول أن يصل به الأمر لـ ... لم تستطع حتى أن تردد تلك الكلمة حتى مع نفسها .. نفضت تلك الأفكار من رأسها .. قالت لنفسها .. لن أظلمه .. سأنتظر حتى أتأكد .. انا واثقه أن الرجل مخطئ .. الوقت كان ليلاً .. لقد رآى مع المرأة رجلاً آخر غير "عمر" .. قامت وتوضأت وصلت .. وأمسكت مصحفها .. بيد مرتجفة .. وقلب قلق .. أخذت تقرأ في كتاب الله لعلها تُهدئ من نفسها .. مدت يدها الى رقبتها وأمسكت بيدها القلب .. الذي يحمل اسم "عمر .. "ضمته بقوة بين أصابعها .. ظلت تقرأ في المصحف بأعين دامعه .. لم تترك القلب لحظة من يدها .. رن الهاتف فردت في وجل:

ايوة يا "ولاء"

ایوة یا "یاسمین"

وصلتى لحاجه

-أيوة .. عرفت المستشفى اللى كانت فيها الطوارئ يوم الحادثة .. والحمد لله طلعت أعرف 3 دكاترة هناك .. أكيد حد فيهم هيساعدنى .. أنا كلمت واحدة منهم ولسه اتنين

قالت "ياسمين" بلهفه:

" -ولاء" لازم أعرف قبل بكرة

-متقلقيش والله .. أنا بحاول أوصل للورق ده بأقصى سرعة .. متقلقيش لما أوصل لحاجه هكلمك .. بس صعب أوى أوصل لحاجة النهاردة .. بس بكرة الصبح ان شاء الله هرجع تانى على المستشفى وهطمنك متقلقيش

فى صباح اليوم التالى لم تتحمل ''ياسمين'' التوتر الذى كانت تشعر به .. نزلت تتمشى فى المزرعة .. أما ''ريهام'' فكانت فى غرفتها ترتب أغراض هذا اليوم .. عندما رن هاتفها .. رقم لا تعرفه ردت قائله:

-السلام عليكم

وعليكم السلام

عرفت صوته على الفور .. قال "كرم: "

ازیك یا "ریهام"

قالت بصوت خافت:

-الحمدالله .. جبت رفمي منين

ضحك قائلاً:

ایه مش عایزانی أعرف رقم مراتی ولا ایه

```
قالت بخجل:
```

السه مبقتش مراتك .. أنا هقفل .. سلام

قال بلهفه:

-استنى بس .. ما خلاص كلها ساعات ونكتب كتابنا

ابتسمت بخبث قائله:

-لما نبقى نكتبه .. انا هقفل

-طیب یارب صبرنی .. طیب مش هتقولیلی أی كلمة حلوة تصبرنی الكام ساعة دول ابتسمت قائله:

انا هقفل یا "کرم"

-ماشى بس عايز أعرفك انى كلمت باباكى واتفقت معاه اننا بعد ما نكتب الكتاب هنعد نحتفل معاهم شوية وبعدها نخرج نحتفل لوحدنا عشان أعرف استفرد بيكي .. قصدى عشان أعرف اتكلم معاكى .. أتكلم بس .. اوعى تفهميني صح

كتمت "ريهام" ضحكتها بيدها قائله:

مع السلامه يا "كرم"

أخذت "ياسمين" تتمشى في المزرعة .. رن هاتفها أخرجته في لهفه .. لكنها تضايقت عندما وجدت "ريهام" المتصله:

-السلام عليكم أيوة يا "ريهام"

وعليكم السلام .. انتى فين يا عروسة ؟

قالت "ياسمين" بتوتر:

-مفیش بتمشی شویة

قالت "ريهام" بحده:

ده وقت تمشيه .. خلاص الكوافيرة جايه في الطريق ولازم عند ماما "كريمه" انتى عارفه ان الكوافيرة هتجيلنا عندها

قالت "ياسمين" بنفاذ صبر:

-روحى انتى وأنا هحصلك يا "ريهام"

قالت "ريهام" بقلق:

فى حاجه يا "ياسمين" ؟ شوفتك مش عاجبنى

-لأ مفيش حاجه .. روحى انتى وأنا هحصلك .. يلا سلام

أغلقت قبل أن تتحدث "ريهام" مرة أخرى .. لحظات ووجدت "ولاء" تتصل بها .. ردت بلهفه:

-أيوة يا "ولاء" .. بتصل بيكي موبايلك مقفول

- لا دى شبكة يا "ياسمين" .. أنا على الطريق راجعه على المزرعة

-عملتى ايه في المستشفى .. وصلتى لحاجه ؟

استنيني في المكتب هجيلك على هناك

طیب طمنینی یا "ولاء"

-عشر دقايق و هكون عندك يا "ياسمين" استنيني في المكتب

أسرعت "ياسمين" بالذهاب الى مكتب .. جلست على الأريكة فى توتر .. أخرجت السلسة .. نظرت اسم اسم "عمر" المنقوش على القلب .. وحضنته بين أصابعها .. أغمضت عينيها وظلت تدعو ربها .. وتستغفر .. فتحت "ولاء" الباب وأغلقته خلفها .. هبت "ياسمين" واقفه وقالت بلهفه:

-خير طمنيني وصلتي لحاجه

رأت نظرت الأسى في أعين "ولاء" .. فقالت بحده:

" -ولاء" ردى عليا

تنهدت "ولاء" وأخرجت من حقيبتها ورقتين أعطتهما الى "ياسمين" قائله:

دى بيانات الحالات اللى استقبلتها المستشفى اللى كان فيها قسم الطوارئ شغال فى اليوم ده أخذت "ياسمين" الورق بيد مرتجفة .. نظرت الى "ولاء" بأعين دامعه وقالت بصوت مرتجف

-موجود فيها اسمه ؟ ... موجود اسم "عمر" ؟

نظرت اليها "ولاء" دون أن تجيب .. فتحت "ياسمين" الورق وقرأت بيانات الحالتين الوحيديتين في هذا اليوم .. "صفية الدمرداش" .. و ... "عمر الألفى" .. سقطت منهارة على الأريكة تنظر الى الورقة غير مصدقة فقالت" ولاء" شارحه:

-تقرير الحالتين هتلاقيهم مكتوب عندك .. جم المستشفى مصابين بحروق .. الست كان فى حروق متفرقه فى ايديها ورجليها وباقى جسمها حروق من الدرجة التانية .. وأعدت اسبوع فى المستشفى وبعدها كتبولها على خروج ..

ثم قالت بتردد:

- الحالة التانية حالة "عمر" وجه معاها في نفس الحادثة وفي نفس التوقيت واصابته كانت حرق في ايده اليمين ومشى في نفس اليوم

تساقطت العبرات من أعين "ياسمين" وهي مازالت ممسكة بالورق في يدها تنظر اليها بأعين دامعه .. صمتت .. طال صمتها .. ثم قالت:

- يعني "عمر" فعلا اللي كان مع الست دى فى البيت .. والراجل مغلطش .. هو فعلاً اللى كان معاها

ثم نظرت الى "ولاء" قائله:

- يعنى "عمر" .. و الست دى .. كانوا

لم تستطع اكمال جملتها وانفجرت باكية .. جلست "ولاء" بجوارها وأخذتها في حضنها وتنهدت قائله:

حبيبتى احمدى ربنا انك اكتشفتى الموضوع ده قبل كتب الكتاب .. أنا عارفه انه صعب عليكي .. معلش ربنا يصبرك ويبرد نارك

هبت "ياسمين" واقفة وقالت من بين شهقاتها:

الو سمحتى يا "ولاء" مش عايزة حد يعرف حاجه عن الموضوع ده

وقت "ولاء" قائله:

اکید .. متخافیش

خرجت "ياسمين" .. لا تدرى أين تذهب .. كانت تشعر بالإختناق .. وكأن شيئاً يجثم فوق صدرها .. ذهبت الى حيث شجرتها .. جلست على الجذع .. انفجرت في بكاء مرير لم تستطع

السيطرة عليه .. شعرت بأن قلبها هو الذى يبكى .. هو الذى ينزف .. تساقطت عبراتها لتختلط بتراب المزرعة .. تذكرت أول مرة جلست فيها على هذا الجذع .. كانت تشعر الفرحة .. والراحة .. والسكينة .. في هذا المكان .. لكن الآن .. ضاقت الأرض بها .. لم تعد تحتمل البقاء هنا .. لم تعد تشعر بالراحة .. أو السكينة .. بل تشعر بالخيانة .. والغدر .. والألم .. تشعر بأن قلبها قد تمزق أشلاءاً من شدة الألم .. تشعر بأن عقلها قد شل من كثرة الصدمات التى تعرضت لها .. لماذا يحدث لها ذلك .. لماذا لا تتم لها فرحة .. وكأن الحياة تستكثر عليها فرحتها .. بكت ألمها .. بكت حبها .. الذى فقدته قبل أن تحصل عليه .. تعبت عينيها من كثرة البكاء .. تعب قلبها كثرا وامتلأ ألماً

ناجت ربها .. الى متى يا رب .. الى متى .. لم أعد أستطيع التحمل .. تعبت .. متى سأرتاح .. صبرت الى أن تعب الصبر من صبري .. لا أعترض على قضاءك .. لكنى تعبت .. أشعر بأن نفسي ممزقه لأشلاء .. أشعر بطعنات الألم منغرسه فى كل جوارحى .. لن أتحمل العيش معه .. لن أقبل العيش مع رجل زانى .. هو كمصطفى .. لا فرق بينهما .. كلاهما زانى .. كلاهما ارتكب أكبر الفواحش .. كلاهما ينتهك حرماتك .. كلاهما لا يبالى بغضبك .. كلاهما يعصيك .. ويتباهى بعصيانك .. لن أقبل العيش مع زانى .. بعصيانك .. لن أقبل العيش مع زانى .. حتى لو كنت أحب .. لأن من خانك يوماً .. سيخوننى ألف يوم .. شعرت بالقشعريرة تسرى فى جسدها عندما تذكرت أنها كانت ستصبح زوجته اليوم .. حمدت الله أن أنجاها منه

رن هاتفها .. كانت 'اسماح' وصلت الى بيت المزرعة ولم تجدها .. وصفت لها' ياسمين' مكانها عند الشجرة .. أتت 'اسماح' لتجد صديقتها في أسوأ حال .. قالت بهلع:

" -ياسمين" .. مالك .. بتعيطى ليه

بدأت "ياسمين" في البكاء مرة أخرى وألقت نفسها في حضن صديقتها التي ربتت على ظهرها قائله:

-حبيبتى قوليلى مالك .. ايه اللى حصل .. "مصطفى" كلمك ؟ رفعت "ياسمين" رأسها ونظرت الى "سماح" قائله:

٧-

قالت "سماح" بلهفه:

-أمال ايه اللي حصل بتعيطي ليه

قالت "ياسمين" من بين شهقاتها:

" -عمر" زنى بواحدة متجوزة

هتفت "سماح" في عدم تصديق:

ایه .. بتقولی ایه ؟

قالت "ياسمين" بصوت مرتجف:

-أنا متأكده .. اتأكدت بنفسي .. اتكلمت مع الشاهد الى شافه واتعرف عليه واللى عمر دفعله رشوة عشان ميتكلمش .. وشوفت الدليل بعيني .. مش دليل واحد دول اتنين .. "عمر" زنى بواحدة متجوزة

قصت عليها ''ياسمين'' كل ما حدث بالتفصيل .. ساد الصمت طويلاً .. ثم قالت ''سماح: ''

-أنا مكنتش أتوقع كده منه أبداً .. أيوة عارفه ان في حياته تجاوزات كتير .. وكان فيه حاجات غلط كتير جداً بينه وبين خطيبته .. بس متصورتش انه ممكن يعمل حاجه زي كده قالت "ياسمين" بمرارة:

قولتلك قبل كده .. اللي يعمل الغلطة الصغيرة بدون ذرة ندم .. يعمل الغلطة الكبيرة

نظرت اليها "سماح" بأسى قائله:

-هتعملی ایه دلوقتی ؟

قالت "ياسمين" بإحتقار وهي تمسح دموعها بأصابعها:

- هرجعله شبكته .. أنا مش ممكن أتجوز راجل زانى

دمعت عيناها مرة أخرى وهي تقول بألم:

ده أسوأ من ''مصطفى'' يا ''سماح'' .. الست كانت متجوزة .. وهو عارف انها متجوزة جهشت فى البكاء مرة أخرى .. حاولت 'اسماح'' تهدئتها .. مضى الوقت .. حتى هدأت واستعادت رباطة جأشها .. ثم همت بالانصراف .. قالت لها 'اسماح: ''

على فين ؟

ردت "یاسمین" بحزم:

-راحة أخلص منه وأمسحه تماماً من حياتي

مشت بسرعة في طريقها الى بيت المزرعة .. اتصلت بالعمر" الذي رد عليها قائلاً بصوت حانى:

حبيبتى .. كأنك حسه بيا .. كان نفسي أسمع صوتك

قالت بحزم:

-انت فین ؟

ضحك "عمر" قائلاً:

-ایه هنبتدی من أولها .. مش بدری شویه علی السؤال ده .. عامة أنا فی مكتبی اللی فی البیت .. حبیبتی فین بأه ؟

ردت بحدة:

-أنا جيالك

ثم أغلقت .. شعر "عمر" بالقلق .. نهض من مكانه ليستقبلها على الباب .. نظر الى وجهها وعيونها الباكية .. ثم قال بلهفه:

حبيبتي انتي كنتي بتعيطي

وقفت "ياسمين" تنظر الى عينيه وهى تقول فى نفسها .. ازاى قدرت تخدعنى .. ازاى مكنتش شايفه السواد اللى جواك .. بالظبط زى ما "مصطفى" خدعنى .. ومكنتش قادرة أشوف السواد اللى جواه .. بكر هكوا انتوا الاتنين .. انتوا الاتنين زى بعض .. كرر "عمر" سؤاله بإهتمام: حبيبتى .. مالك .. ايه اللى مضايقك

نظرت اليه بحده قائله بصوت هادر:

-أنَّا آسفة غيرت رأيي .. مش هقدر أتجوزك

نظر اليها بدهشة قائلاً:

بتقولی ایه ؟

"ياسمين" بقسوة:

مش عايزاك

صمت "عمر" وهو يحاول استيعاب ما تقول .. ثم قال :

بتقولی ایه ؟

"ياسمين" بنفس القسوة:

بقولك مش عايزاك .. مش عايزاك

"عمر" بحده:

ليه هو كان لعب عيال .. كتب كتابنا النهاردة

قالت "ياسمين" ببرود:

مفیش کتب کتاب .. ومفیش جواز

شعر "عمر" بالغضب يزداد بداخله .. فما كان منه إلا أن مسك كلتا ذراعيها وقربها منه بشدة ونظر اليها قائلاً بغضب:

-انتى بتلعبى بيا يا الياسمين الله عنى ايه مش عايزاك؟

حاولت أن تفلّت نفسها منه لكنه كان يطبق على ذراعيها بشدة .. حاولت أن تبتعد عنه فلم تستطع .. هتف بحده:

-انطقى يعنى ايه اللى انتى بتقوليه ده

قربها منه للغاية .. فتلامس جسدهما .. شهقت "ياسمين" بالبكاء والعبرات الساخنه تتساقط من عينيها ونظرت له قائله:

-عشان أنا وانت مننفعش لبعض .. انت واحد كل حياتك حرام .. كل تصرفاتك حرام .. قربك منى بالشكل ده حرام .. بس انت واحد ما بيفرقش معاك الحرام

ثم أغمضت عينيها وأخفضت رأسها في ألم وهي مازالت تبكى .. نظر "عمر" اليها .. يحاول فهم ما تقول .. يحاول استيعاب ما يحدث .. أبعدها عنه قليلاً .. وترك ذراعيها .. فابتعدت عنه ورجعت للخلف بسرعة .. أخذت تمسح بكفيها على ذراعيها وكأنها لا تطيق لمسته .. شعرت اتجاهه بالاحتقار .. شعرت بالقشعريرة من مجرد لمسه اياه .. ولقربها منه .. لكم تتمنى أن تبتعد عنه عنه .. أكبر مسافة ممكنه .. لا تريد أن تراه .. أو تقترب منه بعد اليوم .. تريد أن بتتعد عنه بأقصى سرعة .. بقدر ما أحبته .. بقدر ما سقط من نظرها الآن .. هم "عمر "بالتحدث معها مرة أخرى .. وفجأة قاطعه دخول والده قائلاً:

-الحق يا "عمر" .. عم "عبد الحميد" وقع فجأة وحاولت أفوقه مش راضى يفوق ..

صرخت "ياسمين: "

-بابا

هرع "عمر" ووالده و "ياسمين" الى الخارج حيث "عبد الحميد" ملفى على الأرض .. أخذت "ياسمين" تحاول تحسس نبضه وهي تبكي:

-بابا .. بابا مالك .. بابا رد عليا

حمل "عمر" ووالده .. "عبد الحميد" الى السيارة وركبت معهم "ياسمين "وانطلقوا الى المستشفى .. كانت "ياسمين" منهارة على الكرسى بجوار الغرفة والأطباء يفحصونه فى الداخل .. وقف "عمر" أمامها بأسى:

لا يدرى ماذا حدث لها وكيف انقلبت عليه في لحظات .. كان يريد أن يأخذها في حضنه ويخفف عنها ولكنه يعلم بأنها بالتأكيد سترفض ذلك .. خرج الطبيب .. وأنبأهم بأن حالته الصحيه حرجه

.. بسبب ارتفاع ضغط الدم لديه .. بالإضافه الى مشاكل فى عضلة القلب .. انهارت 'اياسمين'' مرة أخرى باكيه وظلت تردد '' اللهم اجرنى فى مصيبتى واخلف لى خيراً منها '' .. منع الطبيب الزيارة الى أن تستقر حالته الصحية .. بعد قرابة الساعة أتت ''ريهام'' الى المستشفى بصحبة ''كرم'' و ''أيمن'' و ''سماح'' و ''كريمه'' .. تعانقت الأختان واختلطت دموعهما .. انتظروا حتى المساء ومازال الطبيب يمنع الزيارة .. عاد الجميع الى منازلهم فيما عدا ''ياسمين'' و ''ريهام'' .. وبالطبع ''عمر'' و ''كرم.. ''

كانت الفتاتان فى حالة انهيار تام .. حاولت "ياسمين" التماسك من أجل أختها .. لكن خوفها على أبيها ملأ قلبها .. ظل "عمر" يراقبها والألم يعتصر قلبه .. اقتبر منها وجلس بجوارها قائلاً بحنان .

" -ياسىمىن" هدى نفسك شوية .. ان شاء الله هيبقى كويس

نظرت اليه "ياسمين" بنظرة حادة .. ثم قامت ووقفت بجوار باب غرفة والدها وأسندت رأسها عليه وأغمضت عينيها لتسقط منها عبرة حزينه مكلومه

فى اليوم التالى .. سمح الطبيب بزيارة خفيفة نظراً لخطورة حالته الصحية وعدم استقرارها .. دخلت الفتاتان .. حاولت الياسمين التمالك نفسها قدر الإمكان حتى تبث الطمأنينه فى نفس والدها وقفت بجوار سريره مبتسمه بصعوبه ومسحت على رأسه قائلاً:

-بابا حبيبي عامل ايه دلوقتي

قال بصوت أجش:

الحمد لله .. نعمه وفضل من ربنا

سقطت عبره من عين "ريهام" فنظرت اليها "ياسمين" نظره محذره .. قالت "ريهام" وهي تقف على الجانب الآخر من الفراش:

حمدالله على سلامتك يا بابا

قالت "ياسمين" وهي تحاول رسم ابتسامه على شفتيها:

-الدكتور طمنا عليك وقالى يومين وهتبقى كويس أوى وهتخرج من هنا على طول أغمض "عبد الحميد" عينيه للحظة ثم قال بصوت خافت:

-انا حاسس ان خلاص نهایتی قربت

بكت "ياسمين" قائله:

ُ-بابا متقولشُ كده .. ان شاء الله هتبقى كويس .. أنا و "ريهام" محتاجينك .. بابا أنا محتجاك أوى

نظر اليها قائلاً:

-أنا عايز أطمن عليكوا يا بنتى قبل ما أموت .. ياريت كان حصلى اللى حصل ده بعد كتب كتابك انتى وأختك .. لكن ربنا أكيد له حكمة ان ده يحصل قبل كتب الكتاب .. الحمد لله على كل حال .. انت يارب عارف اللى فيه الصالح

نظرت اليه "ريهام" بأعين دامعة وقالت:

-ان شاء الله يا بابا هتقوملنا بالسلامة .. هو بس شوية تعب وهتبقى كويس

أمسك "عبد الحميد" كف "ياسمين" بيد .. و كف "ريهام" في يده الأخرى وقال:

لو فعلاً عايزين تريحوا قلب أبوكوا .. نادولى "عمر" و "اكرم" ووافقوا على اللي أنا هقوله ليهم..

نظرت "ياسمين" و "ريهام" الى بعضهما البعض .. قالت "ياسمين: "

```
-نوافق على ايه يا بابا؟
                  قال "عبدالحميد" وهو مازال ممسكاً بكفهما ويجاهد ليخرج صوته المتعب:
                                                  -بتحبوني وعايزين تريحوا قلبي ولا لأ
                                                                         ۔أكيد يا بابا
                                                                         -طبعاً يا بابا
                                                               نظر الى "ريهام" قائلاً:
                                                     روحی نادی له "عمر" و "کرم"
     ذهبت "ريهام" وفعلت كما طلب والدها .. ثم عادت الى مكانها ممسكه كف والدها .. وقف
    "عمر" و "كرم" بجوار "ياسمين" .. نظرت "ياسمين" لتجد "عمر" بجانبها .. شعرت
بالقشعريرة تسرى مرة أخرى في جسدها .. يالله .. لكم تكره قربه منها .. انزوت بجسدها مبتعدة
عنه .. وكأنه مرض خبيث تخشى أن يصيبها بلمسه منه .. نظر "عبد الحميد" الى الرجلين قائلاً
   -أنا خلاص .. حاسس ان دى نهايتي .. وكل أملى في الدنيا دى انى أطمن على بناتي قبل ما
           أموت .. وأسيب كل واحدة فيهم في عصمة راجل يحميها ويكون جمبها طول العمر
                                                  بكت الفتاتان في صمت .. قال "كرم: "
                              -ربنا يديك الصحة يا عم "عبد الحميد" وتعيش وتجوز بناتك
                                                                 نظر الى "كرم" قائلاً:
                                         -انت شاری بنتی "ریهام" یا بشمهندس "کرم"
                                             نظر "كرم" الى "ريهام" ثم قال في دهشة:
                                       -طبعاً يا عم "عبد الحميد" انت عندك شك في كدة
                                                 ثم نظر "عبد الحميد اللي "عمر" قائلاً:
                                   وانت یا بشمهندس "عمر" شاری بنتی "یاسمین" ؟
  التفت "عمر" الى "ياسمين" الواقفة بجواره .. صمت .. طال صمته .. ثم قال بصوت خافت:
                                                                        -أيوة شاريها
                                     قال "عبد الحميد" وهو ينظر الى الأعين المتعلقة به:
                                        -يبقى تجيبوا المأذون وتكتبوا الكتاب دلوقتى حالأ
                                                    نظرت اليه "ياسمين" بدهشة قائله:
                                                               -بابا حضرتك بتقول ايه
                                                                    صاحت "ريهام: "
                                                 -بابا ازای یعنی .. وحضرتك تعبان كده
   سعل "عبد الحميد" بشدة .. أتت الممرضة وطلبت من الجميع الخروج .. شد "عبد الحميد"
```

-محدش هيخرج من هنا.. وانتوا لو بتحبوني وعايزين تريحوا قلبي هتنفذوا اللي أنا طلبته

-أكيد طبعاً ومعنديش مانع أبداً انى أكتب الكتاب هنا لو ده هيريحك يا عم "عبد الحميد"

نظر "عبد الحميد" الى "عمر" منتظراً رأيه .. قال "عمر" بثقه:

كفيه على كفى بداته قائلاً بصوت خرج بصعوبة:

التفت الى "عمر" و"كرم" قائلاً:

قال "كرم: "

قولتوا ايه . شاريين بناتى ولا لأ

-وأنا كمان شاريها وشاريها أوى .. ومعنديش مانع انى أكتب عليها هنا .. دلوقتى وقفت "ياسمين" تتابع ما يحدث وكأنها تمثال .. بدون أن تُظهر أى تعبيرات على وجهها .. بدون أى رد فعل .. ذهبت "ريهام" بصحبة "كرم" و "عمر" لاحضار الأوراق المطلوبة والتى كان قد تم تحضيرها بالفعل .. وقفت "ياسمين" بجوار والدها .. كالتمثال .. عينيها تسبح فى فضاء الغرفة .. شعرت بأنه تفكيرها قد شئل .. ومشاعرها قد تجمدت .. لم تشعر الا بشئ واحد .. كف والدها التى تمسك بيدها فى اصرار .. دخل الطبيب لفحص "عبد الحميد" مرة أخرى .. ثم نظر الى" ياسمين" بشئ من الأسف وخرج من الغرفة .. بعد ساعة حضر الجميع .. تابعت الياسمين" ما يحدث بأعين لا ترى .. وبأذن لا تسمع .. تشعر بأنها ترى مشهداً مكرراً .. شعرت بأنها عاشت هذا المشهد من قبل .. لكن أين .. ومتى .. وكيف .. أفاقت على كلمة واحدة نطق بها "عمر: "

قبلت زواجها

عندها تذكرت أين ومتى عاشت هذا المشهد .. انه هو نفس المشهد .. ونفس الإحساس .. ونفس نبضة قلبها الحزينه .. للمرة الثانية .. تتزوج برجل لا تريده. بعد ساعتين خرج الطبيب من الغرفة ونظر للجميع بأسف قائلاً : البقاء لله.

خيم الحزن على المزرعة .. التى أصبحت مرتعاً للأحزان .. افتقدت الفتاتان أباهما بشدة .. ساعد الجميع فى اجراءات الجنازة والدفن .. دفن فى القاهرة فى المقابر التى دفنت فيها زوجته .. مرت الأيام على الفتاتان ببطء شديد .. وكأن عقارب الساعة قد أصابها عطل ..فتوقفت أو كادت .. كانت "كريمه" تشفق على حالهما كثيراً .. كانت تزورهما فى غرفتهما .. التى أصرا على المكوث فيها .. وترسل لهما الطعام مع الخادمة كل يوم .. وقف "كرم" بجوار "ريهام "فى محنتها .. كان دائم الإتصال بها والإطمئنان على حالها .. أما "عمر" فلم تتوقف اتصالاته لـ "ياسمين"التى لم تجب على أى منها .. حتى أضطرت الى غلق هاتفها..

كان "عمر" يشعر بالحيرة .. لماذا انقلبت عليه فجأة .. هل هو التوتر الذى يسبق الزواج .. هل عادت الى مخافها مرة أخرى .. لماذا لا تعطيه وتعطى لنفسها فرصة .. هل تجربتها المريرة ستظل تقف حائلاً بينهما .. كاد أن يجن من كثرة التفكير .. لم يجد حلاً إلا في التحدث مع والدته .. علها تريح قلبه .. قال "عمر: "

-أنا بس نفسي أعرف ليه هي قالتلى كده .. كلمتها وجعتنى أوى .. عارفه يعني ايه حبيبتى ويم كتب كتابنا تقولى (مش عايزاك) .. وكده بدون أسباب

استمعت أمه الى حُديثه كاملاً . وعن تفاصيل آخر لقاء له مع "ياسمين" صبيحة يوم كتب الكتاب . ثم قالت في هدوء:

-بص يا "عمر" . كتير بنات بتخاف لما الموضوع بيدخل فى الجد .. يعني بتخاف انها تكون اختارت غلط .. بتخاف انها لسه مش عارفه كويس الراجل اللى هى هتبقى مراته .. تعرف آخر مرة كانت "ياسمين" عندنا هنا .. قبل كتب الكتاب بيومين .. جت سيرة الماجستير والدكتوراه بتوعك .. لقيتها مندهشة .. يعني حتى مكنتش تعرف عنك المعلومة البسيطة دى .. هى فعلاً يا "عمر" لسه البنت متعرفش حاجات كتير عنك .. وده أكيد مخوفها .. دى مخاوف أى بنت عادية

.. ما بالك بأه بواحدة مطلقة .. وكانت متجوزة واحد أستغفر الله زى طليقها ده راجل معندوش ضمير .. متخيل حجم المخاوف اللي جواها عاملة ازاى .. خاصة ان والدها قال ان طليقها ده مكنش باين عليه كل اللي عمله ده وكان باين عليه واحد محترم وابن ناس .. اللي عايزة أقوله ان رغم اني مش معاها في انها تهرب زى ما بتهرب دايماً .. ولازم تواجه كل اللي مخاوفها .. بس برده مقدرة ان البنت ممكن تكون مخاوفها سيطرت عليها لدرجة خلت تفكيرها يتشل .. لدرجة خلتها مترددة وبتفكر في الحاجة ألف مرة .. وكتر التفكير بيفتح مجال للشيطان انه يدخل ويوسوس براحته

تنهد "عمر" قائلاً:

-يعنى أنا أعمل ايه دلوقتى ؟

-بص يا حبيبى .. دلوقتى هى بتمر بحالة نفسية صعبة بسبب موت والدها .. وبسبب جوازها المفاجئ بعد ما جتلك وقالتك ان الجواز ملغى .. فكل اللى مطلبو منك هو انك تفضل جمبها فى أزمتها .. وتتحملها لحد ما تخرج منها .. على فكرة يا "عمر" الست بتقدر أوى الراجل اللى يقف جمبها وتحسن انه سند ليها .. الست لما بتلاقى راجل بيحبها وخايف عليها وواقف جمبها حتى وقت الخلاف بينهم لازم غصب عنها تعشق التراب اللى بيمشى عليه .. "ياسمين" خلاص بأت مراتك .. وانت جوزها .. وكمان البنت ملهاش أى حد غير أختها الأصغر منها .. يعني انت كل عيلتها دلوقتى يا "عمر "

أوما "عمر" برأسه وقد شعر بالراحة للحديث مع أمه .. فقد أجابت على الأسئلة التي كانت تعتمل داخل عقله وقلبه .. قرر أن يقف بجوار حبيبته في محنتها .. ولن يتخلى عنها أبداً.

حاول أن يتصل ب "ياسمين" مرة أخرى .. لكن هاتفها مازال مغلقاً .. فخرج من منزله وتوجه الى غرفتها فى سكن العمال .. طرق الباب .. بعد فترة .. فتحت" ريهام" مرتدية اسدال الصلاة .. نظرت اليه بإستغربا .. فقال لها:

-ازیك یا "ریهام" أخبارك ایه ؟

-كويسه الحمد لله

"-ياسمين" موجودة ؟

أومأت برأسا .. فقال:

-طیب لو سمحتی قولیلها انی عایزها

دخلت "ريهام" .. دقيقتين وخُرجت "ياسمين" مرتدية اسدال الصلاة هى الأخرى .. نظر اليها يملى عينيه برؤياها التى حُرم منها لأيام .. كانت ضعيفة ذابله .. دامعة العينين .. رق قلبه لحالها .. اقترب منها قائلاً بحنان:

-حبيبتي انتي كويسه ؟

أومات برأسها وتحاشت النظر اليه .. رفع يده ليمرر ظهر أصابعه على وجنتها قائلاً:

-أفله تليفونك ليه .. وليه مبترديش عليا

أبعدت وجهها عن أصابعه ..فسحب يده وظل ينظر اليها في صمت .. وهي مازالت تتحاشا النظر الى وجهه .. طال الصمت بينهما .. نظر اليها قائلاً:

-ماشى هسيبك براحتك .. بس لو سمحتى افتحى تليفونك عشان لما أحب أطمن عليكي .. بدل

ما كل شوية تلاقيني جايلك هنا .. أنا سبتك الكام يوم اللى فاتوا برحتك .. بس قدرى انى قلقان عليكي وحابب أسمع صوتك وأطمن عليكي

صمت برهه ثم قال:

-ماشی یا "یاسمین"

أومأت برأسها .. فقال:

-لو احتجتی حاجه کلمینی

غادر "عمر" وعادت الى سريرها تلقى بنفسها عليه .. اعطت "ريهام "ظهرها حتى لا ترى العبرات التى تتساقط من عينيها فى صمت .. سألت دمو عها .. لماذا تسقطين يا دمو عى .. أبسبب موت أبي .. الرجل الوحيد الذى أثق به فى هذه الدنيا .. أم تسقطين بسبب حالى وما يحدث لى .. كفى يا دمو عى عن السقوط .. لم أعد أحتمل حرارتك على وجهى .. ألا تجفين أبدا .. لماذا تذكرينني دائماً بطعمك المالح فى فمى .. أريد أن أنسى طعمك يا دمو عى .. لماذا تذكريني بك دائماً وتخرجين من عيناى بكل اصرار وكأنك تتحديني .. وكأنك تتعندين أن تؤلميني .. لماذا يا دمو عى لا ترحمينى!..

اقتربت منها "ريهام" وجلست بجوارها على الفراش .. التفتت "ياسمين" اليها وجلست .. قالت "ريهام" بأسى:

-وحشنی أوی یا "یاسمین"

اغرورقت عينا "ياسمين" بالدموع قائله:

-وأنا كمان وحشنى أوى

ثم قالت:

-عايزين نعمل صدقة جارية ليه

أومأت "ريهام" برأسها قائله:

-زی ایه ؟

-مش عارفه لسه بفكر .. بس عايزين نعمله أكتر من حاجه عشان ثوابه يكون أكبر

ثم تساقطت عبرة من عينيها وهي تقول بصوت مرتجف:

-الانسان لما بيموت .. الحاجة الوحيدة اللى بيستمر ياخد عليها ثواب هى ان ولاده يدعوله ويعملوله صدقة جاريه .. وعايزين نعمل لماما كمان

أومأت "ريهام" برأسها وأسندتها على كتف أختها قائله:

-ماشى أنا هديكي كل الفلوس اللى أنا محوشاها من مرتبي وانتى شوفى هتعملى بيها ايه قالت الياسمين: "

-لأمش هاخدهم كلهم .. احنا لسه منعرفش احنا هنعيش ازاى .. خلاص كدة معاش بابا الله يرحمه اتقطع عننا لاننا اتجوزنا .. يعني ملناش أى مصدر رزق نعيش منه الا شغلنا هنا .. وأمورنا دلوقتى اتلخبطت

رفعت "ريهام" رأسها ونظرت اليها قائله:

-ايه اللي هيحصل دلوقتي يا "ياسمين" .. أقصد بعد ما كل واحدة فينا اتكتب كتابها .. وبعدين

. ايه اللى هيحصل .. طبعاً الفرح لازم يتأجل .. بس هل هنفضل نشتغل عندهم زى ما احنا .. ولا لأ .. ولو مشتغلناش هنصرف على نفسنا منين

نظرت "ياسمين" الى "ريهام" قائله:

-ربنا موجوده .. مش هيسبنا .. اطمنى يا "ريهام" .. ربنا قادر يبعتلنا الحل لكل مشاكلنا فتحت "ياسمين" أحد الأدراج بجانبها وأخرجت مصحفاً وفتحته وأسندت ظهرها الى الوسادة خلفها وبدأت في القراءه .. رجعت "ريهام" بظهرها للخلف وأسندت رأسها على كتف أختها تستمع الى تلاوتها.

فى اليوم التالى .. خرجت "ريهام" من الحمام لتجد أختها ترتدى ملابسها فسألتها:

قالت "ياسمن" شارحه:

-أيوة .. هروح أشوف موضوع الصدقة الجارية اللي اتكلمنا عنه امبارح

-آجي معاكي

-لا یا حبیبتی مفیش داعی خلیکی

خرجت "ياسمين" .. توجهت الى الطريق المؤدى للبوابة .. كان "عمر" يقف أمام البوابة يتحدث الى رجل داخل سيارته .. نظر الى "ياسمين" فتجاهلت نظراته .. أنهى "عمر" كلامه مع الرجل الذى انطلق بسيارته خارج المزرعة ثم توجه اليها يقطع طريقها قائلاً:

" -ياسمين" .. راحه فين؟

نظرت اليه .. يالله .. لكم تؤلمني رؤيته .. وتذكرني بكل ما أريد نسيانه .. أعاده سؤاله:

-راحه فین یا "یاسمین" .. قالت بهدوء:

-نازله المنصورة

-تعملى ايه في المنصورة

قالت بشئ من نفاذ الصبر:

-هشتری شویة حاجات

قال وهو يهم بالإنصراف:

-طيب ثواني هجيب العربية وآجي

قالت بسرعة:

-مفیش داعی .. أنا هروح لوحدی

نظر اليها بحنان قائلاً:

-ازاى يعني أسيب مراتى تركب في المواصلات وأنا موجود

خفق قلبه عندما سمعت منه كلمة (مراتى) .. تلك الكلمة التى تحاول أن تتناساها .. لكنها واقع .. وأمر مفروغ منه .. لم تعد تستطيع الهرب .. عاد" عمر" و أحضر سيارته أوقفها أمام "ياسمين" وفتح لها الباب .. شعرت بإحساس غريب .. هو مزيج من خوف وحيرة وتردد .. للمرة الأولى تركب سيارة رجل غريب بمفردها .. ذكرت نفسها .. ليس غريباً يا "ياسمين" .. بل هو زوجك .. زوجك الذى فرض عليكِ فرضاً .. زوجك رغم أنفك .. اهربى منه فى عقلك

كما تريدين .. لكنك لن تستطيعي الهرب من الواقع أبداً.

ترددت لحظات فى الركوب .. نظر اليها "عمر" يراقب ملامح التردد على وجهها .. ركبت بجواره .. بجوار زوجها .. شعرت بالرهبة .. تنهدت وحاولت السيطرة على خفقات قلبها .. هى حتى لا تعلم مما هى خائفه .. سار "عمر" فى طريقه الى المنصورة .. يلقى نظرة عليها كل فترة .. نظر اليها قائلاً:

-عايزه تروحي فين ؟

صمتت لتفكر .. ثم قالت:

-عايزة أروح أى مكتبة اسلامية

قال بإستغراب:

-مكتبة اسلامية

أومأت برأسها فقال:

-ليه ؟

قالت بهدوع:

-عايزة أشترى مصاحب عشان أحطها في المسجد اللي في القرية .. صدقة جارية لبابا وماما الله يرحمهم

شعر "عمر" بحنان جارف تجاهها .. لاحت ابتسامه على شفتيه .. ونظر الى يدها الموضوعة بجانبها على المقعد .. مد يده ليحتضن كفها .. فنزعت يدها بسرعة .. وكتفت ذراعيها أمام صدرها .. تضايق "عمر" .. لكنه أخفى ضيقه .. مراعاة لمشاعرها وللظروف التى تمر بها .. توقف أمام المكتبة .. نزل معها .. وواختارت ما تريد .. وعندما همت بفتح حقيبتها وجدت "عمر" يسبقها ويخرج محفظته .. فقالت بسرعة:

-لأ أنا اللي هدفع

نظر اليها "عمر" نظرة محذرة .. نظرة صارمة .. دون أن يتكلم .. كم اخافتها نظرته فألجمت لسانها .. يا لهاتين العينين .. هما قادرتان على غمرها بالحنان تارة .. وعلى اخافتها تارة أخرى .. دفع "عمر" المبلغ للرجل وحمل المصاحف ووضعها في صندوق السيارة .. وتوجه الى باب "ياسمين" وفتحه لها .. ركبت "ياسمين" .. وركب "عمر" وانطلق في طريقه .. ساد الصمت .. قطعته" ياسمين" وهي تخرج .. المال من حقيبتها وتعده .. ثم تعطيه له في حده قائله بحزم: اتفضل

ألقى "عمر" نظرة على المال ثم عليها .. صمت للحظات بدون رد فعل .. ومازالت يدها ممدودة بالمال .. ثم .. أخذه منها ووضعه بإهمال على تابلوه السيارة .. نظرت أمامها .. قال "عمر" بهدوء لكن بحزم:

-تانى مرة لما أكون معاكى فى مكان .. أوعى تفتحى شنطتك وتحاولى انك تحاسبي .. أنا راجل مش قفص جوافة

قالت "بهدوع:

-الحاجة دى بتاعتى وأنا اللي لازم أدفع تمنها

قال بحزم دون أن ينظر اليها:

-ده يبقى بينى وبينك .. مش أدام الناس

```
ثم نظر اليها قائلاً:
                                                                           -اتفقنا ؟
   نظر اليه .. تلاقت نظراتهما .. هي تحاول قراءة عينيه وهو يحاول قراءة عينيها .. أومأت
                                                 برأسها ثم عادت لتنظر أمامها فسألها:
                                                          -عايزة تروحي مكان تاني ؟
                                                                         قالت بتردد:
                                       -لو مش هعطلك .. عايزه أروح أى دار أيتام هنا
                                                             فكر "عمر" قليلً ثم قال:
                                                                            -ماشى
                                               ثم نظر اليها وابتسم ابتسامه عذبه قائلاً:
                                                              -حبيبتي تأمر وأنا أنفذ
اختلج قلبها لابتسامته الجذابه .. وكلماته الرقيقة .. فأشاحت بوجهها .. وذكرت نفسها بكل ما
                                                    علمته عنه .. وبكل ما تكرهه فيه.
                                                   ********
   سمعت "ريهام" طرقات على الباب فقامت لتفتح ظناً منها أنها "ياسمين" .. لكنها وجدت
                                                      "كرم" أمامها .. ابتسم لها قائلاً:
                                                             -وحشتيني جيت أشوفك
                                                       ابتسمت "ريهام" بخجل وقالت:
                                               -احنا كنا لسه أفلين مع بعض من شوية
                                                                       قال في مرح:
-انتى فاكرة ان صوتك كفاية يعنى .. ده أنا لما بتكلم معاكى في التليفون بحس انك بتوحشيني
                                                                               أكتر
                                                                      سألها بخفوت:
                                                                  " -ياسمين" جوه ؟
                                                       -لأ.. خرجت راحت المنصورة
                                                                  ابتسم "كرم" قائلاً:
```

-کوپس

قال بجديه:

ضحك قائلاً:

" -كرم" انت بتعمل ايه

-یا بنتی انتی مراتی

-عايز أتكلم مع مراتي .. ايه فيها حاجه

أشارت الى الباب المغلق قائله: -بس مش كدة .. مينفعش كده

ولدهشتها وجدته يدفعها ويدخل ويغلق الباب. قالت بدهشة:

جذبها من ذراعيه ليضمها الى صدره .. فدفعته عنها قائله بخجل:

-انت بتهرج على فكرة

ابتسم قائلاً:

-أمونت فيك وانت مكسوف كده .. طيب أنا بس عايز أتكلم معاكى في موضوع

قالت بتوتر:

-طيب اتكلم بسرعة

نظر اليها بجديه قائلاً:

-حبه جد بأه عشان في موضوع مهم فعلاً عايز أكلمك فيه

رأت ملامح الجدية على وجهه فشعرت بالقلق وقالت:

-خير ؟

قال "كرم" بجديه:

-أنا خلاص معدش ينفع أستنى هنا أكتر من كده .. الشغل كتير في القاهرة وفي حاجات لازم أعملها بنفسى .. يعنى لازم أرجع القاهرة في أقرب وقت

صمتت "ريهام" قليلاً لا تدرى ما تقول فأكمل "كرم: "

- لازم تيجي معايا القاهرة يا "ريهام" .. يعني أقصد تعيشي معايا .. تبقى دخله يعني نظرت اليه وقالت بدهشة:

-انت بتقول ایه یا "کرم" .. ازای أعمل فرح وأبویا لسه میت ؟

قال "كرم" بسرعة:

-مش لازم نعمل فرح .. بس أنا مضطر أرجع القاهرة ومش عايز أسيبك هنا .. عايزك معايا يا حبيبتى .. وبعدين انتى ناسية الإمتحانات بتاعتك .. انتى نفسك لازم ترجعى القاهرة عشان امتحاناتك

فكرت "ريهام" بتمعن ثم قالت:

-وازاى أسيب "ياسمين" لوحدها ؟

" -ياسمين" مش لوحدها .. جوزها هنا .. "عمر" .. وكمان طنط "كريمه" هنا

أخذت تفكر .. ثم قالت له في حيرة:

-مش هقدر أمشى من هنا يا "كرم" إلا بعد ما أطمن ان "ياسمين" هي كمان هتبقي مع

"عمر" في بيته . ومش هتعد هنا لوحدها

قال "كرم" مطمئناً:

-متقلقيش أنا واثق ان "عمر" هو كمان هيعجل بموضوع الدخله .. عشان الوضع كدة مش مظبوط .. يعني مينفعش تعدوا انتوا الاتنين لوحدكوا .. وفي سكن عمال طالعه نازله .. وكل واحدة متجوزة راجل يسد عين الشمس

نظرت اليه قائله:

-خلاص .. شوف انت "عمر" ناوى على ايه .. بس أنا مش همشى من هنا طول ما" ياسمين" أعده .. مش ممكن هسيب أختى لوحدها .. وفي ظروفنا دى .. احنا خلاص بقينا لوحدنا وملناش الا بعض

اقترب منها "كرم" ومسحها على وجنتها في حنان قائلاً:

-وأنا روحت فين .. انتى مش لوحدك يا "ريهام" .. أنا معاكى .. ومش عايز تقلقى من حاجه

طول ما أنا معاكى

ابتسمت بخجل وقالت:

-عارفه يا "كرم" .. تعرف انت اللى كنت بتصبرنى الأيام اللى فاتت .. كنت بفرح لما كنت بتكلمنى كل شوية وبتطمن عليا .. خلتنى أحس ان مش لوحدى ابتسم قائلاً:

-طبعاً مش لوحدك

حاولت جذبها من ذرعيها مرة أخرى الى حضنه .. فدفعته عنها بخجل .. تركها قائلاً بمرح: -ماشى برحتك .. بكرة تبقى في بيتى يا جميل .. أنا وانت وتالتنا الشيطان

ضحكت "ريهام" وقالت وهي تكتم ضحكاتها:

" -كرم" اطلع بره

ابتسم فائلاً:

-ماشى .. هطلع .. ليك يوم يا جميل

ثم نظر اليها بفرحه قائلاً:

-بس عارفه كويس انى جيت . على الأقل شوفت ضحكتك الحلوة دى

نظرت اليه بحب وقالت مبتسمه:

-ربنا يخليك ليا يا "كرم"

نظر اليها بحنان .. ثم فتح الباب وقبل أن يخرج .. التفت بسرعة ليطبع قبلة سريعه على وجنتها ثم خرج مسرعاً وهو يضحك .. قالت "ريهام" بغيظ بصوت منخفض:

-ماشی یا "کرم"

دخلت "ياسمين" الى دار الأيتام بصحبة "عمر" .. توجهوا الى مكتب المديرة وتبرعت "ياسمين" بمبلغ لمساعدة الأطفال .. كصدقة جارية لوالدها ووالدتها رحمهما الله .. كان "عمر" يراقبها بعينين حنونتين وهى تتحدث مع المديرة .. رق قلبه لتلك الفتاة التى أمامه والتى كلما رآها شعر بقلبه كعصفور صغير يرفرف بجناحيه داخل صدره .. شعر بسعادة غريبة تسري فى كيانه كله وهو ينظر اليها والى أفعالها الطيبة .. حانت التفاته منها وتلاقت أعينهما .. كانت نظرته شغوفه حنونه تشى بحب واضح لا يمكن أن تخطئ فى تفسيره .. أشاحت بوجهها فى خجل .. أخذتهم المديرة الى حجرة بعض الأطفال وأخذت تتحدث عن المجهودات التى تبذلها الدار لعلاج أولئك الأطفال الذين فقدوا زويهم .. نظرت "ياسمين "الى الأطفال البريئة التى تلعب فى مرح .. ترقرقت عيناها بالعبرات .. حمدت ربها أن أمد فى عمر أبويها حتى ربوها وكبورها هى و أختها

أما هؤلاء الأطفال المساكين معظم لم يروا زويهم .. وتربوا بدونهم .. وسيكبرون بدونهم .. شعرت بالعبرات تندفع من عينيها كالشلال وهي تنقل بصرها من طفل لآخر وضعت كفها على فمها لتكتم شهقات صغيرة كادت أن تفلت منها .. نظر اليها" عمر" و خفق قلبه .. رفع ذراعه وأحاط كتفيها وقربها منه .. و .. قبل رأسها .. انتبهت "ياسمين" لقربها منه .. فرفعت عينيها الدامعتين اليه في خجل لتصطدم بنظرة حنان في عينيه .. ثم تبتعد عنه .. مسحت دموعها ..

اقترب "عمر "من أحد الأطفال .. كان طفلاً صغيراً في الثالثه من عمره .. يمسك لعبة مكونه من جزءين فشل في تركيبهما فأخذ يبكي .. أمسك "عمر" منه اللعبة وركبها و ابتسم الى الصغير وأعطاه اياها ومسح على شعره .. وقف مرة أخرى بجوار" ياسمين" ينظر للطفل الذي يلعب بلعبته في مرح .. نظرت اليه "ياسمين" قائله:

-تعرف انك خدت ثواب كبير أوى باللى انت عملته ده

التفت اليها بدهشة قائله:

-عملت ایه ؟

قالت شارحه:

-مسحت على راس طفل يتيم .. اللمسه دى ثوابها كبير

نظر اليها بشغف قائلاً بصوت هامس:

-كويس يعنى معايا كنز حسنات .. مش هشيل ايدي من عليه أبداً

احمرت وجنتاها وتحاشت النظر اليه .. قبل انصرافهم توقف "عمر" وأخرج دفتر شيكاته وكتب شيكاً وأعطاه الى مديرة الدار .. لم تعرف "ياسمين "الرقم المكتوب لكنها رأت علامات الفرحة على وجه المرأة ونظرت اليه قائله:

-ربنا يباركلك يا ابنى ويحفظك من كل سوء .. ده أكبر مبلغ حد يتبرع بيه من يوم ما فتحنا الدار

أُخذت "ياسمين" تنظر اليه وهي تتسائل في نفسها .. تئرى أفعل هذا لينال أجراً .. أم ليفكر عن ذنباً .. التفت "عمر" اليها فوجدها تنظر اليه نظرة غريبه أخفتها سريعاً .. انهوا زيارتهم و ركبوا السيارة .. نظر "عمر" اليها مبتسماً:

ـتحبي تروحي فين تاني ؟

-شكراً .. أنا كده خلصت اللي كنت عايزه أعمله .. لو راجع المزرعة وصلني في طريقك لو سمحت

رفع حاجبيه بتحدى قائلاً:

ولو مش راجع ؟

قالت بإرتباك:

مفيش مشكلة ممكن توصلنى الموقف وأنا هركب عربية توصلنى المزرعة نظر الى ساعته قائلاً:

فى الوقت ده .. الساعة 9 .. تركبي عربية لوحدك وتمشى على طريق سفر ازداد ارتباكها وقالت:

انا مش هكون لوحدى فى العربية .. معايا ركاب .. وكمان أنا مضطرة يعني مفيش أدامى حل النامى حل النامى الدامى حل النامى النام

أمسك وجهها بكفه وجعلها تلتفت اليه .. اقترب منها لتتلاقا نظراتهما .. قال لها:

" _یاسمین" أنا جوزك .. فاهمة .. جوزك .. متتعملیش معایا كأنی راجل غریب .. انتی دلوقتی مراتی ومسؤله منی .. یاریت تفهمی ده كویس

صمتت .. وأبعدت وجهها عن يده .. اعتدل في مقعده وانطلق في طريقه .. توقف أمام احدى المطاعم والتفت اليها قائلاً بإبتسامه:

-أنا جعت .. ممكن ننزل ناكل مع بعض وبعدين نرجع المزرعة

اعتذرت قائله:

معلش أنا أسفه أنا عايزة أرجع المزرعة عشان سايبه "ريهام" لوحدها

صمت .. وانطلق في طريقه الى المزرعة .. أوقف السيارة أمام سكن العمال .. التفتت اليه الياسمين القائلة:

ممكن لو سمحت تفتحلي الشنطة عشان آخد المصاحف

قال لها "عمر: "

الأخليهم في العربيه وبكرة هوصلهم بنفسى لمسجد القرية

علمت أنها لو اعترضت لن تجدى منه رجا .. فإستسلمت ونزلت من السيارة .. نزل "عمر" هو الآخر والتف حول السيارة .. نظرت اليه قائله:

_شكراً

همت بالإنصراف فوقف أمامها .. نظر اليها قائلاً:

على فكرة الوضع ده مش هينفع يستمر كتير

نظرت اليه بعدم فهم .. قائله:

ـیعنی ایه ؟

قال بهدوء:

- يعني مش هسيب مراتى عايشه لوحدها في سكن العمال

قالت له بحده:

-أنا مش لوحدى أنا معايا "ريهام"

" ـريهام" هتسافر القاهرة مع جوزها يا "ياسمين"

نظرت اليه بدهشة فأكمل قائلاً:

" - كرم" مضطر يرجع القاهرة عشان الشغل .. وقالى انه عايز مراته معاه

ثم نظر اليها نظرة ذات معنى:

ـزى ما أنا عايز مراتى معايا

كانت "ياسمين" تشعر بالغضب يشتغل بداخلها .. غضب وحنق و قلة حيله .. أهذه هي نهاية المطاف .. ستصبح زوجة فعليه لهذا لهذا الزاني .. ارتجف قلبها عندما ترددت الكلمة بداخلها .. يا لها من كلمة بغيضة مقززه .. لا تحتمل النطق بها .. فكيف ستحتمل من قام بها .. نظرت اليه وقالت بحزم:

مفيش مشكلة "اريهام" تسافر مع "كرم" وأنا أفضل هنا في السكن

قال "عمر" بحده:

قولتلك مش هسيب مراتى عايشة لوحدها فى سكن العمال يا "ياسمين" .. الوضع ده غير مقبول بالنسبه لى .. لازم تعرفى انك دلوقتى مراتى .. وليا حقوق عليكي

شعرت بغصة في حلقها .. شعرت وكأنها تختنق .. تجمعت العبرات في عينيها .. صاحت وعيناها تشتعلان غضباً وكرها:

-انت ايه معندكش احساس .. على الأقل استنى لحد ما أفوق من صدمتى فى موت أبويا وبعدين ابقى اطلب منى حقوقك

صمت "عمر" .. طال صمته و هو يتطلع اليها .. الى تعبيرات وجهها الغاضبة .. الى الألم والدموع في عينيها .. ثم اقترب منها .. رجعت الى الخلف محاولة الابتعاد عنه لتصطدم بالسيارة

خلفها .. اقترب أكثر وقال بصرامة وقوة:

انا لما قولت حقوقى .. قصدك حقى فى ان مراتى تكون جمبي .. وتعيش معايا فى نفس البيت .. ما قصدتش غير كده

غزت حمرة الخجل وجهها .. فأكمل "عمر" وفي عينيه نظرة حاده:

انا مش المصطفى اليا الياسمين ال

ارتجف قلبها .. أكمل بغضب مكتوم:

انا مش حیوان زیه

أخفضت نظرها وقد شعرت بالخجل لأنها أخطأت تفسير كلماته .. زفر "عمر" ليهدئ من نفسه .. نظرت اليه "ياسمين" قائله:

انا آسفه

نظر اليها "عمر" قائلاً بهدوء:

انا عذرك لأنك لسه معرفتنيش يا "ياسمين" .. بس صدقيني أنا مش ممكن أبداً أعمل حاجه تجرحك

رأيت "ياسمين" الصدق في عينيه .. وسمعته في صوته .. ابتسم لها .. ابتسمت له في خجل .. خفضت بصرها .. لترتظم نظراتها بالحرق على يده .. شعرت بغصه في حلقها .. رفعت نظرها اليه .. حائرة .. مترددة .. متألمة .. ابتلعت ريقها وقالت بصوت حاولت أن يبدو طبيعياً:
-الحرق اللي في ايدك ده من ايه ؟

شعر "عمر" بالسعادة .. فهذه هي المرة الأولى التي تسأله عن شئ يخصه .. قال لها: مضايقك ؟

قالت بإرتباك:

لأ .. مش كده .. أنا .. أنا بس بسأل عادى .. من زمان الحرق ده ؟ ظهر الضيق على وجه .. ثم قال:

-لأ مش من زمان أوى .. وموضوع مش حابب أفتكره

خفق قلبها بشدة .. قالت تحاول معرفة اجابه لسؤالها:

حصل هنا في المزرعة ؟ .. ولا في القاهرة ؟

نظرت اليه تراقب تعبيرات وجهه .. نظر اليها ..بدا متردداً .. ثم قال:

حقيقي يا "ياسمين" مش حابب أتكلم في الموضوع ده

اقترب منها وأمسك يدها قائلاً:

خلينا نتكلم عننا أحسن

سحبت "ياسمين" يدها من يده وقالت ببرود:

انا اتأخرت على "ريهام" .. بعد اذنك

ثم غادرت الى غرفتها .. استقبلتها "ريهام" قائله:

عملتی ایه

قالت "ياسمين" وهي شارده:

_کویس

-هو ايه اللى كويس .. عملتى ايه اشتريتي ايه للصدقه بتاعة بابا و ماما التفتت "ياسمين" اليها وقالت بنفاذ صبر:

دخلت "ياسمين" الحمام ووقفت تنظر الى نفسها فى المرآة .. لماذا تهرب من اجابة سؤالها .. لماذا ظهرت علامات الضيق على وجهه عندما ذكرت ذلك الحرق .. كل الشواهد تؤكد ما توصلت اليه بنفسها .. نعم هو مذنب .. نظرت الى نفهسا بسخريه .. ماذا توقعتى أن يجيبك .. أيقول لك لقد أرتكبت جريمة شنعاء وكان جزائي أن أصيبت يدي .. أكنتى تظنين بأنه سيعترف لك بماضيه .. هذا الماضى الأسود الذى بنى بينك وبينه آلاف الأسوار العالية .. بالتأكيد سيكذب .. بالتأكيد سينكر .. من يرتكب جريمة بشعة مثل الزنى .. سيكون الكذب لعبة سهله بالنسبه له .. أغمضت عيناها فى ألم .. انتظرتها "ريهام" حتى خرجت .. ثم قالت:

" _ياسمين" .. "كرم" جالى النهاردة .. وقالى انه مضطر يسافر القاهرة عشان شغله .. و ... صمتت قليلاً ثم قالت:

-وعايزنى أسافر معاه .. يعني طبعا مش هنعمل فرح عشان بابا الله يرحمه .. بس هو عايز خلاص نتجوز ونعيش مع بعض

صمتت "ياسمين" ولم تجب .. فأكملت "ريهام: "

-أنا قولتله مش هينفع .. إلا بعد ما أطمن على "ياسمين"

قالت "ياسمين" بدهشة:

تطمنى عليا ازاى يعنى

يعني نشوف "عمر" ناوى على ايه .. هو مكلمكيش في حاجه

زفرت "ياسمين" بضيق .. ثم قالت:

" ـريهام" ملكيش دعوة بيا .. سافرى مع "كرم" .. وأنا مش صغيرة عشان معرفش أعيش لوحدى

قالت "ريهام" بحزم:

-مستحيل .. مش هسافر مع "كرم" إلا لما انتى تروحى بيتك

قالت "ياسمين" بأسى:

بیتی ؟

أومأت "ريهام" برأسها قائله:

-أيوة بيتك .. بيت "عمر"

قالت "ياسمين" بضيق وهي تتوجه الى فراشها:

-خلينا نتكلم بكرة يا "ريهام" .. أنا تعبانه دلوقتى وعايزة أنام

قضت "ياسمين" ليلتها والكوابيس تؤرق مضجعها .. أفاقت على احدى كوابيسها تصرخ .. استيقظت "ريهام" على صوتها .. ذهبت وجلست بجوارها لتجد "ياسمين "جالسه تبكى .. قالت "ريهام" بلهفه:

" _ياسمين" ايه اللي حصل .. حلمتي حلم وحش ؟

قالت "ياسمين" من بين شهقاتها:

-مش طيقاه .. مش طايقه أشوفه .. ولا طايقه أسمع صوته .. ولا طايقه انه يلمسنى قالت "ريهام" بدهشة:

حمين ؟ .. "عمر" .. ؟

```
_أيوة
```

اليه يا "ياسمين" .. ايه اللي حصل بينكوا .. انتوا اتخانقتوا

قالت "ياسمين" بألم:

من غير ما يحصل حاجه .. أنا مش طايقاه وخلاص

أخذتها الريهام الله عضنها لتهدئها .. في الصباح ذهبت الريهام الى مكتب الكرم .. الدخلت وأغلقت الباب خلفها .. قام فوراً واتجه اليها قائلاً بمرح:

والله وبقينا نقفل الباب

ابتسمت "ريهام" قائله بلؤم:

لو عايزني أفتحه معنديش مانع

ابتسم قائلاً:

ـلأ خليه مقفول أحسن نستهوى

قالت "ريهام" بجديه:

" -كرم" .. مش هينفع أسافر معاك .. أنا اتكلمت مع "ياسمين" وهي مش حبه تروح بيت العمر دلوقتي

قال الكرما بإستغراب:

لیه مش حبه

متفت بحده: المتفت بحده:

ايه اللي ليه مش حبه .. مش حبه وخلاص انا ايش عرفني

قال "كرم" بضيق:

- يعني هسافر لوحدى .. أنا في بلد ومراتى في بلد

نظرت اليه "ريهام" بأسف قائله:

معلش یا "کرم" مش بایدی ..بس مقدرش أسیب أختی لوحدها

تنهد "كرم" قائلاً:

-خلاص بس مش هنعدوا في سكن العمال .. هأجر شقة في المنصورة وتعدوا فيها انتوا الاتنين .. لحد ما نشوف الموضوع هيرسي على ايه

قالت "ريهام: "

معلش يا "كرم" عارفه انك مضايق .. بس قدر ان دى أختى ومينفعش أسيبها

أومأ "كرم" برأسه قائلاً:

ـمقدر يا حبيبتى .. ولا يهمك .. وعامة أنا واثق ان "عمر" مش هيتحمل الوضع ده كتير .. "عمر" غيور جداً ومش هيسيبها عايشة في المنصورة لوحدها بعد ما بقت مراته

صمت قليلاً ثم قال:

وامتحاناتك هتعملى فيها ايه

قالت شارحه:

ما أنا هفضل هنا لحد معاد امتحاناتى .. ويارب ساعتها تكون "ياسمين" في بيتها .. عشان أعرف أسافر وأنا مطمنه

-انتی بتهرجی یا "ریهام"

قالت "ريهام" بجديه:

ـلأ مش بهرج ده اللي حصل واللي اتفقت عليه مع "كرم"

قالت "ياسمين" بغضب:

-يا بنتى وانتى مالك ومالى .. سافرى ما جوزك وعيشي حياتك بأه .. وملكيش دعوة بيا -ازاى يعني مليش دعوة بيكى .. ما هو انتى لو تريحيني وتقوليلي ليه مش عايزة الدخله دلوقتى كنت ارتحت .. انتى عارفه ان وضعنا صعب .. ومفيش حل غير كده شعرت "ياسمين" بالإختناق .. أخذت نفساً عميقاً .. بدت متردده .. ثم قالت:

_خلاص

ـخلاص ایه ؟

قالت بشئ من الأسي:

ـخلاص موافقه .. كدة كدة التأجيل مش هيفيد بحاجه

قالت "ريهام" بقلق:

-نفسى أفهم ايه اللي تاعبك .. ليه مش مبسوطه

اغرورقت عيناها بالدموع وقالت:

مفيش .. بس لسه ما فوقتش من صدمة وفاة بابا الله يرحمه

قالت "ريهام" بأسى:

-الله يرحمه هو و ماما

-اللهم آميـن

اتفق الجميع على اليوم الموعود .. ستسافر "ريهام" مع "كرم" .. وتنتقل" ياسمين" الى بيت المزرعة .. وأصرت "كريمه" و "نور" على العودة الى القاهرة مع العروسين .. ليتابع "نور" أعماله التى تراكمت من بعد عطلته الطويلة فى المزرعة .. أتى اليوم الموعود .. كانت "ريهام" تستعد فى غرفتها وتجهز حقائبها عندما سمعت طرقات على الباب .. فتحت لتجد "كرم" .. ابتسم لها فى سعادة قائلاً:

ممكن الجميل يسمحلى أدخل

ابتسمت وأفسحت لها الطريق .. دهشت عندما وجدته يعطيها باقى ورد كان يخفيها خلف ظهره .. أخذتها منه مبتسمه .. قال لها في رقه:

الحلى ورد لأحلى وردة في المزرعة

ابتسمت "ريهام" في سعادة .. ولدهشتها وجدتها يحمل حقيبة كبيرة من الأرض كان قد وضعها بجوار الباب .. ثم دخل ووضعها على السرير .. نظرت اليه في دهشة وهي تغلق الباب .. ثم اقتربت قائله:

ایه ده

فتح "كرم" سوستة الحقيبة وأخرج منها فستان زفاف فائق الروعة والجمال .. نظرت اليه "ريهام" بإنبهار .. ثم نظرت الى "كرم" قائله:

_اپه ده

ابتسم "كرم" قائلاً:

احنا اتفقنا ان مفیش فرح .. بس مش معنی کدة ان مفیش فستان فرح

اغرورقت عيناها بدموع السعادة واقتربت لتتلمس الفستان والتطريز في فرحه .. سألها "كرم" عجبك ؟ قالت بحماس: حداً يا "كرم" .. جداً .. شكله حلو أوى اتسعت ابتسامة "كرم" وهي ينظر الى سعادتها البادية على وجهها .. قالت "ريهام" بلهفة: بس خايفة ميطلعش مقاسى ضحك "كرم" قائلاً: -لأ متخفيش هيطلع مظبوط عليكي بالمللي -ازای یعنی .. وانت عرفت مقاسی منین غمز بعينيه قائلاً: -استعنت بصديق .. أختك جبتلى فستان من دولابك وخلتهم يعملوا الفستان بنفس المقاسات .. يعنى ان شاء الله هيطلع مظبوط عليكى ترك الفستان على السرير واقترب منها وقبل جبينها قائلاً: مبروك عليكي يا أحلى عروسة ابتسمت الريهام الفي سعادة أخرج "كرم" من الحقيبة علبة الشبكة وألبسها اياها قطعة قطعة واستغرق وقتاً طويلاً حتى قالت "ريهام: " " ـ كرم" كل ده بتلبسنى السلسلة ؟ بحب الاتقان يا "ريهام" ضحكت وهي تنظر اليه قائله: مش وقت اتقان يا "كرم" الكوافيرة على وصول أدارها "كرم" وألبسها دبلتها وألبسته دبلته .. أمسك كفها ورفعها ليقبله قائلاً:

مبروك يا أحلى عروسة في الدنيا

ابتسمت بخجل قائله:

الله يبارك فيك

قال بخبث:

بقولك ايه متلغى معاد الكوافيرة وتعالى ألبسك السلسلة تانى

دفعته بإتجاه الباب قائله:

ـیلا یا "کرم" من غیر مطرود

خرج وابتسم لها وأرسل قبله فى الهواع .. فضحكت ولوحت له بيدها ثم أغلقت الباب .. خرجت الريهام الله فى أبهى حله بفستانها الأبيض وحجابها الأبيض .. وقفت السمين المامها تنظر اليها قائله:

انا حسبه انى فرحانه أوى .. طالعه زى القمريا "ريهام" .. ما شاء الله

التفتت اليها "ريهام: "

حبيبتى يا "ياسمين" .. كان نفسي أوى بابا و ماما يكونوا معانا اليوم ده

كادت العبرات أن تتدافع الى عين "ياسمين" لكنها سيطرت على عواطفها قائله بصوت مرتجف:

ربنا يجمعنا بيهم في الجنة

خرجت "ريهام" ونزلت ليستقبلها عريسها .. وهمس لها:

ـزى القمر .. ممكن أبوس

قالت بجدية وهي تنظر للناس حولها:

لو عملت كدة هتبقى ليلتك مش فايته يا "كرم"

ضحك "كرم" قائلاً:

ـلا الطيب أحسن

عانق "كرم" صديقيه يودعهما قائلاً:

في أقرب وقت تجولى القاهرة ان شاء الله ونتجمع كلنا مع بعض .. اتفقنا

قالت "عمر" مبتسماً:

اتفقنا

قال "أيمن" بسعادة:

-ألف مليون مبروك يا "كرم"

عانقت الياسمين الريهام العناق طويل .. كانت هذه هي المرة الأولى التي تفترق فيه الفتاتان عن بعضهما البعض .. غرورقت عيناهما بالدموع .. قالت السماح: "

" -ريهام" بطلى عياط بأه

قالت "ريهام" بتأثر:

-هتوحشینی أوی یا "یاسمین" .. وانتی یا "سماح" هتوحشونی أوی

اقتربت منهم "كريمه" قائله:

حبيبتى متقلقيش كلها فترة صغيرة و "ياسمين" و "عمر" هينزلوا القاهرة ان شاء الله شعرت "ياسمين" بالإضطراب .. كانت طيلة الأيام الماضية تتجاهل وضعها .. صممت على ألا تفكر في شئ إلا في أختها ومستقبلها .. أما الآن فهي مضطرة أن تواجه كل ما كانت تهرب منه .. رحل العروسان وخلفهما سيارة "نور" و "كريمة .. "وعاد "أيمن" و "سماح" أدراجهما في اتجاه بيتهما .. لتبقى "ياسمين" واقفه مع "عمر" أمام بوابة المزرعة

طال الصمت بينهما .. شِعرت بالتوتر .. نظر اليها قائلاً:

-متقلقیش .. "كرم" أخویا وصاحبي .. مش هتلاقی أحسن منه لـ "ریهام" .. انا واثق انه بیحبها و هیحافظ علیها

أخطأ "عمر" في تفسير سبب قلقها وتوترها .. لم تكن "ياسمين" قلقه على" ريهام" بل قلقه على فلم المسكها "عمر" من ذراعها ونظر اليها بحب قائلاً:

مش یلا احنا کمان علی بیتنا

خفق قلبها لكلمة (بيتنا) .. تساءلت في نفسها .. تُرى أهو بيتى حقاً .. هل من الممكن أن أعتبره يوماً بيتي .. هل من الممكن يوماً أن أتقبل وضعى كزوجة لهذا الرجل .. قالت بتوتر:

-هروح الأوضة الأول ألم حاجتي في الشنطة

ابتسم قائلاً:

تحبى أساعدك

1

طيب تحبى أبعت معاكى واحدة تساعدك

-لأ .. أنا أصلا حاجتي مش كتير

أسرعت لتهرب من أمامه وعادت الى غرفتها .. أغلقت الباب وجلست على فراشها .. لكم تتمنى أن تستيقظ الآن فتجد أن كل هذا مجرد حلم وسينتهى .. لا .. يكفى هروباً هذا ليس بحلم .. افيقي يا "ياسمين" .. واجهى واقعك .. جمعت كل أغراضها .. وجلست على فراشها .. لا تعرف ماذا تنوى أن تفعل .. اتصلت "سماح" .. ردت "ياسمين" بلهفه:

" _سماح"

" _ياسمين" انتى كويسه

ايوة كويسة

ـشكلك مكنش مظبوط النهاردة

" ـسماح" انتى قولتى لـ "أيمن" حاجه

-لأ طبعا انتى حلفتينى ما أقولش

تنهدت الياسمين القائله:

ايوة متقوليش

ثم قالت بأسى:

" ـ سماح" أنا تعبانه أوى .. ومحتارة أوى .. أنا تعبانه أوى يا "سماح"

قالت "سماح" بحسرة:

" _یاسمین" لو مش عایزة تتجوزیه.....

قاطعتها "ياسمين" بمراراه:

انا خلاص اتجوزته یا "سماح" .. عایزانی أطلق للمرة التانیة .. وبعدین .. هعمل ایه .. هروح فین .. وبعدین أنا خایفه أوی .. لانی عارفه انی لو طلبت الطلاق من غیر سبب قوی دی حاجه عقابها كبیر أوی عند ربنا .. عقابها ان الجنة تتحرم علیا .. وأنا مش عارفه هل السبب اللی عندی ده كافی انی أطلق و لا لأ .. مش عارفه محتارة وحسه انی ضایعه .. حسه انی حتی مش عارفه أحس .. كل اللی حساه .. ان جوایا ألم وخوف .. أنا مش قادرة أتعامل معاه كزوج .. مش قادره أتخیل ده

صمتت قليلا ثم قالت:

-ساعات بحس انى بحبه .. وبحس انى مطمنة أوى وأنا معاه .. وبحس انى مش عايزة أبعد عنه .. بس لما بفتكر اللى عمله بحس انى مش طايقاه .. بحس انى خايفه منه .. بحس انى قرفانه منه .. بحس انى عايزة أبعد عنه .. حسه انى مش ممكن أبداً هقدر أسامحه .. مش ممكن أبداً اتقبل جوازى من واحد عمل جريمة بشعة كده .. مش ممكن أفضل أحافظ على نفسي طول عمرى عشان فى الآخر أتجوز واحد زانى .. أنا حسه بحاجتين عكس بعض والحاجتين دول بيدمرونى كل حاجه فيهم بتشدنى نحيتها .. لحد ما حسه انى خلاص بتقطع من جوه

قالت "سماح: "

احنا محتاجين نعد ما بعض يا "ياسمين" مش هينفع كلام فى التليفون ولازم الموضوع ده نعرف أصله وفصله .. ومحتاجه أسمع منك كل التفاصيل عشان نقدر نفكر مع بعض

قالت "ياسمين" بإستسلام:

ماشى وأنا فى أقرب وقت هجيلك .. لانى فعلا محتاجه أتكلم معاكى

أغلقت "ياسمين" مع صديقتها وتمددت على سريرها .. تركت لعبراتها العنان .. تلك العبرات التى كانت تحبسهم منذ أيام .. حتى لا تتأثر "ريهام" بها وبحالها .. قالت فى نفسها .. يارب الحاجه الوحيدة اللى مصبرانى .. هى انى عارفه ان كل حاجه فى حياتى هى من اختيارك انت .. يارب انت عالم الخير فين .. وأنا فعلاً محتارة .. يارب ساعدنى .. يارب ريح قلبي .. يارب خرجنى من حيرتى .. وقويني على نفسي .. يارب أنا بحسن الظن بيك .. يارب أنا واثقة انك هتختارلى الخير .. أنا راضية بكل اللى انتى تختاره .. يارب ريح قلبي .. أنا حسه انى ضعيفة أوى .. مليش غيرك يارب.

لم تشعر بالوقت وهي نائمة ممده على فراشها .. غفلت .. استيقظت على طرقات الباب .. نهضت مفزوعه .. قامت لتفتح .. وجدت "عمر" امامها .. قال لها بحنان:

-كنت واثق انك نمتى .. كان باين عليكي الارهاق النهاردة

حاولت استجماع أفكارها ثم قالت:

معلش نمت غصب عنى

ابتسم لها قائلاً:

-ولا يهمك يا حبيبتى .. عارف انك عايزة تنامى ..بس مش حابب انك تنامى هنا لوحدك وبيتك على بعد خطوتين منك

شعرت بالإضطراب .. دخل "عمر" دون دعوة وأمسك بحقيبها قائلاً:

لیکی حاجه تانیه هنا

لأ_

_طيب يلا

نزلت "ياسمين" معه تسير في اتجاه بيت المزرعة وهي تشعر بأن الشئ الوحيد الذي تتمناه الآن هو .. الهرب.

دخلت "ريهام" بيتها الجديد .. وقفت تنظر اليه في بهجة .. التفتت تنظر الي" كرم" .. الى زوجها الذي يبتسم لها في سعادة .. نظرت اليه نظره بثت فيها سعادتها وفرحها وشوقها وخجلها...

دخلت "ياسمين" الى بيتها الجديد .. البيت الذى دخلته مرات قليله من قبل .. وها هو وقد أصبح بيتها .. استدارت لتنظر الى الرجل الواقف خلفها بعدما أغلق عليهما باب بيتهما .. تباً لتلك المشاهد التى تتكرر بإستمرار .. نفس المشهد .. نفس الاحساس .. نفس خفقات قلبها المتسارعة .. نفس الحزن .. نفس التوتر .. نفس الرغبة فى الهرب .. نفس الإحساس بالضياع .. لكن شئ واحد هو المختلف .. نظراتها .. لم تكن هذه المرة تنظر الى زوجها بنظرات تحمل الخوف فقط .. بل حملت نظراتها أيضاً الكثير من الألسم.

دخلت "ياسمين" الى بيتها الجديد .. البيت الذى دخلته مرات قليله من قبل .. وها هو وقد أصبح بيتها .. استدارت لتنظر الى الرجل الواقف خلفها بعدما أغلق عليهما باب بيتهما .. تباً لتلك المشاهد التى تتكرر بإستمرار .. نفس المشهد .. نفس الاحساس .. نفس خفقات قلبها

المتسارعة .. نفس الحزن .. نفس التوتر .. نفس الرغبة فى الهرب .. نفس الإحساس بالمنساع .. لكن شئ واحد هو المختلف .. نظراتها .. لم تكن هذه المرة تنظر الى زوجها بنظرات تحمل الخوف فقط .. بل حملت نظراتها أيضاً الكثير من الألسم.

اقترب منها "عمر" ببطء .. كانت تشعر بشعور مختلط .. كانت متوترة .. شاردة .. اقترب منها ووقف أمامها .. ابتسم لها .. لم تبادله الابتسام .. نظرت الى الباب خلفه تود الهرب .. لكنها تعلم ألا مجال للهرب .. كان "عمر "يراقب الانفعالات على وجهها .. ونظرات عينيها الفارغة .. توترها .. اضطرابها .. والأهم حزنها .. ابتسم لها قائلاً:

-نورتى بيتك

لم تجب .. بدا عليها التعب والإرهاق .. كانت كعصفور صغير كسر جناحيه .. فلم يعد يقوى على الطيران .. أمسك يدها بيده فأجفلت .. واضطربت .. صعد بها السلالم وتوقف امام احدى الغرف .. شعرت يقلبها يدق بشدة .. فتح الباب. لم تدخل ولم تنظر حتى الى الغرفة .. أشاحت بوجهها .. وهى تحاول اخفاء تعبيرات الألم الموجودة على وجهها .. يارب ماذا أفعل .. هل أرضى بالأمر الواقع .. وأنا يتيمة وحيدة ضعيفة .. أم أثور على هذه الزيجة التى أرفضها .. ماذا أفعل .. تأملها "عمر" قائلاً:

ایاه .. کل ده جواکی

نظرت اليه في دهشة .. مستفهمه عن معنى ما قال .. فقال برقه:

-انتى ليه خايفه منى ؟ .. ايه غيرك من نحيتي ؟ .. نظراتك بقت غريبة .. أكنى جرحتك .. أو هجرحك .. ليه مش مبسوطه انك معايا ؟

صمتت "ياسمين" ولم تجب .. فأكمل:

-أنا عارف ان ممكن يكون موت والدك مأثر عليكي .. وكمان عارف انك شوفتى فى حياتك كتير .. بس مش عايزك تخافى طول ما انتى معايا .. لانى بحبك أوى يا" ياسمين" ومش ممكن أسمح لاى حاجه انها تضايقك أو تأذيكى

نظرت اليه .. التمست الصدق في كلامه .. ليس لديها ذرة شك في حبه لها .. هي تعلم أنه يحبها .. بل يعشقها .. لكن مشاعرها هي المضطربة .. غير مستقرة .. اقترب منها فجفلت .. أمسك برأسها وقبل جبينها قائلاً:

-یلا ادخلی

شعرت بالخوف .. نظرت الى غرفة النوم فى وجل .. حبست أنفاسها .. اقترب منها مرة أخرى وقبلها فى جبينها وقال بحنان:

دى أوضتك انتى

رفعت عينيها اليه في دهشة وقالت:

-أوضتى أنا ؟

ابتسم وأشار الى الغرفة المجاورة قائلاً:

ودی أوضتی

لم تصدق "ياسمين" ما تسمع .. ماذا يقصد .. أخرجها من حيرتها وهو ينظر الى عينيها المندهشه بحنان وقال:

-أنا مقدر كل اللى انتى فيه .. ومستعد استناكى الوقت اللى تحبيه .. أنا عارف ان جوازنا جه

بسرعة بالنسبة لك

نظرت اليه غير مصدقه ما تسمعه .. فقال لها بحنان:

-أنا بحبك جداً يا "ياسمين" .. و قولتلك قبل كده مش ممكن أجبرك على حاجة واضح جداً عليكي انك مش عايزاها

نظرت اليه "ياسمين" وكأنها تتعرف عليه لأول مرة .. ابتسم لها .. فبادلته ابتسامه خجوله .. استغربت .. كيف نجح في ازاله التوتر بداخلها .. كيف أشعرها بالراحة وبالأمان .. أشار الى الغرفة برأسه قائلاً بحنان:

-يلا ادخلى .. غيري هدومك وانزلى عشان نتعشى سوا

قالت بحرج:

معلش أنّا اسفه بس بجد تعبانه ومحتاجه أنام

قال "عمر" بإهتمام:

طيب أجبلك الأكل في اوضتك

قالت بسرعة:

-لأ ..شكراً .. بس أنا بجد جعانه نوم

تأمل" عمر" وجهها المتعب ثم قال بحنان:

-ماشى يا حبيبتى ولا يهمك .. ادخلى نامى .. تصبحى على خير

ثم انحنى ليطبع قبله دافئه على وجنتها التى احمرت من الخجل .. دخلت الغرفة .. كانت غرفة جميلة .. جيدة الأثاث .. لها طابع كلاسيكى كما هو الحال فى الأسفل .. أخذت دشاً وتوضأت وصلت .. وارتدت بيجامتها ثم دخلت الى فراشها واستسلمت للنوم ..

بعد عدة ساعات من النوم شعرت الياسمين البحركة غريبه فتحت عينيها فجأة لتجد العمراا واقف بجوارها .. شعرت بالفرع .. طمأنها قائلاً:

-متخفيش أنا دخلت بس أطمن عليكي .. لقيتك مش متغطية كويس فعدلت الغطا نظرت الى الغطاء الملتف حولها جيداً .. همت بالجلوس لكنه أوقفها قائلاً:

-لأ متقوميش .. كملى نوم .. أنا خارج

نظرت الى الساعة بجوارها قائله بصوت ناعس:

-أنا كده كده لازم أصحى عشان باقى نص ساعة على الفجر

نظر اليها بحنان قائلاً:

-مش مهم .. صليه لما تقومي الصبح

رمقته "ياسمين" بنظرة حادة .. وشُعرت بإنقباض في قلبها .. ثم قالت دون أن تنظر اليه: -لأ هصلى الفجر في معاده

صمت "عمر" .. ظلّت جالسه فى الفراش .. تتمنى انصرافه حتى تستطيع النهوض .. خجلت أن يراها بالبيجاما .. استدار "عمر" وفتح الباب وانصرف ..كانت تشعر بالضيق لهذه البداية الغير موفقه بينهما .. فهى لم تترك صلاة الفجر يوماً .. إلا فى حالات مرضها الشديد .. لكنها ظلت ومنذ نعومة أظافرها معتادة على أداء الصلاة فى وقتها وهذا شأن البيت كله .. وكانت تشعر بالبركة فى يومها عندما تستيقظ وتصلى الفجر وتظل تدعو الله و تقرأ وردها وأذكارها حتى

الشروق .. نظرت الى نفسها فى المرآة وابتسمت بسخرية قائله .. وماذا توقعتى غير ذلك منه يا الياسمين الله .. هل توقعتى أن يهتم بالمحافظة على الصلوات فى وقتها!

توضأت وصلت و أنهت أذكارها .. لم ترغب في النوم مرة أخرى .. وعندما أشرق نور الصباح خرجت الى شرفة غرفتها تستنشق تلك النسمات المنعشه .. كانت غرفتها تطل على الحديقة الخلفيه والتي اقل ما يقال عنها أنها رائعة .. تسلل عبير الأزهار المنعش اليها .. فأغمضت عينيها لتستمتع بتلك الرائحة الخلابه .. سمعت طرقات على باب غرفتها دخلت وفتحت الباب لتجدال عمرا واقفاً أمامها .. ابتسم قائلا:

-لمحت النور من تحت بابك عرفت انك صاحيه وفاتحه البلكونه .. يلا عشان نفطر سوا همت بالخروج فاعترض طريقها وأشار الى الاسدال الذى ترتديه قائلا:

-هتفطری کده

نظرت الى الاسدال ثم قالت:

-أنا كنت لابساه لانى كنت واقفه فى البلكونه

ابتسم قائلاً:

-متخفيش أنا ادينك أوضه بتطل على الجنينه اللي ورا ودى محدش بيدخلها مفتاحها معايا أومأت برأسها .. فقال:

-هستناکی تحت

خلعت اسدالها .. وارتدت عباءة للبيت محتشمة .. جمعت شعرها للخلف .. كانت تشعر بالخجل من رؤياه اياها بدون حجاب .. ثم تذكرت أنه بالفعل رآها هكذا من قبل .. ابتسمت وهي تتذكر حنانه ورقته ولهفته عليها يوم أن خطفت .. هي تعلم جيداً بانه يحبها .. لا تشك لحظة في ذلك .. فتحت باب الغرفة .. وشعرت وكأنها غريباً يتلمس طريقه في مكان يجهله .. نزلت الدرج .. وبمجرد أن وصلت لنهايته وجدت "عمر" يخرج من احدى الغرف ثم يمسك يدها ويجذبها .. أجلسها على طاولة الطعام وجلس بجوارها .. نظرت الى كل الطعام المعد بدهشة قائله:

ابتسم قائلاً:

-أولُ مرة ناكل مع بعض .. وبعدين انتى متعشتيش امبارح

ابتسمت قائله:

- على أساس انى هاكل كل الأكل ده يعني .. أنا أصلا أكلتى ضعيفه أوى وضع كفه على كفها الموضوع على الطاولة .. فإضطربت .. وسحبت يدها .. لم يعر ذلك انتباها وأكمل مبتسماً:

-لا .. لازم تهتمى بأكلك .. وتبطلى أكل العصافير بتاعك

شرعا في تناول الطعام .. كانت "ياسمين" تنظر لما حولها تتعرف على المكان .. وقع نظرها على الحرق في يده .. فأشاحت وجهها عن يده .. حاولت أن تتناسى الأمر لكن هيهات .. لاحظ "عمر" اضطرابها وتوقفها عن الأكل فقال:

في حاجه .. الأكل مش عاجبك

قالت بسرعة:

ـلأ بالعكس..

هنا حضرت الخادمة لتضع أمامهم ابريق الماء .. نظرت اليها "ياسمين" من رأسها على

```
أغمص قدميها .. كانت فتاه جميلة ذو ملامح هادئة ترتدى جلباب فلاحى وعصبه على رأسها ..
                                                    نظرت الى "عمر" مبتسمه وقالت:
                                                      ـتؤمر بحاجة تانى يا بشمهندس
                                             هز "عمر" رأسه دون أن ينظر اليها وقال:
                                                                           ۔لا شکر اُ
                   خرجت الخادمة .. وظلت "ياسمين" ساهمه .. نظرت الى "عمر" قائله:
                                                          -هي البنت دي بتشتغل هنا ؟
                                                                              -أيوة
  بدا عليها التردد .. كان "عمر" يرد بلامبالاة وكأن الأمر لا يمثل له أى أهمية .. فنظرت اليه
                                                                             وقالت:
                                        - يعنى انت وهي عايشين في البيت ده لوحدكوا ؟
                                         نظر اليها "عمر" وبدا مستغرباً سؤالها ثم قال:
                                                                              -أيوة
                                                                 ترددت قليلاً ثم قالت:
                                                                    -هی جدیدة هنا ؟
                                                              -لأ شغاله هنا من شهور
                                                         -كان في واحدة شغاله قبلها ؟
                                                              بدا شارداً ثم قال بضيق:
                                                         -أيوة كان في قبلها "صفية"
شعرت "ياسمين" بالغضب يتصاعد بداخلها .. وتوقفت عن الأكل .. نظر اليها "عمر" بدهشه
                                                                               قائلاً:
                                                              -مالك .. مش بتاكلي ليه
                                                  حاولت تمالك أعصابها وقالت بهدوء:
                                                                      مفیش شبعت
                                                           تفرس في وجهها .. ثم قال:
                                                     -شكلك مضايق .. ايه اللي ضايقك
                                            نظرة اليه نظرة حادة .. ثم قالت وهي تنهض:
                                                           بعد اذنك أنا طالعه أوضتي
    تركته .. ودخلت غرفتها .. جلست على السرير وعينيها تشعان بغضب مكتوم .. بحثت عن
                                          هاتفها واتصلت باسماح" التي قالت بدهشة:
                              -في عروسة تتصل بصحبتها يوم صباحيتها على الصبح كده
                                                               قالت "ياسمين" بحده:
                                                     -لا أنا عروسة .. ولا دى صبحيتى
                                                             قالت السماح المستفهمه:
                                                      ايه اللي حصل شديتوا مع بعض
                                                              قالت "ياسمين" بحزن:
-أنا كنت واثقة اننا مننفعش لبعض .. كان قلبي حاسس .. احنا عمرنا أبداً ما هنقدر نفهم بعض
                                                            .. ولا نعيش بإسلوب بعض
```

طيب اهدى وفهميني اللي حصل

صمتت "ياسمين" قليلاً . كادت أن تقص عليها أمر الخادمة التى تبيت ليلها فى نفس البيت مع "عمر" بمفردهما .. وهو لا يرى بأساً فى ذلك .. ويرى الأمر عادى جداً .. لكنها أحجمت وقالت بصوت خافت:

-مش هقدر أحكيلك يا "سماح" .. مهما كان هو جوزى دلوقتى .. ومينفعش اتكلم عنه وحش مع حد

قالت "سماح: "

-خلاص براحتك .. طيب نتكلم في المشكلة القديمة اللي أنا عارفاها .. موضوع الحريق ومرات الغفير .. انتى حسه بإيه دلوقتى بخصوص الموضوع ده

قالت "ياسمين" بحيرة:

ـمش عارفه

قالت السماح: "

" -ياسمين" ليه متحطيش احتمال ان البنت اللي اسمها "ولاء" دى بتحاول توقع بينك وبين "عمر" عشان تمنع جوازتكوا

قالت "ياسمين" بحيره:

وهي ايه مصلحتها في كده .. هتستفاد ايه لما تمنع جوازنا

-تستفاد انها تخرب عليكي يا الياسمين الله من كانت بتحب العمر الله مكن أوى تكون غارت منك وعملت الفيلم ده عليكي عشان متتجوزيش حبيبها الله ياسمين المش كل الناس طيبة زيك .. في ناس مؤذية جداً وعايشة على أذية الناس .. زى المصطفى الله وزى اللي اسمه البسطويسي الده .. وزى المهاال .. مش كل الناس طيبة وتعرف ربنا يا الياسمين المسمين المسلمة وتعرف ربنا يا الياسمين المسلمة وتعرف ربنا يا الياسمين المسلمة وتعرف ربنا يا الياسمين المسلمة وتعرف ربنا يا المسلمة وتعرف المسلمة وتعرف ربنا يا المسلمة وتعرف المس

صمتت "ياسمين" تفكر قليلاً ثم قالت:

-والورق اللى جابتهولى من المستشفى والراجل اللى شهد

قالت "سماح: "

-سهل أوى لو ليها حد معرفة فى المستشفى تخليه يضربلها الورق أو هى بنفسها تاخد منه ورقة فاضية وتضرب التقرير .. مش هى دكتورة يعني تعرف كويس عن اصابات الحروق .. وتكتب تقرير مية مية وتديهولك على انه التقرير اللى جابته من الاستقبال .. أما بالنسبة للراجل .. ممكن يكون اتلخبط بين" عمر" وبين واحد تانى .. أو هى قالتله انه يقول ان الراجل اللى كان مع مرات الغفير يبقى "عمر" .. لكن "عمر" ملوش علاقة بالموضوع أصلاً

قالت "ياسمين: "

-طيب والحرق اللي في ايده .. واللي مرضاش يقولي سببه ؟

-ممكن يكون اتحرق من أى حاجه مش شرط نفس الحريقة دى .. يعني ممكن اصلا يكون الحرق ده فى ايده من قبل موضوع حرق البيت .. و "لاء" استغلت الحرق اللى فى ايده عشان تقنعك انه له دور فى حكاية مرات الغفير

فكرت "ياسمين" في كلام "سماح" قليلاً ثم قالت:

-لازم أتأكد بنفسي

-ازای ؟

قالت "ياسمين" فجأة:

-متعرفیش محامی کویس هنا ؟

محامى ؟! .. عايزاه ليه

ـتعرفي بس ولا متعرفيش

-أعرف محامية كويسة .. مرات صاحب "أيمن" عرفنى عليها وهي ست كويسة أوى وشاطرة قالت "ياسمين" بلهفة:

-كويس أوى .. أنا عايزاكى تخلى المحامية دى تحاول توصل للورق اللى فى المستشفى وأنا هديكي اسم المستشفى وأنا هديكي اسم المستشفى واليوم اللى حصلت فيه الحريقه .. وهى محامية يعني أكيد لها طرق توصل بيها للورق ده كمستندات أكيد بتحتاجها فى القضايا بتاعتها .. وشوفى أتعابها وأنا هدفعهالها

قالت "سماح" بشك:

-مش عارفه .. طیب ما تواجهی "عمر"

قالت "ياسمين" بيأس وسخرية:

-أواجهه أقوله ايه ؟ .. أقوله انت زنيت بمرات الغفير اللى كان بيشتغل عندك .. وهو طبعاً هيقولى أيوة .. ويخرب بيته بإيده .. ويهد جوازه بنفسه .. وهو عارف وواثق انى لو عرفت حاجه زى كدة مستحيل أكمل معاه !! .. أكيد طبعاً هينكر يا "سماح" .. انتى مشفتيش "مصطفى" لما والدى كان بيواجهه بخيانته .. فضل يحلف بالله انه مظلوم وان البنت بتفترى عليه .. لحد ما بابا قاله على المحادثة اللى شوفتها بينه وبين البنت دى ساعتها مقدرش ينكر .. لان كان فى معايا دليل.. أنا لو روحت واجهت "عمر" وكان فعلاً هو مذنب .. أكيد هينكر .. ومش بعيد يخفى الشاهد زى ما خفى مرات الغفير .. وساعتها عمرى ما هعرف أوصل للحقيقة أبداً .. وهعيش طول عمرى شاكه فيه

قالت "سماح: "

طيب خلاص هكلم المحامية

-بس خليها تعجل الموضوع يا "سماح" عايزة أعرف في أقرب وقت الورق اللي نسخته معايا ده حقيقي ولا مزور

حاضر .. بس أنا واثقة انه مزور

قالت "ياسمين" بلهفه:

-یاریت یا "سماح" .. یاریت یکون مزور

سمعت طرقات على الباب فأنهت الاتصال مع "سماح" .. فتحت لتجد "عمر" .. قال لها بهدوء

ممكن أدخل

ترددت .. لكنها أفسحت لها الطريق .. دخل وأغلق الباب خلفه .. جذبها من يدها وأجلسها بجواره على السرير .. شعرت بالتوتر .. رفع وجهها لتنظر اليه ثم قال:

-بصى يا "ياسمين" .. ده أول يوم جواز لينا وعايزين نتفق على حاجات معينه .. عشان لسه أدامنا طريق طويل مع بعض

استمعت له "ياسمين" بكل حواسها .. أكمل:

-انتى فى حاجه ضايقتك واحنا بنفطر .. ولما سألتك اتهربتى .. وطلعتى أوضتك .. اللى عايزين نتفق عليه .. هو ان اللى يضايق من التانى فى حاجه لازم يصارحه بيها .. لكنه لو سكت وكتم فى قلبه الأمور هتتعقد مش هتتصلح .. لازم يكون فى بينا وضوح .. بيوت كتير بتتخرب بسبب كده .. يعني كل واحد شايل من التانى فى نفسه وساكت .. مع انه لو اتكلم ممكن أوى المشكلة

تتحل بسهولة

صمت قليلاً ثم قال:

-اتفقنا .. اللي هيضايق من التاني في حاجه يصارحه بيها على طول ؟

أومأت برأسها .. فسألها:

ايه اللى ضايقك واحنا بنفطر؟

طال صمتها وهى تحاول تخير الكلمات المناسبة .. وهو لم يتعجلها .. بل انتظر ردها .. وأخيراً قالت:

-أعادك في البيت لواحدك مع واحدة حتى لو كانت الخدامة .. مش شايف ان دى حاجه غلط؟ بدا وكأنه يفكر في كلامها .. ثم قال:

-أنا معظم اليوم بره البيت .. وهي مبشوفهاش الا وقت ما بتحطلي الأكل .. أو وقت ما بكون عايز أطلب منها حاجه .. البنت دي غلبانه ويتيمه .. وملهاش حد في البلد وعشان كدة خليتها تعد في أوضة جمب المطبخ ..

قالت "ياسمين" بهدوء:

-حتى لو كان الوضع زى ما انت بتقول .. مينفعش تعيش معاك في البيت وانت لوحدك ابتسم قائلاً:

-خلاص مبقتش لوحدى

لم تبتسم .. فقال بجديه:

-أنا مكنتش شايف الموضوع زى ما انتى شيفاه .. أنا اتعاملت مع الأمر ده بطريقة عمليه .. مش أكتر من كده

ثم اقترب منها وقال بخبث:

-هو حبيبي بيغير عليا ولا ايه ؟

شعرت بالخجل لإقترابه منها فوقفت .. فوقف هو الآخر وقال:

-لو تحبي أمشيها وأجيب بدالها واحدة كبيرة في السن مفيش مشكلة

نظرت اليه قائله:

مش عايزة اكون السبب في قطع عيشها

طمأنها قائلاً:

مش هتكونى السبب فى قطع عيشها ولا حاجه .. هخليها تشتغل مع البنات اللى بيشتغلوا فى الأرض و أديها أوضة فى سكن العمال

سعدت "ياسمين" لهذا الإقتراح .. وسعدت أكتر لأنه اهتم بما يضايقها .. ابتسمت له .. فقال بمرح:

-أخيراً الدنيا نورت .. كنتى مضلماها عليا على الصبح

قالت بخجل:

-معلش أنا لسه مش متعودة على الوضع الجديد .. وفي حاجات كتير أنا مستغرباها ومش متعودة عليها

اقترب منها وأمسك كتفيها .. لم تبتعد هذه المرة .. نظر الى عينيها بحب قائلاً:

وأنا نفسى تتعودى بسرعة على وضعك الجديد

أفلتت نفسها من يده فإبتسم .. ثم قال بتحدى:

طيب لو قولتلك دلوقتى أنا مش حابب الوضع ده وعايزك معايا في أوضتى وجوزنا يبقى

حقیقي هتعملی ایه

قالت "ایاسمین" دون تردد ودون أن تنظر الیه:

-انت دلوقتى جوزى وأنا مضطرة أعمل اللي انت عايزه

سألها "عمر: "

حتى لو كان الى أنا عايزه انتى مش عايزاه ؟

فقالت بجديه:

-أيوة لان انت دلوقتى جنتى ونارى .. والمفروض انى أطيعك طالما مش بتطلب منى حاجة تغضب ربنا

ابتسم يطمئنها قائلاً:

وأنا مش هعمل حاجه انتى مش عايزاها

ثم قال:

طیب ممکن ننزل بأه نکمل فطارنا

نزلا معاً وتناولت معه الفطار هذه المرة وهى تشعر بإرتياح أكبر.

بعد الفطار أخذها "عمر" ليريها أرجاء المنزل .. واتفق مع الخادمة أمامها على عملها الجديد .. كانت "ياسمين" سعيدة و هي ترى زوجها يفعل ذلك لإرضائها .. انبهرت بكل شئ في البيت الكبير .. وحكا لها "عمر" قليلاً عن تاريخ عائلته .. وعن جدوده .. وكيف وصلوا من الحضيض الى القمة .. كانت" ياسمين "مبهورة بما تسمع وأعجبت للغاية بتاريخ كفاح جدوده .. وبدا "عمر" معتزاً بجدوده وهو يتحدث عنهم .. لمست جانباً جديداً في زوجها .. وفرحت أن الحديث قربها منه خطوة أخرى

دخلت غرفتها تلك الليلة وهي تشعر براحة أكبر من الليلة الماضية .. رأت حقيبتها التي مازالت لم تفرغها موضوعه على الارض بجوار السرير .. فحملتها ووضعتها على السرير وفتحتها .. أخرجت ملابسها وفتحت الدولاب لتضعه فيه لكنها شهقت في دهشة .. وجدت فستان عرس أبيض اللون .. مرصع ومطرز .. كان شكله يخطف الأبصار .. تركت ما بيدها وتلمسته كان ناعماً للغاية .. أخرجته من الدولاب ونظرت اليه في دهشة .. كم حلمت بإرتداء هذا الفستان الذي حرمت نفسها منه في زواجها الأولى .. لأنها لم تكن تشعر ببهجة العرس .. وضعته مرة أخرى في الدولاب وأنهت افراغ حقيبتها ثم استسلمت للنوم وابتسامة صغيرة مرسومة على ثغرها

فى اليوم التالى اتصلت "كريمه" باعمر" الذى استيقظ من نومه على صوت جرس الهاتف قالت:

-مبروك يا حبيبى عليك انت وعروستك

-الله يبارك فيكي يا ماما

-فین ''یاسمین'' ادیهالی أكلمها

توتر قليلا ثم قال:

-هى مش جمبى دلوقتى .. شوية وهخليها تكلمك

-طيب يا حبيبي .. أنا بس كنت عايزة أقولك اعملوا حسابكوا انى هعملكوا حفلة كبيرة هعزم

```
فيها صحابنا وحبايبنا .. شوفوا انتوا المعاد اللى يناسبكوا الاعمر" بدهشة: حقلة ليه التي التي الله الله حقلة ليه التي التي الله أن بقولك عليه مش كفاية جوزت ابنى الوحيد سكيتي الله اللى حقلة ليه ؟ .. انت تسمع اللى أن بقولك عليه مش كفاية جوزت ابنى الوحيد سكيتي حلاص يا ماما زى ما تحبي .. بس مش دلوقتى يعني سبينا شوية كده انا قولت ان انتوا اللى هتحددوا المعاد اللى يناسبكوا .. بس متتأخروش عايزينها بسرعة عشان كل اللى يعرف انك اتجوز يزعل مننا .. ويفتكر اننا عملنا فرح ومعزمنهوش حاضر يا ماما هشوف "ياسمين" ونحدد معاد خرج "عمر" من غرفته واتجه الى غرفة "ياسمين" .. طرق الباب كثيراً ولم تجب .. فتح الباب خرج "عمر" من غرفته واتجه الى غرفة "ياسمين" .. طرق الباب كثيراً ولم تجب .. فتح الباب
```

خرج "عمر" من غرفته و اتجه الى غرفة "ياسمين" .. طرق الباب كثيراً ولم تجب .. فتح الباب فلم يجدها فى غرفتها .. نزل لم يجدها فى المنزل .. أخبرته الخادمة الجديدة والتى كانت سيدة فى العقد الخامس من العمر أنها قالت انها تتمشى قليلا فى المزرعة .. صعد "عمر" وارتدى ملابسه وخرج .. علم أنه سيجدها هناك .. عند شجرته .. وكان مصيباً .. رأته فابتسمت .. اقترب منها بابتسامه قائلاً:

عرفت انی هلاقیکی هنا

أشارت الى الشجرة قائله:

دی خلاص بقت شجرتی

قال بمرح:

-نعم ؟ .. دى شجرتى أنا .. شجرتك منين

قالت بمرح ممثال:

-أيوة شُجرتى عُندك شجر كتير في المزرعة .. لكن دى حبيتها من أول ما جيت المزرعة ومش بحب أعد الا في ضلها

جلس بجوارها على الجذع وقال:

على فكرة بأه أنا اللي زرعت الشجرة دى

قالت بعدم تصديق:

ـیا سلام .. بجد؟

-أيوة والله أنا اللي زرعتها .. اتأكدتي بأه انها بتاعتي ؟

قالت بعند مازحه:

-ملیش دعوة برده دی شجرتی

طيب وأنا مستعد أخليكي تشاركيني فيها .. زى ما بتشاركيني حياتى

ابتسمت ونظرت اليه قائلة:

-انا شوفت في دولابي فستان .. فستان فرح

ايوة ده فستانك ..

ابتسمت قائله:

وعرفت مقاسي منين ؟

من فستان "ريهام" اللى اديتيه ل "كرم" .. انتى وأختك نفس الطول ونفس الوزن تقريباً .. لو مش مظبوط عليكى قوليلى وأنا أجيب واحدة تعدلهولك

قالت بصوت خافت:

ـما قستوش

```
قال بهمس:
-وأنا مشتاق أوى انك تلبسيه وأشوفه عليكي أكمل هامساً:
-أنا بحبك أوى تلبها مرة أخرى .. اقترب من اللحظة .. نهضت من على الحذع والاحمر السا
```

تسارعت ضربات قلبها مرة أخرى .. اقترب منها أكثر .. فجأة رن جرس هاتفها ليقطع سحر تلك اللحظة .. نهضت من على الجذع والاحمرار يغزو وجهها وقالت بسرعة دون أن تنظر اليه :

-دى "ريهام" هروح أكلمها من البيت

مشت في اتجاه المنزل وهي تحاول تنظيم ضربات قلبها .. ردت على أختها:

" -سمسمة" حبيبتي صباح الخير

-صباح النوريا "ريهام"

ايه أخبارك النهاردة

ـتمام الحمد لله

-مال صوتك .. متوترة كدة ليه .. اخانقتوا ولا حاجه

ابتسمت "ياسمين" قائله بصوت مضطرب:

الأ لأ متخانقناش عادى يعنى

ضحكت "ريهام" قائله:

عینی علیکی بارده

" -ریهام" بطلی

طيب أنا حبيت أطمن بس مكنتش أعرف انى بتصل فى وقت مش مناسب

"ياسمين" بغضب:

" -ريهام" لو مبطلتيش هقفل

استمرت "ريهام" في الضحك قائله:

-أنا اللى هقفل أنا مش فضيالك .. يلا سلام

توجهت "ياسمين" الى المطبخ .. لتعد مع الخادمة طعام الغداء .. أرادت أن تطبخ بيدها .. لترى رأسه فى طعامها .. عاد "عمر" ليجدها فى المطبخ نظر اليها بخبث وغمز يعينه .. احمرت وجنتاها مرة أخرى وتجاهلت النظر اليه .. فقال:

-بتعملی ایه

بحضر الغدا

اقترب منه مبتسماً:

-يعني هتأكليني من ايدك النهاردة

أومأت برأسها مبتسمه .. فابتسمت الخادمة وخرجت من المطبخ .. فنظر اليها "عمر" وهي تغادر ثم التفت الى "ياسمين" قائلاً بمرح:

ـست ذووووق مفیش بعد کده

سألته:

دليه ؟

طبع قلبه على وجنتها قائلاً:

-عشان سابتنى أستفرد بيكي براحتى في المطبخ

حاول معانقتها فهربت منه وقالت:

-لو سمحت اطلع بره .. خلینی أركز

-هو انا يعنى مشتت تركيزك

-أيوة مشتت تركيزي

-طيب هخرج .. ماما هناك وانتى هنا .. وأنا اللي كنت بتريق على بابا لما ماما تطرده من المطبخ .. طلعت مراتى زى أمى

ابتسمت قائله بتحدى:

-بره لو سمحت

قال بلهجة مسرحيه:

-أوامر معاليك يا باشا

خرج .. عادت الخادمة .. فشعرت "ياسمين" بالخجل من نظراتها .. فتمتمت:

-ربنا يخليكوا لبعض .. ويحببكوا في بعض كمان وكمان

وجدت نفسها تردد بقلبها: آمين

-يعنى ابن أخويا يتجوز وأنا آخر من يعلم

هتفت ''ثريا'' بتلك العبارة بغضب فقال ''نور'' يهدئها:

-الموضوع جه بسرعة يا "ثريا" .. ووالد البنت توفى يعنى مكنش ينفع يتعمل فرح أكملت "ثريا" بغضب وكأنها لم ستتمع اليه:

- يعني عشان هي مطلقة ما يتعملش فرح . طيب ذنبه ايه "عمر" ودى أول مرة يتجوز فيها ..

ذنبه ایه یتجوز من غیر فرح

قالت "كريمه: "

-أنا قولتله اننا هنعمله حفلة كبيرة لما يرجعوا ان شاء الله ونعزم الناس كلها

قالت "ثريا" بحده:

بعد ما دخلوا خلاص هنعمل حفلة .. ما كان من الأول .. ولا الهائم كانت متسربعه على الجواز .. ايه مش قادرة تستنى لما دمعتها على باباها تنشف .. ايه ملها ملهوفة على الجواز كده قال "نور" بنفاذ صبر:

-يا "ثريا" قولتلك 100 مرة ان "عمر" هو اللي أصر على الدخله وان مراته تبقى في بيته ثم نهض قائلاً:

-انا قايم اشوف شغلى عن اذنكوا

كان يعلم بأن الحوار مع أخته وهى غاضبه هو ضرب من العبث .. قالت "ايناس" بحقد: -بكرة يزهق منها ويعرف انه عمل أكبر غلطه في حياته .. ويطلقها زي ما اللي قبله طلقها

أصرت "ياسمين" على أن تعد طاولة الطعام بنفسها .. أنهت اعدادها وطرقت باب المكتب .. كانت تنتظر أن يأذن لها "عمر" بالدخول لكنها وجدته يفتح الباب بنفسه مبتسماً .. ابتسمت له

قائلاً:

السفرة جاهزة

توجها الى غرفة الطعام وجلسا معاً .. نظرت اليه لتراقب تعبيات وجهه .. نظر بسعادة الى كل ما أعدته وقال بدهشة:

انتى ساعدتى في كل الأكل ده

قالت بمرح:

قصدك هي اللي ساعدتني

نظر اليها بإعجاب قائلاً:

ده طلعت مراتى شاطرة أوى و أنا معرفش .. أنا قولت أخرك صنية المكرونة بالبشاميل ضحكت قائله:

-آه اللي خدتها من بيت صاحبك وانت نازل

ضحك قائلاً:

-على فكرة ماما كلت منها معايا وعجبتها جداً ..رغم ان ماما مبيعجبهاش بسهوله أكل حد ابتسمت بسعادة وقالت:

-كويس يعنى ماما "كريمه" عجبها أكلى

قال وقد تذكر فجأة:

-صحيح كلمتك النهاردة وسألت عنك .. بس كنت لسه صاحى من النوم وقولتلها انك هتكلميها -خلاص بعد الغدا هكلمها ان شاء الله

قال "عمر" بلهفه:

-طيب يلا لانى واقع من الجوع وريحة الأكل فتحت نفسى على الآخر راقبته "ياسمين" بسعادة وهو يأكل من طعامها بنهم ويشيد به

استيقظت" ياسمين" في اليوم التالى قبل أذان الفجر كالعادة .. توضأت وصلت قيام وانتظرت الفجر .. وقفت في الشرفه .. تراقب الحديقة في الليل .. ابتسمت وهي تتذكر مداعبات "عمر" ومرحه معها .. بعد الفطار جلسا يحتسيان الشاى في الشرفة .. كانت "ياسمين" شارده فسألها "عمر: "

بتفكرى في ايه

انتبهت من شرودها على سؤاله فقالت بتأثر:

" -ريهام" وحشتنى أوى .. طول عمرنا واحنا مع بعض وعمرنا ما افترقنا أبداً

راقب "عمر"تعبيرات وجهها الحزينه ثم قال فجأة:

-تحبي نروح لـ "سماح" و "أيمن" النهاردة

نظرت اليه في دهشة غير مصدقه وقالت:

-بجد ؟ .. ينفع نروحلهم النهاردة

ابتسم وقرب كرسيه منها قائلاً:

-أيوة طبعا ينفع .. أنا عارف ان "سماح" هي أقرب صاحبه ليكي .. وانك بتعتبريها زي "ريهام" أختك .. أكيد لما تشوفيها هتخفف عنك شويه بعد "ريهام"

نظرت اليه "ياسمين" بنظرة امتنان وسعادة ممزوجة ب. الحب .. بادلها نظرتها قائلاً بلهفه

-لو كنت أعرف ان اقتراحى هيخليكي تبصيلى كده .. كنت اقترحته عليكي من زمان انتبهت "ياسمين" فأشاحت بوجهها بخجل .. فقال "عمر" مؤنباً نفسه بمرح: ياريتنى مكنتش اتكلمت .. أهو دايماً كده أقطع اللحظة الحلوة بالكلام اللى ملوش لازمه ده نظرت اليه ضاحكة .. كانت تشعر بأنها استطاعت في اليومين الماضيين أن تقترب منه أكثر .. و هذا الأمر أسعدها للغاية .. كانت تشعر بالراحة والسكينة و هي معه .. كان قلبها يخفق بجنون كلما اقترب منها .. نظرت اليه و هو يتحدث الى هاتفه و هي تبتسم بسعادة وتشعر بان قلبها سار ينبض بحبه

ارتدت ملابسها وخرجت مع "عمر" .. وتوجها الى بيت "أيمن" و "سماح" .. توقف بالسيارة أما البيت وقبل أن تنزل أمسك يدها قائلاً:

" ـ ياسمين" .. مش عايزين نطول أوى .. ماشى .. عشان حابب نخرج سوا ونتعشى بره ابتسمت له وأومأت برأسها .. جلست الفتاتان فى غرفة أغلقت "سماح" الباب ثم نظرت لعلامات السعادة على وجه صديقتها وقالت بسعاده:

ایه اللی أنا شیفاه ده .. عینی علیکی بارده

ضحكت "ياسمين" قائله:

انتی هتعملی زی "ریهام"

ابتسمت السماح المنه اختفت ابتسامتها وكأنها تذكرت شيئاً .. قالت الياسمين: المناهبة ال

ايه مالك ؟

قالت "سماح" محاولة الاتباسم مرة أخرى:

-لأ مفيش حاجة

قالت "ياسمين" بقلق:

-النونو كويس ؟

مسحت "سماح" على بطنها وابتسمت قائله:

-اها كويس الحمد لله

-امال مالك .. وشك اتغير فجأة

بدا على "سماح" بعض التردد ثم قالت:

-لأ متاخديش في بالك

تفرست "ياسمين" في صديقتها ثم قالت:

" -سماح" أنا عارفاكي كويس أوى .. في حاجه انتى مخبياها عنى

تنهدت السماح الوقالت:

-يا بنتى متوهميش نفسك .. أنا بس حسيت بالتعب شوية

قالت "ياسمين" فجأة:

-كلمتي المحامية

نظرت "سماح" الى صديقتها وصمتت .. حثتها "ياسمين" قائله:

" ـ سماح " ردى عليا .. كلمتى المحامية صحبتك

قالت "سماح" بإستسلام:

-أيوة

ووصلت لحاجة ؟

بدا عليها التردد مرة أخرى ثم قالت:

-أيوة

قالت "ياسمين" بحده:

" ـسماح" قوليلى بلاش تعب الأعصاب ده

قامت 'اسماح' وخرجت .. ثم عادت بورقتين وأعطتهم لـ 'اياسمين' .. نظرت' ياسمين' الى الورق في يدها .. هو نفسه الورق الذي أعطتها 'اولاء' نسخه منه

قالت "سماح: "

-قالتلى ان الورق موجود فعلا في ملفات المستشفى وجبتلى النسخة دى .. وكمان ورق متابعة الحالتين شافته بنفسها

كانت "ياسمين" تنظر الى الورق بأعين متجمده .. أكملت "سماح" بأسى:

-أنا كنت ناويه اتصل بيكي وأقولك على الله وصلتله .. بس لما شُوفتك داخله عليا فرحانه وباين عليكي انك مبسوطه اترددت أقولك

نظرت اليها "ياسمين" وهي تغالب دموعها قائله:

ليه اترددتي تقوليلي..

نظرت "ياسمين" الى الورق الذى بيدها .. وقد تجمعت الدموع بعينيها وقالت بصوت مرتجف: الورق ده ميثبتش حاجه .. يعني .. عادى .. "عمر" كان ماشى .. ولقى الحريقه .. وحاول يساعد الست انها تخرج .. والراجل شافه وافتكره كان معاها فى البيت .. لكن "عمر" ملوش دعوة بالقصة دى

ثم اكملت بلحماس وبشفتين مرتجفتين:

" - عمر" بيحب يساعد الناس ..انتى ناسيه اللى عمله مع العامل اللى ايده اتحشرت فى الماكنة .. هو على طول بيحب يساعد الناس .. هو حاول يساعدها .. بس مش أكتر من كده ثم نظرت الى "سماح" بعينين دامعتين قائله:

-صح ؟

نظرت "سماح" الى نظرة الرجاء فى عين صديقتها والتى ترجوها الى موافقتها على كلامها حتى لو بالكذب .. ورغم الشك الذى كان يساور "سماح" الى أنها استجابت للرجاء فى أعين صديقتها الدامعه وقالت:

-صح .. أكيد الموضوع زى ما انتى قولتى

أومأت "ياسمين" برأسها وهى تحاول أن تغالب دموعها ونظرت الى الورق ثم مزقته .. ثم نظرت الى صديقتها قائله بحزم:

-خلاص الموضوع ده اتقفل ومش هيتفتح تانى

ماشى

حاولت "اسماح" التحدث في أمور مختلفة مع "ياسمين" التي جاهدت بدورها للإندماج مع "سماح" وتناسى الموضوع تماماً

خرجت "ياسمين" مع "عمر" وركبا السيارة .. نظر اليها يراقب انفعالاتها قائلاً:

حبيبتي في حاجه ضايقتك

رسمت ابتسامة على شفتيها ونظرت ايه قائله:

-لا أبدآ

-كنت فاكرك هتكونى مبسوطة لما تشوفى "سماح"

-أنا فعلاً مبسوطة .. مبسوطة أوى ابتسم قائلاً:

حبيبتي تحب تروح فين ؟

قالت مبتسمة:

-انا معرفش أماكن فى المنصورة .. ومخرجتش فيها قبل كده .. يدوبك باجى لـ "سماح" بس أوقف "عمر" سيارته على النيل ونزل الإثنان معاً ينعمان بنسمات الليل المنعشة .. ابتسمت "ياسمين" تراقب القمر فوقهما .. شعرت بالخجل عندما ارتطمت بنظرات "عمر" المتفحصة وقالت:

انت على طول بتبصلي كده

-أيوة وهفضل أبصلك كده

قالت بمرح:

-عادى كل الرجالة بتقول كدة في الأول وبعد فترة من الجواز بيتحولوا للنسخة المصريه المعتمده للزوج المصري

ضحك "عمر" حتى دمعت عيناه وقال:

-والله ده في ايد حضرتك .. لو متحولتيش للنسخة المصريه المعتمده للزوجة المصرية فأنا أكيد مش هتحول

ابتسمت قائله:

-قصدك ايه بأه يا بشمهندس بالنسخة المعتمدة للزوجة المصرية

قال بمرح:

-قصدى بأه انك تتحولى لكائن هلامي غير معلوم تفاصيله وتضاريسه بوضوح ضحكت "ياسمين" بشدة فأكمل قائلاً:

-وأفتح باب البيت ألاقى بتصرخي صرخة طرزان وبتجرى ورا الولاد

ازدادت ضحكاتها فأكمل:

-والكبيرة بأه ألاقيكي ناسيه اسمى وبتندهيلى وتقوليلى بابا زى ما الولاد هيقولولى .. ساعتها هروح شايلك انتى وهما و......

نظرت اليه بتحدى .. فإبتسم وأشار لقلبه قائلاً:

وأحطكوا جوه قلبي

قالت متظاهره بالجديه:

ـخلاص وأنا موافقة .. أنا مش هتحول مقابل ان انت كمان متتحولش

اقترب بوجهه منها بشدة قائلاً:

اتفقنا

ذهبا معاً لتناول الطعام فى أحد المطاعم الهادئة المطلة على النيل .. كانت "ياسمين" تشعر بسعادة بالغة وهى جالسه بجوار زوجها .. ترك هاتفه و ميدالية مفاتيحه على الطاولة وذهب الى حمام .. أمسكت الميداليه وتفحصتها .. ابتسمت عندما وجدت القلب الذى يحمل اسمها .. نظرت حولها وأعادت الميداليه مكانها بسرعة قبل أن يعود .. عاد" عمر" ليجدها مبتسمه و احد الرجال على الطاولة المجاورة ينظر اليها .. شعر بغيرة شديده .. تابعته "ياسمين" بدهشة وهو يذهب ويقف أمام الرجل قائلاً:

```
في حاجه ؟
```

التفت الرجل اليه قائلاً:

في ايه حضرتك

ارتفع صوت "عمر" قليلا وقال بغضب:

-أصلك بتبص لمراتى أوى .. فحبيت أعرف يعنى في حاجه ؟

شعر الرجل بالحرج وقال:

انا مبصتلهاش

كانت أعين "عمر" تشعان غضباً ورمق الرجل بنظره صارمة ثم توجه الى طاولتهم وجذب "ياسمين" من يدها وجلسوا على طاولة أخرى بعيدة عن هذا الرجل. طال الصمت بينهما .. ثم فتح "عمر" المنيو قائلاً بهدوء:

-تحبي تاكلي ايه

نظرت اليه تحاول معرفة ما يفكر فيه .. وجدت نفسها تقول بتلقائيه:

-أنا مبصتهلوش على فكرة .. ومكنتش واخده بالى انه بيبصلى أصلاً

نظر "عمر" اليها لتتلاقى نظراتهما .. مرت لحظات .. ثم أمسك كفيها بين كفيه قائلاً بهدوء:

-هو انا قولت انك بصتيله

قالت شارحه:

ـلأ بس أنا خفت تكون افتكرت كده

ابتسم قائلاً:

" - ياسمين" انا عارف كويس أنا متجوز مين

زاد من ضغط كفيه على كفها فابتسمت له فى خجل وقد أسعدها ثقته بها .. طلبا الطعام .. ظلا يتحدثان معاً .. حتى أخذهم الحديث حول قضية الاختطاف .. قال" عمر" بضيق:

مش هرتاح إلا لما يمسكوه

أكدت "ياسمين" قائله:

-أكيد هيمسكوه ان شاء الله

ثم قالت بقلق:

-بس خايفة ميقدروش يثبتوا التهمة عليهم

قال "عمر" بثقه:

-لأ هيقدروا يثبتوها ان شاء الله .. وأصلاً هما أغبية جداً كانوا مكممينك ومغميين عينيكى على أساس متتعرفيش عليهم .. لكن كانوا بيتعاملوا من غير جوانتى .. يعني بصماتهم ماليه البيت قالت الياسمين الوهى تفكر:

ـبس مش ممكن يوصلوا للبيت ده ويمسحوا بصماتهم

قال "عمر" شارحاً:

-البويس رفع البصمات خلاص .. يعنى حتى لو مسحوها هى خلاص اتثبتت فى المحضر .. وكمان البيت أنا أفلته كويس وغيرت الباب لباب حديد يعني محدش يقدر يدخله

انتبهت "ياسمين" لكلماته وقالت بإستغراب:

-ازاى يعني غيرت الباب وأفلت البيت .. وصحاب البيت لما يرجعوا أكيد هيعملولك مشاكل عشان غيرت باب بيتهم

قال "عمر" وهو يكمل طعامه:

ـلأ محدش هيعملى مشاكل بلعت ريقها وقالت بقلق:

ازاى تضمن انهم مش هيعملولك مشاكل

صمت قليلاً .. وبدا وكأنه يفكر .. ثم نظر اليها ليفجر قنبلة في وجهها:

-لأن انا صاحب البيت

شعرت بقلبها وقد توقف عن الخفقان .. وبرئتها وقد شلت على الحركة .. لحظات .. ثم عادت أجهزتها للعمل مرة أخرى لكن بصورة جنونيه .. قالت بصوت حاولت أن يبدو طبيعياً: -يعنى البيت ده بتاعك ؟ .. ملكك ؟

رد بهدوع وهو يبدو شارداً:

ایوة ملکی .. بس مبروحوش کتیر .. روحته کام مرة بس

راقبت وجهه لترى عليه تعبيرات غريبة كمن يتذكر شيئاً يضايقه .. ثم هذ رأسه وكأنه يحاول نفض تلك الذكرى من رأسه .. استأذنت لتذهب الى الحمام .. دخلت الى الحمام وهى ترتعش .. وقفت أمام المرآه تنظر الى وجهها المضطرب .. ونظراتها الشاردة المتوترة .. بيته .. ملكه .. هو صاحب البيت .. البيت الذى زنت فيه زوجة الغفير مع رجل .. ظنت أن "عمر" ليس له علاقة بالبيت وما حدث فيه .. لكنه صاحب البيت .. ومالكه .. لماذا يشترى رجلاً مثله مثل هذا البيت الموجود على أطراف القرية والذى لا يحتوى إلا على فراش ودولاب وبضع الأوانى البسيطة .. ماذا يفعل رجلاً مثله فى هذا البيت الذى قال انه زاره مرات .. لم يذهب اليه الا لسبب واحد .. لكى يلتقى فيه بعشيقته بعيداً عن أعين زوجها .. وبعيداً عن أعين الخدم .. لكم تمنت أن يكون برئياً .. لكم حاولت تناسى تلك الحادثة وتجاهلها وكأنها شيئاً لم يكن .. لكنه أثبت لها .. أنه هو نفسه الرجل الذى زنى بزوجة الغفير فى هذا البيت المحترق .. نظرت الى نفسها فى المرآه لقسط من عينيها دمعة حزينة .. يعقبها شلالاً من الدموع الصامتة.

-أيوة ملكى .. بس مبروحوش كتير .. روحته كام مرة بس راقبت وجهه لترى عليه تعبيرات غريبة كمن يتذكر شيئاً يضايقه .. ثم هذ رأسه وكأنه يحاول نفض تلك الذكرى من رأسه .. استأذنت لتذهب الى الحمام .. دخلت الى الحمام وهى ترتعش .. وقفت أمام المرآه تنظر الى وجهها المضطرب .. ونظراتها الشاردة المتوترة .. بيته .. ملكه .. هو صاحب البيت .. البيت الذى زنت فيه زوجة الغفير مع رجل .. ظنت أن "عمر" ليس له علاقة بالبيت وما حدث فيه .. لكنه صاحب البيت .. ومالكه .. لماذا يشترى رجلاً مثله مثل هذا البيت الموجود على أطراف القرية والذى لا يحتوى إلا على فراش ودولاب وبضع الأوانى البيت السيطة..

ماذا يفعل رجلاً مثله في هذا البيت الذي قال انه زاره مرات .. لم يذهب اليه الالسبب واحد .. لكي يلتقي فيه بعشيقته بعيداً عن أعين زوجها .. وبعيداً عن أعين الخدم .. لكم تمنت أن يكون برئياً .. لكم حاولت تناسى تلك الحادثة وتجاهلها وكأنها شيئاً لم يكن .. لكنه أثبت لها .. أنه هو نفسه الرجل الذي زنى بزوجة الغفير في هذا البيت المحترق .. نظرت الى نفسها في المرآه لتقسط من عينيها دمعة حزينة .. يعقبها شلالاً من الدموع الصامتة

شعرت "ياسمين" وكأن الدنيا قد توقفت من حولها ولا يوجد سوى تلك الحقيقة المره .. وقفت تنظر فى المرآه وهى متألمه مجروحه حائرة لا تدرى ماذا تفعل .. وكيف تتصرف .. أتواجهه .. أتسامحه .. أتبتعد عنه .. لا تدرى ماذا ستفعل .. ليست واثقه من أى شئ .. الشئ الوحيد الذى تثق به .. هو أن زوجها الجالس فى الخارج أجرم فى حقه نفسه وفى حقها وفى حق ربه بجريمة بشعة للغايه .. كفكفت دموعها وغسلت وجهها وعادت الى الطاوله .. تفرس فيها "عمر" .. ثم قال بإهتمام:

مالك يا "ياسمين"

قالت بصوت مبحوح:

۔مفیش

قال بحزم:

-لأ في .. انتي كنتي بتعيطي صح ؟

لم تستطع التأكيد أو الانكار .. صمتت .. أمسك يدها بين يديه الاثنين واقترب منها قائلاً: - حبيبتي ادعيله ربنا يرحمه هو وماما

نظرت اليه .. ليتك تعلم سبب دموعى يا "عمر" .. ليس أبي سببها .. بل أنت .. أنت من قهرنى وجرحنى .. قالت "ياسمين" وقد بدا عليها الضيق:

معلش ممكن نمشى .. عايزة أروح

ركبا السيارة .. وظلت صامته طوال الطريق .. و"عمر" لم يحاول مضايقتها بالحديث .. لكنه ظل يلتفت اليها .. ويتفرس فيها وفى تعبيرات وجهها الحزين .. وصلا الى البيت صعدا معا .. توقفا أمام باب غرفتها .. اقترب منها" عمر "وقبل جبينها ثم قال:

-تصبحى على خير يا حبيبتى .. لو مجالكيش نوم واحتجتى تتكلمى أنا سهران في المكتب دخلت "ياسمين" غرفتها وألقت بنفسها على الفراش بملابسها وانفجرت في بكاء صامت .. بكاء يبكى فيه قلبها قبل عينيها ..لم تدرى كم جلست تبكى .. لكنها لم تتوقف الا عندما لم يعد لديها القدرة على البكاء .. قامت بتثاقل وتوضأت وصلت .. بكت كثيراً في سجودها وهي تتضرع الى الله عز وجل أن ينير لها طريقها .. ويلهمها حسن التصرف .. أنهت صلاتها وجلست على فراشها تفكر .. هي الآن تشعر بأن "عمر" بالفعل مذنب بهذا الجرم .. وأنه أخطأ مع تلك المرأة ..وترى "ياسمين" الآن انه ليس لديها الاطريقين اثنين لا ثالث لهما .. ويجب عليها أن تختار أحدهما .. الطريق الأول هو أن تواجهه ثم تنفصل عنه وتبتعد عنه تماماً .. الطريق الثاني أن تخفى ما عرفته .. وتسامحه .. وتغفر له ما فعل .. لكن السؤال الآن .. هل حبها له كافي لأن يغفر تلك الغلطة .. هل حبها له كافى لأن ترمى هذا الأمر خلف ظهرها وألا تفكر فيه مرة أخرى .. هل حبها له كافي لأن تساعده على التغيير للأفضل وتأخذ بيده وتجعله يسير معها في طريقها .. أم أن حبها له أضعف من أن يتحمل تلك الغلطة التي سبقت معرفته بها .. وقلبها لن يستطيع أن يغفر له أبداً .. هي تعلم أن الحب كلمة لها معانى كثيرة .. من بين تلك المعانى .. التسامح .. وغفران الزلات .. وكلما كان الحب أكبر .. كلما كان التسامح أكبر .. وكلما كان الاحتواء أعمق .. فهل حبها بالفعل كبير ؟ وقوى .. ؟ .. حتى يقف في وجه تلك العاصفه التي تحاصره من جميع الجهات .. ؟

مكثت فى غرفتها الى ما بعد الظهر .. كانت تحاول أن تتحاشي الاجتماع به .. خرجت من غرفتها ومرت بجوار باب غرفته المغلق فأسرعت السير حتى نزلت الدرج .. ليس من المعقول أن يظل

"عمر" نائماً لهذا الوقت فليس هذا من عادته .. لكنها لا تجد أثراً له فى المنزل .. ذهبت الى الخادمة فى المطبخ وسألتها عنه فقالت انها لا تعرف مكانه .. حضرت له الفطار فى الصبح ولم يطلب منها شيئاً آخر .. على قدر ما كنت تشعر بالراحه لعدم رؤياه حتى لا تتذكر ألمها منه .. على قدر ما كانت تشعر بالقلق عليه .. غلبها قلقها .. اتصلت به .. رد عليها قائلاً:

-صباح الخير يا حبيبة قلبي

-السلام عليكم .. صباح النور

وعليكم السلام

-انت فين .. صحيت لقيتك مش موجود

أتاها صوته الدافئ:

وحشتك ؟

خفق قلبها .. وصمتت .. فقالت:

مستخسره حتى تقوليهالى

لم ترد .. فاكمل:

-اما أنا فمش بستخسر فيكي حاجه .. وحشتيني .. وبتوحشيني على طول .. ولولا الشغل اللى في ايدى كنت طرت لحد عندك

أغمضت عينيها وقد آلمتها كلماته .. آلمها حبه الكبير لها .. وهى لا تستطيع أن تبادله حباً بحب .. أرادت أن تسأله ان كان في مكتبه أم خارج المزرعة .. لكنها وجدت نفسها تسأله سؤال آخر تماما:

" -عمر" .. انت بتحبنى بجد ؟

لم تمسع صوتاً .. بل انقطع الخط .. تركت الهاتف من يدها .. وأنبت نفسها على سؤالها .. تمنت أن يكون الخط قد انقطع قبل أن يستمع الى سؤالها .. والذى لا تعلم لماذا سألته أصلاً .. جلست تقرأ احدى المجلات عندما سمعت صوت الباب يُفتح وقفت لتجد "عمر" يدخل ويقف أمامها .. قالت بإستغراب:

" באת "

كانت نظراته تحمل كل معانى الحب والشوق واللهفة .. قال:

جيت عشان أرد أرد على سوالك

تبادلا النظرات لبرهه ثم جذبها الى حضنه .. استسلمت فترة لأحضانه .. ثم حاولت ابعاده عنها .. رفع رأسه ونظر اليها مبتسماً .. قال بصوت حانى:

-عرفتى اجابة سوالك ؟

احمرت وجنتاها وأخفضت بصرها .. حاول رفع وجهها بكفه .. فوقع نظرها على الحرق .. فشعرت بغصه في حلقها .. سألته بصوت مضطرب قليلاً:

من ایه الحرق ده؟

نظر "عمر" اليها يتفرس فيها قائلاً:

دى تانى مرة تسأليني عنه

"ياسمين" وهي تحاول أن يبدو صوتها طبيعياً:

-فضول مش أكتر

قال "عمر" بحزم:

مش هقولك

```
لبه ؟
                                    صمت .. طال صمته .. بدا عليه الضيق .. وأخيراً قال :
                               -لأنك بعيده عنى بما فيه الكفايه .. ولو عرفتى هتبعدى أكتر
    ارتجف قلبها لكلماته التي تؤكد ما عرفته .. أومأت برأسها وحاولت رسم بسمه على شفتيها
                                                                               قائله
                                - يلا عشان متتأخرش على شغلك .. وأنا هستناك على الغدا
                                                                       سألها بإهتمام:
                                                                             فطرتي
                                                                             ـلأ لسه
                                                                           قال بحزم:
                                                                  حالاً .. تفطري حالاً
                                                                            حاضر
                                                                          ابتسم قائلاً:
                                                                         قوليها تاني
                                                                           ایه هی ؟
                                                                             حاضر
                                                                        ابتسمت قائله:
                                                                            _حاضر
                                          مش هتأخر عليكي .. لو احتجتي حاجة كلميني
      ابتسمت له حتى انصرف .. ثم اختفت الابتسامه من شفتيها لتحل محلها عبره في عينيها.
                                                  ********
جلست 'اسماح' مع 'اأيمن' في شرفة منزلهما .. بدا على السماح' التفكير .. قالت لـ 'اأيمن 'ا
                                                          " -أيمن " عايزة أسالك سؤال
                                   بدا عليها وكأنها تحاول تخير كلماتها بعنايه .. ثم سألته:
                                         -هو الحرق اللي في ايد "عمر" .. قديم ولا جديد
                                                          التفت اليها ورفع حاجبه قائلاً:
                                                 -نعم ؟ .. وانتى ايه دخلك بالموضوع ده
                                                               اضطربت قليلاً ثم قالت:
                                   -عادى يعني .. فضول .. "ياسمين" كانت عايزة تعرف
                                                            نظر الى عينيها بحزم قائلاً:
        -مراته عایزة تعرف یبقی تساله .. لكن انتی متسالیش سؤال زی ده عن واحد صحبی
                                                              قالت تحاول تلطيف الجو:
                                     ده سؤال عادى يا "أيمن" يعنى مش سؤال شخصى
```

نظرت اليه قائله:

قال بحزم:

-لأمش عادى .. متسأليش اى حاجه عن أى راجل .. حتى لو كان صحبي .. انت ايه دخلك بالحرق الى فى ايده .. وكمان بتسأليني أنا

ابتسمت قائله:

-هو انت بتغير ؟

نظر اليها بعتاب قائلاً:

-يعني مش عارفه ان أنا بغير .. بغير من مجرد كلامك عن راجل تانى .. وسؤالك عن حاجه تخصه

ضحكت قائله:

-خلاص یا عم مکنش سؤال ده

فى المساء دخلت "ياسمين" الى غرفتها .. استأذنت من "عمر" لتنام مبكره عن كل يوم .. فى الحقيقة لم ترغب فى النوم .. بل كانت ترغب فى الإنفراد بنفسها .. والتفكير .. لم تصل حتى الآن الى قرار .. لا تعرف ماذا تختار .. لا تعرف سوى شئ وحد .. أنها كل يوم تزداد قرباً منه وتعلقاً به .. فإن كانت ستأخذ قرار الإنفصال عليها ان تأخذه الآن .. لأن كل يوم يمر عليها معه .. بل كل لحظه .. تربطها به أكثر .. سقطت عبره من عينيها .. لم تكن تلك العبرة حزينه كباقى العبرات .. بل عبرة شوق .. شوق لزوجها الذى لا يفصلها عنه سوى جدار .. لكم تتمنى ان تلقى بنفسها بين أحضائه .. وتخبره بكل ما يحزنها .. كان حنوناً للغاية .. وهذا جعلها متعطشه للمزيد من هذا الحنان .. دعت ربها أن يكون قد تاب بالفعل .. تمنت أن تشعر بذلك .. بتوبته .. وبصدقها .. ويعزمه على عدم تكرار ما فعل .. عندها ربما تتمكن من مسامحته .. ربما تتمكن من نسيان ما ويغزمه على عدم تكرار ما فعل .. عندها ربما تتمكن من مسامحته .. ربما تتمكن من نسيان ما حدث .. تنهدت ونهضت لتغير ملابسها .. كانت شاردة .. تعاملت مع سوسته العباءة بعنف حتى حدث .. تنهدت ونهضت لتغير ملابسها .. كانت شاردة .. تعاملت مع سوسته العباءة بعنف حتى كسرتها .. زفرت فى ضيق .. حاولت فتحها فلم تستطع كانت قوية للغاية .. نظرت للقطعة للمقطوعة فى يدها بضيق .. خرجت ونزلت الدرج لتقابل "عمر "وهو صاعد الى غرفته .. قال لها:

-انتی لسه منمتیش

قالت بإرتباك:

-أيوة .. هنام دلوقتى

سألها بعتاب:

-طالما كنتى سهرانه مجبتيش أعدتي معايا ليه

صمتت لم تجد ما تقول .. قال بضيق:

-براحتك .. تصبحي على خير

صعد الى غرفته .. نزلت وذهبت الى المطبخ للبحث عن الخادمة .. لم تجدها .. نظرت الى باب غرفتها المغلق .. ثرى هل نامت أم لا .. كادت أن تطرق عليها الباب لكنها أشفقت عليها أن توقظها بعد يوم متعب من أجل سوسته العباءة .. صعدت فى ضيق الى غرفتها وظلت تحاول فتحها دون جدوى .. حاولت البحث عن مقص فلم تجد .. خرجت لتنزل للبحث عن مقص .. لم يكن أمامها حل الاقص العباءة .. قابلت "عمر" مرة أخرى وهو يدخل غرفته ويحمل كوب من

```
الشاى .. قال بإستغراب:
                                                                   -مالك في ايه ؟
                                                                   قالت بإضطراب:
                                                                          مفیش
                                         همت بأن تنزل الدرج لكنها التفتت اليه لتقول:
                                                             مفيش عندك مقص ؟
                                                                    قال بإستغراب:
                                                            اه عندی .. عایزاه لیه
                                                                  قالت بنفاذ صبر:
                                                                 -عايزاه وخلاص
                                                                      ابتسم وقال:
                                            مش هجيهولك الااذا قولتيلى عايزاه ليه
                                                                      قالت بضيق:
                                                           قولتلك عايزاه وخلاص
                                                -كنت بهرج معاكى .. لا مفيش مقص
        زفرت بضيق .. نظر اليها .. حزمت امرها وقالت بسرعة وكأنها تخشى أن تتراجع:
                                                  " ـ عمر " ممكن تفتحلي السوسته
                                                   لمعت عيناه بخبث .. فقالت بتوتر:
-اتكسرت وبقالى ساعة مش عارفه اغير هدومى .. نزلت لقيت الست اللي بتشتغل هنا نايمة
                                                              وصعبت عليا أصحيها
                                                                       قال بهدوء:
                                                                وأنا روحت فين ؟
     دخل غرفته وضع كوب الشاى ثم خرج والتف حولها .. التفتت تنظر اليه وقالت بجديه:
                                                   افتحها فتحه صغيره وأنا هكملها
                                                                      ضحك قائلاً:
                                                                    -ماشی حاضر
                                         رفع يده فالتفتت مرة أخرى تنظر اليه محذره:
                                                                     حته صغيره
                                                        كتم ضحكته بصعويه وهتف:
       -اللي يسمع كده يقول انك جايبه واحد من الشارع يفتحلك السوسته .. صبرني يارب
                                                              طال انتظارها .. قالت:
                                                                      ـها خلصت
                   -لألسه .. انتى قفلتيها ازاى .. قفلتيها على القماش .. وكمان قطمتيها
                                               قالت بنفاذ صبر وهي تحاول ان تبتعد:
```

أثناء محاولته .. وقع نظره على السلسله في عنقها .. لمسها بيده وأخرجها .. التفتت تنظر اليه

ـخلاص مش مشكلة هقصها

لم يسمح لها بالابتعاد وقال:

استنی هماول تانی

.. ابتسم عندما رآى القلب معلق في نهاية السلسله .. نظر اليها بحب قائلاً:

لبساها من يوم ما اديتهالك ؟

أومأت برسها قائله:

-أيوة

ظل ممسكاً بالقلب وهو ينظر اليها .. شعرت بالتوتر حاولت أن تبتعد .. لكنه كان يطبق على السلسلة بقوة .. نظرت اليه .. غاصت في بحر عيناه اللاتان تحتويانها في صمت .. اقترب منها أكثر .. ولدهشتها لم تعترض .. شجعه هدوئها على الاستمرار .. لاحت لها صورة أفزعتها .. صورة زوجها في احضان امرأة أخرى .. وألقى الشيطان بأسئله مقزز في عقلها .. ترى هل كان يقبل تلك المرأة مثلما تراه شغوفاً بها الآن .. يكم استمرت علاقتهما .. هل كان يحبها أم كانت مجرد علاقة عابرة .. فتحت عينيها لعل تلك الصورة تختفي .. لكن هيهات .. فالصورة لم تكن في عينيها .. بل في عقلها .. شعرت بالقشعريرة تسرى في جسدها وهي تتخيل زوجها في أحضان اخرى .. أخرى متزوجه تخون زوجها معه .. أبي الشيطان الا وأن يبث سمومه في قلبها .. انتفضت .. وانزوت بنفسها تحاول أن تبتعد عن يده .. انتفض قلبه لانتفاضتها.. نظر اليها نظر دهشة ممزوجة بالألم والغضب .. ثم

للدرجة دى مش طيقانى ؟

نظرت اليه بألم قائله:

-أنا أسفه

ابتعد عنها وقال في غضب:

-قولى انك مش قادرة تنسيه .. مش قادرة تنسي المصطفى ال

شعرت بكلماته وكأنها خنجر يطعن قلبها المكلوم .. التفت ونزلت الدرج بسرعة .. وتوجه الى مكتبه ثم سمعت صوت الباب يغلق بقوة .. عادت الى غرفتها وجلست على فراشها .. كانت حزينه حائرة متألمة .. ترغب في مسامحته .. لكن الأمر شاق عليها .. كيف تمنع عقلها من التفكير فيما فعل .. مضت أكثر من ساعة جالسه مستغرقة في التفكير .. أكثر ما آلمها هو أنه غضب منها .. تعلم جيداً انها لا يجب أن تنام وزوجها غاضب عليها .. تعلم جيداً ان من تمنع نفسها عن زوجها بغير عذر تظل الملائكة تلعنها حتى تصبح .. ارتجفت لقساوة تلك الكلمات التي تعرفها جيداً

فتحت باب الغرفة وخرجت تبحث عنه .. لم يكن ما يحركها هو خوفها من لعن الملائكة فحسب .. بل حبها له .. وحزنها لأنها أغضبته .. نظرت الى باب غرفته المفتوح .. وكوب الشاى الذى برد .. علمت أنه فى المكتب لم يخرج .. نزلت ببطء .. طرقت باب المكتب بهدوء .. لم تسمع صوتاً يدعوها للدخول .. وقفت .. ترددت .. لكنها أخيراً عزمت أمرها وفتحت الباب .. أطلت برأسها لتجد "عمر" جالساً على احدى الأرائك وبيده ألبوم صور .. رفع رأسه ليلقى عليها نظرة لا مباليه وكأن وجودها لا يعنيه ثم عاد ليقلب صفحات الألبوم .. دخلت "ياسمين" وأغلقت الباب خلفها .. جلست على الأريكة التى يجلس عليها لكنها تركت بينهما مسافة .. لم تعرف ماذا تقول .. هرب منها الكلام .. كانت تشعر بأحاسيس كثيره متناقضة .. كان مازالت يطالع الألبوم فى يده .. قالت دون ان تنظر اليه:

-أنا مبفكرش أبداً في "مصطفى "

نظر اليها بغضب وحده .. نظرت اليه وأكملت:

-أنا أصلا مكنتش بحبه يا "عمر" .. عمرى ما حبيته أبداً

رقت نظراته قليلاً فأكملت:

-أنا مكنتش أعرفه قبل الخطوبة .. هو شافني واتقدملي .. كانت أول مرة أشوفه يوم ما اتقدملي

.. واتخطبنا على طول .. واتجوزنا على طول .. واتخطبنا على طول .. واتخطبنا على طول ...

ترك الألبوم من يده واعتدل في جلسته .. ساد الصمت لفترة .. ثم قطعه قائلاً:

-یعنی عمرك ما حسیتی بحاجه ناحیته

هزت رأسها بقوة قائله:

٧_

تفرس فيها قائلاً:

ولا مرة ؟

قالت بثقه:

ولا مرة

أكملت قائله:

-لما بفتكره مش بفتكره على انه جوزى خالص .. بفتكره على انه واحد غريب .. عمرى ما قدرت أفهمه .. ولا عايزه أفهمه

أومأ برأسه وقد فهم ما قالت .. قال بهدوء:

-أنا اسف على اللي قولته

قالت بأسى:

وأنا اسفة على اللي عملته

نظر اليها بصمت فأكملت قائله:

" - عمر" .. أنا كنت طول عمرى فى حالى .. عمر ما كان ليا علاقات بحد .. حتى صحابي أيام الكلية كانوا معدودين على الصوابع .. لانى مش برضى أصاحب أى حد .. مبصحبش غير البنت اللى بثق فيها وبحس انها شبهى .. ومفيش منهم غير "سماح" هى اللى علاقتنا متقطعتش من أيام الجامعة.

نظرت اليه بألم وحيرة قائله:

-يعني اللى عايزة أفهمهولك .. انى معنديش خبرة فى أى حاجه .. وحسه ان فى حاجات كتير أول مرة أتعرضلها .. ومش قادرة أحكم على مشاعرى صح .. حتى أفكارى حساها مشوشة اقترب منها وجذبها الى حضنه .. ثم قال:

-أنا آسف انى اتسرعت

رفعت رأسها لتنظر الى عينيه قائله:

-لأ انت متسرعتش . بس في حاجات كتير جوايا محتاجه أظبطها الأول

أمسك كفيها بيده وقال:

طيب ليه ما تتكلميش معايا في الحاجات اللي جواكي دي .. ونظبطها سوا

ابتسمت قائله:

-اوعدك .. انى هحاول أعمل اللى انت بتقوله .. وانى فعلا أقولك على كل اللى جوايا .. أنا بس

```
محتاجة وقت
تبللت عيناها
-المهم بس ا
```

تبللت عيناها بالدموع ونظرت اليه برجاء قائله بصوت أوشك على البكاء:

-المهم بس انت متزعلش منى . أنا مش عايزاك تزعل منى يا "عمر" . انا عارفه انى تعباك معايا . بس حاول تفهمنى ومتزعلش منى

أمسك وجهها وقبل جبينها قائلاً بجديه:

-طيب مُمكن تبطلى عياط .. مش عايز أشوف دموع في عنيكي أبداً .. وأنا مش زعلان منك .. ومش ممكن أزعل منك .. ومش ممكن أزعل منك .. لكن طالما انتى معايا خلاص .. هصبر لحد ما انتى اللي تقوليلي أنا بحبك يا" عمر"

ابتسمت له .. وقالت وهي تنظر الي عينيه:

انت حنین أوی علی فكرة

ابتسم لها .. فأكملت:

وطيب أوى .. ومريح أوى .. وراجل أوى .. وشهم أوى ..

اقترب برأسه منها حتى أسند رأسه على جبينها قائلاً:

طیب اسکتی بأه بدل ما تشوفینی مجنون أوی

تلاقت أعينهما وابتسامتهما .. اعتدلت في جلستها قائله:

بما انها جلسه مصارحه فأحب أسألك سؤال

أجاب مبتسماً:

،باب مبدد -اسالی

قالت بهدوع:

- يعنى انا عارفه انك كنت خاطب قبل كده

صمتت لتراقب تعبيرات وجهه الساكنه .. ثم أكملت:

- يعني اللى سمعته انها كانت مختلفة عنى .. حتى ماما "كريمه" قالتلى كده

أومأ برأسه دون أن يتكلم .. فأكملت:

لیه ؟

ایه اللی لیه ؟

ليه اخترتها ؟

صمت وبدا عليه التفكير .. ثم نظر اليها قائلاً:

-اخترتها لانى كنت فاكر انى ممكن أغيرها .. بس هى كانت بعيده أوى أوى عنى .. بعيده بعد صعب انى أقربه .. خطوبتى ليها كانت من اكتر الحاجات اللى ندمت عليها فى حياتي تفرست الياسمين الفي وجهه تراقب تعبيراته وقالت:

في حاجات كتير ندمت عليها ؟

بدا ليه التفكر ثم قال:

-مش كتير أوى .. بس أى انسان عنده غلطات قاتله أكيد بيندم عليها

شعرت بالألم يغزو قلبها .. اقتربت منه .. اندهش عندما وجدها تمسك يده بيدها .. نظر اليها فقالت بحنان:

-المهم اننا نندم فعلاً على الغلطة دى ونستغفر ربنا كتير عشان يغفر هالنا .. ومنكررش أبداً تانى مهما حصل

قال بهدوء:

```
-صح كلامك مظبوط
```

سألته بلهفه:

- يعنى انت ندمت على الغلطات دى

أوما براسه:

ايوة ندمت

ابتسمت .. شعرت بالراحة تسرى في كيانها .. قالت له بحماس وبأعين دامعه:

-ان شاء الله ربنا هيغفرلك .. اللي بيتوب بجد ربنا بيغفرله ويمسح الذنب ده من صحيفته يوم القيامه

رق قلبه وهو يرى دموعها المتساقطه .. مسحها بأصابعه ونظر اليها بحنان جارف وقال بصوت مرتجف:

-انتی حبیبتی بجد .. أنا بحبك أوی .. عمری ما تخیلت ان واحده تعیط من خوفها علیا بسبب ذنوبی .. انتی حنینه أوی یا "یاسمین" .. أنا بحبك أوی

استيقظت "ياسمين" من نومها على صوت جرس الهاتف الذى تضبطه على صلاة الفجر .. نهضت لتجد نفسها فى غرفتها ومدثرة بغطائها .. كيف صعدت الى هنا .. ابتسمت وهى تتخيل نفسها محموله بين ذراعى "عمر" .. نهضت من فراشها وتوضأت .. ذهبت الى غرفته وطرقت الباب .. وقت طويلاً .. أخيراً فتح الباب وهو ناعس العينين قائلاً بمرح:

-في واحدة محترمة تخبط على باب أوضة جوزها الفجر

ضحكت وقالت:

اله عشان تصحيه يصلى الفجر

ابتسم وهو يفتح عينيه بصعوبه قائلاً:

ماشى هعديها المرة دى ..

نظر الى ما كانت ترتديه ثم قال بخبث:

-هو انتى لسه مفتحتيش السوسته

ابتسمت بخجل قائله:

-لأ ولا لاقيه مقص

قال وكأنه يفكر:

مممممم طيب وهنعمل ايه في المشكلة دي

-عادى بكرة هسأل الست اللي بتشتغل هذا على مقص

نظر اليها قائلاً:

-طیب تعالی أحاول تانی

قالت بسرعة:

٧_

ضحك بشدة قائلاً:

-يا بنتى هحاول أفتحتلك السوسته

قالت باسمه:

ـلأ هتصرف أنا قال بعند:

طيب محدش فتحهالك غيرى

اقترب منها ولفها .. دقيقه وكانت المشكلة قد حُلت .. فالتفتت بسرعة قائله:

-خلاص كفاية .. هكمل أنا

اتسعت ابتسامته ونظر اليها وعيناه تلمعان من البهجه .. قالت بإهتمام:

متنساش تصلى قبل ما تنام .. تصبح على خير

تابعها بنظره قائله:

وانتى من أهل الخير يا حبيبتى

دخلت وأغلقت الباب و ابتسمت بسعادة وقد أيقنت أنها أصبحت تحب زوجها بشدة .. بل تعشقه بجنون..

فى الصباح سمعت طرقات على باب غرفتها .. نهضت وفتحت الباب لتجد الخادمة تخبرها بأن العمر السنقل الأسفل لتفطر معه

دخلت الحمام وأخذت دشاً .. احتارت فيما ترتدى .. هل ترتدى عباءة كما هى عادتها .. أم .. اختارت فستان طويل .. مثل الدريل .. بنصف كم .. لم تربط شعرها للخلف هذه المرة بل تركته حراً .. كان لديها شعر أسود اللون فاحماً .. ذو مظهر صحى جذاب .. به موجات تعطيه انسيابيه رائعه .. وضعت أيضاً حكلاً .. وبرفيوم تحبه .. نظرت الى نفسها فى المرآه .. ثم نزلت .. دخلت غرفة الطعام وهى تشعر بالخجل من التغيير الذى أحدثته فى نفسها .. نظر العمر الليها متأملا لا يرفع عيناه عنها حتى جلست قائله:

-صباح الخير

ابتسم وقال:

-صباح النور .. هو احنا ملنا حلوين أوى النهاردة كده

ابتسمت بخجل و قالت:

-يلا عشان نفطر عشان متتأخرش على شغلك

اقترب منها هامساً:

انا مستعد ألغى الشغل خالص على فكرة

ضحكت .. سعد "عمر" للغاية من التغيير في مظهرها أولا .. ومن ابتسامتها العذبة التي ظلت محتفظة بها طيلة جلوسها .. في المساء انشغلت "ياسمين" بسقى الزرع في الشرفة في حجرة المعيشة .. اقترب منها "عمر" قائلاً:

انا طالع انام .. هتسهرى

التفتت قائله:

-لأ .. هسقى الزرع ده بس وأطلع انام

قبل خدها قائلاً:

-تصبحی علی خیر

هم بالانصراف ثم التفت قائلاً:

متنسيش تصحيني الفجر

ابتسمت له .. فصعد الى غرفته .. بعدما أنهت الياسمين العملها صعدت هى الأخرى الى غرفتها .. اقتربت من فراشها لتجد على وسادتها ورقة وزهرة ياسمين .. أمسكت الزهرة واستنشقت عبيرها المنعش .. وفتحت الورقة والابتسامه على ثغرها .. لتجدا عمر الكاتب فيها:

كم هي صعبة تلك الليالي التي أحاول أن أصل فيها إليك أصل إلى شرايينك أصل إلى قلبك إلى قلبك كم هي شاقة تلك الليالي كم هي صعبة تلك اللحظات كم هي صعبة تلك اللحظات التي أبحث فيها عن صدركِ ليضم رأسي

خفق قلبها واضطربت نبضاته .. أشعرتها تلك الكلمات كم هى قاسيه على حبيبها .. على زوجها .. ارتجفت أصابعها التى تمسك بالورقة .. قرأتها مرة أخرى وقد تأثرت بها بشدة .. تركت الورقة والزهرة وتوجهت الى غرفته .. طرقت الباب .. لحظات قليله وفتحه .. نظر اليها .. وعلامات التأثر على وجهها .. قالت بصوت مضطرب:

-أنا آسفة

قبل جبينها قائلاً وبسمة حانية على ثغره:

ولا يهمك يا حبيبتي

نظر اليها "عمر" نظره صارمة باردة خاليه من أى شعور وقال بصوت هادر:

احنا لازم نتطلق یا "یاسمین"

صدمت عندما سمعت تلك الكلمة التى فكرت فيها مراراً.. لكن عندما خرجت من فمه علمت كم هي كلمة مريرة .. تجمعت الدموع في عينيها وهي تنظر اليه بحسرة وألم.

)فلاش باك قبل يومين(

في الصباح تقابل الاثنان على طاولة الطعام .. جاءه اتصال من "كريمه" قائله:

-اعمل حسابك اننا منتظرينكوا النهاردة .. "علاء" جه من السفر .. وعمتك زعلانه منك جداً عشان مستقبلتوش

قال "عمر" بنفاذ صبر:

-هى عمتو مش عارفه ان أنا عريس ولا ايه

قالت "كريمه" بهدوء:

-ما هنا بيتكوا برده يا "عمر" وانتوا ليكوا في الفيلا جناح خاص بيكوا يعنى أكنكوا عايشين

لوحدكوا برده .. ومتنساش انك اتجوزت من غير ما هى تكون موجودة .. معلش يا حبيبى تعالى بس طيب خاطرها بكلمتين ولو عايزين تسافروا تانى سافروا ..بس بعد الحفلة اللى هنعملهالكوا ان شاء الله

امتى الحفلة دى

-بعد 10 أيام بالظبط ان شاء الله

ماشى خلاص هتكلم مع "ياسمين" وان شاء الله هكلمك أأكد عليكي يا ماما

أنهى "عمر" مكالمته والتفت الى "ياسمين" قائلاً:

ماما عيزانا ننزل القاهرة عشان عمتو وكمان ابن عمتو جه من السفر .. ده غير الحفلة اللي قولتلك انها عايزه تعملهالنا .. ايه رأيك ؟

قالت الياسمين: ال

مفيش مشكلة .. نسافر النهاردة لو تحب

ابتسم قائلاً:

حابب كمان أوريكى المكان اللى هنعيش فيه .. وبعدين ممكن بعد الحفلة نسافر أى مكان انتى تختاريه .. قولتى ايه

ابتسمت قائله:

ـتمام .. اتفقنا

أنهيا طعامهما وأخذها "عمر" الى المنصورة .. لشراء ملابس جديدة وبعض الأغراض لها .. رغم اعتراضها لكنه أصر توقف بسيارته أمام احد المولات قائلاً:

مش عایزك تعملی فرق بینی وبینك دلوقتی انتی مراتی وملزمة منی .. بلاش الحساسیة الزایدة دی یا "یاسمین" لو سمحتی

قالت بحرج:

مش حساسية ولا حاجه بس أنا عندى لبس كتير

-وايه المشكلة .. وبعدين انتى عروسة .. ولازم تلبسي جديد

قالت بحرج وضيق:

-المفروض انا اللَّى أشترى لنفسي .. وبعدين أنا عندى هدوم كتير بتاعة جهازى سيباها في القاهرة لما نروح هناك

ققاطعها "عمر" بغضب مكبوت:

-الهدوم دى تولعى فيها .. ترميها .. تتبرعى بيها .. لكن مش عايزك تلبسيها أبداً

نظرت اليه وقد فهمت سبب غضبه .. غيرته .. فقالت:

ـخلاص مفیش مشکلة هتبرع بیهم

قال وقد هدأ قليلا:

طيب يلا عشان نخلص بسرعة ونرجع نجهز الشنط عشان منسافرش متأخر

ركبت "ياسمين" في السيارة وانتظرت "عمر" الذي يحضر الشنط من البيت .. التفتت فوجدته وقد أحضر شيئاً يبدو كفستان طويل مغلف .. ركب بجوارها فقالت له:

ايه اللي انتي حطيته في الشنطة دة ؟

ابتسم وقال:

فستان فرحك قالت بدهشة:

ـبس يا "عمر" الفستان مكشوف خالص مستحيل ألبسه أدام حد ولا حتى هعرف ألبسه أدام ستات

نظر في عينيها واقترب منها قائلاً:

مش هتلبسیه أدام حد .. هتلبسیه لیا أنا

ابتسم كل منهما للآخر وانطلق في طريقه الى القاهرة .. ذكرته "ياسمين" قائله:

_متنساش تقول دعاء السفر

صمت "عمر" قليلا ثم نظر اليها قائلاً:

انتي حفظاه ؟

_أيوة

طيب قوليه وأنا هقوله وراكى

وصلا الى القاهرة بعد ثلاث ساعات .. عبر "عمر" بسيارته بوابة الفيلا .. شعرت "ياسمين" بالإنبهار .. نعم كانت تعلم مدى ثراء زوجها وأهله .. لكن الأمر فاق تصورها .. شعرت بالإضطراب والرهبة .. ألقت نظرة على زوجها الذى يقود بهدوء لا يدرى شيئاً عما يدور بداخلها .. نزلت من السيارة لتلقى نظرة على الفيلا من الخارج وعلى الحديقة المحيطة بها .. قطبت جبينها وهى تشعر بمشاعر كثيرة مختلطه .. أمسك "عمر" بيدها وتفرس فيها قائلاً:

قالت بسرعة:

ـلا أبدأ

المال مكشرة ليه ؟

حاولت الابتسام:

-لأ مش مكشرة ولا حاجه .. يمكن بس تعبت شوية من السفر

قال بحنان:

متقلقيش هنسلم عليهم ونطلع أوضتنا ترتاحي شويه

دخلا الفيلا .. فإزداد انبهارها واضطرابها .. كانت رائعة التصميم .. شعرت بضآلتها وسطكل هذا الترف .. وهذا الشعور ضايقها للغاية .. حاولت ازالة تعبير الضيق من وجهها .. استقبلتهما "كريمه" بالترحاب قائله:

حمدالله على السلامة نورتوا القاهرة

عانقتها "ياسمين" .. كم تحب هذه المرأة الطيبة .. كانت تشعر معها بالراحة وكأنها تعرفها منذ زمن .. قالت "ياسمين: "

الله يسلمك يا ماما .. أخبار حضرتك ايه

بخير يا حبيبتى الحمد لله .. يلا يا "عمر" خد مراتك تغيروا هدومكوا وترتاحوا شوية على ما باباك وعملتك ييجوا ونجهز السفرة

صعدت "ياسمين" مع "عمر" وهي تنظر الى كل ما حولها برهبة .. أمسك "عمر" بيدها فإطمئنت قليلاً .. التفت اليها قائلاً بحنان:

-الجناح بتاعنا ده محدش هيدخله غيرنا يعني تقدرى تعتبريه مملكتك الصغيرة .. مملكتى أنا وانتى وبس

أدخلها "عمر" وتركها تتفحص ما حولها بعينيها ثم سألها قائلاً:

-ها عجبك ؟

أومأت برأسها قائله:

طبعا عجبني

خطرت في بالها سؤال فقالت:

انت جهزت کل ده امتی

صمت قليلاً وبدا متردداً ثم قال:

انا كنت مجهز كل حاجه من زمان .. يعنى....

صمت .. ففهمت .. جهزه من أجل خطيبته الأولى .. شعرت ببعض الضيق .. لاحظ "عمر" ذلك فقال بسرعة:

-لو تحبي نغير كل الأثاث وكل الديكور معنديش مشكلة .. أحنا جوازنا جه بسرعة وملحقتش آجي هنا وأغيرلك كل حاجه

قالت له بصوت خافت:

-انت اللي اخترت الديكور والعفش ولا اخترتوه سوا ؟

قال بسرعة:

-لأ أنا اللي اخترته .. حتى هي مشافتوش

شعرت بالارتياح فإبتسمت له قائله:

ـخلاص طالما ذوقك مفيش مشكلة

_متأكدة

ايوة متأكدة

أخذت "ياسمين" دشاً وارتدت ملابسها .. واستعدت مع "عمر" للنزول للأسفل .. نزلا ليجدا مدام "ثريا" قد وصلت بصحبة ابنها "علاء" و ابنتها "ايناس .. "كان الترحيب بها بارداً جافاً .. وهي أيضاً لم تظهر الحماس في السلام عليهم .. لكنها فوجئت بإيناس تندفع اتجاه "عمر" قائلاً.

" -عمر " حبيبي وحشتني أوى

أشاحت "ياسمين" بوجهها وهي ترى تلك المرأة مقبلة الى أحضان زوجها .. لكنها دهشت عندما سمعت "عمر" يقول:

میصحش کده یا "ایناس"

التفتت الياسمين التجده ممسكاً بذراعيها يبعدها عنه

وقفت "ايناس" قائله بغيظ:

ما طول عمرنا بنسلم على بعض كده

قال بحزم:

_معدش ينفع

ألقت "ايناس" نظرة حقد على "ياسمين" فتجاهلتها "ياسمين" تماما

جلس الجميع الى طاولة الطعام .. ضايقها جلوس "علاء" فى مواجهتها .. وذلك بسبب تفرسه فيها .. وشعرت بالحرج من أن تطلب من "عمر" تغيير مكان جلوسها .. فالجميع يراقب حركاتها وسكناتها .. لم تستطع تناول شئ أمام نظرات هذا الرجل المتفصحه .. لم تشترك معهم فى الحديث لكنها كانت تجيب اذا ما وجه اليها "نور" أو "كريمه" سؤالاً .. قال "علاء" فجأة: انت مكلتيش حاجه من ساعة ما أعدتى .. عماله بس تلعبى بالمعلقة فى طبقك شعرت بالضيق من كلماته التى تشى بمراقبته لها كما كانت تشعر .. شعر "عمر" كذلك بالضيق

. أكمل "علاء" موجهاً كلامه اليها: على فكرة احنا زمايل مهنة واحدة .. أنا كمان دكتور بيطرى .. بس مليش فى شغل الفيلد زيك لم تتكلم .. ولم تنظر اليه .. قالت "ايناس" بخبث وحقد وهى ترمقها بنظرات غير مريحه: -شتان ما بينك وبين "نانسى" يا "ياسمين" .. انتى مشوفتيش "نانسي" قبل كده صح ؟ .. كانت مزه وزى القمر

نظر اليها "عمر" بصرامة .. شعرت "ياسمين" بالتوتر والضيق .. قال "عمر" بحزم: -ايه لزمة الكلام ده يا "ايناس" ؟

قالت ببرود:

عادی یا "عمر"

قال بغضب:

ـلأ مش عادى .. السيرة دى مش عايزها تتفتح تانى

شعرت "ياسمين" بمزيج من الغضب والحرج .. وما زاد الطين بله .. أن "علاء" نظر اليها بجرأة وقال:

-هو "عمر" اختياره المره دى مختلف .. بس بصراحه يدخل المزاج

هنا هب "عمر" واقفاً وأزاح الكرسي بعنف .. كان "علاء" لا يترك فرصة إلا ويستفز فيها "عمر" .. بسبب شعوره تجاهه بالغيره منذ الصغر .. وكان قد فعل بالمثل مع "نانسي" التى أعجبها اطراءه .. أما "ياسمين" فرد فعلها كان مختلفاً .. ظهر على وجهها علامات الغضب والضيق .. التفت "عمر" الى "علاء "قائلاً:

لما تبقى تعرف تتكلم بإحترام مع مراتى هبقى أعد معاك على سفرة واحدة وأمسك "ياسمين" من يدها وجذبها وصعدا الى غرفتهما .. قال "علاء" بغرور:

ماله ده حد جه جمبه

قال النورا بغضب:

-انت مش شایف ان اللی انت عملته ده میصحش یا "علاء" .. یعنی ایه تقولها کده .. وانت عارف ابن خالك غیور أد ایه

قالت "علاء" بحنق:

-هو اللى معقد زيادة عن اللزوم .. أنا قولت كلمة عادية ومكنش قصدى بيها حاجه

نهضت "كريمة" وذهب المطبخ لتطلب من الخدم ارسال الطعام الى "عمر" و" ياسمين" بالأعلى .. نظرت "ياسمين" الى "عمر" الغاضب .. اقتربت منه وحاولت امتصاص غضبه قائله:

متضایقش نفسك یا "عمر"

نظر اليها وجذبها من يدها وأجلسها بجواره على الأريكة وقبل جبينها قائلاً:

انا اللى آسف انى عرضتك لكلامه ده .. وانتى أعدتك أدامه على السفرة .. معلش غلطة ومش هتتكرر

اقتربت أكثر من زوجها وابتسمت وقالت:

عارف .. أنا بحب غيرتك دى أوى

التفت اليها وقد اختفت علامات الغضب من وجهه لتحل محلها نظرات حب وشغف في عينيه وقال:

يعني غيرتى دى مش بتضايقك ولا بتخنقك

قالت مؤكدة:

-بالعكس .. أنا أحب ان جوزى يبقى غيور عليا كدة

أوشك على تقبيلها عندما سمع طرقات على الباب .. وجد الخادمة وقد أحضرت الطاعم .. التفت الى "ياسمين" قائلاً:

حماتك مهنش عليها ننام جعنين

قالت بمرح:

ماما "كريمه" دى مفيش زيها

سألها بإهتمام:

_يعني حبيتيها

قالت بحماس:

جداً .. بجد حبيتها أوى .. بحس انها طيبة أوى وحنينه .. بحس فيها كتير من ماما الله يرحمها -الله يرحمها -الله يرحمها .. يعنى مش مضايقه اننا هنعيش معاها هنا

قالت "ياسمين" بثقه:

-لأطبعاً .. انت بتعمل كده عشان تبر أهلك ودى حاجه تفرحنى جدا .. وكمان أنا وماما "كريمه" متفاهمين مع بعض جدا وان شاء الله مش هتحصل بينا أى مشاكل .. وأكيد ست زيها أنا هتعلم منها كتير

نظر اليها بتقدير واعجاب وقبل جبينها .. تناولا طعامهما ودخلت الحمام لتجهز نفسها للنوم .. احتارت فيما ترتدى .. وفى النهاية اختارت بيجاما وردية اللون .. خرجت لتتبعها نظرات العمر المنائم على فراشه .. حاولت تجنب نظراته واقتربت من الفراش ووقفت أمامه متوترة .. فضحك العمر القائلاً بخبث:

-هنا مفيش الا أوضة واحدة لينا احنا الاتنين

ابتسمت بخجل وأزاحت الياسمين الغطاء ونامت على الطرف وأولته ظهرها .. اقترب منها وقبل وجنتها وهمس في أذنها:

-تصبحی علی خیر یا حبیبتی

وانت من أهل الخير

استيقظت على آذان الفجر .. والتفتت الى "عمر" توقظه بهدوء:

" ـعمر" اصحى .. الفجر أذن

قال وهو يغالب النعاس:

```
ـسبيني النهاردة يا "ياسمين" مش هقدر أقوم
       التفتت اليه وأزاحت الغطاء وقالت بعند:
        ـلأ مش هسيبك .. قوم يلا بلاش كسل
                    فتح عينيه بصعوبة قائلاً:
                        -هصلیه لما أصحی
```

قالت بحزم:

الما تصحى هيبقى اسمه صبح مش فجر

قام متكاسلاً ثم نظر اليها وقال:

ده انتی لحوحه

قامت وقالت مبتسمه:

ـيلا الصلاة

توضأ الاثنان وصليا معاً .. أنهى "عمر" صلاته وعاد الى فراشه .. أما" ياسمين" فأحضرت مصحفها وجلست على سجادة الصلاة تقرأ وردها .. نداها "عمر: "

" _پاسمین"

قطعت القراءة قائله:

ايوة يا "عمر"

بتعملی ایه

بقرا في المصحف

طيب تعالى اقرى هنا

قامت ودخلت الى الفراش وجلست تقرأ في مصحفها .. ظل "عمر" ينظر اليها وهي تقرأ بشفتيها .. قاطعها قائلاً:

-انتى متعودة تقرى كل يوم ؟

التفتت قائله:

اليوة بقرأ وردى .. بحدد كل يوم جزء وبقراه قبل ما أنام أو بعد ما أصلى الفجر

عادت لتكمل القراءه .. ظل ينظر اليها .. قاطعها مرة أخرى قائلاً:

ممكن تقرى بصوت عالى

نظرت اليه واستغربت طلبه .. لكنها فعلت وقرأت بصوت شجى للغاية .. بل تكن قرائتها عذبه فقط بل كانت مجودة أيضاً .. فأضافت القراءة الصحيحة للحروف الى صوتها المزيد من العذوبه .. اقترب "عمر" منها وأسند رأسه الى ذراعها ونظر معها الى المصحف وهو يستمع اليها حتى انتهت .. نظر اليها قائلاً:

انتى بتقرى حلو أوى .. وصوتك كمان حلو أوى

ابتسمت لاطراؤه .. فسألها بإهتمام:

انتی ازای بتقری کده

-أنا كنت بروح المسجد من وأنا صغيرة واتعلمت التجويد وعشان كده بعرف أقرا في المصحف صح

نظر اليها في اعجاب قائلاً:

-سهل ولا صعب ؟ يعنى اقصد سهل انك تشرحيه لحد ولا لازم حد متخصص يشرحه

قالت بحماس:

-أكيد الأفضل ان حد متخصص يشرحه .. بس أنا عارفه كل الأحكام ودرستها

صمتت تراقب وجهه ثم قالت:

ـتحب أشرحهالك

ابتسم وقال:

ـ تقدرى تخليني أقرا زيك

قالت بحماس:

ايوة طبعا اقدر .. ايه رايك كل يوم اشرحلك حاجة ونطبقها سوا

قال بحماس مماثل:

اتفقنا

تبادلا الابتسام .. فقال بحنان:

-بكرة عايز أشوفك بالفستان الأبيض .. اتفقنا

قالت مبتسمه:

اتفقنا

فى الصباح استيقظت "ياسمين" متأخره على غير عادتها .. لم تجد "عمر" بجوارها .. نهضت وأخذت دشاً وارتدت ملابسها وحجابها ونزلت كانت تبدو الفيلا فارغة .. وقفت فى منتصف الردهة الواسعة بالأسفل وهى تنظر الى ما حولها برهبه .. مازلت لا تستطيع استيعاب أن هذا المكان هو منزلها وبيتها .. شعرت بالتوتر والاضطراب .. حتى أنها لا تتذكر مكان غرفة الطعام أو غرفة المعيشة .. كانت تبدو كالضائعة .. أتاها صوت "كريمه" من خلفها قائلاً:

انا كمان أول مرة آجى فيها الفيلا دى كنت حسه زيك كده

التفتت الياسمين التبتسم لها .. فأكملت الكريمه: ال

-تعالى معايا المطبخ لو ده مش هيضايقك .. أنا كمان لسه مفطرتش تعالى نفطر سوا وأقولك بعض أسرارى المطبخيه

ابتسمت "ياسمين" وتبعتها .. كانت تبدو كإمرأة بسيطة .. تعاملت فى المطبخ و كأنها تدخله آلاف المرات .. لم تكن تراها كإمرأة من طبقة ارستقراطية .. كما قالت من قبل تشعر بأنها أقرب الى والدتها .. لاحظت "كريمه" نظراتها فقالت لها:

-على فكرة فى حاجه متعرفيهاش عنى .. والحاجه دى هى اللى مخليه "ثريا "مبتحبنيش .. يعني عشان لو لاحظتى أى خلاف بينا تكونى فاهمة السبب .. وأنا من جهتى بحاول على أد ما أقدر محتكش بيها او أعمل حاجه تضايقها

جلست بجوارها على الطاولة وقالت:

انا زيك يا "ياسمين" من أسرة بسيطة .. مش مولوده وفي بقى معلقة دهب يعني شعرت "ياسمين" بالدهشة من هذا التصريح فأكملت "كريمه: "

ـبس انا كانت ظروفى أصعب منك شوية .. أنا كنت عايشة فى القرية اللى فيها المزرعة .. ومكنش ليا غير أب مات وسبنى فى الدنيا دى لوحدى .. اشتغلت فى بيت المزرعة ... صمت قليلاً ثم قالت:

كنت بشتغل خدامه

اتسعت عينا 'اياسمين' من الدهشة .. فلم تتخيل أن تلك المرأة الجميلة والأنيقة التي تجلس بجوارها كانت خادمة في بيت المزرعة .. اكملت "كريمه: "

-كنت بشتغل عند جد "عمر" وجدته .. ومن هنا اتعرفت على "نور" جوزى .. ماتعرفيش ايه اللي حصل .. بس هو النصيب انه اختارنى دون عن أى بنت تانية .. حبينا بعض جداً .. واتجوزنا .. ومش هقولك على المشاكل اللي واجهتنا في الأول من معاملة أهله السيئة .. بس بعد ولادة "عمر" كل شئ اتغير وحمايا اللي هو جد "عمر" حبه جداً ورضى أخيرا عنه وعنى وعن ابنه .. وكمان حماتي قلبها رق

صمتت قليلاً ثم اكملت:

مفيش الا "أريا" هي اللي مكنتش متقبله جوازي من أخوها .. وعشان كدة كانت بتحارب جوازك من "عمر" .. انتى صحيح وضعك أحسن منى بكتير .. بس هي دايماً بتحب المظاهر .. وعشان كدة مش قادرة تفهم انك زوجة ممتازة لـ" عمر .. "وانه اختار صح سعدت "ياسمين" للغاية لهذا الإطراء الذي سمعته من أم زوجها .. أكملت "كريمه: " -أنا عارفه انك حسه دلوقتي انك غريبه بس متقلقيش بكرة تتعودي على عيشتنا وتحسى انه

ابتسمت "ياسمين" وقالت بتأثر:

-بجد حضرتك طيبة أوى .. حسه انك فهمانى وحسه بيا .. وده من أول يوم اتكلمنا فيه مع بعض لما حضرتك جتيلى المكتب .. من يومها وأنا حسه بكده

قالت "كريمه" مبتسمه:

وأنا كمان من اليوم ده وأنا حبيتك أوى .. معرفش يمكن عشان شوفت نفسي فيكي صمت برهه ثم قالت بتردد:

-بصراحة الحاجة الوحيدة اللى كانت مضايقانى هى موضوع جوازك الأولانى .. يعني أى أم تتمنى ان ابنها يتجوز بنوته مسبقلهاش الجواز .. بس تمسك "عمر "بيكي و اعجابي بشخصيتك .. خلونى اتغاضى عن الأمر ده

صمتت "ياسمين" .. بدا عليها التفكير .. فقالت "كريمه: "

-اوعى يكون كلامى ضايقك .. أنا بس حسيت اننا قربنا من بعض فحبيت أفتحلك قلبي ونتكلم بصراحة

نظرت "ياسمين" اليها قائله بشئ من الخجل:

-لأ مضايقتش وأنا حبه ان أنا وحضرتك العلاقة بينا تكون كويسة كدة .. وأنا حسه فعلاً ان حضرتك طيبة وحنينة ومعوضاني عن ماما الله يرحمها .. بس في حاجه بس أحب أقولهالك عشان أطمنك شوية

-خیر یا حبیبتی

قالت بتوتر:

-يعني بخصوص جوازى الأولاني .. يعني .. أنا متجوزتش .. يعني هو ملمسنيش نظرت اليها "كريمة" بدهشة ثم قالت:

-ازای .. "عمر" قال انكوا اتجوزتوا شهر تقريباً

-أيوة .. هو أعد معايا خمس أيام بس وبعدين سافر .. وأنا كنت ... يعني.. المعاد مكنش مناسب

اتسعت ابتسامة "كريمة" ووقفت تأخذها في حضنها وقالت بحماس:

-حبيبتى .. متتصوريش أنا فرحت ازاى بكلامك ده .. وفرحت أكتر عشان "عمر" ابتسمت "ياسمين" للسعادة البادية على وجه "كريمه" وحمدت الله أن وفق بينها وبين أم زوجها .. جلست المرأتان مرة أخرى وتناولا الفطار معاً وهما منسجمتان في الحديث .. حتى قالت "ياسمين: "

ممكن أسأل حضرتك سؤال يا ماما

۔اسألی يا حبيبت*ي*

ـهو الحرق اللي في ايد "عمر" ده قديم ولا جديد

قالت "كريمه" وهي شارده:

-لأ جديد من يوم ما سافر المزرعة آخر مرة .. سألته عليه بس كان رده غريب أوى

قالت "ياسمين" بإهتمام:

رد قال ایه ؟

ردت "كريمه" بإستغراب:

رد وقالی انه عقاب من ربنا

لاح الحزن على وجه "ياسمين" فأكملت "كريمه: "

-معرفش كان يقصد ايه .. وساعتها انشىغلنا بالأحداث اللى حصلت فى المزرعة ومسألتوش تاني

نظرت "كريمه" الى "ياسمين" التى شردت وقالت بإهتمام:

لیه فی حاجه ؟

قالت "ياسمين" بسرعة:

-لا أبداً أنا بسأل بس .. فضول مش أكتر

تنهدت "ياسمين" وهي تحاول طرد الأفكار السوداء من رأسها.

كانت "ياسمين" تتمشى في الحديثة أثناء انشغال "عمر" في الحديث مع والده في المكتب عندما اقترب منها "علاء" .. فجفلت لرؤيته همت بمغادرة المكان لكنه أوقفها قائلاً:

ایه رایحه فین .. خلیکي نتکلم شویة

قالت دون أن تنظر اليه:

عن اذنك

همت بأن تنصرف فإعترض طريقها مرة أخرى قائلاً:

-شكلك خايفه من "عمر" .. معلش هو ابن خالى كده معقد وبيعقدها على الناس اللى حواليه شعرت "ياسمين" بالغضب لتحدثه بهذه الطريقة عن "عمر" فقالت له:

الأجوزى مش معقد ولو سمحت عديني

أفسح لها الطريق وقال بلهجة ساخرة:

اتفضلي

مشت فى طريقها بسرعة فالتقت بـ "عمر" الذى أقبل اتجاهها وقفت أمامه .. ألقى نظرة على "علاء" الذى يغادر .. ثم عليها وقال:

فی حاجه یا "یاسمین"

قالت بتوتر:

ـلأ مفيش حاجه

ألقى على "علاء" نظرة أخرى ثم قال:

حد ضايقك

نظرت لها قائله:

ـلأ محدش ضايقتي يا "عمر" .. متقلقش

تنهد "عمر" وقال بضيق:

" ـ ياسمين" .. لو "علاء" حاول يكلمك مترديش عليه .. هو كدة طول عمره يشوف ايه اللى بيضايقني ويعمله .. وهو عارف انى بغير عليكي وعشان كده بيتعمد يستظرف ويستخف دمه ابتسمت ونظرت له بحب قائله:

متقلقش مش هديله فرصة يتكلم معايا

كانت تشعر بالسعادة كلما لمست غيرة العمرا عليها

جاءت "كريمه" وجهت حديثها اليهما قائله:

-يلا بينا عشان نعد مع بعض ونتكلم في تفاصيل الحفلة

بعد الغداء صعدت "ياسمين" الى غرفتها لتغير ملابسها .. فتحت دولابها ونظرت الى فستان العرس بسعادة .. ذلك الفستان الذى تنوى ارتدائه تلك الليلة .. ارتدت ملابسها وحجابها كم تمنت رحيل "علاء" لتسطيع الجلوس معهم بدون حجاب .. أثناء اتمامها على ملابسها وجدت "عمر" يدخل الغرفة فالتفتت اليه قائله بمرح:

-جيت أغير هدومى ونازلة لماما "كريمه" فى المطبخ قالتلى هتعلمنى طريقه أكله انت بتحبها بدا "عمر" واجماً.. فاختفت ابتسامتها واقتربت منها قائله:

في حاجه يا "عمر"

قطب جبينه قائلاً:

-انتى سألتى ماما عن الحرق اللي في ايدي ؟

اختلج قلبها وقالت بصوت خافت:

_أيوة

اليه ؟ .. ليه مصرة تسألى عن سبب الحرق

بلعت ريقها وقالت:

هي ماما قالتلك ايه

-قالتلى الحرق اللى فى ايدك من ايه .. قولتلها اشمعنى ايه اللى فكرك بيه دلوقتى .. قالتلى "ياسمين" سألتنى عنه النهارده

كانت "ياسمين" تهرب من تلك المواجهه .. بل لا تريدها على الإطلاق .. لم تكن تريد لزوجها أن يعلم بما عرفته عنه .. حتى يظل متأكداً من أن صورته لم تتغير في عينيها .. لكن ها هي المواجهه حانت ولا مفر .. كانت تلك الذكرى تؤلمها .. ولا تعرف كيف تتخير كلماتها .. سألها "عمر: "

-انتى ليه مهتمة بموضوع الحرق يا "ياسمين"

أخذت نفس "عميق" وتحاشت النظر الى عينيه ووجه وقالت:

-أنا عرفت كل حاجِه عن البيت المحروق وعن علاقتك بصفية مرات الغفير

ساد الصمت طويلاً بينهما .. كانت تتحاشى النظر الى وجهه .. لكن الصمت طال .. فرفعت نظرها اليه لترتطم بتعبيرات وجهه المتجمده .. سألها بصوت رخيم:

عرفتي ايه بالظبط ؟

شعرت بغصة في حلقها وبنار في قلبها .. قطبت جبينها وقالت بصوت لا يكاد يسمع:

-عرفت انك كنت على علاقه بيها وجوزها عرف وحرق البيت وانت وهى جواه .. وان الراجل اللي انقذكوا اديته فلوس عشان يتستر عليكوا..

نظرت اليه مرة أخرى .. مازال وجهه خالى من أى تعبير .. سألها بهدوء:

عرفتی منین کل ده

-الراجل جالى قبل كتبت الكتاب بيوم وقالى الكلام ده .. وأنا اتاكدت ان اسمك واسمها موجود فى ملفات المستشفى في يوم الحادثة

قال ببرود:

عشان كده قولتيلى يوم كتب الكتاب انك مش عايزانى

أومأت برأسها ايجابا .. ساد الصمت مرة أخرى .. رفعت رأسها تنظر اليه قائله بصوت مرتجف

-أنا سامحتك يا "عمر" .. وبحاول أنسى اللى انت عملته .. لانى حسه انك اتغيرت .. وانك بقيت انسان كويس .. أنا سامحتك

صمت .. لم يتحدث .. لم يتحرك .. اقتربت منه لتلمس ذراعه قائله:

"_عمر "

ولدهشتها نفض ذراعه ليبعده عن يدها .. وأخيراً ظهرت تغيرت تعبريات وجهه المتجمدة .. ولكن لدهشتها تحولت الى غضب هادر .. لم ترى عينيه تشعان بهذا الغضب من قبل .. قال بصوت هادر:

ـيعني طول الوقت ده وانتى عايشه معايا وفاكرة انى واحد سافل

نظرت الى غضبه بدهشة وحيرة .. فأكمل بغضب:

-عایشه معایا فی بیت واحد وانتی فاکرة انی کنت علی علاقة بواحدة متجوزة .. ومش کده وبس . جوزها بیشتغل عندی .. وکمان دفعت رشوی عشان أتستر علی علاقتی بیها اقترب منها وامسك بذراعها بقوة حتی ألمتها قائلاً:

مش كده يا "ياسمين" .. هى دى الصورة اللى انتى راسماها ليا .. ان أنا واحد منحط وحقير بالشكل ده .. هه ردى

كانت قبضة يده تؤلمها بشدة قالت بألم:

" عمر" دراعی

انتبه لقبضته فترك ذراعها .. فركت ذراعها بيدها وهي تنظر اليه نظرة حيرة ودهشة .. كانت مازالت نظراته غاضبة نارية .. صاحت قائله:

انا عارفه كويس اللى حصل يا "عمر" وأنا اتاكدت بنفسى من سجلات المستشفى .. ومن كلامك انت شخصياً .. من اجاباتك على كل اللى بيسألك عن الحرق ده .. وانا قولتلك انى سمحتك .. فمفيش داعى تكدب عليا وتفهمنى انك برئ

بدا وكأن غضبه تضاعف وازداد احمرار وجهه غضباً قال بصرامة وحزم:

اللي حصل كالتالي عايزة تصدقي صدقي مش عايزة انتي حره .. الست دي فعلا كان بتخون

جوزها بس مش معايا .. مع مهندس كان شغال في المزرعة قبل "أيمن .. "واستمرت علاقتهم حتى بعد ما مشى من المزرعة وكانوا بيتقابلوا في البيت القديم

هتفت بغضب:

البيت اللي هو ملكك

-أيوة ملكى .. وهو معنى انه ملكى يبأه أنا اللى كنت معاها فيه

رفعت حاجبيها وقالت بصرامة:

ایه اللی یخلی واحد زیك یشتری بیت قدیم زی ده .. بیت مهجور .. ومبهدل .. ومفیش فیه ای حاجه تصلح ان الواحد یعیش فیه .. ایه اللی یخلیك تشتریه

قال بصرمة ببرود:

عشان أمي

نظرت اليه بدهشة فأكمل قائلاً:

ده بیت أمی القدیم اللی كانت عایشة فیه مع أهلها .. لما اهلها ماتوا باعت البیت وجت عاشت فی بیت المزرعة واشتغلت فیه .. كان البیت ده بیمثل لیها ذكریات جمیلة مع اهلها وكان نفسها تحتفظ بیه بس مكانش صحابه الجداد راضیین یبیعوه لحد من 6 شهور جالی صاحب البیت وباعهولی واشتریته عشانها

نظرت اليه "ياسمين" بأعين متحجرة وشلت الصدمة لسانها

أكمل بقسوة وبصوت هادر:

-مش انا اللى كنت معاها فى البيت يا مدام .. انا كنت راجع من عند "أيمن "من المنصورة وشوفت النار قايده فى البيت .. وقفت العربية على الطريق وجريت نحية البيت لقيتها جوه ومش عارفه تخرج .. بعد ما الراجل اللى كان معاها سبها وهرب .. دخلت أحاول اخرجها بس كانت ايدي متجبسه وقتها معرفتش أشيلها وهى كانت خايفة تخرج فى النار لان النار كانت محاوطه البيت كله .. لحد ما الراجل اللى جالك .. شفنا وجه يساعدنا .. وهى لما عرفت ان الراجل شاف جوزها انهارت وعرفت انه عرف بخيانتها وانه هو اللى حرق البيت .. اول ما سمعتها بتقول كده ادام الراجل طلعت فلوس واديتهاله عشان يتستر عليها هيا مش عليا انا

شعرت وكأن قلبها قد توقف عن الخفقان .. أكمل بنفس القسوة:

-ولما روحنا المستشفى حكتلى على كل حاجة وعن علاقتها بالبشمهندس "محمد .. "خرجت من المستشفى فى نفس اليوم وروحت لـ "محمد" بيته .. واتخانقت معاه .. واترجانى انى اتستر عليه عشان مراته وولاده لان مراته لو عرفت والخبر وصلها أكيد هتطلق منه. وعيط أدامى وأقسملى انها غلطة ومش هتتكرر وان هى اللى أغوته وخلانى أقسمله انى متكلمش فى الموضوع مع حد .. وعشان كده مجبتش سيره لحد

تجمعت الدموع فى عينيها وهى تشعر بدوار بسبب صدمتها مما تسمع .. فأكمل بغضب مكتوم: -بعد ما صفية طلعت من المستشفى خافت ترجع لاهلها عشان جوزها ميعرفش انها لسه عايشه ويرجع يقتلها .. اديتلها فلوس وقولتلها تسافر اى بلد تانية تعيش فيها

قَالْتُ بصوتُ مرتجف مضطرب مبدوحٌ وبأعين حائرة:

ليه قولتلى انى لو عرفت سبب الحرق هبعد عنك وليه قولت لمامتك انه عقاب ربنا زفر بقوة ثم قال بغضب:

-لانى كنت عارف انها مش مظبوطه .. وكانت تصرفاتها مش عجبانى ومع ذلك سكت وسبتها .. لو كنت من الاول مشتها هي وجوزها مكنتش قدرت توصل ل "محمد "ومكنتش علاقتها بيه

استمرت لحد دلوقتی .. ومكنش حصل ده كله

ألجمها بكلامه .. لم تستطع أن تتحدث .. نظرت اليه واقتربت منه .. لكنه ابتعد عنها ورجع الى الخلف وفي عينيه نظرة قاسية وقال:

-من أول يوم جواز قولتلك لازم نبقى صرحا مع بعض .. واللي مضايق من التانى فى حاجه يقولها

نظرت الى الأرض وقطبت جبينها وقد شعرت بحجم ذنبها .. فأكمل قائلاً:

-لكن انتى عمرك ما كنتى صريحه معايا .. وعمرك ما وثقتى فيا .. وعمرك ما عرفتيني صح ثم قال:

وعمرك ما حبتيني

نظرت اليه في ألم نظر اليها "عمر" نظره صارمة باردة خاليه من أي شعور وقال بصوت هادر:

احنا لازم نتطلق یا "یاسمین"

صدمت عندما سمعت تلك الكلمة التى فكرت فيها مراراً .. لكن عندما خرجت من فمه علمت كم هى كلمة مريرة .. تجمعت الدموع مرة أخرى فى عينيها وهى تنظر اليه بحسرة وألم. تجمدت فى مكانها وأخذت العبرات تتساقط من عينيها .. بدت نظراته وقد لانت للحظة .. لكنه عاد ونظر بصرامه وقال:

-هنستنى لحد ما الحفلة تخلص ونرجع المزرعة وبعدين ننفصل قال ذلك وتركها وحدها في الغرفة تكاد قدماها تحملانها بصعوبة من هول الصدمة.

نزلت "ياسمين" بعد ساعة .. تبحث عن "عمر" .. لم تجد له أثراً في الفيلا .. فقالت لها :""كريمه

ما قالكيش رايح فين ؟ قالى انه هيخرج وهيرجع متأخر ما أستناهوش على العشا .. هو ـ : قالت "ياسمين" بسرعة

أصل هو خرج من الأوضة قبل ما نتكلم مع بعض .. أنا كنت طالعه أغير هدومى ـ لعبراتها خرجت "ياسمين" لتتمشى في الحديقة .. اختلت بنفسها على أحد المقاعد وتركت وندمت لانها لم تثق به .. وندمت .. العنان .. كانت تشعر بندم كبير بداخلها .. ندمت لأنها ظلمته ندمت لأنها تركت شكوكها ووساوسها تتلاعب بها .. لانها لم تواجهه من البداية بما تعرف ندمت لأنها تركت شكوكها ويساوسها .. أشعرها بأنها لا تحبه لأنه وتتحكم بها .. ندمت

تحبه .. فحبه متغلل داخل قلبها .. أخرجت هاتفها أجهشت في بكاء صامت .. كيف يقول بأنها لا .. المرت عبراتها بظهر يدها واتصلت به .. لم يرد .. أعادت اتصالها عشرات ومسحت من جيبها سيطلقها فعلاً .. تتساءل هل ونفس النتيجة لم يرد .. شعرت بأنها قد أضاعته من يدها .. أخذت كيف ستحتمل العيش بدونه .. لن .. يوماً يسامحها هل كرهها .. هل سيهون عليه فراقها .. ألن .. في غرفتها .. واقفة في الشرفة .. تنتظر حضوره ظلت ساهرة .. المساء تستطع التحمل .. حل طال وقت .. يصعد الباب .. انتظرته ان يصعد الى الغرفة لكنه لم سيارته تقف أمام حتى رأت الباب غلق .. الشرفة في انتظاره أمام باب حتى فتح باب الغرفة أخيراً وجدها واقفه .. انتظارها : اقتربت منه قائله .. يرتديها وفتح الدولاب يبحث عن بيجامه

الفراش لم يجب .. دخل الحمام .. جلست على طرف فراشها تنتظر خروجه .. خرج وتوجه الى عليه وأولاها ظهره ونام وحمل أحد المخدات و أحد الأغطية وفرشه على الأرض بجوار السرير بالغطاء وظلت تنظر الى زوجها النائم وتدثرت .. فهمت بأن الخطب جلل .. صعدت الى الفراش تساقطت العبرات من عينيها وبللت وسادتها .. لكم .. ظهره يوليها بجوارها على الأرض والذى وعيونها صمت الدافئ وكلماته الحانية .. ظلت العبرات تبلل وسادتها في الى حضنه تشتاق تنظر اليه في أسى .. حتى معلقة به .. تقلبت في فراشها وكأنها تنام على جمر .. جلست وهي تنظر اليه في أسى .. حتى معلقة به .. تقلبت في فراشها وكأنها تنام على جمر .. خلبها النعاس .

: استيقظت على آذان الفجر .. نظرت الى مكان زوجها النائم توجهت اليه ونادته بهدوء

عمراا .. ااعمراا .. اصحىاا ـ

: استيقظ ونظر اليها فقالت مبتسمه

يلا عشان تصلى الفجر ـ

نهض وتوضأ وعاد ليجدها في انتظاره لتصلى معه جماعة مثل كل يوم .. صلى بها .. حاولت عهه : التحدث معه

عمر" .. ممكن نتكلم" -

: قال بخشونه

لأ -

استيقظت على ونام .. ونامت هى وعيونها معلقه به .. فى الصباح ثم توجه الى مكان نومه : فراشها قائله فى صوت غلق الدولاب .. وجدته وقد ارتدى ملابسه .. اعتدلت بسرعة - ناعمر المراد - العمر المراد - العمر المراد - العمر المراد - المرد - ال

: لم يجيبها توجه الى باب الغرفة فأسرعت ونهضت من فراشها وأمسكت ذراعه قائله بأسى استنى .. "عمر" .. أنا آسفة أوى .. أنا عارفه انى ظلمتك أوى .. "عمر" مش عنك هقدر أعيش بعيد عنك

: لم ينظر اليها .. فأكملت بألم وبصوت مرتجف وعينين دامعتين

. لو انت عايز تطلقني عشان تعاقبني .. أنا موافقة يا "عمر ".. عاقبني .. وطلقني .. وطلقني .. وتبدوه : تساقطت عبراتها وهي ترجوه

بس ردنی تانی یا "عمر" .. عشان خاطری ردنی تانی ـ

تدرى ماذا تفعل صمت ولم يجب .. بل ولم يلتفت اليها .. وفتح باب الغرفة وخرج .. وقفت لا : صوت "ريهام" قائله فأتاها .. وعلامات الألم مرسومة على وجهها .. رن جرس هاتفها حبيبتى يا "ياسمين" .. احنا جاينلكوا النهاردة أنا و "كرم" .. حماتك اتصلت الصبح وعزمتنا على الغدا

: قالت "ياسمين" بوجوم

- لو انتى مكنتيش جيتى النهاردة كنت انا هجيلك لانك وحشانى اوى اوى -
- مش اكتر منى يا "ياسمين" .. احنا قولنا نسيبكوا ترتاحوا اليومين اللى فاتوا .. بس خلاص حش اكتر منى يا "ياسمين" .. احنا قولنا نسيبكوا ترتاحوا اليومين اللى فاتوا .. بس خلاص
- خلاص یا حبیبتی منتظراکی ان شاء الله -

: "تناول الجميع طعام الافطار معاً .. وقالت "كريمه

```
"على فكرة "ثريا" كمان هتيجيي النهاردة .. وكمان "ايناس" و "علاء ـ
الفرق بينها تضايقت "ياسمين" عندما سمعت بإسمها .. وتذكرت ما قالته المرة الماضية عن
الطفولة والمراهقة .. شعرت وعندما قالت انها حب "عمر" في .. وبين خطيبة "عمر" القديمة
الجالس بجوارها دون أن يعيرها أدنى اهتمام زوجها بنيران الغيرة تشتغل في قلبها .. نظرت الى
: ''نور'' فسألها .. كانت حزينه واجمه
مالك يا "ياسمين" في حاجه مضايقاكي ـ
: قالت بسرعة
لا يا عمو .. يمكن بس متأثره شوية انى هشوف "ريهام" لانها وحشتنى أوى -
: ابتسمت "كريمه" قائله
رينا يخليكوا لبعض -
*********
جلست "نادين" في حديقة فيلتها تحتسى كوباً من الشاى .. التفتت فرأت "نانسى" وهي توقف
: سيرتها وتنزل منها فنادتها قائلاً
نانسى" تعالى شوية" -
: جاءت "نانسى" وقالت
خير ـ
تعالى اعدى ـ
لا قولى اللي عايزاه بسرعة عشان عايزة أنام -
صاحت "نادین" بغضب
طبعا رجعه الضهر من بره وطول الليل سهرانه كالعادة -
: قالت بتأفف
أوف انتى ناديتيلى عشان تسمعيني المحاضرة دى .. فكك .. أنا مصدعة وعايزة أنام -
: "التفتت لترحل فقالت "نادين
عرفتی ان "عمر" هنا هو مراته ـ
: التفتت الى أمها بحده قائله
انتى عايزة تحرقي دمي يعني ـ
: ابتسمت أمها بتشفى وقالت
عرفت الفلاحه تخطفه منك وتتجوزه ـ
: قالت النانسي البحده
عرفتي منين انهم هنا ـ
جيهان" ما انتى عارفه انها صاحبة "ثريا" عرفت منها" -
: ثم قالت بسخرية
"لأ وايه .. حاجه كدة لوكل .. تصورى مرضتش تخلى "عمر" يسلم على "ايناس -
ازای یعنی ـ
الهانم بتغير باين .. ولا ده عبط متعرفيش -
: رفعت "نانسى" حاجبها بخبث وقالت بحقد
بتغير . جميل -
```

: التفتت لتدخل الفيلا فقالت "نادين" بحده

- انتى مدوقاه انت لحد امتى هتفضلى سارحه مع اللى اسمه " عماد" ده .. يا بنتى طول ما العسل ومقدماله كل حاجه على طبق من فضه عمره ما هيفكر يتجوزك على طبق من فضه عمره ما بغضب بغضب
- ملكيش دعوة بيا حياتى وأنا حرة فيها .. متركزيش معايا .. ركزى مع جوزك النسوانجى أحسن

تركتها لتدخل الفيلا .. وملامح "نادين" تختلط فيها الحسرة بالألم

ايناس" .. " التف لجميع حول طاولة الطعام .. "نور" .. "كريمة" .. "ثريا" .. "علاء الضحك والمزاح ماعدا اثنان "عمر" .. "ياسمين" .. "كرم" .. "ريهام" .. اندمج الجميع في بالحديث الدائر .. أما "ياسمين" فبدت حزينه مهتم بدا عليهما الوجود .. "عمر" بدا وكأنه غير والآخر وتراقب تعبيرات وجهه لتتبين فيما يفكر .. لم يوجه اليها الحين تتطلع الى "عمر" بين الجميع الى نظرت .. واحداً .. كان يمسك الملعقة بيد .. ويده الأخرى وضعها على قدمه حرفاً عمر" عن تناول الطعام " توقف .. يده لتجدهم مشغولون بالحديث .. و .. مدت يدها ولمست كف ووضعها فوق المائدة .. شعرت "ياسمين" يده عنها أبعد ونظر الى يدها التى تمسك بيده .. ثم الجميع متعلله بصداع أصابها .. كادت أن تتوجه الى من نهضت واعتذرت .. بالألم يغزو قلبها الفيلا وتمشت في بالإختناق وارادت السير في الهواء الطلق .. خرجت من غرفتها لكنها شعرت : الحديقه .. تبعتها "ريهام" قائله

ياسمين " قومتى ليه " ـ

: حاولت "ياسمين" الابتسام قائله

- مفيش حسيت انى مصدعة شوية .. وكمان شبعت ـ
- في حاجه مضايقاكي-
- لا أبداً .. بس لسه مش متعودة على الوضع هنا -

: عانقتها "ريهام" قائله

حبيبتى يا "ياسمين" وحشتينى اوى .. أنتى الحاجة الوحيدة اللى بتصبرنى على فراق ماما وبابا الله يرحمهم

: تأثرت "ياسمين" بكلامها وبكت . قالت "ريهام" وهي دامعة العينين

أنا كمان وحشونى أوى .. بس ان شاء الله ربنا يجمعنا بيهم فى الجنة .. ربنا يخليكي ليا يا -

: قالت لها "ياسمين" بعينين دامعتين

"ويخليكي ليا يا "ريهام -

استأذنتهم .. انتهى اليوم ورحلت "ريهام" و "كرم" .. وبقيت "ثريا" وأبنائها لاكمال السهرة دخلت الحمام لتخرج متأففه .. بطنها "ياسمين" وصعدت الى غرفتها .. كانت تشعر بألم حاد فى

ده وقته ـ

من الذهاب ارتدت ملابسها وصعدت الى الفراش وتدثرت وهى تتلوى من الألم .. شعرت بالحرج الحركة .. بعد قرابة النصف الى "كريمه" لتبحث لها عن دواء .. كما أنها لم تكن تقوى على تقوم للتحدث معه .. لكنها لم تستطع من أن أرادت .. ساعة .. وجدت "عمر" يفتح باب الغرفة مغمضة العينين مقطبة الجبين وتضم الغطاء بقوة الى صدرها ليجدها اليها "الألم .. نظر "عمر الألم .. اقترب منها قائلا على ملامحها ويبدو

انتى كويسه ؟

فتحت عينيها وهي لا تصدق أنه اخيراً تحدث معها .. ودت لو قامت تتحدث معه لكنها لم تستطع .. قالت بصعوبة:

ـأيوة كويسة

تركها وخرجه .. نظرت الى الباب المغلق بحسرة وألم .. لكم تشتاق الى وجوده معها والى حديثها معه .. دقائق ووجدته يدخل مرة أخرى حاملاً كوب تتصاعد منه الأخبرة وحبة دواء .. نظرت اليه بإستغراب .. مد يده بالحبة .. فجلست وأخذتها .. ثم أعطاها الكوب قائلاً:

اشربي ده .. ولو لسه حسه بالألم قوليلى وأنا أجبلك حباية تأنية

شعرت بالحرج الشّديد أخذت منه الحبّة والكوب دون أن تنظر الى وجهه .. تمنت ان يرحل لكنه ظل واقفاً ينظر اليها .. أرادت أن تتحدث لكنه أوقفها بيده قائلاً بحزم:

-اشربي ونامي

ثم تركها وخرج ..

بعد عدة ساعات سمعت صوت الباب يفتح .. فتظاهرت بالنوم .. شعرت به وهو يغير ملابسه ثم يقترب منها ويمسح حبات العرق على جبينها بظهر يده ..يلفها بالغطاء جيداً .. ثم .. يحمل وسادته وغطائه ويفرشهم على الأرض وينام

استيقظت على آذان الفجر .. وقامت لتوقظه لكنه لم تجده نائماً .. بل وجدته واقفاً يصلى .. تابعته بعيناها حتى أنهى صلاته وتوجه الى مكانه على الأرض ونام .. شعرت بالحنق والضيق .. نظرت اليه لتجده يغط فى سبات عميق .. كانت تتألم من هذا البعد .. لم تعتد على بعده عنها بهذا الشكل ..قامت على فور وحملت وسادتها و غطائها و فرشتهم على الأرض بجواره .. ونامت وهى تتطلع الى وجهه

في الصباح شعرت بيده توقظها .. فتحت عينيها فوجدته نيظر اليها بحزم قائلاً:

ايه اللي منيمك على الأرض هنا

قالت بضعف:

کده عشان انت نایم هنا

أمرها بحزم:

-الارض ساقعه وانتى تعبانه قومى اطلعى نامى على السرير المتثلت لأوامره .. وهى تشعر بالحنق والضيق .. قام وغير ملابسه ثم خرج دون ان يتفوه بكلمه

قالت "كريمه: "

" _نور" سافر النهاردة الصبح

قالت "ياسمين: "

-هيرجع امتى ؟

-كمان يومين سافر في شغل مهم .. و "علاء" كمان مش هيكون موجود النهاردة لانه مسافر .. بس ناوية أعمل سهرة حلوة في الجنينة

شردت "ياسمين" قليلاً ثم قالت:

يعنى مش هيكون في رجالة موجودة النهاردة

_أيوة" .. عمر" بس

_کویس

-اشمعنی

قالت بثقه:

عشان أرد القلم

قالت الكريمه الباستغراب:

مش فاهمة قلم ايه

ابتسمت الیاسمین: اا

-هتعرفي النهاردة

فى المساء .. أخرجت "ياسمين" أحد الفساتين الذى أصر "عمر" على شراءه يوم أن كانا معاً فى المول لشراء ملابسها .. كان رقيقاً للغاية ومتناسقاً مع بشرتها الخمرية .. ارتدت حذاء ذو كعب وصففت شعرها لأعلى وتركت بعض الشعيرات التى تتساقط على وجهها برقة .. كانت قد تعلمت الكثير من" سماح "عن وضع المكياج فإستعانت بخبرتها وبأدوات الزينة التى تزين التسريحة فى غرفة نومها .. كان مكياجها يتسم بالرقة والبساطة .. كانت راضية تماماً عن شكلها .. كانت تشعر بالخجل من الظهور بهذا المظهر أمام الجميع وخاصة" عمر" .. لكنها تشجعت ونزلت الدرج بعدما رأتهم من شرفة غرفتها وقد تجمعوا معاً فى الحديقه استعداداً لتمضية الأمسية بها .. خرجت الى الحديقة وقلبها يرتجف .. لكنها حاولت رفع رأسها والسير بإتزان دون أن يبدو عليها التوتر .. أول من لمحتها هى "كريمه "التى هتفت بدهشة:

ازدادت ضربات قلبها عندما وجدت أنظار الجميع تلتفت اليها .. لمحت نظرات التعالى فى عين اثريا" وهى تفحصها من رأسها الى أخمص قدميها .. أما" ايناس "فكانت نظراتها تتسم بالحقد والغيرة .. كانت "ايناس" متحررة فى ملبسها .. وفى وضع الزينة .. لكن "ياسمين" تفوقت عليها بحسن اختيارها لما يناسب لون بشرتها وطبيعة جسدها .. فلم تفعل مثل "ايناس" وتحاول تغيير لون بشرتها بإضافة المزيد من مستحضرات التجميل والتى جعلتها تبدو كتمثال صب من الشمع فبدت مصطنعه الى حد كبير .. بل زينت ماهى عليه بالفعل .. فبدت أكثر رقة وأكثر شفافية وأكثر جمالاً ..

أما نظرات "كريمه" فكانت تتسم بالفرح والاعجاب والحنان .. لكم تعشق تلك المرأة الحنون الطيبة .. جلست ثم .. التفتت لتتطلع الى "عمر" .. خفق قلبها بجنون عندما ارتطمت بنظراته الشغوفة التى تتأملها بصمت .. شعرت بقلبها وكأنه سيقفز من مكانه .. ودت لو نهضت وارتمت بين ذراعيه

شعرت بالسعادة تسرى بداخلها وقد أيقنت بأنها أصابت عصفورين بحجر واحد ..

تعمد "عمر" طوال السهرة ألا ينظر اليها وألا يوليها أى انتباه .. ظلت تراقبه بطرف خفى .. اقترحت "كريمه" فجأة:

" ـعمر" قوم ارقص مع "ياسمين"

توترت "ياسمين" .. لم ترد احراج "كريمه" .. لكنها قالت بخفوت:

معلش یا ماما بس مش بسمع موسیقی

فقالت "ثريا" بحده:

ليه بأه ان شاء الله .. رجز من عمل الشيطان

لم تجاريها "ياسمين" .. لأنها شعرت بأن المرأة تبغى شجاراً .. نهض "عمر "ومد يده الى "ياسمين" بصمت .. نظرت اليه أسلمت كفها له ونهضت معه .. سار بها قليلاً فقالت بصوت مضطرب:

-أنا مش بسمع موسيقى يا "عمر"

قال ببرود:

محدش قال ان أنا هشغل موسيقى

أوقفها أمامه فقالت بدهشة:

-هنرقص من غير موسيقى ازاى

قال ببرود:

-نحاول .. أحسن من الحرب اللي كانت هتحصل من شوية بينك وبين عمتو

أخذ يتحرك بها يرقصان بحركات يتقنها "عمر" جيداً .. كان صوت نبضات قلبها عالياً يصم آذانها .. شعرت بالسعادة لقربها منه .. ظلت تنظر اليه .. لكنه بدا بعيداً عنها نهضت "كريمه" بصحبه "ثريا" الى الداخل .. اقتربت منهما "ايناس" ووضعت يدها على ذراع "عمر" قائله:

" _عمر" تعالى نرقص سوا

شعرت "ياسمين" بالغضب والحنق والضيق ونظرت الى يدها الموضوعه على ذراع زوجها بنظرات نارية .. أبعد "عمر" ذراعه عن يدها قائلاً بهدوء:

ـمش هینفع یا "ایناس"

شعرت "ایناس" بالضیق .. و عادت مرة أخرى الى مقعدها وهى تشتعل غضباً نظرت له "یاسمین" هامسه:

اا _عمراا

لم يجبها .. ولم يلتفت اليها

تطلعت اليه بعينين حزينتين قائله:

طيب أعمل ايه عشان تسامحنى .. قولى أعمل ايه وأنا أعمل

ظل متمسكاً بصمته .. فشعرت بالألم يغزو قلبها .. التفتت لتجد "ايناس" تنظر اليها بشماته .. وقد بدأت "ايناس" تشعر بوجود خلاف بينها وبين "عمر .. "وانتبهت للوجوم البادى على وجه كل منهما .. تلاقت نظرات المرأتين في تحدى صارخ .. تبادلتا نظرات نارية .. نظرات "ايناس" تقول : هو ملكى بالفعل اليناس" تقول : هو ملكى بالفعل وهو لي وحدى .. اشتعلت نظرات التحدى بينهما .. وفجاة .. لا تعلم "ياسمين "كيف أتتها الجرأة لتفعل ذلك .. لكنها .. نظرت الى "عمر" ألقت براسها فوق صدره .. أمام عيني "ايناس" التي ضاقت من الغضب .. وقامت في عصبية لتغادر المكان

قال "عمر" بصوت خافت:

ایه اللی انتی عملتیه ده

رفعت رأسها وقالت له بعند وثقه:

انت بتاعی یا "عمر" .. مش هسمحلك تبعد عنی

قالت له هامسه:

-أنا اسفه . سامحنى بأه

لم يقطعهما سوى صوت "كريمه "الآتى من الفيلا وهى تنادى على "عمر" .. همس اليها "عمر" وهو يوصب تجاهها نظرات حنونه:

-خليكي هنا .. هشوف ماما عايزة ايه وأرجعك

ابتسمت له و أومأت برأسها .. بدا وكأنه لا يريد مفارقتها .. وقفت" ياسمين" تنتظره وقد وضعت يدها على قلبها وارتسمت ابتسامه على ثغرها .. فجأة شعرت بمن يطوقها بذراعه من الخلف ويضع كفه على فمها .. حاولت التخلص منه فلم تستطع .. حاولت الصراخ .. فجاء صراخها مكتوما .. شعرت بأنه يجرها في اتجاه سور الحديقه التفتت اليه وهي تحاول التخلص منه لتفاجأ بوجه" مصطفى" .. نظر اليها بعينين تشعان كرهاً وقال:

حياتى قصاد حياتك يا ياسمين .. انتى اللى عملتى كده فى نفسك .. لو مكنتيش هربتى منى مكنش ده كله حصل

حاولت التحرر منه لكنه كان يطبق عليها بقوة .. فجأة صرخ من الألم عندما تمكنت من عض يده التى تكمم فمها حتى سال الدم منها .. أفلتت منه وأخذت تجرى فى اتجاه الفيلا وهى تصرخ: " -عمر" .. "عمر" الحقنى

جرى "عمر" في اتجاهها وتلقاها بين ذراعيه باكيه وهي تشير الى اتجاه السور وتقول: " مصطفى" . "مصطفى" هنا

جرى "عمر" فى الاتجاه الذى أشارت منه "ياسمين" .. أسرع "مصطفى" بالجرى وتسلق سور الفيلا وقفز من فوقه الى الجانب الآخر بسرعة .. لم ينتبه الى تلك الدراجة النارية التى أتت فى اتجاهه وتسير بسرعة جنونية .. ارتطمت به لتدفعه بقوة عدة أمتار قبل أن يسقط على الأرض والدماء تنفجر من رأسه التى ارتطمت بالأرض بشدة .. ليسقط جثة هامدة.

رحلت الشرطة بعدما أخذوا أقوال "ياسمين" التى بدت مضطربة للغاية .. جلست" ياسمين" على احدى الأرائك وهي مازالت لا تستطيع ايقاف رجفة جسدها .. جلس" عمر" بجوارها ولف

ذراعيه حولها وقبل رأسها .. قالت "كريمه" بأسى:

-آدى آخرة الظلم .. ضيع حياته على الفاضى .. هيقابل ربنا يقوله ايه دلوقتى

قالت "ثريا" بضيق:

حان ملنا ومال المشاكل دى .. ما كنا في حالنا

نظر اليها "عمر" بحده .. وجذب "ياسمين" من يدها واستأذن من الجميع وصعدا الى غرفتهما .. ألقت "ياسمين" بنفسها في حضنه وطوقت رقبته بذراعيها بشدة .. أحاطتها بذراعيه وطمأنها قائلاً:

ـخلاص یا "یاسمین" .. متخفیش

قالت بصوت مرتجف:

-خفت أوى لما شوفته .. ولما كتفنى .. معرفش كان ناوى يموتنى ولا كان ناوى يعمل ايه قال "عمر" بحنان:

-خلاص انسى متفكريش في الموضوع ده تاني .. خلاص مات ومعدش هيقدر يأذيكي تاني جذبها "عمر" قائلاً:

-يلا نامى انتى .. وأنا هروح أشوف الثغرة اللى فى السور اللى عرف يدخل منها .. عشان أأمنها وميحصلش حاجة زى كده تانى

قالت بلهفه:

-لازم تروح دلوقتی

-أيوة معلش .. عشان أبقى مطمن

أومأت برأسها ..خرج .. دخلت الى الفراش وقد شعرت بأنها مرهقة للغاية .. حاولت السهر لتنتظره لكنها لشدة تعبها استسلمت لنوم عميق

فى اليوم التالى زارتها أختها للإطمئنان عليها .. كانت "ياسمين" أفضل حالاً .. قالت "ريهام: " -سبحان الله فى ناس كده بتعيش مؤذية وتموت مؤذية

قالت "ياسمين" بخفوت:

-ربنا يرحمه بأه ويغفرله

الحمد لله ان ربنا حماكي امبارح ونجاكي منه

الحمد لله

رحلت "ريهام" بعدما اطمئنت على أختها .. جاءت الخادمة لتخبر "ياسمين" أن هناك من يتصل بها على تليفون المنزل .. استغربت بشدة .. فمن يعرفها سيقوم باللإتصال بها على الموبايل مباشرة .. كمان أنها لم تعطى أحداً تليفون المنزل بل هى نفسها لا تعرفه .. أخذت الهاتف من الخادمة .. كانت تقف فى الردهة الواسعة بالأسفل .. قالت بإستغراب:

-السلام عليكم

أتاها صوت انثوى:

-های .. انتی "یاسمین"

اليوة أنا .. مين حضرتك

اننا "نانسى" .. خطيبة "عمر"

شعرت "ياسمين" بمزيج من الدهشة والغيظ.. فهي ليست خطيبته بل خطيبته السابقة .. قالت

"ياسمين" ببرود:

افندم .. حضرتك عايزاني في ايه

قالت "نانسى" بغل:

-عايزة بس أقولك حاجه يا مدام "ياسمين" .. اذا كنتى فاكره ان "عمر" نسانى تبقى غلطانه .. عمر مستحيل ينسانى انتى متعرفيش ايه اللى حصل بينى وبينه فى بيت المزرعة

صمتت "ياسمين" للحظة ثم قالت بغضب:

مسمحلكيش تتكلمي عن جوزي بالطريقة دي

حاولت "نانسى" بث سمومها مرة أخرى فقالت:

حتى لو قولتلك انى عندى دليل على اللي أنا بقوله

قالت "ياسمين" بثقه وبدون تردد:

-أنا واثقة فى جوزى جداً وفى أخلاقه .. وميهمنيش الدليل اللى بتقولى انه معاكى لانى مستحيل أصدقك .. حتى لو "عمر" قالى الكلام ده بنفسه مش هصدقه .. لو سمحتى متتصليش ببيتي تانى .. يا إما هعملك مشاكل انتى مش قدها

قالت ذلك وأنهت المكالمة وهى تشعر بالحنق .. وقفت تستعيد هدوءها للحظات .. ثم .. التفتت لتجد "عمر" فى مواجهتها .. تبادلا نظرة طويلة صامته .. كانت ملامحه خاليه من أى تعبير ولم تستطع فهم نظرته .. قال:

مين اللي كان بيتكلم

قالت بصوت خافت:

" ـنانسي"

قالتلك ايه

ابتلعت ريقها قائله:

كانت بتحاول تقنعنى ان في حاجه حصلت بينكم في بيت المزرعة

نظر اليها قليلاً .. ولكن بصمت .. ثم تركها ودخل مكتبه حيث كان ينتظره والده في الداخل .. اندمجا معاً في العمل .. وقضت "ياسمين" يومها بصحبة" كريمة" .. كانت "ياسمين "تفكر في مشكلتها مع "عمر" .. ترى هل سيسامحها يوماً .. هل سيلغي فكرة الطلاق من رأسه أم مازال مصر عليها .. كانت حائرة مشتتة .. لكنها لم تخبر "كريمة" أو أختها أو حتى "سماح" لوجود مشكلة بينها وبين "عمر" .. في المساء بعد العشاء استأذنت "ياسمين "وقالت أنها متعبة وتريد النوم .. قالت "كريمة: "

-هتنامی بدری کده .. مش عادتك

قال "نور" بإهتمام:

-تعبانه ولا حاجه يا "ياسمين"

قالت بسرعة:

ـلا يا عمو أنا كويسة بس حسه انى عايزة أريح شويه

قالت "كريمه" بحنان:

طیب یا حبیبتی تصبحی علی خیر

تصبحی علی خیر

قبل أن تغادر ألقت نظرة على "عمر" الجالس في مكانه والذي بدا عليه الضيق لكنه لم يعيرها أي انتباه .. بعد ساعتين .. صعد "عمر" الى غرفتهما .. لم يجدها بالداخل وسمع صوتاً في الحمام .. توجه الى الشرفة وفتحها ووقف فيها .. فجأة شعر بحركة خلفه .. استدار لتتسع عيناه من الدهشة .. أسند ظهره الى السور .. كانت "ياسمين" ترتدى فستان زفافها .. وهي بكامل زينتها .. كانت تبدور كأميرة .. بل كملكة متوجة .. أحسنت وضع زينتها .. فكانت في أبهى صورة .. وقفت على باب الشرفة .. تطلع اليها" عمر "وعيناه تلمعان اعجاباً وانبهاراً .. لكنه بقي صامتاً كما هو ... لم يوجه اليها كلمة .. ولم يقترب منها .. أتعبها هذا الصمت الذي طال .. فإقتربت وقفت على بعد خطوتين منه .. قطعت هذا الصمت وهي تتطلع اليه قائله:

انا آسفة يا "عمر" .. عارفه انك زعلان منى أوى .. بس أنا آسفة

قطع صمته وقال بهدوء:

انا مش زعلان منك يا "ياسمين" .. أنا مجروح منك

نظرت اليه برجاء وقالت:

-انت قولتلى انى مكنتش صريحة معاك وده صح فعلا .. وقولتلى انى مكنتش واثقة فيك وده صح فعلا انا مكنتش بثق فيك زى ما أنا بثق دلوقتى .. بس انت قولتلى انى محبتكش .. انت غلطان يا "عمر .. "

ثم قالت بصوت متهدج:

انا بحبك أوى يا "عُمر" .. ازاى مش حاسس بيا

قال بهدوء وهو مازال بعيداً عنها:

انا مشفتش منك حاجه تدل على الحب ده يا "ياسمين" .. أنا اللى كنت طول الوقت بقربلك وانتى اللى كنتى بتبعدى

نظرت اليه بألم وقالت:

-آسفة بجد .. اتصرفت غلط .. سامحنى بأه يا "عمر"

اقتربت منه خطوة ونظرت الى فستانها وتطلعت الى عينيه قائله بهمس:

" _ عمر " .. أنا أول مرة ألبس فستان فرح .. أنا لابساه عشانك انت .. عشان انا عروستك قال بدهشة:

- يعنى ملبستيش فستان فرح قبل كده

٧_

لیه ؟

مكنتش حسه انى عايزة ألبسه

لانت ملامحه قليلاً وهو يتطلع اليها .. فعلمت أنها حققت هدفاً .. اقتربت منه أكثر وتطلعت اليه بحب قائله:

متقنعنیش انك معدتش بتحبنی لانی مش ممكن أصدق

لم يستطع الاستمرار في غضبه منها .. والذي تبدد بالفعل .. ارتسمت ابتسامه واسعه على شفتيه .. فابتسمت له بسعادة وهي تتطلع الى عينيه التي لم تفارق عينيها لحظه

بدأ حياتهما وقد تعاهدا على المصارحة في كل امور حياتهما

فى صباح اليوم التالى أيقظها "عمر" بطريقته الخاصه .. ثم تركها وفتح الدولاب وأخرج منه علبة قطيفه وعاد الى جوارها .. ألبسها شبكتها ودبلها وألبسته دبلته .. ضحكت قائله:

-أول مرة في حياتي أشوف عروسة بتلبس شبكتها في السرير

-الحفلة بعد تلت أيام ان شاء الله .. لو تحبي ألبسهالك تانى في الحفلة مفيش مشكلة ابتسمت قائله:

لا هتكسف تلبسهالى أدام الناس دى كلها .. وبعدين انت خلاص لبستهالى لمس السلسلة التى لا تخلعها من رقبتها أبداً وقال:

-أيوة كده خليكي لبساها على طول .. مش عايزك تقلعيها خالص قالت بدلال:

حاضر یا حبیبی

مسح بيده على شُعرها وهو ينظر اليها بحنان قائلاً:

ليه ما قولتليش

نظرت اليه وقد فهمت ما يرمى اليه فابتسمت .. فضمها الى صدره فى حنان

حضرت عمته .. فنزل "عمر" و "ياسمين" التي كانت تبدو مختلفة .. فرحة سعيدة .. مبتهجة .. كانا يشبكان أصابعهما ببعضها البعض .. ألقت عليهما "ايناس "نظرة حقود ثم أشاحت بوجهها في عصبيه .. أيضاً "ثريا" كانت ترمقهما بنظرات غير مريحة .. قالت "ثريا" ساخرة

ایه عروستك وخداك مننا ولا ایه

تنهدت الياسمين الفي ضيق فقال العمر: ال

ايه لزمته الكلام ده يا عمتو .. ما انا معاكوا أهو

التفتت اليها "ثريا" وقالت بنبرة ساخرة:

اللى يشوف كدة يقول عروسه جديده

احمرت وجنتاها خجلاً وغضباً في آن واحد .. قال "عمر" بتحدى:

ـهى فعلاً عروسة جديدة

نظرت اليه "ثريا" قائله:

-آه عروسه فرز تانی

كادت "ياسمين" أن تغادر .. لكن "عمر" أوقفها ولف ذراعيه حولها وقربها منه .. ثم نظر الى عمته قائلاً بتحدى:

ـیعنی ایه فرز تانی

يعني يا حبيبي كانت متجوزة قبل كده..

قال "عمر" بحزم:

ـلأ مكنتش متجوزة قبل كده

رفعت "ياسمين" نظرها الى "عمر" قائله:

" عمر" خلاص

حاولت التحرر من بين ذراعيه لكنه أطبق عليها بشدة وقال لعمته:

-الأولاني ده ملمسهاش .. يعني "ياسمين" كانت بكر لما اتجوزتها

نظرت اليه عمته بدهشة وقد ألجم لسانها .. أما "ايناس" فقد شعرت بحقد فوق حقد .. فأكمل "عمر" بصوت هادر:

-يعني مفيش داعى لكلامك وتلميحاتك كل شوية .. هى متفرقش حاجه عن أى بنت تانية بتتجوز لأول مرة .. مراتى مش زى لأول مرة .. مراتى مش زى أى بنت .. هى بنت غالية أوى وعالية أوى وقيمتها عندى كبيرة أوى .. لانها عاشت طول عمرها تحافظ على نفسها من مجرد لمسة ايد ممكن تغضب ربنا .. عاشت وهى بتبص للحلال والحرام وتميز بينهم .. حافظت على نفسها لجوزها وبس .. وأنا معرفتش ان ربنا بيحبنى الا بعد ما رزقنى بيها .. لان الطيبون للطيبات .. ومش عايز الموضوع ده يتفتح تانى أبداً

ابتسمت "كريمه" التى كانت تشفق على "ياسمين" من معاملة "ثريا" .. شعرت" ياسمين" بالسعادة ودمعت عيناها فرحاً وهى ترى زوجها .. يرفع من شأنها أمام أهله .. ويتحدث عنها بتلك الطريقة .. لم تبالى بنظرات أحد وألقت برأسها على صدره .. قبل "عمر" رأسها ومسح على شعرها .. فقامت "ايناس "لتغادر مع" ثريا" التى تعللت بأن لديها بعض الأعمال الهامة .. وما هى الاحجه بعدما أفلست وألجم لسانها ولم تجد ما تقوله من كلمات

أتى يوم الحفل .. فى صباح اليوم .. بدا الجميع مهتماً بتفاصيل اعداد الحفل .. كانت "ياسمين" مع "ثريا" و "ريهام" فى غرفة المعيشة يتناقشون حول بعض تفاصيل الحفل .. عندما أتى "عمر" قائلاً:

" _ياسمين" .. فين البدلة بتاعتى ؟

التفتت اليه قائله:

في الدولاب يا "عمر"

-لأ. تعالى شوفيها

قالت بدهشة:

-أنا واثقه انها في الدولاب

قال بإصرار:

طیب تعالی شوفیهالی

صعدا معاً الى غرفتهما وكادت أن تتجه الى الدولاب لكنها أوقفها وأطبق ذراعيه حولها قائلاً: وحشتينى

ابتسمت قائله:

-كنت بتستدرجني يعني

ابتسم بخبث ومرح وقال:

-أيوة الله ينور عليكي .. كنت بستدرجك .. ودلوقتي انتى وقعتى أسيرة في ايدي

ابتسمت بسعاده ... و ... بعده فترة .. قالت:

ممكن ننزل بأه ماما "كريمه" على أعصابها من امبارح

ابتسم وقبلها قائلاً:

-ماشی یلا ننزل .. أنا عارف ماما وقت ما بیكون فی حفلة .. طول عمرها دقیقة وبتحب كل حاجة تكون مظبوطه

بعد ساعة خرجا معاً الى غرفتها وهما ينزلان على الدرج أوقفها قائلاً:

-بقولك ايه متيجي نهرب من الحفلة دى .. وأخدك ونطلع على المزرعة

قالت بجدیه وهی تحاول أن تبتعد عنه:

" - عمر" ماما "كريمه" زمانها على نار .. اتصلت بينا أكتر من مرة يلا انزل تركها على مضض قائلاً:

-يلا انزلى روحى لماما "كريمه" بتاعتك ابقى خليها تنفعك

قالت "كريمه" وهي تصعد الدرج:

-آه ما شاء الله انتوا الاتنين واقفين تتسايروا مع بعض .. وأنا ملبوخه لوحدى تحت .. يلا يا "عمر" شوف الناس اللي بيظبطوا الترابيزات والزينه بره .. وانتى يا "ياسمين" يلا تعالى معايا عايزاكي

نزلت "ياسمين" معها واندمج كل في عمله .. في المساء خرج الحفل بشكل رائع .. حضر جميع أصدقاء ومعارف العائله .. وتعرفت عليهم "ياسمين" .. أحبت البعض وتحفظت تجاه البعض .. وشعرت بسعادة غامرة عندما رفض "عمر" بأدب أن يسلم على النساء في الحفل بيده .. وأجاب بطريقه مرحه :

معلش أصل المدام بتغير

كانت واقفه تتحدث الى احدى السيدات .. عندما اقترب منها "عمر" فابتسمت المرأة وقالت لـ "عمر: "

ازيك يا "عمر" .. ألف ألف مبروك عروستك عسوله أوى

ابتسم "عمر" قائلاً:

الله يبارك في حضرتك

استأذن "عمر" وجذب "ياسمين" من يدها .. قال وهو ينظر ليها بحنان:

اننا النهارده حاسس بفرحه غير عاديه

ابتسمت قائله:

اشمعنى النهاردة

قال وهو ينظر اليها بحب:

-عشان ايدي في ايد مراتي أدام الناس كلها

توقف قائلاً بحنان:

-انا بحبك أوى يا "ياسمين" .. انتى غيرتى فيا حاجات كتير .. غيرتيها للأحسن .. أنا بجد كنت محتاج لوجودك في حياتي أوى

ابتسمت قائله:

-أنا كمان كنت محتاجة وجودك فى حياتى أوى يا "عمر" نظرا بحب وشوق الى بعضهما البعض وابتسما وكل منهما يشبك أصابعه بأصابع الآخر.. وكأنه لا يريد أن يفارقه أبداً.

بعد سبعة أشهر...

استيقظت "ياسمين" وأيقظت "عمر" قائله:

" _عمر" الحقني .. "عمر"

استيقظ فرعاً وقال:

في ايه

قالت وهي تتألم:

ـبسرعة يا "عمر" شكلي بولد

هب "عمر" واقفاً وأحضر ملابسها سريعا وصراخها يتعالى .. ألبسها بسرعة وقال:

متخفیش یا حبیبتی متخفیش

قالت وهي تتألم بشدة:

مش قادرة يا "عمر" .. مش قادرة

حملها وخرج بها مسرعاً وقال:

قولتلك بلاش نروح المزرعة دلوقتى انتى اللي اصريتي

قالت وهي وسط صرخاتها المتألمه:

وأنا كنت أعرف يعني انى هولد فى السابع

جرى "بها "عمر" وأدخلها السيارة وانطلق بها الى المستشفى .. تعالت صرخاتها فقالت الطبيبة بعد فحصها:

لسه شویة

فقال "عمر" وهو ينظر الى زوجته بأسى:

_مينفعش تديها حاجه تخفف الألم شوية

التفتت له قائله ببرود:

متقلقش كل ده طبيعي وأنا أفضل انها متاخدش حاجه

قالت "ياسمين" بغيظ وهي تصرخ:

-أنا أفضل آخد .. هو أنا اللي هولد ولا انتي

خرجت الطبيبة وهي تعطى تعليماتها للمرضة .. التفتت "ياسمين" الى "عمر" قائله بغضب: - انت السبب .. انت اللي عملت فيا كده

ضحك قائلاً:

-هو انا غصبتك على حاجه ما كله كان برضاكي يا "ياسمين"

ضحكت الممرضة مرة أخرى .. فنظرت اليها الياسمين الظرة قاتله فخرجت فوراً من الغرفة .. اقترب العمر المنها وجلس بجوارها وأمسك بيدها .. ووضعه يده الأخرى على رأسها وظل يقرأ ما حفظه في الشهور الماضية من القرآن

بعد نصف ساعة فى غرفة العمليات سمع أصوات الرضيعه .. خرجت الممرضة تعطيها له وهى تلفها .. حملها بين ذراعيه ونظر اليها .. خفق قلبه بشدة واغرورقت عيناه بالدموع .. أمسك كفها الصغير بأصابعها الصغيره الرقيقة وطبع عدة قبلات حانيه عليها .. وأذن فى أذنها .. وقبل جبينها .. ثم التفت الى الممرضة وسألها بلهفه:

" _ياسمين" كويسة

ابتسمت تطمئنه:

ايوة كويسة شوية وهتخرج

اجتمع الجميع في المستشفى وحضرت "ريهام" و "كرم" .. و "سماح" و"أيمن "وابنهما الرضيع "مازن" .. و"كريمة" و "نور" .. كانت سعادة الجميع غامرة بتلك الصغيره التي تبادلوا حملها في سعاده .. اقتربت "ريهام" من "ياسمين "قائله:

" ـياسمين" هي الولادة دي حاجه صعبه

نظرت "ياسمين" الى "سماح" قائله:

-اسألى "سماح"

ضحكت "سماح" وقالت:

-لا بلاش أنا بالذات .. أنا فضحت الدنيا يوم ولادتى

قالت "ريهام" بقلق:

انتوا هتقلقونی لیه بأه

وضعت "سماح" يدهل على بطن "ريهام" المنتفخة قليلا وقالت:

انتى لسه بدرى عليكي .. متقلقيش نفسك من دلوقتى

هتفت "ریهام: "

ده انا هموت من القلق .. وانتوا بترعبوني اكتر

قالت "ياسمين" ضاحكة وهي تغمز لـ "سماح: "

-لأ متخافيش .. ده زى شكت الدبوس بالظبط

كتمت "سماح" ضحكتها وقالت:

-آه صح .. شکت دبوس

وقف الأصدقاء الثلاثة معاً في الخارج .. قال "كرم" الذي يحمل الصغيرة:

دى صغيره أوى يا "عمر" .. ده أنّا حتى خايف أشيلها

ضحك "عمر" قائلاً:

معلش بكرة تكبر يا "كرم"

ابتسم "أيمن" قائلاً:

-يلا عقبالك انت كمان .. ربنا يرزقك ببنوته زيها

هتف "كرم: "

-لا أنا مش عايز بنات .. كفايه عليا واحدة في البيت .. اذا كان واحدة ومطلعة عيني .. مش هقدر انا على اتنين حريم في البيت .. أنا عايز ولد عشان نبقى اغلبيه ساحقه و "ريهام" تحس انها أقليه

ضحك "أيمن" و "عمر" الذي قال:

اغلبیه ایه واقلیه ایه یا ابنی هو برلمان

قال "كرم" بمرح:

-ما انتوا متعرفوش اللي بيحصل في صاحبكوا .. أنا قولت من الأول مالى ومال الجواز

قالت له "ريهام" الواقفه خلفه:

بتقول حاجه يا "كرم"

التفت اليها بسرعة قائلاً:

-كنت بقول ل "عمر" و "أيمن" .. ما أحلى الجواااااز .. نعيم نعيم نعيم

رفعت حاجبها قائله:

-آه .. ماشي

رحل الجميع الى بيت المزرعة .. وعاد "أيمن" و "سماح" وابنهما الى بيتهم

دخل "كرم" و "ريهام" الى احدى الغرف ببيت المزرعة .. وقفت "ريهام" تغير ملابسها فاقترب منها "كرم" التفتت اليه قائله:

مخصماك على فكرة

ابتسم قائلاً:

لیه یا حبیبتی

قالت بدلع:

-عشان اللى قولته لصحابك في المستشفى .. ماشى يا "كرم" مكنتش أعرف انك ندمان على جوازك منى بالشكل ده

لفها اليه ونظر في عينيها قائلاً:

-انتی مجنونة .. أنا اندم انی اتجوزتك .. ده انتی حب حیاتی .. ده انتی كل حاجة حلوة فی حیاتی یا "اریهام"

ابتسمت قائله:

بجد یا "کرم"

بجد یا حبیبة قلب "کرم" "ریهام"

ابتسمت له وتلاقت أعينها في سعادة.

جلس "عمر" بجوار "ياسمين" على السرير وابتسم وهو يراها ترضع الصغيره وقال:

مش قادرة أصدق .. القمر دى تبقى بنتى

ابتسمت "ياسمين" قائله:

الموره أوى صح .. وصغنونه أوى

أمسك "عمر" أصابعها الصغيره ولفهم على اصبعه وقبلها .. التفت الى "ياسمين" وقبل رأسها قائلاً:

ربنا يخليكوا ليا انتوا الاتنين وتفضلوا منورين حياتى على طول

نظرت اليه "ياسمين" قائله:

-هنسميها ايه .. أنا احترت .. لسه ما استقرناش على اسم

قال العمر: ال

-لأ أنا خلاص اخترت اسمها

ایه هو ؟

نظر اليها بشك قائلاً:

-خایف میعجبکیش

ابتسمت وقالت:

طالما انت اللي اخترته يا "عمر" أكيد هيعجبني

نظر في عينيها قائلاً:

ـنفسى أسميها "عائشة"

نظرت اليه:

اشمعنى اعائشةا

نظر الى الصغيرة وهو يمسح وجهها بأصابعه وقال:

-على اسم أم المؤمنين عائشة . لما قرأت عنها حبيتها أوى .. وحبيت انى أسمى بنتي بإسمها ثم نظر الى "ياسمين" وقال:

عجبك ؟

انحن لتطبع قبلة على وجنته وقالت:

طبعاً عجبني

نظر "عمر" اليها قائلاً:

-انت عمرى يا "ياسمين" .. ربنا يقدرني وأحافظ عليكوا انتوا الاتنين

قالت بحنان:

بحبك أوى يا أحن "عمر" في الدنيا

ابتسمت ونظرت الى زوجها وابنتها بسعادة .. لم تنسى أن تحمد الله على ما رزقها .. وعلى ما عوضها به عن كل ما قاست فى حياتها فكان جزاء صبرها تلك السعادة التى بين يديها .. ودعت لوالديها بالرحمة والمغفرة .. نظر "عمر" الى ابنته الصغيره والى زوجته .. وقبل جبين كل منهما ولف ذراعيه حولهما وهو يعاهد الله عز وجل على أن يحافظ على تلك الأمانة التى ائتمنه عليها .. تبادلا نظرات صامته تشى بحب كل منهما للآخر وتمسك كل منهما بالآخر .. ورغبة كل منهما فى اسعاد الآخر .. والتقت العيون لتمضى عهداً بالحب والمودة والرحمة والتسامح والمشاركة .. طوال العمر.